









32

6 E

26









CORNELIUS IANSSENIUS ,
Episcopus Yprensis .

*Sublimem ingenio, magnis qui contudit ausis
Impia Lefsiadum dogmata, cerne Virum:
Expertum toties infestae fulmina Romae.
Dum stetit hac victrix Gratia Dia manu.*
R.

MELCHIORIS LEYDECKERI
DE
HISTORIA JANSENISMI
LIBRI VI.
QUIBUS DE
CORNELII JANSENII
VITA ET MORTE,
NEC NON

De Ipsius & Sequacium Dogmatibus
differitur.



TRAJECTI ad RHENUM,
Apud FRANCISCUM HALMAM, Academiæ
Typographum, clc lcc xcv.



ILLUSTRISSIMO VIRO

D. D.

EVERHARDO^a WEEDE,
TOPARCHÆ de WEEDE,
DYKVELD, RATELES &c.

SUMMIS

IN REPUBLICA HONORIBUS
AC MUNERIBUS,

U T I

VARIIS AD REGES AC PRINCIPES
LEGATIONIBUS, NEGOTIISQUE
PRO PATRIA GESTIS
INCLUTO, CONSPICUO,

S. P.

Vir Nobilissime,



RELIGIONIS Christianæ
Mysterium est, originem
boni & mali invenire,
de Naturâ à Deo pri-
mum Institutâ, ac deinde Lapsâ

†

rectè

DEDICATIO.

rectè docere, Gratiamque Christi Servatoris celebrare, quâ ex Dominio peccati ad Regnum Dei valida veluti manu traducimur. Igitur in eô fuere Protestantes, maximèque Reformati, quando Româ egredèrentur. Nempè inolitòs ibi Pelagianos errores ferre nequibant; hinc condemnandi à Tridentino Concilio, quod suis anathematis eos ferit, æternùmque quasi bellum ipsis indixit. Neque inde mutata Romanorum mens est; potius effèrbuit magis; facientibus Molinistis, qui ut fortius Reformatis obfisterent, naturæ laudes extulere admodum. Quamquam repugnarent Viri cordatiores ex Dominicano

DEDICATIO.

& Augustiniano Ordine ; sed frustra ; quum istorum molimina damnare Romana Curia non sustineret. Interea non nisi horum murmura audiebantur, usque dum ortus est Jansenius, qui consiliis cum J. Vergerio, Abbate Sancy-rano, agitatis, ingens scripsit Volumen, quod Augustum AUGUSTINI nomen meretur, ut Jesuiticos errores perstringeret, ipsius Hipponensis sententiâ damnaret, atque ejiciendos Scholis & Templis contenderet. Unde fieri non potuit, quin ubique gravissimæ moverentur turbæ, victis tamen Jansenitis, favore Romanorum Pontificum, qui ipsorum dogmata nimium Reformatæ fidei con-

DEDICATIO.

sona, suæque adversa Religioni arbitrabantur.

Quæ verò, VIR MAGNE, qualisque sit Jansenii & Sequacium doctrina de Libero Arbitrio & Gratia, quæque Ethica Jesuiticis dogmatis, vulgarique Scholasticorum Theologiæ opposita, hoc opere referre animus est. Nec inutilis erit labor: quum Jansenismus multam hujus sæculi historiam faciat, & tamen Eruditibus omnibus haud palam innotuerit. Sane disputatum fuit à Jansenitis de Articulis longè maximi momenti, id est, de Causis salutis, magnâ animi contentione; hoc eventu, quod damnati fuerint Romæ, quæ inde ipsos ceu

DEDICATIO.

hæreticos persecuta est, consilio maximè Jesuitarum, qui in id intendebant, ut Augustinus caderet; & triumpharet Pelagius. Atqui hæc manifesta esse toto Orbe necessum est, quò Ecclesiæ Romanæ faciès conspiciatur, nullusque dubitet, Patrum justissimum Româ excessum fuisse, & quidem absque regressu, quum illa, conversionis nullâ ad Euangelium de Gratiâ Christi datâ spe, in pejus ruat. Id enim ex hac de Jansenismô Historiâ Sole clarius apparebit.

Tibi autem, VIR SUMME, Opusculum hoc offero multâ ratione. Nec enim ignoras quid inter Jansenitas eorumque Adversa-

DEDICATIO.

rios moveatur litium, qui Reipublicæ causa aliquandiu in proximis oris egisti, ubi ipsorum disputationibus omnis semita fervet.

Neque Tibi, dum eò suscipis iter, injucundum erit hoc in volumine depictas cernere controversias, quæ isthic ubique moventur. Saltem fieri potest, ut quandam lucem afferam Tuæ peritiæ, ipsisque vexatis & involutis quæstionibus, ubi una alteraque pars se ipsam tegit ac adversam accusat, nec satis forte ex verô, uti moris est altercantibus. Saltem debui hunc TUO NOMINI ponere honorem, ac publicè testari, quantum Tibi debeam, qui tot ac tanta pro Patriæ salute negotia
 fu.

D E D I C A T I O.

sustinuisti olim , atque etiam nūm
sustines , indefesso labore , herōi-
ca fortitudine , præstantissimoque
consilio ; his enim virtutibus ipsis
totâ Europâ Regibus es amicus , ut
hostibus venerandus. Præterea uti
mei fuit officii , quæ tracto studia ,
Principibus in Republicâ Viris ,
nostræ Palladis Tutoribus & Fau-
toribus , plurimumque Tibi , VIR
EXCELLENTISSIME , probare , in-
gratus forem nisi publico testimo-
nio profiterer , quàm mihi semper
honos nomenque tuum laudesque
manerent , memori mente , haud
datura oblivioni maximos Fauto-
res , quibus me multis ab hinc an-
nis gaudere voluisti. Hoc sane erit
debitæ monumentum Εὐχαριστίας , quæ
nunq̃

DEDICATIO.

rios moveatur litium, qui Reipublicæ causa aliquandiu in proximis oris egisti, ubi ipsorum disputationibus omnis semita fervet.

Neque Tibi, dum eò suscipis iter, injucundum erit hoc in volumine depictas cernere controversias, quæ isthic ubique moventur. Saltem fieri potest, ut quandam lucem afferam Tuæ peritiæ, ipsisque vexatis & involutis quæstionibus, ubi una alteraque pars se ipsam tegit ac adversam accusat, nec fatis forte ex verô, uti moris est altercantibus. Saltem debui hunc TUO NOMINI ponere honorem, ac publicè testari, quantum Tibi debeam, qui tot ac tanta pro Patriæ salutē negotia

DEDICATIO.

sustinuisti olim, atque etiamnum
sustines, indefesso labore, herôica
fortitudine, præstantissimoque
consilio; his enim virtutibus ipsis
totâ Europâ Regibus es amicus, ut
hostibus venerandus. Præterea uti
mei fuit officii, quæ tracto studia,
Principibus in Republicâ Viris,
nostræ Palladis Tutoribus & Fau-
toribus, plurimumque Tibi, VIR
EXCELLENTISSIME, probare, in-
gratus forem nisi publico testimo-
nio profiterer, quàm mihi semper
honos nomenque tuum laudesque
manerent, memori mente, haud
datura oblivioni maximos Fauto-
res, quibus me multis ab hinc an-
nis gaudere voluisti. Hoc sane erit
debitæ monumentum Εὐχαριστίας, quæ
nun-

D E D I C A T I O.

nunquam animo excidet, dum spiritus hos artus reget, & perpetuum solemnes quasi preces concipiet, ut vegeta, senili licet ætate, diu in terris sospes vivas Reipublicæ & Ecclesiæ emolumento, ac procurata pace totius Europæ tandem aliquando fruaris fructu laborum, quos in spem melioris sæculi, tantô in Patriam studiô & affectu subivisti.

Sic humillime vovet,

VIR ILLUSTRISIME,

Tuus

ad

Ultraj. ipsis Idibus Junii.

1695.

omnia officia & obsequia

MELCHIOR LEYDECKER.

PRÆ-

PRÆFATIO
A D
LECTOREM.



RODIIT Anni xciv. initio Innocentii XII. Decretum, quod Prædecessorum, præsertim Innocentii X. & Alexandri VII. Bullæ iterantur in Jansenium, quod in vicinô Belgio ipsius differerentur Dogmata, atque a Jesuitis damnati erroris, id est Jansenitici, postularentur, quicumque Dogmata de Efficaciæ Gratiâ ex Augustino fortius assererent, & Molinistica Lojolarum similitumque consilia non ferrent.

Atque horum Primipili erant nonnulli Episcopi, ipsorumque Primas Mechliniensis, qui eò tendebat totus, ut Jansenitas omnes, etiamque suspectos Jansenismi, muneribus arceret vel eiceret. Quare ad Pontificem suas querelas de Novatorum erroribus & motibus detulit, postulato in eos Decreto, ut gravius premeret. Quamquam Viri Egregii non patiebantur se injustis accusationibus, aut iniquis persecutionibus affligi ab istis, qui antiquam in Belgio Augustini de Gratiâ Eidem exterminatam vellent, institutâ vicissim ad Papam provocatione, quod

adversus calumnias & odia suorum hostium tuti forent.

Quæ autem *Archiepiscopus Mechliniensis, Guiljelmus Humbertus a Præcipiano* suis ad Pontificem literis questus fuerit nova monstra, quasi sæculum viveret Pyrrhæ, exposuit *Pastorali* ad subditos sibi *Epistolâ*, quam quoque ex Latino sermone in vernaculum verti præcepit. Hæc autem, quia ad nostras manus pervenerit, operæ pretium putavimus, ut brevem Lectori Summam exhiberemus.

Igitur ante omnia dolet Mechliniensis iste Præsul, Belgium intestinis dissidiis turbari, arma armis opponi, altare erigi adversus altare, crucemque adversus crucem, magno Bonorum cordolio, at Hæreticorum gaudio, quum inde ipsis vires accrescant, quæ Ecclesiam Romanam fortius oppugnent. Maximè quum videre contingat Viros, qui suis Dogmatis ad illos accedunt, de Pontificiâ autoritate contemptim loquuntur, veterem Ecclesiam extollunt, hodiernam aspernantur, Disciplinam Ecclesiasticam postulatæ Reformationis prætextu evertunt, iisdemque armis & artibus utuntur, quibus soliti vereres Calvinistæ, minori quidem violentiâ, sed majori astutiâ. Adde quod isti Religiosos Ordines (tantopere ob Eruditionem Hæreticis metuendos) sævis crassisque convitiis petant & affligant, aliosque Clericos, quos habent Adversarios,

A D L E C T O R E M.

farios, quòd nova oderint, & veteri Disciplinæ adhærerent, eadem excipiant gratiâ, ut omnia sursum deorsum vertere conarentur.

Porro luget Archiepiscopus indoctam Plebem in partes scindi, dubiam, quos Doctores sequatur, quum id, quod ab illis ut Divinum Dogma offertur, ab istis uti venenatum & pestiferum depingi videat. Utique Probi obstupescunt, quando frequentem Communionem audiunt uti necessariam, ad augendam pietatem & amorem, medium commendari; Ab alterâ parte deterri ab eâ, tanquam periculosa & incerta Animabus medicina, nisi recipiatur ab Animabus, quæ exutæ terrenis amoribus, supra humanam imbecillitatem se extollunt.

Nec minus turbantur, quando a sacro Confessionis Tribunali arcentur, ut indigni, qui Remissionem accipiant, ceu Inferni victima, atque adeò nimio rigore Disciplinæ impediuntur, ne ad secundam post naufragium Tabulam accedant; quando interim eadem cum Præparatione, Confessione, Proposito Pœnitentiæ, ambabus aliis ab aliis recipiuntur Sacerdotibus, qui non minori reverentiâ antiquam Ecclesiæ Matris Misericordiam venerantur.

Nec minus distrahuntur hominum animi, quando vident cultum Divæ Matris a Novatoribus reprehendi, moveri loco sacras illius Imagines, Peregrinationes ad ejus Sacella, Erasini irri-

fionibus & cachinnis rideri, Confraternitates in illius honorem institutas contemni; quum alii pristinam erga B. Virginem pietatem, ceu signum Catholicæ Fidei, commendant & tuentur.

Quod verò de cultu S. Virginis, idem de veneratione Sanctorum, Imaginum, & Reliquiarum dici debeat. Etenim compertum erat varias novitates de illa spargi, quæ Plebes admodum perturbabant. Imò eò nonnulli processerant audaciæ, ut Communionem Sanctorum, quorum merita ex Ecclesiæ Thesauro a Pontifice per Indulgentias distribuuntur, contempserint, & probam in Indulgentiis fiduciam, uti vanam & superstitiosam perstrinxerint. Nec defuit homo, qui antiquum & sanctum Sacrificii usum ad consolationem mortuorum calumniatus est, quasi magis ad solatium Sacerdotum, dum epulantur, quam laborantium in Purgatorio tenderet.

Nec sine animi perturbatione conspici poterat, quod laudarentur Libri vernaculâ scripti Linguâ, quasi sublimia, nec omnibus propinanda, ex limpidissimis tamen aquæ vitæ fontibus deducta mysteria continerent; Quos tamen alii Orco esse natos, Satanæ arma, foetidas paludes, damnatis plenos Dogmatis, Inferni flammis exurendos, nec ab ullo, nisi cum summo Animarum periculo legendos, arbitrantur.

Atque hæc quidem cum questus esset Archiepiscopus, mox ait, id sibi negotiū ante omnia datum,

A D L E C T O R E M.

datum, ut dissidia hinc orta tolleret, contendendum animos conciliaret, concordiam curaret; loliæque a salutaribus herbis secerneret. Eò autem spectatura esse monita, quæ jam in animo habebat Clero sibi subdito, maxime ex S. S. Caroli Boromæi & Francisci Salesii instructionibus præscribere.

I. Erat, ut observentur Ecclesiasticæ Constitutiones & Decreta, quæ ad fidem & mores spectant. Nempe ad hanc *infallibilem Normam* omnia, quæ dicerentur, aut scriberentur, erant exigenda, prohibito eorum studio, qui ista Decreta ad libitum torquerent, vel iis seu verbis seu scriptis obloquerentur, procul habitâ Pontificis autoritate, quæ omnibus summe veneranda esse debeat.

II. Ut nemo penes se retineat Libros ab Apostolicâ Sede prohibitos, aut in manibus sibi subditorum ferat; imò, secundum Canonem IV. Tridentini Indicis, promiscuè S. Scripturam ab omnibus legi non permittat; Contrà verò apertè doceat, Lectionem S. Scripturæ vernaculâ linguâ cuicumque non licere; sed eò permissionem esse postulandam a Pastore vel Confessario, qui tamen Lectionem permittere non debeat, nisi illis, quos norit ex eâ nihil detrimenti, sed incrementum fidei & pietatis capturos, datâ simul scripto legendi licentiâ. Præsertim unusquisque curet, ut execrabilis ista Versio Montensis,

tenfis, a Romanâ Sede prohibita. In omni loco ex-
ulet, ne quis eam oculis adspiciat, vel manibus
contrectet, nisi ius & potestatem habeat. Pari-
ter nemo sustineat *Missale in gallicam linguam*
versum legere, sub Excommunicationis, latæ
sententiæ, poenâ.

III. Ut pietas erga S. Virginem Deiparam
summè commendetur, ejusque cultus exigatur
& augeatur: Ut illius Imagines, maximè, quæ
Miraculis inclytæ, visitentur, in Processionibus
gestentur, Cereis accensis, Litanis, Hymnis &
aliis Precibus honorentur: Ut Confraternitates
Divæ Matris honori erectæ, earumque Privilegia
a Pontifice data, observentur, novæque in-
stituantur. Porro ut post S. Virginem ex antiquâ
pietate honorentur Sancti, cum in iis celebretur
J. Christus, per eos ad nos Dei Beneficia de-
fluant, illique tempore Belli, Pestis, Famis,
optimi ad iratum Christum sint Intercessores,
quum pro ipsius Nomine sanguinem fuderint,
aut crebris afflictionibus in continuâ virtutum
praxi suam vitam emaceraverint.

IV. Ut Diebus Dominicis & Festis quivis
Pastor suâ in Parœciâ initia Fidei rudes doceat,
aut id a Religiosis fieri permittat: sic tamen, ut
nulli in usu sint Catechismi, nisi qui sint appro-
bati. Deinde caveat summa Prædestinationis My-
steria, aut Dogmata de Gratiâ Efficaci, concor-
diæque Liberi Arbitrii cum istâ Gratiâ, pertra-
ctare;

A D L E C T O R E M.

Etare ; quum Plebs ea non intelligat , nec iis ad pietatem uti possit. Præsertim attendat , ne Pulpita mutantur in Comica Aristophanis Theatra , in quibus Ecclesiæ Romanæ Fides traducatur & prostituatur.

V. Ut Sacramentum Pœnitentiæ recto ordine administretur , neque adeò peccetur nimio rigore , vel facilitate. Saltem hic commendetur modestia , castitas , gratia , misericordia , & exerceatur procut istorum hominum severitate , qui antiquos Ecclesiæ mores hic corrigere sustinent , cum omnis mutatio aut correctio ad Papam pertineat. Præprimis caveat quisque exigere satisfactionem ante remissionem , aut nimium inquire in crimina , ne docere ea videatur ; aut imponere non satis convenientes peccatis poenas , aut violare Confessionis Sigillum.

VI. Ut urgeatur frequens Eucharistiæ Communio , adversus illos , qui illam oppugnant , dum ægros a medicina abigunt , maximè ne Communio Paschalis in diem Pentecostes differatur.

VII. Ut de Indulgentiis antiqua Patrum fides retineatur , & Plebs doceatur servare piam in istis Thesauris fiduciam , & augere ; Imò verò in id laborare , ut meritis Ecclesiæ suæ quoque addat merita , adeoque auctiorem , in rem proximi sui , hunc Indulgentiarum Thesaurum efficiat.

VIII. Ne

VIII. Ne quis misericordiam erga Defunctos negligat, vel reprehendat, sed retineat, commemoratis fructibus, qui inde resultant ad vivos; haud dignos; utique post mortem aliorum misericordiâ & intercessionibus, qui, dum vivunt, de mortuorum fuerint obliti.

IX. Ut inter Clericos & Religiosos concordia obtineat, & mutui officii continua æmulationio, procul contemptu, cum pariter Fratres sint, & fortissimi pro Ecclesiâ Catholicâ milites adversus Hæreticos, qui quovis modo Fidelium salutem insidiantur.

Et hæc quidem suâ Pastorali Epistolâ Mechliniensis Præsul, qui jam suos questus ad Curiam Romanam perscripserat. Illos autem augebant Antverpiensis, Brugensis, Gandavenensis & Ruremondensis, Episcopi. Nec deerat Professor Regius & Vicarius Generalis Apostolicus Sylvæducensis, M. Steyartus, quasi probè suis delationibus munere fungeretur. Quin etiam addebant Jesuitæ alique, quos inter Augustiniani quidam & Thomistæ, oleum caminô, laxissimis Tabulis, Mapparum instar Geographicarum, editis, ut pensiles parietes ornarent, queis ingentem errorum Janseniticorum farraginem simul oculis objicerent. Etenim illas ilicò misère Romanam ad Innocentium XII. *Cui reservata foret Jansenismi exscindendi gloria.*

Prioris Tabulæ Titulus erat, *Jansenismus omnem*

A D L E C T O R E M.

omnem Religionem destruens. Quod deinde **IX.** Gradibus, notatis tum Dogmatis, tum Authòribus, ostenditur.

I. Gradus est, *Extinguens omnem pium affectum erga Deum, in Christum amorem & studium bonorum operum.*

II. *Omnem ex Ecclesiâ Judicem infallibilem eliminans.*

III. *Omnem destruens Hierarchiam Ecclesiasticam.*

IV. *Venerationem Imaginum & Sanctorum, etiam Deiparæ cultum convellens.*

V. *Indulgentias convellens, & a Sacramentis Pœnitentiæ & Eucharistiæ avertens.*

VI. *Odium & Calumniæ in Religiosos.*

VII. *Criminationes & Contumeliæ adversus Episcopos & Vicarios Catholicos.*

VIII. *Injurius Regibus, eorumque subruens authoritatem.*

IX. *Pseudopoliticâ & versatili praxi Regulam IV. Indicis Tridentini proculcans, sive omnibus sine scrupulo Lectionem S. Scripturæ in Lingua vulgari & Lectionem Librorum omnium prohibitorum permittens.*

Et quasi una hæc Tabula accendendo in Jansenismum odio non sufficeret, addebatur mox altera, multò major, cui Titulus: *Jansenismus plurimas hæreses & errores damnatos pertinaciter defendens, quod itidem IX. Gradibus demonstratur.*

I. est,

I. est, Resuscitans Propositiones Bajanæ, quibus arroditur Omnipotentia Dei, perfectissimumque in res creatas dominium, beneficentia erga Angelos Sanctos & electos Homines, tum ante, tum post lapsum, etiam erga S. Dei Genetricem.

II. Renovans errores ab Ecclesia in Bajo damnatos, quibus via sternitur ad evertendam hominis Libertatem, Dei Sapientiam, Bonitatem & Justitiam.

III. Continens V. famosas Hæreses Jansenii ab Ecclesia damnatas.

IV. Complectens Propositiones XV. ex XXXI. damnatis ab Alexandro VIII. tanquam Hæreticis, Schismaticis &c. respectivè.

V. Exhibens Propositiones reliquas eadem Alexandri VIII. Constitutione damnatas.

VI. Propositiones Decreto Alexandri VIII. condemnatas, etiam post inflictum iis Anathema, propugnans.

VII. Complectens Hæreses & Errores maxime abominandos respectivè circa Sacramenta, Pontificem, Concilium Tridentinum & Ecclesiam.

VIII. Compendiosa, pertinax defensio Hæresum M. Baji, Cornelii Jansenii, Michaelis Molinos, totius denique Jansenismi & quidem post manifestam condemnationem.

IX. Continuata Jansenistarum pertinacia, etiam post editionem Tabulæ, cui titulus, Jansenismus omnem Religionem destruens.

A D L E C T O R E M.

En, Lector, Tabulas in Jansenitas ut depingerentur, editas, quasque huic Opusculo suffixas videre liceat! En iracunda hostium in hos consilia! Neque tamen hi suæ causæ deerant. Etenim ut ab Archiepiscopi Mechliniensis persecutionibus tuti essent, appellabant ipsi ad Papam, accedentibus Viris Doctissimis, qui omnes, a Molinistis alienos, Jansenismi promiscue a Jesuitis accusari non ferebant.

Igitur missus est Lovanio Romam, etiam ab Universitate, Vir singularis prudentiæ & eruditionis, *N. Hennebel, Doctor Theologus*, ut afflictorum ibi causam ageret. Et egit prudentissimè, adversarium habens Augustinianum quendam Monachum, qui accusationes instituebat, nixus præsertim Estræi Cardinalis, jussi a Rege Ludovico Bullam in Jansenistas petere, authoritate & tutelâ. Imò verò ab eruditis & rerum non ignaris, summâ fuit veneratione exceptus, affirmans se non venisse, ut damnatas V. Propositiones defenderet, simulque pollicitus se suosque nihil dicturos scripturosve, quod a S. Sede fuisset damnatum. Attamen intolerandum, agebat, esse, quod quivis eruditus mox Jansenismi postularetur, qui non Jesuiticis dogmatibus & superstitionibus assurgeret.

Et favebat Hispaniarum Regis Legatus, qui Regio instructus Mandato non ferebat Gallicis aut Jesuiticis persecutionibus in Belgio Viros hone-

P R Æ F A T I O

honestos premi aut affligi. Non ignota erant eorum consilia.

Igitur negotio sat diu coram Pontifice disceptato, editum tandem est Decretum, quo quidem famosæ V. Propositiones iteratò damnantur; at simul maledico Jesuitarum similiumque ori fræna injiciuntur, ne promiscue in Eruditos, ceu Jansenismi suspectos & reos sævirent.

Et dum illius Decreti data est copia, istud hic repræsentare visum fuit.

Breve Sanctissimi Domini Innocentii Papa XII. ad Episcopos Belgii.

Venerabilibus Fratribus, Archiepiscopo Mechliniensi, Episcopis Antverpiensi, Brugensi, Gandaveni, & Ruremondensi.

Venerabiles Fratres, Salutem & Apostolicam Benedictionem. Nuper ex Literis Fraternitatum Vestrarum primum accepimus, orta esse aliqua inter Theologos Belgii dissidia; dum alii alios incusant tanquam novarum opinionum Sectatores, qui cum verbo, tum scriptis, Constitutiones felicitis recordationis Innocentii X. & Alexandri VII. Prædecessorum nostrorum, in quibus quinque Propositiones ex Libro Cornelii Jansenii, cui titulus est

AD LECTOREM.

est AUGUSTINUS, excerptæ & damnatæ, unâ cum Formulario Juramenti in earundem condemnationem præstandi, continentur, variis interpretationibus inutiles & inefficaces quodammodo reddere non sine gravi animarum detrimento conantur. Cùmque maxime nobis curæ esse debeat, pro debito Pastoralis regiminis nobis ex Alto commissi, ut semper firmæ Prædecessorum nostrorum Constitutiones permaneant in rebus quæ ad Orthodoxæ Fidei integritatem conducunt, ad dissidia omnia, quæ Ecclesiæ & Fidelium pacem perturbant, compescenda; in primis præcedentibus Constitutionibus Innocentii X. & Alexandri VII. exemplo Prædecessorum nostrorum firmiter in hærentes, easdem in suo robore fuisse & esse declarantes, Fraternitatibus Vestris, de quarum zelo & pietate plurimum in Domino confidimus, mandamus ut contra omnes & quoscunque, (cujuslibet statûs, gradûs, & conditionis existant) qui ausu temerario prædictas quinque Propositiones sic damnatas in Constitutionibus Innocentii X. & Alexandri VII. publice vel privatim, tam in Scholis quam in Concionibus, verbo vel scripto defendere præsumserint, servato tamen juris ordine, procedatis, eosque debitis penis in iisdem Constitutionibus contentis puniri curetis; cùm ad comprimendum tam grave malum, quod jam diu Catholicam Ecclesiam vexat, efficacius

P R A E F A T I O

remedium adhiberi non posse videatur. Præterea Fraternitatibus Vestris injungendum duximus, prout per Præsentes injungimus, ut pro vestrâ pietate & prudentiâ, facultate illâ quâ per Constitutionem Apostolicam muniti estis, ita Formularii subscriptionem, seu Juramentum, ad praxim reducat, ut in exigendo juramento prædicto zelus & charitas vestra quam maximè eluceat, ne alicujus fama indebitè lædatur, aut detractionibus & murmurationibus locus detur. Quare præcipimus, ut quemadmodum ii, qui ad juramentum adigendi sunt, illud præstare debent sincerè, absque ullâ distinctione, restrictione, seu expositione, damnando eas Propositiones ex libro Jansenii excerptas in sensu obvio, quem ipsamet Propositionum verba præ se ferunt, prout sensum illum damnarunt Summi Pontifices, Prædecessores nostri, damnatumque haberi voluerunt à Christi Fidelibus; ita per Fraternitates Vestras ab iis, qui Formulario præscripto subscribent ac juramentum præstabunt, præter formulam ipsam traditam, verbaque in Constitutione Apostolicâ præscripta, quidquid aliud vel minimum declarationis, interpretationis, aut explicationis, verbo vel scripto, non exigatur, etiam sub prætextu, quod additiones ad nos transmissæ comprehendantur seu contineantur in Formulario Alexandri VII. Cæterum ad præcaven-

das

A D L E C T O R E M.

das omnium dissidiorum causas, quæ Christianam pacem dilacerant, nos quoscumque alios sensus Formularii, præter eum quem ipsius verba exhibent, afferri, vel usurpari, aut de his disputari, interdicimus & prohibuimus, ac super eisdem Formularii interpretatione, sicut & prædictarum Propositionum in alios sensus, præter eum quem ipsa verba per se exhibent, perpetuum silentium imposuimus, ut ex nostris Decretis tam super ipso silentio, quàm super prohibitione omnium Librorum, editorum & edendorum, in hac materiâ plenius innotescet; cùm ad Summum Pontificem dumtaxat pertineat sensum, quem in his Propositionibus damnaverit, & ut damnatum à Fidelibus credi censuerit, declarare. Demùm ad extinguenda Theologorum jam pridem inter se se excitata dissidia, Fraternitatibus Vestris, quantum in Domino possumus, præsentibus nostris Mandatis injungimus, ne ullâ ratione quemquam vagâ istâ accusatione & invidioso nomine Jansenismi traduci aut nuncupari sinatis, nisi prius suspectum esse legitime constiterit aliquam ex his Propositionibus docuisse, aut tenuisse, nec quemquam sub hoc prætextu repellere ab officiis, muniis, beneficiis, gradibus, ac concionibus habendis, vel alia quacumque functione Ecclesiastica permittatis, nisi, servato juris ordine, eam pœnam, quæ Viris

P R A E F A T I O.

alioquin Catholicis gravissima est, commeruisse probatum fuerit. Hæc ad Fraternitates Vestras rescribenda decrevimus, non de vestra voluntate & studio erga Ecclesias fidei vestræ creditas diffidentes, sed animi nostri affectum, & omnium Ecclesiarum sollicitudinem testificantes; ut tandem, qui Pastor Pastorum est, vigilasse Vos in Gregis vestri custodia Divino suo judicio comprobare dignetur. Fraternitatibus interim Vestris Apostolicam Benedictionem peramanter impertimur.

Datum Romæ die 6. Febr.

1694.

Habes, Lector, Papæ in Jansenitas Decretum, quod pariter Jesuitas eorumque persecutiones in Viros, ipsis multò meliores, coërcet. Hoc tamen inde secutum est mali, quod Episcopi, quibus Innocentius respondit, simulque M. Steyartus, accusatorum primipilus, præceperint, ut omnes, qui publicis muneribus fungerentur, jurejurando se Formulæ adversus V. Propositiones conceptæ subscriberent, uti ex Episcopi Antverpiensis & M. Steyarti ad sibi subjectos Literis est manifestum.

JOANNES FERDINANDUS
 Dei & Apostolicæ Sedis Gratiâ
 Episcopus Antverpiensis

Omnibus has visuris, Salutem in Domino.

CUm placuerit SS. D. N. Innocentio PP.
 XII. per Litteras Apostolicas in Forma
 Brevis ad nos novissimè directas; decla-
 rare, se firmiter inherere Constitutionibus
 Prædecessorum suorum fel. record. Innocentii X.
 & Alexandri VII. in quibus quinque Propo-
 sitiones ex Libro Cornelii Jansenii, cui titu-
 lus AUGUSTINUS, excerptæ & damnatæ, unâ
 cum Formulario juramenti in earundem con-
 demnationem præstandi continentur, easque in
 suo robore fuisse & esse, nosque per Constitu-
 tionem Apostolicam munitos esse facultate For-
 mularii, subscriptionem seu juramentum exi-
 gendi, in cujus rei praxi zelum nobis & cha-
 ritatem commendat, nos qua par est prompti-
 tudine ac filiali observantia Sanctissimi Patris
 ac Domini Nostri placito obsequi volentes, in
 primis necessarium esse duximus, omnes &
 singulos, ad quos pertinet, ne quis deinceps
 ignorantie aut inadvertentie prætentui locus
 sit, de eo, quod concernit tenorem ipsius For-

P R Æ F A T I O.

mularis, sensumque in quo jurandum erit, per præsentēs opportunè præmonere.

Formulare autem est, ut sequitur.

EGO N. Constitutioni Apostolicæ Innocentii X. datæ die 31. Maii 1653. & Constitutioni Alexandri VII. datæ 16. Octobris 1656. Summorum Pontificum me subjicio, & quinque Propositiones ex Cornelii Jansenii Libro, cui nomen AUGUSTINUS, excerptas & in sensu ab eodem Authore intento, prout illas per dictas Constitutiones Sedes Apostolica damnavit, sincero animo rejicio ac damno, & ita juro, sic me Deus adjuvet, & hæc Sancta Dei Evangelia.

Porro noverint, juramentum istud præstandum esse ad mentem SS. D. N. præfati in Litteris Apostolicis clarè & distinctè expressam; nimirum sincerè absque ulla distinctione, restrictione seu expositione, damnando eas Propositiones ex Libro Jansenii excerptas, in sensu obvio, quem ipsamet Propositionum verba præ se ferunt, prout sensum illum damnarunt Summi Pontifices Prædecessores nostri, damnatumque haberi voluerunt à Christi Fidelibus.

Hæc quæ Os Domini per suum in orbe Vicarium locutum est, omnibus ad quos spectant pro de-

AD LECTOREM.

debita sanctæ Matri Ecclesiæ obedientia ac submissione, serio expendenda, & quàm accuratissime observanda committimus. Datum Antverpiæ in Palatio nostro Episcopali die 4. Martii 1694.

De mandato Illustrissimi ac Reverendissimi Domini Episcopi præfati

L. De Grez. Secret.

MARTINUS STEYART,
Presbyter S. T. D. & Professor Regius &c. Vicarius Generalis Apostolicus Sylvæ-Ducensis, omnibus in eadem Diœcesi Ecclesiasticis vel ad Statum Ecclesiasticum aspirantibus, salutem in Domino.

Placuit tandem Ss. D. N. Innocentio P. P. XII. certiores reddere Illustrissimos & Reverendissimos Belgii Antistites de mente suâ circa jurandum, quod exigi cæperat contra quinque famosas Propositiones Cornelii Jansenii: quem in finem litteras Apostolicas in forma Brevis ad eos direxit, datas Romæ die 6. Febr. jam labentis. In his primum firmitus in hære se profitetur Constitutionibus Prædecessorum suorum fel. record. Innocentii X. & Alexandri VII. in quibus quinque Propositiones ex Libro Cornelii Jansenii, cui titulus est AUGUSTINUS, excerptæ & damnatæ, unâ cum Formulario juramenti in ea-

P R Æ F A T I O

rumdem condemnationem præstandi, contineatur, easque Constitutiones in suo robore fuisse & esse declarat. Tum iisdem significat, eos per Constitutionem Apostolicam munitos esse facultate, Formularii subscriptionem seu iuramentum exigendi: in cuius rei praxi zelum iis & charitatem commendat. Propositiones ipsas V. vocat ex Libro Cornelii Jansenii exceptas, in sensu obvio, quam ipsamet Propositionum verba præseferunt. Ultra dictum Formularium nihil aliud quovis prætextu à quoquam exigere permittit. Quosunque alios sensus Formularii, præter eum, quem ipsius verba exhibent afferri vel usurpari, aut de his disputari interdicit, idemque addit de sensu Propositionum, ac denique iuramentum præstari vult sincere, ab ulla distinctione, restrictione, seu expositione.

Quia igitur, quæ hic mandat Sanctissimus Pontifex, eos generatim scire expedit, qui in posterum ad tale iuramentum adigentur, breviter illa verba Sanctitatis Suae exprimenda vobisque communicanda censuimus, addito etiam ipso Formulario, quod est.

Ego N. Constitutioni Apostolicæ Innocentii X. datæ die 31. Maii 1653. & Constitutioni Alexandri VII. datæ die 16. Octob. 1656. summorum Pontificum me subjicio, & quinque Propositiones ex Cornelii Jansenii Libro, cui nomen AUGUSTINUS, excerptas, & in sensu ab eodem au-
tore

A D L E C T O R E M.

tore intento, prout illas per dictas Constitutiones Sedes Apostolica damnavit, sincero animo rejicio, ac damno & ita juro, sic me Deus adjuvet & hæc sancta Dei Evangelia.

Sensum non addimus nec addere debuimus, ex quo os Domini locutum est, dum Ss. Dominus N. dignatus est, ut diximus, omnem alium sensum improbare, præter eum quem verba exhibent, si quem diversum, vel nos, vel, ut fere dixero, Angelus de cælo afferre voluerit, usurpandus non est, recipiendus non est: coram Deo examinandum, idque seriò, quis sit ille, quem Formularii verba per se exhibent, ne dum nobis alium fingimus, sibi iniquitas ipsa mentiatur.

Constitutiones ipsas, quæ in verbis seu Sanctitatis suæ seu Formularii nominantur, videre licebit non ita pridem reimpressas jussu nostro, quemadmodum & Breve Apostolicum, unde superiora desumpsimus, passim in manibus est.

Prout igitur nostrum est in his omnibus quam accuratissime obsequi voluntati supremi in terris Ecclesiæ capitis: ita non dubitamus obsequio nostro vestrum quoque accessurum, ut decet genuinos ejusdem Ecclesiæ filios & obediētes subditos, quales nos omnes conservet obediētiæ amator Deus. Datum Lovanii prid, Kal. Martii, MDCXCIV.

Martinus Steyart

V. A. S.

P R Æ F A T I O

Ex quibus omnibus apparet, qui fuerint nuper in Vicino Belgio motus ex Jesuitismi & Jansenismi diffidiis, quæque hujus præsertim ibidem sit hodieque conditio & fortuna. Igitur hæc causas fonticas dederunt, cur Historiam Jansenismi, ante inceptam, & scriniis clausam pressamque in notum & quod excurrit in annum incudi redderemus. Maxime quòd hoc sæculum ad finem decurreret, & necdum extaret historia, quæ altero sæculo prosit, quamvis jam L. annis in orbe Pontificio Jansenitarum molimina turbas fecerint. Sane accurata Jansenismi historia deest in Bibliothecis Eruditorum, nec omnium esse quiverit studium libellos, & folia, uti ajunt, volantia colligere, ut inde dogmata & res gestas cognoscat.

Igitur meus fuit hic animus hanc operam impendere, ut Erudito Orbi inservire possem. Neque ingratus crit, uti spero, labor Viris Doctis, nec Ecclesiæ Reformatæ inutilis, quando ex hoc opere apparebit, quam verè & sanctè de salutari-
bus Gratiae Divinæ beneficiis hæc sentiat, at Romana a principiis Evangelicis defecerit, Jansenismum condemnando, postquam Protestantium fidem in Tridentina Synodo anathemate feriit. Nempe resipiscere non potest dato repudii libello, atque adeò Dei Judicio ruit, ruetque in pejus consilio dominantium Jesuitarum, qui Pelagianismi errores audaci animo renovarunt. Nec enim aliàs Romana Religio adversus Protestantes de-

A D L E C T O R E M.

defendi poterat. Sic cohærebant themata! Quam justus fuit Patrum egressus ex Babylone, quando auditum ibi aliud Evangelium, quod Christianæ aures non ferant, nisi amorem veritatis & libertatis amiserint!

Summa autem hujus Voluminis continet Cornelii Jansenii Episcopi Iprensis Vitam, gesta, scripta, honores, munera, & Mortem, cum necessariis Animadversionibus, deinde ipsius Dogmata Theoretica & Practica, nec non Fautorum, Abbatibus Sancyrani, Arnaldi, aliorumque, maximè Jesuitis adversa, quæ exagitata ab hostibus, referuntur. Intereà miscentur varia de Michaëlis Baji dogmatis & fato; de Academia Lovaniensis in Jesuitas decretis & studiis; uti de Congregationibus de Auxiliis sub Clemente VIII. & Paulo V, quarum historia texitur.

Porro cum Jansenitæ se vulgaribus, maximè Jesuiticis, erga B. Virginem superstitionibus opposuerint, edito libello, cui titulus *Monita Salutaria B.V. Mariæ ad Cultores suos indiscretos*, operæ pretium duxi de isthoc libello nonnulla dicere. Imò verò cum summam exhibuissem (factor ex *Heideggeri Historia Papatus*) consilium deinde fuit, integrum subjicere, ex *editione Leodiensi apud N. de Rache, A. 1674.* nec minus alterum illi oppositum, *Duacique* mox editum eodem anno *Latine & Gallicè* apud *Mariam Serrurier* hoc titulo, *Jesu Christi Monita ma-*
ximè

P R A E F A T I O

ximè salutaria de Cultu Dilectissimæ Matri Mariæ exhibendo, cujus est Author Theologus quidam Duacensis, & Censor Matthias Gertmannus S. T. D. ac Professor primarius, Academiæ Cancellarius & Seminarii Regii Præses, qui suo testimonio approbavit, *ut non minus hæreticorum calumniis quam aliorum querelis occurreretur*. Utrumque enim libellum, sibi emptum Gandavi, nobiscum communicavit Vir Rever. & Doctissimus, in Ecclesiâ Loenensi Verbi Divini Minister, MICHAËL de HERTOOG, quod hic memorare debui, ut Amico gratias agerem, cum nullus esset, qui requirenti copiam facere poterat. Utique videbatur ad Historiam Jansenismi quam maximè facere ut exhiberem, quia *Monita Salutaria B. Virginis*, scripta ni fallor a Jansenita Mechliniensi, tantos in ipsa Roma motus concitaverant.

Legat Lector libellos fonticam ob causam operi suffixos & videbit, quam servire servitutem velint, qui *Mancipia B. Mariæ Virginis* se esse gloriantur. Imò Author *Monitorum* apologeticâ Epistolâ, quam mox Mechliniæ edidit A. 1674. scribit, non defuisse, qui concionando in libellum invecti, hæc ad populum effutirent. „B. „Virginem esse *Coredemptricem*, idque hac specialiter de causa, quod ipsa & sanguinem & lac „suum contulerit ad formandum corpus & sanguinem Christi: atque adeò sanguinem suum „cum

AD LECTOREM.

„cum & in sanguine Filii effunderit pro redem-
 „ptione generis humani. Ergò sui officii esse pu-
 „tavit Vir Doctus Monita Salutaria tueri. Nimi-
 „rùm scripserat ea fidei Romanæ addictissimus, eo
 „consilio, ut *hæreticorum calumnias, quibus qui-*
 „*dam ex Catholicis pravis suis doctrinis contra*
 „*Spiritum S. Scripturæ, Conciliorum & S.S. Pa-*
 „*trum ansam præbuerant, falsitatis convinceret.*

„Nec enim negandum erat, non paucos in Ec-
 „clesia dari incautos, indiscretos, & falso zelo
 „errantes, imò turpi lucro inhiantes, qui a cri-
 „mine idololatriæ non erant omninò innoxii,
 „quique abusus istos præterea defendebant, & sibi
 „aliisque persuadere conabantur, Ecclesiam eos-
 „dem quoque approbare & suos facere. Atqui
 „filiorum genuinorum erat in id laborare, ut pe-
 „tra scandali amoveretur. Inter autem abusus non
 „minimi censendi erant, qui circa cultum S. Vir-
 „ginis a multis indiscrete committebantur. Sane
 „Antonius Goddavius Episcopus Venciensis in
 „vita S. Caroli Borromæi testatus fuerat, *abusus*
 „*istos gemitum extorsisse omnibus illis, qui no-*
 „*runt, quousque progredi debeat pietas in Dei*
 „*Matrem.*

„Igitur duo præsertim ait se suis Monitis præ-
 „stare studuisse, *primò* vanam ac temerariam se-
 „curitatem illis adimere, qui B. Virginem exter-
 „nis duntaxat officiis prosequentes & in sceleri-
 „bus intereà securè perseverantes, de vitæ emen-
 „da-

P R Æ F A T I O

„datione haud solliciti, confidebant, *quod nul-*
 „*lus Cultor Marianus æternam sit periturus.*
 „*Secundò*, intemperantiam detegere, quâ in e-
 „vehendo ac præter modum promovendo cultu
 „& laudibus D. Virginis vel a Concionatoribus
 „vel Scriptoribus quibusdam sæpius delinqui-
 „tur, & in quam pluribus fidelibus vera ac soli-
 „da pietas, imò interdum ipsa viya fides suffo-
 „catur & hæretici in erroribus suis obdurantur:
 „quod sane inter Jesuitas ipse *Theophilus Ray-*
 „*naudus*, libro, cui titulus, *Diptycha Mariana*,
 „jam ante intenderat.

Sic Author Monitorum, qui interim conce-
 „dit, Mariam ad hoc invocandam esse, ut pre-
 „cibus suis defectum nostrum & imbecillitatem
 „ergà Deum suppleat: amandam & colendam
 „esse ut patronam nostram apud Deum, apud
 „quem multum ejus præces valeant; precatio-
 „nem hanc saluberrimam esse, nimirum ut no-
 „bis impètret cognitionem & amorem veri Dei,
 „ejusque Filii J. Christi, in quo ipsamet veritas
 „testatur consistere vitam æternam, *Joh. 17. 3.*

„Atqui se tuetur Vir Doctus, quòd negave-
 „rit B. Mariam esse refugium impœnitentium;
 „quod dixerit eos non juvari formulis ac preca-
 „tionibus, aut signis & instrumentis pietatis,
 „quæ gestaverint, aut Confraternitatibus aut So-
 „dalitatibus, quibus nomen dederint; quod B.
 „Mariam conservam fidelium appellaverit; quòd
 „scri-

A D L E C T O R E M.

„scripserit eam Mediaticem aut Advocatam non
 „esse eo sensu, quô Christus Mediator & Advo-
 „catus est; quod Salvatricis vel Coredemptricis
 „aut Omnipotentis titulo eam decorandam ab-
 „nuerit; quod reprobaverit hyperbolicas & ano-
 „malas locutiones ac laudes, maximeque, quan-
 „do dicitur *Mater Misericordiae*, ubi Chri-
 „stus severus Judex appellatur; quod noluerit
 „plus temporis & precum B. Mariæ quam Deo
 „impendi; quod impugnaverit eos, qui fal-
 „sò se ipsius Mancipia vocitabant, atque in si-
 „gnum suæ servitutis catenulas seu manicas fer-
 „reas aut æneas gestabant, cum potius Filii
 „ejus dicendi sint Christiani, ac tandem ipse
 „Papa jusserit, ut nova ista pietas & confrater-
 „nitas *delli Schiavi della Madre de Dio* cum
 „signis seu catenulis supprimeretur; quod de-
 „cretum nuperrimè erat renovatum, nempe A.
 „1673. 5. Julii, uti ante Vir Doctus suis *Moni-*
 „tis ostenderat.

„Denique se tuetur, quod corripuisset cul-
 „tum & ornatum inordinatum, qui primò &
 „præcipuè adhibetur minùs merenti & indigenti,
 „nimirum statuis ligneis, lapideis, adeoque
 „mortuis, præteritis vivis Christi membris, pau-
 „peribus sc. & egenis, absque ipso etiam Salva-
 „tore sub speciebus panis inter nos continuò
 „personaliter commorante; additâ hac monitio-
 „ne, nolite sicut gentes ponere fiduciam in sta-
 „tuis

P R Æ F A T I O

„tuis vel imaginibus B. Virginis, quamvis mira-
 „culosæ sint, quod nulla illis virtus inesset; vel
 „pro hac illave figura Beatæ Mariæ, aut
 „ejus dotibus ac prærogativis contendere. Nem-
 „pe in eo fuerat Author, ut nihil Virgini B. de-
 „traheret, nec quicquam Deo derogaret, quan-
 „do nihil ipsi soli debitum creaturæ adscriben-
 „dum erat, juxta *Augustin. de Vera Relig. Cap.*
 „LV. cujus verba perpetuum memoranda vult
 „& vovet, ut indiscretus erga B. Mariam aut
 „Sanctos cultus evitetur.

Atque hæc quidem præfari animus est, ut
 Lectorem ad historiam præpararem. Unum su-
 perest, ut scias me ea, qua potui, usum esse dili-
 gentia & fide. Non sane refero, quæ ipse vidi,
 sed quæ scripta ab utraque parte reperi. Atque
 adeò quicquid erat facti, aut accusationum ex-
 hibere studui fideliter. Neque adeò est quod mi-
 hi indignentur vel Jansenitæ vel Jesuitæ, quum
 illa modo produxerim in lucem, quæ paucis nota
 erant, aut tenebris involuta, parùmque certa & ma-
 nifesta Reformatis, quorum commodo præser-
 tim inservire sum conatus, quando secretam Jan-
 senismi historiam aut arcana scrutari non est o-
 mnium, etiam Doctissimorum. Neque tamen
 mirabitur quis, quod Jansenismi dogmata magis
 probaverim, ut potui, quum id postulent prin-
 cipia Fidei Reformatæ, nec deponere potue-
 rim munus Theologi, cujus erat ostendere, quid
 emo-

A D L E C T O R E M.

emolumenti ad nos ex hac historia rediret. Uti-
que ex eâ erit manifestum, quænam Ecclesiæ
Romanæ sit maneatque labes, quam obduruerit
ad Euangelii voces, ut ruat in pejus damnando
Viros, qui Gratiam Christi contra naturæ præ-
conia defendunt, & laudando Jesuitas, quorum
non nisi Pelagiana sunt dogmata.

Utinam ad hæc magis ipsi Jansenitæ attende-
rent, postquam sunt condemnati Romæ, ac vi-
dent omnem profuturæ medicinæ spem decol-
lasse! Quidni dicant, *curavimus Babelèm, &*
non sanata est, deseramus illam, ad exemplum
Protestantium? Jer. LI. 9. Saltem desinant nos
calumniari, quasi convitio esse queant tuti, ne
conscientiæ vim faciant, suamque adeò cul-
pam reddant majorem. Intereà sint memores
Majorum, qui Legatos egerunt Romæ, & re-
deuntes in Patriam Tiguri exposuerunt animi
sensa, suasque querelas Hottingero nostro signi-
ficarunt, uti videre liceat in suffixo Colloquio,
quod ipse Vir Doctus exaravit.

Cæterùm nunc sufficiat hæc de Jansenio &
Jansenitarum dogmatis scripsisse. Forte expe-
ctari possit fusior de Jansenismi Fortuna & Fato
Historia, si Deus vires animumque concesserit.
Precor modò, ut Viri Docti suggerant & suppe-
ditent, si quæ habeant in Bibliothecis, ad usum
publicum necessaria. Gratias referam, etiam red-
dam, si jam mihi eorundem libellorum detur

PRÆFATIO AD LECTOREM.

copia. Vale, Lector, & me, si quis imprudens abstulit error, monere non refugias, quando obrepere somnum vel peritissimo in rebus facti haud mirum est. D. O. M. Spiritu gratiæ ducat Te uti me in omnem veritatem, ut evitatis naturæ corruptæ mendaciis & lenociniis pergere queamus juxta Evangelium Gratæ in via salutis, & pervenire ad cœlestem Patriam, ubi æternum sonat hoc Canticum, SALUS SIT DEO NOSTRO, QUI IN SOLIO SEDET, ET AGNO. Apoc. VII. IO.



Ad Virum longe Celeberrimum
MELCHIOREM LEYDEKKERUM,
Quum Historiam *JANSENISMI* publico
exponeret.



Ate potentes Romulidum manus,
Et pressa regum colla minacibus
Vinctis, triumphatasque bello,
Attonitus stupuit catervas,

Orbis nepotum: ficcine gentium
Regina seris temporibus jugum
Reduxit, & mentes piorum
Christiadum domitrix subegit?

Sprevere magnis ausibus infulam
Urbis Latinæ, nec tolerabile
Prudenter excussere Patres
Septuplicis diadema regni:

Hinc bruta Romæ fulmina sustinent.
Sic Jesuitis opposuit suos
Janfenius vixdum labores,
Aurelio duce nixus Afro,

Mox Vaticanis plectitur ignibus.
Dignam erudito materiem Viro!
Nec ante tractatam, legenti
Ut faciat satis Universo;

Quam Melchioris cura volumino
Compegit uno. Gloria nominis
Ornabit Auctorem perenni,
Dum Latium remanebit, ævo.

ADRIANUS REELAND.

INDEX CAPITUM

LIBRI I.

- CAP. I.** De Cornelii Jansenii Natalibus & Studiis Juvenilibus. 1
- II. De Contractâ Jansenii cum J. Vergerio, qui dein Sancyranus Abbas fuit, amicitia, Lovanii cum ageret. 6
- III. Jansenii in Galliam iter, & cum Sancyrano exulta amicitia. 8
- IV. Jansenius Parisiis decedit, & Bajonam tendit, ubi cum Vergerio sua studia prosequitur. 9
- V. Lovanium reversus, inclarescit Jansenius, præfectus Pulcheriæ Collegio; inde excolit sua studia solitaria, respuens Philosophicam professionem. 11
- VI. Doctoratus in Theologia gradum suscipit Jansenius, & se præparat ad professionem Theologicam: quedam ipsius acta. 13
- VII. Jansenii munera Academica. 17
- VIII. Jansenii Virtutes, quæ laudantur ab Amicis. 19
- IX. Jansenii studia contra Iesuitas; illius itinera in Hispaniam. 23
- X. Jansenii studium pro doctrina Augustini de Gratia. 27
- XI. Accuratus causa & occasio istius studii exponitur. 31
- XII. De Statu Academiæ Lovaniensis, in qua Jansenius Theologiam est professus Augustinianam. Summa Censuræ illius in Iesuitarum dogmata. 44
- XIII. Socii in eodem Opere, ac Fautores Viri Doctissimi, Fromondus & Conrius, alique. 52
- XIV. Jansenii lites cum Ministris Sylvæ-Ducensibus, ipsiusque infelices cum Celeb. Voetio pugne. 57
- XV. Iniqua Jansenii cum Reformatis disputandi methodus. 65
- XVI. Jansenii Lis & Disputatio cum Theodoro Simonis, Holsato. Inde Viri ingenium & studia. 68

LIBRI II.

- CAP. I.** De Marte Gallico, qui ab Eruditis Jansenio adscribitur, sub Alexandri Patricii, Armacani, nomine. 76
- II. Summa Libri I. Martis Gallici exhibetur. 80
- III.

INDEX CAPITUM.

III. Libri II. Martis Gallici summa.	84
IV. Libri laudes & vituperia, Iesuitarumque in Iansenium hinc studia, ut Gallis redderent invisum.	88
V. Batavorum adversus Iansenii accusationes iusta defensio.	94
VI. Responso adversus Iansenii calumnias in <i>Suecos</i> , qui laborantibus in Germania Protestantibus auxilia praebuere.	104
VII. Episcopatus Iansenii Iprensis Consecratio.	112
VIII. Epithalamium à Iesuitis Iansenio oblatum, quum Episcopatum adiret.	115
IX. Iesuita suas excusant adulationes, ne videantur mentiti.	118
X. Iansenii Acta & Gesta Episcopalia.	120
XI. Iansenii labor in expoliendo & edendo Augustino.	122
XII. Doctrina Iansenii exposita Suo Augustino, quæ post mortem tot turbas dedit.	125
XIII. Cornelii Iansenii, Peste occumbentis, inopina Mors, ejusque Testamentum.	128
XIV. Sepultura Iansenii, monumentum & Inscriptio.	131
XV. Monumentum Iansenii deinde jussu Alexandri turbatum.	132
XVI. Aliud Epitaphium scriptum ab hostibus in Viri vituperium.	135

LIBRI III.

CAP. I. Iansenius non attendit ad Libertatem Belgarum, dum voluit sub Papæ Dominio vivere & mori	138
II. Iansenius non rectè functus fuit munere Professoris S. Literarum.	142
III. Iansenius Episcopatum occupavit, qui ad jugum Belgis imponendum cum ceteris institutus est: Non rectè functus fuit munere.	146
IV. Animadversiones ad Doctrinam ejus de Monachis & Sacramento, ut appellant, Pœnitentiæ.	152
V. Rectè Doctrinam de Gratia excoluit juxta Belgarum antiquam confessionem.	156
VI. Rectè aliam Ethicam docere instituit, quam obtinebat in Patu.	163
VII. Ex Iansenii Doctrinâ ortus est absque dubio Molinosii Quiescentis.	165

INDEX CAPITUM.

VIII. <i>Iansenii Vitium, quod sollicitus de efficaci Conversionis gratia, ad Iustificationis gratiam non pertigerit.</i>	169
IX. <i>Iansenit iniquissima in Reformatos odia, ne videretur ad nostram fidem accedere.</i>	175
X. <i>Hæreditaria Iansenitarum in Reformatos odia.</i>	183
XI. <i>Odia Iansenitarum hæreditaria præcipuè in Celeb. Voetium.</i>	188
XII. <i>Animadversiones in Iansenii Testamentum.</i>	195
XIII. <i>Animadversiones ad Iansenii Mortem.</i>	202
XIV. <i>Valerii Andreae Icti Lovan. de Iansenio Testimonium.</i>	203
XV. <i>Cornelii Iansenii, Gratiam Christi adversus Pelagianos Iesuitas asserentis, Icon.</i>	207

DE JANSENISMI DOGMATIBUS

L I B R I I

CAP. I. <i>Augustinus Iansenii editur in lucem.</i>	225
II. <i>Clam editur Opus, & nequicquam detecto negotio, spargitur per orbem.</i>	227
III. <i>Iansenii Opus insignitur Titulo, Augustinus.</i>	229
IV. <i>Iansenii Augustinus laudatur ab his, culpatur ab illis.</i>	232
V. <i>Summa Operis Ianseniani, quod Augustinus dicitur.</i>	237
VI. <i>Dogmata Iansenii ex Catechismo Gratia.</i>	240
VII. <i>Dogmata Iansenii primaria, & vulgaribus Romanensium erroribus opposita, veluti in Tabella exhibentur.</i>	247
VIII. <i>Iansenii Theologia de Natura & Gratia est ipsius Augustini.</i>	251
IX. <i>Arcanum sententiæ Augustinianæ, Originem Boni & Mali invenire.</i>	257
X. <i>Iansenius accusatus Calvinismi, non tulit sibi hanc notam aut culpam dari.</i>	262
XI. <i>Iniquissimè idem Reformatos accusavit, uti Libertatis Arbitrii peremptores ac Manichæos, ne videretur ad eos accessisse. Iusta pro ipsis Apologia.</i>	269
XII. <i>Lutheri adversus Iansenium brevis defensio.</i>	275
XIII. <i>Iansenius iniquus in Reformatos, imitatus tamen est Michaëlem Bajum suo pro Augustiniana fide studio. Baji opinionæ.</i>	277

INDEX CAPITUM.

- XIV. Pontificum in Michaëlem Bajum censura. Hujus querela & defensio. Iansenius affecit. 288
- XV. Digressio de Episcopi Condomensis B. Bossueti Libello, seu expositione fidei, cum Baji doctrinâ comparato. Is tamen placuit Romæ: Testimonio quàm dubia ibi sit fides & hypocritica. 298

L I B R I II.

- CAP. I. Iansenius recte Iesuitas uti Pelagianos accusavit. 305
- II. Iesuitæ ipsi suos palam accusant Pelagianismi, & tales habitus in Congregationibus de Auxiliis. 313
- III. Accuratio Congregationum de Auxiliis historia, ut ostendatur Iansenianæ causæ æquitas. 316
- IV. Clemens VIII. Dominicanorum magnus fautor & Augustini admirator. 321
- V. Acta quædam Congregationum sub Clemente VIII. repræsentata. 326
- VI. Alia earundem Congregationum coram Clemente VIII. Acta. Status controversiæ præcipuæ. 338
- VII. Acta & Gesta in Congregationibus sub Paulo V. 340
- VIII. Alia sub Paulo V. in Congregationibus Acta. 343
- IX. Decretum Paulus V. in Iesuitas non est ausus edere, fuit tamen conceptum & scriptum. 356
- X. Decretum Pauli V. contra Iesuitas exhibetur. 365
- XI. Iesuiticorum dogmatum Systema a Iansenio damnatum. 378
- XII. Errores Iansenii adversus veram de Gratia Christi doctrinam. 384
- XIII. Necessariæ in Iansenii errores censuræ. 390
- XIV. De Pelagianismo dissertatio. 395
- XV. De Semi-Pelagianismo dissertatio. 415
- CAP. ULT. Nonnulla Prosperi adversus Pelagianos ingratos Carmina. 443

L I B R I III.

- CAP. I. Iure Vir Doctus aversatus est Scholasticorum, præsertim Iesuitarum, Ethicam, ex Pelagianis Principiis deductam. 453
- II.

INDEX CAPITUM.

- II. *Iansenianæ Ethicæ sublimioris ex Augustiniana principia, seu bases.* 461
- III. *Iansenii Ethica inde deducta.* 465
- IV. *Abbatis Sancyrani quædam dogmata, paria Iansenianis, de Morali Theologia, ex iisdem fundamentis de Gratia efficaci deducta.* 469
- V. *Nonnulla Sancyrani dogmata de Ufu Eucharistiæ & Pœnitentia.* 479
- VI. *Paria Sancyrani dogmata, ex variis ejus scriptis ab Adversariis collecta, ipsique imputata.* 483
- VII. *Dogmata hæc Sancyrani & Iansenii invisa & inimica Iesuitis, quorum impiam Casuisticam exagitant, nec ferunt Iansenitæ.* 485
- VIII. *Sancyrani & Iansenii Theologia Moralis circa Eucharistiam & Pœnitentiam exposita amplius a Iansenitis, per Arnaldum, Libro de frequenti Communione.* 487
- IX. *Summa Librorum A. Arnaldi de frequenti Communione.* 490
- X. *Varia Arnaldi dogmata in Libro de Frequenti Communione annotata & exagitata ab Adversariis.* 494
- XI. *Iansenismi Pietas Iesuitismi opposita Impietati, quam exagitat. Primum Impietatis specimen dogma de Probabilitate.* 498
- XII. *Dogmata quædam Iesuitarum de Peccato & Amore Dei.* 507
- XIII. *Alia quædam Iesuitarum dogmata, quæ maximè amorem Proximi & secundam Tabulam spectant.* 512
- XIV. *Impia Iesuitarum circa Christianismi Religionem, Sacramenta Pœnitentiæ & Eucharistiæ ac Devotionem Dogmata.* 516
- XV. *Iesuitarum Idololatriæ circa B. Virginem superstisio a Iansenitis reprehensa.* 523
- XVI. *Doctrina Iesuitarum circa Regum ac Principum jura & axiomata.* 537
- XVII. *Amplius ostenditur fons Doctrinæ Moralis Iesuiticæ contra Reges ex variis testimoniis; nempe tendit ad Regicidia.* 543
- CAP. ULT. *Conclusio dissertationis, quæ specimen Pietatis Ianseniano-Sancyranæ exhibetur.* 548
- Appendix.*

LECTOREM

ALLOCUTIO.



Cum excuderetur ultima hujus Voluminis pagina, delata ad nos fuere ipsa diplomata tum Pontificis Urbani VIII. tum Philippi IV. Regis Hispaniarum, quibus Jansenio confertur, & confirmatur Yprensis Episcopatus. Dubii haesimus primum, an necessum foret, illa huic Opusculo adjungere. Etenim ad Historiam Jansenismi non multum faciunt; dicunt modo, quis sit hodie in Ecclesia Romana Episcopatus conferendus mos. Quum tamen non omnibus ille sit notus, placuit tandem summam istorum diplomatum exhibere, maxime cum adjectus esset Libellus, Roma nitidissime conscriptus, deauratis etiam quibusdam literis, quo, ceu Transumpto, (sic appellatur) quidquid in diplomatis erat contentum, accurate exhibetur. Secundum ergo istud exemplar placuit Typographo paucas hasce pagellas excudere, quas forte pervolvere Lectoribus non erit injucundum. Et concessimus hanc libertatem, etiam in gratiam nonnullorum a quibus data fuit diplomata haec, sigillis Pontificis & Regis confirmata, videndi copia. Saltem is usus erit, ut Lectores videant, qua solemnitate Episcopatus conferantur Viris, qui Rome placent, & quid honoris & obedientiae nimium servilis Praesulibus Romanis ipsi deferre polliceantur, ut ipsorum Regnum in omnia obtineat.

TRANSUMPTUM AUTHENTICUM
BULLARUM PROVISIONIS
D E

EPISCOPATU IPRENSI

In Personam Reverendissimi

CORNELII JANSENII

Anno M DC XXXVI. xvii. Septemb.

IN NOMINE
SANCTISSIMÆ ET INDIVIDUÆ
TRINITATIS, PATRIS, ET FILII,
ET SPIRITUS SANCTI. AMEN.



Overint Universi hoc præsens publicum
Transumpti Instrumentum inspecturi,
visuri, lecturi pariter & audituri; quod
Nos HIPPOLITUS sancti Eustachii
Diaconus, Cardinalis Aldobrandinus,
sacræ Romanæ Ecclesiæ Camerarius,
& ad instantiam Illustrissimi & Reverendissimi Domini
CORNELII JANSENII, electi Iprensium Præsulis,
omnes & singulos sua quomodolibet interesse putantes,
eorumque Procuratores, si qui tunc essent in Romana
Curia, ad dicendum contra jura producta & repetita
seu producenda & repetenda in actis informandi nostri
& Reverendæ Cameræ Apostolicæ Notarii, videndum-
que jurare testes super illorum recognitione, quate-
nus opus sit, & ad probandum admitti, transumi &
exemplari, & in publicam Transumpti formam redigi

man-

B U L L A R U M.

mandari, auctoritatemque & decretum nostrum, dictique nostri Camariatus officii desuper interponi, vel dicendum & causam si quam haberent rationabilem, quare præmissa fieri non deberent: allegandum per unum ex Sanctissimi Domini nostri Papæ cursoribus per affixionem ad valvas Cameræ & aciei campi Floræ, ut moris est, citari fecimus, & mandavimus ad diem & horam Informatores, quibus advenientibus comparuit in judicio coram nobis Illustris D. LAMBERTUS FALLAIS, prædicti Reverendissimi Domini Cornelii in hac parte agens, & priorum & prædictorum Curatorum non comparentium contumaciam accusavit, ipsosque contumaces reputari, & in eorum contumaciam literas Apostolicas perfectionis Ecclesiæ Iprensis tenoris inferius registravit exhibuit, produxit, & pronuntiavit, & illas ad probandum admitti ac transumi, & exemplari, & in publicam Transumpti formam redigi, mandari, auctoritatemque & decretum nostrum dictique nostri Camariatus officii desuper interponi debita cum instantia postulavit. Nos itaque postulationi humaniori annuentes, & dictos citatos non comparentes reputavimus, merito id exigente justitia contumaces, & in eorum contumaciam prædictas nostras litteras Apostolicas more solito expeditas & plumbatas, ad manus nostras recepimus, vidimus, & diligenter inspeximus, & quia omni prorsus vitio & suspensione carere reperimus, illas ad probandum admisimus, & per eundem infra scriptum Notarium transumi & exemplari, & in publicam Transumpti formam redigi fecimus, & de mandato Sanctissimi Domini nostri Papæ vivæ vocis oraculo nobis desuper facto & auctoritate nostri Camariatus officii mandavimus decer-

T R A N S U M P T U M

nentes, & eadem auctoritate statuentes ac volentes, quod extero pronuntiati nostro Transumpti publico Instrumento credatur, datusque, & adhibeatur talis & tanta fides, qualis & quanta data, & adhibita fuit, daturque & adhibetur, ac daretur & exhiberetur æque ac si originales litteræ in medio exhibitæ & essent ostensæ, quarum quidem litterarum tenor talis est, & sequitur pro ut infra:

URBANUS Episcopus, servus servorum, dilecto Filio CORNELIO JANSENIO, electo Iprensium, salutem & Apostolicam benedictionem. Apostolatus officium meritis licet imparibus nobis ex alto commissum, quo Ecclesiarum omnium regimini Divina dispositione præsidemus, utiliter exequi coadjuvante Domino cupientes, solliciti corde reddimur & solertes, ut cum de Ecclesiarum ipsarum regiminibus agitur committendis, tales iis in Pastores perficere studeamus, qui populum suæ curæ creditum sciant non solum doctrina Verbi, sed etiam exemplo boni operis informare, commissasque sibi Ecclesias in statu pacifico & tranquillo velint & valeant, auctore Domino, salubriter regere & fideliter gubernare. Sane Ecclesia Iprensis, quæ de jure patronatus charissimi in Christo Filii nostri Philippi Hispaniarum Regis Catholici, ratione Comitatus Flandriæ, cujus ipse Philippus Rex etiam Comes existit, ex privilegio Apostolico, cui non hætenus est in aliquo derogatum fore dignoscitur, & cui bonæ memoriæ Georgius Chamberlayn Episcopus Iprensis dum viveret præsidebat, per obitum dicti Georgii Episcopi, qui extra Romanam Curiam debitum naturæ persolvit, Pastoris solatio destituta,

nos

B U L L A R U M.

nos vacatione hujusmodi fide dignis relatibus intellecta, ad provisionem ejusdem Ecclesiæ celerem & felicem, ne illa longæ vacationis exponatur incommodis, paternis & sollicitis studiis intendentes, post deliberationem, quam de præficiendo eidem Ecclesiæ personam utilem & fructuosam cum Fratribus nostris habuimus, diligentem demum atque probum Ultrajectensis Diœcesis, ac in Theologia Magistrum, ex legitimo matrimonio ac honestis & catholicis parentibus procreatum, in ætate legitima, ac sacro Presbyteratus ordine a pluribus annis constitutum, quem prædictus Philippus Rex nobis ad hoc per suas litteras pronuntiavit, & cui apud nos de vitæ munditia, honestate morum, spiritualium providentia & temporalium circumspectione, aliisque multiplicum virtutum donis, prout fida testimonia perhibentur, direximus oculos nostræ mentis, quibus omnibus debita meditatione pensitatis, de persona tua nobis & Fratribus nostris ob tuorum exigentiam meritòrum accepta eidem Ecclesiæ, de eorundem fructuum consilio Apostolica auctoritate providimus, teque illi in Episcopum præficiamus, curam & administrationem ipsius Ecclesiæ tibi in spiritualibus & temporalibus plenarie committendo in illo, qui dat gratias, & largitur præmia, confidentes, quod dirigente Domino actus tuos prædicta Ecclesia sub tuo felici regimine regetur, utiliter & prospere dirigetur, ac grata in eisdem spiritualibus & temporalibus suscipiet incrementa. Jugum igitur Domini tuis impositum humeris prompta devotione suscipiens, curam & administrationem prædictas sic exercere studeas sollicite, fideliter, prudenter, quod Ecclesia ipsa Gubernatori provideo & fructuoso Administratori gaudeat

TRANSUMPTUM

deat se commissam, tuque præter externæ retributionis præmium nostram & Apostolicæ Sedis benedictionem & gratiam exinde uberius consequi merearis. Datum Romæ apud Sanctam Mariam Majorem. Anno Incarnationis Dominicæ millesimo, sexcentesimo, trigésimo sexto, duodecimo kalendas Augusti, Pontificatus nostri anno tertio decimo. F. Tamantinus, N. Laguel, L. Radoux. Loco ✕ plumbi pendentis.

URBANUS Episcopus, servus servorum Dei, dilectis filiis Capituli Ecclesiæ Iprensis salutem & Apostolicam benedictionem. Hodie Ecclesiæ nostræ Iprensis, tunc per obitum bonæ memoriæ Georgii olim Episcopi, extra Romanam Curiam defuncti, Pastoris solatio destitutæ, de persona dilecti filii CORNELII electi Iprensium nobis & Iprensibus nostris ob suorum exigentiam meritum accepta, de Fratrum eorundem consilio Apostolica auctoritate providimus, ipsumque in Episcopum præficimus & Pastorem, curam & administrationem ipsius Ecclesiæ sibi in spiritualibus & temporalibus plenarie committendo, prout in nostris inde confectis litteris plenius continetur, quocirca discretionis tuæ per Apostolica scripta mandamus, quatenus eidem Cornelio electo, tamquam Patri & Pastori animarum vestrarum humiliter intendentes, ac exhibentes sibi obedientiam & reverentiam, debita & devota ejus salubria monita & mandata suscipiatis humiliter, & efficaciter adimplere curetis, alioquin sententiam, quam idem Cornelius rite tulerit in rebelles, ratam habebimus, & faciemus auctore Domino usque ad satisfactionem condignam inviolabiliter observari. Datum Romæ apud Sanctam Mariam Majorem.

BULLARUM.

jorem. Anno Incarnationis millesimo sexcentesimo trigesimo sexto, duodecimo kalendas Augusti, Pontificatus nostri anno tertio decimo. F. Tamantinus. N. Laguel. L. Radoux. Loco ✝ plumbi pendentis.

URBANUS Episcopus, servus servorum Dei, dilectis filiis, Clero Civitatis & Diocesis Iprensis salutem & Apostolicam benedictionem. Hodie Ecclesiae Iprensi, tunc per obitum bonae memoriae Georgii olim Episcopi Iprensis, extra Romanam Ecclesiam defuncti, Pastoris solatio destitutæ, de persona dilecti filii Cornelii Iprensis, nobis & Iprensibus nostris ob suorum exigentiam meritorum accepta, de Fratrum eorundem consilio Apostolica auctoritate providimus, ipsumque in Episcopum præfecimus & Pastorem, curam & administrationem ipsius Ecclesiae sibi in spiritualibus & temporalibus plenarie committendo, prout in nostris inde confectis litteris plenius continetur; quocirca discretionis vestrae per Apostolica scripta mandamus, quatenus eundem Cornelium electum tamquam Patrem & Pastorem animarum vestrarum grato admittentes honore, & exhibentes sibi obedientiam & reverentiam debitas & devotas, ejus salubria monita & mandata suscipiatis humiliter & efficaciter adimplere curetis, alioquin sententiam quam idem Cornelius electus rite tulerit in rebelles, ratam habebimus & faciemus auctore Domino usque ad satisfactionem condignam inviolabiliter observari. Datum Romæ apud Sanctam Mariam Majorem, Anno Incarnationis Dominicæ millesimo sexcentesimo trigesimo sexto, duodecimo kalendas Augusti, Pontificatus nostri anno decimo tertio. L. Radoux. Loco ✝ plumbi pendentis.

T R A N S U M P T U M

URBANUS Episcopus, servus servorum Dei, dilectis filiis, Populo Civitatis & Diœcesis Iprensis salutem & Apostolicam benedictionem. Hodie Ecclesiæ Iprensi, tunc per obitum bonæ memoriæ Georgii olim Episcopi Iprensis extra Romanam Curiam defuncti Pastoris solatio destitutæ, de personâ dilecti filii Cornelii electi Iprensis nobis & fratribus nostris ob suorum exigentiam meritorum accepta, de fratribus eorundem consilio Apostolica auctoritate providimus, ipsumque in Episcopum præfecimus & Pastorem, curam & administrationem ipsius Ecclesiæ sibi in spiritualibus & temporalibus plenarie committendo, prout in nostris inde confectis litteris plenius continetur, quocirca Universitatem vestram monemus & hortamur, attente vobis per Apostolica scripta mandamus, eundem Cornelium electum tamquam Patrem & Pastorem animarum vestrarum devote suscipientes, & debita honorificentia pertractantes, ejus monitis & mandatis salubribus humiliter intendatis, ita quod ipse Cornelius electus in vobis devotionis filios, & vos in eo per consequens patrem benevolum invenisse gaudeatis. Datum Romæ apud S. Mariam Majorem, Anno 1636. 12. Kal. Augusti, Pontificatus nostri anno decimotertio. L. Radoux. Loço ✠ plumbi pendentis.


URBANUS Episcopus, servus servorum Dei, dilectis filiis universis Vasallis Ecclesiæ Iprensis salutem & Apostolicam benedictionem. Hodie Ecclesiæ Iprensi, tunc per obitum bonæ memoriæ Georgii olim Episcopi Iprensis extra Romanam Curiam defuncti Pastoris solatio destitutæ, atque de persona dilecti filii Cornelii electi Iprensis nobis & fratribus nostris ob
suo;

B U L L A R U M.

suorum exigentiam meritorum accepta, de fratrum eorundem consilio Apostolica auctoritate providimus, ipsumque in Episcopum præfecimus & Pastorem, curam & administrationem ipsius Ecclesiæ sibi in spiritalibus plenarie committendo, prout in nostris inde confectis litteris plenius continetur. Quocirca Universitati vestræ per Apostolica scripta mandamus, quatenus eundem Cornelium electum devotè suscipientes & debita honorificentia prosequentes, ei fidelitatem solitam nec non consecuta servitia ac jura sibi a vobis debita exhibere integre studeatis, alioquin sententiam sive poenam, quam idem Cornelius electus rite intulerit seu statuerit in rebelles, ratam habebimus, & faciemus auctore Domino usque ad satisfactionem condignam inviolabiliter observari. Datum Romæ apud Sanctam Mariam Majorem, Anno 1636. 12. Kalend. Augusti, Pontificatus nostri anno decimo tertio. L. Radoux. Loco ✝ plumbi pendentis.

URBANUS Episcopus, servus servorum Dei, charissimo in Christo filio Philippo Hispaniarum Regi Catholico salutem & Apostolicam benedictionem. Gratiæ Divinæ præmium, & humanæ laudis præconium acquiritur, si per seculares Principes Ecclesiarum Prælati, præsertim Pontificali dignitate præditis, opportuni favoris præsidium & honor debitus impendatur. Hodie siquidem Ecclesiæ Iprensi tunc per obitum bonæ memoriæ Georgii olim Episcopi Iprensis extra Romanam Curiam defuncti Pastoris solatio destitutæ, de persona dilecti filii CORNELII electi Iprensis nobis & fratribus nostris ob suorum exigentiam meritorum accepta, de fratrum eorundem consilio

TRANSMPTUM

lio Apostolica auctoritate providimus, ipsumque in Episcopum præfecimus & Pastorem, curam & administrationem ipsius Ecclesiæ sibi in spiritualibus & temporalibus plenarie committendo, prout in nostris inde confectis litteris plenius continetur. Cum itaque, fili charissime, sit virtutis opus, Dei ministros benigno favore prosequi, ac eos verbis & operibus pro Regis etenim gloria venerari, Majestatem tuam Regiam, cum tu etiam Flandriæ comes existas, rogamus & adhortamur, attente quatenus eundem Cornelium electum, & prædictam Ecclesiam Iprensam suæ curæ commissam habens, pro vestra & Sedis Apostolicæ reverentia propensius commendatos & conservandis & ampliandis juribus suis. Sic eos benigni favoris auxilio prosequaris, quod ipse Cornelius electus, tuæ Celsitudinis fultus præsidio, in commissio sibi curæ pastoralis officio possit Deo propitio prosperari, ac tibi exinde a Deo perennis vitæ præmium & a nobis condigna proveniat actio gratiarum. Datum Romæ apud Sanctam Mariam Majorem, Anno 1636. 12. Kal. Augusti, Pontificatus nostri anno tercio decimo. L. Radoux. Loco  plumbi pendentis.

URBANUS Episcopus, servus servorum Dei, Venerabili Fratri Archi-Episcopo Mechliniensi salutem & Apostolicam benedictionem. Ad cumulum tuæ cedit salutis & famæ, si personas Ecclesiasticas præsertim Pontificali dignitate præditas opportuni præsidii & favoris gratia prosequaris. Hodie siquidem Ecclesiæ Iprensi tunc per obitum bonæ memoriæ Georgii olim Episcopi Iprensis extra Romanam Curiam defuncti Pastoris solatio destitutæ, de persona dilecti filii CORNELII

B U L L A R U M.

NELII electi Iprensis nobis & fratribus nostris ob suorum exigentiam meritorum accepta de fratrum eorundem consilio Apostolica auctoritate providimus, ipsumque in Episcopum præfecimus & Pastorem, curam & administrationem ipsius Ecclesiæ sibi in spiritualibus & temporalibus plenarie committendo, prout in nostris inde confectis litteris plenius continetur. Cum igitur, ut idem Cornelius electus in commissa sibi prædictæ Ecclesiæ cura facilius proficere valeat, tuus favor ei fore vocatur plurimum opportunus. Fraternitatem tuam rogamus & adhortamur attente, tibi per Apostolica scripta mandantes, quatenus eundem Cornelium electum, & dictam Ecclesiam suffraganeam tuam habeas pro nostra & Sedis Apostolicæ reverentia propensius commendatos in conservandis & ampliandis juribus, sic eos benigno favoris præsidio prosequaris, quod ipse Cornelius electus per tuæ auxilium gratiæ se possit in commisso sibi curæ pastoralis officio utilius exercere, tuque Divinam misericordiam, ac nostram & Sedis Apostolicæ benedictionem & gratiam exinde valeas utilius promereri. Datum Romæ apud S. Mariam Majorem, Anno 1636. 12. Kal. Augusti, Pontificatus nostri anno tertio decimo. *L. Redoux.* Loco ✠ plumbi pendentis.

URBANUS Episcopus, servus servorum Dei, dilecto filio **CORNELIO JANSENIO**, Presbytero Ultrajectensis Diocesis in Theologia Magistro, salutem & Apostolicam benedictionem. Apostolicæ Sedis clementia, ne dispositiones de Cathedralibus Ecclesiis pro tempore valeant quomodolibet impugnari, sed personæ ad eas promovendæ illis puro corde, & sin-

TRANSUMPTUM

sincera conscientia præsidere possint, remedia prout
convenit adhibet opportuna. Cum itaque nos hodie
Ecclesiæ Iprensi ad præsens certo modo pastoris solatio
destitutæ, de persona tua nobis & fratribus nostris ob
tuorum exigentiam meritorum accepta de ipsorum fra-
trum consilio Apostolica auctoritate providere, teque
illi in Episcopum & Pastorem præficere intendamus,
nos ne si forsan aliquibus sententiis, censuris & poenis
Ecclesiasticis ligatus sis, provisio & præfectio prædictæ
possint propterea quomodolibet invalide imputari, pro-
videre volentes te a quibusvis excommunicationis, sus-
pensionis & interdicti, aliisque ecclesiasticis sententiis,
censuris & poenis a jure vel ab homine quavis occasione
vel causa latis, si quibus quomodolibet innodatus exi-
stas, ad hoc duntaxat, ut provisio & præfectio horum
omnium, ac singulæ litteræ Apostolicæ desuper confi-
ciendæ solum potiantur effectum auctoritate prædicta
præcedentium absolvimus, & absolutum fore nuncia-
mus, non obstantibus constitutionibus & ordinationi-
bus Apostolicis, ac dictæ Ecclesiæ juramento, confir-
matione Apostolica, vel quavis firmitate alia roboratis,
statutis & consuetudinibus, cæterisque contrariis qui-
buscumque. Nulli ergo omnino hominum liceat hanc
paginam nostræ absolutionis & nunciationis infringere,
vel ei ausu temerario contraire. Si quis autem hoc
attentare præsumpserit, indignationem omnipotentis
Dei, ac beatorum Petri & Pauli Apostolorum ejus se
noverit incursum. Datum Romæ apud S. Mariam
Majorem, Anno 1636. 12. Kalend. Augusti, Pontifi-
catus nostri anno tertio decimo. L. Radoux. L. †
plumbi pendentis.

B U L L A R U M.

URBANUS Episcopus, servus servorum Dei, dilecto filio CORNELIO JANSENIO, electo Iprensi, salutem & Apostolicam benedictionem. Cum nos pridem Ecclesiæ Iprensi cauto tunc expresso modo Pastoris solatio destitutæ, de persona tua nobis & fratribus nostris ob tuorum exigentiam meritorum accepta, de fratrum eorundem consilio Apostolica auctoritate duxerimus providendum, præficiendo te illi in Episcopum & Pastorem, prout in nostris exinde confectis litteris plenius continetur, nos ad ea quæ ad tuæ commoditatis augmentum proficere valeant, favorabiliter intendentes tuis in hac parte supplicationibus inclinati tibi Presbytero, ut a quocumque malueris Catholico Antistite, gratiam & communionem Sedis Apostolicæ habente, accitis, & in hoc similiter assistentibus duobus vel tribus Catholicis Episcopis, similem gratiam & communionem habentibus, munus consecrationis recipere valeas, & eidem Antistiti ut recepto prius per eum a te nostro & Romanæ Ecclesiæ nomine fidelitatis debite solito juramento, juxta formam præcedentibus annotatam, munus prædictum auctoritate nostra impendere, & tu illud recipere libere & licite valeatis, plenam & liberam dicta auctoritate tenore præcedentium concedimus facultatem. Voluimus autem, & eadem auctoritate & statuimus atque decernimus, quod si non recepto a te per dictum Antistitem prædicto juramento, idem Antistes munus prædictum tibi impendere, & tu illud suscipere præsumpseritis; idem Antistes a Pontificalis officii exercitio, & tam ipse quam tu ab administratione tam spiritualium quam temporalium Ecclesiarum vestrarum suspensi sitis. Eo ipso etiam præterea voluimus, quod
for-

T R A N S U M P T U M

formam juramenti a te tum præstiti, nobis de verbo ad verbum, per tuas patentes litteras, ut sigillo inunitas, per proprium nuncium quantocius destinare procures, quodque per hoc Venerabili Fratri nostro Archi-Episcopo Mechliniensi, cui dicta Ecclesia metropolitico jure subesse dignoscitur, nullum in posterum præjudicium generetur. Forma autem juramenti quod præstabis hæc est. Ego CORNELIUS electus Imprensus, ab hac hora, ut antea, fidelis & obediens ero beato Petro, sanctæque Apostolicæ Romanæ Ecclesiæ ac Domino nostro Domino URBANO Papæ VIII. suisque Successoribus canonice intrantibus; non ero in consilio aut consensu vel facto, ut vitam perdant aut membrum sui capiantur mala captione, aut in eos manus violenter quomodoquolibet injiciantur, vel injuriæ aliquæ inferantur quovis quæsito colore. Consilium vero quod mihi credituri sunt per se, aut nuntios, vel litteras, ad eorum damnum, nemini pandam; Papatum Romanum & Regalia S. Petri; adjutor iis ero ad retinendum & defendendum contra omnem hominem: Legatum Apostolicæ Sedis in eundo & redeundo honorifice tractabo, & in suis necessitatibus adjuvabo: jura, honores, privilegia & auctoritatem Romanæ Ecclesiæ. Domini nostri Papæ & Successorum prædictorum conservare, augere, & promovere curabo; nec ero in consilio sacro vel tractatu, in quibus contra ipsum Dominum nostrum vel eandem Romanam Ecclesiam aliqua sinistra vel præjudicialia personæ, juris, honoris, status & potestatis eorum machinentur, & si talia a quibuscumque procurari novero vel tractari, impediam hoc pro posse, & quanto citius potero commodo, significabo eadem Domino nostro

vel

B U L L A R U M.

vel alteri, per quem ad notitiam ejus posset pervenire. Regulas SS. Patrum, decreta, ordinationes, sententias, dispositiones, reservationes, provisiones & mandata Apostolica totis viribus observabo, & faciam ab aliis observari; hæreticos, rebelles, schismaticos Domino nostro & Successoribus prædictis pro posse persequar & impugnabo. Vocatus ad synodum veniam, nisi præpeditus fuero canonica præpeditio; Apostolica Limina singulis quinquenniis personaliter ac per me ipsum visitabo, & Domino nostro & Successoribus prædictis rationem reddam de toto meo pastoralis officio, deque rebus omnibus ad meæ Ecclesiæ statum, ad Cleri & populi disciplinam animarum, denique quæ meæ fidei credita sunt, salutem quovis modo pertinentibus: & vicissim mandata Apostolica prædicta humiliter recipiam, & quam diligentissime exequar: quod si legitimo impedimento detentus fuero, prædicta omnia adimplebo per certum nuntium ad speciale mandatum habentem de gremio capitali mei, aut alium in dignitate Ecclesiastica constitutum, seu alias personatum habentem, aut his mihi deficientibus, per diocesanum Sacerdotem, & Clero deficiente omnino per aliquem alium Presbyterum secularem vel regularem spectatæ probitatis & religionis, de supra dictis omnibus plene instructum; de horum omnium autem impedimento docebo per legitimas probationes ad S. Romanæ Ecclesiæ Cardinales proponentem, in Congregatione Sacri Concilii Tridentini per supradictum nuntium transmittendas; possessiones vero ad meam mensam pertinentes non vendam, neque donabo, neque impignorabo, neque de novo infeudabo, vel aliquo modo alienabo etiam vim consensu Capituli Ecclesiæ meæ inconsulto

Ro.

TRANSUMPTUM BULLARUM.

Romano Pontifice, & constitutionem super prohibitionem investiturarum, bonorum jurisdictionalium de anno Domini millesimo sexcentesimo vigesimo quinto editam servabo, & ad aliquam alienationem devenero, poenas in quadam super hoc edita constitutione contentas eo ipso incurrere volo. *Sic me Deus adjuvet & hac sancta Dei Evangelia.*

Datum Romæ apud S. Mariam Majorem, anno 1636. undecimo Kalend. Augusti, Pontificatus anno decimo tertio. L. Radoux. Loco ✠ plumbi pendens. Quibus quidem omnibus & sic ita peractis, gestis & factis, nostram dictique nostri Camariatus officii auctoritatem pariter & decretum interponendum duximus, interposuimus & interponimus per patentes: in quorum omnium & singulorum fidem has patentes fieri subscripsimus, & per eundem informandum Notarium subscribi, sigillique nostri Camariatus officii iussimus & fecimus appensione muniri. Datum Romæ in Camera Apostolica anno 1636. Die vero decima septima mensis Septembris, Pontificatus autem sanctissimi in Christo Patris & Domini nostri Domini Urbani, Divina providentia Papæ Octavi, anno ejus decimo quarto, præsidentibus ibidem Dominis Stephano Spada & Petro Antonio Severo connotariatis, testantibus ad præmissa omnia & singula vocatis, habitis specialiter atque rogatis.



D E

CORNELII JANSENII

EPISCOPI YPRENSIS

VITA ET MORTE.

LIBRI I.

CAPUT I.

*De Cornelii Jansenii Natalibus & Studiis
Juvenilibus.*



ANSENIANISMO, qui hoc sæculo multam facit historiam, CORNELIUS JANSENIUS nomen dedit. Fuit autem is alius ab Illo, qui ejusdem nominis elapso sæculo floruit. Hic enim Hulstâ, oppidô in

Corne-
lius Jan-
senius
Yprensis
Episco-
pus alius
a Ganda-
vensi.

Flandriâ, oriundus, primùm in Tongerloënsi Præmonstratensium, nobili apud Brabantos Abbatîâ, Professor, dein Academiæ Lovaniensis columen, post ad Concilium Tridentinum a Rege Hispaniarum Philippo II. cum Michaële Bajo & Jacobo Hesselio, Lovaniensibus Theologis, est missus, & mox a reditu primus Gandavensium, Rege Philippo II. faciente, Episcopus fuit. Vir

A

utique

utique apud Pontificios magnæ laudis & eruditionis, prout ipsius *Concordia Evangelica* demonstrat. Mortuus verò est senio confectus & laboribus A. MDLXXVI. III. Idus Aprilis, juxta A. *Mirum in Belgicis Elogiis*.

Alit Noster, de quo disserimus, post illius Gandavensis fata, A. MDLXXXV. demùm est natus, floruitque hoc labente sæculo, post professionem Theologicam Lovanii adornatam, Yprensis Episcopus, denatus A. MDCXXXVI. VI. Maj. inde post mortem ob doctrinam de Gratia ex Augustino haustam invisus & Romæ damnatus. Ut mirum sit quosdam Eruditos Virorum uti nomina, sic munera & scripta confundere. Alii enim seu in Historiis seu in Lexicis scribunt nostrum hunc JANSENIUM Episcopum fuisse Gandavensem, alii simul Yprensum, alii *Concordia Evangelica* authorem, errore, quem in posterum corrigi in recudendis Lexicis Hofmanni, Morerii aliorumque postulare.

Patria &
Parentes.

JANSENIUS ergò noster Patria fuit Batavus, atque ut ipse scribit, quasi in honore id poneret, *Leerdamensis*. Fallunt tamen Operis posthumi Editores, quando referunt eum natum esse *Leerdami*, modico Batavia oppidulo, sed tanti Viri natalibus jam magno. Etenim sciant ejus Asseclæ, cum in Comitatu quidem Leerdamensi natum, non tamen in oppido LEERDAMO (Lingerdamo aliàs, quòd ad Lingam fluvium sit situm) sed in quodam Pago, quod Urbeculæ subest, & Accoy appellatur: sic Nepotes & Consanguinei, qui ibi adhuc degunt, testantur, superstitè humili Domuncula,

cula, in qua primùm lucem adspexit.

Unde verò iste error? An quod CORNELIUS JANSENIUS natale Solum dissimulaverit, Eumque casæ rusticæ aut prosapiæ nimium ignobilis puduerit, dum Cathedram Lovaniensem & dein Yprensem Episcopatum suo nomine & dotibus nobilitaret?

Parentes habuit honestos, Pontificiæ Religioni addictos, licet Evangelica lux Belgio affunderetur, quibusque modicæ opes. Ut malè Hazardus Jesuita in Historiis Eum Patre Calviniano natum retulerit, illum falsi postulantibus, qui id non ferrent, Nepotibus. Pater appellatus fuit vernaculo nomine JAN OTTHE, fabрили opere victum quæritans, Mater autem LYTJE GYSBERTS, ceu referunt superstites, unde hic Filius CORNELIS JANSEN dictus est, antiquo vulgi in Belgio more, at Latina vel erudita terminatione, CORNELIUS JANSENIUS.

Jam Puer acuminis & ingenii plurima testimonia dederat, monentibus Parentes vicinis, ut filium Ecclesiastico Ordini & studio Theologico consecrarent. Atque adfuere, qui suppetias offerrent, maximèque Sacerdos quidam Leerdamensis, qui eum primis literarum rudimentis imbuir. Missus dein est Ultrajectum (ubi antiquitus Pædagogia Literatorum, qua exercitati Erasmus & Adrianus VI. tanti evasere) ut Latina diligentius addisceret Et videbatur in Scholis ilicò suis Comilitonibus præluere.

Deinde excussio triviali pulvere A hujus sæculi II. Lovanium se contulit, annos natus XVII. ut ad Academica animum appelleret, suppedi-

Studia
puerilia.

Studia
Academica.

tante libros ad studia necessarios quodam Otthone Zilio, Juvene Leerdamensi, qui opibus pollebat, eumque mox Lovanium secutus est, Jesuitarum tradendus disciplinæ, ut tandem Sectæ Lojolicæ Sodalis evaserit.

Cum Adriano VI. comparandus.

Hic vero juvat Adriani VI. meminisse, quando illius exemplum in multis secutus est JANSENIUS. Belga enim & iste fuit, Ultrajectinus, Patre non Auleorum Textore, aut Coctoris cerevisiæ Ministro, uti credidit Onuphrius, sed Fabro Naupego natus, atque in Schola Hieronymianâ hic Ultrajecti primum literis operam dedit. Inde Lovanium missus, id obtinuit, quando opibus egeret, ut in Pædagogio Portiorum gratuitò nutriretur. Brevis autem tempore tantum profecit, ut inter Dialecticos, Philosophos, Mathematicos & Theologos, principem locum obtinuerit: sic idem memorat Biographus. Pari modo, iisdemque Scholis emerfit JANSENIUS, luctatus cum pauperie, ut tandem Episcoporum decus, uti Adrianus eorum apex evaserit, Uterque gratiæ defensor, in fausto successu, ut erit ex dicendis manifestum.

Jesuitis primum fuit ad dictus, uti nonnulli.

Dicunt verò Jansenii hostes, quod primum cuidam Collegio se servum addixerit, tantum subcivivi temporis studiis suffuratus, quantum poterat, & cum esset felicioris ingenii, facile quæsitos Jesuitarum favores meruerit, tanto in Societatem amore, ut Batavos quosvis (quos inter jam dictus Otho Zilius, ut ut invitus ceu videbatur) ad illorum Scholas alliceret. Nempe Eruditissimi erant illi præ cæteris Doctores, eosque imprimis commendabat Justus Lipsius,

Vix

Vir inlitterato Orbe summus. Inter Jesuitas autem eminebant Antonius Sucquetus, & Ægidius de Koning, quibus accedebat Bernhardus Bauhusius, Antverpiensis, quocum Jansenius intimam amicitiam colebat. Et videtur ex istis Præceptoribus imbibisse opiniones de liberô arbitriô & gratiâ, quibuscum luctatus fuit, quando, ut scribit Fromondus, se totum doctrinæ Augustini tradere decernebat.

Utique pertæsus Jesuiticæ disciplinæ statuit tandem in Collegio Adriani VI. (in quo Studiosi inopes aluntur) Jacobum Jansonium, Amstelodamensem, *virum in omni pietatis & scientiæ genere verè eximium*, sic scribit Valerius Andræ, uti magistrum venerari. Nempe is Augustini summus erat admirator, & Michaëlis Baji, licet a Pio v. & Gregorio XIII. damnati, cultor, atque Jesuitas uti iniquos Augustini & Baji hostes, qui Bullas in ipsum dolis & fraudibus extorsissent, atris coloribus noverat depingere, ut Juvenis animum ab illis magis averteret. Ajunt autem Jesuitæ, Jansenium, ob valetudinem a Societate repulsum & contemptum, quod ipsorum studiis minùs idoneus videretur, ut injuriam vindicaret, se huic Jansonio, quo nullus erat Sodalitii infensor adversarius, addixisse.

Interea tantum profecerat noster in Collegio Falconis, ut solemnî promotione A. MDCIV. Lauream inter Philosophos primus reportarit: quamquam non absque tumultu. Ipsi enim opponeretur quidam Nobilis Antverpiensis, ut ceu dignior præferretur. Et dum de palmâ disputa-

Ad alios
doctores.
se con-
fert.

Lau-
ream
Philoso-
phicam
obtinet.

tatur, & scinduntur in partes promotores, fixa volant, & armis dimicatur. Thomas quidem Fienus, qui tum Rector erat, domo est egressus, ut tumultuantes compesceret; verum ipse jactu lapidis vulneratus, re infecta discessit, tanto contentium animorum impetu, ut ne quidem Milite præfidiario Archiducis sedaretur. Cessante tamen prælio, remansit Jansenio palma, illaque laus, quod, uti scribit Fromondus in Vitæ Synopsi, *in licentiâ artium, quatuor Padagogiorum primus fuerit renuntiatus.*

CAPUT II.

De Contractâ Jansenii cum J. Vergerio, qui dein Sancyranus Abbas fuit, amicitia, Lovanii cum ageret.

Amicitia
contra-
cta cum
J. Ver-
gerio.

QUUM Jansenius diligentem aded Philosophicis ac dein Theologicis operam daret, cum J. Vergerio Haurannio amicitiam contraxit, quæ deinde maxima studii pro doctrinâ Augustini causa fuit.

Quis
Verge-
rius.

Ille erat Bajonæ, quæ urbs est Cantabriæ vicina, natus, Parentibusque ortus ditioribus, quorum Avus civitate pressâ fame, nomen Haurannii, id est, Benigni, meruerat, quod pauperibus opem tulisset. Is verò natu maximus Theologiæ se consecrabat, & suasu Bertrandi d'Escaux Episcopi Bajonensis, primùm Parisiis, deinde Lovanii, illius studio dabat operam: maxime,

mè , quod ibi Stapletonus aliique celeberrimi Jesuitæ post Lessium & Bellarminum docerent.

Hicce ergo Magistris J. Vergerius se addixit, Hic Jesuitis additus primus. suasu potissimum Justo Lipsii, qui eos, uti Litterarum Professores laudabat. Hic tamen generosum ipsius animum a Scholasticorum scriptis avertebat, atque ad fontes Patrum ducebat, tum Græcorum, tum Latinorum. Atque uti eloquentiam Vergerii mirabatur, illiusque ingenium ad majora natum, suadebat, ut Scriptores antiquos maximè Latinos pervolveret, non admodum tamen miratus Ciceronem. *Ad Tullium*, inquit, bat, Historici & Oratores, *te vocant? Vocent: nec me volente audies, genius aliò trahit.*

Interea dum Jesuitis adhærebat, non potuit Ejusdem cum J. Janfonio familiaritas. quin Jacobum Jansonium, de quo diximus; sæpe salutaret. Nihilominus se Jesuiticâ disciplinâ & amicitia mox extricare & exsolvere non poterat. Itaque publicas defendere debuit theses sub Jesuitæ Marci a Doorn præsidio, quas Episcopo Bajonensi dedicabat, gratiis etiam actis, quod *Lovanii è cœtu Religioso, quem insignis nomen Jessu, insignes Magistros selegisset.* Factum id Anno 1604 26. Aprilis. Aderat autem publicæ disputationi, ceu applausurus, Justus Lipsius, qui inde Vergerii promptitudinem, subtilitatem, & facundiam aliaque deprædicabat.

At mox mutatus fuit Vergerio animus, suadente Jacobo Janfonio, qui continuo ipsi amorem Mutatus ejus animus. Augustini inspirabat, uti odium in Jesuitas, qui Christi gratiam, instar Pelagii, oppugnant.

Et cum
Jansenio
amicitia
arctior.

Unde Jansenium inter & Vergerium intima amicitia, faciente Janfonio, pariaque studia, quæ mox eadem in consilia conspiravêre. Atque hæc inde in causa fuerunt, cur soliti sint Jansenii hostes, Vergerium Jansenismi primum auctorem & parentem appellare. Sic enim Jesuita *Gautrichius, Historia Sacra, pag. 325. Nostro saeculo Jansenius incitatus à Vergerio, Abbate Sancyrano, ut mutua litera testantur, in lucem denuo produxit errores Gotteschalci, nixus Augustini locis, quæ ad mentem & sententiam Calvinii explicuit. Verum hæc pluribus deinde exponenda.*

CAPUT III.

Jansenii in Galliam iter, & cum Sancyrano excolta amicitia.

Jansenii
infirmior
ex studiis
valetudo
& iter in
Galliam.

QUUM verò Jansenius continuo labore aliquot annis studiis maximè Theologicis operam daret, in tabis & viâ periculum incidit, unde Medicorum consilio solum & aëremvertere & in Galliam peregrinari constituit; inquit in *Vua Synopsi Fromondus*. Additque, *Luëtia, per literas Gracas, quas Lovanii sine præceptore magno & ærumnali labore didicerat, viris genere & doctrinâ nobilibus insinuatus, familia etiam uni insertus, ingenuorum adolescentium studia rexit.*

Ipsius in
Gallia
fortuna.

Fuit id factum favore Vergerii, qui jam *Luëtiæ* agebat, eumque fovebat uti intimum sibi amicum, notumque nuper Lovanii, dignum quem

quem Eruditis & Nobilibus commendaret. Unde inter utrosque accrevit necessitudo, dum communia porro studia excolerent. Ajunt Jesuitæ, Jansenium ivisse Lutetiam, instructum suæ Societatis literis, ad Petrum Cotonum, qui Regi Galliarum a Confessionibus erat. An tradiderit, iisque Jesuitæ favores ambiverit, ipsi credant. Id certum, mox Jansenium toti Sorbonæ innotuisse, tantâ eruditionis famâ, ut Doctoratus Theologici Laurea ipsi oblata fuerit. Renuit tamen, quod maturiora studia amaret, atque Lovanium redire constitueret, accepturus ibi doctorum hederas præmia frontium, si quas mereretur.

Porro dum Lutetiæ ageret, cum Gumberto, & Gibieuso, Viris Doctissimis, & Oratorii Sacerdotibus; amicitiam contraxit, & de Theologicis studiis disseruit. Unde in proposito confirmatior, statuit sese Jesuitis opponere aliquando, quum Augustini doctrinam excoluisset. Atque inde quoque est quod inter Oratorios Patres & Jansenium, quasi icto fœdere, optime convenerit, illique post hujus fata cum Sectatoribus conspiraverint. Quippe ex iisdem principiis, & consiliis omnia agebantur.

CAPUT IV.

Jansenius Parisiis decessit, & Bajonam tendit, ubi cum Vergerio sua studia prosequitur.

Lutetiæ quum aliquandiu fuisset moratus in Decessus Bajonam.
Cantabriam migravit, ubi eruditissimorum Viro-

rum consuetudine , & familiari studiorum communione , in S. S. Patrum & præsertim S. Augustini intelligentia magnos progressus fecisse , sæpe testatus est : sic Fromondus. Cur vero non retulit , quod ipsa res est ? An Bajonam , quo abiit , Biscaia , quæ Cantabria est , accenset , quod antiquitus ad eam pertinuerit , nunc ad Gallos devoluta ? Cur saltem tacuit , quod ibi per aliquot annos vixerit , atque ibi rursus cum J. Vergerio paria studia habuerit ? Nempe invidiosum erat nimis Abbatis Sancyrani nomen ; noluit narrando quoddam præjudicium Jansenio , ipsiusque foetui creare. Sic ajunt , qui Jansenii arcana sibi videntur detexisse , Sancyranum Lutetiâ decedentem ibi Jansenium reliquisse : at coactum redire in Patriam , quod commoda familiæ curare teneretur , elapsis fere duobus annis , Jansenium ad se Bajonam invitasse : hunc mox secutum & amicissime acceptum , etiam ab Episcopo. Inde incepta denuò communia in Patribus & præsertim Augustino , perlegendis , studia , in quodam Bajonæ vicino & sito ad mare vico , qui Champrè dicitur , tantâ diligentia , ut uterque enecari videretur.

Ejus fortuna.

Interea Vergerius Episcopi Bertrandi d'Escaux favore Canonicus creabatur Cathedralis templi , & Jansenius Moderator Collegii , quod is Bajonæ crexerat. Ferunt autem Jesuitæ hic à Sancyrano & Jansenio conceptos errores , quos deinde Arnaldus *Libro de frequenti communione* edidit & vulgavit. Verùm cum Episcopus Bajonensis , vacante Cathedra per spontaneam Sebastiani Galigaji Florentini , infelicis Marchionis Ancreæ Fratris cef-

cessionem, Archiepiscopus Turonensis evasisset, id effecit, ut a vicino sibi Episcopo Pictaviensi, (qui Scaligeri discipulus fuerat, literarum hinc studiosissimus) in aulam invitaretur Vergerius, qui mox favores adeo noverat mereri, ut ipsi Diœceseos cura sit demandata, & dein Monasterii S. Cyrani (cujus festum Papistis iv. Decembris celebratur) Abbas crearetur. Inde Jansenius cogitavit redire in Patriam, quod ipsius fortuna novo sub Episcopô foret incertior, & solitudinem, adempto sibi Socio Vergerio, non ferret. Reversus est ergo, exactis Bajonæ fere x. annis Lovanium, ex Jacobi Jansonii voto, quod in animo haberet Virum Eruditissimum Jesuiticæ Factioni, quam oderat, nolebatque acquirere nimias vires, opponere.

CAPUT V.

Lovanium reversus, inclarescit Jansenius, præfectus Pulcheriæ Collegio; inde excolit sua studia solitaria, respuens Philosophicam professionem.

ITAQUE id effecit ut Pulcheriæ Collegio præficeretur. Erat autem illud recens emptum, consecratum, extructumque in honorem Divæ Pulcheriæ, cujus etiam Imaginem jam antiquitus in frontispicio præferebat. Sic autem scribunt Fromondus & Calenus.

Lovanium postea revocatus & novo S. Pulcheriæ Reditus in Belgium.
Collegio Monus ipsi de-

manda-
tum Lo-
vanii.

Collegio præfectus, fundos & reditus, suppeditata a Dominis Provisoribus pecunia, emit, adificia construxit totumque Collegium ante informe, ad eam quam hodie cernimus formam, composuit, ut merito fundator, licet alienis opibus, haberi possit. Verum non diu hæc ipsi œconomia placuit. Cum enim (sic Idem) cura familiari & regimine juventutis, multum temporis studiis suis deperire animadverteret, statuit, relictò Collegio, privatim sibi & Sacris Musis unice vivere. Et quidem in ista Schola ad majora se exercuit, quibus ipsum destinaverat Divina providentia.

Abnu-
it Profes-
sionem
Philoso-
phicam.

Neque adeò moveri potuit ut Philosophicam professionem susciperet, veritus, ne arido disputandi exercitio sublimiora, quæ meditabatur, studia suffocaret. *Rogatus (sic Fautores Zegeri in Querimonia) ut Philosophicam Professionem susciperet, renuit, quia tempus tam longa Philosophia teri dicebat, atque bona ingenia sterilescere, & in folia & spinas, nullo pæne fructu, consumi.*

Odium
Schola-
sticæ
Philoso-
phiæ.

Adeò Papisticæ Philosophiæ, quæ futilium nugarum officina est, ipsum cœperat fastidium! Imò videbatur Aristotelem odissè ceu Patriarcham Pelagianorum, ratus Jesuitica dogmata ex Aristotelicis principiis defendi. Nihilominus Philosophiæ peritissimus erat, licet a Jesuitis dein uti sapientiæ Philosophicæ ignarus traduceretur. *Tantus, inquit Idem, fuit Philosophus, ut quoties de rebus Philosophicis disputandi redisset occasio, nihil in omni Philosophia tam abditum esset, quin id incredibile acumine ingenii penetraret, nihil tam obscurum, non lumine etiam illustraret. Ut divina providentia*
factum

factum esse censendum sit , quod Philosophicam professionem respuerit , ne praoccupatis & alie infixis Philosophiae opinionibus , minus vacuus ad capiendum postea Augustinum accederet.

CAPUT VI.

Doct̃oratus in Theologia gradum suscipit Jansenius , & se praeparat ad professionem Theologicam : quaedam ipsius acta.

ET quam altiora spiraret , ostendit suscepto in Theologicis Doct̃oratu , Anno MDCXIX. 24. Octobris die , atque iterum promotus est singulari cum eruditionis testimonio. Etenim insolito more , primus gradum acquisivit , post tribus diebus habitam absque Praeside disputationem , uti Albertus Archidux mandaverat.

Ornatus istis insignibus , mox , faciente Jacobo Jansonio , Bruxellas a Nuntio Pontificis , Joanne Francisco Bagnio , jussu ut Virum Doctum in Belgio quaereret , qui M. Antonio de Dominis , Archiepiscopo Spalatensi , responderet , invitatur. Nempe hic Antonius , postquam xx. annis Jesuita in Sodalitio vixisset , favore Imperatoris Rudolphi II. Episcopus Seniensis creatus erat , & deinde contracta cum P. Sarpio amicitia , qua factum ut litibus Venetorum adversus Paulum V. se immisceret , Archiepiscopus Spa-

Doct̃or
Theolo-
giz re-
nuntia-
tur.

Monetur
ut contra
M.A. de
Dominis
scribe-
ret.

Spalatenſis evaſerat, atque ut gratias Reipublicæ referret, in Papam calamum ſtrinxerat. Cum autem inde Pontifex eum perſequeretur, in Angliam auſugit, ubi ſub Jacobi Regis tutelâ Libros ſcripſit de Republica Eccleſiaſtica eruditiffimos, tanta cum Papæ offenſa, ut Virum ceu hæreticum damnaret, & ingentiâ ejus Volumina flammiſ exureret.

Fruſtra. Hæc cæ autem Spalatenſis ſcripta, ut refutaret Janſenius, a Nuntio monebatur. At eò ferri ipſius animus non videbatur, quamquam inde lauta præmia, ingentefque favores expectare potuerit. Itaque quam poteſt humaniſſime, tantos labores ſuſcipere renuit, cauſatus corporiſ valetudinem, aliaque, quæ aliena ſibi ſtudia prohiberent. Verùm alia ſuſpiciantur Adverſarii. Ajunt enim Janſenium jam tum animo voluiſſe conſilia de edendo Auguſtino, & convellenda Pontificum authoritate, qui ſuis Bulliſ M. Bajum, Auguſtinianæ fidei deſenſorem, damnaſſent, ut quidem iſthoc volumine ſcripſerit, illaſ arte Satanæ conſectas, ceu ex manuſcripto quidam detexerunt. Igitur Janſenium non potuiſſe ab animo ſuo impetrare, ut authoritatem Pontificiam adverſus Spalatenſem tueretur.

*Literæ
Janſenii
ad Sancyra-
num.*

Sic iſti, qui addebant ſe literaſ viduiſſe Janſenii ad Sancyranum dataſ xx. Junii A. 1617. queiſ admodum iſtius Spalatenſiſ Archiepiſcopi volumina ceu eruditiffima laudaſſet & probaſſet. Nempe farraginem literarum jaçtitant Jeſuitæ ſuoiſ Sodales Pariſiſ habere tum Janſenii, tum Sancyrani, dubio incertoque charactere ſcriptarum, ex quibus

bus

bus vulgare queant (forte etiam , quæ pro libitu fingunt) quidquid inter ipsos arcani fuerit conceptum , quum clavem reppererint. Scilicet quando Sancyranus ad Sylvam Vincennensem captivus jussu Richelii duceretur , factum , ut in ipsius Musæo hic literarum thesaurus sit inventus , traditusque Societati , ut inde hominis , tot errorum suspecti , mysteria detegerentur.

Ferunt etiam lidem inter Sancyranum & Jan-
senium inito fœdere convenissè , ut Sacra Roma-
næ Religionis mutarent. Nimirum Hâsardus
famossissimus Jesuita id dixerat suâ Historiâ ; at
cum probare id non possiet , a Jansenii Nepotibus
mendacii fuerat accusatus. Verùm , inquiunt ,
postmodum constitit , quô jure id Historicus
dixerit. Testati enim sunt Viri Nobilissimi
Radzilæus & Fileæus A. 1652. & 1654. coram
pluribus (quorum exhibentur testimonia) sc
Anno 1620. & 1621. quibusdam coetibus ad-
fuisse , in quibus Sancyranus , Jansenius & Arnal-
dus de negotiis gravissimis consultarent. Et qui-
dem Sancyranus consulebat id agendum , ut plebs
a Regularibus averteretur , quod facile fieri pos-
set , si pœnitentia redderetur difficillima , & ra-
rus Eucharistiæ usus. At Jansenius respondebat ,
non esse consultum simul omnes Regulares adori-
ri , optimum fore si a Jesuitis fieret initium. Itaque a
doctrina Eorum ordiendum esse , quandoquidem
de gratia , ceu Pelagiani sentirent. Et facilior
hæc foret via , quando jam Romæ tempore Cle-
mentis VIII. fere essent damnati , & satis osten-
di posset eos palam adversus Augustinum sua
dogma-

Ejusdem
cum
Sancyra-
no Con-
silia, uti
hostes
referunt.

dogmata urgere ; se autem paratum , id ostendere grandiori volumine , quod Augustinus diceretur. Placuit vero consilium , & dies docuit, quam deinde utrumque arriserit , quando Galliam Sancyrano turbante , Arnaldus adversus Frequentem communionem scripsit, & Jansenius suum Augustinum, qui tantos in Orbe tumultus concitavit.

Sic Jesuitæ : qui addunt , conventum etiam fuisse , ut Deismus in Christianismum invehetur , negatis fidei de Christo mysteriis, mendacium clamante Arnaldo , quod pueritia (natus cum esset Anno sæculi xii.) isti cœtui adesse non permiserit. Nec defuere, qui Virorum honorem vindicarent editis scriptis, quæ *facta* appellant, Hasardo opponenda. Attamen repetitum est istud *ἐγκλημα* sæpius vulgatumque, uti refert Montaltius in Literis Provincialibus, *in Portu Regio Sancyrano & Jansenio ducibus arcanam aliquando contionem fuisse ad everiendum incarnationis mysterium, abrogandam Evangelii, tamquam fabula, fidem, delendam Christi Religionem, & super hisce Deistarum Impietatem extruendam.*

Parum
ex vero.

Ego verò, quidquid clamitent Jesuitæ, in animum inducere non possum , ut Viros , quorum Scripta sunt notissima, hujus saltem sceleris reos fuisse credam. Nempe Jansenius ubique celebrabat in suo *Augustino* gratiam Christi, & Sancyranus suis *Lueris* in id totus est , ut doceat animarum consolationem , procul mundo in Divina gratia & Christo quærere , ad quem omnes turbatæ animæ forent remittendæ. Utique magis Euangelice,

licè , quam docent Jesuitæ , qui aliud Euangelium , jam a Paulo *Epist. ad Galatas* in ipsorum Patriarchis damnatum , prædicant.

CAPUT VII.

Janseii munera Academica.

Postquam Doctoratum in Theologicis suscepisset Janseius , brevi post tempore , favore suorum , Professor Theologiæ renuntiatus est , & cum in Palæstra Academica optimè se gereret , dein A. 1630. ipsi professione a Rege Hispaniarum demandatâ , jussus est *S. S. Literas interpretari*. Unde natus in *Deuteronomium Commentarius* , nec non in *Proverbia, Ecclesiasten, Sapientiam & Sophoniam Analecta* , quæ posthuma tamen in Eruditorum Bibliothecis aservantur. Atque isti quidem operi videbatur sufficere , quum Hebraicæ Græcæque linguæ peritus esset , præter plurimorum inter Scholasticos & Monachos morem , quibus sordent Orientales Linguæ , dum statuunt Vulgatam Bibliorum editionem a Sixto V. & Clemente VIII. correctam , unicè ceu Authenticam venerari.

Intereà spretâ Scholasticorum turba , lectioni Patrum, præsertim librorum Augustini, indefessum applicuit animum , hinc „familiaribus (sic Janse-
„niani Augustini Editores) quandoque fassus , se
„decies & amplius universa opera Augustini at-
„tentione acri , adnotatione diligenti ; libros ve-

Professio
Theolo-
giz ipsi
deman-
data.

Janseii
in Augu-
stini li-
bris stu-
dium.

„rò contra Pelagianos facile trigefies a capite
 „ad calcem evoluisse. Addunt, dicentem non
 „semel audivimus: vitam sibi jucundissimam fo-
 „re, si in Insula aliqua aut caute Oceani, ex-
 „tra omne humanum consortium, cum solo suo
 „Augustino deponeretur. Breviter, post Deum
 „& Sacram Scripturam, omnia ei erat Augusti-
 „nus; adeo ut etiam lætaretur se ad eum Epi-
 „scopatum electum esse, in quem autoritate
 „Pontificia conversum fuisset Monasterium Re-
 „gularium Sancti Augustini. Sic Illi.

Ipius
 Idolola-
 tria.

At quæ subjungunt Idololatriæ sunt, neque
 discipulum Augustini decuerunt. Scilicet in Ope-
 „re isto, quod *Augustinum* vocat, componendo,
 „ubique ad preces & opem S. Augustini identi-
 „dem recurrebat, & sæpe familiaribus testaba-
 „tur se evidens ejus adjutorium in mediis difficul-
 „tatibus persentire. Sic phantasmatis deludi po-
 „tuit magnum Viri ingenium, quasi Christi gratia
 ipsi non sufficeret! Nempe ut de Dei gratiâ scri-
 beret, opus erat gratiâ Augustini! Nec dubitem
 quin ad Sanctam Virginem, cujus Collegio (hanc
 enim Pulcheriam esse dicunt nonnulli) fuerat Præ-
 fectus, pariter confugerit: forte illius quoque
 auxilia persenserat! Quid autem ipsum habuit, cur
Baronii stultitiam sequeretur, quando in *Annalium*
 compositione ad Mariæ Virginis auxilium confu-
 git, ipsi cum Trino Deo actis gratiis, quando
 aliquem Tomum absolvisset?

Idolola-
 tria Ba-
 ronii
 verba

Sic sane Cardinalis in fine Tom. 1. *Emenso*
primi sæculi quasi vasti maris itinere oratio con-
quiescat, ita tamen ut gratias Immensus agat
Deo

Deo Patri, Filio, & Sp. S. & Sanctissima Virgini ut ^{compere} conciliatrici Divini Numinis: ipsi namque sicut hæc ^{ta.} omnia nostra accepta ferimus, ita pariter & offerimus, ut ipsa eadem, qualiscunque sint, dilecto Filio suo porrigat, ut impartita benedictione sanctificet, illamque pro munere gratiam poscat, ut ipse sit portio in terra viventium. Sic Cardinalis, & notare hæc debuimus, ut habeat Roma pudorem, quando accusata non audet crimen confiteri.

At cur imitatus est Jansenius, Monachalem exosus superstitionem? Absque dubio Idololatricum Jesuitarum morem, ad Lojolam, quando quoddam opus occipiunt, confugientium, abominatus fuit: quare parilem imitatus est in implorando Augustini auxilio dementiam? Nimirum *illud Sensit*. Tantum valet in animis hominum, etiam dum sapere videntur, superstitio! An porro calumniabitur nos phantasmatis deludi, quando potius de Sp. S. gratia & testimonio ad conscientiam gloriamur? Atqui istius superstitionis non fuit Augustinus, nec eam ferebant aut ejus principia aut tempora, quibus docuit, ut pluribus Reformati ostenderunt; nunc Lector *Vossii Dissert. Historico-Theologicas* queat consulere, *Pag. 104. & seqq.*

CAPUT VIII.

Jansenii Virtutes, quæ laudantur ab Amicis.

LAudant porro in Jansenio Viri, qui ipsi favent, ipsoque familiariter sunt usi, ingenium

acerrimum, judicium gravissimum, memoriam tenacissimam, nec non magnanimitatem, indefatigabilem nocte dieque diligentiam, masculamque pietatem. Sic enim Operis posthumi Editores, qui pergunt hæc ipsius scribere encomia & pandere laudes. *Vitam pie semper & religiosissime traduxit, nec superstitiosus tamen aut scrupulosus erat: sed mascula pietate & ferventi præsertim charitate in Deum & propinquos exarsit. In pauperes largus, restrictus in se, in mensa cum lepore, siccus tamen semper, & cum interdum ad prandia, quæ detrectare non poterat, invitaretur, agebat se ire in penitentiam. In epulis enim luctum animi ejus facile advertisses, ne pars superior pruritu voluptatis delaberetur in concupiscentiam. Omnibus vero tentationibus meditatione matutina se preparabat, quam quotidie hora quarta aut maturius studiis pramittebat repetebatque vespere ante quietem; & totus revera dies nihil fere aliud erat, quam jugis Dei aut divinorum meditatio.*


Taciturnior porrò erat, quam quidam voluissent. Idque adscribere Amici ejus prudentiæ; nonnulli morositati. Nec diffitentur Fromondus & Calenus Encomiastæ, quod iracundior fuerit. Saltem sic illi. *Subtilis cholera nonnihil habuit, quam flammule salispetra lepide comparare solebat, quæ momento incenditur, & sine nidore & fumo momento in nihilum dispergitur. At quam atra bile in nos efferbuerit, ipsius odia testantur mox memoranda. Ab hoc igniculo (sic pergunt) modicus calor & splendidus quidam fulgor totam acuebat & illuminabat animam. Sed quam spissa nube odia & ira in Reformatos ejus animum obduxerint & obscuraverint*

rint, ne verum cerneret, Libri ostendunt, quos in nostram fidem edidit: utique non isthoc acumine & iudicio, quo in Augustino versatus est, quando errores Jesuitarum oppugnaret.

Præcipue in Viro celebrant lidem intimum veritatis amorem, ut, sublati in cælum oculis, sæpe auditus sit inter horti spatia & solitarias meditationes erumpere in hæc voces, O VERITAS! VERITAS! & rogatus, quodnam Dei attributum maximè veneraretur, responderit VERITATEM. Vixit sane Vir doctissimus in Papatus tenebris, ubi *efficacia viget erroris ad credenda mendacia*, uti prædixerat Paulus. Et sine dubio suæ conscientiae satisfacere non potuit, dum vidit ibi caligine involvi doctrinam de gratia, quæ salutis ab æterna prædestinatione ad sempiternam usque gloriam fons est & origo.

Sane hæc Christianismi est. mysterium, absque qua nulla intelligitur Euangelica veritas, cum omnia dogmata ex una gratia suspendantur. Ut, cum vidit noster Jansenius gratiam in sua communione profane obscurari, quin abnegari per Jesuiticos errores, haud mirum fuerit ejus animam, cum gratiæ efficaciam agnosceret, gemebundam sæpius hæc verba profudisse. O Veritas! Veritas! vide & confer Joh. I. 14, 17. & VIII. 32. Ubi Servator *Veritas vos liberabit.*

Itaque memoratur illius symbolum, IN VERITATE ET CHARITATE. Utinam ad illam magis attendisset post lucem in Reformatione exortam, etiam in doctrinâ de gratiâ, atque hanc magis exercuisset erga nos, qui saltem Christiani



sumus ! Myſterium iſtius Symboli intelligere nos docuit ipſe *Tom. II. Libr. Proœm. Cap. VII.* ubi oſtendit duplicem eſſe modum penetrandi Myſteria Dei, humana Ratione (ſed qui philoſophorum proprius, periculofus eſt) & Charitate, qui tutius foret Chriſtianorum. Nempe Charitate purgatur cor hominis, & illuminatur, ut ſecreta Dei penetret, uſque ad eò ut per eam in Spiritualibus viris & fœminis magis creſcat ſapientia, uſque dum perveniat ad perfectum diem. Quare invenitur *Cap. VIII.* in Scholaſticos, qui non niſi ratione videntur de Veritate diſquirere, unde non niſi ſtrigoſæ quæſtiones, altercationes, diſſenſiones Magiſtrorum & Diſcipulorum a Magiſtris, atque demum fluctuationes cum incertitudine manifeſtæ veritatis. Sane diſputationes & notiiti Scholaſtica, erant non niſi Metaphyſica Ariſtotelis eliquationes. Quo nihil incongruentius : quin ſic res ſupernaturales ex principiis pure naturalibus declarantur & ſuſpenduntur.

Atqui alio erat agendum modo, Veritas quærenda erat in Charitate ; i. e. non in cerebri ſubtilitate, ſed cordis puritate. Unde haud mirum ſi non niſi in Sanctis & ſimplicibus animabus inveniretur. Sunt enim arcana Myſteriorum veritates, divina & luminofa Charitatis fœtus, quæ exceſſus, ecſtaſes, liquefactiones & heroicos impetus parit, a quibus longe aberant Scholaſticæ ſpeculationes, tandem in ſapientiam, quæ inflat & vana eſt, deſituræ. Sic Ille ibi & plura, quæ in Scholaſticos dicta jure a Viro, qui Scholarum ſuarum nugas noverat.

Rectè Janſeni ! Hinc enim Reformatis Theologis Theologia inter tuos Scholaſtica quoque faſtidio

stidio fuit , prout nullam laudamus , nisi quæ sit ἀληθεία ἐν ἀγάπῃ , ac verum Dei cultum seu amorem cum verò de ipso sensu jungat. Quod autem nos id faciamus convenienter Evangelio procul αὐτοφιλία , quæ Papatus uti Pelagianismi fundamentum est , dictitat conscientia.

CAPUT IX.

Janseii studia contra Jesuitas ; illius itinera in Hispaniam.

T Alis autem cum esset Jansenius , facile inter Lovanienses Academicos primarias laudes meritis est , summus Jesuitarum adversarius. Et animum accendebant Alii , qui accrescenti istorum audaciæ sese opponerent. Eos inter erat Vir egregius J. Travisius , Alberti, olim Belgarum principis , & Isabellæ Eugeniæ Medicus , qui Societatis odio quidquid erat Libellorum in Jesuitas scriptorum , collegerat. Quin ut Jesuitis officeret , iras nunquam non Jansenio & Fromondo in Eos inspirabat , emptis quoque ædibus , quas habitarent , oblatisque impensis in Librorum , quos scriberent , editionem. Itaque jam ardentia Janseii in Sodales odia detexerunt Jesuitæ ex Literis , de quibus ante dixi. Nempe ad Sancyrantum indignabundus querebatur 13. Junii A. xxii. quod Papa Gregorius XV. Ignatium & Xaverium in Sanctorum numero adscripsisset ; Oratorios Patres in Batavis , amore Berulii Car-

Janseii
in Jesui-
tas odia.

dinalis, summi Jesuitarum hostis, fovebat literis ad Hollandiæ Episcopum, probabatque quidquid in Lojolitas Libellorum scriberetur.

Jesuitarum studia ut Lovanii docerent Philosophica.

Imò verò cum Patres Societatis in id studerent, ut Lovanii libertate docendi Philosophica fruerentur, omnibus viribus repugnabat, ut quidem hinc bis in Hispaniam proficisceretur legatus Academicus, quò impediret. Memorant istud iter in Vitæ Synopsi Fromondus & Calenus, quando scribunt, *bis legatus in Hispaniam missus, difficultates Academicas ex adversariorum manibus felicissime extricavit.* At causam non dicunt. Eam autem exponit Episcopus Gandavenensis in suâ Apologiâ, ubi ait, *ablegatus fuit in Hispaniam pro defensione Academia Lovaniensis adversus usurpationes & novitates, quas in eam inducere Jesuitæ conabantur.*

Uti Leodii.

Nempe A. 1612. Papa prohibuerat ne Jesuitæ Philosophiam docerent. Nihilominus Leodii & Duaci Scholas aperiunt. At Albertus Archidux indignatus claudere eas jubet; tandemque exoratus, unam permittit, quam vellent. Igitur malunt tacere Leodii, quam Duaci; atque inter eâ Principem Leodiensem precantur, ut saltem liceat suâ in Civitate indigenas docere. Nec contenti A. 1618. Archiducem obsecrantur, ut pariter liceat Sodalibus Lovanii eadem libertate frui, exhibitâ Pii V. Constitutione, quæ Jesuitarum Discipulos ad Academicos gradus admittere permittebat. Ille moratur auditis multorum in contrarium suasionibus; at tandem A. 1624. 6. Aprilis cessit istorum precibus, data ipsis suâ Johannis Fannii, Consilii Brabantini Senatoris, Philosophiam

phiam & Literas docendi licentiâ.

Sed vehementer repugnabat Jansenius. Itaque ^{Jansenius repugnabat cum suis.} primarios in Academia Doctores convenit, ostenditque quæ inde secutura studiis Academicis incommoda. Quin etiam iter in Hispaniam offerebat, si assentirentur. Decernitur legatio, urgente Travifio, de quo ante, atque etiam numeros offerente. Abiit ergo Jansenius, tantumque effecit, ut Regio jussu Jesuitis esset tacendum. Ussit id loquaces Viros, qui per Philosophica suæ Theologiae discipulos præparare gestirent. Igitur Florentius Momorantius, Eorum Provincialis, omnem lapidem movit, ut rursus Ipsorum ora resolverentur. Unde Jansenii secundum in Hispaniam iter A. 1626. quô obtinuit, quod a Rege petebatur, in hunc usque diem, quando, ni fallor, Sodalibus licitum est non nisi Theologiam profiteri.

Quis inde miretur Eorum in Jansenium & ^{Calumnias Jesuitarum.} Se-
loquaces odia? Igitur convitiantur Eum, dum in Hispania fere annum moraretur, de suis opinionibus locutum, metuissè Inquisitionis carcerem, quem vix præcipiti excessu, a Salmanticensi quodam Doctore monitus, fugerit. At *Mechliniensis Archiepiscopus suo Apologetico* refert Ipsum, dum Universitates Salmanticensem & Vallisoletanem visitaret, *omnes in sui admirationem tum vita, tum eruditionis excellentia abripuisse.* Sane, si verum est *ἔγκλημα*, quî factum ut inde accreverit in Virum Aulæ favor, mox Professor Regius appellandus, uti dies docuit? Imò non videtur tantum fidei & authoritatis Jesuitis in Hispania tum temporis

habitu datumque fuisse, ut Virum tanti nominis, cum Salmanticensium doctrinâ conspirantem, in Inquisitionis carcerem rapere potuerint.

Academia Salmanticensis Augustiniana.

Libet hic referre, quæ scribit *P. Noris sua ad Vindicias Augustinianas, Prefatione*. Ibi enim questus a Jesuitis doctrinam Augustini peti & impugnari; narrat Majores ab exorientis mali primordiis erumpentem Censorum audaciam reprimere conatos. Hosce inter fuisse Ludovicum ab Angelis, Doctorem Ulissiponensem, qui S. Doctoris Augustini auctoritatem vindicaverit. Sed; inquit, cum malum quotidie glisceret, ut summus Ecclesiæ Doctor in ordinem propediem ducendus videretur, Basilius Pontius Legionensis, magnus apud Salmanticenses Theologus, non modo suos Augustinenses, verum etiam sapientissimos Dominicanæ familiæ Patres, ipsamque Salmanticensem Academiam in Augustini partes traxit, quo veluti succenturiato præsidio Sancti Doctoris auctoritas adversus Recentiorum impetum muniretur. Hinc Pontio Authore Salmanticæ A. 1627. (fuit is annus, quando Jansenius in Hispania hanc Academiam visiteret) famosum illud foedus ictum est, eâ præcipue conditione, ut Theologicâ laurea donandi, concepto prius juramento Augustinianæ doctrinæ defendendæ se obstringerent. Eo Nobilissimæ Academicæ factæ Augustinianæ auctoritati satis consultum videbatur, præsertim cum Sacra etiam Facultas Lovaniensis, jam pridem in Augustini verba jurasset.

Sic Noris; nec dubium quin Jansenius, dum ad-

adesset Pontio & cæteris Doctoribus, istius fœderis author fuerit, suæ Academiæ laudato adversus Jesuitas zelo, in exemplum. Tantum abest, ut suam ob doctrinam Hispania excedere & evadere fuerit coactus.

CAPUT X.

*Jansenii studium pro doctrina Augustini
de Gratia.*

Uti ergò Jesuitarum hostis, sic Augustini ^{Studium pro Augustino.} admirator summus erat Jansenius. Itaque in eò totus erat, ut Jesuitis Augustini doctrinam opponeret. Maxime, quia existimabat eam non rectè intelligi, aut a vulgo Theologorum, qui ipsum venerari videbantur, explicari. Igitur ad id negotium se totum composuit atque adcinxit. Et versatus est in hoc opere contra suos in communione Romana Fratres felicissime. Nam victricem gratiam defendebat; cur non eos vinceret, qui naturæ *arces* & *propugnacula* opponebant? Utique Jansenius in eò totus erat, ut non libertati subjiceret gratiam, sed gratiæ libertatem, contra Jesuitas, omnem moventes lapidem, ut Pelagiani conceptus, quos L. Molina Hispanus revocaverat ex Orco, obtinerent. Sic Augustinus enim docuerat ex Scripturis, quem inde aded dilexit, ut dixerit (satis in Papatûs ignominiam) *vitam spiritualem efformari non posse, nisi ad Augustiniana doctrina de Gratiâ normam*; porro Christianam humilitatem in ea fundari, nec eam haberi posse cum altissima sui demissione, nisi

extre-

extrema illa Divina gratia necessitas & profundissima Creatura à suo Creatore, quam Augustinus predicabat, dependentia agnosceretur.

Justum
& æ-
quum.

XIX. Et profectò rectissimè judicabat. Non enim ex alio fonte superbia crevit Jesuitarum, & Meritorum de condigno apud ipsos venditatio, quam quod inflarent Liberum Arbitrium post Pelagianos, quos ideo Augustinus *Liberi Arbitrii Precipitatores & Inflatores, ideoque Presumptiores* dixit. *Epist. 105.* Itaque observabat Liberum Arbitrium à Pelagianis defendi, *ut homo in se gloriatur, ad Bonifac. Lib. 1. c. 2. 4.*

P. Servi-
tæ testi-
monium

Et par erat Pauli Servitæ Veneti de doctrinâ gratiæ Prædestinationis, ex quâ omnis in tempore efficax gratia, judicium, *Histor. Concil. Trid. lib. 11. Pag. 187.* Prior certe sententia (Dominicanorum) „magnum complexa Mysterium & arcanum, men- „tem hominis humiliabat, atque hinc deformita- „tem peccati, illinc gratiæ Divinæ excellentiam „intuentem, abjecta protinus sui fiducia, in Deo „plane defigebat: altera vero (Franciscanorum) „magis plausibilis, popularis, speciosa, & augendo „mentis humanæ fastui accommodatior, hoc ipso „& gratior erat fratribus, artem potius prædicandi, „quam accuratam Theologiæ cognitionem semper „professis. Et Aulicis probabilior videbatur, quip- „pe consentanea rationibus Politicis. Ac profectò „qui eam propugnabant, quod rationibus mere „humanis niterentur, apud humana sapientes aliis „plus poterant; ubi vero ad Scripturam ventum, „causâ facile cadebant.

Quæ enotasse operæ pretium visum est, ut quam
nostra

nostra fides de Gratia & Prædestinatione à Viris in Papatus communione tanquam humilitatis magistra, superbiæ inimica ac Scripturæ consonans commendetur, *ὡς ἐν παρόδῳ* conspiciatur.

Sed ut ad nostrum Jansenium redeamus, dum lectioni Augustini incumberet, multis quidem annis cum veteribus suis opinionibus, quas sibi in Philosophia & primo studio Theologico Scholasticorum quorundam dictatis impresserat, extirpandis fuit luctatus, & non nisi multo labore pervenit in intimam Hipponensis Episcopi mentem.

Luctatur
cum ve-
teribus
opinio-
nibus.

Nimirum id necessum putabat ante omnia, ut rationis imperio renuntiaret. Id enim quum non fecissent Pelagiani & Jesuitæ, existimabat inde Eorum ortos esse errores, S. Scripturis adversos. Quò spectant eximia in Ipsius *Augustino* loca, de *Naturâ Lapsâ* lib. IV. c. 11. & de *Heresi Pelag.* lib. IV. c. 8. VI. c. 23. VIII. I. & 9. ubi conqueritur non tantum Pelagianos, verum etiam Scholasticos, *duos homines in uno condidisse, Philosophum nempe & Christianum, ut iste quidem præsideret; dum vociferabantur, audiendum esse quid Lex inexpugnabilis & reverenda rationis inferre cogeret.*

Renun-
ciat ra-
tionis
imperio,
ut in Au-
gustino
profici-
at.

Quare dicere solitus est, *Augustinum à Discipulis, non à Magistris, velle intelligi, & falli eum, qui alia opinione praoccupatus ad ejus lectionem accederet: omnia Augustiniana pendere ab uno principio, unde tota doctrina ejus de gratia quadam catena devincta esset: hinc factum, ut, qui ab eo aberrarant, extra viam & spem inveniendæ veritatis fuerint vagati, nominatim plurimi Scholastici, dum sensus Augustini igno-*
ri,

ri, attamen cum ad se traxerunt, quasi pro suo errore sententiam diceret. Sanctalium artium rei sunt Jesuitæ, dum vel ipsas Pelagianorum objectiones Augustino adscribunt, uti ipsius dicta, iisque sua dogmata stabilire satagunt. Vide *Jansen. Aug. Tom. III. Lib. II. c. 30. 31.*

Imperitè
versan-
tur Re-
monstr.
in Au-
gustino,
cur!

Quamobrem (ut id annotem) haud quoque mirum est Remonstrantes infeliciter adeo in Augustino versatos esse, ut Augustinum non intellexerint, gratiæ efficaciam asserentem contra Pelagium. Imo, inquiunt, Apolog. cap. XVII. Fol. 172. *Augustinum quod attinet, an ille gratiam efficacem prædeterminantem ex se, an ex modo operandi, qui libero arbitrio congruit, qua gratia congrua vocatur, asseruerit, inter Eruditos disputatur.* Certe inter Pontificios, quos inter vecordes Jesuitæ, Remonstrantibus amicissimi, dum videri nolunt ab Augustino aperte recedere; at quam frivole, *Jansenius* ad Solem ostendit, *Augustini Tom. III. Lib. 2. c. 32, 33.* Inde omni opere in eo totus est, ut ex Augustino efficacem se ipsa & prædeterminantem gratiam adstruat.

Habent certe ibi satis Remonstrantes, ex quo Augustini mentem nunc intelligant, si non perceperunt adhuc, cum *Semi-Socinianam Apologiam* scriberent, occæcati Jesuiticis erroribus & fraudibus; addantque *Forbes. à Corse Instruct. Theol. Lib. VIII. ubi castigatum Doctiss. Vossium* videbunt, quem pro se citant dicto libro & alibi. Neque etiam G. Twissio malleo Remonstrantium is potuit placere, uti videre est in ipsius *Animadvers. c. Titulum, Pag. 335.* maximè in Prædestinationis

nis & Perseverantiæ articulo, parumque abest, quin eum Cassianum appellitet, ut ut Augustinianus esse videatur.

Et quam voluissemus Virum cautius, *Historiam* ^{Vossii} *Pelagianam* cum scriberet, versatum in explicandâ antiquitatis sententia! Sed studebat Arminianos (quorum factioni fuit nimium implicitus propter Magni Grotii fautoris aliorumque consuetudinem) crudiori Pelagianismo exsolvere, ne ab instanti Synodo Dordracena, ut condemnatum diu errorem revocantes, severiùs damnarentur. Uti-que ipsum cum Arminianis nimium fecisse testantur *Remonstrantium Epistola* (vide Pag. 467.) nec non illa, quæ de *Redemptione universali*, *Prædestinatione* &c. suis de Pelagiana hæresi Libris passim disseruit. ^{cenlura.}

CAPUT XI.

Accuratus causa & occasio istius studii exponitur.

JAm verò in Jansenio studium indagandi de Divina gratia Augustinianam veramque sententiam exacuit lis inter Dominicanos & Jesuitas acerrima, horumque Pelagianizantium tum ^{Lis inter Dominicanos & Jesuitas de gratia.} temporis audax petulantia & vigor.

Etenim post fata Clementis VIII. sub quo, ^{Ur ea aucta Romanæ coram Clemente VIII.} dum senex Theologiæ incubuit, licet LXVIII. habitæ Congregationes ab A. 1598. usque ad A. 1605. ad componendas finiendasve dissensiones ^{inter}

inter Dominicanos & Jesuitas , recens obortum Molinam secutos (Papa inclinante adeò in illorum sententiam , ut etiam Patrem Lemos Cardinalem creare constituerit) his ista indefinita permansit. Ut quidem nihil agendo (an quod Clemens occubuisselet ?) desertus sit Augustinus , qui asserendæ Gratiæ adeò insudaverat , hinc datâ Pelagio libertate per Jesuitas sua propagandi mendacia. Forte quia se acrius Reformationi opponerent , quæ unice gratiam spirabat.

Et Paul-
lo V.

Mortuo tamen Pontifice , juratum est in Conclavi , quod futurus Papa finem quæstionibus intra annum foret impositurus. At Leo XI. cum vigesima ab inito Pontificatu die ardente febre obiret , isti negotio adjungere animum non potuit. Attamen id prosequi Paulus V. tentavit. Sub eò enim XIV. Congregationes habitæ , in quibus Consultores satis sunt experti Jesuitas a mente Augustini , quem sequendum in Controversiis de Gratiâ Clemens decreverat , aberrare. Tandemquæ Pontifex in Congregatione 1. Decemb. „ A. MDCXI. scivit ad tollenda scandala & dissensiones , quæ oriebantur ex editione Librorum „ de Auxiliis , ut scriberetur Nuntiis , ne sinerent „ quicquam imprimi in materia de Auxiliis gratiæ , etiam sub prætextu commentandi in Thomam , & qui vellent de gratiâ quid scribere , „ prius suos Tractatus Inquisitioni committerent. Ut sic quidem tam Dominicanis , Augustinum laudantibus , quam Jesuitis , Pelagianizantis Molinæ asseclis , imposita silentii fuerit necessitas.

At istud observari non potuit , quum materia de

de Auxiliis ubique omnem Scholasticam Theologiam permearet. Et debuere scilicet Doctores Calvinianos in articulo de Gratia & Libero Arbitrio impugnare.

Quare non deferbuere contentiones subsequen- Frustra-
neum, &
itera-
tum.
tibus annis, quin in tantum exarsere Fratrum, quorum gratia rara erat, iræ, ut Urbanus VIII. d. 22. Maji A. MDCXXV. decretum Pauli V. iterare coactus fuerit. Quin etiam arctius constricto vinculo, *præcepit singulis cujuscunque Ordinis, Congregationis, Instituti, Societatis, & aliis quibuscunque tam Ecclesiasticis, quam Secularibus, ne in posterum quocunque prætextu aut quavis occasione quicquam prælo subicere audeant de Auxiliis, sine speciali licentiâ à se in Congregatione Sancti, quod vocant, Officii obtinenda, donec aliud in hac materia à Sede Apostolicâ esset constitutum.* Et quod est amplius, non parentibus eripit legendi, docendi, concionandi potestatem ipso facto, statuitque alias tanto crimine condignas pœnas: vult libros impressos contra hoc decretum confestim pro prohibitis censerî, Typographos autem præter librorum amissionem, pecuniarius multâs ac corporalibus pœnis teneri juxta peccati gravitatem.

Bella certè Bulla, quæ criminibus annumerat gratiæ ad mentem Augustini tuteiam ac defensionem! Sed hæsit bonus Pontifex inter sacrum & saxum, lupumque auribus tenebat. Ideoque non decidit controversiam, sed imponit utrique Parti silentium, dum metuit ne decisiones in apertas divisiones erumperent. Illinc non audet feroces Jesuitas irritare vel condemnare, ut qui magnum suæ Sedi afferrent incrementum;

hinc verò non sustinet adigere ad extrema Dominicanos, qui Augustinianis principiis accedebant, ut jam Antecessor Clemens VIII. declaraverat.

Iterum
id fuit
frustra-
neum.

At quid dein labentibus annis contigit? Neglectum est Papæ decretum, contemptaque istius jovis ira, ut brutum fulmen. Pergunt enim Doctores pro suo gradû & potestate disputare de Auxiliis: & quâ aliàs possent, cum in illorum doctrinâ fere omnis ipsorum Theologia Scholastica verteretur? Volitant igitur ubique examina Librorum, quibus amplissimæ appenduntur approbationes, & non edidit in lucem vix Scholasticus in Hispania, Germania, Gallia, Belgioque aliquod volumen, quo non de Gratia ac Libero Arbitrio, Prædestinatione & Providentiâ ex suis hypothésibus disputaverit. Itaque Episcopus Mechliniensis & Gandavensis suis pro Jansenio Apologiis observarunt ab edita Pauli Bullâ ad usque Jansenium innumera volumina de Auxiliis, inscripta quoque Cardinalibus, Nuntiis Apostolicis ipsique Pontifici, in lucem prodiiisse.

Libri
editi non
obstante
decreto.

Infinitem foret de omnibus dicere. Nec enim tacere poterant garruli Jesuitæ, Meratius, Tancerus & alii, etiam reculis Lessii libris, quum suos edere aut non auderent vel nequirent. Neque adeò tacebant alii, qui hæc æquis oculis non ferebant. Hos inter occurrit *Theodorus Smising*, Lovaniensis Theologus, qui edidit volumen ingens de *Deo Uno & Trino*, statim anno 1627, quo fusè materia de Auxiliis pertractatur, cum adjunctis Imperatoris & Regis Hispaniarum privilegiis

vilegiis. Sed & *Guiljelmus Gibieuf*, Doctor Sorbonicus, qui notissimus est inter Eruditos ex Cartesii Epistolis, scripsit Librum A. MDCXXX. *de Libertate Dei & Creatura, ad mentem Augustini, Thomæ, Scoti, Henrici Gandavensis aliorumque Venerum Theologorum*, & multis approbationibus ornatum ipsi Urbano VIII. dedicavit, quamquam non admodum placeret. Forte in sequentibus eximii Voluminis summam exhibere fuerit consultum.

Id certum, tantopere illud Jansenio, qui Vi-
rum a juventute noverat, fuisse probatum, ut
suo, quod dedit testimonio, scripserit, Autho-
rem, *dum faceret homines liberos, fecisse divinos.* Declaratio Clementis VIII. pro Augustino.
Quin præfixit Vir Egregius suo Operi Clementis
VIII. declarationem, quâ ad Augustini doctrinam omnem de Gratiâ disputationem decrevit adstringendam: eò quod I. *Augustino Duce Ecclesiæ acies Pelagianos confecerit.* II. *Iste Episcopus nihil intermiserit, quod ad presentes controversias de gratiâ pertineret.* III. *Et Prædecessores Episcopi Romani adeo Augustino adhaeserint, ut ejus sententiam hereditario quodam jure in Ecclesiâ relinqui voluerint.* Quæ sane Pontificis declaratio Jesuitas, ubique ad Augustinum remissos, egerat in furorem, ut ipse Gregorius de Valentia, cum animi ægritudine ex hoc Pontificis argumento (*si vicit Molina, cadit Augustinus; si vero vicit Augustinus, cadit Molina*) non ferret, Româ Neapolim secedens mox obierit, & alter ex ipsorum Societate indignabundus disputate voluerit, *non esse de fide Papam hodie sedentem de jure divino Pontificem*

Romanum, id est, *Successorem Petri esse*. Adeò voti quarti oblitus, tenax verò sui erroris erat Jesuita, quem superbè venditabat. At parùm abfuit quin ilicò meritas audacis petulantiaë pœnas lueret. Imò jam ductus in carcerem fuisset, nisi Hispaniarum Regis Legatus intercessisset. Sic refert P. *Matheus Historicus insignis Henrici IV. Tom. II. Lib. VII. Narrat. IV.* qui addit se *litteras Baronii Cardinalis ad P. de Villars Archiepiscopum Viennensem* vidisse, quæ ait se, utpote sollicitum de suis Jesuitis, quos pro viribus, accusatos & ob dogmata pluribus etiam Papæ invisos Romæ tuëbatur) Eos monuisse, ne existimationem suam suorumque defensione Librorum Molina periclitari sinerent & in discrimen adduci. Nimirum illos colebat ut Patres, & opprobria illis exprobrantiam in ipsum ceciderant. Adeo ipse Jesuita Cardinalis Pelagianos quorundam Jesuitarum errores noverat!

Jesuitarum audacia contra Reges, ut Papæ favores mereantur, nec mererentur iras.

Interca ubi sic prohibebantur Libri de Gratia, & vetita fuit Authoritate Papali quævis de hoc Articulo capitali dissertatio, Jesuitæ captare Pontificis gratiam adnitebantur, quò lapsu temporis obtinerent, quos quærebant, de Adversariis triumphos. Igitur, ut id non taceam, sub ipsius oculis (quidni auspiciis?) *permisso Superiorum Romæ A. MDCXXV. prodiit Liber* cujusdam Sanctarelli *de Hæresi, Schismate, Apostasia, Sollicitatione S. Pontificis, illiusque Potestate in his delictis puniendis.* Thematata autem inter alia cap. 30. 31. hæc erant. *Papa potest punire pœnis corporalibus Reges & Principes ac dispensare Subditos à debitâ ipsis obedientiâ, etiam propter alias causas, quam hæresin, scilicet ob vitia ab*
illis

illis commissis, vel si fuerit ex usu, aut Principes sint negligentes, &c.

Ast simul ac in Galliam est delatus, à Sorbona masculam passus est censuram, *ut qui contineret doctrinam falsam, erroneam, contrariam verbo Dei; aperiret viam ad schisma; derogaret Regibus summam auctoritatem, que non dependet nisi à Deo; impediret conversionem Principum infidelium atque hereticorum; porro turbaret publicam tranquillitatem; averteret subditos ab obedientia & submissione suis Principibus debita; excitaret rebelliones, seditiones, parriciàia.* Sic refert L. de Saint Amour in suo (*Journal*) Diario, Pag. 9.

Ita sane studebant Jesuitæ Papæ adulari, quò cato astu à Dominicanis ad suam Societatem ejus animum magis converterent. Et passus est Pontifex Librum hunc edi vulgarique in ipsa Roma, claro testimonio, quò Jesuiticæ factioni, cujus tamen opiniones suas aperte facere non est ausus, faveret. At nec Sorbona infame volumen tulit ex odio Societatis, totum Regnum & Aulam corrumpentis & occupantis: nec ipsum Parlamentum, quod Jesuitam Cotonum cum suis mox accersivit, ut exquireret, an doctrinam infami libro contentam, probarent. Respondent interrogati, *se cum Sorbona & Gallia Clero convenire, pessimèque Santarellum de Regibus, & eorum auctoritate scripsisse, quandoquidem immediata illorum a Deo sit potestas & jus in subditos independens.* Cotonus tamen, læso nimis animò (dixerat enim ad quæstionem Præsidis, *cum Santarelli Liber a vestro Generali Roma sit probatus, quid vos censeretis, si esse-*

is Roma? Generalis noster vix est, ut improbare possit, quod probat Roma: mutaretur nolis cum cælo animus, & sentiremus ut Roma) tadio interrogatoria actionis morbo correptus, non multo post facti legem implevit. Sic refert Grammondus Histor. Gallia Lib. xv. ubi queant Eruditi videre plurima Santarelli notata & castigata dogmata.

Pontificum a
veritate
Apostasia.

Interim admiranda hic sunt Romæ Paparumque consilia, ut sese Apostatas ab antiqua fide demonstrarent. Profectò non bene consulere Pontifices seu sibi, sive Romanæ Ecclesiæ tranquillitati, dum indecisam reliquerunt inter Dominicanos & Jesuitas de Gratia controversiam. Saltem finire potuerunt pro sua potestate illi Judices, quid ni debuerunt pro arrogata sibi infallibilitate? Utique disputabatur de mente Tridentinorum Canonum, qui dubio sensu erant concepti, ut nec Dominicani, nec Franciscani condemnati viderentur. Itur ergò ad Judicem. Ille respondet se judicare aut nolle, aut non posse. Nec erat res parvi momenti; agebatur, an caderet Augustinus, potius Paulus, an Pelagianus Molina. Agebatur de causa salutis, an in Deo, an in homine foret quærenda. At metuit non unus Papa suæ authoritati, nec putavit se Jesuitarum præpotentium animos sua decisione convicturum, ut ab inolitis opinionibus desisterent.

Consilia
politica.

Hinc Paulus V. Cardinali J. Davidi Perronio considerata attentius commisit Concilii Tridentini Acta, quò videret quid de vexatis quæstionibus esset statuendum. Egregium sapientiæ & infallibilitatis Papæ testimonium! Tantæ molis
erat

erat definire controversias, super quibus tanto tempore tot Consultores disceptassent, imò quas Ecclesia ante terminasset! Tam obscurum erat, quid Tridentini Patres suis decretis voluissent! At Cardinalis post aliquot moras nihil definiendum statuit, ut narrat *Vita ipsius Scriptor, tum habita ratione duorum Sodalitiorum insignium, tum ratione magnorum Virorum in hac arena certantium, tum rei ipsius permultis difficultatibus opportuna.* Consilium sane Politico magis quam Christiano dignum!

Sed quid aliud expectes ab homine, Pontificis in ipsa Gallia mancipio, Apostatâ (Patrem enim habuerat Ecclesiæ Reformatæ Ministrum) & dubiæ adedò in Religione Christianâ fidei, ut se tam promptum ad tuendum Atheismum, quam Dei existentiam coram Rege Henrico III. ostenderit? Sic refert ex testibus *Voetius Disp. T. I. p. 118.* Cæteros autem istius Viri mores descriptos vide apud Eundem in *Disp. Causa Papatus Lib. III. S. II. C. I. & Molin. N. de Papisme Lib. VII. Cap. 6. Controv. 6.*

Imò vero visus est Cardinalis benevolus admodum Jesuitis, quos periculo liberare non poterat, nisi hoc, quod dederat, consilio. Sane scribebat ad Henricum IV. A. 1606. 23. Jan. Hispanos apertè in Dominicanorum partes transivisse, odio Generalis Jesuiticæ Societatis in Regem bene affecti: adeoque consultum putavit Sodalibus, suæ Majestati amicis (satis notum quâ fide Græca & conscientia) favere. Neque cò aliam rationem noverat, omnibus in condemna-

tionem conspirantibus , quam ut definitionem litium dissuaderet , potiùs silentium utrique parti imponendum commendaret. Et profecit adeò , ut obtineret quod in votis habebat , quanvis Clementis VIII. Decreta in Jesuitas Scriniis Papalibus essent reposita , impedita modò illius morte , ne vulgarentur ; & satis expertus foret Paulus V. ex Congregationibus suo jussu habitis , quò jure Antecessor illa condi decreta voluisset. Nos illa , quæ videre Mauguinius gestiebat , huic Opusculo forte subjiciemus , ut Jesuitæ suas condemnationes legant , quando sibi tantopere ob Bullam Innocentii X. in Jansenium gloriantur.

Haud
Christiana.

Atqui pessimè fecerunt Pontifices cum utrique Parti , tam Dominicanæ quam Jesuiticæ , imposuere silentium. Ita enim debuit veritas conticescere propter loquax mendacium , & Augustinus secum habitare jussus est , quia alias garriret per ora Jesuitarum condemnatus olim Pelagius. Miseram veritatis fortem , quando cogitur tacere propter oborientes errores ! Quasi idem falso esset jus loquendi , quod est veritati. Saltem recesserunt sic Pontifices à pristino zelo , quo Episcopi Romani exarserant , cum contra Pelagium pro Augustino sententiam dicerent. Certe definita fuit Pelagiana controversia magno fervore anterioribus sæculis ; quid ergo hocce & præcedenti permansit indecisa ? An quia factiones nimium robur acquisiverant , ut decisionis felix sperari eventus non potuerit ?

At sic ostensa palam Romanæ Ecclesiæ lethalis corruptio , ac Pelagianismus nutritus & toleratus

ratus est in ejus sinu. Sic sentire permissum Societati, quô ab Augustino post Molinam apertè pessimèque defecit. Quin & hoc observandum, quod Pontifices, Urbanus VIII. & Innocentius X. tandem Jansenium in materia de Gratiâ condemnando, confutarint ipsô factô Eundem, ubi de Ecclesiæ Romanæ perpetua Successione & Pontificum incorrupta fide adversus Protestantes scripsit. Hoc enim pacto desciverunt à Petro, cujus Successores se haberi volunt, nec non ab istis Antecessoribus, qui Augustini doctrinam suo testimonio comprobarunt.

Quare Fromondus, ejus amicus & fautor post fata, cum Romæ agigaretur inter Jesuitas & Jansenistas controversia, censuit præsentē Celeb. Heydano, Jansenium omninò triumphaturum, *cum ipsius condemnatio in Cathedram Petri, id est Romanam, cadere non possit.* At quî cadere potuerit, ostendit eventus. Igitur Jansenium damnando, Fromondi judicio, Pontifex à Petro recessit, adeoque falsum est, quod Jansenius pridem & ipse pro Jansenio in gratiam Romanæ Sedis & Papæ, quasi infallibilis, saltem in Cathedra, foret, disputaverat.

Dum ergo ferverent contentiones, jurgia, & Jansenius hinc odia Familiæ & Societatis, in id erat multis annis Jansenius, ut penitùs Augustini mentem ^{ardet pro} scrutaretur, eamque a se perspectam in propatulo poneret. Et magis Viri animum acuebant ^{neglecto Romæ Augustino, & impu-} pia Abbatis Sancyrani monita, amorque illius ^{gnato a Jesuitis,} Gratiæ, cujus gustum lectione præsertim Augustini conceperat.

Accen-
dit ardo-
rem præ-
ceptoris
confi-
lium &
Janfonii
memoria

Accessit grata Præceptoris Janfonii memoria & consilium, quem Lovanii Doctorem habuerat, vehementem Augustinianæ gratiæ defensorem ac M. Baji Discipulum, indignantem semper, doctrinam Magistri Romæ esse condemnatam. Quin arbitrabatur is pro amore in Præceptorem, Bullam Pontificis M. Pii V. contra Bajum aded faventem Jesuitis, non absque mendis & fraudibus per Orbem divulgatam, maximè cum post condemnationem Bajanorum thematum Lessius Jesuita suis Pelagianismis Lovaniensem Academiam, initâ cum Molinâ societate, perturbasset.

Istius
Janfonii
pro Au-
gustino
& Bajo
studium.

Ita ipse scribit *Janfenius*, *August. Tom. II. de Statu Nat. Laps. lib. IV. Cap. 27.* Pontifex, ut indicaret non omnes articulos falsitatis esse damnatos, salutarem clausulam adjecit, *quanquam nonnulla aliquo pacto sustineri possent, in rigore, & proprio verborum sensu ab assertoribus intento.* Sic enim illa clausula tunc temporis, cum Bulla ederetur, intellecta fuit; quemadmodum & verba ista sonant, & coram toto Auditorio tunc declaratum fuit.

„Quamobrem cum A. MDCXVIII. difficultas super quibusdam Bullæ verbis esset excitata, eximius Dominus *Jacobus Janfonius*, qui omnium illorum, quæ in Bulla promulganda per Dominum propositum Ariensem, & postmodum per *Franciscum Toletum*, a sua Sanctitate Lovanium destinatos, acta sunt, spectator fuerat, in Scholis publicis Originalem Bullam manibus tenens, me præsentem dixit, illam clausulam hâc occasione

„sione adjectam fuisse, quod ad Sedem Aposto-
„licam transmissa fuisset quædam articulorum
„quorundam declaratio, qua ostendebatur ali-
„quos ab antiquis Scriptoribus fuisse traditos;
„peteretque Facultas Theologica Lovaniensis ut
„articuli, hæretici, erronei, temerarii, scanda-
„losi, offensivi &c. a se invicem secernerentur,
„ut qua quisque nota censeri deberet omnibus
„innotesceret. Quod cum Apostolicæ Sedi cer-
„tis de causis non videretur; appositum fuit ad
„solatium Authoris, ut agebat, qui doctrinas
„quasdam antiquorum perstringi querebatur,
„*nonnullas sententias aliquo pacto sustineri posse in*
„*rigore & proprio verborum sensu ab assertoribus in-*
„*tento.*

„Itaque idem Jansonius palam contestatus est
„Pontificis Bullam adulteratam esse ab iis, qui
„distinctionem ponerent post illa verba, *sustineri*
„*possent*, ut reliqua quæ sequuntur, *in rigore &*
„*proprio verborum sensu ab assertoribus intento*, ad
„damnationem referrentur, quasi in sensu ab au-
„thore intento damnarentur. Nullius enim di-
„stinctionis in originali Bullâ, quam tenebat ma-
„nibus & legebat, esse vestigium assererat. Sic
ibi Jansenius, cum post Jansonium Magistrum in-
juriam M. Bajo esse factam Jesuitarum fraude &
dolo arbitraretur.

CAPUT XII.

De Statu Academiæ Lovaniensis, in qua Jansenius Theologiam est professus Augustinianam. Summâ Censuræ illius in Jesuitarum xxx. dogmata.

Janse-
nii
pro Au-
gustino
studium.

Igitur masculè animum ad *Augustini* doctrinam seu exponendam seu tuendam appellebat. Vidit enim quorundam pro Pelagianismis suis molimina, etiam ante oculos Lovanii, maxime illorum, qui doctrinam Jesuitæ Lessii (docuerat is ibi ab A. 1585. ad A. MDC. quo obiit) laudabant & sequebantur. Debuit veritati, conscientiæ, mûneri, suæque Cathedræ consulere, quò doctrina Augustini, quam Prædecessores contra Jesuitas masculè defenderant, sicuti ex Censura in ipsos stricta manifestum est, vigeret & maneret ilibata.

Com-
menda-
rum Fro-
mondo
ad Bar-
berinum
Cardina-
lem.

Libet hæc explicare verbis *Liberti Fromondi* ad Franciscum Barberinum Cardinalem in *Præfatione* ad *Anatomiam Hominis*, dictis Augustini conceptam. *Filius*, inquit, *Romana Sedis obedientissimus fuit Jansenius*, cui totius vite labores, valetudinemque se ipsum erogavit. Credebat enim nihil utilius & gratius *Matri suæ*, a qua spiritualiter genitus erat, rependi posse, quam *S. Augustini*, Theologorum *Verticis & Coryphæi*, tot difficultatibus & tenebris impeditam de gratia *Medicinali Christi Salvatoris* sententiam, ingenio, quod ei *Deus excellens contulerat*,

Et studio multorum annorum indefesso in clarissimam lucem expedire. Hanc doctrinam putabat his maxime temporibus Ecclesie necessariam ad revocandam intro & in animi centrum veram pietatem, & stabiliendum Christiana humilitatis solidissimum fundamentum.

Sane Lovaniensis Academia Jansenii laborem postulabat. Et vicissim felix fuit Jansenius, doctrinæ Augustinianæ admirator, quod tutò animi sensa ibi explicare potuerit, suumque adornare Augustinum, consultis etiam Collegis, qui defensores ejusdem doctrinæ audire gestiebant. Viginti autem & duos annos ferunt suo Operi impendisse. Et videbatur istius Academiae gloria eandem tueri contra Jesuitas, in quos Prædecessores paribus votis Censuram strinxerant Anno MDLXXVI. quando Lessius cum suis ibi turbasset, & deinde ipso non quiescente, nec ejus Discipulis, plus vice simplici repetiverant.

Postulat
tumque
a statu
Acade-
miæ Lo-
vanicus

Operæ autem pretium est hujus negotii Historiam brevibus repetere. Postquam ergò M. Bajus a Pio V. & rursus a Gregorio XIII. esset condemnatus, & Academia Lovaniensis eò adducta, ut utriusque Bullam XVI. Novembr. A. MDLXX. & XXIX. Jan. A. MDLXXX. reciperet, (quod factum consilio & persuasione F. Toleti, quem Pontifex Lovanium miserat) prætextu oppugnantorum Thematum Bajanorum, Jesuitæ mox conati sunt ibi sua dogmata asserere.

Nempe Lessius, ut definitiones Pontificum in Bajum commendaret, Baji opiniones suis lectionibus continuò perstringebat. Nec mirum ibi mox audita murmura eorum, qui suo animo Bajum

Bajum, ceu virum Orthodoxum & Augustini vestigia prementem, amarent, atque indignè ferrent malè accusatum injuria Romæ condemnatum. Maximè cum Iste suos Pelagianismos poneret & inculcaret. Neque ipse Bajus hominem sibi ceu victo insultantem tolerabat. Senectus tamen suadebat omni labore abstinere. At ipsi operam præstabat Jansonius, de quo jam aliquoties, qui in Lessii dogmata inquirebat. Atque inde xxx. propositiones Lessianæ de Prædestinatione & Gratiâ ad censuram vocatæ. Summa erat, *Deum post peccatum Originale prævisum habere voluntatem dandi Adamo & Posteritati ejus sufficientia media contra peccata & auxilia ad consequendam vitam æternam; Deum non præcipere impossibilia peccatori, ergò dare illis auxilium sufficiens, ut possint converti; malè explicuisse Augustinum Pauli verba I Tim. II. 4. 5. Concursum gratia supernaturalis se habere uti concursum naturalem, præparatum potentie naturali; non requiri efficacem gratiam, qua voluntatem efficaciter determinet; etiam induratos & infideles habere auxilium ex parte Dei sufficiens ad salutem; opera justorum absolutâ de voluntate præordinata tollere Libertatem; numerum prædestinatorum non esse certum ex præordinatione, qua omnem præscientiam operum præcedat.*

Et hæc quidem erant Lessii & Sodalium Thematata, quæ amplius explicata in illius Opusculis videre est. Non mirum est autem Academiam Lovaniensem ista non tulisse, indignantem Pelagianismos damnatis Baji, Augustinum secuti dogmatibus substitui. Itaque moventur,

nec

nec unus aut alter Theologorum, sed in Universitate fere omnes. Etenim Censuram scripserant *Decanus* (is ni fallor Jansonius erat) & *Reliqui Theologica Facultatis in Universitate Magistri*, eamque ad Pontificem, Hanchinum Archiepiscopum Mechliniensem, & Barlemontium Cameracensem Archiepiscopum, nec non ad Academiam Parisiensem, & Duacensem miserant, ut quid rerum Lovanii ageretur ubique innotesceret.

Placet istius CENSURÆ ingenium describere, quum Jansenistæ eandem iteratâ editione excusam voluerint A. M. DC. XLI. ut post fata Magistrum defenderent.

Censura antiqua Lovanienſis repetita in Jesuitas.

Igitur in *Præfatione* ad Jesuitas, ostendunt Authores se non tulisse peregrina, offensiva & periculosa quædam dogmata circa Dei gratiam & prædestinationem tradita & asserta: maxime quod doctrinam Augustini servandam in Ecclesia putarent.

Atque inde cum Massiliensium Pelagianorum dogmatis Jesuitarum themata conferunt, & petunt ut Patres Societatis, quam periculosa sint & perniciosa considerent, utpote ex istis fontibus veluti pestiferos rivulos manantia:

Dei gratiam secundum merita nostra dari; fidem, conversionem, bona opera ac in eis perseverantiam nostrarum esse proprie virium; ex lege esse justitiam; non esse orationem magnopere necessariam in toto salutis nostre negotio; quod præcipuum est homini tribuendum, quod minus est, Deo (quis enim non videat præstantius esse ipsum fidei, conversionis, bona visa ac perseverantie

verantia opus, quam solum hoc posse & huc excitari? Item in opere gratia priores hominis esse partes, posteriores Dei; Quemque sibi ducem esse ad bonum, pedisequum ac subservientem esse Deum; denique fas esse jam non in Domino, sed in se ipso gloriari. Immo quod ex istis conficitur, ad precipuos salutis effectus gratis esse meritum Christum. Atque id totum propterea, quia efficacis Gratia cum Libero arbitrio alias iniri putetur non satis posse concordia.

In ipsa autem Censura non ferunt doceri, Adamo post lapsum & toti ejus posteritati sufficientia dari media contra peccata, & auxilia ad consequendam vitam aeternam, adeoque ad conversionem: Deum voluisse dare Christum in redemptionem pro omnibus nullo excepto, ut omnibus sufficientia remedia per Christum prepararet, ut resurgerent ex peccatis. Ut peccator possit converteri non esse necessarium ut recipiat utrumque auxilium (præveniens scilicet & concomitans) in actu secundo (i. e. excitans) sed satis esse ut accipiat auxilium præveniens in actu secundo & tunc vero habere auxilium sufficiens ad actualem conversionem. Porro concomitantem concursum supernaturalem preparatum esse peccatori, sicut concursus naturalis preparatus est potentia naturali. Deum non dare ipsa opera bona, quatenus per gratiam prævenientem dat nobis auxilium sufficiens & paratus est dare concursum gratie concomitantis in actu secundo, si velimus. Induratos & excacatos habere sufficiens auxilium, ut convertantur: omnesque infideles semper & ubique habere sufficiens auxilium, ad salutem ex parte Dei. Si enim facerent quod in ipsis est & quantum possent secundum presentem dispositionem naturalem vel supernaturalem, Deus illum

minaret eos, ut credere possint vel converti. Eum qui invincibiliter ignorat fidem, teneri ad praecepta naturalia, i. e. ad Decalogum, ergo habere auxilium morale sufficiens ad illa explenda, quia Deus neminem obligat ad impossibile: alioquin accederetur ad sententiam haëreticorum, qui dicunt per peccatum originale esse amissum liberum arbitrium ad bonum. Non esse voluntatem absolutam Patris, ut omnes salventur, sed ut omnes habeant sufficientia auxilia, ut non stet per ipsum quo minus salventur. Numerum predestinatorum non esse certum ex præordinatione, qua antecedit omnem præscientiam operum.

„Et hæc quidem Censores affirmabant tum Scri-
 „ptura, tum Augustino adversari: accedentibus etiam
 „Duacensibus, cum eorum iudicium a Cameracensi,
 „Mechliniensi & Gandavensi, Episcopis postularetur.
 „Concludunt autem memorandis hisce verbis.
 „Sententia hæc Jesuitarum divinam bonitatem obscu-
 „rat, justitiam enervat, Scripturis illudit, Patrum
 „testimonia in sensus alienos detorquet, humana ratio-
 „nis corruptioni applaudit, humilitatis fundamentum
 „evertit, precandi necessitatem non magnam relinquit,
 „propriarum virium fiduciam ingenerat in salutis ne-
 „gotio, quod præcipuum est homini donat, quod mi-
 „nus Deo, gratiam Dei libero arbitrio subijcit ac
 „ejus pedissequam facit, in summa a Pelagio non sa-
 „tis procul abscedit.

Cordate & mascole! Quidni ad istiusmodi Cen-
 suram, ceu scripti hæretici, moverentur Jesui-
 tæ! Igitur id illis omne negotium erat, ut sua
 themata emollirent, & quodam fucô obducerent.
 Unde Apologetici, atque ad Sixtum V. Pontifi-
 cem

Eaque
defensa.

cem intercessionibus, qui misertus Lessii, id curæ dabat Nuntio, ut sua prudentia Viro laboranti, & sociis opitularetur; quod contigit x. Julii A. MDLXXXVIII. Et videbantur nonnulli Pape Sixti V. mandato, qui Lessium haud condemnandum censebat, perturbari; falsò jactantibus Lessianis, magna ex parte Doctores Academicos sua dogmata amplexos. Verùm id sibi non ferendum putavit Academia. Quare mox edidit *Justificationem, seu Defensionem sue Censuræ contra Societatis Professores*, etiam jussu Belgii Episcoporum, eamque, ceu *concordi doctorum Facultatis judicio probatam* Nuntio Apostolico exhibuit, eodem A. LXXXVIII. d. xvii. Augusti, attestante *Henrico Cuyckio*, Facultatis Decano, & Vicario generali Mechliniensi, qui cum *F. Costero*, Jesuitarum Provinciali, in id studuerat, ut Lessius Censuram Academiæ effugeret. Quin iterata in Eos Censura est A. xc i. atque ad Pontificem M. missa.

Urebant hæc Jesuitas, qui mediante Lessio cum Molinâ (is Hispaniam Pelagianismo turbârat) fœdus inierant, quod viderent Academiam decrevisse, ut *Augustini Lectionem ceu Scholasticæ disciplina fundamentum ponerent Professores & Discipuli*. Nempe is Scholasticæ Theologiæ *fons & parens esse debebat*, ne pestiferi errores ex Scholasticis nonnullis haurirentur, contra quos ex Hipponensis officina salutaribus antidotis animus præmuniendus foret. Unde vehementius obfistebant Sodales, nequicquam laborante Bellarmino, ut cautius mercarentur. Itaque quum deinde Congregationes Romanæ super Auxiliis quasi in fumum abirent,

inde;

indecisa lite , coacta est Lovaniensis Academia
rursus Jesuitarum clamores compescere , maximè
cum eam differrent ceu suam sententiam mutas-
set , editâ hoc decretô.

„Cum ad aures Facultatis Theologicæ per-
„venisset , sparsum esse in Hispaniâ , Italiâ , &
„aliis partibus , eam in materiâ DE AUXILIIS
„ET GRATIA CHRISTI mutasse sententiam &
„ab antiquâ , quam in sua *Censura* Summo Pon-
„tifici Romam transmissâ , quondam tenuerat ,
„retrocessisse , idque ob ἐνέργειαν argumentorum ,
„quæ P. Lessius tum vivæ vocis dictamine , tum
„edito libro in medium attulisset ; volens huic
„sparso rumori obviare & veritatem omni volen-
„ti scire manifestare , sub juramento congregata
„in Capitulo S. Petri , d. xxx. Julii A. 1613.
„nullo Magistrorum ipsius contradicente , tota
„Facultas uniformiter declaravit & testata est , se
„semper tenuisse , & nunc tenere , semper per-
„stitisse , & nunc persistere in sua antiqua sen-
„tentiâ , quam in dictâ Censurâ tenuit. Declaravit
„insuper tantum abesse , ut argumentis Lessii a
„sua sententia recesserit , ut ex adverso , quem-
„admodum olim , sic nunc improbet ejus edita
„scripta in hac determinata materiâ

Ex quibus omnibus apparet Jansenium non
nisi Prædecessorum vestigia secutum , immerito-
que Jesuitarum odiis pressum , Censuram Pontifi-
cis M. retulisse. Neque etiam hinc mirum vide-
ri queat Lovaniensem Academiam ægre tulisse
Curia Romanæ in Jansenium iras , quum Jesui-
tarum dogmatis favere videretur , suæque doctri-

næ fundamenta rectè posita subruere : aut ibi adhuc Viros vivere , qui Jansenii fidem de Gratiâ tuentur , quod antiquitus illa ejusdem Gratiæ contra Jesuitas Eruditissimos defensores aluerit.

CAPUT XIII.

Socii in Eodem Opere , ac Fautores Viri Doctissimi , Fromondus & Conrius, aliique.

Socii
operis.

ET verò cum Jansenii animus ad tuendam Augustini doctrinam , Lovaniensemque exornandam Cathedram exardesceret , non adeò mirum fuit , ipsi mox adfuisse Viros , quibuscum suas meditationes , consilia laboresque communicaret.

Fromondus
quis.

Illos inter fuit LIBERTUS FROMONDUS, (*Froidmond*) Leodienfis, primò Rhetor IV. annos, Lovanii, deinde Philosophus, postea Theologus, Janseniani nominis cultor, & *Augustini*, post fata Parentis editor. Quamquam Jansenio primùm audito, haud videbatur posse ipsius opiniones probare, quippe nimium Dialecticus & Philosophus, quam ut simplici doctrinæ Augustini sese committeret : sic enim ad eum increpitans Jansenius. Cessit tamen tandem factus Jansenio contubernalis. Cujus consortii læta fuit Fromondo post fata Jansenii memoria, quando scribebat in *Dedicat ad Crispi C. Voetium*, se in Colloquiis familiaribus *ab ipso per opaca scripturarum & patentes S. S. Patrum campos abductum* : profano in Dei Verbum

bum convitio, quod Papales homines decuit. Sed & ipse dein scripsit ANATOMIAM HOMINIS A. MDCXLI. eamque *Francisco Barberino Cardinali* dedicavit, ut Compendium Augustini Janseniani ceu in tabula exhiberet, atque odia Jesuitarum, jam Romæ nihil non tentantium, amoliretur. Opus utique eruditum, & ad mentem Augustini conceptum ex iisdem, quæ habuit Jansenius, principiis.

Summa est de Statu Primi hominis, & conditione Naturæ lapsæ, affirmante Authore, hominem primum in puris naturalibus, vel cum rebellionem concupiscentiæ ac cæteris naturæ humanæ miseriis a Deo creari non potuisse, *Cap. IV.* Justitiam originalem, in quâ primus homo Conditus, rectè naturalem appellari, *Cap. V.* Cogitationes hominis lapsi & appetitus ejus pronos esse ad omne malum, *Cap. VI.* Augustinum rectè Concupiscentiam peccatum Originis vocasse, *Cap. VII.* Libertatem hominis ad bonum amissam esse per peccatum Originis, *Cap. VIII.* ut alia, quæ Jansenianis dogmatis paria sunt & æqualia, præteream.

Ante omnia verò præfatur Platoniam Philosophiam longe meliorem esse Aristotelicam, etiam judicio Patrum, & magis propinquam Christianæ veritati, ut Jesuitis se opponeret, qui cum Pelagianis antiquis nimium Aristoteli favebant, quod naturæ puræ fundamenta suis de anima ceu tabula rasa philosophematis jecisset. Quam in re Jansenium etiam sequebatur, haud satis Peripateticæ disciplinæ amicus, Collega Ca-

ramuel Lobkowitz, qui *prafatione* ad suam *Philosophiam* contemptius Aristotelem habuit, quasi Academia illius Imperio esset liberanda. Bene habet quod Reformati idem arbitrati fuerint, quando jam vidissent Ecclesiam Romanam Peripateticis sordibus fuisse conspurcatam per Scholasticos, qui magis Aristotelis scripta, quam Dei verbum callerent vel objicerent! *Si quis sapere velit in Paulo, stultificetur in Aristotele*, dicebat Lutherus, & jam ante eum gementes exclamaverant Viri docti, *Nos miseros! Quis nos ab illa rixosa Theologia liberabit!*

F. Con-
rius.

Liberto Fromondo adnumerandus est FLORENTIUS CONRIUS, ex Ordine Fratrum Minorum, Augustinianæ doctrinæ Lovanii acris defensor, & titulo Tuamensis (Provincia est in Hyberniâ) Archiepiscopus, qui *Scriptum* reliquit posthumum, quod A. MDCXII. *Parisiis* edidit Thaddæus Macnamara, Hybernus, & mox post vulgatum Jansenii Augustinum Urbano VIII. dedicare est ausus. Titulus est, PEREGRINUS JERECHUNTINUS *de Natura Humana feliciter instituta, infeliciter lapsa, miserabiliter vulnerata, misericorditer restaurata*: Nec aliâ fere, quam ipsa Augustini verba refert.

„ Et quidem *Cap. I.* de ortu & lapsu Angelorum disserit; *Cap. II.* agit de exortu hominis & statu recto: *Cap. III.* de vulneribus, infirmitate, & languore naturæ lapsæ: *Cap. IV.* de consilio Dei, quo ab æterno per Salvatorem hominem vulneratum salvare disposuit: *Cap. V.* de Christi gratiâ, dono perseverantiæ &c. *Cap. VI.* de Li-
beri

„beri arbitrii infirmitate & languore : *Cap. VII.*
 „& *VIII.* docet homini ægroto non esse despe-
 „randum de perfectissima sanitate, si opem poten-
 „tissimi Medici implorare non negligat : *Cap. IX.*
 „demonstrat antiquitatem & certitudinem verita-
 „tis horum myſteriorum, ea probantibus Eccle-
 „ſiæ precibus : *Cap. X.* concludit hominem il-
 „lum non debere ſic laudare Creatorem propter
 „dona naturæ, quæ ab eo accepit, ut inde Sal-
 „vatori, qui eum ſanat, ingratus eſſe convin-
 „catur; nec defendere ſic Liberum arbitrium, Alii fau-
tores
Janſenii.
 „ut orationem Dominicam tollere inveniatur;
 „nec ita illud negare, ut in malis hominibus,
 „qui juſtè non jувantur, peccatum excuſare con-
 „ſequenter cogatur.

Et hæc quidem laudatô Opusculô Fl. Conrius, Hic lau-
datus
Lova-
nienſi-
bus.
 qui ſe Jeſuitis cum aliis Eruditis Lovanii oppo-
 ſuit. Igitur a Lovaniienſibus hanc laudem retu-
 lit, *quod mentem Auguſtini feliciter fuerit aſſequutus,*
ut non tam ſuo, quam Sanctiſſimi illius Eccleſiæ Do-
ctoris ore loquutus videretur. Eos inter, qui lau-
 darent, fuère JOHANNES, & MICHAEL PA-
 LUDANUS, JACOBUS PONTANUS, HENRICUS
 RAMPEN, JOHANNES SCHINKELIUS & JA-
 COBUS POLLETUS, maximèque JACOBUS JAN-
 SONIUS, qui A. xxv. obiit. Hic enim lecto *Conrii*
Opusculo eruperat in hæc verba; Fili, Liber tuus
completitur decem predicamenta Doctrinæ Augu-
ſtini: ego pro veritate hujus Doctrinæ extremam guttam
ſanguinis mei vellem effundere.

Quare inter hoſce Doctores, plurimumque in-
 ter *F. Conrium* & *Janſenium* intima interceſſit ne-

cessitudo atque amicitia, prout nulla magis hanc conciliant, quam iidem mores, eademque studia, ceu alibi Cicero. Ut post Jansenii mortem Jesuitæ convitiarentur Theses quasdam, A. MDCXXVII. in Minoritarum Collegio defensas, ex ipsius Jansenii officinâ prodiisse, ab eoque fuisse digestas, forinatas, limatas, ac Fraterculis tantum non invitis obtrusas, quò hac ratione suo Pseudo-Augustino viam præpararet. Nimirum vivente adhuc Conrio & Jansenio id nesciverant, non ausi Viro Doctissimo palam se opponere; quamvis illas Theses publica impugnatione vexare tentassent, quod tamen tunc adhuc factum absque tumultu. At post fata Virorum in Jansenium omnis despumavit ira, ut qui Minoritarum atque ipsius Florentii Conrii seductor fuisset: quam falsò, Lovaniensis & Duacensis in Jesuitas Censura demonstrabit.

Lovaniensibus amicis accedebant fautores. Eorum primarius erat PETRUS ROSÆUS, *Sanctioris Consilii Præses*, Vir Eruditissimus, summusque Jesuitismi adversarius, quem asserunt, uti postea referam, maximopere Jansenium in *Marte Gallico* juvisse, suisque Consiliis ad Episcopatum promovisse. Neque minus favebat JACOBUS BOONEN, *Archiepiscopus Mechliniensis*, qui in id totus erat, ut Jansenium Episcopatui Antverpiensi commendaret, prælato præter vòta GASPARE NEMIO, dum Jesuitis magis placebat, presiliurus Decessoris vestigia, qui in Canones Dordracenos calamum strinxerat. Atque ille ipse est, qui post mortem pro Jansenio

Apologeticum scripsit, obfistens ipsius Urbani VIII. & Innocentii X Bullis, quasi libertatem Belgarum tueretur.

Istis adnumerandus HENRICUS CALENUS, Leodiensis, Archipresbyter Bruxellensis, & Ecclesia Mechliniensis Metropolitana Canonicus, qui Archiepiscopo ab intimis consiliis erat, futurus Janseniani Operis cum Fromondo editor. Ne de J. TREVISIO dicam, qui Archiducum Alberti & Isabellæ Medicus fuerat, dives opum, & infensus aded Jesuitarum hostis, ut ædes Jansenio & Fromondo emerit, ubi simul rem gererent suaque consilia in Sodales promoverent.

CAPUT XIV.

Jansenii lites cum Ministris Sylvæ-Ducensibus, ipsiusque infelices cum Celeb.

Voetio pugna.

ATqui dum feliciter pro Gratia contra Jesuitas pugnat Jansenius, infausta cum Reformationis coactus est habere certamina. Reformatio
Buscoducensis. Horum hic historiam texere omninò erit operæ pretium. Nimirum Sylvâ-Ducis a FRIDERICO HENRICO Nassovio Principe, Belgii Governatore, captâ, Illustrissimis & Præpotentibus Fœderatorum Provinciarum Ordinibus ante omnia placuit, ut negotium Religionis ibi procuraretur.

Igitur eorum jussu Edicto xx. Octobr. A. MDCXXIX. in illâ urbe edito, in Parœciis Sacra

Romanensibus prohibita , & mox Edicto XII. Novemb. Hagæ-Comitis Ecclesiastici reducto totâ ditione recensî , ut in usum Religionis Reformatæ converterentur ; querente admodum , sed injuriâ , *Jansenio Mart. Gall. Lib. III. c. XIIII. & XXI.*

Decretum porrò est ut ad Germanam ac puram Salutis doctrinam , Incolis secundum Verbi Divini amussim prædicandam , Viri docti & negotiorum Ecclesiasticorum periti evocarentur. Unde *Gubertus Voetius* , *Godefridus Udemannus* , *Henricus Swalmius* & *Samuel Everwinus* , Heusdâ , Zirizeâ , Dordracô , Harlemô , eò jussi concesserunt , ut magnum opus instituendæ Ecclesiæ sedulò & prudenter occiperent.

Mini-
strorum
Apolo-
gia C.
Pontifi-
cios.

„ Cum autem indies usu comperirent , Busco-
„ ducenses non ab auditu modo Verbi , sed & ab
„ omni justò ac debito veræ fidei examine exe-
„ crandum in modum absterreri portentosis , in-
„ auditis ac manifestis mendaciis & calumniis , qui-
„ bus Reformatâ doctrina ejusque Ministri con-
„ tra veritatem & conscientiam , quin imo omnia
„ jura civilia atque naturalem æquitatem fœde
„ traducerentur , atque indignis modis lancinaren-
„ tur , idque ex insidiis , ita ut mendacium op-
„ primi commodè atque ex tenebris in lucem erui
„ non posset : laudati jam Ministri editis Literis ,
„ quas MANIFESTAS appellant , ante omnia Deum
„ & J. Christum Judicem simulque omnes Chri-
„ stianos obtestantur , nil aliud se docuisse , ni-
„ hilque deinceps tradere aut hujus præclaræ ac
„ celebratissimi nominis Urbis Incolis instillare
„ propositum sibi esse , *quam fidem antiquam Apo-
stolicam* ,

„*stolicam, Catholicam & Christianam a fideli Serva-*
 „*toe supremoque Pastore J. Christo per sanctos Pro-*
 „*phetas suos ac Apostolos nobis relictam, ad quam to-*
 „*to orbe profitendam & adversus unumquemque,*
 „*qui ei adversatur, S. Scripturæ præsidio amice*
 „*ac parate asserendam, sint parati, quippe cupidi*
 „*pro fideli illo verbo, quod prædicant, quodque tot*
 „*Martyrum sanguine est obsignatum, animarum*
 „*suarum salutem pignori opponere, quemadmodum*
 „*hisce faciunt.*

„Deinde omnes universim ac singulos, impri-
 „mis vero Sacerdotes aliosque Ecclesiasticos Pon-
 „tificiæ Ecclesiæ homines, orant atque obtestan-
 „tur, ne deinceps apud simpliciores clanculum
 „reformatam doctrinam fugillent, sed rationum
 „suarum momenta contra illam in frequentis Ec-
 „clesiæ luce, aut saltem coram Amplissimo hujus
 „Urbis Senatu, se præsentibus exponant, ut qui
 „in procinctu starent per Dei gratiam compo-
 „to atque amico animo hujusmodi responso illa
 „excipere, ut nulli ambigant, quin omnes pii
 „nullisque affectibus obnoxii ac sani judicii ho-
 „mines illud calculo suo sint comprobaturi. Hinc
 „sane meridie clarius manifestum fore, quantum
 „lux tenebris distet, quantumque veritas men-
 „dacio, ad Dei gloriam animarumque æternam
 „salutem.

Sic quidem Ministri suo scripto, cujus Sum-
 „mam exhibemus ex *Celeb. Voetii Desperatâ Can-*
 „*sâ Papatus*, cui id præfigitur. At verò provo-
 „catione ista Clericis Sylvæ-Ducensibus, quos illa
 „maximè spectaverat, ad pudorem & silentium

Se oppo-
nit Jan-
senius.

redactis, Lovanienſes ad auxilium vocati, & quidem Janſenio, Bruxellas evocato juſſu Nun-
tii Pontificii, id oneris impoſitum eſt, ut Bata-
vus Batavos impugnaret. Et patuit. Mox cr-
gò conſultis Collegis *Formulam Antiprovocato-*
riam, ut appellat, cum Declamatiunculâ titulo
ALEXIPHARMACI A. MDCXXX. oppoſuit, quò
Socios ſuos Sylvæ-Ducenſes circumfuſa nebulâ, ut
Venus Æneam ſuum apud Virgilium, tam vici-
no tamque præſenti periculo ſubduceret. Igitur
coacti Miniſtri Sylvæ-Ducenſes, omni ſpe Colla-
tionis decollante, eminùs cum Lovanienſibus age-
re ſuamque *Declarationem* adverſus Janſenii *Alexi-*
pharmacum tueri, ceu munus & veritatis cauſa
ſuadebant.

Summa
Libelli
Janſe-
niani.

„Nimirum ſuò ALEXIPHARMACO JANSENIUS
„Catholicis ſuis, uti appellat, perſuaſum cupit,
„ne Miniſtros audiant; docet à Miniſtrelis exqui-
„rere, quando & unde veniſſent, ubi miſſionis
„ipſorum teſtimonia forent, ac docendi authori-
„tatis. Addit, falſò eos purum putumque crepa-
„re verbum Dei. Nam & Diabolus idem cre-
„puerat, & Scripturarum authori Chriſto ex Scri-
„pturis ſuaſerat præcipitium: atque exemplum ſe-
„cuti fuerant ante Hæretici. Igitur *ad Eccleſiam*,
„*tanquam columnam veritatis, immobili in arce au-*
„*thoritatis munitam, & apparatu invictiſſimæ rationis*
„*fulſam, refugiendum eſſe.* Quippe illa vel ſolius
„magnitudine authoritatis hæreticos conterebat,
„novitatesque ſolâ confundeſbat antiquitate.
„Nempe recentiora dogmata multis, antequam
„ebullirent, ſeculis, multis ſuorum ſanctorum

„ voluminibus, Synodisque proscripserat, ut in
 „ illius Ecclesiæ magisterio fideles securissime con-
 „ quiescerent. Inde subdit, falsò Reformatos
 „ protestari se hæcenus nec tradidisse, nec in po-
 „ sterum bonis Civibus celeberrimæ Civitatis
 „ aliud velle tradere, quam *Aniquam, Apostoli-*
 „ *cam, Catholicam & Christianam fidem*, nisi ut,
 „ juxta Tertullianum, humiles & blandi & sub-
 „ missi *per dulces sermones & benedictiones seducant*.
 „ *corda innocentium*. Sane easdem voces ediderant
 „ Menno, Servetus, & majores omnium Pela-
 „ giani, Arriani, Manichæi, cæteræque damna-
 „ tæ pestes.

„ Denique ridet suos provocari ad disputatio-
 „ nem de Catholica religione coram infenso Reli-
 „ gioni Catholicæ Magistratu: nimirum ut ab Eô
 „ ordo conflictus & conditiones accipiantur; quasi
 „ populi & magistratus esset de intelligentia Scri-
 „ pturarum, de fide, de religione judicium ferre;
 „ quasi summa imis miscenda forent, ut discipuli
 „ de magistris, grex de pastoribus, vulgus deni-
 „ que imperitum laicæ plebis de perplexis fidei
 „ difficultatibus statuant.

„ Claudis hæc omnia repetita criminatione de
 „ missione & vocatione Ministrorum. Non enim
 „ illi Diplomata suæ potestatis proferre unquam
 „ possent. Hinc, ait, eorum hæresin non esse
 „ Apostolicam, sed Apostaticam, non Catholicam,
 „ sed in terræ angulo nupereffectam, quam Chri-
 „ sti desertores in ipsius ignominiam protulissent,
 „ & pro qua nemo martyr unquam esset mortuus,
 „ sed multi debitum supplicium pertulerint.

„Certe in ea non salus expectanda, sed certa
 „æternaque animarum perniciēs, cui opponendum
 „erat pignus veritatis tutissimum, immortale,
 „incompactibile, ipsa columna veritatis, ipsa spon-
 „sa Christi, Ecclesia Dei vivi, ad quam, dicen-
 „te *Cyprianô*, perfidia non possit habere acces-
 „sum.

Id refu-
 tat Voet-
 tius.

Scripturæ autem Ministri Sylvæ-Ducenses mox
 eodem anno per Collegam Voetium ad Alexi-
 pharmacum NOTAS (hoc titulo PHILONIUM
 ROMANUM CORRECTUM) quibus remoto sup-
 paro propositis articulis controversis residues ani-
 mos vellicant, cum Jansenius & Lovanienses ab
 ipsius causæ cognitione, & Scripturarum fonti-
 bus quam longissime fugere & suos abducere non
 cessarent, delitescētes solum (ut manipularii so-
 lent) in dumetis & antris cavillationum & præ-
 judiciorum.

Respon-
 der sua
 Spongia
 Janse-
 nius.

NOTIS autem istis Jansenius suam SPONGIAM
 MDCXXX. opposuit, qua asperfas maculas ab-
 stergeret, Librumque satis spissum Senatui Po-
 puloque Sylvæ-Ducensi dedicavit, datâ Epistola.
 Summa voluminis autem est de *Reformationis jure &*
ratione probandi, de missione ministrorum & successio-
ne ministerii & Ecclesia Romana, de disputationibus
cum hæreticis, de doctrina Calviniana cum antiqua
quorundam hæresi conferenda, de suppliciis hæretico-
rum, de probatione spiritus Calviniani, de ritibus Ec-
clesia Romana, haud Mahumeticis, Gentilibus, Ju-
daicis, de Ecclesia Romana, quæ Pontifici Romano
subdita, illiusque signis & notis, de Ecclesia an qua-
renda ex Scripturis, de schismate Calviniano, cæteris-
que, quæ Lector videat. Nec

Nec diffitendum est Janſenium eruditè & fa-
cundè ſuam cauſam egiſſe. At Eum, quum ni-
hil adverſus veritatem valeret, vicit Celeb. VOE-
TIUS, atque oſtendit ipſius ſæpius imperitiam,
ἀνιςορροσίαν, calumnias, ſtuporem, malam fidem,
errores, totumque negotium, quod diſputaba-
tur, in DESPERATA CAUSA PAPATUS, edita A.
MDCXXXV. cum in hoc Athenæo Ultrajectenſi
jam Profeſſoris munere fungeretur, tam crudite
exegit, ut quis meliora in hoc argumento præ-
ſtare vel ſperare non poſſit. Magni Operis vel
ſummam exhibere fuſum foret nimis: & Liber
in omnium manibus verſatur.

Conticuit Janſenius, ſeu preſſus pondere Voe-
tiani reſponſi, ſeu occupatus Auguſtino, ſeu
Epiſcopatui exornando intentus, ſeu Inſulâ ſuper-
bior, quaſi indignum putaret ſua majeſtate Mi-
niſtro Reformato (licet jam Profeſſori) reſpon-
dere. Saltem ſubſtituit reſpondentem LIBER-
TUM FROMONDUM, qui itidem Theologiæ Pro-
feſſor Lovaniienſis deinde fuit, ipſique in doctrinâ
de Dei gratiâ *ἐπιόλκφθ*, ex quô ad limpidos
Auguſtini latices eſt perductus. Is enim in Ce-
leb. Voetii Volumen A. XXXVI. CRISIN ſcripſit,
quaſi refutaret, *impulſus a Janſenio, ut ipſi ſucceda-*
neus eſſet. Nimirum onere Epiſcopatus recens impoſito,
nec perinde jam vacuus, nolebat huic prælio ultra ma-
nus miſcere: ſic in Dedicatione Fromondus.

Sed reſponſum is retulit a D. MARTINO
SCHOOCKIO Profeſſore Philoſophiæ Daventrienſi,
poſt Groningenſi, qui pro Præceptore A. XXXVIIII.
ſcripſit DESPERATISSIMAM CAUSAM PAPATUS.
Et

Quam
Voetius
Deſpera-
tâ Cauſa
Papatus
refellit.

Janſe-
nius ta-
cet &
ſuccedit
Fromondus.

Cui re-
ſpondet
Schooc-
kius.

Et sic illa disputatio habuit terminos, exacta ad metam.

Nempe in eô Fromondus erat totus, ut doctores Ecclesiæ Reformatæ pipulo differret, ceu blaterones consuevêre, ut leporibus & blanditiis in aures Romanensium influeret, ut crimina suæ communionis obtegeret, credulus eorum, quæ Pistorius, Cochlæus, Surius, Bolsæcus ante convitiando præcepissent. Interea quæ ad rem forent præteribat cautus, ut ne quidem sollicitus videretur totius causæ arcem attigisse. Scilicet sufficit fabularem satyram scribere, non argumentis satisfacere, quæ animum premerent. Utique doctiorem se Philosophum ostendit Fromondus quam Theologum, suo honori consulturus, si spartam quam nactus erat, adornare perrexisset.

Igitur, uti docuit ipse eventus, Jansenius infelicitè omninò rem egit suæ communionis & Pontificis. Quid mirum? Malam tuebatur causam, frustra labentem Papæ Sedem sustentare conatus. Neque, ut arbitror, id tanto zelo fecisset, si animo præsensisset suam de Gratia sententiam a Sede Romana postmodum condemnandam, prout urgentibus Jesuitis contigit. Utique non potuit Pontifex magis suam a vera fide ἀποστασίαν demonstrare, quam reprobando gratiam a Jansenio defensam, & favendo Jesuitis, quibus cum Pelagio idem iniquitatis arcum est.

CAPUT XV.

Iniqua Jansenii cum Reformatis disputandi methodus.

IMò verò Deus Janseniò , dum Papatui infer-
viret , usus est , ut Babylonis labia confun-
deret , vel Papales ultimâ & altâ voce ad
Euangelicam fidem vocaret. Ubi verò non at-
tendunt, testimonio est , quod *divortium cœleste*
passâ sit eorum Ecclesia , non nisi uti Babylon
tandem summo supplicio punienda , cœu suâ in
Apocalypsi Johannes vaticinatur.

Injustissima autem fuit Jansenii cum Reforma-
tis agendi methodus , quando eos in Quæstioni-
bus controversis a Scripturarum fontibus ad dis-
putationem de *successione Pontificum* atque *necessa-*
riâ Ministrorum ab illis missione , qua nostri desti-
tuantur , abducere conatus est , consilio Papali-
bus solito , dum lucem fugiunt , quasi errorum
conscientiâ.

Iniusta
Jansenii
disputa-
tio in
Refor-
matis &
metho-
dus.

Atqui Virum Doctum ista disputandi ratio non
decurrit , nec satisfecit ipse suo muneri S. Li-
terarum Professor , quando suam Religionem
contra nostram tuebatur , evitato si posset Dei
Verbo. Quid enim ? Quando cum Jesuitis &
Pelagianis egit de Gratia , ad Scripturas ipsi re-
currendum fuit , si Augustinum sequeretur , qui
contra Hæreticos Arianos & Schismaticos Dona-
tistas , uti adversus Pelagianos ex Scripturis dispu-

tabat , suaque Dogmata ex intimô illarum sensu deprompta , congestis undique Divini illius Verbi testimoniis , firmabat , uti ex *Operum* Ejus *Tomo* *vii.* *apparet.* At in litibus cum Reformatis Theologis sic disputandum censebat Jansenius , ut quæ- ratur primùm de Missione Ministrorum , & quidem à Romana Sede suspendendâ , in qua fuerit perpetua Episcoporum ab Apostolico tempore Successio ; nec non de Ecclesia ejusque Notis ac Juribus , conjectis in Sacratissimum Dei Verbum convitiis , quod *tenebras* ac *latebras* Hæreticorum contineret. Sic quidem ille , quamvis nihil nisi antiquum protulerit , solito omnibus Papalibus astu , quo egêre Ekkius , Hogostratus persecutor , Richelius aliique.

Non de-
cens
Theolo-
gum ,
S. literas
Profi-
tentem.

Atqui id non fuit Viri ingenui , eruditi , Augustini Doctrinam & Sacræ Scripturæ interpretationem profitentis , eamque contra adversarios Pelagianos citantis. Quamquam nec in hisce disputationibus , uti decet , *veneraretur ejus plenitudinem* cum Tertulliano *c. Hermog. c. xxii.* & de *Prescript. c. iiii.* Nempe Lectorem , uti Socium *Fromondum* , in familiaribus colloquiis per opaca Scripturarum & patentes S. Patrum campos abducebat , ut ille in *Dedicatione* suæ *Criseos c. Voetium.* Quasi evidentia sint hominum scripta , at Liber Dei , *qui lux est absque tenebris* , ejusque Spiritû conscriptus , omni caligine laboret , ut vel ipsi Doctores non assequantur , quænam in eô sit mens Jesu Christi , parum *πνευματικός* , si ad Paulum attendamus. *i Cor. ii. 15.*

Itaque Jansenius *Augustini sui Tom.ii. Lib. Proœm.*

cap.

cap. IX. Theologiæ licet Christianæ Cancellus primùm in Scripturis, & dein in Conciliis & Patribus primorum sæulorum invenire videatur, nihilominus sic autumat, quod quidquid certi & infallibilis ex illis principiis in modum primæ, secundæ tertięque conclusionis derivatum est, non nisi eodem authore Deo Ecclesiæ sit patefactum: ut quis certissimus sit se divinam tenere veritatem, qui animo recon- diderit, quidquid per idem oraculum Dei Catholica Ecclesiæ manifestatum fuit, ut capitula principia divinitus revelata tueretur. Aded Pontificius erat Jansenius etiam dum suam de Gratia fidem ex Augustino communi suæ Communionis doctrinæ opposeret! Verum alia habebat Principia Augustinus seu contra Hæreticos, seu contra Schismaticos Donatistas disputaret, ut manifestum est ex Libro de Unitate Ecclesiæ cap. v. xv. xvi. de Util. credendi, c. 111. de Doctr. Christ. Lib. II. c. 9. de Baptis. Lib. II. c. 36. c. Maximin. Lib. III. c. 14. Id nos in Veritate Evangelica Triumphante Tom. I. & Historiâ Africanâ variis locis ostendimus.

Neque hæc solius Jansenii fuit Methodus; fuit omnium ferè Papalium, dum horrent ad Scripturas examinari sua Dogmata, dum gaudent populum fallere, dum instruunt Missionarios merâ altercandi arte cum Reformatis, non disputandi. Secuti sunt eandem methodum Richelms Cardinalis, Valenburgii Fratres, Episcopus Condomensis, cæterique ex Clero Gallicano, qui suis methodis viam ad persecutiones præstruxerunt. Nec libet eam hic exagitare, dum Historiam scribimus. Sufficit legisse Voetii Desperatam Causam Papatus, Mo-

Par metho-
dus
aliorum
iniqua.

*linai & Amyraldi Libros de Vocatione Ministrorum ;
Spanhemii Structuras ad Libellum Condomensis , No-
strasque ad Methodos Gallicanas Animadversiones.*

CAPUT XVI.

*Jansenii Lis & Disputatio cum Theodoro
Simonis , Holsato. Inde Viri
ingenium & studia.*

Jansenii
Lis cum
Theo-
doro Si-
monis.

INtereà dum adversùs Ministros Sylvæ-Du-
censes disputaret , multa Jansenio cum quo-
dam Theodoro Simonis , Holsato , intercessit
Lis & Controversia , quæ quidem , ut ut privata
videatur , publica tamen editis Scriptis evasit ,
adeòque ad Historiam Vitæ Jansenianæ spectat.
Certe faciet , ut Viri ingenium & studia pa-
tescant.

Quis hic
fuerit.

Fuit autem iste Theodorus Berchstedâ Hol-
satus , homo primùm Pontificius , qui XVII. an-
nis *varias* , uti scribit , *Scholas & Academias Ger-
mania obierat* , usus Doctorem consortio , & tan-
dem discendi cupidus Lovanium concesserat , ut
suspensas credendi rationes in medium vocaret , & *in-
ter Eruditos candidè discuteret*. Quin id anxius
calidis in votis & optatis habebat , ut ad *ixmu-
diar* redactus , Hæreticis Germaniæ , qui ipsum
ob Religionem Romanam oderant , os vicissim
obstrueret.

Disputa-
tio cum
Jansenio
de Papa.

Lovanium cum appulisset , ilicò Jansenium
convenit , scopum itineris aperit , colloquia po-
stulat,

stulat, & mox incipit disceptatio de Pontificis M. infallibilitate, quam Jansenius tuebatur. Theodorus verò ipsi objecit Liberii lapsum in Arianam Hæresin. Pressius autem, noto licet, argumento Jansenius, vix habebat, quo se expediret. Concedebat Papam privatim errare posse; publicè errare unquam negabat: quasi diceret, Pontificem aliud sedentem, aliud stantem loqui. Verum id non satisfecit OppONENTI, prout pluribus ostendit suo dein ad Jansenium Apologetico, & quam vana sit exceptio Protestantes sæpius ostenderunt.

Inde Theodoro Simonis cum Jansenio prolixa ^{de Sacramenti adoratione.} disputatio erat de Sacramenti Adoratione, tandem Ipso concedente Eum non obligari ad Adorationem crustuli, cum illius in Christi Corpus conversio fide non teneatur. Fusiùs hanc disceptationem refert iste Holsatus *Libro de Statu Papatus* p. 220. 221. ubi ostendit, Adorationem Sacramenti pendere ex conversione Panis in Christi Corpus, quæ tamen multis rationibus incerta est, maximè cum quis de intentione Sacerdotis, ipsiusque ad Sacramentum conficiendum aptitudine semper dubitare possit, incertus etiam de Episcopi Eum ordinantis potestate. Quod argumentum cur non Jansenium ad extrema coëgit, cum Patres Tridentinos (referente *Paulo Servita. Hist. Concil. Trid. lib. 11. p. m. 215.*) *dederit in stuporem, quid responderent nescios?*

Fuere etiam alia, de quibus Theodorus iste ^{De aliis articulis.} cum Jansenio disceptavit, atque in cæteris plurima Scripturæ loca, quæ animum ambiguum tene-

bant. Quæ tamen illa fuerint non expressit. Addit modo se sæpius locutum cum Jansenio, qui comitem adducere Bellarminum soleret. Unde cum Theodorus Schedas, quibus Capita disputationis adnotaverat, promptus expediret, Jansenius præoccupans omnia, mox regerebat, *quæ obijci possent ab isto authore dissoluta esse*. At ille, Venerande Doctor, *Bellarminum Colonia jam legi, verum mihi responsiones ejus non satisfaciunt*. Tum alter; *Ego non sum doctior Bellarmino*. Nempe non nisi ex Bellarmino in Controversiis cum Protestantibus sapiebat, qui omne ingenium in Augustino exercuit & occupavit.

Janse-
nius non
nisi ex
Bellar-
mino sa-
piebat.

Repetita
disp. de
adorat:
Sacra-
menti.

Interea quum sibi parum Jansenius proficere videbatur, quodam tempore, cum de Adoratione Sacramenti institueretur disceptatio, atque Theodorus ingereret, non exiguam hic esse difficultatem, quando Hæretici clamarent Papistas esse Idololatrias, & Scriptura diceret, *Idololatrias a facie Dei esse pereundum*, Jansenius in altissimum erumpens gemitum dixit, *se satis videre, cum quo Catholico sibi res esset: se suspicari, eum in Hollandiam reversum de victoria gloriaturum: itaque se nolle coram sermone, sed scripto, deinceps agere*.

Janse-
nii
crudeli-
tas in
Theo-
dorum.

Acceptâ, ægre licet, a Theodoro conditione, bis scripta ultrò citròque missâ, quoad quadam nocte Milites illius ostium fere emolirentur eumque custodia arctissima vestibibus, spe, consilio exutum obsiderent. Sic se Jansenius laqueis argumentorum expediebat, talibusque vicissim adversarium constringebat! Atque ilicò Secretarius Ducis Arschotani, qui aderat, fasciculorum mentionem

tionem fecit , ajens sylvam suo Domino suppetere , in quâ lignorum & virgultorum affatim ad Hæreticum comburendum reperiretur ; & aderant , qui Mitram Hispanicam (hanc multis Diabolis pictam vivicomburio delendis facerrima Inquisitio imponit) appararent. Nec curabat Virum Jansenius cum suis , dolentius , quam verius , illius fortunam miseratus , abstinensque ab ejus congressu : scilicet ne plus sibi invidiæ conciliaret , qui scenæ author fuerat.

Intereâ Episcopi Mechliniensis Suffraganeus , ^{Liberatur.} ut de Theodori Religione inquireret , missus , comperit alloquio & scripto Eum Romanensem esse & mansurum. Solutus est ergò obsessus , satis in Jansenii opprobrium , qui hanc Comœdiam instruxerat. Itaque fingeat ipse cæterique , quos pudor confundebat , ut honori esset consultum , hominem errores abjurasse , facti atque Hæreseos poenitudine captum , delictique veniam orantem. Quin etiam accitus ad Virum Jesuita Sacerdos , cui peccata revelaret & confiteretur. Sic scenæ erat satisfactum. Nam Theodorus se Papistam fatebatur hactenus , licet suspenso animo veritatem *δυσέπետον* , veluti per caliginem conspiceret.

Fictam abjurationem ficta sequebatur Jansenii ^{Jansenii inge- niuin.} erga Advenam misericordia , quippe suspicatus nullo indicio ipsum quendam ex Sylvæ-Ducensibus esse ministrum (Viros enim istos odisse summo fervore inceperat) licet Senatus Hamburgensis literas ostenderet , attentè cohibendum in hospitio curabat. Sed manifestus erroris , causa cecidit

dit suspicax, ipsius Judicis sententiâ; itaque hospitali impensas, victumque quatuor vel quinque militibus datum, compulsus solvit. Quin etiam post absolutionem Theodorus adhuc biduum in hospitio detinebatur, dum metuebat Jansenius Eum aliquid monstri alere; at dein dimissus, quod abiret, hanc quoque gratiam obtinuit, ut egenus quosdam nummos consequeretur. Jansenii enim monitu & instinctu Judices omnia peragebant.

Lovanio cum discederet miser Theodorus, non tamen mox Religioni Reformatæ animum addixit, quasi vindictæ amore fidem mutasset. Sic enim ipse; *Integrum biennium Fromonde abiit, cum animus meus in dubio fuit, ita ut ancipiti utrimque tot argumentorum fide paulo momento huc illuc impelleretur. Hac fluctuatio ex immodicâ tot Scriptorum contraria de Religione sententiarum lectione mihi accidit. Neque hoc sine exemplo S. Augustini, cujus libris Confessionum nihil nominatius est.*

Theo-
dorus ad
Refor-
matus
transit.

Hæc Historia est, quam ex Theodori *Epistola Apologetica ad Fromondum* (qui in *Crisi adversus Voetium*, ipsum, uti rabidum, furibundum, & cui insanius sinciput exagitaverat) collegimus. Plura Lector inveniat in *Desperatâ Causa Papatus Celeb. Voetii*, Pag. 762. ubi istius Theodori Simonis ad Jansenium *Epistola*, quâ docet se experienciâ Lovanii didicisse *Romanenses armorum terroribus Religionem suam propagare, fidemque non tam docere, quam cogere.* Alia licet ex citatâ *Epistolâ* repetere, uti Jansenii in Protestantes ingenium pateat. Atqui Theodorus Noster postquam ad Reformatos transivisset, Jansenium scripto libro

oppugnavit, & nullius non criminis, quod Theologum non deceat, postulavit. Edidit enim Volumen de *Statu & Religione propria Papatus adversus Jansenium* MDCXXXVIII. Lugd. Bat. cujus summa est, *Papatum Ecclesia Veteri ignotum esse, continua legitimorum Episcoporum successione carere, iudicio erroneo & humano Religionem suam superstruere frustra sub Ecclesia nomine deluescere, corruptissimum, paulatimque viribus cundo acquisitis, Ecclesiam obscurasse, non exstruxisse, officinam turpissimam esse Simonis Magi, Idololatricum & Antichristianum, & incurabilem esse.* Progreffus dein ad *Fidem Papatus propriam, Celibatum, Traditiones aliasque Constitutiones ad S. Scripturam amussim examinat, Versionis Vulgata Solæcismos indicat, Sacramenta Romanensium septena, Justificationem, Liberum arbitrium, Missam, Purgatorium, Invocationes Sanctorum, Imagines, Indulgentias, Concilia & quicquid his affine, seridè inquit, finemque Operi suo brevi ad Papistas Epilogo imponit.*

Interea ex hisce, quæ retulimus, ingenium Jansenii est manifestum. Nimirum fide Hispanicâ & Italicâ totus a nutu Pontificis dependebat, oblitus antiquæ Belgarum libertatis & fidei. Judicem enim externum in Ecclesia quærebat, illiusque disertam vocem, dogma aliquod publicè approbantis requirebat, ab ea dependens totus, dum in Dei Verbo, licet S. Literarum Professor esset, non acquiesceret. Adeò servile, tamque Pontificium ille animum gerebat!

Deinde perplexum Viri animum in negotio Transubstantiationis & Adorationis Sacramenti deprehendas. Utique incertus erat, quid adoraret.

dubius num non nisi crustulum coram oculis cerneret ; quidni in altos gemitus erumpere coëgit Conscientia ? Debuit tamen adorare , ut Religioni satisfaceret , nec malo exemplo sacra violaret , hominumque animos a Sacramento suspensos turbaret.

Janse-
nii
Eruditio

Cernere etiam licet ex hac Historia Jansenii eruditionem & studia. Videbatur in disputationibus non nisi ex Bellarmino doctus, suo ingenio diffusus, aut imperitus adversus Reformatos disputator. Sane videtur omnes animi vires exhaustisse in scrutanda Augustini mente de Gratia & Libero arbitrio. Cæterum in controversiis ab aliis dependebat Scriptoribus, qui ipsum pro re nata cruderent. Itaque Ipsi in nos Scripta comparari nequeunt cum Illius Augustino, non nisi facundiæ laudibus commendanda. Certè non nisi ex suis Magistris sapiebat, uti ante apparuit.

Neque aded injuriâ Jesuitæ Cornelium Jansenium Gandavensem Episcopum nostro Yprensi antetulere, respondentibus licet fautoribus, *Yprensis Gandavensi paucis fuit minor, multis equalis, pluribus major.* At nos verba invertamus; *Jansenius Yprensis Gandavensi in multis equalis, in pluribus minor, at in paucis fuit major* : nempe in Augustinianæ mentis, cui se totum impendit, scrutinio. Quamquam Gandavensis admodum bene eam nosset & tantopere sequeretur, ut etiam M. Baji fautor audire cum aliis Collegis voluerit, quando nonnulla illius Themata Romæ essent condemnata.

Idque apparet quam maximè, si Gandavensis

Com-

Commentarios in Evangelia (singulari eruditione, maturòque judicio conscriptos, uti non immeritò arbitrantur Censores) pervolvamus, & cum Yprensis Commentariolis contendamus. Utique in Illo major eruditio, acumen, ac judicium in Scripturis pertractandis, quæ sapientiam præstant longè excellentiorem, quam ulla queat esse, quæ in cujuscunque hominis Scriptis explicandis invenitur.

Denique ex Historiâ jam descriptâ apparet Jansenii Pontificium, suspicax, rigidum, atrox, sævum. Atrox in Reformatos animus. que ingenium, quale in istis Theologis deprehendas, qui Inquisitoribus a consiliis fuere. Nempe hæc ultima Romanensium, sed carnalia arma sunt, quando Theologica seu spiritualia deficiunt! Sic defendendum Romæ regnum est, quod non nisi Dominiô & Imperiô constat! Sic convertendi Hæretici; si nolint, puniendi ceu rebelles! Hæc consilia probavit Jansenius, eundem in Reformatos animum gerens, & spirans benevolentiam, quam ante conversionem in Discipulos Christi Paulus! Id ostensum est fusiùs infra, quum de *iniquis ac malignis Jansenii in Reformatos odiis sumus dicturi*. Bene autem habet, quod dein non minus ipsius Aſſeclæ de persecutionibus, & vi conscientii facta fuerint questi (maximè in Galliis) quam nos, quos dixit Jansenius in *Spongia*, magis debere de misericordia Principum sibi gratulari, quam de suppliciis, qua ceu pessimi Hæretici meruerunt, congeri.

D E

CORNELII JANSENII

EPISCOPI YPRENSIS

VITA ET MORTE.

LIBRI II.

CAPUT I.

De Marte Gallico, qui ab Eruditis Jansenio adscribitur, sub Alexandri Patricii, Armacani, nomine.

Mars
Gallicus
Jansenii.



Actenus Jansenii Natales, Studia juvenilia, Muneraque & gesta Academica vidimus. Nunc Eundem ad Episcopatum viam sibi præparantem, atque mox Infulæ dignitate conspicuum comitemur. Nimirum ubi non sufficeret esse Theologum, MARTEM GALLICUM conscripsit, quo pulverem Scholasticum evitare, atque ad Episcopalem Cathedram ascendere promeruit. Extat enim ille sub ALEXANDRI PATRICII ARMACANI nomine, editus Anno hujus sæculi xxxv. mox recusatus, communique calculo Eruditorum Jansenio adscriptus.

Nec

Nec diffitentur Amici, qui hinc ipsum celebrant, quod inconcussi animi & firmi pectoris, Regibus & Principibus intrepidus ausus sit verum dicere, quum Jesuita illis hodie adularentur, aut rerum futilium & caducarum metu auriculas dimitterent, nec edicere auderent, quod esse e Republica & Principum salute novissent. Quamquam Jansenius id Operis scripserit pro Hispaniarum Regno, Regis umbone & clypeo tutus & securus. Et verò cum isthoc Opere æternas Gallicæ Aulæ iras in se suosque concitaverit, atque ex adverso a Rege Hispaniarum Yprensem Episcopatum impetraverit & obtinuerit, haud abs re erit istius Libri ingenium describere. Nec dissuadebunt ea, quæ vivimus, tempora, quando jam Orbis vidit se *Marte Gallico* turbatum, crudelem adedò in modum, ut nulla sæcula exemplum præbuerint.

Scilicet Anno hujus sæculi xxx. & seqq. Rex Gallix cum Sueciæ Rege Gustavo Adolpho, Germaniam infestante, uti ante cum Belgis Fœderatis adversus Hispaniarum Regem fœdus contraxerat. Et videbatur hinc plurimorum odia & convitia meruisse, quod vi pacti Hæreticis auxilia præstaret. Scripsit ergo quidam BESIANUS ARROYUS, *Doct̃or Facultatis Parisensis & Ecclesiæ Lugdunensis Theologus*, pro justitia armorum & fœderum Regis Gallix volumen, privilegio multoque consensu munitum, ac dedicatum Regi.

Eoque professus est apertissime Imperium esse Gallica Corona indivulso nexum, & quotquot illud vel ejus partem detinent, esse injustos, usurpatores, raptores: omnia armis Francorum esse repetenda, ut pristi-

*ne gloria restitueretur. Continebat autem (sic Ille) Imperium Gallias, Italiam universam ab Augusta Vin-
delicorum ad Calabriam inferiorem usque, Germa-
niam, Hungariam, Poloniam, Russiam, Præssiam,
Livoniam, Lithuaniam, Moscoviam, Sclavoniam,
Podoliam, albam Russiam, VValachiam &c. ultra
Gallias montes Pyrenæos & Hispaniæ partem cis Iberum,
Itaque disputabat hæc omnia Regi Galliarum legibus
conscientiæ restituenda Francoſque ad illa repetenda ar-
mis teneri. Porro huc spectare fœdera cum infidelibus,
tquam stratagemata, quo viribus hostium debilitatis
facilius injuste detenta repetantur.*

Sic iste, dum Regem tuetur suum, simulque
illi adulatur ac servit, cui Europæus non suf-
ficit Orbis; dum Classicum canit, & Gentiles
suos ad arma pro Regni jure capeſſenda concitat;
dum vicinis Principibus ac Regibus, ceu injustis
raptoribus eorum, quæ modò possident, bellum
minatur. Et jam Ludovicus XIII. Alsatiæ par-
tem, Treveros, & Lotharingiam occupaverat,
ut Ducem a partibus Cæsaris abstraheret atque
ipsi imperio minitaretur. Sic refert ad A. xxxiv.
Brachelius Hist. Lib. iv. Quid verò dein contige-
rit regnante Ludovico XIV. nullus ignorat.

Nempe rupto fœdere Pyrenæo, ut haud fa-
tiandæ ambitioni ad Monarchiam tendenti, nul-
lamque legem habenti, nisi hanc, *si lubet, licet;*
si jura violandum, imperii causa violanda est; fa-
tifieret, pronuntiata per servos pro jure expeti-
to sententia, nec indicto bello, occupati Princi-
patus, vastatæ Regioncs, captæ Urbes, exustæ
soloque æquatæ, crudelem adeò in modum, ut
ipsæ

ipsæ Gentes execrarentur , uti videre est apud *Grotium de J. B. & P. Lib. III. c. 12.* ubi de temperamenti circa vastationes Regionum , Civitatum , templorum & Sacrarum adium agitur. Intereâ nihil non est fictum , ut prætextus quæreretur , nec pelluceret iniquitas , quæ par sibi exemplum non habet.

Nostri non est animi nec muneris causam afficti Orbis agere : id fecerunt , facientque , qui hujus sæculi Historiam Posteris sunt tradituri. Suffecerit ad Jansenium attendere , qui in *Marte Gallico* jura sui Regis adversus Francorum injusta consilia & arma defendit.

Nimirum *Arroyus* disputaverat *Galliæ Regem* inter omnes Principem esse , ad quem Imperium pertineat , ipsaque in Orbe Europeo Monarchia : ad hanc obtinendam omnia capienda esse consilia , cienda bella , occupandas urbes , subjugandos populos , & quidquid provinciarum aut terrarum , arte , Marte , stratagematis , Principibus quibuscunque avelli posset , id ad *Francia Coronam* postliminio reducendum.

Constabant autem Regum Gallia axiomata & jura Oleo cœlitus delapso , quo ungerentur , Miraculo Sanationis strumarum dono , titulo Christianissimi , Lege Salicâ , justâque superandarum Provinciarum ac terrarum cum *Francia coronâ* Unione.

CAPUT II.

Summa Libri I. Martis Gallici exhibetur.

Summa
Libri
Primi.

VERUM Jansenius *Martis Gallici Libro I.* disputat frustra Regibus Galliae tantos honores & jura tribui, quasi ipsis in Europæum Orbem competeret Imperium, atque Vicinis bellum inferendi pro libitu, seu repetendi, quæ amissa viderentur, potestas. Nempe quæ jactabantur axiomata, aut figmenta erant, aut ad causam nihil plane faciebant.

De Un-
ctione.

UNCTIO sane Regum, quæ a Clodovæo incepit, ad Baptismum, non Regale Chrisma, notantibus Hincmaro, Almoïno, Gregorio Turonensi, spectabat. Neque certus erat Ampullæ Rhemenfis ad preces Remigii de cœlo prolapsus, quem neque Gregorius Turonensis, miraculorum & gloriæ Francorum studiosissimus & proximus istis temporibus, neque quisquam, nisi trecentis, & pluribus annis Clodovæo posterior, memorarent. Quamquam satius erat incerta Dei beneficia submissè venerari, quam Christianam pietatem aliqua disputandi subtilitate frigescere.

Quam cautè, ut superstitiones suæ Ecclesiæ non nisi fabulis nixas, & a mendacibus Vulgo obtrusas tueatur? Nempe omnes hoc velo opus habent, ne vilescant. Inde (sic pergit) Unctio spiritualis Ceremonia erat, non summam potestatem

tem, sed spirituales quasdam prærogativas significans. Nec imprimebat Characterem singularem, quod ex familiari iteratione patesceret. Neque ea tantum Galliæ Regibus, sed plerisque aliis usitata fuit. Quin prisci Reges Gothorum ante mille annos, adeoque ante omnes Reges Christiani Orbis, ungebantur.

Porro STRUMARUM, SCROPULARUM alii dicunt, ^{De Sanat.} SANATIO, potestas erat recens, nec tribuebat majorem sublimioremve potestatem Regibus Franciæ, ^{Strumarum.} quam cæteris. Et si vel Deus ista virtute, miraculorum operatione, fidem istius potestatis adstruere voluisset, non tamen ad causam belli inferendi asserendam, vel colorandam scropularum hæc depulsio faciebat. Deinde fides Christiana docebat potestatem Regiam, non a pietate, aut tali virtute dependere. Utique hanc opinionem si vulgus imbiberit, Regum majestas labefactatur. Quin etiam sic imminuitur Regum Franciæ potestas, quando verum est nullum ante Philippum I. & Filium ejus Ludovicum Crassum illa Strumarum depellendarum potestate polluisse. Denique Regibus Hungariæ nec non Hispaniæ par sanandi virtus erat concessa. Et Eduardus Rex Angliæ dicitur gestasse annulum, cujus contactus Comitiali morbo salutaris erat. Quid! Angliæ Reges potestate sanandi Strumas claruerant, antequam ullum exemplum a Galliæ Regibus editum proferri posset. Neque fallitur, si quis sanandi beneficia, occulta Dei providentia, dixerit ipsis infidelibus fuisse concessa, ut inde Vespasianus cæcum & manum ægram restituerit,

rit, ceu referunt *Suetonius in Vespasiano & Tacitus Histor. lib. 1v.*

De Ti-
tulo
Christia-
nissimi.

Titulum quod attinet, CHRISTIANISSIMI, nullam omninò imperandi potestatem ille dabat, nedum absolutissimam. Fal-
sò interim assereretur, cum meruisse Clotharium, qui monstrum hominis fuit, ceu memorat Gregorius Turonensis, aut Dagobertum, effrænis in vitâ licentiæ & libidinis, aut Pipinum, aut Lotharium, aut Ludovicum V. aut Philippum Pulcrum, qualescunque fuerint. Datus ergò erat hic Titulus Galliæ Regibus a Pontificibus, defensionem Ecclesiæ petentibus aut gratulantibus, ut potius quid esse isti Reges deberent, quam quid essent, elogii splendore monerentur. Quin etiam aliquot sæculis, antequam Pontifices Eum Regi Galliæ concessissent, Hispaniæ Regibus datus & debitus fuerat. Et tamen Hi Titulum *Catholici, Orthodoxi, Gloriosissimi, vel Religiosissimi* prætulerant, ut non tantum se a Judæis & Gentibus, sed etiam inter Christianos ab Hæreticis distinguerent, utique rebus gestis inter Christianos Principes Galliæ Regibus præstantiores.

De Lege
Salica.

Deinde LEX SALICA potestatem vel imperandi, vel inferendi bellum non tribuebat. Nempe istâ Lege sanciebatur, ut Regia authoritas ad Successores masculos tanta transmittatur, exclusis extraneis, quanta in Prædecessoribus fuit. Unde sequeretur Ludovico XIII. & Successoribus ex stirpe Carolina ortis, eandem esse authoritatem, & idem jus, quod Carolo M. fuit. Atqui quidquid sit

de

de Legis Salicæ vi, natura & sensu, illa sæpe violata erat, & Ludovicus XIII. non erat ex stirpe Clodovæi masculina serie oriundus. Imò ne quidem Hugo Capetus aut Ludovicus XIII. ex Carolo M. per masculos ex progenie Carolina erant sati. Quid! Hugo iste Capetus & posteritas ejus, ne quidem ex materna stirpe prosapia Carolinæ fuit. Igitur ex istâ Lege Regibus Galliæ nihil Juris erat ad absolutam potestatem, aut bellum Vicinis inferendum, maximè, quòd non naturalis foret, sed Franciæ Regum arbitrio concepta & sancita.

Inde denique falsò assererebatur, subactarum Provinciarum cum Corona Franciæ UNIONEM dare Galliæ Regibus armorum justitiam.

De U-
nione
Provin-
ciarum

Etenim non omnia solebant uniri, nec Imperium illi antiquitus unitum fuerat. Meditatus quidem erat Carolus M. Regnum Galliæ veluti Provinciam Romano Imperio adnectere, ut ex utrisque unum Regnum fieret, uti refert P. *Æmylus Lib. III.* sed adversabantur Franciæ Proceres, quod nollent Imperio subjici. Porro Provincie, etiam Franciæ, non ita fuerant Coronæ unitæ, quin in Liberos distraherentur, ita ut singuli suo jure regnarent. Quin Franciæ Reges etiam Provincias Regni extraneis dederant. Imò verò, Provincie Coronis unitæ, integraque Regna præscriptione, aliisque modis legitimè retineri poterant a Posteris, etsi a Majoribus illegitimè occupata fuissent, quod in plurium Regnorum exordiis maximè apparet.

Hæc ibi Jansenius, aut quisquis ille fuerit, qui

Viro materiam ex tot Historicis collectam adversus Gallos, si vera est Jesuitarum suspicio, suppeditavit.

CAPUT III.

Libri II. Martis Gallici summa,

Batavi
Janse-
nio re-
belles.

JAM verò *Libro II. Martis Gallici* Scriptor fœdera Ludovici XIII. cum Protestantibus, Batavis & Suecis, quæ tuitus est Arroyus, exagitat. Principio autem supponit *humanis divinisque legibus damnatam esse subditorum adversus legitimum Principem rebellionem*. Atqui Batavi perfectissime rebelles erant Regi suo: sic ille, quasi Rex Hispaniæ Jure Regio Belgium gubernasset.

Ut vero hoc probet, duo, ait, rebellionis naturam absolvere, i. ut legitimum quis habeat Principem, seu Superiorem, cui pareat; ii. ut ab ejus fide deficiat, ejus detrectando imperium. Nunc autem, Hispaniarum Regem legitimum Provinciarum Confœderatarum Principem fuisse, nec ipsi Batavi negare essent ausi. Quasi, inquam, non distinxissent Regem a Comite aut Duce, atque questi non fuissent adversus gentis leges fundamentales a Rege peccari, quando illa violaret, & non potestate Comitum seu Ducum, sed Regis ageret, quid Gnathonibus & Ibericis Politicis placeret. Porro inquit, neque etiam quis jure inficias ire poterat, Batavos a fide debita defecisse, quando crescente successu cum insolentia, impu-
nita-

nitatem sibi ex auctis viribus pollicerentur, & publicis edictis A. MDLXXXI. Regem suum (Comitem debuit dicere) abjurarunt, addito hoc ad culmen rebellionis crimine, quod principatus ipse displiceret, instituto Ordinum Concilio, quod summa potestate Belgio præesset.

Deinde *Bellum Germanicum*, cui deinde se Sueci cum Gustavo Adolpho immiscebant, non nisi ex fœdâ rebellionē originem duxerat. Toti enim Europæ notum erat, ut ex *Bohemorum* perduellione adversus suum Regem sit ortum, eam favente Friderico, Palatino Electore, qui Coronam accepit, & Pragæ more Hussitico in fronte ceu Rex unctus est. Unde Suecicum fœdus cum afflictis & suo merito punitis, non nisi iniquissimæ rebellionis macula erat fœdissimum. Hæc enim inter alia istius fœderis verba fuerunt: Fœdus iniri pro defensione Amicorum, qui oppressi sunt, pro securitate Maritimi commercii, pro Restitutione Principum & Ordinum Imperii in statum, quo ante Bellum Germanicum fuissent.

Jam verò Rex Galliæ maximopere peccabat quod hisce Rebellibus arma viresque suppeditaret, pessimo exemplo, quasi eorum crimina tueretur; quum tamen ipse Rebellibus suis, maxime Rupellensibus a vicinis suppetias esse datas, maximopere doluisset.

Deinde *Batavi & Bohemi*, simulque Palatini erant Hæretici, sic arbitrato Rege Galliarum. Quin imò pro Religione illi arma susceperant, ut inde non nisi Bellum Religionis gereretur. Atqui in Bello Religionis, seu quod ad Hæresis pa-

Ut & prote-
stantes
in Ger-
mania.

Hinc
peccabat
Rex
Galliæ
auxilia
suppeditans.

Erant
Hære-
tici.

trocinium geritur, arma ferre erat Catholico Principi illicitum. Ergo etiam Ludovico XIII. qui nosse debuerat, quanta Hæresis esset Lutherana, & quam maxime Calviniana, quæ Turcismo peiorem se ostendit, suis in Romana Sacra contumeliis & injuriis; has enim Jansenius succo loliiginis atræ descripsit.

Pessimè
ergo
rursus
Galliæ
Rex.

Saltem Rex Galliæ in perniciem animarum mittebat ad bellum suos milites, atque in id tendebant ipsius consilia, Protestantibus auxilia supeditando, ut, nec tantum indirecte, Religionis Catholicæ extirpatio fieret, versis a Victoribus templis & monasteriis in stabula, armamentaria, sphæristeria, indignum in modum fugatis Monachis & sacris Virginibus, dum Galli spectarent, imò manus adderent. Neque poterat Rex se tueri argumentis ex ratione Regni & status desumptis. Quin potius tenebatur cum periculo Politici statûs fœdera cum Hæreticis rescindere.

Etenim commoda vel incommoda, quæ afferebantur, talia tantaque non erant, ut Ecclesia Catholica, & Jesus Christus deberet potius tanta sacrilegia pati, quam, quod Eorum intuitu Galliæ Rex ab hujusmodi commodis sibi procurandis, & incommodis fictis aut veris vitandis abstinere teneretur. Reges utique erant Vasalli Regis Christi, & Ecclesia Mater Christianorum, uti Sponsa Jesu Christi, Regum Domini. Imò illi ipsi erant Christi Regis omnium Vicarii in terris. Unde ipsis quam maximè pietas erga Religionem erat necessària, dum cogitare deberent Regnorum ortus, occasus, incrementa, decrementa a Deo

Deo esse, seu remunerante, seu puniente.

Pudendum autem erat, Reges Galliae Religionem & Ecclesiam afflixisse. Utique Henricus IV. Belgis opem Anno 1596. Duce Bullioneo, tulerat, gratus Calvinianis, quibuscum societatem iniverat, ut Thronum occuparet, & jam ante Carolus IX. cum Solimanno, qui Miletam obsedit, fœdus percussierat. Quin Henricus II. adversus Carolum V. Hæreticorum domitorem, illorum susceperat patrocinium. Quid! Franciscus I. isto cum Turcis fœdere, Ariadenum multis aureorum millibus subsidio accersiverat, atque Solimanno animum addiderat, ut bello Cæsari indicto Ecclesias, Strigonensem, Albæ Regalis, aliasque devastaret. Nihil mirum itaque accidebat, si Antecessorum vestigia Ludovicus XIII. sequeretur.

Fœdera quoque cum Protestantibus hac ratione erant illicita, quod eò directè tenderent, ut Infideles Catholicis præficerentur, libertas Religionis istis concederetur, eisque traderentur Temppla, quod infâme crimen est, & cum periculo Romanæ Religionis conjunctissimum, si ad indolem hæreseos Calvinianæ, & status Batavici legem capitalem, sola exercetor Religio Calviniana, attendatur. Denique talia fœdera ubique Scriptura condemnabat, nec non doctrina Patrum. Quæ fusè exequitur Author, solutis, quæ adferrentur, objectionibus, ac denique monens Gallos de merito supplicio, si sua fœdera non rescindant, nec non de debitâ erga Deum & Religionem Romanam pietate, cui Francorum Reges tot vinculis

Reges
Galliæ
amplius
istius cri-
minis
rei.

Fœdera
illicita
cum
protest.

obstringantur, Operi finem imponit. Suffecerit hæc, & pluribus, quam opus erat, memorasse, quod paucis istius Libri copia suppetat. Et videbatur non inconsultum, quia ex hisce Jansenii ingenium in Protestantes, præcipue Batavos, malignum debuit patescere, frustra clamantibus Jesuitis, quod ad Calvinianos accederet.

CAPUT IV.

Libri laudes & vituperia, Jesuitarumque in Jansenium hinc studia, ut Gallis redderent invisum.

ATque hæc dum Jansenius pro Hispanis adversus Gallos eruditè & facundè scripssisset, mox seu amores seu odia consecutus est meruitve. Etenim haud mirum est Librum Hispanis admodùm placuisse. Verùm ex adversò multas Galli irarum causas habebant, quod Gentis suæ ac Coronæ gloriam detrivisset. Libet audire, quæ habet *Mechliniensis Archiepiscopus sua pro Jansenio Apologiâ*. Jansenius, inquit, in Gallia è liberius proscinditur, quod præclari illius Libri, cui nomen MARS GALLICUS, Author censeatur; quò cum nihil hactenus ad asserenda Hispanica Monarchia jura, & armorum justitiam solidius, ita nihil unquam Francia rebus magis exitiosum prodixisse visum est. Utique non injuria indignati fuere Galli, maximè Rex, ubi audivit Scriptum istius ingenii Lovanio prodixisse. Quare cum post fata Jansenii, asseclæ per Galliam ipsius dogma-

dogmata differerent, in id toti erant Jesuitæ, ut Regis iras in eos amplius accenderent & provocarent. Apparet illud ex libro cujusdam ANTONII RICHARDI, mox tertium recuso, & Principi Condæo, præcipuo Lojolitarum in Gallia Protectori ac Mæcenati, consecrato; ubi legas, *Jansenium Ecclesia doctrinam convellere molientem, quum Francorum Reges Catholica veritatis propugnaculum, columnam, scutum & esse & a Romanis Pontificibus appellari non ignoraret; propugnaculum illud excindere, columnam evertere, scutum perfringere conatum esse, ac experiri voluisse, in Gallicana Majestate quid in Catholicam posset, & Ecclesia oppugnationem ex primogeniti Filii injuriis auspicari. Divisisse Jansenium se ipsum in libros, tanquam in liberos, ac primogenitum quidem Gallie hostem esse voluisse; alterum Catholica veritatis inimicum.*

Hæc iste Richardus, cui successit mox alter Jesuita (Annatum credo fuisse) qui in *Jansenio Suspecto* statim a principio omnia fræna laxat facundiæ, ut ex libro Martis Gallici quævis Authori & Sectatoribus odia conflaret. Libet nonnulla ipsius verba citare, quò amplius citati Libri argumentum, & simul virulenta Jesuitarum in Authorem ira innotescat.

„Igitur ante omnia Jansenio exprobrat ingratum in Galliam animum, quæ ipsi valetudinem, quam recipere non posset in patria, concreto & pingui cælo, restituerat puro & salubri; quæ victum, cum egeret, præbuerat, tum domestico Præceptorum Lutetiæ Parisiorum, tum ludi publici Magistro Ba-

Libri I,
argu-
menta
enotata
odiose
a Jesui-
tis.

„jonæ ; quæ notitiâ Virorum illustrium atque
„doctorum animum fecerat ad majora , aditum-
„que & viam muniverat. Quin in Galliis , quod
„beneficii loco sine dubio numeravit , magnam
„adeptus erat librorum Calvinianorum copiam ,
„quorum de fontibus hausit Augustini interpre-
„tationem , & invenerat homines a Calvini disci-
„plina non alienos , quibuscum liberiores de Gra-
„tia sermones contulerit.

„Ingratissimum verò se demonstrabat Janse-
„nius , quando nullâ veritatis curâ , nullâ Regii
„nominis reverentiâ , nullo pudore legum , nullo
„pœnarum metu in universos Galliæ Reges ir-
„ruit amens ac præceps. Nimirum primæ Fran-
„corum stirpi omnia detraxit , præter barbariem
„morum & ferociam , vicinorumque cædem.
„Alteri Regiæ stirpi nihil concessit nisi astutiam ,
„dum sua sequeretur commoda , nihil curaret
„Christi. Tertiâ stirpem ream fecit eorum ,
„quæ toto Orbe annos multos ab expertibus Chri-
„stianæ Religionis nationibus , Tyrannis , fidei-
„que desertoribus perfidiose & crudeliter in ho-
„mines , impie gesta sunt in Deum. Porro Sa-
„licam Legem evertit , æternaque Regum insi-
„gnia extenuavit & verbis minima fecit ; uti de-
„lapsum e cœlo , quo perungi mos est , oleum ,
„ac mirificam vim sanandi morbos insanabiles :
„inde contempsit nomen Christianissimi ceu ina-
„ne , nullis meritis acquisitum , nihilque signifi-
„cans , nisi quales Principes esse debuerint , non
„fuerint.

„Atqui indignum erat hominem magnis Gal-
„lorum

„lorum officiis usum , de Regibus amplius LX,
 „perinde loqui ac de truculenta gente Otthoman-
 „norum ; in Regalem stirpem , quæ Orbem
 „Christianum est complexa rebus & beneficiis,
 „quidquid rabies in mordendo , quidquid ars ve-
 „teratoria in affingendo , detrahendo , dissimu-
 „lando , detorquendo adinvenire potuit , expro-
 „mere id totum & congerere ; dum non anim-
 „advertit furiosus Reges & Principes maximèque
 „Hispanos ex Burgundiorum genere , qui Fran-
 „ciæ stirpis furculus fuit , natos , de cognatione
 „cum Galliæ Regibus gloriari.

„Ut omninò mirum sit inter Gallos reperiri
 „quemquam , qui probra in suam gentem pro-
 „jecta nesciat , vel suorum famæ adeò sit negli-
 „gens , ut Jansenianum librum non horreat , aut
 „nomen auribus admittat , vel excipiat doctri-
 „nam atque in cœlum laudibus tollat. Et quid
 „hoc fascini erat hominem alienigenam , Gallicæ
 „virtutis hostem , laudis invidum , piè factorum
 „obtrectatorem , fortunæ Francicæ iratum , de
 „communi salute consulere , falsario manifesto &
 „Impostori publico credulas aures præbere . ni-
 „hil ab eo insidiarum metuere patrio candori &
 „ingenitæ simplicitati ?

„Sex porrò , ait , numero Reges , id est Va-
 „lesiam totam stirpem cùm Principe atque au-
 „thore Borboniæ , Henrico IV. teterrime pro-
 „pter infanda maleficia periisse : Ludovicum ve-
 „rò XIII. eadem , quæ majores , peccantem , in
 „extremum salutis periculum esse adductum :
 „quasi cum Calvinianis paria faceret , qui clami-
 „, tant

„tant Gallix Regibus male fuisse, quod secum
„severius egerint.

Regis
Gallix
concita-
tz in
Janse-
nium
irz.

Atque hæc Jesuita, ut Jansenianismo, qui jam in
Gallia placere inceperat multis, invidiam crearet.
„Audi Alastorem ! I nunc, inquit, Gallia, jacta
„Regum tuorum egregiam pietatem in Deum,
„plurima, maximaque in rem Christianam offi-
„cia, singularem beneficentiam in Summos Pon-
„tifices, incredibilem humanitatem in omnes,
„reliqua tum belli, tum pacis, divina & im-
„mortalia ornamenta : Alexander Patricius, Ar-
„macanus, sive qui idem est Cornelius Jansenius,
„tot & tantis Vir nominibus, tibi fastus istos
„tuos contudit, magnifica verba excussit, igno-
„bilitatis te vero, ac tuæ recordari potius, quam
„fictum & alienum & multorum commune ven-
„ditare decus & ostentare trophæa jussit.

Jesuita-
rum &
convi-
tium a
fabula
de causa
& au-
thore li-
bri.

Hæc Jesuitæ, qui tamen fateri debuerunt, Mar-
tem Gallicum tanta eruditione fuisse conscriptum,
ut putarent Jansenii eruditionem & studia supe-
rare. Itaque hanc narrant ceu fabulam, seu hi-
storiam, Nimirum FREDERICUS HENRICUS
NASSOVIVS, Fœderati Belgii Gubernator, florente
Lovanii Jansenio, Sylvam-Ducis & Trajectum
ad Mosam occupaverat, vicinasque Regiones
& Civitates parum munitas Bellicis terroribus
impleverat. Factum ergò, quod perturbato hoc
rerum statu nonnulli infelicitis belli pertæsi &
hinc dubii, quid facto opus esset, consultaverint,
& Jansenius, quodam in conventu, ubi a Duce
Arescotio, & Archiepiscopo Mechliniensi senten-
tiam rogatus, hoc dederit consilii; deferendum
esse

esse Regem Hispaniarum , non obligante amplius fidelitatis juramento , quòd subditos defendere non posset ; atque sequendum Batavorum exemplum , qui novam Rempublicam erexissent , sic tamen uti ad Helvetiorum modum Cantones , ut dicuntur , Catholici , inito cum Vicinis fœdere , instituerentur.

At verò istud consilium vix taceri potuit , quando Jansenius id etiam scripto consignasset , uti nec deerant alia Virorum prudentium judicia , quæ adhuc hodie servata ajunt nonnulli Politici se vidisse. Unde non mirum , si ille pessimè audir. Ergò ferunt , Eum sibi admodum metuisset , suadentibus amicis , ut crimen , cujus postularetur , dilueret. Opportunè autem suam operam offerebat P. Rosæus , Vir Eruditissimus , Sanctioris Consilii Præses , cujus ante meminimus , suppeditato voluminis argumentò , quò vel pœnitentiam ageret , vel famam falsi accusaret. Istud autem erat *Mars Gallicus* , stylo quidem Jansenii ornandus , cujus tamen materia ipsius opus , eruditionem & ingenium excedebat.

Sic Illi. Et ne mentiri viderentur , literas produxere Fabii Gighii , Nuntii Apostolici (qui deinde Alexander VII. fuit) ad F. Barberinum , Cardinalem , datas Coloniae 25. Martii , 1641. ubi hæc scripta ; *Cardinalis Richelius admodum stomachatur in Jansenium , quod cum Rosæo Martem Gallicum conscripserit.* Nimirum hæc literæ adhuc in Collegio S. Officii Romæ aservantur. Addebant , cur , si libri author sit Jansenius , ficto is nomine prodit ? Debuisset sane suum præfigere ,
cum

cum Arroyus id fecisset. Nunc vero metuit, si postmodum rescivisset Orbis quorum studiis & laboribus fuisset usus, plagiarius audire, aut veluti furtivis nudata coloribus cornicula, risum quibuscunque movere.

Quæ autem & qualia hæc sint, nostrum non est arbitrari. Soli Jansenio per nos licet, uti facundo & erudito satis, nec perpetuo in Scholasticorum nugis & sordibus repenti, ut hinc alia studia tractare, quam alii in Papatu Doctores, potuerit, vendicent *Martem Gallicum* Jansenitæ. Nostrum non est Viri laudibus, quas meruit, intercedere. Satius erit nostram causam adversus virulentum ejus calamum tueri.

C A P U T V.

*Batavorum adversus Jansenii accusationes
justa defensio.*

Defensio
Belga-
rum.

UTique si tantas irarum causas Galli habuere, multò magis Belgæ, quum a Jansenio tot injuriis & virulentis convitiis peterentur. Etenim illa, quæ *Libro. II.* scripta, non tam invidioso in Gallos stylo, quam splendidâ bile in Protestantes, maximè Batavos sunt exarata. Sua autem fœdera cum Protestantibus olim inita satis defendent Galli, uti quæ hodie nobiscum & Britannis inivère contra Gallos Hispani & Austriaci. Verùm nostri id est officii, ut pro Patriæ honore & gloria Dissertationi Jansenianæ quid reponamus.

Ac primùm cur Vir lernæa percitus ira in nos invec-tus est uti homines Turcis pejores? *Cap.* Horren-
da in ip-
forum
Relig.
convitia.
27. Audi, Lector, impotentis animi convitia
*Si hoc Christianis Regibus in Catholicorum urbibus li-
ceat, agite, via strata est, ut, cum libuerit, sub illo
Libera Religionis asserenda beneficio, templa Christi,
Turcis admissis, in Mosquea convertantur. Quid
enim in Turcis odiosius nisi nomen? Rem enim, hoc
est, impietatem, incredulitatis & sacrilegii magnitudi-
ne Hæretici superant, Hæreticos cunctos Calvinistæ, im-
pudentia, blasphemis, pervicacia, crudelitate, fractæ-
que fidei in rebus religionem spectantibus notâ.*

Castiganda utique hæc pro meritis forent, si defensio.
Historiæ scopus permetteret. At nunc aliquid
condonandum est Viro atra bile intumescenti, at-
que sibi ab hoste vicino metuenti, imò verò labo-
ranti in id, ut infamiam ex dato ante consilio
amoliretur. Et forte credebat se, si accusatio-
nem præstare cogeretur, in *Calvino-Turcismô* cujus-
dam Apostatæ reperturum, quò satisfaceret. Quin
etiam sua Consilia adversus suæ communionis
Religiosos, atque communem Scholarum de
Gratia & Libero Arbitrio doctrinam, voluit hisce
calumniis esse secura, ne ipse astûs Calvinismum
clam introducendi postularetur. Itaque deinde
æqualia ex ejus *Spongia* erunt suo loco adducen-
da, ut iniquissima hominis in Reformatos odia
detegamus.

Imò verò cum Gratiam docuerit Augustini, defensio
per re-
torfio-
nem.
qua datur vera libertas, quibuscunque Scholasti-
cis de Libero Arbitrio & Gratiâ erroribus se op-
ponens, debuit penitiùs nostra dogmata per-
spexisse

spexisse, quæ ut videtur, ignoravit; debuit intellexisse gratiam conversionis, quam docuit, conjunctam sibi habere gratiam justificationis per merita Christi & imputatam ejus justitiam; debuit novisse Ecclesiæ suæ errores, atque insanabiles motus, ut eâ, ceu Babylone, nobiscum egrederetur. Verum quando hæsit in sola conversionis gratia, nec perrexit ad veram de justificatione fidem, quæ nostra est, ostendit quantâ in caligine maneret, & quam exiguo acumine in connectendis Evangelii dogmatis & scrutando Dei Verbo valeret.

Jansenius nescit gratiam quam rueri videtur.

Saltem liberans gratia & victrix animam soli Christo subjicit, ut ab Eo solo in exercitio internæ & externæ Religionis dependeat, nec ferre possit hominum imperia, quibus cæca obedientia & Sceptico sæpius animo pareat. Sane efficacia gratiæ & Sp. S. corda ad nutum & Dei verbum flectentis, non patiuntur brutis imperiis animas cogi & torqueri, procul Evangelica luce, quam gratia suaviter delectans mentibus affundit, ut voluntas cum gaudio flectatur ad obsequium. Atqui id non vidit Jansenius, dum tenebras amaret præ luce, ut vera usus libertate, quam natura & præsertim gratia conciliat, hominum juga excuteret. Igitur vel moribundus quidquid de Gratia scripsit, Pontificis aut Aulæ Romanæ arbitrio subdidit, paratus, Sceptici in modum, contraria menti credere, si jubetur.

Quid! Ipse ubi hanc gratiam docebat, persecutionibus Reformatorem delectatus est, quasi justissimæ

stissimæ forent, & conversionis instrumenta, animum Turcico pejorem gerens in vicinos Batavos, si effari debeamus, quod res est. Et jam experti in Galliis Reformati, quò tetenderint Afflectæ, quando cum Jesuitis, quos aliàs lethali odio videntur persequi, paria egerunt consilia, ut Regis potestate ad sævissimas afflictiones abuterentur.

Jam verò nos non tantum pessimos Hæreticos ^{Batavi non fuerunt Rebellis.} sed & *perfectissime Rebelles nostro Regi* Jansenius habuit. Ubi ostendit initiò quâ egerit fraude, adulatione, aut ignorantia. Etenim Hispaniæ Rex nunquam Jure Regio Belgis præfuit, cum tantummodo vel Comitum vel Ducis titulo gauderet. Unde debuit novisse, alia esse Jura sive Comitum, sive Ducum, aliaque Regum, nec iniquum esse, si Subditi, adversus sua privilegia, leges fundamentales, & pacta, naturam Regiminis, suamve libertatem in servitutem mutari, haud patiantur. Quò sane observatò diluitur, quam ex perduellionis crimine Jansenius maligne Batavis affricuit, nota.

Utique non solum pro Religione a quibusdam ^{id ostenditur.} Belgis, sed & pro Libertate Reipublicæ avita, per quam ea, quæ est conscientiæ secunda esse debebat, nec non Populi, hætenus placidæ Comitum gubernationi ingenuo animo, salvis Comitiorum juribus se subjicientis, gesta fere ab omnibus primùm, & dein a VII. Provinciis, tam diu sunt arma. Satis enim manifestum erat, quid ageretur, ex initis Philippi II. cum Papa Pio IV. consiliis. Quippe subjiciendum erat Belgium Tridentinis

Canonibus, id est, Curiae Romanae, & omnibus suppliciis, introductâ Inquisitione Hispanicâ, cujus Barbarica jura nullus ignorat, erant puniendi, qui non probarent, & simul tuti avitâ Patriae libertate esse cuperent. Atque ut succederent consilia, creandi erant novi Episcopi haud pauci numero (quum nulli ante, vel unus aut alter praesul esset, qualis Trajectinus & Cameracensis) qui in Comitibus primaria vota haberent, Nobilium auctoritatem minuerent, simulque Haëreticis, sic appellatis, attenderent, ut ad Inquisitionis Tribunal absque clementia raperentur. Deinde externo & Hispanico milite onerandæ, premendæ & frangendæ erant Belgarum cervices, ne quid, quò se tuerentur, in adversum tentarent, simulque publica munera hominibus Ibericis & crudelibus distribuenda, ut non minori Belga libertate, quam Hispanus, sub eodem Rege & dominio uteretur.

Edicta
Philippi
II. ini-
qua.

Utique ante Ducis Albani adventum, quod non debuisset tacere Jansenius, Anno MDLXV. Philippus II. Pontificis, a quo dependebat, jussu Edictum promulgari curaverat, hisce Legibus.

I. *Edicta Caroli V. contra recepta Religionis Romanae hostes observantur.* II. *Quasitores fidei admittuntur, & si opus, Brachio seculari juvantur.* III. *Concilium Tridentinum omnes recipiant, ejusque auctoritatem in omnibus sequuntur.*

Querelæ

Atque hinc omne malum, quum hæc decreta in Hispaniis concepta, uti Episcopos recens creatos, nullus Belga ferret, cui erat generoso incoctum pectus honesto. Igitur Nobiles Proceres-
que

que contra Ediſti capita ſupplices obtulêre Margaretaë Parmenſi, miſſique ad Regem Legati, qui tandem literas ab indignabundo impetrant, quibus ſcribitur, *Inquiſitores fidei in Belgio loco moventor. Novi Epifcopi manento. Ediſta mitiganſor, ſed ex Conſilio Senatus Hiſpanici. Denique delictorum omnium obliuio rata eſto.*

Verùm hæc incerta omnia ſatisfacere non poterant præteritorum non ignaris, Iberici faſtûs, aſtuſque & duritiei conſciis, futurorum providis. Unde gravior in Populo motus, vulgique jam Monachalis & Hiſpanici jugi impatientis, ad Imagines diſturbandas concurſus.

Igitur Margareta exequendis impar conſiliis videbatur. Miſſus ergo eſt cum ingentibus militum, ceu ad Hæreticos expilandos puniendosve conductorum, copiis Dux Albanus in Belgium, qui mox inſtituto SANGVINIS CONſILIO, indiſtaque rerum immobilium viceſimâ, mobilium autem decimâ, ſanguine, patibulis, ferro, ac terrore omne implevit, & jugum adeò grave libero populo impoſuit, ut ferendo neutiquam foret. At mox vidit homo ferox *obſequium metu inter Belgas non obſineri*, & quaſi pœniteret, obliuionem delictorum curavit promulgandam. Verùm experientiâ didicit, *frustra Tyrannos ſubdiis ignoſcere, ubi ipſis, omnem in ſuppreſſione libertatis modum egreſſis, tuſa omnia timentes ſubditi nec ignoſcere, nec quicquam credere ampliùs queunt.* Quæ ſervandæ aut reſtituendæ Libertatis cauſa fuit, fruſtrâ Albano Duce in Hiſpaniam revocato, miſſoque Requeſenio Succeſſore, qui cautius negotia adminiſtraret.

Nec fa-
tisfa-
ctum ut
decant.

Miſſo
Albanò
perſecu-
tio fit
acrior.

Neque enim res animosque restituere potuit; quin etiam brevi mortuus tumultuantem reliquit militem, qui civitates deriperet, unde majora in Hispanos odia.

Pacifica-
tio Gan-
davenfis.

Igitur Ordines omnium Provinciarum *Gandavi* A. MDLXXVI. conveniunt, atque de pace Religionis ac restituenda Belgio libertate hisce legibus consilia conferunt. I. *Ordines in singulis Ditionibus sacra pro arbitrio exercent, & exerceri curant.* II. *Sacrorum causa vim nemini, aut Conscientiis hominum inferunt.* III. *Communibus auxiliis Hispanos omnes Belgio exturbant.* IV. *Inter Federatos, & qui defecerunt aliosque Belgas pax aeterna, commercia & quavis amicorum officia sunt.*

Et videbatur hæc *Pacificatio Gandavenfis*, sic dicta, tantæ esse æquitatis, ut ipse Johannes Austriacus, quem Rex præfecerat Belgio, subscriperet. Quippe ostenderant Ordines istam Pacificationem nec Religioni Pontificiæ, nec juribus Majestatis Regiæ esse adversam, idque judicio Theologorum Lovaniensium, & Ictorum, nec non Episcoporum & Abbatum, ipsiusque Nuntii Papæ, ac denique Consilii Statûs decisione. At Austriacus dimisso milite, alium mox collegit vulpina fraude Belgicæ libertati insidiatus. Nec minus dein Alexander Farnesius, qui felix bello, multæque comitatus Princeps, partim vi, partim blanditiis plurimas Belgarum civitates Regi Hispaniarum reddidit ac restituit.

Unio Ul-
trajecti-
na.

Unde factum, ut grassantibus in Flandriâ Gandavenfis, nec pacis leges, uti decebat, observantibus, Artesii, Hannonii, aliique Galliæ Belgicæ

gicæ populi ad Hispanos defecerint, seseque Duci Parmensi subjecerint. Atque inde necessitas urgebat, ut Geliæ, Frisiæ, Zutphania, Hollandiæ, Zelandiæ, Omlandia & Ultrajectinæ Ditionis Ordines Ultrajectum A. MDLXXIX. convenirent, atque Fœdus hisce legibus sancirent.

I. Ditiones Provinciaque fœderata nulla de causa divelluntur. II. Quavis ope invicem sese, necessitate oblata, contra Libertatis hostes juvant. III. Senatus Supremus esto, in quo singularum Provinciarum Legati coeant, & curent, quæ ad hujus fœderis factura sint, observationem.

Quæ sane omnia docent, quâ injuria nostri Patres perduellionis in legitimum Principem accusentur, datâ Religionis hac culpâ, quod Belli Belgici causa & origo fuerit. Potius Papalis Religio tantum potuit suadere malorum, ut Rex sua abuteretur potestate, eamque in dominium iniquissimum verterit. Id quia factum, defendenda fuere Jura Patriæ adversus illos, qui seu Papalibus, seu Politicis rationibus Regi persuaserunt, ut Belgas aliis legibus, quam Reipublicæ fundamentales essent, gubernaret, nolentesque ceu rebelles haberet ac plecteret, usus non Comitibus, aut Ducis jure, sed Regis aut Domini potestate, quæ tandem in servitutem coëgit animos & corpora, quæ a duro Tyrannidis jugo nihil differebat.

Utique Jura & privilegia Patriæ avita & antiqua fuerant; *Authoritas Nobilium & Magnatum seu Ordinum ac Comitiorum inviolata habetur: Potestas Ecclesiastica nec augetur præjudicio Nobilium &*

Jus Belli
Belgici.

Privilegia
Belgarum.

Civitatum : Officia & publica munera exteris non conceduntur : Tributa absque consensu Comitiorum non imponuntur : Nullus Belgarum aut peregrinorum in Belgio habitantium iudicator , nisi via iustitia , dataque semet tuendi & defendendi potestate : Nemo vel in Ecclesiasticis negotiis ad peregrina iudicia evocator : Decreta & Bulla ipsius Papæ rata non habentur , nisi consensu Comitiorum.

Defen-
denda.

Sane tuenda majoribus erant hæc Reipublicæ, Nobilium Civiunque jura & axiomata , quando Hispaniarum Rex variis artibus , dolisque seductus , intoleranda Constitutionum acerbitate , tyrannico Inquisitionis jugo , novo Episcoporum dominatu , liberam patriam afflixit : quum interca nihil valerent preces , obtestationes , supplices libelli , Principum , Ipsiusque Imperatoris intercessionones , ut animum mutaret. Neque enim Regi Philippo , ut ut latè dominantium facile Principi , res erat cum inermi & imbelli , ceu in novo Orbe , populo : erat certamen cum fortibus Viris , ingenuis civibus , gente ad decus nata , quæ letho pejus flagitium neglectæ libertatis odit , atque inaccessum pectus terroribus habet.

Igitur misera Patriæ fata lugebant ipsi , qui Pontificiam Religionem profitebantur. Neque primum defecere pro sua fidelitate & prudentia Belgæ , etiam pressi , a Rege , sed questi ante omnia Ministrorum ferociam , tueri sua jura precibus ac supplicibus adnitebantur , ut ingenuo , si pote , animo , Regem Hispaniarum , meliùs edoctum , ceu Comitem & Ducem juxta leges venerarentur. Atque iste Pacificationis Gandavensis scopus fuit ,

fuit, conspirantibus cum Arausionensi Principe in eadem consilia Prælati, Abbatibus, Theologis, omniumque Provinciarum Politicis. Nec id negat F. Strada, de Bello Belgico Lib. VIII. quando inquit, *Brabantiam, Hannoniam, Artesiam, Flandriam per Procuratorem Bruxella mutuum adversus Hispanos opem jurejurando condixisse, missis quoque Oratoribus in Galliam & Angliam, qui auxilia expeterent, & postremò in Hollandiam ad Oraniam, ut vires sociaret.*

Quæ autem Pacificationis Gandavenfis, eadem Unionis Ultrajectinæ jura fuere. Hæc enim quia defendere coëgit necessitas, vis vi repellenda fuit, quando nisi injustæ dominationis metus superesset. Itaque VII. Kal. Sept. A. CIO IO LXXXI. gravissimis de causis renuntiatur Imperio Regis Hispaniarum, statutumque ut Cives Provinciarum, quæ in Ultrajectinam Unionem concesserant, soluti Legibus externorum Principum viverent, & libera Respublica censerentur: tantâ æquitate, ut suffragio & consensu Principum ac Regum Christiani Orbis, uti ex pactis, legationibus, & suppeditatis auxiliis patet, Bellum pro obtinenda Libertate ceu pium & justum cum Hispanis gereretur. Ergò jure Patres quando de Induciis consilia agitabantur, dixere, nullam unquam fore nec divino, nec humano jure tutam securamve rationem ullius compositionis auspiciandæ cum illis, qui aliquid consulere vel postulare viderentur contra auctoritatem & vim decreti, quod a Patriæ libertatis Vindicibus unanimi conspiratione sancitum & multorum civium ac mili-

filiis & conspirationibus Romanensium, in Re-
 formatos & Evangelicos sævas persecutiones mo-
 lientium, profluxisse. Nempe sub Rudolpho II.
 Anno *MDCLXIX.* in Bohemiâ plena ipsis erat da-
 ta libertas, & spes plura obtinendi, nisi mors Im-
 peratoris prohibuisset. Id non tulere Papales,
 maximè Jesuitæ, qui deinde Bohemia expulsi,
 datæ libertati insidiabantur nacti Ferdinandum
 Imperatorem suis consiliis faventem.

Unde violatæ, mox Leges, erepta libertas,
 omnia ad persecutionem parata. Id sensere Bo-
 hemi, qui spe in desperationem versâ Frideri-
 cum Palatinum crearunt Regem, quò suis rebus
 consulere, Vicinorum maximèque Dei auxi-
 lia sperantes. At suis votis excidère, fugato a
 Cæsarianis novo Rege, & secutâ inde tantâ per-
 secutione, ut similem Orbis non noverit, licet
 Cainiticæ neces & vivicomburia abesse videren-
 tur. Scilicet *commodâ Diatâ* curandi erant petu-
 lantes & luxuriantes nimium Hæretici, atque in-
 vidiosum *Inquisitionis* nomen in mollius *Reforma-*
tionis erat commutandum.

Nec satis fuit Sacro hoc Bello Bohemos vi-
 cisse, flamma mox Palatinatum accendebat, &
 hinc totam fere Germaniam, redigendis quoque
 in ordinem Lutheranis, qui otiosi calamitatum
 spectatores, imò etiam Cæsareanæ persecutionis
 satellites fuerant. Et obtinuissent Protestantium
 hostes, nisi Deus desperatis eorum rebus ex Aquil-
 one Aquilam vindicem suscitasset Gustavum Adol-
 phum, ut pacem Germaniæ, perfidorum homi-
 num consiliis turbatam, restitueret, fuscumque

man. de.
 fenfio.

Germa-
 niz mi-
 seria.

sanguinem crudeli persecutione, vindicaret.

Vindex
Gustavus A.
dolphus.

Nótum sane est A. MDLII. quando Mauritius Cæsarem fugasset atque Oeniponte intempestâ nocte imparatum excedere coëgisset, Passavii initam esse *Transactionem* cum Protestantibus, secutamque *Religionis pacem* An. MDLV. quæ An. MDLXVI. Augustæ Vindelicorum, & post in diversis Imperii Comitibus Universalibus confirmata fuit, facto decreto, ut *Rata* habeatur *sanctèque & involabiliter servetur*. At verò Pacificationem Passaviensem cæteraque fœdera, inde inita, aut edicta non obligare Principes ad ferendos in Germania Protestantes disputabant maximè Jesuitæ, quòd illam Pontifex Romanus ratam non habuisset, eaque Ecclesiæ Religionis Romanæ commodis repugnaret: prout videre est apud Joann. Gerardi in *Confess. Cathol. Lib. Gener. in Fine*. Ubi de *Mediis Fraudulentis*, quibus *Ecclesia Romana* pro-
pagatur.

Papistarum per-
fidia.

Igitur omnibus modis Germaniæ hanc Pacem turbare Jesuitæ cōnati sunt, cum non suffecerat Bohemiam devastasse. Et profec̃re apud Cæsarem, ut extirpandis Lutheranis ipse animum intenderet, atque inde ortò in Germania Bello, plus sanguinis fusum, quam Danubius, Rhenus, aut Albis aquas volvit. Innumera enim multitudo Protestantium internecioni data, vastatæ Regionēs integræ, atque in una Magdenburgo Tillius triginta Hominum millia & amplius in Albin præcipitavit, Urbe vetustissimâ funditus eversâ. Nimirum sic reliquæ Civitates Germaniæ admonebantur, quænam de excindenda Religione Evan-
gelica

gelica a Jesuitis, cæterisque Ecclesiæ Romanæ Ministris ex Congregatione de propaganda fide consilia caperentur.

Hic vero evigilat pro Fœderatis Gustavus A-^{vict.}
dolphus, qui Anno Sæculi xxx. Imperatori Bel-
lum indixit, questus, commercia cum Succis
prohibita, exercitus Polonis auxilio missos, at-
que Principum cognatorum, nec non Religionis
crudelissimam in Germania oppressionem. Ergo
mox Deo favente & miserante afflictos, veluti ful-
men quoddam ab ultimo Septentrione, admira-
bili celeritate universam fere Germaniam victor
pervasis, ac omnino Jesuitarum & homicidarum
Papalium consilia, tot annorum conatus ac ma-
chinationes, repente dispersit & irrita fecit, at-
que duabus victoriis ad Lipsiam una & ad Lut-
zenam altera (licet occumberet) ita Ligista-
rum ferociam contudit, ut non modo Protestan-
tium superiores evaderent partes, verum ipsi Pa-
pistæ de summa rerum periclitarentur. Histo-
riam hujus belli *Fridericus Spanhemius* scripsit in
Militæ Suecico; uti Jesuita *Brachelius*, Jesuita,
sua fide, in *Historiâ sui temporis*, illius verò sum-
mam *Alstedius in Chronologicis*, cap. LX.

Huic autem Gustavo Ludovicus
XIII. ex fœdere A. xxxi. inito suppetias dabat,
uti Belgis. Scilicet ut vastæ Domûs Austriacæ
ambitioni, ad Monarchiam Europæ, quam *Th.*
Campanella, prodigiosi ingenii Monachus, præ-
conceperat volumine pro *Monarchiâ Hispanicâ* edi-
to, aspiranti, impedimenta objiceret. Qua in-
vidia, ambitione, aut crudelitate ipse aut potius
ejus

ejus milites egerint, captis quibusdam oppidis (quæ inter Terlemontium) Lovanio vicinis, ceu calidis lacrymis deplorat tristis & proximus spectator in *Marie Gallico* Jansenius, nostrum non est referre. Nec ea defendere volumus, quæ non probarunt Batavi, dum Gallorum in Viros Fœminasque crudelitatem ac nequitiam & in ipsa Sacra ferociam stupeant. Deus ipso Galliarum Rege usus est, ut is suo consilio inserviret, suisque Ecclesijs libertatem, confusis hostium persecutorum consiliis, pararet. Quin etiam ipse Papa Romanus Urbanus VIII. tandem Cæsaris fortunam nimium metuens, dicitur Gallum excitasse, monitum ne statum Germaniæ proculcari sineret. Quicquid fuerit, liberata est dissidentibus Pontificiorum animis Ecclesia, datâ tandem & procuratâ pace Monasterii Westphalorum MDCXLVIII. dum metuebat Cæsar, ne, ubi appeteret aliena, sua amitteret. Quæ pax ut invisa fuerit Curiae Romanæ Innocentius X. editâ Bullâ significavit, quâ eam abrogatam voluit. Verum istius *Bulle* vanitatem *Celeb. Hoornbeek* *justo Examine* demonstravit.

CAPUT VII.

Episcopatus Jansenii Tprensis Consecratio.

*Mars
Gallicus
Episco-
patum
meruit.*

UT Marte suo Galliæ iras & odia Jansenius meruit: sic admodum gratum ejus opus Hispanis erat. Itaque scribit in hæc verba

Epi-

Episcopus Gandavensis suâ pro *Janzenio Apologiâ*.
 „ *Jansenius* non nativitate duntaxat, sed & affectu
 „ fidelissimus fuit Catholicæ Majestatis subditus;
 „ uti id ipsum egregiè patefecit Libro, cui inscri-
 „ ptio, *Mars Gallicus*: quo Opere doctissimè &
 „ disertissimè propugnat justitiam armorum Regis
 „ Catholici adversus quoscunque suos hostes; il-
 „ ludque tantopere omnes laudarunt, & suspe-
 „ runt, ipsi quoque hostes, ut mercede, *Pilei*
 „ *Cardinalitii* dignum judicaverint, uti id ipsum
 „ millies in curia Romanâ dixisse fertur *Marchio*
 „ *de Los Velos*, dum ibi Legatum ageret suæ Cath.
 „ Majestatis. At *Pileos* non distribuebat Rex
 Hispaniarum, sed *Mitras*, *Insulasve*, prout solent
 suo, an concessio jure a Pontificibus, Reges.

Mox igitur ab editione Libri anno sequenti
 consecutus est præmium, *Ypensem Episcopatum*,
 qui cum cæteris quibusdam præterito sæ-
 culo a Rege Hispaniarum *Philippo II.* astu poli-
 tico, ut premeretur Belgica libertas, institutus
 est; de quò legas *Grotium in Annalibus ad A. MDLVI.*
 Tantis enim Viris Rex & Belgii Hispanici Gu-
 bernator *Ferdinandus* opus habebat. Accessit Aulæ
 favor, quem suis dotibus meruerat, bis *Academiæ*
Lovanienfis nomine ad Regem Orator, uti ante
 retulimus. Augebat benevolentiam, fervor in Re-
 formatos famaue nominis & eruditionis, quam
 acquisiverat, quum *Academias* *Hispanicas* visita-
 ret, & cum doctissimis Viris colloqueretur.

Nimirum ad summa videbatur factum natumque *Fautores*
Viri ingenium, cui, ut *Caloni* tanta vis animi erat,
 ut fortunam sibi ipse facere videretur, cuique nulla ars
 neque

neque privata neque publica rei gerenda defuerat, nec ingenium ad omnia versatile, ut natum dixeris ad id unum, quodcunque ageret. Sic de Jansenio Fromondus in *Dedicatione Criseos*, dum eum sperabat optimos antiquitatis Præsules repræsentaturum.

Favebat
eum
Romana
curia.

Accessit favor JACOBI BOONEN Mechliniensis Primatis, qui ante amicissimum sibi virum ad Antverpiensem Episcopatum promotum frustra voluisset. At meliores successus, vacante Yprensi Sede habuit, mortuis Isabella & Marchione D'Aitona, ipsius studium, urgente etiam apud Ferdinandum Governatorem eandem causam PETRO ROSÆO, qui novo Governatori a Sanctioribus consiliis erat.

Et favebat dein Romana Curia, quod contra Reformatos Pontificiam causam defendisset. Quin Jansenio is honor Romæ collatus est insolito modo, id est gratis, quo gloriosius putaretur præmium. Magnum utique decus! Nimirum

— omnia Roma cum pretio. ibi,

*Templa, Sacerdotes, Alaria sacra, Corona,
Ignis, Thura, Preces, Cælum est venale, Deusque.*

Sane quam turpis lucri aucupia Romæ circa electiones dominantur, indicant annatæ, gratiæ, reservationes, cæteraque nomina, ipso pœne tremenda sono, nec a redivivis Petro aut Paulo intelligenda, uti Claudius Espencæus aliquando dixit. Scilicet ipse Pontifex, qui

— — omnia sacra

Emerat ipse prius, vendere jure potest.

ceu de Alexandro VI. Zannarazius. Verùm Jansenio ex gratia, absque numeratis nummis,

Bulla

Bulla investitura concessa est propter eximiam eruditionem, ternamque cum Hæreticis obitam gloriose pugnam pro Ecclesia honore & fidei veritate: sic narrabat Sanctamorio, cum Romæ ageret, Canzonius Burgorum Episcopus, qui tum S. Consistorio a Secretis fuerat; addebatque se mirari satis non posse, tantum Virum indignissime adeò haberi petique, ut Sanctæ Sedis ac religionis capitalem hostem. Lege Journ. du S. Amour, pag. 327.

Consecravit autem Jansenium Bruxellis Archiepiscopus Mechliniensis Belgii primas, die xxviii. Octobris, qui ipsi natalis fuerat, An. mdcxxxvi. Introductus autem est Ypras, ut Cathedram occuparet die xxx. Novembris, instructo Nuptiali convivio seu festo, acclamante calidis votis plebe. Quin etiam Novi Episcopi laudes celebrabant Epithalamio (sic appellabant, quod Episcopus Pontificiis Sponsus Ecclesiæ habeatur) Jesuitæ, idque per Discipulos Collegii apud Ypras Rector, Hermannus Spluytius Jansenio offerebat. Addiderant Votiva Carmina Chronostica, nec non Anagrammata, aliaque ingeniose excogitata, quæ repræsentare erit jucundum, nec inutile ut Ingenii Jesuitici lusus, mutabilemque Societatis animum conspiciamus. Nempe *Jesuita omnis homo est*, uti aliquando Alexander Hayus, Scotus Jesuita, confitebatur.

CAPUT VIII.

Epithalamium a Jesuitis Jansenio oblatum, quum Episcopatum adiret.

SYN.

SYNCHARMA DIPNICON,

Seu Gratulatio Convivalis Urbis Yprensis

Honori Perillustris ac Reverendissimi Domini
Amori Dilectissimi SPONSI,

CORNELII JANSSENII

SEPTIMI SUI ANTISTITIS,

*Exhibita a Studioſa Juventute Collegii S. J.
In ſolemni ejusdem Rmi. convivio*

Die xxx. Novembris anno M. DC. xxxvi.

Y P R I S.

OCULI SUNT IN AMORE DUCES.

Ubi feſto tibiarum ſono, attentos Ypra convivas tenuit, duos, cœn oculos ſuos ſubmittebat, hanc epi-graphen fronti præferentes: Oculi ſunt in amore duces. Qui Præſulis dotes penitus contemplati, eaſdem hujusmodi Leonino ludo recenſebant.

1. Ocul. **A** Udiit ut ſponſum, ſacro jam vertice tonſum.
Et ſibi Prælatum, cœlitus eſſe datum:
Exiliit mitrâ, tibi ſupplex protinus YPRA:
Nil niſi JANSSENI, vox fuit una, veni.

2. Ocul. Huc citò CORNELI propera, novus accola cœli:
Voce vocat leni, te tua ſponſa, veni.

1. Quale ſuis om̃en, tegit illud amabile nomen,
Quàm cor lene ſapit, quod ſibi corda rapit!

2. YPRA tibi plaude, ac tali de Præſule gaude.

Deſine flere, ſat eſt: reſpice, Phœbus adeſt.

Ecce

Ecce novus Phœbus, qui fert medicamina rebus;

Nunquid forma placet? rapta in amore tacet.

1. YPRA stupet cultus, figitque in Præsule vultus,

Vidit, & exclamat: vix bene novit; amat.

Quid facies mentis spectatis Sponsa talentis.

Sique animi dotes, ingeniumque notes?

Hæret in obtutu, vel solo faucia nutu.

Mens contemplatur, nec valet esse satur.

2. Hinc oculos urbis voluit subducere turbis.

Possit ut IPRA sui lumine sola frui.

Quot cælum stellis, quot pervigil Argus ocellis,

Tot cupit hæc luces, sint in amore duces.

1. Nos ergo intentis oculis inquirere mentis

Iussit, & his miri facta notare viri.

Ac tibi dilecto, dum quæ sit patria spectro,

Visa est formosas, gignere ipina rosas.

Battava gens prolem, velut in caligine solem

Parturiit, Zonâ lux minus orta bonâ.

2. Patria Leerdamum, quali hunc dat stipite ramum.

Expers vita doli: patria digna coli.

Innocuus vitæ, vir Relligionis avitæ:

Omnis abest labes, * nomen, & omen habes.

1. O niveam mentem, humanæ nil fœcis habentem!

Candidus ore color, totus ut esset olor.

Virtutum flores, doctrinæ spargit odores;

CORNELII vita est florida nunquid ita est?

2. Tam bene si pergis, quanta ad fastigia vergis;

Sic puero Davus, vaticinatus avus.

Sed quid in his stamus? paulò majora canamus;

Grandius urget opus: facta referre scopus.

¶ Lovanii orchestram, Falconis viscè palæstram.

En tibi parta scholis, laurea fixa tholis:

1. Nam tulit hic palmam, primus de millibus almam,

Et qua laude cluit, notus ubique fuit.

YPRA tibi plaudas, ut falco vincit alaudas,

Omnia sic nuper se tulit ille super.

2. † Mox cingit lauro, dignus quem cingeret auro

Lovanium, in mitrâ quem modò cernis YPRA.

1. Pulpita conscendit, quis non ex ore pependit?

Subtilem totum quis neget esse Scotum?

2. Quàm bene divinas res tractat, ut alter Aquinas!

Natus
Leer-
dami an.
1585.

* Salve
sis virin-
nocens.
Ana-
gramm.

¶ Lovan.
in Falco-
ne pri-
mus in
promot.

† Doctor
creatus
in Uni-
versitate
Lov.

114 DE CORNELII JANSENII

e Præfuit
Coll.

Hollan-
dico D.
Pulche-
riæ.

d Prope
6. ann.
Prof.

Regius.
e Lega.
inHisp-
niam de-
stinatus

pro cau-
sa Uni-
versitatis
Lov.

fSingul.
Hitor.

testatur
lib. ejus,
qui in-
scribitur

Arma-
can.

Ab Ur-
bano.

VIII,
mitrâ
donatus,
Inaugu-
ratus

Brux.
28. Oct.

1636.
* Sym-
bolum

ejus, in
Veritate

e Cha-
ritate.

Theiologos Soarez gaudet habere pares.

1. Dein velut in scenam, Scripturæ ingressus arenam,
Orbe fuit toto clarus ut ipse Soto.

2. Arcanos sensus, alta est mytheria mensus:
Nux capit lliadem, mens capit & Triadem.

1. Opto loqui posset e Pulcheria, dicere nosset,
Vidit, ut orta mari flumina quanta dari.

2. d Hispani, hoc certum, in causâ stupere disertum:
e Nam superans suavissimis Nestoris ora, favis,

Instar torrentis, penetrabat ad intima mentis.
Gloria Belgarum, non fuit aucta parum.

1. f Historicis certes, calamos non passus inertem.
Instar eris Flori, gloria magna chori.

2. Cedat Justinus, Grajus, scriptorque Latinus:
Nescio CORNELIUS: quid dederit melius.

1. Io ARMACANUS! licet hostibus ille profanus,
Quæ te fama manet posthuma, facta canet.

2. Inde quod optaram, tibi donat Papa tiaram:

1. Sic juvat hanc Romam, condecorare comam.

2. Nunc unum restat: quod paucis dicere præstat.

* VERUS corda moves, i CARUS amore foves.

Te VERUM, ET CARUM, reddunt Insignia clarum.

2. O quam verba duo Præfule digna suo!

Non novit fictus palpare, aut ludere dictis,

Proxima mens divis, æmula facta nivis.

Parcus verborum, speculum venerabile morum,

Quemque silere docet: garrula lingua nocet.

1. Quid patulas vestras primâ cano luce fenestras?

Excubat hic manè, vix vigilante cane.

Ut catulum millus, capitolia celsa Camillus;

Sic servabit oves, pascua, rura boves.

O decus! 2 O Pastor! i tu Pollux, 2 tu mihi Castor.

O Bone Pastor ave, damna maligna cave.

O fortunatos nos tali Præfule natos!

1. Quis mihi te Fratrem? 2 Quis dabit esse Patrem?

Ypra jam per oculos, amore faucia, dilecto suo Epithalamium
admodulantibus instrumentis Musicis accinebat; verum cum
tanti viri encomiis suam, & Musicorum vocem imparem
duceret, se, suaque omnia in ejus obsequium deferri jubebat.

YFRA. Nunc dilecte bonam tibi nectet sponsa coronam,
Quodque corona gerit pignus, amoris erit.

Octo itaque juvenes, oculos, manus, pedes, aliaque
humani corporis membra referentes (quibus alter al-
teri obsequium prestamus) pileolis eadem inserta,
cum sacra epigraphe gestabant: qui amœno ad nu-
meros tripudio, Episcopali pedo, coronam adnecte-
bant: partibus corona singulis, singula corporis
membra expressa cernebantur, cum hac epigraphe:
Gaudium meum, & corona mea. 1. Phil. 4.
his cor Urbis Iprensæ, ceu coronidem, unà cum
mitra imponebant: mitrâ, adversâ Prasuli fron-
te, pedum hederâ convestitum exhibente, cum hac
epig. Quàm bene juncta virent! Aversâ fronte,
amorem, bullas arcu confringentem. Epigraph.
Non inflatur. Pedi summatim, utrimque Coronam
conrespondebat.

1. Ipra se, sVaQVe plè DeVoVet tibi IanssenI
septIMO Vrbls IprensIs epIsCopo.
2. CorneLIvS IanssenIVs AntIstet CIVItatIs IprensIs
festIVo rItV InaVgVratVs FVIt brVXeLLæ
VlgesImâ oCtaVâ oCtoBrIs.

IN CORONAM.

S Acra Jovis grandes circumdant tempora glandes.
Gestat frontè tenus, Myrtea ferta Venus.
Sic hederæ Bacchum, vitis vel cingit Iacchum:
Aurea te Plurò, ferta decere puto.
Pallas amat vivâ redimiri pacis olivâ,
Quam placet Alcideæ populus alba, vide.
Cæsariem, collo juvenis quam gestat Apollo,
Quæ bene laurus olet, condecorare solet.

Hæc amor ut cernitserta aurea, laurea spernit,
 Serta dat, exclamat, altera, quisquis amat.
 Altera Dilecto, de me diademata nec̃to,
 Gratius illa micant, quæ tibi corda dicant.
 Non mea, sed me, do, Dilecto viscera dedo:
 Quamdiu vita manet, te mea lingua canet.
 Dic labiis orent, manibus dic ritè laborent,
 Donec ero sanus, labra, movebo manus.
 Ecce pedes stabunt, si jusseris ire, volabunt:
 Dic modò, Pes ito: pervolat ille citò.
 Sic oculus præsto, Dilecti nutibus esto,
 Detinet hæc aciem, quam video faciem.
 Auribus attentis, ad vestræ arbitria mentis
 Adsto, tuas voces haurio, quæque doces.
 Hæc tibi Dilecto, de me diademata nec̃to:
 Laurea nil tale, nil dat oliva. Vale.

Tripudio peracto, cum nec omnibus membris, in linguas commutatis, Dilecti laudes vel levissime valeat adumbrare, ipsos fructus, quos mensa inferri jubebat, elingues volunt esse præcones. Hos ambibat nomen Reverendissimi digitalibus litteris expressum, cuique hac Chronica, ac Anagrammata inscripta legebantur.

CUSToDeM posUerUnt te sUPer oVes UnIVersas.
 oVILe sUUM DILeXIt antIstes IanssenIUS.
 reVerenDIssIMUS IanssenIUS VerItate & CharItate oVes
 gUBernans.
 noMen hUIus antIstItIs IanssenII VIVet In beneDICTIo-
 ne perpetUa.
En sanus vir consili es. Anagr. CORNELIUS JANSSENIUS.
 LatentUr & eXULtent Iprensens In reVerenDIssIMo sUo
 antIstItē.
 IanssenI VeraX es & VLaM VItæ In VerItate DoCes.
 UtI paULUS DIVIno aMore pLenUs antIstes Iansse-
 niUS.
Salve sis vir innocens. Anagr. CORNELIUS JANSSENIUS.
 IanssenIUS saCræ sCrIpUræ DIVInUs Interpres aC DoCtor
 eXCeLLens.
 arMaCanUs tUUs UbIqUe IngenII tUI fontes proDIt.
Nonne eris salus civis? Anag. CORNELIUS JANSSENIUS.

sapientia & Verè VIRTUTIS DOCTOR EXIMIUS.

sonat Una VOX, aureæ eloquentiæ FLUMEN adest.

En es in oculis versans. Anag. CORNELIUS JANSSENIUS.

nasceris CORNELI JANSSENI VELUT LUCIDA STELLA EX
Densa nebula.

JANSSENIUS Veritate & Charitate Deo In perpetuum VI-
Vet.

Urbanus OCTAVUS Jansenium Iprensit clarâ DONAVIT.

Sol vicinior serenans. Anagr. CORNELIUS JANSSENIUS.

*Varii fructus, varia in se emblemata, potissimum de Re-
verendissimi symbolo, Veritate & Charitate, celabant, qui
affabre ad hoc confecti, vi scire attrestanti, eadem inopi-
natio manifestarent.*

YPRA. Nunc juvat extensis imponere fercula mensis,

Quæ bene iussa coqui fercula, docta loqui.

Sit procul hinc terror, latet hic gratissimus error,

His bene dum ludet sponsa, placere studet.

E M B L E M A.

1. *Malum punicum in cujus acinis Canonicorum amutua,
in medio mitra cum pedo. Epigraphe: Quam bene con-
veniunt!*

Non Eridis pomum, pacis sed spirat amomum,

Symbola sunt doni, punica mala boni:

Nam bene sacratum referunt hæc poma senatum,

Hic ut grana jacent, corda in amore placent.

Quid ni sincero, bene sit cum Præsule Clero?

Succus ut in pomo est, hic ita dulcis homo est.

*Ab altera parte, duo amores, plures funes in unum necen-
tes. Epigraphe: Omnia necit amor.*

Si bene reflectis, chordis corda omnia necis

O amor; & pacis vincula blanda facis.

2. *Pomum citrium, ab una parte bombyx, cujus byssum manus dua sibi colligunt. Epigr. Aliis se exenterat.*

Bombyx imprimis, fibris se exenterat imis,

Ut, si mille queat, non sibi fila neat.

Verus amor, tanti facit uni vivere amanti,

Nec satis ardori est vivere, vita mori est.

Ab alia parte acus nautica, cui inscriptum hoc verbum Veritas. Epigr. Duce te.

Te duce per Scyllas curram, per saxa, favillas;

Nam quocumque vagor, te duce tutus agor.

3. *Pomum vulgare, ab una parte Ypra in corde dormiens, juxta eam manus cum pedo excubans. Epig. Ego dormio, & cor meum vigilat. Cant. 5.*

Sic Jesuitæ, qui deinde suos honores in maligna convitia mutarunt, uti dies docuit. Itaque sæpius id ipsis exprobrarunt Jansenitæ, verso etiam hoc Epithalamio in linguam vernaculam, A. MDCLXXXVIII. quum de persecutione admodum dolerent. Nec deest Belgico carmini ars Poëtica, quæ a nobis impetravit, ut huic Operi suffigatur.

CAPUT IX.

Jesuitæ suas excusant adulationes, ne videantur mentiti.

ATqui cum hæ profusæ adulationes in atrocem calumniandi rabiem essent mutatæ, verterunt styllum quoque Jesuitæ, atque

ex Cornelii Jansenii nomine hoc Anagramma procuderunt, CALVINI SENSUS IN ORE, quò Hæreticum scriberent. Deinde nihil non egerunt, ut primas suorum adulationes excusarent. Nimirum ad Jansenium mox a collato Episcopatu Patres ex suo Sodalitio miserant P. Otho-^{Ut isti a-}
nem Zilium, a pueritia ipsius amicum (de quo ^{dulation-}
ante) ut Episcopatum gratularentur. Ipse ve- ^{nes dein}
ro gratò admodum animò vota acceperat, addens, ^{excusent}
forte metuit Societas, ne suis ego studiis repugnem. At nulla est timoris causa. Etenim alio Professori, alio mihi nunc Episcopo, vivendum est more. Academicus cum essem, abreptus fui flumine disputationum, nunc Scholastico pulvere evitato, omnia futurus sum Societati. Ad quæ Zilius: *placetne ergo, ut hæc Rectori Societatis Yprensis referam?* respondebat Jansenius, *omninò.*

Atque inde amplissimæ, quas HERMANNUS SPLUYTIUS, Collegii Rector agebat, gratiæ, istaque gratulatoria Carmina, quæ offerebat Scholastica juvenus. Chronographicum autem Encomium, *Jansenii verax es & viam vite in veritate doces*, modò ad Ejus in Scripturam Commentarios, & libros in Reformatos novissime editos, necdum vulgato Augustino, spectabat. Pessimè quidem de Societate pridem meritus fuerat Jansenius, nec id Patres fugerat; verùm illa suo instituto digna charitate malebat bono vincere malum, quam illatas sibi injurias inurbano & scandaloso silentio vindicare.

Sic quidam *Jacobus Monbronius* nuper; qui addit, hæc Societatis modestia ædificationi fuit omni-

bus vere pacis & charitatis amantibus, minimè verò vanis ejus buccinatoribus fuit. Hi enim maluissent solita Neo-Episcopo gratulationis officia a Jesuitis denegari, ut verisimilem hic saltem eos criminandi materiem habuissent. Neque defuisset Jansenio justus offensionis prætextus. Nunc verò laude dignam humanitatem interpretantur callidam simulationem & adulationem turpissimam. Imò nonnemo festos hosce applausus meritis apud Jansenium præconiis extollens, aliud ab eo responsum non retulit, quam illud Pastore & Episcopo indignum, *omnia ista nihil sunt præter CANTUS SYRENUM*. Quid istiusmodi Pseudopoliticis facias, apud quos quidquid egeris, vel omiseris, semper reus es, neque propter peccandi necessitatem quantumvis excusabilem a demerito excusaris!

Sic Jesuitæ: quæ verane an falsa sint ipsi & Jansenii Fautores disputent. Id novimus Eum non ingenuè cum Reformatis egisse, nec eâ, quæ Virum Doctum decuit, sinceritate. Et forte non plane immemor esse voluit Regii istius dicti, *qui nescit simulare, nescit regnare*.

C A P U T X.

Jansenii Acta & Gesta Episcopalia.

Ad
Jansenii
cum Epi-
scopus
esset.

EPiscopatu quum fungeretur Jansenius, ex fratre Nepotem Johannem Jansenium Furnensem Canonicum creavit, Virum, qui post fata

fata Promotoris doctrinam & nomen mascule tutatus est, editis supplicibus, quibus Regem Hispaniarum monere sustinuit, quid rerum in Belgio ageretur *ad impetrandam Decreti Pontificii suspensionem, donec Sedes Apostolica plenius foret instructa*: tantâ cum efficacia, ut placuerit omnibus Belgii Episcopis injungere, in sua quisque Diœcesi inquireret, *an revera Jansenii liber scandalum peperisset*. Sic refert *Archiepiscopus Mechliniensis suo Apologetico*.

Porro magno animo novi Palatii Episcopalis magnificam molem statim auspicatus est. Ita Fromondus, qui inde Viri magnanimitatem deprædicat. Nempe in honorem Augustini id factum, quando domus ante Regularium S. Augustini Monasterium fuerat. At cur non potius humilitatis, quam præ se ferebat, memor fuit, suæque prosperæ Rustica in casa natus? Honores mutant mores. Et jam a sæculis est visum Episcopos, præsertim Romanenses sæculi typho abreptos, mundi gloriam adamasse.

Interea animum advertit ad ista sua in Diœcesi corrigenda, quæ displicerent, reductâ plebe ad pietatem, quam ipse ex suis Principiis excolere videbatur. Sic de Ipso *Episcopus Gandavensis in Apologetico, Ecclesia Cathedralis Virum suspexit veluti vivam Imaginem veterum Episcoporum, qui alios sua doctrina illuminantes plus sane caloris habebant quam luminis, & plebem exemplo magis, quam doctrina instruebant*. Nec potuit M O R E R I U S in *Lexico* tacere hæc Viri laudes, quando inquit, *Priores Episcopatus dies Reformationi suæ Diœceſeos im-*

pendit. Verùm exequi nequivit gloriosa, quæ animo volebat, consilia, ut officio sancti Episcopi fungeretur. Itaque illius apud Yprenses in hunc diem grata est memoria, indignantibus Jesuitis, quosdam ibi adhuc tum Gratiæ, tum Janseniani Nominis defensores esse.

At quam bene fecisset, si simul ipsum Episcopatum ad Normam primævæ antiquitatis suo exemplo reduxisset! Optime sane, si non tantum mandatis & consiliis in Reformando tum Clero, tum Vulgo, fuisset occupatus; sed etiam crebris ex Dei Verbo ad populum Sermonibus exemplo Augustini, cujus doctrinam tantopere commendabat, cæterorumque in Africâ Episcoporum, ceu Canones Conciliorum referunt, sese exercuisset. Vide sis, Lector, si libeat, quæ fusè de hoc argumento T. I. Sect. XII. Hist. Africana disseruimus.

CAPUT XI.

Jansenii Labor in expoliendo & edendo Augustino.

Cura in
absol-
vendo
Augu-
stino.

Porro hæc summa ipsi cura fuit ut expolien-
do Augustino ultimam manum admove-
ret. Et vix absolverat Opus ante mortem
magno cum animi gaudio, ut domestici mira-
rentur insolitam morum & vultus hilaritatem,
cum alias perpetuâ faciei severitate undique compo-
situs esse solet. Sic Fautores in Zegeri Querimonia.

Vc-

Verùm ajunt Adversarii, ipsum, cum ad metam prope Augustinum, cui xxii. Annos incubuerat, summa diligentia perduxisset, Typographicam suppellectilem Amstelodamo accersivisse, ut clam in lucem ederet. Satis enim norat, si Libri argumentum aut consilium innotuisset, haud de fore, qui ne excuderetur, omnibus viribus laborarent. Atqui si editus esset, & mox toto Orbe vulgatus, fieri non posse ut supprimeretur. Addunt Jansenium, eò jam sibi Censoris Caleni testimonium, quod Operi præfixum est, procurasse, atque egisse cum Joh. Caramnele Theologo, ut excudendo Operi præesset, postulato tamen juramento, ne quis qualisve liber esset, indicaret; quod tamen ille abnuerit, quando clandestina negotia sibi suspecta haberet.

At si Jansenius ipse suum Opus excudisset, non nulla forte haberemus, quæ Editores, Fromondus & Calenus, iras Jesuitarum & Curiae Romanae nimium veriti, expunxerunt. Sic Jesuitæ, qui asserunt se istud vidisse, ex eoque recitant hæc verba, quæ in excuso Volumine frustra quæramus:

Janfenii
Augu-
stinus
alia ha-
bet
quam
manu-
scriptus,
alia ex-
cufus.

Non sine arte Satana procuratum fuisse videtur obstaculum illud condemnationis M. B. (Michaelis Baji) ut qui doctrinam illam gratia novitiam destruere vellet, & veterem introducere, contra Sedem Apostolicam luctari in speciem videatur. Ad excusandas Baji propositiones, observandum, Cardinalem P. dicere expresse, quod non sit fidei Papam esse supra Concilium, & Duvallium dicere definitiones Pontificis esse infallibiles, sed si fiant legitime, id est cum Concilio Generali, aliàs non. Porro propositiones non esse rejectas, nisi

De Pon-
tificibus

ad intentionem Authoris, quæ constare potuit Pontifici. si enim non constitit Pontifici temeraria admodum definitio fuisset. Proinde quærendæ aliquot propositiones vera, rejectæ propter scandalum, aut malesonantiam, si reperiri possint. Forte de tribus Capitulis.

De Scho-
lasticis
& Mo-
nachis.

Hæc de Pontificibus Janſenius. Nunc referam quæ scripsit de Scholasticis, de Jesuitis ceu „Pelagianam hæresin in Orbem revocantibus, de „Monachis ac Religiosis in ordinem redigendis, „ut qui otium & tempus omne non nisi inutilibus „& frivolis impenderent, procul more Majorum, qui opificia manualia induxerunt, ut quidem origo corruptionis in Theologiam invectæ „ab ipsorum scholis sit repetenda. Nimirum res „bene se habebat, quandiu Doctrina Christiana „per Episcopos & Doctores esset tradita in Ecclesiis: sed postquam cœpit in Scholis tradi ab „hominibus ad nihil vacantibus, nisi ut illum „campum excolerent, infinitarum farrago quæstionum inutilium, curiosarum, frivolarum, superfluarum invecta est, ut magnitudine scientiæ se commendatos redderent. Et cum illi, quos „docebant, non erant eorum Grex proprius, quorum Christiana salus esset eorum curæ commissæ: hinc nihil solliciti, nisi ut suam scientiam „buccis concrepantibus venditarent, multa temere asseruerunt, & antiquis abrogatis nova „substituerunt, quia Disciplinis Philosophicis imbuti, omnia voluerunt ad illam Normam exigere, quod Patrum Doctrinam vel non legerant, „vel suis nimium intenti, sedulo eorum sensum „perscrutari non potuerant. Quæ quidem ex Manuscripto

nuscripto hauriunt Jansenii hostes, non reperienda Tom. II. Libro *Præmiali*, cap. VII I. ubi non eadem, sed paria legas. Cordate sane & mascole hæc Jansenius, ut corruptionem Papisticæ Theologiæ exponeret. Nec quid dici posset melius.

CAPUT XII.

Doctrina Jansenii exposita Suo Augustino, quæ post mortem tot turbas dedit.

PRæcipuè autem ingens Liber, tot vigiliarum laboribus ac plus quam quatuor lustris scriptus, Paradoxam Papatui, sane Heterodoxam de Gratia conversionis & sanctificationis Doctrinam continebat. Etenim acerrimus erat Jesuitarum hostis Jansenius, nec ferebat gratiam vel in prima conversione, vel in progressu vitæ Christianæ, a Liberi Arbitrii determinatione dependere, ut hinc fieret efficax, seu effectum suum sortiretur. Utique existimabat Jesuitica dogmata Molinæ, Lessii, Vasquezii, Suarezii, ipsiusque Cardinalis Bellarmini, ut ut is cautiùs mercaretur, Pelagiana esse, saltem Semipelagianorum Massiliensium themata, quæ fidei Augustiniana adversarentur.

Quin ne quidem ferebat *distinctionem* Dominicanorum in GRATIAM SUFFICIENTEM, quæ omnibus universim facultatem ac potentiam ad fidem & conversionem largiatur; & EFFICACEM, uti intelligitur a sola Dei prædeterminantis virtute

tute dependere, ut sine hac, illa quæ sufficiens dicitur, ullo modo effectum habere non possit. Dicebat enim Jansenius sufficientem Gratiâ plâne frustraneam & inutilem esse, nisi a viribus Liberi Arbitrii dependeat, & hinc sic efficax fiat.

Igitur Paradoxus erat Jansenius quibuscunque in Romanâ Ecclesiâ Doctoribus, quando omnes vel in Jesuitas, qui se Franciscanis aggregaverant, vel in Dominicanos ac paria sentientes Augustinianos distinguerentur. Quin mox inde Heterodoxus visus est, quando accedere videretur ad Reformatos, ceu Liberum Arbitrium, adversus Concilii Tridentini Canones, qui contra Protestantes concepti, Servum Arbitrium cum Lutherô Professos. Atque aded audiebat peremptor humanæ libertatis, quæ Meritorum & Justitiæ operum basis, & hinc primarium Papalis officinæ ac Religionis Monachalis est principium.

Verum non libet fusiùs hic Jansenii sententiam de Divina Gratia explicare: hoc operis deinde est absolvendum, quando de ipsius *Dogmatis* veris an falsis, disserendum erit. Nunc novcrit Lector Propositiones, quibus Adversarii ipsius doctrinam conclusere, quæque Pontifici oblatae, non semel condemnatae fuerunt.

- I. *Aligua Dei præcepta hominibus justis volentibus & conantibus, secundum præsentem, quas habent, vires, sunt impossibilia: deest quoque illis gratia, qua possibilia fiant.*
- II. *Interiori gratiæ in statu natura lapsa nunquam resistitur.*
- III. *Admerendum (per bona opera) & demerendum (per*

(per peccata) in statu natura lapsa, non requiritur in homine libertas a necessitate, sed sufficit libertas a coactione.

IV. Semipelagiani adnitebant prævenientis gratiæ interioris necessitatem ad singulos actus, etiam ad initium fidei: & in hoc erant Hæretici, quod velent eam gratiam talem esse, cui posset humana voluntas resistere, vel obtemperare.

V. Semipelagianum est dicere, Christum pro omnibus omnino hominibus mortuum esse aut sanguinem fudisse.

Et hæc themata sunt Jansenio adscripta. Nunc non referam, ut questi fuerint de dolô Sequaces, nec disputabo, jurene an injuria. Id erit alio volumine exequendum. Nunc suffecerit dixisse, omnem in eo esse Jansenii laborem, ut ostendat, quam Gratia sit se ipsâ efficax, seu in prima conversione seu in progressu spiritualis vitæ, data ex certô Dei consiliô, cui Servator servierit. Ut quidem ob hanc causam ex æquo pro omnibus non sit mortuus, sed modo pro electis, ut soli ex determinatâ Dei Patris & suæ perseverantiam & certam salutem consequantur: licet cæteri ex ipsius passionibus id habeant beneficii, quod quasdam transitorias gratias nanciscantur, quæ tamen opus salutis nec perficiunt nec exequuntur, etiam ex certo decreto, quod ratum est in ipsis perseverantiam, quæ cum vitâ æternâ certam connexionem habet, non operari.

CAPUT XIII.

Cornelii Jansenii, Peste occumbentis, inopina Mors, ejusque Testamentum.

Mortis
præce-
danea.

ATqui quum Opus absolvisset, fatalis dies prohibuit, ne plura in Diœcesi præstaret, quæ in animo habebat. Etenim cum annum I. & fere VI. menses Episcopatû esset functus A. XXXVIII. *Pridie Nonas Majas*, agens annum LIII. Peste subito est correptus & occubuit. Ajunt invidi, ipsum pridie vehementer stomachantem, concitatâ bile, ac trementem Capitulo, uti appellant, excessisse, & proximâ, inorto deambulante Peste, veluti fulmine, aperto cœlo, fuisse percussum, quando in Urbe, aut vicina Regione nulla cujusdam contagii indicia apparerent.

Morbus.

Actioes
mori-
bundi.

Decumbens sollicite suum Augustinum curabat, imprimis amicos precatus, ne Fœtus, instinctu quasi Numinis (sic credebat) tot laboribus ac vigiliis conceptus & efformatus, ceu Embryo extingueretur. Primùm verò illius curam demandabat *Reginaldo Lamao* Sacellano, cujus operâ ad corrigendas chartas usus fuerat; Deinde *Liberto Fromondo*, & *Henrico Caleno*, de quibus ante sæpius, quos exequendo etiam testamento præfecit.

Interim æger inter duas Moniales, quæ laboranti aderant ministræ, ad mortem se composuit, atque

atque inter lacrymas & singultus totius vite delicta Sacramentali Pœnitentiâ expiavit. Mors vita simillima. Sic Fromondus & Calenus. Nempe uti Pontificius occubuit ! Et quidem recepto ex manibus Reginaldi Lamæi Viatico, nec non Extremâ Unctione, dum conaretur lectulo surgere, ut adoraret.

Scribunt autem iidem, quando Augustinum ^{Judicia} ^{sauro-} ^{rum.} ederent, se admirari Divina hoc in negotio providentia argumentum singulare, quod Jansenius in fine ac ipso puncto perfecti Operis finiverit & vitam. Quasi in id modò vixisset, ut Doctrinam Augustini de Gratiâ ingrato Orbi opponeret. Sic enim autumabat, se ad istud opus natum factumque. Ergo jactitabant Amici Eum, peste ceu miraculo vivis esse creptum, mortuumque ipso fere momento, quo istud abolverat.

Atqui quod Peste occumberet, Dei omnino ^{Et Invi-} ^{dorum.} esse supplicium, clamitabant hostes. Scilicet justissimum Numen hæreticum, & Pestem Ecclesiæ Romanæ citâ atque inopinâ non tantum morte, sed etiam Peste hisce terris eripiebat, ne diutius vivendo in fidei detrimentum plura machinaretur. Certè insolita mors & quidem Pestis, unum Jansenium feriens uti telum, criminis justum erat supplicium & veluti per Divinam manum demonstratio. Itaque sic Jesuita, *Autor Jansenii Suspecti*, virulento scribit calamo; ut suum Jansenia reddam, dicere liceat, Eum Miram & Insulas, fructus nefaria obtrectionis tulisse, quæ Dei gratia fuit, brevissimos, ut qui anno uno aut altero post excesserit vita. Nam afflatus Pestilentia animam

I

egit,

egit, inter fœdos tumores & anhelus, qui Pestilentem doctrinam charis in posteritatis contagionem illevisset. Sed potuit Ludovici IX. qui Sanctus dicitur, pari contagio occumbentis, licet non nisi veniale peccatum totâ suâ vitâ commisisset, uti narrat *Bzovius*, quando hæc scriberet, meminisse. Sic mox a Viri fato Jesuitis Amici respondebant, uti videre est an regeri *Querimonia*.

Testa-
mentum

Memorandum verò hic est Moribundi Testamentum, quod Augustino Posthumo præfigendum censuerunt Editores. Nos quoque id repræsentemus, ut pate scat, quâ animi servitute vivant in Papatu, quibus lux affulget veritatis, dum egredi non sustinent.

Ego Cornelius, Dei & Apostolicæ Sedis, gratia Episcopus Yprensis, de mea libera voluntate do & dono omnia mea Scripta, ad explicationem S. Augustini spectantia, Capellano meo Reginaldo Lamæo, partim quia magno labore ea scripsit vel dictavit, partim quia sine Originali Copia corrigi non possunt. Hac tamen mente hanc donationem facio, ut cum Doctissimis Viris, Magnifico Domino Liberto Fromondo, & Reverendo Domino Henrico Caleno Canonico Mechliniensi conferat, & disponat de editione, quam fidelissimè. Sentio enim aliquid difficulter mutari posse. Si tamen Romana Sedes aliquid mutari velit, sum obediens Filius, & illi Ecclesiæ, in qua semper vixi usque ad hunc lectum mortis, obediens sum. Ita mea postrema voluntas est. Actum *Sexta Maii MDCXXXV I I I*. Sic moribundus Jansenius.

C A-

CAPUT XIV.

*Sepultura Jansenii, monumentum &
Inscriptio.*

MOrtuo Jansenio sumptu multo, varia arte, gratisque Civium votis, extractum est Monumentum. Inscriptio, quæ Viri laudes deprædicat posteritati, omnino hic memoranda est.

*Sepul-
tura.*

HIC JACET
CORNELIUS JANSENIUS
YPRENSIS EPISCOPUS.

*Epita-
phium.*

SATIS DIXI.
VIRTUS, ERUDITIO, FAMA, COETERA
LOQUENTUR.
LOVANII DUDUM ADMIRATIONI
FUIT.

HIC TANTUM INCEPIT.
AD EPISCOPALE FASTIGIUM EVE-
CTUS EST,
UT BELGIO OSTENDERETUR.
UT FULGUR LUXIT, MOX
EXTINCTUS EST.

SIC HUMANA OMNIA ETIAM
BREVIA,
CUM LONGA SUNT.

FUNERI SUO TAMEN SUPERSTES
VIVIT IN AUGUSTINO,
CUJUS ARCANARUM COGITATIO-
NUM

FIDELISSIMUS SI QUIS UNQUAM
INTERPRES FUIT.
INGENIUM DIVINUM, STUDIUM
ACRE, VITAM TOTAM HUIUS
OPERI ARDUO ET PIO DEDIT,
ET CUM EO FINITUS EST.
ECCLESIA IN TERRIS FRUCTUM
CAPIET, IPSE IN COELO
JAM MERCEDEM.
SIC VOVE ET APPRECARÉ LECTOR.
EXTINCTUS EST CONTAGIO ANNO
DOMINI MDCXXXVIII.

CAPUT XV.

*Monumentum Jansenii deinde jussu Alexan-
dri VII. turbatum.*

Turba-
tur.

HOC Viri post fata fuit Epitaphium & Mo-
numentum in Æde Martini, quæ Cathe-
dræ Episcopali dicata, quando elapso sæ-
culo, Rex Hispaniarum in Urbe novum Episco-
patum institueret. Atqui id ægerrimis oculis ad-
spexit hostium invidia: dum clamarent (uti suâ
pro Jansenio Apologiâ scripsit Mechliniensis Præ-
sul) *Jansenium Hæreticum esse, nec mirandum, si
aliquando ejus ossa exhumari & comburi contingeret.*
Debuit tamen multis annis, usquedum ipsius Au-
gustino Romæ damnato, versa in rabiem De-
mortui sepulcrum turbavit. At quo minus Janse-
nii sepultura videtur oculis, eô magis conspicua
est

est Viatoribus , qui rerum anteaſtarum non ſunt ignari. Certè ringente odio , Ipſe ſibi monumentum ſcripſit ære perennius , & quod nec Capitolini

— *Jovis ira, nec ignes,*

Nec poterit ferrum , nec edax abolere vetuſtas.

Nec turbatum Janſenii monumentum eſt quodam concitatae plebis tumultu , ſed ab ipſo Ypreſium Epifcopo , Alexandri VII. decreto. Nimirum A. MDCLV. Papa furens in Janſenitas , Internuntio Ferdinando Hiſpo , Archiepiſcopo Tarſenſi , qui Bruxellis agebat , id dabat curæ , ut Johannem Robleſium , jam Epifcopum Ypreſem , conveniret , moneretque , protinus Janſenii monumentum demoliretur. Is audito hoc mandato , mox ad Archiducem Leopoldum Jeſuiticæ factioni addiſtiſſimum , ſe confert , ut quid factum foret opus conſuleret. Princeps autem convocat , quos a privatis conſiliis habebat ; atque illi reſpondent , æquum eſſe , ut Pontificis mandata executioni darentur. Aſſentitur Leopoldus , jubetque Ypreſium Prætori , ut ſuâ manu Epifcopo adſit , Janſenii monumentum turbaturo. Multa enim erat metus cauſa , ne *Ypreſes* Canonici , quorum pars magna Janſenio favebat , obſiſterent , minati jam , citiùs Martini templum eſſe caſurum , quam Janſenii in Eo auferendum eſſet ſepulcrum.

Igitur Epifcopus, VII. Decembr. ſuum, uti appellant, Capitulum convocat & diſſinit, Papam jubere. ut Epitaphium Prædeceſſoris auferatur , etiamque idem velle Archiducem: illorum eſſe ut decernant,

Papæ de-
creto.

per Epi-
ſcopum
Ypre-
ſem.

quo pacto id commodissime , servato , quantum pote , Jansenii honore, fieri quiret.

Repu-
gnant
Canonici

Dixerat Episcopus , at conticescunt omnes attoniti. Unus tamen erumpit in hæc verba. Pessimi quoque latrones , antequam supplicium subeant, Advocatos nanciscuntur, ut quadam ratione defendantur : cur Jansenio negentur , cujus labia mors occluserat ? Et sequuntur Alii , quorum clamores Episcopus compescere vix potuit. Is autem regebat , non quæri an Jansenii auferendum sit monumentum , id jam decretum esse a Papa & Leopoldo , sed de modo agi , ut absque tumultu istud fieri posset. Interea fremunt Canonici , negantes se eò sua consilia duros. At Episcopus se id facturum ipsorum ingratis minatur. Moratur tamen tres dies , ut animi indignantium (qui interrim Romam, Madritumve scribere meditantur) quiescerent.

Id sit
notu.

Et dum incauti nimis & securi agunt , ille x. mox Decembris die , intempesta nocte intrat Cathedralem , ut appellatur , Martini Ædem , cum Domesticis , aliisque , qui operi manum ad-moverent , ac turbat sepulturam , lapidemque , cui inscriptum Jansenio Epitaphium , aufert , suo condens Sacello , ac solo æquat monumen-tum.

Lis inter
Episc. &
Canonici

Mox ad strepitum expergiscuntur Canonici , & agunt consilia quid facto opus esset. Ergo quærunt ex Episcopo , An suo jussu hæc facta fuerint omnia ? An corpus Jansenii sit ablatum ? Quid saxo factum , cui inscriptum fuerat Epita-phium ? Ille verò affirmat , sane suo hæc man-datô

datò gesta, non tamen Jansenii membra esse turbata, at rationes facti se aliis debere; atque inde omnia literis ad Pontificem refert.

Hic verò laudat Episcopi studia, zelum animi, obedientiam, ac fortitudinem; & Ferdinando Hiplo Internuntio Bruxellis agenti, jubet, ut rei gestæ certa mittat testimonia, curétque sepulcrale saxum caligine condi, *ut disperant Jansenii memoria*, quæ ipsa Pontificis verba sunt.

Probat
factum
Papa.

Paruit Nuntius, & Episcopus. Igitur delevit Epitaphium, ut ne quidem umbra literarum appareret, lapidemque sepulcralem, quem Jesuita la Chaise frangi & contundi suaserat, in quendam angulum projecit, ubi omnium oculos in hunc usque diem latet. Habes, Janseni, dignam post fata mercedem, habes tuæ obedientiæ & venerationis erga Romanam Sedem, imò tuæ hypocriseos, odiique in manifestam Reformatæ Religionis fidem, justa præmia, an dicam supplicia !

C A P U T XVI.

*Aliud Epitaphium scriptum ab hostibus
in Viri vituperium.*

Q Uin etiam Jansenio ab hostibus scriptum est aliud Epitaphium, quod ubique sparsum, quidam, ut ajunt, Franciscus Be-liolanus, Capucinus dictaverat. Etenim istud genus hominum non nisi Jesuitis servum est,

Aliud
Epitaph.
scribunt
hostes.

paupertate ferendo, quod illi nolunt. Quippe in Eos partem Religionis Jesuitæ contulerunt, quæ in flagris, crucis bajulationibus, & inedia sita est, uti scribit *G. Lermæus*, suâ in *Artem Jesuiticam Introductione*. Istud autem Epitaphium, quia ad manus pervenit, exhibere hic operæ pretium duximus, quod Summam doctrinæ Jansenianæ, odii in Eum causas & ipsius post fata fortunam exponat.

Sta Viator ubi cecidit Jansenius.

*Qui si stetisset, aut ipsa sibi parum
constaret fides,*

Aut Christianus Orbis in fide.

*Hic jacet cum sua Doctrina nova,
Qua idcirco falsa, quia de Deo nova.
& Deus ipse falsus, si posset esse novus,*

*De natura purâ minus sanè,
De natura sanâ minus pure,
De natura lapsâ minus rectè,
De natura Christiana minus Christiane
sensit.*

Post calumnias Natura non pepercit Gratia.

*Ut negaret Sufficientem, fecit inutilem.
Ut adstrueret Efficacem, fecit necessitantem.
Ut everteret Liberum Arbitrium, fecit
captivum.*

*Ut corrumpere bona opera, corrumpit merita.
Ut excusaret peccatum, fecit necessarium.*

*Abi Viator,
Et si potes in illius Doctrina, Deum roga,
ut qui Servatorem negavit multis, non
Sentiat Christum vindicens.*

*Qui ademit libertatem omnibus, necessitatem
non perdat amandi Dei.*

*In gratia fructu suavitatem gustet se minis,
quod si tam durum esset, quam putavit,*

Non molliret hominum corda, sed frangeret.

*Qui amas Augustinum, fuge Jansenium.
Non est Augustinus, cui Augustinianum
nihil prater Nomen Augustini.*



D E

CORNELII JANSENI

EPISCOPI YPRENSIS

VITA ET MORTE.

LIBRI III.

CAPUT I.

Jansenius non attendit ad Libertatem Belgicarum, dum voluit sub Papæ Dominio vivere & mori.



Jansenius pro Belgica Libertate non stetit.

Alis ergò Cornelius Jansenius vixit. Non mirum si de ipso varia Eruditorum, tum laudantium tum vituperantium, forent arbitria. Belga erat, in Batavis natus, cur non avitam tuitus est libertatem, & cum Reformatis jugum servitutis excussit? Sane pro libertate & corporum & animarum, pro Politica & Ecclesiastica, pugnarunt Patres: nec erat, cur ipse nos uti pessimos hæreticos vel rebelles haberet. Utique libertates Belgicæ non minores fuere antiquitus, quam Gallicanæ, cur Majores se Inquisitionis & Papatûs jugo,

jugo, Tridentinisque decretis, a Pontifice approbatis, contra Belgii jura redigi in servitutem tulissent?

Sane ipsi Jansenistæ, post Viri fata, Belgica sese libertate defenderunt, quando Pontificis Brevibus Bullisque Paparum premerentur. Cur voluit agens animam, sua Scripta Pontificis arbitrio subijcere? Igitur cum mox ab edito Augustino rumor esset eum Decreto Pontificis esse proscribendum, sic illi in Libello, quem *Conventum Africanum* dixerunt, in hæc verba scripsere.

„Norunt publicarum rerum periti immemorialem usum in Belgica vigere, ne Decreta Romana antea ligent, quam a Senatu Principis sint examinata probata ac deinde universaliter publicari permissa? Iniquum enim fuerit unam partem communitatis solam nova lege gravari. Hunc usum optima ratio defendit: ne si absque examine promiscue omnia admittantur, sæpe adversus ingenium & mores regionis & particulares Belgicæ consuetudines quædam a Romanis rerum nostrarum ignaris invehantur cum publicæ quietis perturbatione. Hujus rei judicium circa novæ legis receptionem, cum etiam privatis permittant Auctores, quæ pertinacia est id Principis Senatui tam præfracte negare consuetudinum Patriarum præcæteris perito? Hæc ibi jam tum Jansenii Fautores quando Romanæ Curiae iras metuerent.

Quin deinceps *Episcopus Mechliniensis* & *Gandavensis* se suumque Jansenium pari libertatis patrocinio tutati sunt, uti ex ipsorum, quos ediderunt, *Apologeticis* est manifestum. Sic enim Ille: *est per-*

Eam
men ur-
gent Se-
quaces.

perpetua consuetudinis, & ab omni aro recepti moris, Pontificias Constitutiones in Belgio vim Legis non habere, nisi ibidem fuerint promulgatae, adeoque ut Belgas obstringant, promulgationem Romae factam non sufficere. Et illa quidem consuetudo istiusmodi est, ut Patrie Legibus, quas Rex ejusque Prædecessores in sua inauguratione servaturos se jurârunt, accenseatur.

At præsertim hic laudandus Liber, quem Vir Doctus, qui se *Numam Sedulium* appellat, edidit A. LIII. hoc Titulo; *Innocentii X. Bulla adversus C. Jansenii, Episcopi quondam Ypresis, Propositiones de Gratia ejusque Sectatores, una cum Defensione Belgarum contra peregrina judicia & Bulla istius receptionem.* Et eô quidem volumine antiqua Belgarum privilegia, jura, consuetudines & Principum edicta referuntur, pro demonstratione avitæ libertatis. Deinde ostenditur Bullam Romæ contra Jansenium cusam, non obligare Belgas; fas esse de subreptitiis decretis referre ad Pontificem, priusquam recipiantur; Belgii vetustas esse leges de non admittendis Pontificum Bullis, absque literis placiti seu consensu Principis. Rectè! Cur Patres nostri Paparum Decretis se premi sustinuisent contra suas Libertates, quando dominatu Romano, & hinc persecutionibus, erecto Inquisitionis intolerandæ tribunali, supprimerentur?

Defensio
Refor-
mato-
rum.

Addebat Vir Eruditus, ne quidem Concilium Tridentinum a Belgis receptum fuisse, nisi salvâ eorum pristinâ Libertate. Atqui hic nonnulla sunt observanda. Utique eo jure, quo Galli repugnabant ne istius Concilii Decreta, Pontificis autho-

authoritate concepta & probata, sibi imponerentur (sic videre licet Libro, cui titulus, *Revision du Concile de Trente, contenant les nullitez d'ice-luy, les griefs des Rois & Princes Chrestiens, d'Eglise Gallicane & autres Catholiques*) sic Belgæ jure antiquo non passi, ut isti Concilio subderentur propter adamatam avitamque libertatem. Sane Philippus II. uti ante retuli, Edictum promulgabat hisce Legibus, I. *Edicta Caroli V. contra recepta Religionis hostes observantur.* II. *Quæitores fidei admittuntur, & si opus brachio seculari juvantur.* III. *Concilium Tridentinum omnes recipiunt, ejusque auctoritatem in omnibus sequuntur.*

Atqui si a Rege Hispanis istæ imponi potuere leges, non tamen Liberis Belgis, quando Comitibus aut Ducibus solum titulò & potestate legibus adstrictâ eos gubernaret, nisi violatis Populi, Procerum ac Comitiorum [et legibus & libertate. Quando autem hi repugnarent, suo usi sunt jure, imò præter jus suum libellos supplices Margaretæ Gubernatrici, & Regi obtulerunt per Legatos, quibus indigno acceptis modo, nihil aliud impetratum, quam Edicta fore, sed ex Senatûs Hispanici consilio, mitiganda. Quis autem promissi sensus fuerit, eventus & dies docuerunt.

Verùm hæc ante fusius exposuimus; nunc observamus, ut supinè & ingratè neglexerit Jansenius Libertatem, quam Deus & Natura concesserant, dum mallet se Papali Imperio subdere, damnandus post fata in doctrina de Gratia Christi, ab ipsa Roma, cui tuendæ calamum mercenario & servili obsequio addixerat.

CAPUT II.

*Jansenius non rectè functus fuit munere
Professoris S. Literarum.*

Officia
Janseonii
ut Pro-
fessoris
S. Lite-
rarum.

DEindè Jansenius in Academiâ Lovaniensi publicus fuit Doctor, & quidem S. Literarum Professor. Ergò debuit ex istis fontibus docere Auditores, demonstrare sua dogmata, refellere errores, ac deinde commissum sibi gregem pascere, datò exemplò, quod a vulgari Papalium more & principiis est alienum.

Benè autem habet, quod Monachorum vana in Scholis abominatus sit studia. At cur non ipse perrexit ab Augustino ad Scripturas, ut Magistri exemplum sequeretur? Saltem cum S. Literarum professionem suscepisset, oportuit Theologiam Patrum cum Verbo Dei contulisse, atque hoc opere invenisset sine dubio, non minus evidenter in Scripturis fidem contineri, quam libris hominum, qui nihil veri possunt persuadere, nisi Divinis oraculis comprobentur. Verùm ex professione Scripturarum id modò retulit commodi, quod non debuerit continuò in Scholasticorum sordibus versari, aut commentariis in Lombardum, Thomam, Scotum, atque nugacissimis ut plurimum quodlibeticis disputationibus: potuit meliora meditari, dum Patrum Scriptis, maxime Augustini delectabatur. Quapropter quoque ipsius stylus fuit defæcator, facundus & præter morem Scholæ disertus.

Itaque

Itaque sibi admodum plaudebat in *Spongia*, quod hanc a Ministris Sylva-Ducensibus laudem meruisset, licet ob nimia & affectata verborum lenocinia reprehensus, citatis Augustini verbis de *Doctrinâ Christianâ Lib. IV. c. I. Cum per artem Rhetoricam & vera suadeantur & falsa, quis audeat dicere adversus mendacium enervem debere consistere veritatem?* Nostri verò in Jansenio stylum non vituperabant latinum, sed Declamationis in Alexipharmaco flosculos, qui animos imperitorum in isthoc, quod agebatur, negotio, magis fallebant, quam erudiebant. Utique ipsi non invidemus eloquentiam Romanamque facundiam, quam in Calvino laudant ipsi hostes, nec attigit Jansenius.

Atqui Professor S. Literarum debuit magis fidei principium venerari & coluisse. Itaque Scripturas habuit uti cæteri in Communione Romana Doctores, ceu Sybillina oracula, quæ horrendas canunt ambages, ut tandem suam de ipsa Christi Gratia fidem hominum arbitrio subiceret. Neque adeò satis dignè de iis sensit, uti Christianum decet, quando in disputationibus cum Reformatis noluit ex iis de Controversiis judicium fieri. Quin ut apparet, magis feliciter in *parentibus Augustini campis, quam in opacis Scripturarum versatus est*, sic dixit Fromondus. Testimonio sunt Commentarii, qui tanto authore haud digni, ipsum superante multis parasangis Cornelio Jansenio, Episcopo Gandavensi, uti ex *Commentariis in Concordiam Evangelicam* est manifestum. Neque dubium quin Magistrum superant

rarint in amore & laudibus Scripturarum Janse-
nistæ, qui palam scripserunt, *hæresin esse de hæresi-
bus sine Dei Verbo judicare*; libro *la Simpl. Verité*,
edito *Paris. 1664.*

Meliores
visi Jan-
senistæ.

Quin etiam lidem N. T. in linguam vernacu-
lam ex Græca transtulerunt, additâ præfatione
cujus argumentum est, *Summam esse Evangelii &
Librorum N. T. præstantiam*; legendum esse a fide-
libus Dei Verbum, magna animi reverentia; pietatem
ipsam dare intelligentiam Scripturarum. Lectionem
verò probabant verbis Cypriani, qui *Evangelica
Scripta, fundamentum fiducia, nutrimentum anima,
lumen via ad cælum, medicinam animarum appella-
verat*: nec non Dei ipsius mandato, qui jusserat me-
ditari legem die & nocte, ut qua præscriberet regulam
viæ, promissiones salutis contineret, illustraret ani-
mas, & hominem novissimo die judicaret.

Quæ quam invidiosa fuere Jesuitis, inde im-
pugnata a Crassetio, Maimburgio aliisque, pro-
hibita per Archiepiscopum Parisiensem, Perefi-
xum, Montensi versione. At responderunt Jan-
senistæ *Apologiâ A. 1669.* Quod *Jesuita disputa-
rent contra Divinum hoc Testamentum falsis quibusdam
Ethica corruptissima rationibus, haud passus NB leges
cognosci, quas tantopere violassent.* Sic illi. Utinam
eiusdem mentis ipsorum Patriarcha fuisset! Cum
suo magis Augustino in fidei principio (ceu innu-
meris locis in *Historia Africana ad Librum de Uni-
tate Ecclesie ostendimus*) ipsoque Belgarum ante
ipsam Reformationem ingenio convenisset.

Belga-
rum an-
te Re-

Sane hæc fuit plurium Belgarum ante Refor-
mationem erga Scripturas veneratio, ut eas legi

ab

ab omni populo vellent, dum torperent Monachi in Scholis, cæci cæcorum, quos ex re suâ amabant, duces. Etenim sic querebantur Protestantes Reformationis initio, repertos in Papatu Sacrificos & Pastores sine numero, quibus ne quidem Biblia visa fuissent. Ipse Erasmus Belga debuit scribere querulus in hæc verbâ: *Quale spectaculum Theologum nihil aliud sapere, quam mera sophismata (Scholasticorum) & ad extremam usque vitam nihil aliud, quam arguari? Nam hujusmodi non paucos vidimus Lutetia, quibus si quid depromendum fuisset ex Paulo, videbantur sibi prorsus in alienum mundum delati.*

forma-
tionem
pro S. Li-
teris stu-
dium.

Atqui hunc Scripturarum contemptum non ferebant ingenui plurimorum Belgarum animi. Igitur fuere, qui præcunte Gerhardo Zerbolto, Zutphanienfi, A. 1498. uti refert *Revius Daventr. Hist. lib. 1.* Scripturarum assiduam lectionem commendabant, *invekti in eos, qui credebant dicebantque hominibus Laicis & illiteratis fore illicitum Divinam Scripturam legere & in sacra Pagina se exercere.*

Atque inde est, quod mox ab inventa Typographia id a Belgis operæ sit datum, ut linguâ Belgicâ Delphis apud Jacobum Jacobi, & Mauritium Imanni Medioburgensem, Biblia A. 1477. ad Dei gloriam & Christiani hominis emolumentum ederentur. In Præfatione autem hæc verba leguntur, *Scio quidem Clericos agrè hanc editionem laturos, attamen quia ut illi ipsi, ita & ego non ignorans utilitatem inde redundaturam, hæc, uti vides, edidi in vernacula nostra lingua, ut in ea legant Scripturam sanctam etiam simplices Christiani. Etenim non-*

nullos Clericos male habet, quod mysteria Scriptura populo exponamus, nolentes agnoscere, quod Apostoli Christi omnibus linguis coram populo locuti sint, & doctrinam sermonesque suos docuerint, & in eorum usum literis consignarint. Hæc refert J. Basel. Sulpit. Belg. p. 238. qui ea in exemplari Bibliotheca Leydensi servato, ipse legit.

Sic optime Belgæ ante Reformationis tempora, quando tyrannidem Papalium, caliginem temporum, ignorantiam Scripturæ non ferrent, viamque ad optata *ἐπαγγελίας* tempora sternerent. Quorum honori hæc recitare debuimus.

C A P U T III.

Jansenius Episcopatum occupavit, qui ad jugum Belgis imponendum cum cæteris institutus est: Non rectè functus fuit munere.

Episcopatus
Ypresensis
recens
institutus.

PORRò ex Professore Jansenius Episcopus evasit, & quidem Episcopatum obtinuit, quò recens cum cæteris instituto, Curia Romana & Philippus II. servili subdere jugo Belgium ante decreverant. Nota est Historia.

Etenim ante abitum Philippus, quò scilicet rectius Sacra ordinaret, a Paulo IV. obtinuerat, ut suæ per Belgicam Regionem externorum Antistitum cura eximerentur. Quippe Colonienfis Archiepiscopus in Urbe & Ditione Neomagenfi, Ultrajectinus Episcopus in quibusdam il-

lius

lius partibus , atque etiam Arnhemienſi Tetrarchiâ , Leodienſis in Rurimondenſi , & cum Cameracenſi in Brabantia , Monafterienſis denique in Comitatu Zutphanico , quoddam jus & poteſtatem exercebant : at reſtriſctam ad Matrimoniales Caſus , Legata ſacra , Beneficia Eccleſiaſtica , atque Jura Præbendarum & Sacerdotiorum. In reliquis verò cauſis Romani Pontificis atque Epiſcoporum imperia , minæ , & fulmina inſuper habita fuère.

Quæ magna fuit libertas Belgarum , ſua Sacra curantium , dum Papæ ſervis , Epiſcopis , animarum Dominis , non ſubjicerentur. Id in- viſum Paulo IV. & Philippo fuit , dum ſatis intelligerent hac libertate uſuros Belgas , qui peregrina Decreta adverſus Proteſtantium dogmata contemnerent.

Ergò externorum Antiſtitum recisâ jurisdic- tione , Mechliniæ , Trajecti ad Rhenum , & Cameraci tres Archiepiſcopi renuntiati , & hos infra plures Epiſcopi , quorum in finibus Brabantix Sedes Antverpia & Sylva-Ducis , Gel- riæ Rurimunda , Flandriæ Gandavum , Ypra , Brugæ , Hollandiæ Harlemum , Middelburgum Zelandiæ , Transifulanorum Daventria , Atreba- tum quoque Urbs cum ſano Audomari , inde Namurcum , Tornacum , Groninga , Urbes ſuæ Regioni cognomines.

Verùm hiſce novis & multis Epiſcopatibus , cum ad recentiorum Inſeſſores Cathedrarum prima in Comitiiis vota pertinerent , Nobilium & Procerum admodum imminuta , ſi non adempta

fuit authoritas & libertas. Maxime quod per illos executioni danda essent dura Regis atque adeo Pontificis edicta, id curante quam maxime Cardinali Granvellano, homine extero, & Mechliniensi Archiepiscopatu donato.

Imò consultum, ut isti Inquisitoribus robur & potestatem adderent, quò libertas conscientiarum horribili persecutorum tribunali ac flagello subjiceretur, indignantibus, nec ferentibus hæc omnia etiam iis, qui Religioni Romanæ constanter adhærerent. Unde plurimæ Urbes novos Antistites non recepêre, & qui admissi essent, invisi omnibus nec sine ludibriis, conspiciente plurimum Populi in Granvellanum odio, agebant.

Janseus tamen cum novisset Belgarum libertates istis Episcopatibus suppressas, Yprensem ambivit, laturus tandem hoc præmium, quod Romæ, cui serviverat, damnata sit ejus doctrina, quæ ad Reformationum fidem de gratia accedit, & mox ejus monumentum sit turbatum, dignò hæreticis supplicio.

Audiant interim Jansenistæ, nos æquo, imo majori jure dolere ante sæculum a primo Yprensi Episcopo M. Rythovio, corpora Ministrorum, biennium in Urbe sepulta, cum a Parmensi Duce caperetur, tumulo crepta patibulisque supposita, quam illi sui Patriarchæ monumentum jussu Papæ turbatum conquerentur. Vide *Meteorum* fidelem Belgici Belli Historicum, Lib. XII. ad An. 1584.

Janse-
nius non

Porro Episcopus fuit Jansenius, & sperabat Fro-

Fromondus ipsum *optimos antiquitatis Præsules re-* *recte eo*
functus.
presentaturum. Utinam Augustinum Doctorem
suum modò repræsentalset ! Sane solebant Afri-
cani Episcopi non Romà mitti , sed veteri jure
a Clero præsente plebe eligi & ordinari , de quo
est apud *Cyprianum Epist. LXVIIII.* Atqui non sic
Janfenius qui Roma Mitram & Infulam ceu au-
ctoramentum servitutis & Sacramentum accepit.

Deinde Augustinus cum Collegis tanta non *Non se-*
curus
Augu-
stinum.
usus est potestate in Clerum & Plebem , nec sibi
amplam adeò Dioecesein subjectam habebat , uti
solent Episcopi Romanenses , ceu in *Historia Afri-*
cana ostendimus , *Tom. I. Sect. v. & VII.* Itaque
iterum ab Augustini ministerio & munere defecit
Janfenius.

Quin Hipponensis iste Præsul Verbi præco erat
continuò suis sermonibus , qui exstant *Oper.*
T. X. populum docens juxta Episcopatus Divi-
ni leges. At nullus erat Janfenius in Concioni-
bus ad plebem , animum eo potius appellens , ut,
licet in humili casa & rustica Accoyensi natus , pa-
latium Episcopale exornaret , quod ceu magna-
nimitatis ejus testimonium (dicamus nos fastûs ,
cum alias humilitatem tantopere laudaret) refe-
runt Operis ejus Editores.

Utinam potius hic suum Augustinum repræ-
sentasset , ædificando magis per Verbi ministe-
rium Dei vivi templo , quam suo , quod habita-
ret , Palatio ! Saltem debuit meminisse , quod
Hieronymus aliàs *Comm. in I. Tim. Episcopatum*
opus esse , non dignitatem , laborem , non delicias , opus
per quod humilitate decrescas , non fastigio intumescas :

& cogitare quod refert Possidius in vita Augustini, *mensa usus est frugali & parca, qua quidem propter hospites & infirmiores inter olera & legumina aliquando carnes continebat, cochlearibus tantum utens argenteis: cetera vasa, vel testacea vel lignea vel marmorea erant.*

Atqui Jansenius mores & typhum sæculi maluit imitari. Nec possum, quin hic quadam digressionem utar. Certè ipsum Pontificem M. acerrimè corripit Maimburgius in *Pontificatus Gregorii M. Historiâ*, ad Annum DXCv. eò quod longe ab hujus exemplo cum Prædecessoribus recesserit.

Nec
Grego-
rium I.

Nimirum Gregorius nunquam a Verbi præconio abstinerebat, etiam quando cum afflictâ valetudine luctaretur, aut maximis negotiis esset occupatus. Etenim id sibi persuadebat, quod munus Episcopi, in instructione Gregis per Verbi præconium, & exemplo veræ pietatis consisteret. Neque ad eò ministerii onus aliis imponebat, nec credidit, quod, quia primus Episcoporum esset, ad populi institutionem non obligaretur, aut quod Episcopi, antequam Episcopatum adeant, apti esse non debeant, ut isthoc concionandi continuo, & datis occasionibus munere fungantur. Hinc porrò sic insit Jesuita:

Non-
nulla ex
Maim-
burgio.

Unus in Cathedra Episcopus, pauca licet loquatur, explicato graviter & perspicuo quodam Scripturæ loco, magis proficit suo GREGI quam centum delegati, utut horas concionentur multo cum studio & eruditione, paucò sæpe cum fructu. Utinam Gregorius tales Successores haberet!

Id foret pulcrum, quale in Orbe non est, spectaculum, si videretur Papa in Cathedram ascendere, aut suo ex Throno concionari, ut Leo I. & dein Gregorius I. in ipsa Roma fecêre.

Optimè hæc in pudorem Pontificum & Episcoporum Maimburgius. Sed quid ab istis expectes, qui Episcopatus in Principatus mutarunt, Vitium
Episcopi
Romanensium. atque res magis Mundanas, quam Ecclesiasticas curant, sæpe eruditionis Theologicæ imperiti, ut ad Conciones plane sint inepti? Sane in Concilio Lateranensi sub Innocentio III. A. 1215. quod Generale a Papistis habetur, hic Canon x. continetur, necessarium esse, *ut propter Episcoporum occupationes, invaleitudines corporales, hostiles incursus, defectumque scientiæ, quæ non permittunt, ut ipsi ministrent Verbum Dei, Viri idonei ad S. Predicationis officium assumantur, qui Plebes visitent, & Verbo adificent.*

Quanto rectius Constantinopolitanum VIII. prohibet, *ipso Archiepiscopos munus suum per Suffraganeos obire, ullisque negotiis secularibus se immiscere, nisi suo gradu & honore moveantur!*

Verùm hunc Canonem probare non potuit Lateranense Concilium, quando præ pudore confiteri debuit Episcopos ad Verbi præconia ineptos esse, etiam *propter scientiæ defectum.* Neque hæc correctæ dein, sed aucta magis sunt vitia, uti tristis experientia docuit. Quid mirum, si accrescente Episcoporum desidia, & simul in temporalia potestate, Christianismus in pejus rueret, usurpata in omnes, qui repugnarent, tyrannide? Et tales quidem Episcopi ad Verbi mini-

sterium inepti, soli in Conciliis habiti de rebus Fidei judices! Tales fuêre Tridentini, qui ne quidem Græcas aut Hebræas literas nossent, hinc non nisi Versionem Latinam probantes; ne Grammatici judicium & arbitrium sibi in rebus fidei arrogarent. Id P. Servita accuratè *Hist. Concil. Trid. Lib. II.* retulit.

Quamquam Jansenio peritia rerum non defuerit quominus concionaretur, quando Episcotum adiret, maxime cum Augustini Principiis fuerit imbutus, quæ debuisset concionibus suis plebi commendassè. Et jam diu ante S. Literarum Professor fuerat, si modo intellexerit a se conciones ex Dei verbo ad Populum haberi posse, ut tamen suis dogmatis non contradiceret, aut Ecclesiæ Romanæ moribus, qui mutari non possunt, nisi ab altô ea culmine ruat.

C A P U T I V.

Animadversiones ad Doctrinam ejus de Monachis & Sacramento, ut appellant, Pœnitentiæ.

Bene
Janse-
nius in-
vectus in
Mona-
chos.

QUoad Doctrinam, id laudandum summo-
pere est in Jansenio, quod in Ordinem
Monachalem inVectus, eundem ad pristi-
num antiquitatis institutum reduci voluerit, ne-
que aded tulerit Monasteria in publicas Scholas
mutata, unde inVecta sit horribilis in Theologiam
corruptio. Sic ante ostensum. At quam maximè
debut vidissè eorum Cœnobia non nisi Pelagia-
næ

næ Hæreseos officinas esse & ἀσκητεία. Quod palam est ex Monachorum votis, & dogmatis de satisfactionibus & operibus supererogatoriis, quæ aliis etiam ceu merita queant ad justitiam & salutem imputari.

Sane hæc Theologiæ Augustinianæ de Gratia repugnant, summumque prioris Instituti abusum ostendunt. Atque hinc abrogatus jure per Protestantes est Monachatus, non dissidentibus Leone X. & Urbano VIII. correctione opus esse, apud *P. Servitum Hist. Conc. Trid. Lib. 1.*

Utique Monachatus longe alius erat a Veterum Legibus. Nam conveniebant antiquitus ad justitiæ praxin atque ut Psalmorum cantu Deum celebrarent, imò verò, ut in Scripturis se exercerent. Quo factum, ut eas addiscerent, & „*ἡδὸν ἐν ῥόμῃ*, totas fere ore enarrarent, interim tractantes quoddam opus manibus, ne „*δυνή*, inopes fierent, in hominum suspensiones „inciderent, & ad divitum mensas confugere „cogerentur. Sic scribit *Epiphanius in Ancorato*, §. 109. & *Hæres. LXXX. §. IV. & Exposit. Fidei*, §. XXI. & *Hieronymus Epist. ad Eustochium*.

Itaque introductus, sed serius in Africam, talis Monachatus consilio Augustini (id non negante *Baronio & Spondano ad A. CCCXCI*) seminarium evasit Eruditorum, ex quo Ministri, Episcopi & Doctores vocabantur, uti est apud *Possid. in Vita Augustini. cxi.* Unde etiam lapsis temporibus Episcopis subjecti manserunt Monachi, eorumque Abbates, ex Decreto etiam Concilii Aurelianensis apud *Binius Tom. II. Concil. pag. 561. 562.*

De Monachis antiquis aliqua.

Atqui defecerunt a pristina virtute inter Romanenses Monachi, neque adeo Eos tulere Protestantes, ridente Erasmo, Lutheri, scilicet, peccatum, quid *Pigros Monachorum ventres* fuisset infectatus. Utique eos ab antiquis moribus esse alienos queritur non semel idem *Desiderius, Notis in Epist. Hieronymi ad Rusticum Monachum, & ad Eustochium.*

Periculose Jansenius Monachos oppugnat.

Quæ quamvis certa omninò forent: attamen dubiæ non tantum alex, sed certissimi plena periculi res fuit Jansenio Monachis, qui tanto ubique numero rerum potiuntur, bellum movere. Maximè cum Romana Curia illis, ceu Sacris Militibus, qui ipsis Regibus, tum opibus, tum multitudine tremendi, opus haberet. Nec dubium quin hinc Jansenismus tantas toto orbe oppositiones invenerit, quod author Monachis adversus, doctrinam spargeret & urgeret ex Augustino, quæ Monachatus fundamenta subvertit.

Abusum Pœnitentiæ & Eucharistiæ non tulit recte.

Deinde meritò jure communem Pœnitentiæ & Confessionis usum, impiamque consuetudinem, qua frequens Eucharistiæ Communio fœdaretur, cum Sancyrano reprobabat, quod deinceps in ejus Sectatoribus magis apparuit scribente *Arnaldo libros de Frequenti Communione*, qui non aliò tendunt, quam ut quæ in Ecclesiæ Sacramenta irrepsent vitia, quin crimina, corrigerentur.

Jesuitas oppugnat ut obtineat scopum,

Verùm Pœnitentiæ, Confessionis, Missæque frequentis vitia corrigere non minus arduum videbatur. Sensit id Jansenius. Neque adeò dum

vi-

viveret, palam fecit, quæ coqueret cum Abbate Sancyrano consilia.

At sufficere putavit, si per insidias præcipuum inter Monachos Ordinem, id est Jesuiticum oppugnaret. Hic enim fere toto orbe invitus, plurimisque partibus expulsus, iras præsertim Episcoporum merebatur, quod illorum curæ nollet subesse (Lojola certe Sectatores Infulas ambire vel gestare prohibuerat) atque etiam ausus esset Episcopalia jura trahere in dubium, quasi absque Divina Institutione nulla forent. Et spes erat triumphi de Jesuitica Societate, si Pelagiani erroris accusaretur. Hoc enim pacto toto Orbe suspectæ tanti erroris ac manifestæ authoritas vilesceret. Et promptum erat per Augustinum id efficere. Nihil enim facilius, quam illius oraculis adversus Cælestium, Julianum, Gallosque Massilienses, Jesuitas, Molinam secutos, damnare. Paria enim erant dogmata.

Imò verò tandem Doctrinâ Hipponensis bene defensâ, spes erat Scholasticam Theologiam, ad Aristotelicam Philosophiam, uti Pelagiana antiquitus erat, conceptam, omnium Monachorum Scholis fore exigendam, ut tandem ipsi ad operas uti prioribus sæculis relegati, rigida suorum operum merita rejicere discerent, procul superstitionibus, quæ istorum sunt materies & nutrimentum, atque adeò ex Monasteriis migrare Scholasque claudere cogerentur.

Verum hæc sperare in Ecclesiâ Romana frustraneum fuit, idque eventus docuit, facta Jan-
senismi præcipuè hanc ob causam condemnatio-
ne,

*Frustra-
nea spes.*

ne, quòd Religiosorum Ordo in tanta pericula esset adductus, & cum eo ipse Papatus, qui istis ceu Atlantibus sustentari debebat. Nota enim est Francisci & Dominici, Cathedram Pontificiam fulcientium, imago, quæ Romæ olim visa. Et jam Pontifices satis experti erant, quid Protestantes egissent, quando ab everfis Monasteriis, omnium superstitionum & Pelagianorum dogmatum officinis, Reformationem inceperant.

CAPUT V.

*Recte Doctrinam de Gratia excoluit juxta
Belgarum antiquam confessionem.*

Fidem
de Gra-
tia bene
excoluit.

SED præprimis in eo est laudandus Vir Egre-
gius, quod Monachatus fundamenta per Do-
ctrinam de Gratia subverterit. Atque id
debuit, cum Belga foret, nec degenerem a Ma-
joribus animum in Doctrina de Gratia gereret,
falsò hinc accusato a Jesuitis, nominatim Hafsardo,
ipsius Patre, quasi Calvinianus fuerit.

Hæc ve-
tus Bel-
garum.

Utique in hisce oris hæc a sæculis viguit ma-
gis, quam reliquis Europæ partibus, quod cives
Romanam servitutem refugerent. Accedebat, quod
Belgium ob religionem exulibus hospitia præsta-
ret. Ergo illa hic fuit firmata magis Walden-
sium nec non Wiclefistarum confluxu, imò
etiam Bellò Bohemis indicto. Qui enim Belga-
rum adversus eos missi, domum redibant indigna-
ti in sanctos adedò Christianos instrui persecutio-
nes, proni ad recipienda eorum dogmata. Quin
etiam

etiam reddebant se continuò Clerici Nobilibus & Plebi invisos , quando divitias opesque mundi omnes ad se raperent , ignari sacrorum , pigri ventres , animalia in terram prona , coelestium inanes. Unde fieri non potuit , ut in quibusdam probis ex plebe , aut sacro ordine Viris animus ad Evangelicam fidem non converteretur. Plurimum quando horrenda de fidei Waldensium suspectis ficta mendacia , quasi adorationis Diaboli similibusque criminum rei forent , fierent manifesta ; dampnante etiam in Galliis Rege iniquissimos , quibus ad mortem homines innocui raperentur , processus.

Est penes me Libellus *Willeramii* , *Mersburgensis Abbatis* , ante v. sæcula carmine Latino , prosa autem Belgica , conscriptus , quem edidit A. MDXCVIII. Paulus Merula additis notis , quibus antiquum idioma Belgicum illustravit. Ibi a Principio hæc verba leguntur.

*Zich mich nah thir , so loupheñ wir in themo stan-
ke thinerē salvon , ik bekenno mine unkracht , vanethen
helpt mich mit thinan genathan , so send igh andere
ze thine nemo wega , the Cunigh leydede mir in sine
genathema , ich weyz mi in fide , & spe the genatha ,
the mir nog beydet in re. Id est ex novo idiotismo
linguæ , juxta Merulam : Crekt my na dy soo
loopen wy in de reuke dines salves / ick be-
kenne mine onkracht / van dien helpt my met
dine genade / soo send ik andere te dine wegen /
De koningh leyde my in sine kamer / ik weet
nu in geloofe in hope de genade / die my nog
verbeidet in der daad. Hæc verò carmine Leo-
nino canit Abbas.*

Adtrahere me post te: me solum nil scio posse,

Sic unguentorum currens in odore tuorum

Advoco, quos possum comitatum pergere nostrum.

In sic quæ struxit me Rex cellaria duxit,

Significans per spem quæ tradet postmodo per rem.

Quæ Evangelica sunt Principiis Reformatis consona, Romanensibus utpote Pelagianis adversa.

Causæ.

Igitur inde labentibus sæculis communis fere in Belgio fuit fides, hominem Divinâ Gratiâ converti cumque per sola J. Christi merita mortemque servari. Primaria autem causa fuit, quod apud Belgas in usum sit revocatum *Anselmi Archiepiscopi Cantuariensis*, qui plane Augustinum sequebatur, & sæculi xii. vixit, *Breviarium*, præsertim adversus errores Pelagianos de operum meritis conceptum. Minusque id mirum ex antiquo Anglorum & Belgarum commercio ac comœatu, in quem etiam cœu causam Papistæ olim Reformationis dogmata a Belgis recepta conjecerunt. Quippe illi inde ab Anselmo & Successore Bradwardino a Pelagianismis defensi ac liberati. Istud *Commonitorium* videre est apud *Celeb. Hoornb. Summ. Controvers. pag. 233.* Ibi enim refert se possidere libellum Belgicum antiquissimæ notæ, ex quò constet istam Anselmi formulam in Belgicis Ecclesiis jam olim fuisse observatam.

Nimirum a Ministro ante mortem solebat quæri ex moribundo, *gaudes te Christianum hominem esse & mori? poenitetne commissorum criminum? vellesne vitam emendare, si tibi Deus parceret? credisne Christum pro te esse mortuum? gratiasne agis ob hanc causam Deo! credisne te servari non posse, nisi per*

mor-

mortem Christi? Et cum Moribundus annueret, sic porro Consolator: Lauda ergò Deum, quamdiu vivis, repone in ipso omnem fidem, spem & amorem: commenda te passioni & morti J. Christi, illique te involve, ut te eâ defendas. Si Te judex condemnare vellet, dicas, Domine, mortem Jesu interpono inter me & tuum judicium: nullam enim aliam defensionem novi. Si porro Dominus dicat, meruisti condemnationem aternam; dicas Domino, misericordiam tuam, & mortem Christi amaram sisto inter me & te. J. Christe, Fili Dei viventis, miserere mei propter amaram tuam mortem!

Atque hæc Evangelicæ fidei, dum Romanum Orbem Pelagianismus depasceret, in Belgio testimonia sunt. Et tam venerandæ sunt ista antiquitatis, ut quæstiones similes Anselmo attributæ, & haberi solitæ in ordine Baptizandi cum modo Visitandi, at post exortam Reformationem expurgatæ in Editione Veneta A. 1575. a Dominicanis ipsis, conscientia antiquæ in Belgio veritatis, sint repositæ, quod mireris, in *Compendio Institut. Fraternalitatis S. S. Nominis Dei*, Editione Antverpiensi apud Bellerum, A. 1616. ubi in protestatione facienda pro hora mortis, hæc legas verba, *credo non propriis meritis, sed virtute passionis J. Christi ad gloriam posse pervenire: quodque alio modo nullus possit salvari, nisi meritiò dictæ passionis. Protestor quod mori intendo absque omni desperatione, vanâ gloria de bonis operibus & fidei dubitatione. Tantum poterat Belgica fides!*

Ex isto fonte profluxêre, ante Reformationis tempora, *Thoma a Kempis* apud Daventrienscs

Testi-
monia
Belgica
fidei.

Thom. a
Kempis.

ses ad sacra instituti, & Suollæ sepulti (apud *Revinum in Daveniria Historiâ Lib. 1.*) de *Imitatione Christi Libri 111.* Quartus enim de *Sacramento Altaris* recentior est & falso ipsius nomini adscribitur. Illos sane Reformati hodieque laudant, quum præconium Gratiæ spirent, commendent humilitatem animæ peccatricis, & doceant ejusdem de ipsa desperantis, seseque abnegantis in Dei misericordia & auxilio per Christum fiduciam. Sic enim ille Lib. 11.9. *Cum spiritualis consolatio a Deo datur, cum gratiarum actione accipe eam, sed Dei munus intellige esse, non meritum tuum.* & Lib. 111. Cap. 8. 15. & 45. *Quid promeruit hanc ut dares illi Gratiâ tuam! Domine quid possum conqueri, si de-*

De aliis. *seras me? Paria vide Cap. 57.* Sic ille, ne de *Ruyssbroekio*, *Gerhardo Zerbolto Zutphaniensi*, *Mattheo Leonardi Zelando*, *Johanne Vesaliensi*, *Wesselo Groningensi*, *Regnero Snoyo Gaudano*, *Authore fontis vitæ*, & de *effusione cordis*, aliisque dicam, quorum meminit *Revinus in Hist. Daveniria*, *Basilius in Sulpirio Belgico*, & præsertim *Voetius in Dissert. de Vî veritatis in Papatu erumpentis*, quem hic liceat admirari, non imitari.

De *Adriano VI.* Quin & ipse Papa *Adrianus VI.* antequam Pontificatum adiret, scripsit in *14. Sententiarum* hæc verba: *sunt merita nostra & preparatio veluti baculus arundineus, cui cum quis innixus fuerit, confringitur & perforat manum innientis, & velut pannus menstruatus sunt omnes justitiæ nostræ, ut habetur, Is. 64.* *Injuger enim supra pannum bonæ vitæ, quem bonis operibus teximus, stillamus sanie mulierum criminum: quæ igitur ex eis esse potest fiducia ad Deum?*

Belgiâ

Belgicâ sane fide ! Ultrajectinus enim erat, illamque ibi, uti quoque eam, quæ est de Pontificis Maximi in rebus fidei fallibilitate, cum de facto *plures fuerint heretici* (laudante *Comment. ipsius in IV. Sentent. Launco part. III. Epist. I. pag. 167.*) didicerat, & excoluerat amplius ex doctrinâ *Peiri de Aliaco*, qui Ecclesiæ Camera-censis Archidiaconus primùm, post Episcopus, inde Gallo-Belgas suis Scriptis in agnitione Divinæ Gratiæ instituit & confirmavit. Quare Adrianus, Pontifex cum esset, hinc invisus Italis cæterisque fuit, qui Viri simplicitatem & fidem non ferebant, veriti, ne Romam corrigeret, multaque aboleret, de quibus in Germania cum Luthero & in Helvetia cum Zuinglio plurimi querebantur. Quamquam iniquum nimis de Luthero ad Erasmus scriberet iudicium, uti videre in illius *Epist. Lib. XXI. n. 2.* Quippe non nisi fabulis Italicis falsisque delationibus ludebatur. Itaque veneno, altero a Pontificatu anno, sublatus dicitur (utique id non tacuit P. Jovius) ponente quodam Poëta ipsi Epitaphium,

*Quod bonus & recti custos, quod pacis amator,
Correctorque Aula luxuriantis eras,
Scilicet hæc unâ ex causâ Vir Sancte peristi,
Vixisses annos Nestoris improbior.*

Adriano VI. quidni adjungamus ipsum Caro- De Ca-
lum V. Imperatorem, utique Belgam, Belgicâ rolo V.
profapiâ Gandavi natum? Is enim principia Belgicæ
Fidei callens, gestansque in animo, quamvis
L Roma-

Romanis consiliis nimium pareret, tandem moriturus Lutheri de Justificationis Gratia doctrinam probavit & confessus est, uti veram, in eaque est mortuus, assentiente etiam Archiepiscopo Toletano ejus Confessore, qui ad Papam id perscripsit, uti habet *Gerhardi in Confess. Catholica Lib. 1. part. 1. pag. 184. confer Thuan. ad A. 1558. Lib. XXI.* ubi illius in solius Christi meritis, atque Dei misericordia, peccata remittentis ob passionem Servatoris, spes & fiducia, ex verbis Bernhardi, qui docuerat, *Christum duplici jure Regnum Cælorum obtinere, hæreditate ac passionis merito, illud autem contentum, hoc fidelibus dedisse, in quò esset quiescendum.*

De Erasmo.

Possẽm hisce quoque addere *Erasmum*, qui Belgica fide scripsit, ea, quæ Lutherus docebat, proximè ad Evangelicam Veritatem accedere, *Epist. Lib. XXI. n. 10.* Quamquam servierit tempori, nimium magnificis in Ecclesia Romana Viris tribuens, quò factum, ut alienus a se ipsò, Lutheri Doctrinam de *Servo arbitrio* impugnaret, nisi in meliorem mentem, convictus & edoctus ab Augustino, quæ deinde edidit Basileæ, redierit.

Quæ cum ita forent, haud mirum fuit Jansenium, Belgica fide cum nutritus esset, Pelagianos errores, maximè per Hispanos Jesuitas Europæo in Orbe, adeòque etiam in Belgio sparfos, non tulisse, penitiùsque in Doctrinam Augustini inquisivisse. cujus fundamenta a teneris in Academia Lovaniensi avitæ fidei tutatrice didicerat. Quamvis in multis sit hallucinatus, aberrans a Veritate, quam Reformati per Dei Gratiam, quam lauda-

laudabant, longè meliùs agnoverunt, uti ostendam, quando de ejus dogmatis est differendum. Neque idcirco opus fuit, ut ejus Pater Materve Calvinianam fidem probaverint, uti fingunt Jesuitæ, quo invidiam Viro eo majorem conciliarent. Suffecit Belgam fuisse, ut Gratiae defensor foret, & exteris erroribus se opponeret.

CAPUT VI.

*Recte aliam Ethicam docere instituit,
quam obtinebat in Papatu.*

PORRò Jansenius rectè ex fide de Christi Gratia Ethicam deduxit longe sublimiorem, quam in Papatu obtinebat, asserens *vitam spiritualem formari non posse nisi ad Doctrinam Augustinianam normam*. Etenim videbat, quam vana de viribus humanis præsumptio, nec non superba meritorum venditatio, quæ ipsius *αυτοφιλίας*, animæ pestis, progenies est, in sua communione regnaret. Igitur in eo totus erat, ut humilitatem commendaret, quæ in altissima sui demissione sita esset, nec eam haberi posse credebat, nisi extrema illa Divina Gratiae necessitas & profundissima creatura a Creatore suo dependentia rectè agnosceretur. Quin consulebat ipse animas humiles sapius, quid de Auxilii Divini, etiam in minimis bonis actionibus, necessitate, & liberi arbitrii infirmitate existimarent, gavisus, si Augustino consentanea responderent. Sic Fromondus.

Jansenii
Ethica.

Præ-
ptor
Sancy-
ranus.

Atque hanc quidem Ethicam simul cum agnitione gratiæ ab Abbate Sancyrano didicerat. Et fatendum est ipsum talia docuisse, quæ Evangelicam pietatem, procul Pelagianâ, Jesuiticâ, id est, Pharisaicâ religione ac superstitione, constituunt. Sic apparet ex ipsius Christianis & Spiritualibus, sic dicuntur, *Epistolis*, quæ *Parisiis* A. XLVIII. duobus Voluminibus prodierunt, Episcopis Galliarum, Viri summis, cum viveret, fautoribus dedicatæ, cum ipsius Regis approbatione & privilegio, *Arnoldo Andillæo* editionem procurante. Itaque eadem viâ profecerunt sequaces, *Senaldus*, in Oratorio summus Rhetor, uti Opera testantur, *Goddavius*, *Paschalius*, aliique, qui Jesuitica moralia non tulerunt, editis adversus illa inde ab A. XLV. voluminibus, quæ ætatem ferent. Præ cæteris consuli debent *Literæ Provinciales Montaltii* & *la Morale des Jesuites*, quam grandi opere Doctor quidam Sorbonicus A. LXVII. perstrinxit.

Sequaces
in eo-
dem stu-
dio c.
Jesui-
tis.

Nimirum in id videntur esse toti ut amorem Dei, humilitatem, abnegationem sui, veram cordis pœnitentiam, mortificationem carnis, fiduciam in Deum prædicent, ac doceant animas a Gratiæ operationibus suspensas & veluti expectantes dependere. Sic enim decebat Viros illius influxum & efficaciam professos.

CAPUT VII.

*Ex Jansenii Doctrinâ ortus est absque
dubio Molinosii Quietismus.*

IMò usque eò Jansenismus profecit, ut exiverit ^{Quietismi or-}
abusû dependentiæ ab isto Gratiae influxu &
efficacia in Quietismum, quem nuper quidem
Molina Hispanus (Molinæ Jesuitæ ad furorem
Pelagiano opponendus) in Italia disseminavit,
præparante viam Cardinali Bona, uti videre in ^{Cardina-}
Manuductione ad Cælum, Cap. ultimo. ^{lis Bonæ}
^{Ethica.}

Ibi enim suadet ad istam perfectionem venire,
ut Deo quis intimè adhæreat & unus cum eo spiritus
efficiatur, atque adeo ad Deum redeat, quod non fie-
ret sine speciali auxilio. Id verò erat paucorum inter
mortales, qui ad singularem Dei illapsum recipiendum
mentis aciem disponderent. Et paucos tales singula sæcu-
la protulerant. Eum autem qui id faceret, videris
interritum periculis, intactum cupiditatibus, minora
transeuntem, vacuum sui, plenum Deo, semper tran-
quillum, & inconcussum, majore sui parte illic per-
petuò commorantem, unde descendit. Versabatur
quidem in terris, sed optimâ sui parte aberat, il-
liusque animus erat qualis mundi status supra Lunam,
ubi semper serenum est. Eò vero pertingere ab illo
dabatur, qui dixit, sine me nihil potestis facere.
Disponebatur tamen ad id anima, si hunc finem
semper intenderet intimam cum Deo unionem, qui
unus & simplicissimus cum esset, non permittebat,

ut anima sibi luci inaccessibili uniretur, nisi una & simplicissima efficeretur, & tenebras creaturarum expelleret.

Hæc Bona. Libet cum istis conferre quæ ex Jansenianis & Sancyranis principiis scripsit G. Gibienf Libro de Dei & Creaturarum Libertate, tantopere laudatus Jansenio, quod homines faciendo liberos fecisset Divinos. Ille enim Lib. II. c. 27. scribit Christianos homines per Gratiâ Deificari, dum Divina Natura per eam sunt participes, ea spe ut Deo in cœlis amplius fiant similes, juxta Johannem, I. Epist. c. III. qui significat aperte nos, filios, Deos esse. Deinde, ait, in ordine Gratiâ homo novit Deum, ut in se est, & illi immediate unitur: unde procedit ejus immobilitas, & beata aternitas: ipsiusque libertas a nullo finito dependens eò est liberior, quia intimè in Deum receptus est, ut in illum transformatus ac propemodum Deus ipse esse videatur.

Addit etiam majora. Attamen Deificatio fidelium sibi longe intimior per unionem cum Christo in unam quasi personam. Sumus enim eadem persona cum illo per Gratiâ incarnationis, unde factum est, ut non tantum ille sibi factus ejusdem nobiscum natura, sed etiam consanguinitatem ulterius protendens per carnen suam deificatam unumquemque nostram in tremendo Eucharistia sacramento unire sibi voluit, & quibuscum voluit esse unum in naturâ, hos vicissim unum secum in personâ, ut jam non simus solummodo unum cum eo, sed unus. Itaque unio cum Christo est incorporationis & in eandem personam. Unde sequitur libertatem nostram esse non qua creatura quæpiam est libera, sed qua liber est ipse Christus, cum quo nos unus sumus & ipse nobiscum unus.

Quid

Quid tibi videtur, Lector, an quis temere arbitrabitur, qui dixerit Molinosii Quietismum ex Jansenismo ortum esse? Saltem hinc Romæ quibusdam Viris Doctissimis, etiam Cardinalibus, *Cassanato, Azolino, Carpenio, Colorado, Estræo, Peiruccio*, potuit placuisse, quod ibi Jansenii principia fuerint exulta a Cardinali Bonâ, favente etiam Innocentio XI. qui Virum donaverat Galero, ipsique Molinæ domicilium in Palatio obtulerat, ringente Dominicanorum & Jesuitarum invidiâ.

Hinc
Quietismus.

Fautores
in ipsa
Româ.

Quis autem qualisque sit ille *Quietismus* Molinæ (Enthusiasmus, alii dicunt) apparet ex ejus libro, qui *Manuductio Spiritualis* appellatur. Ibi in id totus est, ut suadeat, nihil operando sese primum quasi annihilare, quo recipiatur *Divina Gratia influxus*. Unde optima pietas erat passiva resignatio cum quiete, imò quâdam sensuum mysticâ morte, ut anima abrepta Dei Spiritu ad suum principium, Deum, redire possit, in quo fieret perfecta & quasi desiccata (divinizata) cum Deo contemplando, expectando, nihilque aliud quam ipsi placeret agendo, occuparetur. Nempe in id tendendum erat, ut anima superato & neglecto mundo, immediate cum Deo uniretur, in eoque statu influxu Divino foret beata; ut nulla creatura, nec beata Virgo nec alii Sancti in corde sederent, quod Deus istud solus occupare vellet.

Dogmata.

Quæ ut invisa esse debuerint Monachis, maxime Jesuitis, quivis videat. Itaque iis furentibus Regemque Galliarum, uti dicunt, per *P. La Chaise*, dum sua curabant, instigantibus, ut Curia Romanæ aures vellicaret, negotium, sic po-

Fatum
Autho-
ris.

stulante ipso Cardinali Estræo (quamquam invitus id ageret iussusque a Rege suo) ad Inquisitionem est delatum. Et cum non sufficeret Molinam Tulliano clausisse, tandem ipsius dogmata *A. 1687. Aug. 28.* damnata, ut odio & invidiæ satisficeret. Interim nigrum magis theta Janse-
nismo inustum est ab istis, qui hinc Molinismi Quietismum repetebant.

Janse-
nismi
doctrina
fons
Quietis-
mi

Neque mirum, quod Gratiæ efficacis professio juxta Jansenii principia probiores in Romanâ communione Viros ac superstitionum & Jesuiticorum dogmatum pertæsos, ad Molinosii doctrinam amplectendam perduxerit. Satis notum est, qui vita contemplativa Monachos, efficacem Gratiæ influxum professos, ad mysticam Theologiam jam ante promoverit, ut Enthusiasms abrepti viderentur: laudati a Fratribus, quasi ad perfectionem vitæ Christianæ tenderent.

Debeo hic adnotare, quod ipsi scripsere Jansenii post fata Fautores, in *Zegeri*, qui Jansenium excuderat, *Querimoniam*, pag. 4. „Ad hanc autem „novam Janseniani Augustini lucem præcipuè illi „exultant, qui internæ orationi, divinæque con- „templationi magis ex professio addicti, & a „mundo rebusque sensibilibus averſi, in fundum „animæ suæ converſi cum Deo dulciter & tran- „quille habitant. Hi enim in S. Augustini & „Jansenii Theologia vitæ suæ & exercitiorum fo- „lidissima fundamenta reperiunt, miranturque „tam firmiter nixa esse, quæ alii quidam nullo „concepta fundo, in aëre tantum nutare crede- „bant. Jam intelligitur, NB. quo pede & basi „ſtet

„flet Myſtica Theologia, & Apothecæ illæ Divini
„amoris Thauleri, Ruſbrochii, Harphii, Bloſii &c.

Sic illi, qui ſatis noverant ſuum Janſenium
exceſſus, ecſtaſes, liqueſectiones animæ & heroïcos
impetus laudare & commendare in iis, qui amore
Dei ſcrutantur ejus myſteria. *Tom. II. Lib. Proœm.*
c. 8. Ut mirum non ſit ſi ex iſdem principiis Mo-
linofii Enthufiaſmus fuerit conceptus, ſaltem
Romæ exceptus acceptuſque ab iſtis, qui Cardi-
nalis Bonæ Doctrina & Theologia morali de-
lectabantur.

CAPUT VIII.

*Janſenii Vitium, quod ſollicitus de efficaci
Conversionis gratia, ad Juſtificationis
gratiam non pertigerit.*

VERùm ſicuti Janſenius multa præclarè de
Conversionis gratia, ſic vituperandus eſt
in eò, quod ad fidem de Juſtificatione
Euangelicam non pervenerit. Imò Reformatae
Religionis odio ad eam procedere noluit, licet
quiviſſet eam ex antiquis diſcere Belgarum prin-
cipiis, quæ ipſe *Alb. Pighius Campenſis*, in hac
Urbe Eccleſiæ B. Johannis præpoſitus, mor-
tuoſque *A. 1562.* (ne de Theologis Colonienſi-
bus, qui ad Galliam Belgicam antiquitus perti-
nuerunt aliquid dicam, aut repetam quæ *Cel.*
Voetius habet memorata diſſertatione) non videretur
neglexiſſe, quamvis aliàs Proteſtantium do-

Janſe-
nius ad-
verſus
Fidei
Refor-
matae de
Juſtiſi-
catione.

gmata acerrime insectaretur. Igitur hoc nomine, quod iustitiam Christi imputatam agnosceret, corripitur a Bellarmino *de Justif. lib. 11. c. 2.* quasi in errorem Thomæ Waldensis, id est in Reformatam fidem incidisset. Verùm sequentibus in Jansenio & Jansenistis id vitii fusius detegemus.

Potuit quin etiam ex ipso Augustino profecisse, ut saltem errores Ecclesiæ Romanæ condemnaret, ceu in *Historiâ Africanâ* ostendimus. Imò in suâ *Spongiâ* nostram fidem ceu hæreticam exagitavit, quod Iustitiam propriam abnegare necdum didicisset. Et tamen connexa erat Iustificationis & Regenerationis gratia, quæ hominum merita respuebat. Neque ferebat Christus Gratiæ fons iustitiam, seu jus vitæ æternæ quæri, nisi in suis meritis, quæ absque imputatione, nostra esse nequeunt. Videbantur id intelligere Legati, qui causam Jansenii egerunt, quando post condemnationem, quodam in Colloquio cum D. Hottingero Tiguri habito, professi sunt se non in meritis operum, sed solius Christi suam Iustitiam collocare, atque inter se & Reformatos modò λογισματίας remanere. Operæ autem pretium erit huic Opusculo istius Colloquii Historiam, quam manu ipsius Hottingeri scriptam habemus, exhibere, ut videant Jansenitæ, quales decessores fuerint; certè æquiores in Reformatos eorumque fidem, quam ipsi sese nunc ostendunt.

Etenim quando animus erat, facta licet suorum dogmatum condemnatione, in Communione Romana permanere, id sibi negotii datum esse putarunt, ut Reformatos non minus, quam cæteri Papales,

les, omni odio & convitio persequerentur. Apparet Sequuntur Fautores. id ex virulento *Arnaldi* scripto, quo ostendere conatus est doctrinam Reformatam de Justificatione per imputatam Justitiam Christi, & fide receptam, sine operibus, nec non de Perseverantia ad omnem impietatem viam sternere. Verum nescivit, quid scripserit, a D. Jurio, uti debuit refutatus & exceptus. Et quam mirum est, ut ceteri in clarâ luce cœcutiant, dum vel ipsi in nostram fidem, licet Solis radiis descriptam, penetrare non possunt? Tantum valent antiqua præjudicia! Tantum sæpe ira & odium, quæ nubes mentibus obducunt, ne cernere verum queant!

Fuit nuper, cum Vir quidam eruditissimus, Colloquium Authoris cum Janse- nita. Jansenianæ sententiæ, etiam Sociorum nomine, me compellaret, peteretque ut accurate Justificationis Doctrinam, quam Ecclesia Reformata profitebatur, explicarem. Ipse Quæstiones quasdam proponeret, responsumque modò audiret, nihil disputando, ut notaret atque ad suos referret. Quærebat ergo primùm, *qua ratione nos queamus credere hominem justificari Justitiâ Christi, quæ externa esset, & quâ peccator propriè & formalitèr justus esse non posset?*

Respondi ego, observari ante omnia debere, Justificationem a nobis attendi, uti actum forensem Judicis Dei. Deinde hominem peccatorem, uti reum coram Divino Tribunali; atque adedò hic Justitiam quæri, quæ reatui peccatorum opponatur. Porro, Jesum Christum hic considerandum esse, uti Mediatorem, Caput, & Sponsorem,

rem, cuius mors esset vicaria, & satisfactio, uti satisfactio pro peccatis electorum, qui ipsi in decreto electionis ad salutem erant dati. Itaque necessarium esse, ut illa passio Christi fiat electorum, & quidem Dei iudicio atque imputatione, quum non possit non censere, satisfactionem sui Filii esse adeò electorum, quatenus pro iis est præstita, id est ipsorum loco.

Nempe uti peccata Adami, ceu capitis, sunt posteris imputata, atque iterum electorum crimina, quo ad reatum, Christo ad pœnam obeundam; ita fieri non potest, ut vicissim Christi passio, ceu satisfactio ad remissionem & salutem illis non imputetur. Ut autem Christi iustitia passiva se habet, sic & activa in iustificationis negotio cum sit præstita a Sponsore novi fœderis, qui eò jus legis pro nobis implevit, quia legi, ut id faceret, subjectus fuit. 2. Cor. v. 21. Rom. iv. 6. v. 12. 19. viii. 3. 4. Gal. iv. 4. 5.

Secundò quærebat Vir Doctissimus, quâ ratione statuere queamus nos sola fide coram Deo justificari, cum spes, pœnitentia, amor Dei & Christi, æque ac fides sint Evangelica virtutes? Respondi, id nos propter jam explicatam & probatam thesin statuere. Etenim Iustitia Christi non ferebat iustitiam nostram, quæ ex virtutibus præstitis oriretur. Solùm hic requirebatur aliquid a parte nostra per quod Iustitiæ Christi fieremus participes.

Hic verò sola fides videbatur attendenda, per quam Christus & cum eo Iustitia, quæ ex Deo est, oblata in Evangelio, reciperetur & animæ applicaretur. *Phil. iiii. 9. Rom. iiii. 24, 25, 27,*

28. Nempe per eam fit cum Christo Capite & Sponsore salutaris unio ; itaque per eandem , & solam quidem , fiebat participium cum Christi Justitia , & hinc justificatio , utique tanquam per instrumentum istius participii , quale sola fides pro suo ingenio poterat cogitari. *Joh. 1. 12. Ephes. 1. 17.*

Ad hæc objiciebat Vir Doctus , *etiam per amorem animam cum Christo uniri ; inde ergo sequi ; per eundem aque ac per fidem hominem justificari.* Respondi , prius me concedere , sed negare sequentem : cum unio & commuio cum Christo per fidem sit alterius naturæ , quam illa , quæ oritur ex amore. Unio enim , quæ per fidem est , attendi debet uti forensis , prior ordine naturæ cum Christo uti Sponsore , quatenus in Evangelii veracissimis promissionibus ad fidei assensum & receptionem offertur : at unio per amorem ordine naturæ posterior erat , & ex fide Christi rectè percepti per Evangelium sequebatur , ceu magis ethica cum Christo uti Sponso , inferebatque amicitiam , quæ unionis forensis coram Dei judicio spectatæ erat usus & exercitium. Fere uti conjugium publicè contrahitur per fidem , sed exercetur per mutuum amorem ; etiam manente ex data fide , in politicâ Societate , unionis vinculo , si vel amor quodam casu frigescat. Simili modo spirituale conjugium cum Christo Sponsore contrahitur , ut & colitur amore , qui tamen plane deficere nunquam potest , pro fidei per Sp. S. efficaciam. Itaque inde sequebatur amorem hunc non justificare , sed justificatum per fidem coram Divino tribunali supponere.

*Tertiò quærebat , qua ratione dici queat hominem fidelem justum esse & justum manere coram Deo , etiam quando labitur gravissimè , & peccata atrociora committit , uti credunt tamen Reformati. Respondi , juxta primam Thesin id nos credere. Etenim Justitiâ Christi homo fidelis , licet tali modo peccet , manet sensu forensi coram Deo justus. Quippe illa quæ æterna & infinita est , ipsi peremptoriè imputatur a Judice Deo , juxta æternum Dei decretum , & foedus , quod immutabile est. OEconomiam autem Dei permittere , adjeci , ut justificatus in Christo fidelis aliquando permittatur gravissimè peccare , non ut Christi unione & communione , atque adeo reconciliatione cum Deo ejusque gratia excidat , sed ut ipso lapsu corrigatur (dicente Augustino , *melius fuit Petro peccare , quam presumere*) & discat non in suis viribus & justitiâ confidere , sed in Deo & Christo , unde omnis ipsi vis , robur , justitia & vita est. 2. Sam. VII. 14. 15. Cant. III. 1. 2. 3. & v. 1. 2. 3. 4. Psal. LI. 3. 12. 14.*

Denique quærebat Vir Egregius , qua ratione demonstrari queat Apostolum in Epistolâ ad Romanos removere omnia etiam fidelium bona opera ? Falli utique Reformatos , qui hoc sensu Paulum intelligerent. Respondi , summam esse rationem , quod videamus ab Apostolo priorem esse Thesin assertam de Justitiâ Jesu Christi nobis imputatâ. Ea enim omnia opera præcedebat , nec patiebatur nostram justitiam , quæ est operum , in sede eadem secum morari. Præterea erant infinitæ rationes , quæ idem probarent , nempe universalitas asserti Paulini

lini contra opera , gratia Dei operibus opposita , negatio justitiæ nostræ in hoc negotio , adeoque τὸ δῶρα a parte nostri , exemplum Abrahami & Davidis , aliaque , quæ communissima sunt Theologis.

Et hæc quidem ego , ut Viri Doctissimi dubia solverem , grato animo responsa accipientis. Fatebatur autem sibi catenus esse satisfactum , ut doctrinam nostram perspicuè & clare intelligeret , spondebatque se mea verba ad suos omni fidelitate relaturum. Atque adeo amicè cum votis admodùm benevolis decessit.

Quæquidem referre hic libuit , ut ostenderem , quam Jansenius & Jansenistæ haud feliciter in fide de Divina Gratia fuerint progressi , hærentes in Articulo , qui tantâ lucet evidentiâ , quantâ ipsa Jesu Christi satisfactio. D. O. M. ipsis oculos aperiat , ut Evangelicam de Justificatione per fidem æque videant , ac inceperunt videre illam , quæ est de conversione , desinantque nos tantopere odisse , qui laudes gratiæ incipimus in terris , quas æternum canere speramus in cœlis !

C A P U T I X.

Jansenii Iniquissima in Reformatos odia , ne videretur ad nostram fidem accedere.

INtereà quum Jansenius de Gratia docuit meliora , quam solebat vulgus Scholasticorum , in Reformatos tanta coquebat odia , ut sui oblitus esse videretur. Id apparuit in disputationibus
cum

cum Ministris Sylvæ Ducensibus, quando se continere non potuit, quin omnem iram, ceu atrabilem, in Reformatam Religionem effunderet. Nimirum nostra fides erat non nisi *diversorum errorum sectarumque colluvies, quæ antiquitus vixerunt & cum suis authoribus proscripta ac damnata sunt.* Sic in *Spongia* Cap. LIX. Addebat *hereticos quidem antiquorum temporum, unum aut paucos, veteres traditionis articulos violasse: nos vero nihil fere quicquam intactum in religione reliquisse.*

„ Scilicet Liberum Arbitrium negamus cum Machinis, Deique voluntatem primum omnium
 „ peccatorum fontem & causam facimus magis
 „ quidem, quam hominum aut ipsius Diaboli.
 „ Porro si quis Ecclesiam in terris versantem consideret, sacerdotium, sacrificium, votorum
 „ vincula, statuta jejunia, festos dies, templa, altaria, reliquias, crucem Domini, traditiones,
 „ multos Scripturæ libros, sacratas virgines, religiosos, monasteria, merita, poenitentias, sacramenta poene omnia, leges Ecclesiasticas,
 „ disciplinam, omnia pietatis monumenta, sustulimus. Sin triumphantem aspicit, cælum Sanctis, Sanctos honore ac veneratione, Christum
 „ beatitudine, Deum irreprehensibili sua sanctitate spoliavimus, dum Christum poenam damnatorum passum credimus, Deumque scelerum
 „ incentorem introducimus. Sanctos Dei domesticos & amicos nefandis contumeliis *larvas, umbras, colluviem, carnifices, monstra*, honoris causa
 „ sâ vocamus. Et ne tantæ blasphemiae digna poena plecterentur ipsum Infernum e terræ visceri-

„ſcribis erafimus & in terrores quofdam malæ
„conſcientiæ commutavimus.

Hæc ibi Janſenius. Nec molliora in ſequen-
tibus, ut quidem *(cap. LXII. ferox ſcribat, nos* ^{Janſen. ferocia in no-}
non tam de ſeveritate Principum queri debere, quam ^{ſtros.}
de eorum maufuetudine gratulari. Adeò juſta puta-
bat ante in Belgio inflicta Proteſtantibus ſuppli-
cia, quæ nos martyria dicemus! Quam mirum
eſt ſuavem Gratiã, quæ mores non ſinit eſſe fe-
ros, Janſenii animum haud emolliviſſe aut feciſſe
mitiorem? Neque potuit ſe exemplo ſeveritatis
Imperatorum, ſuaſu Auguſtini in furentes, &
omni ſocietate hominum indignos, Donatiſtas de-
fendere, ceu nos adverſus Clerum Gallicanum
in *Hiſtoria Africana* oſtendimus. Pótiùs debuit
in memoriam revocaſſe, quæ idem Hipponenſis
ſcripſit in hæc verba, Operum Tom.vi. Libr. c.
Epiſtol. Fundam. cap. xii.

Illi in vos (Manichæos) ſeviant, qui nesciunt ^{Auguſti- ni verba}
cum quo labore verum inveniat. Illi in vos ſeviant, ^{contra}
qui nesciunt, quam rarum & arduum ſit carnalia ^{perſecut.}
phantasmata pie mentis ſerenitate ſuperare. Illi in vos
ſeviant, qui nesciunt cum qua difficultate ſanetur ocu-
lus interioris hominis, ut poſſit intueri in Solem ſuum,
non iſtum, quem vos colitis caeleſti corpore, oculis car-
neis & hominum & pecorum fulgentem, ſed iſtum, de
quo per Prophetam Malachiam cap. iv. 2. & Johanni.
1. 9. Illi in vos ſeviant, qui nesciunt quibus ſpiſſis
& gemitibus fiat, ut ex quantulacunque parte poſſit
intelligi Deus. Poſtremo illi in vos ſeviant, qui nullo
errore decepti ſunt, quali vos deceptos vident. Ego
autem, qui diu multumque jactatus tandem perſpicere

potui, quid sit illa sinceritas, qua sine inanis fabula narratione percipitur, qui vanas imaginationes animi mei variis opinionibus & erroribus collectas miser merui Domino opitulante convincere, qui me ad detergendam caliginem mentis tam tarde clementissimo Medico vocanti blandientique subjeci, qui diu flevi ut incommutabilis & immaculabilis substantia concinentibus Divinis Libris sese mihi persuadere intrinsecus dignaretur, qui denique omnia illa figmenta, quæ res diuturna consuetudine implicatas & constrictas tenent, & quasi curiose & attente audiui & temere credidi, & instanter, quibus potui, persuasi & adversus alios pertinaciter animoseque defendi, favire in vos omnino non possum &c.

Utinam horum verborum semper meminisset Augustinus! Servasset animi moderationem, qua erga Donatistas primum egit, & quam jure merito laudat Erasmus Prasat. ad Opera Augustini, inscripta Episcopo Toletano fere in initio. Et quanto rationum pondere adhibendam in afflictione Donatistarum moderationem monuerit, Literæ præcipue ad Marcellinum, aliæque testantur. „Si utamur, inquit, nimio rigore, metuendum ne „Deus in die judicii rigorem rependat; Jesus convertit homines Spiritu lenitatis; Spiritus Ecclesiæ est Spiritus mansuetudinis. Per coactiones „impletur Ecclesia tectis hostibus; persecutiones „adversantur humanitati; & quæ sunt alia, legenda Epist. CLIX. & CLX.

Janse-
nius cor-
reptus.

Neque adeò erat cur Jansenius, tantus Augustini admirator, & Gratiæ defensor, crudelem adeò in nos animum gereret & effunderet. Debuit

ad

ad suavem conversionis Gratiam, qua mentes hominum jucunda inspiratione alliciuntur ad Deum, non tormentis coguntur, attendere, si vel nos hæreticos haberet, non suadere tyrannicas afflictiones, aut probare, quod fidei Christianæ de Gratia adversatur.

Sed iniquissime nobiscum, licet cum Augustino Gratiæ tantis defensoribus, egit, cum hæreticos esse censuit pessimos, qui antiquorum dogmata revocemus ex Orco. Imò etiam pejores Turcis nos habuit in *Marte Gallico Lib. 11. c. 27.* Quid enim, inquit, in Turcis odiosius nisi nomen? Rem enim, hoc est, impietatem, incredulitatem & sacrilegii magnitudine hæretici superant, hæreticos cunctos Calvinista, impudentiâ, blasphemis, pervicaciâ, crudelitatem, fractaque fidei in rebus Religionem spectantibus notâ. Quô quid possit magis iniquum dici in nos Lectores judicent.

Nec in ipsius Augustino, ubi suavem ac delectantem Gratiam ex Augustino tuetur, paria odii illius in nos testimonia defunt, quamvis aliquandô agere videatur modestiùs. Quippe negamus impudenter *Liberum Arbitrium in homine*, post Calvinum, solitâ etiam apud Dominicanos calumniâ, quæ retusa millies. Sic ille *August. Tom. III. de Grat. Christi Salvat. Lib. VIII. c. XXI.* Scilicet non ferebat se cum Calvinianis contrarietatis Societatis accusari. Igitur amoliendum erat crimen. Atque ut id fieret, postulandi fuimus Manichæi erroris, quod Libertatem Arbitrii tolleremus. Interea sibi conscius videtur quodammodo accusationi renuntiassè, quando scribit, ubi-

cunque Calvinus cum Augustino & aliis Patribus convenit, non indignandum esse, sed potius Calvino gratulandam. Ibid. pag. 606. 878. Interea permanet indignabundus in Calvinum & nostros, quod negemus Liberum Arbitrium Gratiae resistere posse, aut facultatem peccatori, qua eligere bonum, uti in alium queat, pag. 878. 879. An juxta principia, ipse viderit. Bene autem habet, quod *Batavi Fratres Walenburgii* fateantur, nos idem de Libero Arbitrio credere, quod optimi Catholici, id probante *Carolo Bonio*, Jansenitâ, Libro, cui Titulus *Victrix Veritas*, contra *Hazardi Triumphum*, quem egregie confutavit.

Uti Fromondus.

Eundem Jansenii animum in Reformatos prodit Libertus Fromondus, quando in *Dedicatione* ad suam *Crisin adversus Voetium*, Jansenio inscripta, nihil non sperat ab eô, jam Episcopo Yprensi, pro Pontificia, contra Reformatam, Religione. Sic enim scribit ibidem:

Inter Reverendissima D. S. curas scio illa etiam postrema cura non erit, qua tota vita sic exercuit Augustinum, pugna perpetua & implacabile cum hæreticis bellum. Memoriter enim adhuc retineo, quoties cæcitati eorum irascentem, aut Patria sua ac tot aliarum, quas Pests ista afflavit, Provinciarum infelicitatem deplorentem, & hanc hæreticam plagam, quâ Europæ centum jam annos Deus flagellat, cum Mahumetismo, quo Asiam, Africamque tot sæculis durissime dirissimeque cecidit, comparantem audiverimus. He enim plage, in quibus aeterna morte feriunt, tanto sunt omnibus Egyptiacis severiores, quanto magnitudo infinita punctum, aeternitas momentum excedit.

Hæc

Hæc ibi Fromondus , qui Virum nôverat in Batavos præcipue concitatum , quasi Patriam suis dogmatis infecissent. Cur tamen aded peccavit Vir Doctus? non certè ex ignorantia. Nimiùm eruditus erat , quam ut nostram fidem nesciret, quamvis Suorum modò Libros terere, maximeque Bellarminum assueverat , non Reformatorum, ut Ecclesiæ nostræ sententiam nativo colore depictam cognosceret. Sibi ergo consuluit, suoque in Romana Communione honori. Quæsit *honorē & gloriam magis suam quam Dei*, ut verba Servatoris repetamus. Imò noluit suo Foetui creare præjudiciū , quem jam tot annos gestabat , facile reprobando ceu Calviniano, nisi Patrens Reformatos suis odiis exercuisset,

Quis verò te abripiebat furor Janseni , cum aded in Nostros iram effunderes tuam? Vim sane fecisti conscientiæ tuæ, & deplorandus fuit magis tuus animus quam noster , quò nos beavit Gratia, tam ex Anti-Christianismi servitute, quam peccati & Satanæ regno liberatos. O miserrimum Te, qui Romanæ Meretricis pudorem videre nequivisti! Te ingratisimum erga Gratiā , quam gustare visus es, dum fascinat⁹ tuæ Synagogæ gloriā maluisti sortem habere cum Justitiariis, quam illis , qui unice Divinæ Misericordiæ in Christo suam Salutem adscribunt! An Te decuit in illa Communionē permanere, ubi viget Gratiæ tantum non ejuratio, ac triumphant Jesuitæ, quos publice Pelagianismi reos peregisti? Num juvabat non solum sub Papat⁹ jūgo vivere (juvabat sane ut Episcopalem Insulam sis adeptus)

sed etiam mori, quando non puduit Testamento tuum Augustinum Romanæ Sedi cum obedientia subicere, non ignarus dum es, quantum apud illam Jesuitæ possent, & quam tepidos Gratia a sæculo fautores Pontifices parumque sinceros defensores habuerit? Quid dicereshodie si caput extolleret in terras, tuosque sequaces videres Romanæ condemnatos vel invisos? Certe nos longe sincerius quam Tu causam Divinæ Gratiæ defendimus, hinc tot Anathematis damnari, quæ insuper habemus.

Deus Judex est, cujus gloriæ voluimus consultum: nec dubium nobis, quin labente Babylo-
ne sit Reformatæ Fides triumphatura amplius, accinens victrici Gratiæ hæc laudes: *Nunc est Salus Deo nostro, qui sedet in Throno, ut & Agno. Benedictio & gloria & sapientia & gratitudo & honor & potentia & robur sit DEO nostro in omnia sæcula, Amen.* Apoc. vii. 10. 12.

Pauli
Servitæ
de Re-
formatis
testimon.

Quantò rectiùs Te & magis sincerè P. Servita, qui Venetiis in Papatu vixit, cum Reformatam Fidem de Gratiâ probè considerasset, in Epistola ad D. Heinsium, quam exhibet Cl. Hoornbeck in Summâ Controversiarum p. 604. Reverende Domine, fuit procul dubio Apostolorum Johannis & Pauli sententia, quam in tuâ Homiliâ enarrasti; eamque orthodoxam esse soli non credunt, qui cæcitate mentis damnati sunt: nam ut Divinæ Gratiæ & Adoptionis soli electi participes sunt, ita quæ sit ejus vis & efficacia soli agnoscere possunt. Non enim mundus aut caro, vel necticorax lucem ferre valent, quibus denegata est ea oculorum acies, quæ lux perspicitur potest. Meo judicio nedum fides
Divi-

Divinum beneficium est, verum & recta de ea ac de illius causis & effectibus existimatio mundanis sapientibus est denegata. Vos felices quibus cœlitus Divina Myſteria deſecta ſunt! Chriſtiana iſta Synodus Apoſtolicam ſententiam a carnali diſcrevit, & hac damnata illam pie amplexa eſt. Et prudenter Ampliſſimi Ordines adverſarios veſtros linguam coërcere juſſerunt, deſuncti munere quod Principis eſt proprium in Eccleſiâ &c. 4. Kal. Junii 1620. Præclare!

CAPUT X.

Hæreditaria Janſenitarum in Reformatos odia.

TAlia ergo Janſenii in Reformatos odia fuere! Et videntur illa in Janſenitis hæreditaria. Quamquam depoſuiſſe viſi ipſorum Legati, quum mox a condemnatione *A. MDCLIII.* redeuntes in Patriam, inſtituto quodam cum Hottingero Tiguri Colloquio aliud ingenium, aliumque in Noſtros animum demonſtrabant. Erit id manifeſtum ex illius Historia, quam manu Hottingeri deſcriptam, miſſamque ad Celeb. Voetium, tanto Avo digniſſimus Nepos, Vir Ampliſſimus Paulus Voetius, Illuſtriſſimis Provinciæ Ultrajectinæ Ordinibus a Secretis, nobis donavit. Illam utique huic Volumini ſuffigere operæ pretium eſt, ut cæteri Janſenitæ videant, quorum a virtutibus deſecerint, quando ſua in Reformatos eorumque Fidem odia acrius concitârint.

Legatorum Colloq. cum Hottingero.

In Reformatos animus.

Miratus
Jansen-
tarum
animus.

Quippe decretum erat, ut ut forent Romæ condemnati, manere in Romana Communione, nec poterant, nisi in sæva adversus Protestantess odia & consilia conspirarent. Non ignoti assus.

Ratio-
nes.

Ergò ante omnia, ne viderentur cum Jansenio Capitolini Jovis fulmine percussi, se Bullam Innocentii X. recipere, quatenus per eam nullum fit efficaci Gratia præjudicium, affirmabant; damnatas esse Propositiones Pontifici oblatas, sed fraudulenter contextas; & jure, non tamen in sensu a Jansenio Yprensi intento.

Consilia.

At cum Innocentius X. ac postea Alexander VII. hoc assensissent, mox excepere Pontificem in rebus facti haud infallibilem esse, si vel foret in rebus juris; addentes se non Jansenii, sed Augustini Discipulos esse, ut si vel Jansenium feriat Bulla, non tamen ipsos magis tangat, quam Augustinum, qui damnari non posset. Porro cum subscribenda in Jansenium Formula, quò nulla elabendi via daretur, urgeretur à Papa & Galliarum Rege, territi, variaque versantes consilia, conclusere, nec deferendam esse Sententiam, nec Romain, dum meliora tempora effulgerent; atque interea vicem rependebant Jesuitis, quando ipsorum impiam Ethicam, *indiscretosque* (uti appellant) inter ipsos Beatæ Virginis cultores exagitarunt, atque se immiscuerunt Sorbonistarum consiliis, damnatis Amadeo Guimenio & Jacobo Vernantio adversus Alexandrum VII. qui istos suo umbone tutos præstare conabatur. Quin etiam, ut Pontifici agrè facerent, N. Testamentum in vernaculam linguam converterunt,

& Mon-

& Montibus edidère (quasi a Papâ ad Scripturam imò ad Plebem provocarent) etiamque Romanum Missale, concitatò vehementer Papâ, & damnante Institutum, quòd sacra hæc arcana vulgari non permetteret.

Quin etiam Scholasticam Theologiam & Philosophiam damnantes, mox Cartesianæ disciplinæ animos subjecere, quasi ad neganda tremenda Missæ Mysteria viam præpararet. Unde acres & novæ Jesuitarum in eos persecutiones (præcipuè Arnaldum, qui exul inde in Belgio vixit) advocato Régis favore in auxilium, quasi per Jansenitas Ecclesiæ Romanæ fundamenta subruerentur, imò etiam Christianismi, initâ in Portu Regio arcanæ S.S. Trinitatis & Incarnationis conspiratione.

Fiunt
Cartesio
additi.

Hinc
nova
odia.

Nec tuti fuere Oratorii Patres, quod cum Jansenitis conspirarent. Nempe damnati ipsorum Professores, nec auditi, muneribusque ac sedibus ejecti suis, prout Archiepiscopo Parisiensi placebat: cæteris metu compulsis, ut cum Jesuitis concordiam inirent, signatâ formulâ (*concordatum* appellitant) qua Jansenio nuntium mitterent. Id factum A. MDCLXXXVIII. Nimirum adversus Jansenium probandæ erant Apostolicæ Constitutiones, quas Sua Majestas tantâ potestate & Religione executioni dare jubebat.

Etiâ in
Orato-
rios Pa-
tres.

Gratia autem Dei efficax & Prædestinatio gratuita sic erat tenenda & dicenda, ut i. *demonstratur, istam efficaciam necessitatem nullam imponere voluntati, sed illius potestati relinquere, quando eam exercitat, agere vel non agere.* II. *Statuatur eodem*

Articuli
de Gra-
tia ipsis
præscri-
pti.

tempore Gratia verè sufficiens, quæ potentiam dei implendi mandata Dei, maneretque inutilis, quando quolibet in statu voluntas eam rejiceret, vel negaret consensum.

Sic cogeant Jesuitæ per Archipræsulem fateri, etiam læsa conscientia; imò affirmare, *hanc Congregationis semper sententiam fuisse. Legi hæc possunt Libello, cui Titulus, Recueil de quelques pieces curieuses, concernant la Philosophie de Monfr. des Cartes, quæ latitantia vel paucis nota Amstelodami Bordeus Typographus excudit.*

Scribunt
c. Reformatos de
Eucharistia.

Et Justificatione
ac Perseverantia.

Interea ratum erat in Communionem Romanam persistere, nihilque ab odiis adversus Reformatos remittere. Itaque ut Aulæ & Vulgi favores ambirent Jansenitæ, de Eucharistiâ scribunt per Arnaldum contra Claudium, ut ut sex priora Sæcula fere nostris tradunt, confessi ex primæva antiquitate certa pro Transsubstantiatione testimonia peti haud posse. Deinde Justificationem per imputatam Christi Justitiam, nec non Sanctorum Perseverantiam summa cum virulentia per eundem impugnant, quasi utraque omnis impietatis fons & origo foret.

Quamquam non defuerit quidam Sorbone Doctor *Le Fevre*, qui datâ ad Arnaldum Epistolâ, palam testatus est, ipsum falsò Calvinistis imputare dogmata in Justificationis negotio, quæ nulloatenus crederent. Nimirum veritas, nisi malè depicta ob oculos, & mendaci specie repræsentata, oppugnari non potest!

Scribunt
præjudicia c. Reformatos

Quin etiam eò accedunt, ut quævis præjudicia congerant in Reformatos, Methodos fraudulentas

tas

tas fingant , ut deciperent incautos , refutati & victi a Claudio , & Pajonio , Jurio , aliisque Theologis , tandemque in sæva persecutionum consilia cum Jesuitis conspirarunt.

Fiunt
persecu-
tores.

Nempe Augustini suasiones adversus Donatistas erant repetendæ , Regis potestas imploranda ad extirpandam Arctöam hæresin , atque hæretici , ceu publici odii victima , tradendi erant cuicunque supplicio , uti rebelles , Dei & generis humani hostes , ut torquerentur , ac paterentur , *quidquid posset ingenium Carnificis in tormentis* , uti Tertullianus loqueretur . Quin etiam parum abfuit , quin Parisiensis Laniena repeteretur , urgente Jesuita la Chaisio ; Laniena cujus crimen *omnis Sequana non abluit* , ut Priolus scripsit . Hæc refert Vir Doctus , qui crudelis istius Jesuitæ Vitam Parisiis nuper descripsit .

Eò nempe exire debebant Jansenitarum in Galliis & artes & odia ! Quamquam non hæc dix-
erim , ut omnes plane Jansenii sequaces eodem ordine habeam , & ejusdem criminis reos cen-
seam . Sunt utique Viri prudentiores , & qui
nostra Sacra ceu Euangelica non plane repro-
bant , manent tamen in Papatu , meliora corre-
ctionis tempora præstolati , quamquam frustra ;
quum juxta Apocalypsin Roma perire debeat &
excindi , eâque omnibus piis , salutem amanti-
bus , sit exeundum . Et cur non nobiscum egre-
diuntur diu Viri optimi , a Papis damnati , a Je-
suitis afflictæ , pressique intolerabili jugo , quod
Conscientiæ libertatem non permittit .

Non ta-
men om-
nes
sunt pa-
res.

Saltem cur communionem cum Jesuitis ha-
bent,

beant, qui jam rerum potiuntur in communione Romana & curia, Pelagianismum tuentur, impiam docent Ethicam, ac persequuntur omnes, qui veram de efficaci Gratia fidem profitentur? Cur in illâ Ecclesiâ remanent, in quâ succumbere debent Antistites, Gratia defensores, imò ipsi Pontifices, qualis Innocentius XI. fuit?

CAPUT XI.

Odia Jansenitarum hæreditaria præcipuè in Celeb. Voetium.

Odiam
in Voetium.

Maximè
ex Cartesianismo.

De
Transsubstantiatione.

Verum uti Jansenitæ lethalia foveant in Reformatos odia, sic præcipuè suas iras in Celeb. Voetium exercuerunt, quod Magistrum Jansenium tanto robore oppugnaverit. Accedebat, quod Vir Eximius sese Cartesii dogmatis & moliminibus opposuisset, ne Academiam Ultrajectinam inficerent, id tentante Henrico Regio Medicinæ Professore, uti ex *Cartesii Epist. Tom. 1.* apparet. Etenim omnes cum Arnaldo Jansenii sequaces, uti ante observavi, istius Philosophi principia & methodum sequi decreverunt. Quamquam debuissent attendere, quòd Transsubstantiatio, quæ Sacrificii Missatici fundamentum est, & cui renuntiare necdum statuerant, cum istius Philosophi principiis, de natura corporis, quæ sit ipsa extensio, nullâ ratione conciliare unquam quiverint.

Jactitaverat quidem non semel Cartesius, uti videre est in *Epistolis Part. 1. n. 114. 115. & Part. 11.*

n. 3. *Transubstantiationem*, quam Calvinista arguunt, quasi ex vulgari Philosophia inexplicabilis esset, de sua facillimam esse: atque inde exponi posse modum aliquem istius *Mysterii* explicandi, qui Adversariis os occluderet, nec ullum relinqueret contradicendi locum. Quamquam Vir prudentissimus sibi admodum cavet, ne illum modum exponeret.

Ergo pulsati sunt in hoc articulo non semel Jan-
 senitæ a Jesuitis, ut tandem (an ex facili expo-
 nendi modo, quibusdam revelato & dicto in au-
 rem) distinxerint *inter extensionem realem & ap-
 parentem*. Nempè post *Transubstantiationem*
 manebat extensio panis apparens, quamvis realis,
 destructâ substantiâ, esse desineret. Etenim Con-
 cilium Tridentinum dixerat, post consecratio-
 nem manere *species*, consultò, non *accidentia*, ut
 apparentem modo extensionem denotaret. Ex
 adversò realis & vera Corporis Christi extensio
 in Sacramento erat credenda; deerat autem ex-
 tensio apparens, id est, veram extensionem sensu
 percipere non dabatur, unicè attento in extensio-
 nem panis apparentem, quæ oculos, os & manus fe-
 rirer. Absurdissimum certè erat (sic illi porro) Chri-
 sti Corpus, quod Ideam veri & humani quidem cor-
 poris, suis partibus distinctis omninò constantis,
 habebat, in punctum, confusis etiam partibus,
 seu Physicum, seu Mathematicum redigere, quum
 & ratio & fides id refugeret. Sane Corpus
 quidem Christi totum manducabatur: verum uti
 Deus miracula hic faciebat, destruendo panem,
 & apparentem illius speciem in oculos ingeren-
 do, sic quoque miraculo poterat præstare,
 ut

ut totum Christi Corpus nostrô ore manducaretur.

Sic Nonnulli ex Collegii Oratorii Patribus, quando Archiepiscopus Parisiensis ex Regio mandato quosdam expulisset, cæterosque coëgisset, inito cum Jesuitis pacto, Philosophiæ Nobil. Cartesii renuntiare, & agnoscere, extensionem actualem & externam non esse de essentia materiæ, atque dari accidentia realiter a substantiis, quibus inhærent, distincta, eaque posse divinâ virtute absque suo subjecto existere: quod *Anno MDCLXXVIII.* contigit.

At ride-
bant do-
los Je-
suitæ.

Sed ridebant distinctiunculam Jesuitæ, quando Collegium Oratorium suis placitis, jussu Regis ac Archiepiscopi imperio, subjecissent. Et satis intelligebant distinctionis jam dictæ authores se verba dare, & fieri non posse, ut totus Christus, quantus esset, vel extensus verâ corporis quantitate, ore & stomacho exigui cujuscunque hominis reciperetur.

Verùm de hisce alibi plura. Nunc suffecerit observasse, Jansenitas Cartesii disciplinæ additos, duplicato in Voetium odio fuisse concitatos, sequentes non modò sui Jansenii, sed etiam Cartesii exemplum, qui in Virum Celeb. quidquid erat splendidæ bilis & succi loliginis atræ suo calamo effudit, 1. *Part. Literarum*, nec non *Epistola ad Dinetum*, quando Doctorum Parisiensium, pro obtinenda in Philosophicis dictatura & principatu, favores ambiret.

Male-
branchi
in cl.

Id manifestum est in *Malebranchio, de Inquirenda Veritate, Lib. IV. Cap. 6.* nec non *Balleto*,

qui

qui nuper Parisiis *Vitam Cartesii* conscripsit. Nec ^{Voetium} est, quòd istorum scommata repetamus. Satis ^{convitia,} est, quòd Eum ceu hæreticum sint insectati, ut ^{& Balles-} appareat, ex quo fonte convitia profluxerint: *Liber istius hæretici* (sic iste) *inscriptus*, Desperata Causa Papatûs, ipsius impudentiam, ignorantiam, violentiam, ac existimationis sibi falsi zelo suo concilianda cupiditatem satis arguit: non est igitur, quòd hujusce hominis testimonio (de Cartesio) fidem adhibeamus. Verùm Pontificiorum in Reformatos dira odia sunt manifesta; non est, quod ipsorum testimonio fidem adhibeamus, sic Malebranchio regerimus sua verba.

Sane judicium ipsius de Voetii Libro Virum doctum non decet, cum videatur locutus, quasi nunquam legisset, a Sycophantis deceptus. Itaque quam frigide Fromondus ipsum refutare conatus sit, operi tanto impar, Eruditis est notum, quibus mens non læva, & sanum arbitrium est.

Cartesium autem quod spectat, quò jure & ^{Defensio.} consilio Vir prudentissimus ipsius dogmatis se opposuerit, dies docuit, quando progeniem dedit vitiosorem. Etenim Philosophi, ex ipsius fonte labra proluentes, plurimos in vorticem & dubitationes præcipitârunt, evaseruntque ipsi *censores Divinitatis*, Revelationis arbitri, judicesque Mysteriorum Evangelii, pejore, quam Scholastici, audaciâ, ut illa etiam tandem oppugnarent, quod suis Ideis non convenirent.

Et quò non sunt prolapsuri, qui Malebranchii vestigia secuti, contra ipsum Cartesium (licet non constet sibi) Ideas innatas & adventitias negant,

gant, & unice, ad instar Enthufiatarum, ab illapfis-
 bus Divinitatis, & continuis in mente pingendis.
 Dei manu Ideis dependent? Nempe isti sua so-
 mnia, ex factitiis Ideis deprompta, etiam dum My-
 steria Religionis Christianæ; ipsasque Historias
 V. & N. T. ubi de Angelis bonis & malis ac eorum
 operationibus agitur, impugnant, esse vellent.
Ecclesia Sacramenta, quod Origeni datum esse
 culpæ, Veteres nos docuerunt.

Interea en Tibi Lector Recentioris Philoso-
 phicæ Theologiæ Processum & Methodum, ex
 quibus Jansenistæ nonnulli in Galliis dicuntur,
 in Arianismum prolapsi, ut, quam justus sit no-
 ster in Belgio metus, patefcatur.

*Methodus Recentiorum Philosophorum
 in Theologicis.*

I.

PER universalem de omnibus dubitationem,
 quâ ejiciantur omnia præjudicia, simul &
 judicia, etiam de rebus certis, & per se notis,
 ipsoque Deo, invenire, procul disputationibus,
 quod infinitum esset, singularem, certam sim-
 plicemque Philosophiam ex propriis & inventis
 principiis deductam.

I I.

Primam, quæ dubitandæ menti occurrit, ve-
 ritatem esse de existentia mentis ex cogitationis
 actu, quæ consequenter tota consistat in cogita-
 tione.

III. De-

I I I.

Deprehendi & inveniri mox in Mente, actione reflexâ rerum omnium Ideas, quæ quasi sunt Simulacra, Imagines, Picturæque ipso Dei digito, uti postea deprehenditur, Menti impressæ, tanquam Signa-vel Indicia, quid libere verum esse voluerit. Omnis enim veritas a libero Dei Decreto dependet, potuitque adeo fieri, ut mons esset sine vallē & lineæ a centro ad peripheriam ductæ non forent æquales.

sup. 20. 200. I V.

Has inter Ideas maxime elucere Ideam Dei, uti Entis summi perfecti, claram satis & distinctam; quæ, quia infinitum Ens repræsentet, & in omnibus sit eadem ac immutabilis, formari a nobis non potuerit.

V.

Claram & distinctam Perceptionem, adeoque de rebus Judicium juxta illas Ideas, esse falli nescium, & veritatis ~~certior~~; procedit scilicet juxta Ideas a Deo, qui fallere non vult, datas.

V I.

Itaque Philosophiam tali modo inventam, & ad Idearum innatarum Lapidem Lydium exactam, esse certam: quum ratio instar Oraculi Dei sit habenda, quod nec falli, nec fallere possit, nisi dicatur fallere ipse Deus.

V I I.

Rationem Naturalem & Philosophicam æquæ certam esse, ac est ipsa Theologia, ut quidem Fidei, quoad veritatem, hic præ ratione nulla queat esse prærogativa.

N

VIII. Ra-

Rationem itaque nullo modo Revelationi esse subordinandam, neque huic illam ancillari debere; sed potius Rationem cum Revelatione esse coördinandam; quum pariter sint habendæ ut Epistolæ unius Authoris, & duæ ejusdem Patris Filia.

I X.

Imò verò Philosophiam continere priorem veritatem, i. e. prius notam & certam; ut quidem sit habenda ceu Principium fidei, absque quo Sacrae Scripturae Autoritas ne quidem adstrui possit.

X.

Atque adedò ex Ratione, & per illius examen ad Ideas, uti Normas omnis judicii investigandum esse S. Scripturae sensum; ut Illa sit statuenda hujus Interpres. Maximè cum Deus non revelet in suo verbo, nisi quæ ad & per Ideas percipi possint, adeoque fides perceptiones ex illis non superet.

X I.

Hinc æquum esse, ut Fidei dogmata, utcunque dicantur Mysteria, ad Rationem Philosophicam examinentur, & ad hunc Lapidem Lydium exigantur, an vera sint vel esse possint, quæ ut talia commendari audiuntur.

X I I.

Si enim reperiantur cum argumentis, ex Idearum Armario depromptis, repugnare, ex Ratione refellenda sunt: & nequicquam clamitante Theologo de suis ex Dei verbo desumptis demonstrationibus.

Atque

Atque hæc quidem Arcana sunt quorundam Recentiorum, qui extrema sectantur, præcipitia quærunt, & Naturam cum Scripturis permiscet, tanto cum periculo, ut Christiana & Fide tenenda Religio non amplius sit tuta, si obtineant.

Prævidit sane hæc haud vanus Vates Celeb. Voetius, hinc de Cartesianæ Philosophiæ dogmatis sollicitus. Cum vero hinc plurimorum, maximè Malebranchii & Balleti convitia ferre cogitur, exoriatur aliquis ex ossibus Ultor, qui Viri Nomen, Honoremque defendat!

CAPUT XII.

Animadversiones in Jansenii Testamentum.

HÆC ad Jansenii Vitam. Nunc ad ejus MORTEM scribamus animadversiones. Superius enim vidimus Jansenii moribundi TESTAMENTUM, ex quò apparet, quâ persuasione de suis pro Gratiâ scriptis fatum obierit. Laudandum sane in ipso est, quod doctrinam de Gratiâ tantò volumine explicuerit ex Augustino, tamque sollicitam de edendo curam Viris doctissimis, quorum animum nôset, commendaverit.

At mirandum est, Virum Egregium adeò dubitasse de sua fide, ut, quidquid habuerit de eâ certitudinis, se suamque mentem Ecclesiæ subjecerit, pronus mutare omnia, si Romanæ Sedi placuerit. Eò tendunt Papistica Principia! Hunc Scepticismum fovent, docent, postulant! Ipse quoque Jansenius, hostis *Scholastica* incertitudinis

Jansenii
Scepticismus.

tudinis & probabilitatis (uti apparet *Tom. II. Lib. Præm. Cap. VIII.*) de maximo Evangelii Articulo certam non habuit persuasionem. Id scripsit moribundus & credi voluit mortuus!

Hinc Calenus in Censurâ Augustino præfixâ, *totam suam doctrinam Sedis Apostolicæ judicio humillimè submittebat.* Promptus utique in Jesuitarum castra transire, si Papa ipsum errâsse decerneret. At cur non ultimam Testatoris voluntatem secuti Operis posthumi Editores, in Papæ Decreto acquiescentes? Sic sanè objecerunt deinde ipsis Jesuitæ. Cur tale Testamentum decuit Virum, qui totâ vitâ continuò erumpebat in hæc voces, *O Veritas, Veritas!* An fortè quodam schemate illud condidit cum hâc clausulâ, uti appellant, ut placidiores aures Romæ suum Opus inveniret? Scilicet hæc vult suos Doctores Scepticos esse, ac tandem non nisi a suo arbitrio suspendi, quidquid de summis Evangelii Mysteriis disputent.

Verùm jam ante, quando cum Ministris Sylvæ-Ducensibus disputaret, talia in corde fovebat Principia, quæ æqualem Scepticismum proderent. Nempe ipsi nihil certum esse poterat in *opacis Scripturarum tenebris*, dum ab Ecclesiæ Romanæ autoritate & arbitrio, a quo suspendit suam fidem, aliàs incertam, pendebat. Idque jure merito castigavit *Martinus Schookius* sine *Libri Desperatissima Causa Papatus*, quam Lector consulat, ut Viri ingenium nimis Papisticum deprehendat.

Eodem
in vitio

At quid mirum est hunc sedisse animum Jansenio? Par Scepticismus observandus est in Doctolibus

ribus Lovaniensibus, quando suam Censuram, ^{ante Lovanien-} de qua ante, pro Divinâ Gratiâ in Jesuiticas opi- ^{ses.} niones stringerent.

„Nempe illi eam ediderant 1586. & denuð
 „A. 1591. Quin durante controversiâ, ut osten-
 „derent se nullo modo sententiam mutâsse, con-
 „vocato suorum Coetu A. 1613. confirmarant
 „editam ante, nemine contradicente, protestati,
 „se in eâdem manere sententiâ, quâ damnave-
 „rant non semel Jesuiticas propositiones, ut no-
 „vas, impias, scandalosas, perniciosas, &c. do-
 „nec per Summum Pontificem aliud definiatur, aut
 „a Romanâ Ecclesiâ (cujus censura & correctioni omnia
 „in prædictâ censura, & qualibet alia a se dicta, &
 „in posterum dicenda, humiliter subjicit) aliud te-
 „nere ei præcipiatur. Edit. Paris. p. 161.

Quod quid aliud est quam Facultatem Lovan- ^{Jure re-} nientem polliceri, ubi Papæ placuerit aut Eccle- ^{prehenden-} siæ Romanæ decernere propositiones Jesuiticas ^{dendi.} alienas, impias, scandalosas, novas, perniciosas, ortas ex fonte corrupto, esse bonas, orthodoxas, salutaris: Facultatem Lovanientem, inquam, polliceri se renunciaturam suo judicio, fidei, Censuræ sæpius repetitæ, istasque damnatas suo decreto propositiones, approbaturam ceu bonas, orthodoxas, salutaris, habendas inter cæteras de fide? Adeò tota *Facultas Lovanientis* in tanto negotio tantisper dubitat de suâ sententiâ, prona ut animum mutaret, ex unius Papæ dictamine, *lucem appellatura tenebras, tenebras lucem!* Sic decuit Doctores *Academicos!*

Verùm an fides de Gratiâ ipsis videbatur non

nisi Carneadea probabilitas? An credebant Papam, casu quo alia decerneret, mysteriorum fidei naturas permutaturum? An daturum suæ animæ meliorem mentem? Nimirum sola ejus Auctoritas sufficit ad tenendas animas in dubitatione, quascumque claras rerum habeant notiones, sed deponendas statim ipso loquente! Is enim solus sapit, reliqui volitant sicut umbræ, Sceptici, Pyrrhonii, ἀκαταληκτοὶ, qui nihil habent certi, nisi id quod videtur certum esse, imò quod potest esse, & agnosci aliquando, Papâ decernente, falsissimum.

Profectò ni sint Sceptici, qui hæc dicunt, debuerunt Papæ aut Ecclesiæ Romanæ obedientiam, & quidem contra dictamen propriæ conscientiæ, polliceri. Vel enim damnantes Jesuiticas propositiones tanto verborum pondere, certi fuere, quod revera essent damnabiles, aut non. Si posterius, fuere utique Academici: si prius, egerunt falsò, contra conscientiam & causam veritatis, quod Christianos Doctores non decet.

Multò prudentius dixissent, si hoc modo essent locuti, *usque dum nobis optimis rationibus demonstratur, quod fallamur*; id fuisset cujusdam saltem humilitatis. Sed absque ullâ argumentorum mentione scribunt, *usque dum per Pontificem aliud definiatur, aut a Sanctâ Romanâ Ecclesiâ aliud teneri precipiatur*. Id est, incerti sumus, & dubitabundi quid damnemus; cœcâ obedientiâ, nec datâ in contrarium ratione, audiemus & observabimus, quod Roma jubet credere, approbando vel
ipsum

ipſos Jeſuiticos errores , *qui Dei bonitatem obſcurant , juſtitiam enervant* , & quæ plura ſequuntur.

Imò verò progrediuntur longiùs. Etenim ſui Pontificis & Eccleſiæ , id eſt , Curix Romanæ arbitrio & cenſuræ alia quælibet a ſe dicta , & in poſterum dicenda , ſubmittunt. Scilicet neſciunt tantopere illuminati , atque Doctorem Angelicum ſecuti , an hætenus rectè ſenſerint in quibuslibet a ſe dictis ; dubitant de dicendis , an aſſequi queant verum , quocunque ad Dei Verbum examine. Nam impræſens ſunt eatenùs *ἰφικτικοὶ*. Quin poſtmodum Papâ imperante , ſcribent ipſi , ſe errâſſe in iis , quæ veraciſſimæ ante fuerunt arbitrati. En , Lector , Lovanienfem Scholam verè Academicam , dum nimium Pontificia eſt !

Atqui hæc omnia longè recedunt a fide Auguſtini , totiusque Eccleſiæ Africanæ Religione. Etenim Auguſtinus cum cæteris in Concilio Carthaginenſi Fratribus Pelagiana dogmata condemnavit , aſſertâ de Gratiâ fide ex certiffimis Chriſtianismi principiis , neque exſpectatô Eccleſiæ Romanæ arbitriô. Quin potius prævaricantem Sozylum , nimium Pelagio faventem , corripuit , monuitque , ut Romanus Epifcopus Africanâ cum Eccleſiâ conſentiret , quô errori Pelagiano nervi præſcinderentur , atque ſerpenti ponerentur repagula. Id in *Hiſtoriâ Africanâ* abundè , ſubjecta *Differtatione de iſtius Eccleſiæ Libertate* , demonſtravimus.

Verùm ed tendere debuerunt Lovanienſes , ipſeque Janſenius , tantas poſt Gratiæ demonſtra-

tiones, quandoquidem Romanâ Communionē egredi noluerunt. Nimirum in Scripturis adeo obscuris, ut non nisi labyrinthum contineant, nihil est certi. Neque ipsæ sunt Divinæ sine Ecclesiæ vel Papæ autoritate. Quid ergo certitudinis Papales in fidei dogmatibus, nisi ex Papæ vel Ecclesiæ infallibilitate haberent? Atqui nec ibi est illis aliqua certitudo, dum nesciunt, ubi, an in Papa, an in Conciliis, an in utrisque simul resideat. Hic enim anceps est Pontificiorum fides: notum est Italorum, Hispanorum, cæterorumque cum Gallis in hac controversia, certamen. Nec ignari sumus temporum, quando Concilia, Constantiense & Basileënsē sibi Papas subjici voluerunt, & Papæ vicissim sibi Concilia, ad quæ appellare non liceat.

Sceptici
hodierni
quidam
Janseni-
stæ.

Neque vitium deinde correxerunt quidam Jansenii sequaces, quando a Pontifice sunt condemnati, licet ad Dei Verbum quasi provocantes, Scripturas vernaculo sermone ediderint, præfixâ Læctionis amplissimâ commendatione. Scilicet non ferebant impia Malleti aliorumque studia, qui manibus Fidelium Dei Testamentum eriperent. Attamen illi ipsi adeo Sceptici fuerunt, ut scripserint in Libro *Perpetuit. de la Foy, Tom. 1. p. 103. Quid respondebimus Socinianis, quando dicunt, examinavimus per Scripturam Decisiones Nicæni Concilii, ut & Constantinopolitani, Ephesini, Chalcedonensis, circa Trinitatem & Incarnationem, &c. & non potuimus judicare illarum rerum aliquid esse in Dei Verbo: Verba, quæ adducuntur eò, possunt aliud habere sensum: quod sufficit, ut non necessario conclu-*
damus

damus pro dogmatibus, quæ adeò rationi sunt contraria? Scilicet nihil habebant, quod Hæreticis responderent, non satis persuasi ex Scripturis de istis mysteriis, nisi Ecclesiæ Testimonium urgeret. Quæ fufius apud Furium, L'Esprit d'Arnaud Tom. I. p. 199. videre liceat.

Et verò cùm Jansenitæ nonnulli adeò fuerint Sceptici, noluerunt Protestantes sibi certitudinem imaginari circa rationes, ob quas Româ excesserint, quum de justitia causæ privato iudicio, quidquid Scripturas jactitarent, certo esse persuasi non potuerint. Sic Idem per Nicolium, Libro, *Les pretendus Reformez convaincus de Schisme*. Nempe eò erant reducendi omnes Christianorum animi, ut absque viâ examinis juxta Scripturas (cum illa inutilis esset ad certitudinem fidei acquirendam) solâ authoritate vel dictamine Ecclesiæ dominantis, id est, Romanæ, ad solidam de Christianâ fide persuasionem studeant pervenire. Sic æquum erat, Jansenitas Jesuitarum consiliis & principiis favere, ceu ea Maimburgius in *Methodo Pacificâ* explicuit! Videant autem isti, qui adeo se Romano arbitrio opponunt in negotio de Gratiæ efficacîâ, quasi de Jansenii doctrinâ certi sint, cui iudicio Dei subjiciantur, quando in Evangelio uti Scepticos se gerunt, negantque ex Scripturis in controversiis, quæ inter nos & ipsos moventur, certitudinem fidei acquiri posse!

CAPUT XIII.

Animadversiones ad Jansenii Mortem.

Addunt Augustini Editores, quod Moribundus Jansenius, *antequam exstingueretur, inter Lacrymas & Singultus totius vix delicta Sacramentali Pœnitentiâ expiaverit, & mors vitæ fuerit simillima.* Atqui nos speramus Eum aliâ ratione mortuum, quam solent Romanenses, si mors ut vitæ, sic doctrinæ fuerit simillima. Saltem si fides de Gratiâ Christi ipsum ad abneganda operum merita, atque ad eam justitiam propriam, ut salutem in solis Christi meritis & passionibus poneret, perduxerit, uti debuit, non potuit delicta vitæ omnia, more Pontificio, Pœnitentiâ Sacramentali expiâsse, mox in Ignem Purgatorium iturus, ut ibi satisfactionibus propriis amplius a peccatis purgaretur. Neque dubito, quin Michaëlis Baji sententiam, quæ est in Urbani VIII. Bulla LIX. ejus error, probaverit, *quando per Elæmosynas, aliæque opera Pœnitentiæ Deo satisfacimus pro pœnis temporalibus, non dignum pretium Deo pro peccatis nostris offerimus, sicut quidam errantes autumant (nam alioqui essemus, saltem aliquâ ex parte, Redemptores). sed aliquid facimus, cujus intuitu Christi satisfactio nobis applicatur & communicatur.* Utique par fuit Sancyrani dogma, quod secuti Sequaces, ipseque Episcopus Condomensis in *Expositione fidei*, cum Arnaldo in *Libris de Frequenti Communione*, ubi plurima, quæ ad doctrinam & praxin pœnitentiæ Evangelicæ accedunt.

Judicium interea nostrum de Statu Jansenii post mortem non ferimus. Id Dei est, qui corda novit. Cogitamus tamen de ipso meliora, cum quis nesciat, a quo tenui filo, quando Gratiae Evangelicae Veritas agnoscitur, salus queat suspendi. Neque nos adeo truculenti sumus, uti Papistae, qui extra Ecclesiam Pontificiam dari nullam salutem clament. Nos sane *extra Ecclesiam Electorum* ex Scripturis asserimus neminem servari posse. At Deus in Romana etiam Communionem novit, *quinam sint sui*, quique sint *servandi veluti per ignem* (uti cum Apostolo loquimur) combustis, nimirum igne Spiritus & agnitione Gratiae, istis, quae in *Fundamento, Christo*, veluti *Fœnum & Stipula* sunt extracta.

CAPUT XIV.

Valerii Andreae Icti Lovaniensis de Jansenio Testimonium.

ATque hoc nostrum de Jansenio judicium est. Nunc exponerem Fautorum, hostiumque arbitria, nisi de hisce dicendi daretur locus, quando de Jansenismi variâ fortuna erit differendum. Suffecerit clausisse hasce de Vita & Morte Jansenii dissertationes testimonio *Valerii Andreae Icti Lovaniensis*, qui Virum noverat, in *Bibliothecâ Belgicâ*, quæ approbatione publicâ Apostolici & Regii Censoris A. XLIII. edita est.

CORNELIUS JANSENIUS, Leerdamenſis, apud Batavos honeſtis Catholicisque natus Parentibus anno Dom. CIO. IO. LXXXV. die SS. Simoni & Judæ ſacro, ab ipſa prope infantia ſpecimen memoriæ atque ingenii ſingularis exhibuit. Nam Ultrajecti iis datis operam artibus, quibus erudiri atque informari ad humanitatem puerilis ſolet ætas, cæteros longo poſt ſe relinquens intervallo, eorum ipſe velut dux ac præceptor ad ſumma quæque properabat. Miſſusque inde Lovanium ad Gymnaſium, quod ab inſigni domus nomen Falconis retinuit, diſciplinis Philoſophicis ita gnaviter feliciterque incubuit, ut, ſtudii biennalis decurſo ſtadio, anno CIO. IOE. IV. cæteris Commilitonibus, in Academico IV. Pædagogiorum concuſſu, ingenii palmam, ac prærogativam loci facile præripuerit.

Pari felicitate palæſtræ deinde Theologicæ nomen dedit, hæſitque lateri *Jacobi Janſonii*, gentilis ſui, Viri in omni pietatis ac ſcientiæ genere verè eximii, quem ut parentem obſervabat, & apud quem pænè filii loco erat. Hinc, cum ex pertinaci ſtudio tabis periculum eſſet, Medicis ſuadentibus, ut ſolum Lovaniènſe ſubtilius ad tempus ſaltem mutaret, viſendæ Galliæ cupido inceſſit, tum valetudinis, tum etiam ingenii ampliùs excolendi ac linguarum potiffimum cauſâ, & Lutetiæ Pariſiorum, in celeberrimo illo ſcientiarum artiumque omnium theatro, aliisque Galliæ Academiis, annos ipſos duodecim verſatus fuit, vimque illam ingenii ſui omnibus palàm notam fecit, ac plerorumque in ſe ſtudia animosque

mosque convertit , mirantium & quærentium identidem , unde , quis , qualisve Theologus ille esset *Jansenius*.

Lovanium velut postliminio reversus , ac supremo in Sacra Theologia Magisterii titulo A. CIO. IOC. XVII. donatus , Professorque Ordinarius suffragiis S. P. Q. Lovaniensis nominatus , brevi quoque tempore eam de se opinionem apud Academicos omnes excitavit , ut præ *Jansenio* alius magis idoneus non fuerit judicatus , qui nomine ejusdem Academiæ bis Legatus in Hispanias mitteretur. Ubi quâ prudentiâ ac dexteritate sese gesserit , tum apud Regem Catholicum , tum in Academiis Salmanticensi ac Vallisoletana , felicissimus utriusque Legationis eventus docuit. Anno CIO. IOC. XXX. ad Sacrarum Litterarum Professionem Regiis auspiciis promotus fuit , indeque quinto post anno ad Cathedram Iprensensem nominatus , nimirum eodem die , quo natus , ac vertente anno similiter eodem die in Episcopum consecratus , annum tunc agens primum supra quinquagesimum.

Verum ut sunt fluxæ ac caducæ res humanæ , vix anno cum dimidio in eâ dignitate exacto , dignissimus ille vitâ longiori Præsul cum summa omnium consternatione ac mœrore extinguitur , an. CIO. IOC. XXXVIII. Prid. Nonas Maii. Vir certè fuit , ut de cæteris ejus virtutibus , de pietate ac religione in Deum , de vitæ modestia , morumque disciplina , comitate atque affabilitate nihil dicam , vel maxime prudentiâ conspicuus ; quippè qui hoc unum in primis cavebat,

vebat, ne ageret vel loqueretur quidpiam, quod aut reprehensum aut revocatum optaret. Certabat in illo fecundissimo scientiæ omnifaræ pectore ingenium cum judicio, labor cum industria constantiaque, ut qui nullum sibi labi aut perire tempus pateretur, quo non aut legeret, aut notaret, aut disceret aliquid, at summum quinas aut quaternas, sæpè etiam pauciores, horas somno indulgere solitus.

Unum ferè è SS. Patribus vitæ suæ ducem studiorumque magistrum, sanctum delegerat AUGUSTINUM, cujus Opera omnia ferè decies, Libros verò de Gratiâ Divinâ & Libero Arbitrio plusquam *trices* à capite ad calcem, decerptis & in adversaria per classes distributis, quæ in rem videbantur, evolverat, attestante hoc de eo *Liberto Fromondo* S. Theol. Doct. & *Jansenii* in *Lovanienti* (athedra successore (quem ferè unicum Lovanii in interioris admissiois amicis habuit) dum præfatur ad Crislin suam, quam reposuit Causæ Desperatæ *Gisb. Voetii* pro eodem *Jansenio*, & in Synopsi Vitæ, quam Augustino Janseniano præmisit. In illo autem Opere Jansenius (sic pergit celebrare Viri laudes) adversus Pelagianos Naturæ humanæ stantis, seu innocentis vires, lapsæ vulnera, & Gratiæ per Christum Liberatricis naturam, efficaciam & necessitatem e profundissimi omnium Theologorum Magistri principiis dilucidè & solidissimè (sic testimonia cordatiorum omnis fere Ordinis Theologorum fidem faciunt) ob oculos posuit.

CAPUT ULTIMUM.

CORNELII JANSENII,

Gratiam Christi adversus Pelagianos Jesuitas asserentis,

I C O N.

Augustinus ego nuper velut alter; & inde
 Non queo Pelagiæ dogmata ferre Scholæ,
 Sparserat hoc virus, Grudiis infestus Athenis,
 Lessius, ut gaudet devia quæque sequi.
 Hic servile pecus, Molinæ Imitator Iberi,
 Errorum in pelagus, pronus, ut iste, ruit.
 Scilicet insultat Bajo, Jovis ira Latini
 Quum feriit pressum fraude dolisque Virum.
 At quæ tantâ, cui potuit succumbere, culpa?
 Cur tua pro meritis fulmina, Roma, tulit?
 Augustinus Ei fuit unus & omnia; summus
 Qui fidei Doctor, quin Cynosura foret.
 Non tulit id rabies; Genevæ ceu sacra probaret;
 Belgica sed Michaël non nisi prisca docet.
 Ipse ego cum juvenis sublimia tecta subirem,
 Structa Brabantinæ, Palladis arte, Scholæ;
 Ipse ego mendaci deceptus imagine veri
 Dogmata Lessiadum prava secutus eram.
 Quippe superba mihi Britonis doctrina placebat;
 Stultitiæ Servo ceu solet Arbitrio.
 Et feror in præceps, vanus vanissima sector,
 Ac nova, quæ rari nosse videntur, amo.

Ingenii experior vires, venerorque Sodales,
 Doctorum ut meritos præmia summa *Σοφῶν.*

Vellicat ast Batavus Batavo Jansonius aurem,
 Et Lojolaëum detegit omne nefas.

Naturæ exponit vitium, morbosque revelat,

Et tandem video, quam nihil ipse forem.

O, Jacobe, nigram, dixi, caliginis umbram,

Discutis & mentis somnia vana meæ!

Fare age! quid suades. petituro? ostende veneni
 Certa soporiferi quæ medicina fiet.

Ille Augustini latices demonstrat & ori

Admovet. O vivus fons salientis aquæ!

Sic ait increpitans; pateram mox impiger hauri!

Mentem animumque tuum pura fluctata rigent!

Vix biberam, & sensi, quam se mihi grata probaret!

Gratia Cœlicolis vel celebranda Choris.

Inde manet semper teneris infusa medullis;

Et viguit quando sacra professus eram.

Admoveo hinc, utrasque manus magno Augustino;

Pagina ter, decies & repetita fuit.

Pagina quâ melior nulla est, nec dulcior inter

Tot Veteres; Christi Gratia utramque facit.

Gratia quæ vita est animarum, ut fons & origo

Cujuscumque boni, sic medicina mali.

Hanc ego dum celebros, me livida spicula pulsan,

Ast animum aut famam nulla ferire valent.

Insula conspicuum potius me reddidit Orbî,

Sed mage victrici gratia larga manu.

Hic finire labor longum quæ scrinia claudunt:

Protinus, at Numen jussit obire diem.

Posthumus hinc foetus conspexit luminis auras

(Sic fuit in fati) obstetricante manu.

Nam, Fromonde, meum, nec non, Calene, fovebas
Pupillum; nostri quippe jubebat amor.
At verò ingratos invenit gratia: Mundus
Dum Pelagi demens fallitur arbitrio.
Inde fui toties percussus fulmine Romæ:
Ceu Batavum est Batavo visa placere fides.
Fama erat huic homini est CALVINI SENSUS IN ORE,
Sic Anagrammatici, nomen ut omen habet!
Attamen haud animo Calvinii arriserat error;
Pellere sed libuit dogmata Pellagii.
Quin quoque Battavicis ingessi tela Ministris,
Atque iterum excepi pila inimica sinu.
Sensi equidem læso suppressos corde dolores,
Vulnera cum lateri tristis arundo daret.
Conticui, fateor; quid enim? gravis Infula jussit
Ut, Fromonde, meas tu sequerere vices.
At tamen infensæ non fugi fulmina Romæ.
Sed quondam hanc potuit fallere Pelagius!
Fallere enim quivit Sozylum versutia, Græcum,
Africa, sic quæsta, ut cautior ipsa fuit.
Quamquam hic Pontificem non fraus Jebusæa fefellit,
Dum valet in technas, in parilesque dolos;
Ipsa sed infernæ spumantia Pharmaca gentis,
Quæque sub Hyblæo melle venena latent.
Nunc dare consilium Nostri per fata liceret!
Res foret hæc votis una petita meis:
Damnatos toties infidâ excedere Româ:
Libera quo servis gratia corda daret.
Ite procul nostræ quondam, procul ite, capellæ,
Triste, lupus, stabulis, ne voret omne pecus.
Nunc video Batavos merito excussisse Latinum,
Quod nimum premeret, nec tolerasse, jugum.

O Arnalde, tuos nequeo laudare labores!

Quin fateor scripti pœnitet usque mei.

Heu mihi, præteritos referat si Jupiter annos!

S P O N G I A dilueret; quæ meminisse pudet.

Gratia, quam, meritô procul omni a Numine nobis;

Et, volo, Divinâ non nisi sorte, dari:

Hæc docet in Christi meritis requiescere solis,

In Sponsore tuam quærere justitiam.

Is meruit donasse fidem: non præmia vitæ?

Gratia justifica est, quæ dat habere Deum.

Si Deus ipse meus, quia Jesus morte redemit,

Criminaque exsolvit, justitia ille mea est.

Nunc video hoc tandem Christus nos credere jussit:

Scilicet is veræ est Relligionis honos.

Principium hic vitæ est, & finis & omnia nobis:

Qui Jesu est, reputet, se simul esse Dei.

Jansemita, tuos possim laudare furores?

Usque adeòne meis perfida Roma placet!

Cur ter sancta fides linguæ convitia vestræ,

Debuit & calami tot furibunda pati?

Damnatos decuit defendere mœnia Romæ?

Non est conveniens fletibus iste labor.

Quin verò & Sociis dextras sociasse juvabat:

Et struere in miseros Marte vel arte dolos!

In miseros, inquam, nostri qui scripta Magistri

Africa perpetuum pollice utroque probant.

Sæt Romæ Latiusque datum. Turbata sepulcri

Cernis ut a Sociis sint monumenta mei.

Defunctum intereà solatur gratia victrix,

Et viget in scriptis nomen honosque meis.

Sane opus exegi, quod non Romæ ira, nec ignes,

Nec poterit ferrum perdere utroque polo.

BRUILOFTDIFT

Der Stede van YPREN

TER EERE

Van den zeer Doorlugtigen en Hoogwaerdigen Heere,

TER LIEFDE

Van haren Welbeminden Bruidgom

KORNELIUS JANSENIUS

HAREN SEVENDEN BISSCHOP,

*Opgedragen door de Studenten van het Kollegie der E.**Vaders Jesuiten op d' openbare Maelyd van
den zelven Hoogwaerdigen Heere.*

Den xxx. van Slagtmaend des Jaers M. D C. XXXVI.

DE OOGEN BESTIEREN IN DE LIEFDE.

*Na dat Ypren de Tafelgenoden door het blijde en heerlijk
geluid van Speeltuig tot aendagt opgetrokken had, zond
zy' er twee als hare oogen af, dit opschrift op het voor-
hoofd dragende: De Oogen bestieren in de Liefde,
die des Bisschops uitmuntenheden naukenlyk beschouwd
hebbende, dezelve aldus op rijm ten toon stelden.*

Zoo ras als Ypren hoort: Uw Kerkprelaet en Vader
En Bruidgom is daer, wiens Godgewyde kruin
De Hemel u vergunt, zoo koemt z' ootmoedig nader
Den Myter in de hand, en' vliegt door veld en duin

1. Oog.

Den Liefsten te gemoed: en juicht met groot gewemel:

Koom, koom JANSENIË: zoo sloeg haer tonggeluid:

2. Oog. Koom, koom KORNELIË, nieuw borger van den Hemel:

Koom op de zoete stem van uwe lieve Bruid.

1. Wat zal die zoete naam voor ons al goeds besluiten,
Hoe lieflijk smackt dat. Hert, dat onze herten rooft!
2. Wees Ypren, wees verheugd; sluit nu de droefheid buiten.
Al lang genoeg geweend. Zie daer, 't geheiligd hoofd
Van uwe Zon rijft op, die zal uw smert genezen.
Behaegt u 't weezen niet? Zy zwijgt door liefde stom.
1. Zy ziet haer Lijdsman aen, en staet gelijk verwezen
Voor 't sikk'rend aenschijn van haer lieven Bruidegom:
Zy ziet hem, en roept uit geheel verrukt van vreugden:
Als z'hem nog nauwlijx kende, op hem haer' liefde viel.
Wat zal die Bruid nog doen, als zy zal zien de deugden,
'T verstand, 't vernuft, den schat en gaven van de ziel?
Zy ziet, en staet verbaesd, door 't swinken zyner oogen
Gewond. Z' is onverzad, hoe zeer zy hem belonkt.
2. Des heeft zy 't oog der ziel van uit 't gewoel getoogen:
Op dat z'haer ligt alleen geniete, in liefde ontvonkt.
Nu wenscht de Bruid dat zoo veele oogen haer bestieren
In deze liefdepligt, als *Argus* heeft geteld,
En al'er starren in 't gewulf des hemels swieren.
1. Weshalven zy ons twee hier ook heeft aengesteld
Om op te merken, en met aendagt te bevroeden
De daden van een Man zoo lief en gadeloos.
Dog als ik 't vaderland, dat u heeft moogen voeden
En teelen, wel beschouw, zoo dunkt my dat een roos,
Een roos zoo wonder schoon, is tusschen wilde struiken
Van doornen voortgeteeld. De Battavier ons baert
Een kind, 't welk als een Zon in 't duister op koomt luiken.
Een ligt rijft op in 't land niet van den besten aerd.
2. Zin vaderland Leerdam verdient dat wy het roemen,
'T welk ons dien tak uit een van zyne stammen geeft.
Daer's geen bedrog in hem. Men mag hem waarlijk noemen
Een man die onbesmet en onberisp'lijk leeft.
Een man van 't oud geloof: geen' vlek zijn' schonheid mindert,
Gelijk 't zyn naam beduid, zoo is 't ook in der daed.
1. O wel sneeuwite ziel, die 't menschlijk vuil niet hindert!
Gelijk een zwaen zoo wit en zuiver is 't gelaet.
Hy strooit welriekend kruid van wetenschap, en bloemen
Van deugd: KORNELIË is jeugdriek, is 't niet waer?

Zijn

Zijn leven bloeit gelijk een bloemhof, waerd te roemen.

1. Indien gy voorgaet op dien trad, hoe zal de maer
U nog ten top van eere en heerlijkheid doen springen?
Zoo grootvaer *Darus* zynen Neeve eens heeft voorspeld.
Maer hoe, wat staen wy hier? Laet ons wat hoogers zingen:
Nu eens op hoogen toon zyn' daden hier gemeld.
Sla d' oogen nu eens op na 't schouwtoneel van Loven,
Bezie den Lauwertak die zyn vernuft daer plukt,
In 't Kampschool van de Valk, ay zie, daer hangt hy boven:
1. Want hy heeft d' eerste Palm aen duizenden ontrukht:
En 't is alom bekend wat lof hy daer behaelde.
Des, Ypreen, wees verheugd, en juich nu blygezind:
Hy vloog ze all' ver te hoog voor uit, en zegenpraelde,
Gelijk de vlugge Valk den Leewrik overwint.
2. Haest stelt hem 't Lovensch School de lofkroon van laurieren
Op 't hoofd, dat waerdig was met goud te zyn gekroond,
Dien gy, o Ypreen, nu de Myter ziet verciere.
1. Wie hoort hem niet met lust, wanneer hy zig vertoont
Als Leeraer op den Stoel. Hy is, wie zal 't ontkennen,
De schrandre *Scotus* zelf, die gansch in hem herleeft?
2. Hoe kan hy 't Hooggespan der Godgeleerdheid menen!
'Tschijnt dat de School aen hem een tweeden *Thomas* heeft.
En *Suarez* is verblijd hier zijns gelijk t' ontmoeten.
1. Hy speelt zijn' rolle al voord, en geeft zig op de baen
Der Goddelijke Schrift: de wereld komt hem groeten
Als een die wijdberoemd wel mag by *Soto* staen.
2. Hy meet den diepen zin, en d' Arscheheimenissen:
Gelijk een Noot bevat *Homerus* Heldendigt,
Zoo vat zijn brein 't Drieen, verligt in duisternissen.
1. 'K wensch dat *Pulcheria* kon spreken, die zouw ligt
Verhalen wat een vloed zy uit die zee zag stroomen.
2. De Spanjaerd, dat 's gewis en zeker, stond verzet
Voor zynę tonge, in 't werk om 't welk hy was gekoomen:
Nadien hy *Nestor* zelf, van tael zoo zoet en net,
Te boven vloog, en wist tot binnen 't hert te treffen
Al honigvloejende gelijk een zoete stroom.
1. Het geene Neerlands roem niet weinig moest verheffen.
2. Historieschrijvers wijkt, die man is u te vroom.
Hy lyd geen lompe pen, dat strijd met zynen yver.
'T is als een *Florus*, 't is de roem van 't hooge Koor.
1. Wijk dan *Juslinus*, wijk Latijnsche en Grieksche schrijver:
Zie hier, *KORNELIUS* stelt ons iet beters voor.

2. Welaen, uw Krijgboek wint, hoe wel 't de vreemde doemen.

Welaen de schelle Faem zal eens op 's werelds top

Trompetten uwen lof, en uwe daden roemen

1. Nu stelt u naer mijn wensch de Paus den Myter op :

2. Zoo lust het Roomen dit eerwaardig voorhoofd t'ereen.

1. Wat nu nog ov'rig is , dient best in 't kort gezeid :

Met LIEFDE rackt gy't hert, 2. Met WAERHEID koomt gy't leeren.

1. Door LIEFDE en WAERHEID u de Wapenspreuk verbreid.

2. Twee woorden die zeer wel op zuik een Bisschop passen!

Pluimstrijken kan hy niet, hy speelt niet met zijn woord:

De ziel iet Godlijks heeft, zoo wit als sneeuw gewassen.

Een spiegel is 't van deugd, de tong word schaers gehoord:

Hy leert elk't swijgen, een der beste en nutste zaken.

Wat heeft de losse tong al onheils niet gebrackt?

1. Wat roem ik dat men vroeg hoort zijne vensters kraken,

Die wakker is eer schier een hond der buerte ontwaekt?

Gelijk de spijkerband den hond bewaert voor 't woeden

Der wolven, zoo Kamill 't hoog Kapitoel beschut,

Zal hy de schapen, 't veld, de weide en 't vee behoeden.

Mijn *Kastor*, 2. *Pollux*. 1. O mijn Harder! 2. O mijn stut!

Beide Goed Harder, wees gegroet, keer 't onheil ons beschooren.

te ge- O wy gelukkig volk die onder 't hoog belijd

lijk. Van zulk een waerdig man en Bisschop zijn gebooren!

1. Wie geeft dat gy mijn broer? 2. Dat gy mijn vader zyt?

T Y D S P R E U K.

IansenI VeraX es et Vlam Vitæ In Veritate DoCes.

Dat is,

IansenIVs gy zijt opregt en Leert Den Weg Des
LeVens In WacrhEID.

Zie Mat. 22. v. 16.

F I N I S.

D E
J A N S E N I S M I
D O G M A T I B U S

L I B R I I I I

Q U I B U S D E

J A N S E N I I E T S E Q U A C I U M

Doctrinâ , Opinionibus & Erroribus
differitur.

Augustin. Lib. XIV. de Civ. Dei. c. 11.

Arbitrium Voluntatis tunc est vere liberum, cum vitio peccatusque non servit. Tale datum est a Deo, quod
AMISSUM proprio vitio, nisi a quo dari potuit, reddi non potest.

Idem Lib. I. contr. duas Epist. Pelag. c. XIX.

Quis trahitur, si jam volebat? Et tamen nemo venit, nisi velit. Trahitur ergo multis modis, ut velit, ab illo, qui novit intus in ipsis cordibus hominum operari, non ut homines, quod fieri non potest, nolentes credant, sed ut volentes ex nolentibus fiant;



PROLOGUS A D LECTOREM.



Ecclesiam Romanam a Principio Christianismi vera fides imbuir. Ecclesiz Romanæ antiqua fides. At illa casta olim Virgo labentibus sæculis cum Judæis ac Gentilibus fœdum commisit adulterium, digna quæ ad exemplum Israëliti Populi, dato repudi libello, *Cœlesti Divortium* pateretur. Neque nobis dubium, quin Reformata Ecclesia, egredi ex illius communione coacta, J. Christi sit sponsa, & permansura æternum, quidquid Pallavicinus edito de *Divortio Cœlesti* libello scripserit, repudiatis pariter cum Pontificiis, Lutheranis & Calvinianis, Christum decrevisse cœlibem porro vitam agere.

Pristinæ fidei in Ecclesia Romana ejusque fidelitatis erga Christum Pauli ad Romanos Epistola apertissima demonstratio est. Etenim gratuita edocta pridem justificationem, ad tem- Illius defectio. pus professâ fuit Gratiâ Christi unicam uti in origine, sic in progressu & consummatione salutis causam, donec Pelagianismo, qui Judaismi ac

ac Gentilismi excrementum est, suos foetus enutrivit. Sic verò cœpta Christi unici Mediatoris, Solis justitiæ, gloria obscurari, ac Gratia Dei in naturam verti, imò substitutis Liberi Arbitrii viribus, vel propriis atque alienis operum meritis, aboleri.

Causa
Refor-
mationis

Id quam maxime fuit evidens elapsis ante sæculis. Neque aliunde Reformatio sua habuit initia atque incrementa, quam ex sancto pro Christi Justitia ac Gratia zelo & amore. Ardorem verò adauxerunt Jesuitæ, qui recentioris exortûs non certio rem sibi viam ad suæ Societatis gloriam putavêre, quam vehementes adversus Calvinismum pugnas, per laudes naturæ ex *Propugnaculo Humane Libertatis*, quò titulò quidam Jesuita *Gabriel Pennottus* librum adversus Gratiam scribere ausus est. Ita enim Pelagianis ex principiis, conversione & fide in Librum Arbitrium refutis, vera apparebat methodus propugnandi Justitiam suam, nec non bonorum operum merita, quæ Papatûs omnis fontem ac fundamentum constituunt.

Concilli
Tridentini
error.

Damnavit ergò Protestantes hoc nomine Concilium Tridentinum, maximè ex Lutheri libris de servo arbitrio notatis dogmatis, quæ anathemate feriret. Attamen eodem in Concilio acriter dimicabant Franciscani & Dominicani, quorum illi efficaciam Gratiæ negantes accedebant ad Pelagianos, hi verò eam asserentes consentire Augustino videbantur. Itaque hoc opus, hic labor erat Canones condere, qui quidem Protestantes damnarent, at opinionibus

Fran-

Franciscanorum & Dominicanorum præjudicium non crearent. Itaque institutâ diuturnâ deliberatione tandem Canones concepti, probatique Romæ, dubii adeò, ut Apollinis λόγια Oracula videantur.

Quò factum, ut utraque pars contendentium mox a Sessione VI. eisdem interpretata sit, quasi suæ causæ faverent. Nam Dominicus a Soto, Dominicanorum Primipilus libros conscripsit de Natura & Gratia, quos Synodica fidei Commentarios esse jactitabat. Id verò non ferebat Andreas Vega, Franciscanorum Antesignanus, qui ilicò alios edidit de eodem argumento, ut ostenderet Concilium suæ Doctrinæ non Dominicanæ favere. Nimirum hæc Patrum erat astutia, dum satis erat Protestantes damnare, lites Scholasticorum non finire, de vigentibus inter eos controversiis judicium non ferre, atque nihil definire definiendo, imò olim definita ambiguis decretis in dubium revocare. Videat Lector, quæ retulit P. Servita, *Hist. Concilii Trid. Lib. 11.* & mirabitur, quam Sceptici fuerint in tanti momenti articulo Tridentini Patres.

Sic autem sonat Sess. VI. quartus Canon: *Si quis dixerit, Liberum hominis Arbitrium a Deo motum & excitatum, nihil cooperari assentiendo Deo excitanti atque vocanti, quo ad obinendam Justificationis Gratiâ se disponat ac præparet, neque posse dissentire, si velit, sed veluti inanime quoddam nihil omnino agere, mereque passive se habere, Anathema sit.*

Canon
Concilii.

Male
damnat
Protest.

Scilicet hoc Decretum Protestantes ac præcipuè Lutherum ferit ! Attamen eorum mens detorquetur a vero sensu. Etenim non volunt, Spiritum S. ita fidem aut conversionem operari, ut in intellectu & voluntate, cum fit regeneratio, nulli omninò novì motus seu actus efficiantur, atque adeò anima sit maneatque otiosa, iners, exanimis ; Verùm id volunt, mentem ac voluntatem, in peccatore nullam habere per modum principii facultatem aut efficaciam ad Regenerationem, atque adeò ad actiones conversionis & fidei eliciendas : sed potius illas se habere per medium subjecti, in quo Spiritus S. bene operandi principia producat, ex quibus dein actiones verè bonæ, id est, salutaris fidei & conversionis profluant : sic quidem ut Gratia ex nolentibus, vel malè volentibus bene volentes faciat, & peccator actus mox agat, non aliter ac Augustinus docuit *de Grat. & Lib. Arbitrio Cap. V. xvii. de Sp. & Lit. Cap. III. de Grat. Christi, Cap. xxvii.*

Non fa-
pit Au-
gustin.

Sed non potuère Protestantes damnari, nisi impacto errore, quem errârunt nunquam. Interea apparet dictum jam Canonem Spiritum Augustini non spirare, quum hic Libero Arbitrio utique servo, & liberando ut fieret vere liberum, facultatem ad bonum ademerit, ac statuerit talem Gratiæ efficaciam, quâ, Deo faciente, & possimus operari, & certè ac invictissimè velimus. *Enchirid. ad Laur. c. xxx. de Corrept. & Grat. c. viii. xi. xiii. ad Bonif. Lib. 1. c. 3. II. c. 8. III. c. 8. IV. c. 6.*

Præ-

Præterea manifestum est, ancipitem esse Ca-^{Anceps}
 nonem, ne aut Dominicani aut Franciscani,^{est.}
 (quorum lites refert *Bellarminus de Grat. & Lib.*
Arb. Lib. I. c. 11.) eò censerentur condemnati,
 Quamquam in speciem videatur magis pro Fran-
 ciscanis sententiam ferre. Igitur Dominicani,
 ne Tridentino fulmine viderentur percussi, dum
 necessitatem efficacis Gratiæ defendunt, negant
 se Concilio adversari, quod semper statuunt in
 homine potentiam Gratiæ dissentendi, hoc sen-
 su, ut Gratiæ dissentire possit peccator, si velit,
 licet non possit id velle, quando ponitur Gra-
 tiæ efficacia, quâ voluntas invictè ad conversio-
 nem movetur. Scilicet sic Concilio satisfaciunt,
 quando eos damnat, qui negarent voluntatem,
 si vellet, Gratiæ dissentire posse. Id enim nun-
 quam negaverant, at potius contra Hæreticos
 asseruerant, qui Libertatem Arbitrii tollebant.
 Attamen Bellarminus longe aliam esse Concilii
 mentem existimavit, addens, istud non posse actû
 velle ab ipsâ Gratiâ dissentire omninò pugna-
 re cum Libero Arbitrio, quum Dominicani as-
 serant, non absque contradictione, Gratiâ in-
 tûs & activè voluntatem sic determinare, ut
 nunquam dissentiat, imo dissentire nunquam
 possit. *De Grat. & Lib. Arbitrio Lib. VI. c. 15.*

Sub finem Concilii accrevêre admodum Je-^{Molinæ}
 suitæ, qui ad Franciscanos odio Lutheri &^{ortus &}
 Calvinii accesserunt, interque eos Ludovicus^{error.}
 Molina, Fonseca, Lessius, aliique, qui auda-
 cius, quam ulli Franciscani, *cornua libertatis*, sic
 Augustinus loqueretur, extulerunt. Et quidem
 Molina,

Molina, Hispanus Jesuita, invecus primùm in Augustinum, quasi sub caligine constitutus fuisset, & cujus opinionibus tot fideles essent perturbati, libro de *Concordia Liberi Arbitrii & quest. xxiii. art. iv. & v.* palam ad Pelagianos accessit. Et mox studio Calvinianæ Hærescos oppugnandæ illius error apud Lojolitas invaluit. Quin etiam sparso repente in Universitate Lovanienti ac Duacenâ motus, haud facile componendos, concitavit. Unde Censuræ in Jesuitas utriusque Academiae, quarum supra *Lib. 1.* mentionem fecimus. Nec initiùs error Molinæ habitus est in Lusitaniâ aut Hispaniâ, maxime Salmanticensi Universitate, datâ tandem necessitate, ut ad Inquisitionis Romanæ Tribunal deferretur.

Congregat. de auxiliis.

Atque inde Congregationes de auxiliis sub Clemente VIII. & Paulo V. habitæ, suscipientibus Molinæ patrociniùm primariis fere Jesuitis, quamquam prudentium dissuaderent consilia. Hosce inter erat Baronius, qui datis ad Archiepiscopum Viennensem literis scribebat, *monui Patres meos Societatis Jesu, ne existimationem illorum in defensionem Librorum Molina periclitari sinant & in discrimen adduci.* Apud Petr. Matthæum Tom. II. *Histor. Lib. 7. Narrat. iv.*

Et paris erat opinionis Cardinalis Bellarminus, qui arbitratur Molinæ & Sequacium sententiam de Libero Arbitrio & Gratiâ a Scripturis & Augustino alienam esse, Pelagianosque errores continere, atque ægre ferebat, fuisse aliquos, qui sententiam, ex unius Scriptoris, & quidem privati, ingenio natam, quamque alii minime defen-

defendendam censebant, tueri voluerint. Nempe illi, qui tum praeerant, aliter deliberabant. Sic refert *J. Fulgatus & Sylvester de Petra Sancta in Vita Bellarmini, lib. 111. c. 5.* Confer eundem Cardinalem de *Grat. & Lib. Arb. Lib. 1. c. 12. 11. c. 12.*

Nec tamen Decreta sub Clemente VIII. in Jesuitas prodierunt, ut ut Papa Pelagianismos eorum videret. Neque etiam sub Paulo V. quamvis jam procusa forent, dissuadente Per-
Pergunt non da-
mnati
Jesuitae.
 ronio, ut ante *Lib. I.* narravimus. Unde perre-
 xere Jesuitae, licet impositum esset de contro-
 versis silentium, sic quidem, ut in Scholis ac Dis-
 putationibus publicis Augustini ejusque Disci-
 puli Thomae doctrina coeperit minori in pretio
 haberi, atque ad argumenta ex eorum authori-
 tate deprompta passim responderetur, *transeat Au-
 gustinus, transeat Thomas*, querente Archiepisco-
 po Mechliniensi, sua pro Jansenio Apologia.

Quae cum ita se haberent (sic pergit idem
 Praeful) ac interim praedestinationis, divinae
 Gratiae, totiusque operis Redemptionis nostrae
 materia in tam varias & ancipites controversias
 maneret distracta, idque unum constaret (tum
 ex antedicta Clementis VIII. ad Congregatio-
 nem de Auxiliis praefatione, tum vero ex acri
 reprehensione, quam Jesuitarum unus, nimirum
 Lessius, Molinae in primis sectator, a Sixto V.
 retulerat, eo quod Augustini in ea materia do-
 ctrinam, omnium primus in Academia Lova-
 niensi arrodero ausus fuisset) non minus moder-
 nos quam antiquos Pontifices, omnes hasce
 con-

Ratio
studii
Jansen-
tici ex
Apol.
Episcopi
Mechli-
nensis.

controversias ad normam ejusdem doctrinæ decisas velle: ita ut ipsi Jesuitæ satis ex eo certi novitia eorum dogmata subsistere haud posse, si crederentur D. Augustino adversari, eundem viribus omnibus in suas partes pertrahere, & ad suas opiniones detorquere conarentur, adeoque magis quam antehac in incerto esset, quid revera S. Augustinus senserit:

CORNELIUS JANSENIUS pro ingenio, quô valebat, profundo admodum & perspicaci, complurium annorum spatio, omne studium omnemque operam adhibuit, ut genuinam ejus in hac materia mentem, veramque sententiam erueret, tam intellectu difficilem, quam ab humana ratiocinatione, Ethnicæque philosophiæ principiis longissime distat.

Quod cum viginti annorum spatio (nempe quo Ecclesia, ductore Augustino, Pelagianos oppugnavit) præstiusset, seque mentem ipsius affecutum arbitraretur, existimavit, nihil Theologo dignius, nihil Deo, ipsique Sedi Apostolicæ gratius, & Ecclesiæ utilius se facturum, quam si eam Orbi Christiano exponeret, edito ad hoc libro, quem propterea appellavit AUGUSTINUM. Sic Archiepiscopus.



LIBRI I.
DE
CORNELII JANSENII
DOGMATIBUS,
CAPUT I.

Augustinus Jansenii editur in lucem.



Actenus vidimus Jansenii Natales, Studia, Honores, Munera, Vitam, denique Mortem: nunc ipsius Doctrinam, seu Dogmata, ex quibus tantæ diuturnæque in Romanâ Ecclesiâ turbæ, consideremus.

Expressit ea Vir Egregius magno Opere, Augustinus Jansenii. quod Augustinus dicitur, quia totius Theologiæ Augustinianæ est Thesaurus. Nempe illud absolutum dedit, quando fatis concessit, *tremente manu ultimas lineas ducens*, voluitque suô Testamentô, ut ceu Posthumus Fœtus per Tutores, quos instituit, ederetur. Nec defuere Viri Docti, quando Amici ultima voluntas, veritatis conscientia atque odium Jesuitici erroris urgeret.

Ergò mox a Jansenii fato se operi accingunt Editur a Viris Doctis. Reginaldus Lamæus, mortui Sacellanus, qui Amnienſis fuerat & chartarum corrector, *Henricus*

Calenus Archipresbyter Bruxellensis & Mechliniensis Canonicus, & *Libertus Fromondus*, Professor Lovaniensis, atque omni diligentia biennio post Authoris mortem Volumen sibi commendatum publicæ luci exposuere.

Cum Privilegio. Prodiit enim Anno XL. operâ Zegeri, Lovaniensis Typographi. excusum, ornatumque Cæsaris & Regis Hispaniarum Privilegio. Quin etiam consultum fuit illud Serenissimo Principi, Ferdinando, Hispaniarum Infanti, Cardinali, & Belgarum Gubernatori dedicare, quod ipsius umbone tutum esset. Accessit Censorum ex more testimonium & iudicium, quorum unus *Jacobus Pontanius*, Th. Doct. Pontificius ac Regius Librorum Censor scribit in hæc verba: „ Hoc Opere per „ R. D. C. Jansenium Episcopum Ipresem de „ *Hæresi Pelagianâ*, ac *Statu naturæ innocentis*, lapsæ, „ *pura*, *reparata*, singulari mirâque eruditione „ concinnato, arcanissima Divinæ Providentiæ „ circa creaturam rationalem dispositio panditur, „ Liberique Arbitrii natura & Gratiæ vires explicantur, ubique conformiter ad D. Augustini doctrinam: cujus principiis Author sic „ inhæret, ut non tam suum, quam ipsius Augustini sensum exprimat explanetve: quamobrem opus hoc prælo ac publicâ luce dignissimum censeo, fructusque eximios solidarum virtutum orbi Christiano allaturum confido.

CAPUT II.

Clam editur Opus, & nequicquam detecto negotio, spargitur per orbem.

INterea dedere Editoribus hanc culpam Jesuitæ alique, quod plurima deleverint, quæ Jansenius scripserat, suaque verba inseruerint excuso Operi, ne Authoris odia in Religiosos & iræ in ipsos Pontifices patescerent. Nimirum id detexerunt ex Autographo, quod queant ostendere, uti ante *Tom. I.* retulimus.

Deinde non desunt, qui dictitant, Editores, quasi lucem fugerent criminis conscientiam, consultis Archiepiscopo Mechliniensi & Præside Rosæo, in id studuisse, ut clam Jansenii Opus excuderent. Nimirum cum J. Zegero, Typographo Lovaniensi, pollicitatione nummorum & exacto jurejurando paciscebantur, ut summo silentio negotium exequeretur. At fortuna noluit, ut clancularius labor lateret. Etenim cum Jesuitæ Societatis suæ Jubilæum celebrarent, aderat nonnemo arcani conscius, qui inter epulas & pocula, quæ solent ora resolvere, hæcce verba effutiret, *preparari ipsis cibos, quibus brevi festa convivium agere possint.* Unde Patribus suspicio, maligna in Societatem consilia agitari.

Interim Adrianus Crommius, Collegii Jesuitici Præfectus, Zegerum, quocum familiaria sæpius colloquia habebat, convenit, atque ut solebat, Typographiam tentat ingredi. Verum

oblitteratas fores reperit. Unde suspicionis incrementum. Nec tamen detegi poterat arcanum, nisi ventus revelasset. Etenim Typographus impressas chartas aëri curaverat siccandas exponi; factum verò est, ut spirans aura unum alterumque folium diffaret. Id repertum mox a vicinis, atque ad Jesuitas delatum, qui ex ungue Leonem agnoscebant. Ergò Crommius haud jam miratus, se clausam Typographiæ januam invenisse, ilicò ad Internuntium Richardum Stravium, Cameracensem Archidiaconum, defert, quas accepisset, paginas, simulque precatur, ut suâ autoritate suppressi cæteras satageret, quando iis continerentur dogmata, quæ a Pio V. & Gregorio XIII. prohibita. Ille rem ad Academiæ Rectorem refert, qui respondit, suum non esse impedire Librum, quò minùs excuderetur, quem Censorum judicia approbassent.

Student
Jesuitæ
impedi-
re.

Ergò cum Internuntius frustrà Rectorem, Jansenio satis amicum, convenisset, statim Litteras ad Cardinalem Barberinum dabat. Hic verò confestim Urbanum VIII. Avunculum monuit, quid Lovanii ageretur, molientibus nonnullis Bajanismos iterare. Audiit hæc indignatus Pontifex, & jussit, ut Cardinalis omnibus viribus intercederet, ne inceptum Lovanii Opus in lucem prodiret. Paret is mandato & simul omni conatu Internuntius.

Frustrà.

At cum moratoriæ tergiversationes quærun-
tur, currente rotâ, & bene uncto prælo, Opus
absolvitur. Nec mora: spargitur, obnixè id
curan-

curantibus Episcopis Mechliniensi, Gandensi, Tornacensi, simulque Rosæo, Pontano, Caleno, Paludano, Sinnichio, qui Indicem composuerat, per Hollandiam vicinasque urbes, nequicquam Fabii Gighii, qui Coloniae agebat, imploratâ ope, datisque ad Barberinum rursus literis. Quin etiam mox publicè Francofurti ac Coloniae prostat, & recuditur Rotomagi in Galliis, quum satiandæ siti Eruditorum ac Fautorum Volumina decssent.

C A P U T I I I.

*Jansenii Opus insignitur Titulo,
Augustinus.*

Datum est autem excuso Operi Augustino Ratio Tituli. iste Titulus, quia Author præceperat, AUGUSTINUS. Nempe Augustini doctrinam explicabat, densis ipsius testimoniis refertissimum: & prævisa erant hostium convitia, qui, si modò Titulum attendant, monentur cavere, ne in ipsum Augustinum sua spicula emittant.

Quin etiam hic astus erat Jansenii, quod hoc titulo significaverit, se nihil intendisse, quam ut Augustini mentem exponeret, procul disputationibus, ne ipse mox pessimi erroris accusaretur. Scilicet quæstionem facti modò agitabat, quid senserint Pelagiani, quid Augustinus, dum nihil ipse juris assereret!

Itaque laudatur inde ipsius prudentia ab Epi-

scopo Gandavensi in Apologetico. „Manifestum,
 „ inquit, est, & certum, alium R. Iprensis
 „ scopum non fuisse, dum librum suum scribe-
 „ ret, quam referre fideliter & ponere ob ocu-
 „ los sensum & doctrinam S. Augustini, in ma-
 „ teriâ peccati & gratiæ, inque eum finem
 „ præfixit ei Titulum, *Augustinus*, quod clarius
 „ significaret non se loqui, sed Augustinum; se-
 „ que adeò illius solum ac nudum esse & agere
 „ Interpretem: ut de suo privatim nihil, nihil
 „ ex singulari aliqua opinione omninò admisceat;
 „ imò neque se ipsum oppignorasse, vel obsidem
 „ constituisse pro veritate doctrinæ S. Augustini.

Sic Præsul Gandavensis. Nempe Jansenius
Oper. Tom. 11. Lib. Proëm. cap. xxix. scripserat in
 hæc verba. *Non ego hic de aliqua nova reperienda
 sententia discepto, quam privatâ speculatione fabrica-
 verim: sed de antiqua Augustini ex Augustini vo-
 luminibus eruenda; hoc enim ex professo agitur atque
 queritur, non quid de natura humana statibus & vi-
 ribus, vel de Dei Gratiâ & Prædestinatione sentien-
 dum sit: sed quid Augustinus olim, Ecclesia nomine
 & applausu (quæ sententias ejus capitales tanquam
 totius doctrinæ fulcra consecravit & suas fecit) disci-
 pulis Augustini ad Scholasticorum ætatem usque ple-
 rumque concinentibus tradiderit, predicaverit, scri-
 ptoque multipliciter consignaverit. Itaque non ratio-
 nibus philosophicis, sed ex ipso Augustino, Prospero,
 Fulgentio, ex Canonibus Romana Ecclesia, quos ipsa
 ex Augustino sanxit, de Augustini adulterata vel non
 intellecta mente revincendus sum. Hominem enim ex
 Augustino & Ecclesia veteris monumentis hæc de re
 sata-*

fatagentem, per naturales rationes vel Philosophia principia revincere, imprudentia singularis est. Hujusmodi adversarium, si quis forte tam stolidus in arenam descenderet, tanquam Theseos nostra vel Hypotheseos, qua disputatur, ignarum, silentio prateribo, contemptu, quam responsione digniorem. Nec iterum in hac nostra disputatione quaritur, utrum vera an falsa sint, que tanquam sensui Augustini præferuntur, sed utrum Augustini sint. Quod profectò non aliunde, quam ex Augustino, non insacundo sensuum suorum interprete, requirendum esse vel cæci vident. Quòd si ea Doctorem istum sensisse certum fuerint, vera an falsa sint, ipse viderit; ipse an Scholastici hallucinando fallantur, prudentes judicent, & Ecclesia toties oppignorata pro doctrina ejus authoritatis mole seceruat. Mihi enim constitutum est, eandem, quam ab infantia secutus sum, sensuum meorum ad extremum spiritum usque ducem sequi Romanam Ecclesiam & beatissimi Petri in Romana Sede Successorem.

Prudenter hæc Jansenius. At sapientiùs egisset, si fidem Augustinianam ex Scripturis deduxisset, prout Professore S.S.Literarum decebat. Quamquam ista demonstrandi methodus cum Romanæ Religionis principiis & hypothësis de Verbo Dei scripto non convenit. Itaque ab Ecclesiæ Patrumque Veterum testimonio, quasi Doctores infallibiles forent, dependent Romanenses, etiã in maximò fidei, quale est de Gratiâ Servatoris, mysteriò.

Attamen ejus citata verba non carent astu, aut dolo, qui satis pellucet. Quasi verò ipse Lectorem dubium relinqueret de sua mente ! Quasi Augustini doctrinam exponendo non simul eam ad-

Non de-
est astus.

struat, probet, demonstret, vindicet! Quasi non Jesuitas condemnet, uti palam Augustinianæ fidei adversarios! Igitur Calenus in Censurâ laudat & commendat *doctrinam ab Iprensi iraditam, nisi cœlestem, Apostolicam, Divinis auctoritatibus formatam, ab Augustino Spiritu Dei revelante publicatam, tanta argumentorum & Divinarum rationum densitate stipatam, ut Lectorem, veritatis amicum, dulci quâdam violentiâ in assensum trahere videatur.* Quis non Jansenii animum inde cognosceret?

Sane omnis ejus labor in hoc componendo Opere satis scopum ostendit. Nempe pertæsus Jeliuiticorum dogmatum & solitæ doctrinæ inter Lovanienfes tenax, in id erat totus, ut *Augustini de Gratiâ medicinali Servatoris sententiam in clarissimam lucem expediret, arbitratus doctrinam esse tum maximè necessariam ad revocandam intrò & in animi centrum, veram pietatem & stabiliendum Christianæ humilitatis solidissimum fundamentum.* Sic L. Fromondus in præloquio ad *Anatomiam hominis*, quam ceu compendium Janseniani Voluminis edidit.

C A P U T I V.

Jansenii Augustinus laudatur ab his, culpatur ab illis.

Fauto-
rum lau-
des.

Igitur istud quoque tantas laudes meruit apud eos, qui Jesuitarum oderant errores, atque Hipponensem Præfulem, uti Gratiæ Præconem contra Pelagium adamarent. Nec immerito

ritò Fromondus, libro citato, Volumini dabat encomium, *Liber vastus est, nec nisi longo tempore & a vacuis legendus; materia summis ingeniis dignissima, imo fundamentum, cui tota Christiana Religionis moles & vite cœlestis, quam Christiani vivere debent in terris, sanctitas innitur.* Atque idem plurimi firmabant, qui interne orationi Divinaque contemplationi ex professo addicti, a sensibilibus mundoque aversi, in fundum sua anima conversi, cum Deo tranquille & dulciter habitabant. Sic Fautores in Zegeri querimonia.

Itaque Valerius Andrea in Biblioth. Belgicâ hoc Jansenio ponebat monumentum. *Jansenius adversus Pelagianos natura humana stantis, seu innocentis vires, lapsæ vulnera & gratiæ per Christum scilicet Liberatricis naturam, efficaciam, necessitatem e profundissimi omnium Theologorum Magistri principiis dilucide ac solidissime (ut testimonia cordatiorum omnis fere Ordinis Theologorum fidem faciunt) ob oculos posuit.* Ita scribebat hic ICTus Lovaniensis Anno statim 1643.

Verùm uti istis Liber Jansenii erat gratissimus, sic aliis, quos petebat, fuit horridus & summopere invisus. Etenim vel solo titulo, atque omni paginâ damnabat Jesuitas ceu Pelagianos, maximè illos qui Molinam sequebantur, quorum haud ferenda diutiùs erat audacia. Sane Jesuita F. Suarez ipse cautiùs egerat, forte Romanæ Curiae metu, quando concesserat ex Augustini mente materiam de auxiliis esse pertractandam, *Proleg. vi. de grat. c. 6. apud Noris, Vind. August. cap. 111. §. 2.* Licet eam pro suis princi-

Aliorum
vituperia.

piis, fallens Lectorem, explicaret, uti Janſenius non ſemel obſervavit. Verum cæteri poſt Molinam in ipſum Auguſtinum fuerant inveſti intolerandum in modum, poſt habitas Congregationes de Auxiliis; ut debuerit a Doctõribus, quæ de meliori luto præcordia, ſæpiſſime defendi, ceu queritur *Episcopus Mechlinienſis ſua Apologia*, ac nuper Celeb. Noris, in *Vindiciis Auguſtiniæ*, quibus cxxxv. (vix aliquis credidiſſet) Jeſuitarum in Hipponenſem convitia retudit.

Eorund.
in Au-
guſt.ca-
lumniz.

Summa eorum erat, uti habet in Præfatione, *ejus doctrinam obſcuram, difficilem, intricatiſſimam, ſecum ipſa pugnantem, pluribusque erroribus obnoxiam eſſe. Poſitum illum ſub caligine. In Pelagianis oppugnandis ultra veritatis limitem aſtu diſputationis abreptum. Licuum eſſe nedum judicem, ſed ne arbitrum quidem honorarium in controverſiis de Divinâ Gratiâ illum admittere. Ipſius arma non eſſe inexpugnabilia, neque ſatis apta ad Calvinistas ſuperandos. Hæreticorum argumentis minime ſatiſfeciffe, neque poſſitas abs ſe Theſes convincentibus argumentis comprobaſſe. Non eſſe ſepeliendam Scholaſticam, ut unus regnet Auguſtinus, ſed hunc ipſum ad Scholaſtica amuſſim exigendum. Ridiculos Auguſtini adoratores ad nauſeam hyperbolicas in eundem laudes congerere. Volentem impugnare Auguſtini ſententias habiturum adjutorem Deum. Hæc ibi. Paria refert Sanctamoreus in ſuo Diario. Miſera foret Eccleſia, ſi S. Auguſtini placitis obſtrieta maneret. Eccleſia a turba & paedagogia Auguſtini eſt vindicanda. Auguſtini auctoritatem interponentibus reſpondendum, Eccleſiam*

*eleſtam in ſuis filiis uſque hodie crefcere, etiam erudi-
tione: Dotes Auguſtini non fuere altioris ordinis quam
Scholaſticorum: Auguſtinum ſub caligine fuiſſe con-
ſtitutum & alio modo diſputaturum fuiſſe; ſi hac vi-
xiſſet tempora.*

Sic Jeſuitæ pro ſua magnanimitate, ſed pluri-
mum pro erroris conſcientiâ, quum diſpliceret Ratio
odii in
Janſen.
iſtis terribilis Janſenii Auguſtinus, ipſique Vi-
rum odio haberent, qui eos tot telis confoderat.
Nimirum (ſic Janſenius) Semipelagianorum do-
gmata illi non ſatis penetrarunt, potius excuſa-
runt, Liberum Arbitrium extulere nimium, Sta-
tum naturæ puræ finxerunt, uti hominis primi
mortalitatem, Gratiam Libero Arbitrio ſubjece-
runt, Auguſtini verba contorſerunt in ſuam
rem, & adulterarunt, quin ipſas objectiones Pe-
lagianorum allegarunt quaſi ipſa Hipponenſis di-
ctamina, atque adeò iſtorum Hæreticorum vera
ſoboles erant cenſendi, & ad Auguſtini Tribu-
nal citandi, ut damnarentur. Sane iſte Præſul
in quæſtionibus de Auxiliis, inter Dominicanos &
Lojolitas hætenus motis, ſic ſententiam dicebat,
ut litem finiret, ſi modo intelligeretur & agno-
ſceretur cum Paulô, veræ Gratiae Jeſu Chriſti
Præco. Quidni ad hæſce accuſationes ſummopere
indignarentur læſi ipſorum animi?

Igitur mox ab edito Janſenii Auguſtino auditi
eorum clamores & convitia in Virum, in Volu-
men poſthumum, in Dogmata, primùm Theſi-
bus, deinde Libellis ac Concionibus ad plebem,
ac denique querelis libellisque ſupplicibus ad Re-
ges, ad Cardinales, ad Pontifices, cō eventu,
ut

ut tandem sequeretur Libri interdictum, doctrinaeque Authoris Romana condemnatio, uti referam, quando de Jansenismi vario in Belgio, in Gallia, in Italia fato & fortuna erit dislegendum.

August.
a Reformatione de-
fensus.

Interea non nesciat Lector, jam ante recentiores Augustinianos & Jansenitas, nostrum Calvinum doctrinam *Augustini de Gratia* laudasse, celebrato illius nomine contra illos, qui scribere ausi erant, ipsum captare singula verba adversariorum, quærere semper aliquid, quod cavilaretur, ut in nonnullis, nisi disputandi mos excusaret, candorem ejus desideres; porro multa in conflictatione effundere ad illaqueandum, captionibus hostem, indigna alioqui, quæ serio ab eo dicerentur, *Opusc. Tract. de Lib. Arb. pag. 162.* Itaque Augustinum ubivis spirat Calvinus, maximè in Institutionibus, quando Pelagianis erroribus se opponit. Atque inde Reformati semper magno consensu Scripta Augustini tuiti sunt, plurimum quando Remonstrantes ejus scripta & dogmata contemnerent. Itaque habitus est Augustinus G. Twissio contra furores Pelagianorum ceu murus aheneus, culpantibus Arminianis, quod varius fuerit & inconstans, imò evitandi Pelagianismi studio ad Manichæismum, cui juvenis adhæsisset, deflexerit. Atqui responsum est a nostris, Augustinum alia juvenem, alia Virum & Senem scripsisse, agnito etiam errore in *Retractionum Libris*; falsòque ipsi Manichæismos adscribi, quod peccatum originale defenderit & Gratiae efficaciam. Sane Pelagianos

nos potius istius criminis reos esse, quod mala peccati ad naturam retulerint, cum blasphemia in Deum Creatorem, quæ ipsum Manichæismum superaret. Sic videre est apud Remonstrantium Antagonistas, maximè Celeb. *Heidanum* in comparabili *Libro de Causâ Dei*, qui quasi ex Augustino compositus est; nec desunt in *Præfatione* Jansenii laudes, pro illius honore & dogmate pugnantes. Adde quæ nos in *Triumpho Verit. Evang.* diximus, *Tom. II. Lib. II. c. 2. 5. 7. 8.* Cur nos meruimus ergò tanta a Jansenitis vituperia? An ut habeamur Hære ci, qui nihil cum Augustino habeamus commune? O Viri, si Româ excedere nobiscum placuisset, æquiora de nobis judicia ferretis!

C A P U T . V.

Summa Operis Janseniani, quod Augustinus dicitur.

SEd ipsa Augustini Janseniani Dogmata accuratius cognoscamus, eoque Summam Magni Operis exhibeamus. Igitur *Tom. I. de Hæresi Pelagiana* historicè dislerit, Lib. I. castigante nonnullas hallucinationes Norisio, ut ut dogmatis Jansenii assentiretur, in *Historiâ Pelagianâ*, non uno loco. Hinc exponit, quænam fuerit sententia Pelagianorum de *Libero Arbitrio*, & *Statu primorum hominum*. Lib. II. De *Peccato Originali* & *conditione parvulorum*. Lib. III. De *peccato* & *virtute hujusque principis*. Lib. IV. De *Pela-*

Summa
Tom. I.

Pelagianismi Statu, qui fuerit primùm *Ethnicismus*, dum nudam naturam falso sub nomine Gratiae prædicaret, deinde *Judaismus*, sub Legis laudibus. Lib. v. agit de ejusdem statu, quatenus fuit *Christianismus*, in confessione Gratiae, electionis, vocationis, justificationis. Ac deinde porrò agit de *Origine Pelagiana hereseos*, *Philosophia*, & *Pelagii moribus*, *indole*, *fraudibus*. Lib. vi. De variis *Pelagianorum Sectis* & divisionibus, ubi de *Semipelagianismo*, *Faufti* & *Cassiani*. Lib. vii. Denique de *Dogmate Massiliensium*, *Semipelagianorum*, ut & *Heresi Prædestinationum*, quæ non nisi ficta sit ab istis per calumniam, ut doctrinam Augustini infamarent.

Summa

Tom. II.

Tomo II. ante omnia *Libro Proæmiali* agit de *Theologia principiis* (invectus in Pelagianos & Scholasticos, qui *ratione* inquirere vellent in Dei mysteria, etiam procul *charitate*) adeoque de *Scripturis*, *Conciliis*, *Patribus*, *Ecclesie oraculo* (ubi se rigidum Papistam ostendit) præsertim de *Augustino* ejusque *authoritate* & *laudibus*. Deinde differit *Libro singulari* de *Statu nature innocentis*, *Hominum* & *Angelorum*, atque adeo de viribus *Liberi Arbitrii*, Gratiae adjutorio, tum requisito, immortalitate, cæterisque dotibus ad hunc statum spectantibus. Porrò de *Statu nature lapsæ* Libris iv. differit, i.e. de *Peccato Originali*, illiusque propagatione, de peccati istius poenis, de viribus *Liberi Arbitrii* post peccatum, adeoque de operibus ante Gratiam factis, ac virtutibus Gentilium, quæ non fuerint veræ, sed verisimiles. Inde pergit ad dogma de *Statu puræ naturæ*,

naturæ, quoad animam & corpus, quem credunt Pelagiani, Illud autem exponit, refutat, & condemnat cum Augustino, ubi fusè de naturali ignorantia, concupiscentia, miseriis corporis, aliisque contra Pelagianos, nec non Scholasticos, qui illos secuti, disputat.

Tomo III. fusè de *Gratia Christi Salvatoris* Summa Tomi III.
Libris x. disceptat. Et quidem *Lib. I. De naturâ illius Gratiæ & laudibus.* *Lib. II. De verâ voluntatis Gratiâ, quoad modum operandi:* ubi distinguit gratiam primi hominis a gratia hominis lapsi, atque asserit hujus efficaciam quoad habitus & actus, etiam singulos, necessariam. *Lib. III. differit de Gratiâ sufficienti,* quam negat & refellit. *Lib. IV. De Gratiâ Christi essentia,* quæ sita sit in cœlesti delectatione, nec non de illius variis divisionibus. *Lib. V. De istius Gratiæ effectibus,* ubi de amore Dei, fide, spe, &c. *Lib. VI. & VII. De Libero Arbitrio,* ejusque natura, ubi varia de voluntatio, necessario, indifferenti, &c. *Lib. VIII. De Concordia Gratiæ & Liberi Arbitrii,* licet sub Gratiæ istius prædeterminatione & victrici efficacia. *Lib. IX. De Prædestinatione hominum,* quæ sit libera, gratuita, ante omnium operum provisionem, nec non *Angelorum.* *Lib. X. De Reprobatione Angelorum & hominum:* & horum quidem reprobationis ordinem exponit, nec non rationes in liberâ Dei voluntate ponendas & quærendas, refutatis, quæ obijci possent.

Hiscæ omnibus subjicitur *Epilogus, qui erroris Massiliensis & recentiorum quorundam (Jesuitarum)* Epilogus
παράλλου & stateram contineret. Convenientia autem

tem I. ostenditur in doctrina de Prædestinatione. II. in oppugnanda efficaci Gratiâ. III. in eodem conceptu de ipsa Gratiâ, utrimque agnâ. IV. in objectionibus, quibus pugnaverint, & gradibus, quibus utriusque in errorem sint prolapsi. Quæ omnia fusè Author; nec fieri potest, ut quidquid asseruit vel impugnavit, distinctiùs repræsentemus.

CAPUT VI.

Dogmata Jansenii ex Catechismo Gratiæ.

Satis ex dictis mens Authoris intelligitur. Ut tamen abunde satisfiat, videamus, quo modo sui Patriarchæ sensum explicuerint Jansenistæ in *Catechismo Gratiæ*, edito A. MDCL. & recuso dein sub titulo, *Elucidationes quarundam difficultatum de Gratiâ*.

cap. I. Ergo Cap. I. distinguunt duplicem Gratiam, ut una sit, quæ datur per merita Christi, altera non: hæc quippe nostra est, illa Angelorum & primi hominis. Jam verò dicunt primum hominem & Angelos creatos esse in statu sanctitatis, justitiæ, cognitionis & amoris Divini, Deo simul formante naturam & conferente suam Gratiam. Proferunt porro illos in alio statu creati non potuisse, quum Deus nihil queat facere, quod in recto ordine non sit; quod factum fuisset, si non in tali statu essent creati: quia ordo creaturæ rationalis est ferri in Deum, ceu suum centrum & originem. Quo conceptu petuntur Pelagiani, concipientes statum puræ naturæ, seu

seu constitutum hominem in puris naturalibus, quos bellè Jesuitæ securi sunt.

Cap. II. differunt de *Gratiâ Christi*. Hanc de-
 Cap. II.
 finiunt internam, quæ cor occupat, duritiem
 ejus frangit & abrumpit vincula, illi victoriam
 confert de affectibus, ejus sanat vulnera, &
 tantum facit, ut velit & operetur, quod bo-
 num est, secundum beneplacitum Dei, adeò
 ut non det solum posse, sed faciat ut velimus
 victrici potentiâ & auxiliô. Hinc addunt, illam
 Gratiâ semper efficacem esse, ac producen-
 tem effectum suum, ut nunquam rejiciatur,
 cum ipsa voluntatem rejiciendi adimat, &
 quamvis resistantiam superet.

Deinde quoad effectum convertentis Gratiæ,
 docent illâ concupiscentiam non destrui totali-
 ter in hac vitâ, licet paulatim imminuatur &
 debilitetur: ut hic non sit perfectio charitatis
 expectanda, at demum in cœlo, quando no-
 vus homo veterem annihilaverit. Denique ur-
 gent, hanc Gratiâ non lædere nostram liber-
 tatem: cum Deus interior sit voluntati, quam
 ipsa sibi & noverit perfectè ejus naturam ac quas-
 libet res convenienter suæ naturæ gubernare.

Subjiciunt autem egregias rationes notatu
 dignissimas. Non læditur Gratiâ libertas, in-
 quiunt, I. quia nunquam liberior est voluntas,
 quam dum agit, quandoquidem actio est ex-
 ercitiu suæ libertatis, Deus autem facit, ut
 agat, siquidem illam velle facit. II. Ut subdi-
 tus nunquam est liberior, quam cum magis
 subest legitimo suo Principi, sic nunquam libe-

rior est voluntas, quam cum Deo subest. III. Ut captivo non aufertur libertas, cum ejus vincula franguntur, & ipse ex carcere educitur; ita non aufertur, sed confertur libertas voluntati, cum exsolvitur vinculis concupiscentiæ & ex ista servitute liberatur.

Cap. III.
de Lege.

Hæc de *Gratia*: Caput *Tertium* Catechismi Jansenistarum agit de *Lege*: & quidem distinguunt Authores in Legem Veterem & Novam. Illa est data ministerio Moïsi; hæc continet Gratiam, cujus proprium est nos renovare in ea justitia & sanctitate, quam amisimus. Et Nova appellatur, quia confert Gratiam, quam Vetus promittebat. Assignant ulterius differentiam inter Legem Veterem & Novam, uti appellant, ut Lex Vetus nihil aliud fuerit quam corpus, cujus Nova spiritus est, adeoque inter utramque tantum discriminis intercedat, quantum interest inter corpus exanime & corpus animæ conjunctum; inter umbras & lucem; inter nubes & Solem; inter dantem & promittentem.

Quod tamen illi sic non intelligi volunt, quasi Patribus V.T. omnem Gratiam ereptum irent. Nam ilicò dicunt, nullam quidem Lex Gratiam animas Sanctificantem conferebat: Deus tamen quibusdam sub eâ Lege agentibus talem dabat Gratiam, non vi illius Legis, sed vi Novæ, ad quam pertinebant. Sancti quippe, qui illo erant tempore, respiciebant ad J. Christum venturum (ut nunc nos ad Eundem, qui venit) & sperantes suam per ipsum redemptionem, ejus meritum suscipiebant, & cum Ju-
dæi

dæi nomine tenens essent, reverà erant Christiani, utpote quum fides in J. Christum semper necessaria ad salutem fuerit.

Et hæc quidem in fundamento vera sunt & Augustiniana, prout ex illius Hipponensis ubique verbis apparet, opponenda Pelagianizantibus, maximè Pontificiis, qui intercedunt ubique Patrum Spirituali statui & beatitudini post mortem. Libet in gratiam Pontificiorum aliqua ex Augustino citare, ut videant, quam rectè nos & convenienter Augustinianæ Theologiæ de statu Ecclesiæ sub V. T. doceamus.

Sic ergò ille, Tom. VII. ad Rom. Lib. III. Cap. 4. scribit, Patres fideles ante Christum *V. Testamenti gestatores, Novique Testamenti heredes fuisse, hinc positos sub Gratiâ ad Novum pertinuisse Testamentum, ut Filios promissionis & regenerationis à Deo Patre & libera matre. Pergit, eadem est igitur fides & in illis, qui nondum nomine, sed re ipsa fuerunt Christiani, & in istis, qui non solum sunt, sed etiam vocantur, in utrisque eadem Gratia per Spiritum sanctum. Absit, ut antiquos justos non libera, sed ancilla Filios dicamus. Sic Libro 1. ad eundem Cap. XXI. Quantalibet fuisse virtutis prædices antiquos justos, non eos salvos fecit nisi fides Mediatoris, qui in remissionem peccatorum sanguinem fudit Hoc vos non vultis Inimici Gratia Christi, ut eadem Gratiâ 7. Christi salvi credantur antiqui: sed distribuitis tempora secundum Pelagium, quasi hominibus superiorum duorum temporum, ante Legem scilicet & in Lege, Sanguis Christi non fuerit necessarius: evacuantes, quod dictum*

dictum est: unus Deus, unus Mediator Dei & hominum, homo J. Christus.

Ut sic satis videamus, quid Jansenistæ juxta principia Augustini, quem adedò venerantur, de Statu Patrum sub V. T. adversus communes Romanensium errores sentiant, saltem sentire debeant. Pergamus in exhibenda Catechismi Summa.

Cap. IV.

Igitur Cap. IV. continet doctrinam Jansenii de *Gratia Effectis & Necessitate*. Atque ibidem asserunt Christi Gratiam omninò ad fidem necessariam esse, adedò ut ipsum credere in nobis efficiat, citatis Scripturæ verbis, 2. Cor. III. 5. *Ephef.* XI. 8. *Actor.* XVI. 14. Hinc illam non omnibus esse communem, ex *II. Thesi* III. 2. *Rom.* X. 14. Requiri eam ad gratas Deo preces, at non omnibus dari. *Rom.* VIII. 26. Porro necessariam esse, ut bene fiat quælibet actio, id est, propter Deum & ad illius gloriam, cum aliàs sit infecta proprii amoris veneno. Deinde ut superentur adversæ tentationes (quandoquidem nemo ex se quidquam habet præter peccatum & mendacium) nec non, ut quis ad finem in statu Gratiæ perseverare possit, & de facto perseveret. Quæ Scripturaria sunt, *Phil.* I. 6. II. 13. *1. Pet.* I. 5. & Augustino consona: *Enchirid.* ad *Laurent.* c. XXXII. de *Corrept. & Gratiâ* Cap. XII. de *Bono Persever.* Cap. XVII.

Cap. V.

Ulteriùs Cap. V. complectitur ad quædam popularia dubia circa doctrinam de Gratiâ *Responsiones*. Et quidem docet I. eam nullo modo hominem ad impiam de salute dubitationem perducere,

ducere , quum nullus certus esse possit se non aliquando Gratiā habiturum , Deo illam quandoque maximè obduratis largiente. II. Nos certiores esse , si salus committatur potius Deo quàm propriis viribus , quia ille nos magis amat , quàm ipsi nosmet amamus. III. Doctrinam de Gratiæ efficacia hominem suæ salutis negligentem non facere , exemplis Sanctorum , qui expressam victoriæ promissionem habuere , nihilominus sic agebant , ac si ea in propria potestate fuisset. IV. Utiliter fidem de Gratiâ populo proponi posse , qua facit ad sui humiliationem fiduciamque in Deo collocandam , quin maximas reddendas ei gratias , eo quod nos ad fidem & Gratiā evocaverit. V. Non everti usum adhortationum & correptionum hac sententiâ , cum sint convictiones de officio atque communicandæ internæ Gratiæ instrumenta , nec Deus teneatur alicui dare Gratiā , ac omnis peccator peccet propria culpa , concupiscentia & mala voluntate. Confer *Augustinum de Corrupt. & Gratiâ*, Cap. III. 13. & seqq.

VI. *Caput agit de Peccato Originali*: ibique pro- Cap. VI.
fitentur Jansenitæ juxta Præceptorem peccatum primi parentis transire in omnes posteros. Originale peccatū consistere in criminali concupiscentia , quæ hominem Gratiâ privat , avertit à Creatore , addicit creaturæ , subjicitque quibusvis miseriis in & post hanc vitam , ac ipsi morti tanquam pœnæ. Propagationis porrò modum generationem statuunt juxta Janse-

nium, qui imputationem primi peccati ex pacto & fœdere videre in Augustino non poterat. Pœnas concupiscentiæ assignant ignorantiam, errorem, difficultatem agendi & tandem ipsam mortem, cum homo non fuisset moriturus, nisi peccasset: mors enim, inquiunt, non nisi per peccatum ingressa est mundum: & cum mors supplicium sit, ei adjudicare innocentem Justitia Divina non posset. Neque anima à corpore separari potest, quin prius à Deo separata sit per peccatum. Quæ Scripturaria maximam partem & Augustiniana sunt. *Rom. 5. 12. vi. Ult. Vide Jansen. August. Tom. II.*

Cap. VII. Post hæc de *Prædestinatione* agitur *Cap. VII.* illam definiunt Authores, quod sit præparatio Gratiarum, quibus Deus infallibiliter liberat, quos vult, ex æternâ illâ perditione, cui suberant per lapsum primi hominis, ut eos per media infallibilia deducat ad vitam æternam. Seu Dei propositum ab æterno factum quosdam eligendi ad gloriam æternam, illisque dandi media, fidem, conversionem & perseverantiam, cò perveniendi.

Hinc docent, I. Prædestinationem opera (quæ merita appellant) antecedere, cum hæc sint illius effecta & consequentia, ut munera & dona Dei. II. Prædestinationem ad gloriam præcedere Prædestinationem ad Gratiā & Perseverantiam. III. Hinc quærunt, an pro prædestinatis tantum J. Christus sit mortuus? Et respondent, mortuus est pro omnibus hominibus, ut daret gloriam electis & gratias transi-

transitorias quibusdam è reprobis: mortuus est pro naturâ omnibus communi; pro peccato, quod est commune omnibus; pro hominibus quarumvis nationum, dignitatum, sexuum, ætatum & conditionum: non tamen eo fine, ut singuli homines, nemine excepto, mortis suæ fructum consequerentur, sed eo demùm fine, ut offerret pretium sanguinis sui ad servandos suos electos, diffusos per omnes locos, conditiones & nationes.

Denique subjungunt Catechistæ, Deum non alios velle servare, quàm electos, quia, si omnes servare vellet, etiam de facto servaret, omnia faciens, quæ vult in cœlo & terra. Ad locum autem πολυβύλλητον, 1. *Timoth.* 11. 4. respondent, eum esse intelligendum non de singulis hominibus, nullo excepto, sed de omnibus electis & prædestinatis, qui sunt ex omni ordine, ætate, sexu, natione & conditione. Sic illi, & quidem juxta Augustini principia, ut deinde erit probandum.

CAPUT VII.

XII. Dogmata Jansenii primaria, & vulgaribus Romanensium erroribus opposita, veluti in Tabella exhibentur.

ATque hæc tùm Augustini Janseniani, tùm Catechismi Gratiæ Summa est,
 Q + Nunc

Dogmata
Janse-
nii præ-
cipua.

Nunc Dogmata, uti communibus Scholasticorum erroribus opponuntur, ceu in Tabella exhibeamus.

I. PRIMUM esto. Homo primus necessàriò cum Gratia, qua Deum amare & tendere ad summum finem posset, creari debuit: itaque iustitia ipsi non supernaturalis, sed naturalis fuit. Unde pessimè errârunt Pelagiani, quando statum puræ naturæ absque moralibus dotibus confinxerunt, in quo fuerit naturalis ignorantia, concupiscentia, rebellio carnis & spiritus, corporis infirmitas & mortalitas. *August. Janseniani, Tom. 11. Libris de Statu puræ Naturæ, passim.*

II. SECUNDUM: Peccatum non potest non puniri à Deo, adeoque datur peccatum puniendi necessitas; non inde, quod Deus ita suâ voluntate constituerit, sed ex æterna Lege, quæ ipse Deus est. Itaque nihil malî creaturæ, quæ bona debet primùm creari, accidere potest, nisi ex Dei Justitia, peccatum necessàriò puniente, & mors non nisi pœna est peccati. *Tom. 11. de Statu puræ Nat. Lib. 111. c. 2. & seqq.*

III. TERTIUM: Per peccatum in statu naturæ lapsæ amissâ est indifferentia ad bonum & ad malum. Hinc Libertas Arbitrii, captiva evasit & servituti obstricta, subjecta concupiscentiæ dominatui, & tyrannidi Diaboli: adeoque periit non modò ad agendum bonum, verùm etiam ad abstinendum a malo, investâ ad peccandum necessitate. *Tom. 11. de Statu Naturæ lapsæ Lib. 111. passim.*

QUARTUM: Nullum est verè bonum opus, seu vera virtus nulla est, nisi quæ fiat ex amore Dei, justitiæ, ultimique finis. Hinc cum amor creaturæ, mundi & cupiditatis in omnibus infidelium operibus principatum teneat, non est in ipsis verè bonum opus; habentque illi virtutes non veras, sed verisimiles. *Tom. II. de Statu Naturæ lapsæ, Lib. IV. passim.* IV.

QUINTUM: Libertas Arbitrii est potestas agendi, quod velis, nec ad eam requiritur indifferencia ad bonum & ad malum, quod ex Libertate Dei, Beatorum & Diabolorum apparet. Quin etiam sicut Libertati ad bonum nihil derogat impotentia ad malum, sic Libertati ad malum non derogat impotentia ad bonum. *Tom. II. de Statu Naturæ lapsæ, Lib. III. passim. & Tom. III. Lib. VII. Cap. XI.* V.

SEXTUM: Libertati non repugnat auxilium Divini indigentia. Imò nisi per Gratiam liberetur, non nisi ad peccandum valet, cum homo lapsus in se nihil habeat nisi peccatum & mendacium, juxta Concilii Arausicani Canonem. At per Gratiam Medici Servatoris liberari debet, ut fiat libera ad bonum, servaque justitiæ hic in gratia, & tandem in pace, id est gloria. *Ibidem. & Tom. III. de Gratia Christi. Libr. II. Cap. III. & passim.* VI.

SEPTIMUM: Gratia ista Servatoris non tantum dat posse bene operari, sed etiam ipsum velle quod possumus, eaque est sic ipsa efficax & victrix, cum sit potentissima Libertatis ægrotæ per omnipotentem Medicum sanatio. *Tom. III. Lib. II. Cap. XXIV. & seqq.* VII.

VIII. OCTAVUM: Omnis Gratia medicinalis seipsâ est efficax; nec est ulla universalis sufficiens, quæ omnibus detur, & quâ possint se convertere, si velint: illa potius, quæ vulgò talis a Scholasticis statuitur, monstrosa est; nec illi a contradictione se exsolvere possunt, qui sufficienti efficacem superaddunt. *Tom. III. Lib. III. passim.*

IX. NONUM: Gratia medicinalis consistit in cœlesti suavitate & spirituali delectatione, qua voluntas flectitur ad id agendum, quod bonum est. Nec sufficit illa, quæ ad intellectum modò pertingit; illa enim non valet voluntatem sub peccato captivam liberare. Imò ista Gratia ad omne bonum opus est necessaria, ut sit verè bonum; nec ullum prorsus bonum opus ab homine lapso fieri possit, nisi per medicinalis Gratiæ inspirationem a concupiscentiæ dominatu liberetur & sanetur. *Tom. III. Lib. IV. Cap. I. & seqq.*

X. DECIMUM: Gratia ista etiam fideli necessaria est, ut hic & nunc bonum opus faciat, peccata evitet, temptationibus resistat, easque vincat & superet, adeoque quàm maximè ad perseverantiam. Hic sane illius Gratiæ effectus est. *Tom. III. Lib. V. passim.*

XI. UNDECIMUM: Gratia illa datur ex æterno immutabili singulari Prædestinationis consilio. Illa verò antecedit omnia opera, quin potius ex ea datur Gratia, quâ bonum opus fieri queat. Est enim præparatio gratiæ & gloriæ. Unde etiam certè obtinet data perseverantia suum

suum effectum & finem. *Tom. III. Lib. IX. Cap. xv. & seqq.*

DUODECIMUM: Christus ex isthoc Prædestinationis consilio mortuus, solum pro electis mortuus est, eo fine, ut salventur; neque adeo indifferenter omnes redemit, ut ex æquo servari possint, licet reprobi ex ejus morte gratiam sed transitoriam recipiant. *Tom. III. Lib. III. Cap. xx.* xii.

CAPUT VIII.

Jansenii Theologia de Natura & Gratia est ipsius Augustini.

Sic ergo sese habet Janseniana de Gratia & Libero Arbitrio Doctrina. Atqui negari non possit, illam Augustinianæ fidei esse consonam, si utramque æquo judicio libremus.

Est enim certissimum, Hipponensis hanc mentem fuisse, amissâ per peccatum ad salutare bonum potestate seu libertate, necessariam esse peccatori Dei Gratiam, qua illud agere & possit & velit. Itaque rectè explicuit Augustini hanc doctrinam *Lutherus de Servo Arbitrio, Calvinus in Opusculis Tract. de Libero Arbitrio & Predestinatione, Beza in Colloq. Montisbelgarensi.* Quibus addere licet Remonstrantium adversarios *Twissum, Rhetorfortem, Amesium, Heidanum*, maximeque de Pelagiana Hæresi Scriptores, quales *Latius & Forbesius*, quibus *Vossium* jungerem, nisi in nonnullis Arminianis blandiri nimium constituisset.

Hauriri

Unde
haurien-
da Aug-
ustiniani
fides.

Hauriri autem Augustiniana fides queat ex ejus *Libro c. Hæreses ad Q. V. D. cap. LXXXVIII.* quo breviter Hæresin Pelagianam depinxit, deinde ex ejus disputationibus contra Pelagium, Coelestium & Julianum, nec non responsionibus ad literas Prosperi Aquitanici & Hilarii Arelatensis, quibus Gallorum querelæ & objectiones adversus Augustini doctrinam continentur. Porro ex Conciliis, Milevitanâ, Carthaginensi, Arausicanâ, illarumque ad Episcopum Romanum literis, quæ inter Augustini Epistolas reperiuntur, N. 175. 176. 177. Addi queunt scripta Prosperi Aquitanici, Tyronis, Fulgentii, maximeque sæculo IX. Ecclesiæ Lugdunensis, Remigii, Prudentii Trecaffini, Lupi Servati, Flori Magistri, quæ congeffit in *Vindictis Gratia Amplissimus Manguinius.*

Neque adeo seipsum fefellit Jansenius, prout brevioribus ostenderunt *F. Contrius in Peregrino Jerechuntino, Fromondus in Anatomia Pii Hominis, Sinnichius in Triade S. Patrum, Augustini, Prosperi, Fulgentii: & nuper rectè Elias du Pin, Doctor Sorbonicus & Regius Professor, Nouvelle Biblioth. des Auteurs Ecclesiastiques, Tom. III. ubi pag. 254. hanc summam Augustinianæ fidei exhibet.*

Illius
Summa
ex du-
Pinio.

„ Deus hominem creavit in statu innocen-
„ tiæ, sanctitatis & gratiæ, haud obnoxium ne-
„ cessitati moriendi, aut morbis, dolori, con-
„ cupiscentiæ, ignorantia, similibusque natu-
„ ræ defectibus, quæ sequelæ & effectus sunt
„ peccati. Libertas ejus erat integra, nulloque
„ modo debilis, sed indifferens ad bonum &
„ malum,

„ malum , quamvis bonum facere sine gratiæ
 „ auxilio non posset , quæ tamen ejus arbitrio
 „ erat submissa. Talis ergò Illius status erat
 „ veluti Angelorum , & fuisset quoque omnium
 „ Posterorum. Atqui peccans & Ipse & Posterì
 „ simul subditi sunt morti , dolori , morbis ,
 „ maximeque ignorantia & concupiscentia.
 „ Imò verò illi nascuntur viâ ordinariæ genitu-
 „ ræ sub peccato originali , quod ipsos infantes
 „ subjicit iræ Divinæ , & damnationi , nisi Bapti-
 „ smo regenerentur. Libero arbitrio necessa-
 „ ria est gratia , quâ bonum infallibiliter &
 „ velle & agere faciat , imò etiam in bono per-
 „ severare. Non tamen ea nos privat libertate ,
 „ quia mandata Dei observamus , quatenùs vo-
 „ lumus , estque gratuita adeò , ut ex massâ
 „ corruptâ liberet , & in eâ relinquat , quos vult.

Hæc Du-Pinius , nec alia , quæ habet , adno-
 tamus , quòd sint fusiora & nonnulla Augustini
 nævos contineant , de quibus aliàs erit disse-
 rendum. Potiùs nos ejus doctrinam , a nobis di-
 ligenter ipsius lectione observatam , quatenùs
 ad scopum facit , ad hosce articulos revocemus.

PRIMUS est. Homo primùm a Deo con-
 ditus creatus est , uti creari debuit cum amore
 Dei , Summi Boni , & desiderio æternæ beatitu-
 dinis , absque pravæ concupiscentiæ motibus ,
 & inclinatione ad malum ; potiùs cum amore
 justitiæ naturali , & aversione a peccato , uti
 immunitate a morte & prodromis naturæ de-
 fectibus : id est sanctus , justus , & immortalis.

De Civit. Dei Lib. XIII. XIV. c. II. ad Laurent.

cap. CIV.

Dogma
Augusti-
ni I.

cap. CIV. CV. c. *Hæres. ad G. V. D. cap. XXXVIII. c. Julianum. Lib. III. § IV.*

- II. SECUNDUS: Liberum Arbitrium ante lapsum ad omne bonum valebat; verum per peccatum est amissum, factumque aded servum, ut valeat non nisi ad malum. *Augustin. Disput. cum Fausto Manicheo ad Laurent. cap. xxx. de Liter. & Spirit. cap. xxx. de Corrept. & Grat. c. XI. 13. ad Bonif. Lib. I. c. 3. III. c. 8. IV. c. 3.*

- III. TERTIUS: Itaque istud se ipsum liberare non potest, sed requiritur Dei Gratia, qua fiat liberatum, id est, vere liberum. *De Corrept. & Grat. c. II. 13. Epist. CVII. ad Bonif. Lib. III. 8. IV. 3.*

- IV. QUARTUS: Hæc Gratia peccatori reddit vires & facultates, id est, veras revelationes & bonas voluntates, quibus demùm rectè operari, id est, credere, resipiscere, Deum amare valeat. *De Christi Grat. cap. xxvi. de Libero arbit. cap. xvi. Epist. xcv. de Peccat. Merit. Lib. I. c. I. de Grat. Christi, c. xxvi.*

- V. QUINTUS: Nec tantùm Deus dat posse, verum etiam velle, quod possumus, adeoque sine nobis facit, ut velimus; acti enim sic agimus, & Gratia, quâ id efficitur, est præveniens, inferens certitudinem boni operis, sic tamen ut fideliter subsequatur, ac coöperetur, cum volumus. *Ibidem. de Grat. Christi, cap. xvii. ad Bonif. Lib. II. c. 8. Epist. CVII. de Lib. arb. c. xvi. § xvii.*

- VI. SEXTUS: Neque aded illa subijcitur Libero Arbitrio, aut datur ad illius merita, sed potius

tius illud subjicitur immeritæ gratiæ, a qua liberatur, & vires accipit, quibus queat rectè operari, & actu operetur. *De Corrupt. & Grat. Cap. XII. de Sp. & Lit. c. XXXIV. de Libero Arbit. c. 17. ad Bonif. Lib. II. c. 9. Epist. CVII.*

SEPTIMUS: Quare etiam victrix semper VII. est, superando omnia impedimenta, ut nequidem a duro corde respuatur; ideò enim tribuitur, ut cordis durities auferatur; nempe lucem in intellectu efficit, & inde suavem delectationem, dilectionemque incommutabilis boni, quod est Deus. *De Prædest. cap. VIII. de Grat. Christi, cap. XVII. de Spirit. & Lit. c. 3. ad Bonif. Lib. IV. c. 6.*

OCTAVUS: Et certam operatur perseverantiam in electis, qui adeoque deficere non possunt, quod Gratia secundum propositum data, sit perpetua, efficax & immutabilis. *Passim, Libro de Prædest. & de dono Perseverantia.*

NONUS: Sic tamen, ut semper relinquat IX. hominem imperfectum, qui opus habeat remissione, servato perfectionis gradu statui gloriæ in cœlis. *De Nat. & Grat. cap. XXVIII. LXII. De Gratia Christi cap. XI. De Peccati Meritis & Remiss. Lib. II. c. 13. c. Julian. Lib. II. & v.*

DECIMUS: Ratio omnium est, quod Gratia X. Christi sit potentissimi Medici & Servatoris, quæ datur vitiatæ & ægrotæ naturæ, ut liberetur & sanetur, & distinguenda sit hoc pactò omninò a gratia primi & integri hominis. *De Nat. & Grat. cap. XLIX. & seqq.*

UNDECIMUS: Gratia hæc datur ex æterna XI.
Præ-

Prædestinatione quibusdam, non omnibus; quæ consequenter non facta est ex fidei vel operum prævisione. *Enchir. ad Laurent. c. xcvi. de Prædestinat. cap. v. xviii.*

XII. DUODECIMUS: Denique hæc Prædestinatio certa est & immutabilis, adeoque numerus electorum definitus & certus, ut nullus eorum perire unquam possit. *De Corrept. & Grat. cap. viii. xiii.*

Calumnia in August.

- Et hæc quidem docuit tantâ efficacîâ & vi, ut majori non possit. Itaque Augustinus acerbum hoc & commune tulit convitium, quod Libertatem homini eriperet, Manichæis par & æqualis, quorum ante discipulus fuerat. Sic ipse refert *Lib. 1. ad Bonif. c. 3. Oper. Imperf. pag. 164.* Atque inde Faustus Rhegiensis adversus Augustini sequaces Libros scribebat hoc Titulo, *Professio fidei adversus eos, qui dum per solam Dei voluntatem alios dicunt ad vitam attrahi, alios ad mortem deprimi, hinc Fatum cum Gentilibus asserunt, & inde Liberum arbitrium cum Manichæis negant.*

Repulsa.

Verùm Augustinus rectè negaverat, se Libertatem arbitrii inficiari, ostendens, qua ratione Arbitrium peccatoris fieret verè liberum per Gratiâ liberantem & sanantem, atque conciliationem Gratiæ & Libertatis sic instituebat, ut diceret illam dari a Sp. S., qui largiretur veras revelationes, & inde bonas voluntates, ut homo inflammaretur ad participationem veri luminis, quo non lateret, quod cognitum simul delectaret, utpote amore summo dignum. *De Christi Grat. c. 24. de Sp. & Lit. c. 3.*

CAPUT IX.

Arcanum sententiæ Augustinianæ, Originem Boni & Mali invenire.

ATque hæc fuit Augustiniana fides, cujus MYSTERIUM erat ORIGINEM BONI ET MALI invenire. Sane in eo cœcutiverant omnes Gentium Philosophi, ad hanc insaniam prolapsi, ut summa duo principia, bonum unum, alterum malum, fingerent. Etenim bona & mala, quæ tota natura experiebatur, ad unum modò principium, quod, ceu ex uno dolio, & hæc & illa depromeret, referre non poterant, nescii interea veræ originis tum boni, tum mali. Legant Eruditi *Plutarchum Libro de Iside & Osiride*, & Gentium sollicitam insaniam mirabuntur. Sic habent verba :

*Myster.
Sentent.
Augusti-
niana.*

*Error
Gentili-
smi de
origino
boni &
mali.*

Παμπάλαι αὖτις καίεισιν ἐκ θεολόγων καὶ νομοθετῶν
εἰς τε ποιητὰς καὶ φιλοσόφους διόξω &c. *Vetustissima
a Theologis & Legum-latoribus ad Poëtas & Philo-
sophos derivata est opinio fide firmâ & indelebili
(sic vertit cætera Xylander) non in sermonibus
tantum & rumoribus, sed & in Mysteriis ac Sacri-
ficiis, tam barbaris quam grecis cum per-
multa e bonis juxta malisque sint confusa, non esse
unum aliquem primum, qui e duobus doliis res nobis
veluti aliquem liquorem Campanis in morem distri-
buat ac misceat. Ergo a duobus principiis contrariis
adversisque duabus facultatibus, quarum altera ad*

R .

dextram

primi hominis , & natalibus omnium postero-^{ni illis}
rum , quando statum puræ naturæ , concrea-^{paret.}
tam concupiscentiam , ad malum inclinantem ,
mortalitatem Adami fingeant , simul pecca-
tum originale abnegantes ; Deum Creatorem
accusabant , quasi peccati semina ac principia
naturæ humanæ adpersisset , etiamque Infanti-
bus innoxiiis tantas afflictiones , mortemque i-
psam infligeret. Scilicet concupiscentiam & mor-
talitatem ceu naturalia mala ad carnem , vel
corpus referebant ; quod fieri non poterat , nisi
Gentilismi & Manichæismi imitamine , uti in-
telligere licet ex *Maximô Tyriô* , *Serm. Plat. xxv.*
& gravi in Deum , uti animæ sic carnis , &
conjunctionis utriusque Authorem , convitio.

Atque uti in *Origine Mali* errabant vehe-
menter Pelagiani ; sic *Originem Boni* ignora-
bant , duplicatâ in Deum contumeliâ , quando
ipsum omnis boni fontem non venerati , illud
in Liberum Arbitrium ante & post lapsum re-
fundebant. Unde ipsorum hæreticæ opiniones
de creatione primi hominis , ceu absque Dei
sancti Imagine conditus foret , quin potius per
usum datæ Libertatis sapiens , justus , sanctus ,
i. e. bonus fieri deberet ; nec non de Gratia
Servatoris Christi , quas nullus inter Eruditos
ignorat.

Verùm Augustinus priorem de Statu primi
Hominis errorem , nec non secundum de Gra-<sup>Augusti-
nos op-
pugnat.</sup>
tia Conversionis , summis rationibus , asserta
originali labe ex primo Parentum Lapsu dedu-
cendâ , oppugnabat. c. *Julian. Lib. 1. c. 3. Oper.*
R 2 Imperf.

Imperf. Lib. 1. c. 22. 144. ad Bonif. Lib. 1. & 11. de Nat. Boni. c. 3. 4. aliisque de Gratia Christi, Lib. vero Arbitrio, Spiritu & Littera Voluminibus.

Quippe assererat hominem absque concupiscentia & mortalitate, sanctum justumque esse conditum; Lapsum Adami causam corruptionis, ignorantiae & concupiscentiae fuisse; & hinc omnis mali, id est peccati originalis, quod ignorantiae & concupiscentiae vitio & labe constaret; Eô autem peccatô facultates Liberi Arbitrii amissas; ut necessarium foret Servatoris Gratia istud reddi bonum, quod homo, abutens sua Libertate, perdidisset.

Ratio.

Rectè! Non enim aliâ ratione Gentilismus aut Manichæismus queat evitari, ut *Jansenius* rectè ostendit *Augustini Tom. 11. pag. 939. - 344.* Nec potest non gravissima Hæresis esse, Deum Mali Authorem dicere, & Boni Causam negare.

Utique Gentiles in eo toti erant, ut Bonum ipsamque Beatitudinem suis in viribus repone-
rent. *Senec. Epist. xx. xxxi. lxx. lxxiii. Cicer. de Nat. Deor. Lib. 11.* At Augustinus ex adverso ipsis, uti toti Naturæ Lapsæ, veras virtutes negabat, *Lib. iv. c. Julian. c. 2. de Sp. & Lit. cap. xxvii.* assereratque omne Bonum in nobis ex Gratia Christi, qua mali fieremus boni, profuere, *Lib. de Peccat. Merit. Lib. 11. c. 17. 18. 19.* Quin verò ipsum Boni appetitum, id est, amorem Boni, ex bono Deo esse, qui ipsa foret Charitas. *ad Bonif. Lib. 11. c. 9.*

Sequuntur Orthodoxi

Et sequebantur hæc principia Viri Orthodoxi *Luxus Servatus, Florus Magister, Prudentius*

dentius, Trecaffinus Epifcopus, cum Remigio ^{Sæculo} & Ecclefia Lugdunenfi Sæculo ix. contra ob-^{ix.}ortos tum Pelagianos, quorum Primipilus J. Erigena Scotus erat: fic apparet ex eorum Scriptis, quæ *Mauguinus* in *Vindiciis Gratiæ* exhibuit.

Etenim quoad *Statum institutum*, negabant illi primos Parentes absque bonitate esse conditos, vel cum sola Liberi Arbitrii facultate, qua boni fierent, vel se ipsos bonos facerent. Sic *Eccles. Lugdun. Lib. de Tenenda Verit. Script. c. 111.* & probat Thesin ex *Augustino de Civit. Dei Lib. xiv. c. 26. de Corrupt. & Grat. c. 11.*

Quoad *Statum destitutum*, sentiebant extra Dei summi Boni communionem, quæ peccato amissa erat, in peccatore nihil veri boni posse inveniri; quin potius eum ad bonum istud inptum esse; sic quidem ut ejus, si quæ proferret, bona opera, uti omnium Gentilium non nisi splendida peccata vel virtutes verisimiles forent. *Eccles. Lugdun. Lib. de Tribus Capit. c. xx1. xx11. xxv11.*

Quoad *Statum restitutum*, docebant originem, progressum, finemque boni a Deo summo bono profluere, ut Liberum peccatoris Arbitrium, malum, id est, peccato servum, illius gratia deberet sanari & liberari, si aliquid boni efficere valeret. *Eccles. Lugdunensis apud Mauguin. Vindic. Grat. Tom. 11. pag. 20-39.*

Denique quoad *Statum prostitutum*, credebant gloriam & salutem non obtineri nisi sola Dei Gratia absque meritis, quæ in Adam perierant.

Quippe bonum a Deo bono tantum poterat dependere; nec Deus, nisi ob se ipsum, amari debebat, spectando solum præmio, quo Deus sua opera & munera coronaret, tribuens incommutabile bonum, quo amplius homo peccare non posset. Sic eadem *Ecclesia*, ibidem p. 106. 186. 206. 300. & *Tom. 1. pag. 19. 49 51. 58. 164. 362.*

En Lector Doctrinæ Augustinianæ, id est, Religionis Christianæ Mysteria, quæ quia nesciunt plurimi, quales Sociniani, Remonstrantes, Mennonitæ in omnia devia cum Pelagianis sunt prolapsi. Nec meliores fuere in Communione Romana Gregales Scholastici, uti Jansenius acutè notatis ipsorum erroribus, qui sunt manifesti, ostendit. Utique clavem Augustini invenerat, qua in Arcanum de Origine Boni & Mali penetrabat. Felix, si rectè sua principia fuisset prosecutus, ac vidisset, qua veritatis Reformati suum de Natura & Gratia Systema construxissent.

C A P U T X.

Jansenius accusatus Calvinismi, non tulit sibi hanc notam aut culpam dari.

SANÈ Vir Egregius non rectè construxit ex suis principiis Systema suum, iniquissimèque, quando nobiscum in præcipua controversia conveniret, nostram fidem, ceu Manichæam accusavit: scilicet Libertatem Arbitrii perimebat. Utique grayissimum sibi intentari crimen

audivit,

audivit, quod ad Calvinī castra accederet. Nec id ulla ratione ferre poterat, quod suæ doctrinæ apud Viros suæ communionis grande præjudiciū creari isthac accusatione animadverteret.

Jansen.
non fert
sibi Cal-
vinism.
imputari

Sed quid mirum in Jansenistas a Jesuitis intentatam esse Calvinismi notam? Eandem sibi inustam Dominicani dudum Fratres doluerunt. Quippe nimii Gratiaë efficacis defensores erant, & Jesuitas cum Pelagianis *concurrentibus* demonstraverant, uti noster postea fufiusque Jansenius. Hinc debuit impactum crimen æquali criminatione dilui, ac Calvinismus fuit objiciendus Dominicanis, qui Jesuitis Pelagianismum impegerant. Sic videre est apud *Theophil. Rainaudum in Libello*, cui Titulus, *Calvinismus Religio Bestiarum*. (increpet te Dominus, os impudens, Dominus, qui eligit Jerusalem) & *Annatum in Tractat. de Scientia Media, cap. ult.*

Nec ante
Dominicani.

Accusationis istius veram, quam diximus, originem fatetur Martinez de Ripalda, Jesuita magni nominis, Tom. II. Disp. 113. Sect. 9. N. 53. *Banner*, inquit, & plerique ejus discipuli in publicis disputationibus privatisque sermonibus & scriptis cœperunt notare sententiam illam (*Molina*) ut Pelagianam. . . . Contra nostri, ut notam Pelagianismi suæ sententia vitarent, objiciebant oppositam notam Calvinismi. Quis desideret in Jesuitis candorem amplius & ingenuitatem? Imò verò quis dolos, fraudes & omne genus malarum artium non videat? Quamvis Dominicanos non defendamus, haud bene in causa Dei versatos, pesti-

Astus
Jesuitarum.

meque (& quidni contra conscientiam?) nostram fidem ut Manichæam & hæreticam execratos. Libet hic repetere, quod Augustinus quondam dixit de Donatistis Epist. 162. *Crimina sua infamatis alius tegere cupiunt, ut homines ab inquisitione veritatis averterentur falsis rumoribus advocati.* Nam jure merito hæc verba Dominicani Jesuitis objicient & nos pariter cum Jesuitis etiam Dominicanis.

Interim dici vix potest, quantam vim acquisiverint Jesuitæ his fraudibus & criminationibus, quæ plurimum apud plebem atque indoctos valuere. Quidni iidem præsentaneum apud quoscunque Jansenii odium sperarent eadem methodo efficere. Nempe ipsi Dominicani sic coacti pridem cedere Jesuitis rigidamque suam de Gratiâ efficaci sententiam quodam temperamento Gratiæ sufficientis emollire, quo Jesuitis satisfaceret & Calvinismi a se invidiam qualicunque modo amolirentur.

Id ingenuè confessus est Senex quidam Dominicanus *L. Mantalio*, ut videre est *Litterarum Provinc. Epist. 11.* „Sancti, inquit, Thomæ de „ Gratiâ efficaci doctrinam acerrime noster or- „ do tutatus est, quoad potuit. Quam arden- „ ter ille prodeunti in lucem Molinæ dogmati „ se opposuit! Quos labores in stabiliendâ verâ „ & efficaci Christi Gratiâ cepit! An Tu quæ sub „ Clemente VIII. & Paulo V. gesta sunt, igno- „ ras? Quorum alter a damnando Molina morte „ præpeditus est, hic ab evulgandâ Bullâ, quam „ in ipsum paraverat, Italiæ turbis retractus.

Dominicanorum
vana
prudencia.

Intelligit Venetorum, ut hoc interferam, cum Pontifice contentiones, de quibus *Barclajus Satyr. part. II.* Nam illi decreverant ne Sacra Ædificia sine Ducis & Senatûs consensu erigerentur, aut Ecclesiastici eximerentur Senatus judicio. Atque interea Papæ fulmen contemnerant, ejectis etiam Jesuitis, qui Pontificis causæ favebant.

„ Pergit Dominicanus : exinde arma nostrâ
 „ in Vaticanis Scriniis clausa manserunt. At
 „ Jesuitæ, qui jam inde ab initio Lutheranae &
 „ Calvinianæ hæreseos multum invaluerant,
 „ quod populorum imperitia in hæreticorum
 „ erroribus a vera S. Thomæ doctrina secernendi
 „ dis abuterentur, non multo tempore sic dogmata
 „ sua dissiparunt, ut populorum fides
 „ brevi in ipsorum dominatum venerit. Hic
 „ nos prope adesse vidimus, ut pro Calvinistis
 „ traduceremur, aut sic vexaremur, ut nunc Jan-
 „ senistæ, nisi rigidum Gratiaë efficacis dogma
 „ *sufficientis* in speciem Gratiaë temperamento
 „ dilueremus. In his angustiis quid fieri a nobis
 „ potuit consultius, quam ut veritati simul
 „ & existimationi nostræ caveremus ? Utrum-
 „ que ut assequeremur, *hanc Gratiaë sufficientis*
 „ vocem admisimus, ipsam revera sufficere nega-
 „ vimus.

Hæc Dominicanus, dum revelât suæ Familiae pudorem vel mysteria. Sane hæc ab Hypocrisis vix excusari queunt. Quamquam tam recens non est gratiaë in sufficientem & efficacem distinctio. Nempe altercantibus in Tridentino

Concilio Franciscanis & Dominicanis, A. Catanea dissierebat juxta mentem Thomæ, *Deum in animo duo genera gratia prævenientis operari, unam sufficientem, alteram efficacem: priori posse voluntatem & assentiri & reluctari, posteriori minime, quod contradictionem includat posse repugnare efficacia: uti refert P. Serv. Histor. Concil. Trid. lib. 11.* At replicabat D. a Soto Dominicanorum Primipilus (sic idem Scriptor) *omnem divinam inspirationem per se non sufficere; ut quidem ab assensu liberi arbitrii sit petenda efficacia: quod tamen timide assererat, nec satis secundum Familiæ principia, aut Doctrinam Patrum, qui se Pelagianis opposuerant. Unde fieri potest, ut memorata gratiæ distinctio, haud communis, facta sit, orientibus Jesuitis, communior, & passim a Familiæ fratribus recepta. Quicquid sit, audiit Dominicanus gravem & masculam a Montaltii Comite censuram, quæ egregia est lectuque dignissima.*

„ Nolite, inquit, nolite hoc vobis sumere,
 „ quasi hoc artificio vestro veritati consultum
 „ sit. Jamdudum illa ni firmiores habuisset tu-
 „ tores, tam imbecillis sustentata manibus cor-
 „ ruisset. Cum hostile nomen in Ecclesiam in-
 „ trussistis, quid aliud quam ipsum hostem ac-
 „ cepistis? Divelli a rebus verba non possunt.
 „ Ubi hæc *Gratia sufficientis* vox radicem egerit,
 „ frustra vos inclamabitis, quandam intelligen-
 „ dam esse, quæ non sufficiat: quis enim vos
 „ audiat aut ferat? Invisa cæteris hominibus
 „ interpretatio vestra: simplicius illi loquuntur,
 „ etiam,

etiam in levissimis rebus: interim causam vicerint Jesuitæ. Et sancita putabitur ipsorum vere sufficiens Gratia, non illa vestra, quæ sufficit nomine tenus. Sic adversa Scholæ vestræ doctrina in fidei caput abibit At vos Gratiam illam abjicitis tutelæ vestræ concreditam, quam a principio mundi nullus abjecit, victricem dico Nunc alias in ipsius tutelæ manus armari decet, nunc interritos Augustini discipulos exoriri par est, qui sæculi vinculis soluti uni Deo serviant, unum in animo Deum habeant. Potest Gratia Dominicanis defensoribus carere, defensoribus carere non potest. Ipsa sibi milites omnipotenti virtute fingit & format. Expeditos illa quærit animos: sed ipsa expeditos facit, puros poscit, puros facit.

Ex his itaque videt Lector Jesuitarum artes, quibus ante Pullati Fratres fuere vel pressi vel decepti. Juvabit eandem astutiam observasse ex ore Cardinalis Barberini, narrante Sanctamoreo in suo Diario Pag. 241. Explicuit, inquit, Cardinalis nobis obambulantibus, *quæ opinio Molina invaluerit ex oppositione necessaria adversus Calvinismum; neque enim hic resistari satis poterat nisi lapsu in aliud extremum.*

Nimirum Jesuitæ vociferabantur, non sine suis hypothësis Calvinismum posse impugnari. Id creditum utique. Nec datur inter nostros & Pelagianos medium, neque potest concipi thesium de naturâ & gratiâ adversariarum quædam tutela vel quæcunque ferruminatio. Addebat Car-

Cardinalis, *opinionem Molinae ceu non probam adductam fuisse in Hispanicam Inquisitionem, magno cum opprobrio. Adeò ut Jesuitica Societas conspectû sui contumeliâ in Molina dedecore, sese totam obstrinxerit ad sui suadâque defensionem, cui sese deinde magis & magis sine regressu implicuerit.* Ita Barberinus, qui hæc sacra imprimis noverat.

Adeò haud mirum Jesuitas multum favoris apud Papicolas Reformationis hostes acquisivisse; Dominicanos contra, ut impotentes Calvinismi impugnatores, contemptim habitos, rapientibus ad se imperitorum, nostris nimium infestos levesque, animos Jesuitis.

Janfen.
& sequa-
ces ea
arte a
Jesuitis
pulsati.

Jam verò eadem viâ consultum erat Jansenistas aggredi, qui supra Dominicanos Gratiae defensores sese ostentabant. Nec poterat deesse proficiendi spes, nuperrimè in Synodo Dordracenâ factâ Thematum Remonstrantium, Jesuiticis non absimilium, condemnatione, ac posita in arce Gratiae efficacia, quæ Reformationis cor ac fundamentum est. Atqui Jansenius videbatur omninò Dordracenis consentire, odioque communi exponere Jesuitas. Illi autem Arminianos sua censura notaverant & percusserant: prona ergò via erat ad Jansenii oppressionem. Pax nulla cum Reformatis incunda & anathemate feriendus erat, qui conciliationem vel tentaret, vel quid procuderet, quod Calvinismo tantum affine putaretur; igitur & Jansenius. Prudenter!

Non quidem ægrè nos ferimus has Jesuitarum artes, quin vellemus Romanam Curiam magis

magis ipsorum consiliis assentiri, quò patefceret amplius insanabilem esse Babelem, jurè factam à nobis ex ea secessionem, Pelagianismum esse Papatus fidem, nec posse coli cum Italicà Sede communionem ab illis, qui quodammodo Gratiae gustum habuerunt. Atque utinam id perciperent Jansenistæ! Si perciperent, cum haud possit dari medium inter nostros & Jesuitas, uti nec Christum inter & Belial, lucem & tenebras, non adeò urerentur Reformationis odio, vel Themata confingerent, quæ à nostris devia cum bene jactis hypothesebus non consentiunt.

Fugiant
hinc Re-
formatos
Janseni-
stæ, sed
male.

CAPUT XI.

*Iniquissimè Idem Reformatos accusavit,
uti Libertatis Arbitrii peremptores ac Ma-
nichæos, ne videretur ad eos accessisse.*

Iusta pro ipsis Apologia.

SANè Jansenius iniquissimè Nostros præci-
puèque Calvinum negatæ Libertatis Arbitrii
accusavit. Utique si quid criminis commi-
simus, id est, quod negotium salutis solidè ad
Divinam Gratiam rerulerimus, atque hinc ex-
cesserimus Româ, quæ ab Euangelio defecerat.
Condonandus quidem fuisset ipsius in Refor-
mationis fervor, quando cum Ministris Sylvæ-
Ducensibus, qui Episcopalem Ecclesiam con-
vertere studebant, in sua spongia disputaret:
calida nimis bile æstuabat.

Jansen.
nostros
accusat,
quasi Li-
bert. Ar-
bitr. non
tollerent.

At

At idem convitium repetivit, Augustini *Tom. III. Lib. VIII. c. XXI.* quamquam mollius quodammodo ibi nobiscum egerit, principio monens, *non omnia, quæ hæretici docent esse hæretica, nec propterea, si quæ in re Calvinus cum Augustino & antiquis Patribus senserit, propter Calvinum Augustino esse indignandum, sed propter Augustinum potius esse gratulandum Calvino.* Quid verò est, quod flagello sectandum tam horribili censet? Calvinus, inquit, *negat esse in homine boni & mali electionem; docet Gratiam ita movere hominem, ut ei resistere non sit liberum; non vult hominem Gratia moventi pedissequa voluntate consentire; asserit, virtutem & vitium, bene & male agere non esse in nostra potestate; tandemque fronte resecta docet, non esse in homine Liberum Arbitrium, ipsumque nomen inane & exterminandum esse.*

Malè.

Sic Jansenius. Et satis manifestum est hæc dolo malo, vel mero in nos odio scripta. Nempe vidit, ut cum Reformatis conveniret, quatenus se Jesuitis opponit; horruit Calvinianus appellari; sensit se mox cum suo Augustino condemnandum, si Reformatos in Doctrina de Libero Arbitrio laudasset, eorumque studia contra Jesuitas & Remonstrantes comprobasset. Igitur iteranda potius erat malignorum calumnia, quæ antiqua Jesuitarum etiam Dominicanorum, ut invidiam cautiùs evitaret. Utique, quæ Jesuitæ in nostram fidem quasi ex plautro conjecerunt convitia, nullibi ignota. At mirari sæpiùs debuerunt Reformati, quâ invidiâ istud exemplum secuti sint Dominicani. Illud videre est

est apud *Did. Alvarez*, de *Auxiliis Grat. Disp. xxii.* & alibi. Nimirum ibi accusamur ceu Liberi Arbitrii peremptores, ut Manichæi, ut in Deum blasphemî, ceu sanctissimo Numini causam mali adscriberemus. Verum mentita est iniquitas, uti ostendit fusè *G. Twissus Vindic. Grat. p. 598.*

Sed audiamus ipsum Calvinum, sui ipsius ^{Apolo-}
Vindicem & Interpretem, quod est æquissi- ^{gia pro}
mum, in *Opusc. Tract. de Lib. Arbit. c. Pighium.* ^{Refor-}
^{matu.}
Ego verò, inquit, quantum ad vocem pertinet, adhuc profiteor, quod in mea Institutione testatus sum, non adeò me supersticiosum esse in verbis, ut eorum causa velim aliquam contentionem movere, modò rei intelligentia sana maneat. Si coactioni opponitur Libertas, Liberum esse Arbitrium & fateor & constanter assevero; ac pro heretico habeo, quisquis secus sentiat. Sed cum aliud prorsus vulgo concipiant hac causa est, cur mihi displiceat: siquidem ad facultatem & vires referunt, ut veniat in mentem, illud sub potestate sua habere bonum & malum, ut alterutrum suapte virtute eligere queat. Deinde ostendit sibi suspectam esse vocem, eo quod ita Liberum Arbitrium dicatur, ut negetur Servum esse sub peccato. Porro Liberam concedit voluntatem, ut spontanea est, & se ultro flectit, quocumque ducitur, non autem rapitur, aut trahitur invita. Servam tamen credit, quia propter corruptionem sub malarum cupiditatum imperio captiva tenetur, ut nihil quam malum possit, etiam si id sponte & libenter, non externo motu impulsâ faciat. Neque hæc Calvinî verba Bellarmino ignota fuerunt, Lib. vi. de Grat. & Lib. Arbitr. cap. 15. Ut frustra fuerit

fuerit Jansenius cum Pighio, dum ipsi Augustinum objecit, vel negati Liberi Arbitrii intentavit notam, quandoquidem dicto loco pluribus paginis ostendit, se omninò cum Augustino paria facere. *Non, inquit, defensione adversus me indiget Augustinus, quia omnia, quæ ex eo adducit Pighius, sine certamine amplector.*

Et sane quæ Dominicanus quis, aut Jansenius dicet de Libero Arbitrio, stante insuperabili Prædeterminatione Physica, vel Victrice Gratia, dicet Calvinus, dicemus nos, qui ipsum non adeò, quam veritatem sequimur. Liberrum Arbitrium siquidem attendimus *in genere entis*, ut loquuntur, & *in genere moris*, pro vario statu *instituto*, *destituto*, *restituto*, *præstituto*. Si illud *in genere entis* consideremus, satis intelligimus per id creaturam rationalem aut hominem ad unum determinatum non esse, neque indifferentiam commodo sensua Libertate removemus. Haud tamen ferimus indifferentem Independentiam illi attribui a Pelagianizantibus, id est absolutam ἀνελκυσίαν, cum illud Divinæ Providentiæ, tum æternæ, tum actuali, adeoque absoluto Dei decreto, præscientiæ ac prædeterminationi subjiciamus. Sed hic nihil habet, quod reprehendat Jansenius Jesuitarum infensus hostis, vide ipsius *August. Tom. III. Lib. 8.* Quin asserimus ad quosdam actus liberos in homine concipi debere indifferentiam, (seu activam, seu passivam velis appellare) at determinabilem uti ab intellectu practico, ita Deo voluntatis Creatore. Unde est quod propriè

prie & proximè libertatem per facultatem agendi, quod placet, libet, volumus haud invito, definiamus: confer iterum assentientem *Jansenium* Tom. III. Pag. 664. 722. 725. 736. 740. Nec desunt Scholastici, qui cum *Lombardo* Lib. II. *Distinct.* xxv. dicant *libere moveri esse voluntarie & spontaneo motu vel rationali moveri.*

Et quod Liberum spectat Arbitrium in genere moris, varios ibi status distinguimus, Innocentiae, Lapsus, Gratiae, Glorïae, ac dicimus hic de viribus Liberi Arbitrii disputari. Credimus ergò Adamum ante Lapsum vires habuisse ad bonum faciendum, quod debebat, & evitandum malum, quod tale judicaret. Asserimus impios liberè peccare, quia sic volunt, ut ut sint servi peccati & ad spirituale bonum impotentes, id est, servum sub peccato habeant arbitrium, amissa ad bonum morale & salutare potestate. Affirmamus conversionem fieri hominis rationalis, non lapidis, ut motus se moveat, actus agat, vivificatus vivat. Porro per regenerationem nobis dari ad bonum restauratas facultates & vires, utut non perfectas, & semper excitandas efficaci Gratia, usque dum fiat consummatio Sanctificationis in cœlo, ubi omni peccato abolito faciemus Dei voluntatem ut Beati in bono confirmati Angeli.

Calvin. Antid. Concil. Sess. 6. *Dictum est supra, quomodo Liberum Arbitrium Deo assentiatur vocanti. Obsequimur certe Deo volentes, sed voluntate, quam in nobis formavit. Qui ergo motum aliquem Libero Arbitrio proprio tribuunt & separatim à Dei Gratia,*

nihil aliud quam S. S. discerpunt. Neque verò Paulus volendi facultatem nobis dari, sed velle ipsum in nobis effici predicat. Ut non aliunde, quam a Deo sit assensus, vel obsequium voluntatis. Inius agit, corda tenet, corda movet, eosque voluntatibus eorum, quas in illis operatus est, trahit: inquit Augustin. de Corrept. & Grat. cap. 14. Quid iterum aliud docebit Jansenius, si ad sua attendat, quæ passim de Statu Naturæ Lapsæ Tom. 11. differit? Vide Pag. 96. 104. 652. - 656. 484.

Quidam
Janseni-
tæ Re-
formatos
excusant

Quin etiam incepere quidam Jansenitæ melius sapere; uti videre est apud *Carolus de Bont, Licentiatum Theologum*, qui Libro Belgico, *De Overwinnende Waerheyt*, Ypris edito, A. LXXXIV. adversus Jesuitæ *Hazardi Catechismum*, & approbatô a *J. Cuperio*, Canonico, *Mechliniensis Archipresbytero & Librorum Censore*, palàm profitetur Reformatos cum optimis Catholicis de *Liberio Arbitrio sentire*, neque adeò culpandos a Jesuitis, qui palam Pelagianis & Arminianis pares sint. Pag. 456. Ergò docet, liberum esse, quod voluntarium est ex *Augustino de Lib. Arb. Lib. 3. c. 3.* Atque id dici in nostra esse potestate, quod facimus, quando volumus, ex eodem *Augustino Cap. citato*. Porro Liberum Arbitrium esse rei sibi placitæ spontaneum appetitum, ex *Prospero c. Collatorem, cap. 18.* Ulteriùs Liberum Arbitrium dici ex eo, quod cogi non possit, ex *Thoma in 11. Dist. 21. q. 4.* Neque adeò ad id requiri Libertatem a necessitate, quæ ex dispositione intrinseca oriatur, uti vel in Diabolis apparet, qui ita sibi conglutinant malum, ut ab eo nullo modo

modo separari velint, ex eodem *Thoma*, in 2. *Dist.* 7. q. 2. Denique Libertatem ad bonum esse amissam per peccatum, ut quidem præcipitati sumus in necessitatem peccandi, ex *Augustino Disp. c. Faustum*, nec nisi a Christo liberati ad bonum Libertatem recipiamus, ex *Prospero c. Collat. c. 9. Decretis Concilii Arausionensis, &c.* Hæc *Carolus Bontius*, quem laudamus ut Jansenistam ingenuum præ cæteris, ipsoque Patriarcha meliorem. Quid verò peccamus, si eadem reperemus? Certè non damnant nos ipsi *Walenburgii Fratres* in hoc articulo *Compend. Controv. Cap. IV.*

CAPUT XII.

Lutheri adversus Jansenium brevis defensio.

CALVINO adjunxit Jansenius Lutherum in eodem crimine, & sic solent omnes Pontificiæ Communionis, maximè quod in Lutherum sit vibratum Tridentini Concilii fulmen. Fatentur tamen aliqui Calvinum cautiùs & prudentiùs Luthero sensissè, nominatim *Alvarez de Auxiliis Disp. III.* At Lutherus Augustinianus cum esset Monachus, a Johanne Staupicio, Viro Egregio edoctus in sola Dei Gratia & Christi vulneribus salutem quærere, consensit Augustino in doctrina de Arbitrii Libertate, quamvis asperiùs loqueretur pro suo ingenio; ut non tam ad verba, quam sensum animi sit attendendum. Scripsit utique Librum *de Servo Arbitrio* (eruditionem laudante Antagonista

Lutheri
c. Jansenium de
sensu.

gonista Erasmo) non ut Liberum Arbitrium sano sensu inficiaretur, sed Pelagiano, prout Papistæ illud, quasi independens & indifferens etiam in statu peccati ad bonum & malum foret, tuebantur. Itaque dixit *Liberum Arbitrium esse Divinum nomen, quod soli Divina Majestati competit*, cap. XVII. *Esse summum hostem justitiæ & salutis humanæ*, cap. CXI. *Liberi Arbitrii assertores esse abnegatores Christi*, cap. CXXXVII. *Liberum Arbitrium esse mendacium merum*, cap. II. *Captivum jumentum Satana*, cap. CC. Et sic Vir vehemens locutus est ex indignatione adversus Pelagianos in Papatu errores. Quin & hinc studuit vocem Liberi Arbitrii amoliri, quod eam, ut superbam errorum de viribus naturæ & justitiæ propria originem esse persentisceret, cap. LXXXIII. At bono sensu nunquam Liberum Arbitrium negavit, neque putavit nos in prima conversione nosmetipsos habere ut bruta & lapides, ut finxerunt Patres Tridentini, referente *F. Paulo Hist. Lib. II. P. 171*. Videatur ipse de *Servo Arbitrio Liber*, qui totus planè Augustinianus est.

Utinam modò Lutherani Doctores suum hic Magistrum sequerentur pressio pede, non aded in nostros inveherentur, aut distinguerent Gratiam in Sufficientem & Efficacem, prout fit a quibusdam, ut ab ipso Libero Arbitrio dependeat ipse conversionis actus. Licet hic cautius sentiat *I. Gerhardi L. C. Tom. 2. de Lib. Arb. c. 4. 6*. qui eo tamen absurditatis prolabitur, ut statuatur Gratiam Efficacem respui posse,
Libe-

Liberumque Arbitrium Gratiae obicem & impedimentum ponere, quominus conversionem efficiat. Scilicet medius inter *Scyllam* & *Charybdis* navigare instituit, id est, nostros & Jesuitas, potius Augustinum & Pelagium. Non enim ferens Pelagii superbam hæresin & libertatem, horret ad decretum absolutum Prædestinationis, quod omninò sequi vidit ex Efficaci Gratia, semper effectum suum, id est, conversionem operante: quam convenienter veritati nunc non est disputandi locus. Videatur interim *Kimedontii præfatio* ad Librum *Lutheri de Servo Arbitrio*, *Beza in Colloq. Montisbelg. part. 1. Pag. 182. & part. 2. Pag. 147. & seqq.*

C A P U T XIII.

Jansenius iniquus in Reformatos, imitatus tamen est Michaëlem Bajum suo pro Augustiniana fide studio. Baji opiniones.

EX quibus omnibus apparet, quam iniquè Jansenius cum Reformatis, ipsoque Lutherò egerit, quando ad eorum fidem accedens, nihilominus illos ceu hæreticos, qui Liberum Arbitrium negarent, est infectatus. Atqui ille ipse est, qui Michaëlis Baji vestigia est secutus, ut ut a Pio V. & Gregorio XIII. foret condemnatus. Jansen. Michaëlis Baji infectator.

Fuerat autem iste Michaël ante lustra ferè Quis ille fuerit.
decem

decem Professor Lovaniensis annos XL. Academiae etiam Cancellarius, Vir magni nominis, eruditionis ac modestiae, ut omnium animos ad se alliceret. Missus quoque fuerat a Philippo II. cum Cornelio Jansenio (dein Episcopo Gandensi) & Jacobo Hesselio ad Tridentinum Concilium A. MDLXIII. ubi ipsius responsa veluti oracula habebantur: tantâ pollebat doctrinae excellentiâ, ingenii acumine, & iudicii profunditate. Sic *Amb. Miraeus in Elogio Belgicis* scripsit. Addidit autem, moribundum suas facultates pauperibus legasse, Collegio Lovanii, sub patrocinio B. Augustini, quem religiose semper coluerat, excitato.

Sane Augustini summus admirator fuerat, ut quidem pertæsus scholasticarum sordium statuerit Theologiam, ne diutius in contemptum & risum Protestantibus abiret, ad doctrinam Patrum, præsertim Augustini exigere. Unde audita ex ipsius ore dogmata, quæ Monachis adversa, ipsorum odium & invidiam concitarunt. Et perscripta sunt illa Romam, ut Pontificis censura postularetur: & successit ex voto negorium, uti ante *Lib. 1. de Vita Jansenii* retulimus.

Operæ pretium erit Viri Eximii Propositiones (licet ab hostibus digestas) recensere, quæ tantas Paparum iras meruerunt, ut sit manifestum, quem Antecessorem habuerit Jansenius.

Viro im-
pactæ
vel ad-
scriptæ
Propositæ.

I. *Nec Angeli, nec primi Hominis adhuc integri merita rectè vocantur gratia,*

II. *Sicut opus malum ex natura sua est mortis æternæ meritorium, sic bonum opus ex natura sua est vitæ æternæ meritorium.*

III. Et bonus Angelis, & primo Homini, si in statu illo perseverasset usque ad ultimum vita, felicitas esset merces, & non gratia.

IV. Vita aeterna homini integro, & Angelo promissa fuit intuitu bonorum operum, & bona opera ex lege naturae ad illam consequendam per se sufficient.

V. In promissione facta Angelo, & primo Homini continetur naturalis iustitia constitutio, quā pro bonis operibus, sine alio respectu, vita aeterna iustis promittitur.

VI. Naturali lege constitutum fuit homini, ut si in obedientia perseveraret, ad eam vitam pertransiret, in qua mori non posset.

VII. Primi hominis integri merita fuerunt prima creationis munera; sed juxta modum loquendi Scriptura sacra non recte vocantur gratia; quo fit, ut tantum merita, non etiam gratia debeant nuncupari.

VIII. In redemptis per gratiam Christi, nullum inveniri potest bonum meritum, quod non sit gratis indigno collatum.

IX. Dona concessa homini integro, & Angelo, forsitan, non improbanda ratione, possunt dici gratia; sed quia secundum usum sacra Scriptura, nomine gratiae, ea tantum munera intelliguntur, quae per Jesum Christum male meritis, & indignis conferuntur, ideo neque merita, neque merces, quae illis redditur, gratia dici debet.

X. Solutio poenae temporalis, quae, peccato dimisso, sapè remanet, & corporis resurrectio, proprie non nisi meritis Christi adscribenda est.

XI. Quod pie, & iuste in hac vita mortali, usque in finem, conversati, vitam consequimur aeternam,

ad non propriè gratia Dei, sed ordinationi naturali statim initio creationis constituta, iusto Dei iudicio deputandum est; neque in hac retributione bonorum ad Christi meritum respicitur, sed tantum ad primam institutionem generis humani, in qua, lege naturali constitutum est, ut iusto Dei iudicio obedientie mandatorum vita aeterna reddatur.

XII. Pelagii sententia est, Opus bonum, citra gratiam adoptionis factum, non est Regni Cœlestis meritum.

XIII. Opera bona a filiis adoptionis facta, non accipiunt rationem meriti ex eo, quod sunt per Spiritum adoptionis inhabitantem corda filiorum Dei, sed tantum ex eo, quod sunt conformia legi, quodque per ea præstatur obedientia legi.

XIV. Opera bona Iustorum non accipiunt in die iudicii extremi ampliorem mercedem, quam iusto Dei iudicio mereantur accipere.

XV. Ratio meriti non consistit in eo, quod quibuscumque operatur habeat gratiam, & inhabitantem Spiritum Sanctum; sed in eo solum, quod obedit Divina legi.

XVI. Non est vera legis obedientia, quæ sit sine charitate.

XVII. Sentiunt cum Pelagio, qui dicunt, esse necessarium ad rationem meriti, ut homo per gratiam adoptionis sublimetur ad statum Deificum.

XVIII. Opera Catechumenorum, ut fides, & pœnitentia ante remissionem peccatorum facta, sunt vitæ aeternæ merita, quam vitam ipsi non consequentur, nisi prius præcedentium delictorum impedimenta tollantur.

XIX. Opera Iustitia, & Temperantia, quæ Christus

stus fecit, ex dignitate persona operantis non traxerunt maiorem valorem.

XX. Nullum est peccatum ex natura sua veniale, sed omne peccatum meretur pœnam aeternam.

XXI. Humana natura sublimatio, & exaltatio in consortium Divina natura, debita fuit integritati primæ conditionis, & proinde naturalis dicenda est, & non supernaturalis.

XXII. Cum Pelagio sentiunt, qui textum Apostoli ad Romanos 2. Gentes, quæ legem non habent, naturaliter, quæ legis sunt, faciunt, intelligunt de gentibus, fidei gratiam non habentibus.

XXIII. Absurda est eorum sententia, qui dicunt, hominem ab initio, dono quodam supernaturali, & gratuito, supra conditionem naturæ suæ fuisse exaltatum, ut Fide, Spe, & Charitate Deum supernaturaliter coleret.

XXIV. A vanis, & ociosis hominibus, secundum insipientiam Philosophorum, excogitata est sententia, quæ ad Pelagianismum rejicienda est, Hominem ab initio sic constitutum, ut per dona naturæ superaddita, fuerit largitate conditoris sublimatus, & in Dei filium adoptatus.

XXV. Omnia opera infidelium sunt peccata, & Philosophorum virtutes sunt vitia.

XXVI. Integritas primæ creationis non fuit indubitata humana naturæ exaltatio, sed naturalis ejus conditio.

XXVII. Liberum arbitrium sine gratiæ Dei adiutorio, non nisi ad peccandum valet.

XXVIII. Pelagianus est error, dicere, quod liberum arbitrium valet ad ullum peccatum vitandum.

XXIX. Non soli fures ii sunt, & latrones, qui Christum, viam, & ostium veritatis, & vitam negant, sed etiam quicumque aliunde, quàm per ipsum in viam iustitiae (hoc est aliquam iustitiam) conscendi posse docent.

XXX. Aut tentationi ulli, sine gratia ipsius adjutorio resistere hominem posse, sic ut in eam non inducatur, aut ab ea non superetur.

XXXI. Charitas perfecta, & sincera, qua ex corde puro, & conscientia bona, & fide non ficta, tam in Catechumenis, quàm in poenitentibus, potest esse sine remissione peccatorum.

XXXII. Charitas illa, qua est plenitudo legis, non est semper conjuncta cum remissione peccatorum.

XXXIII. Catechumenus, justè, rectè, & sanctè vivit, & mandata Dei observat, ac legem implet per charitatem, ante obtentam remissionem peccatorum, qua in Baptismi lavacro demùm percipitur.

XXXIV. Distinctio illa duplicis amoris, naturalis videlicet, quo Deus amatur, ut auctor natura; & gratuiti, quo Deus amatur, ut beatificator, vana est, & commentitia, & ad illudendum sacris Litteris, & plurimis veterum testimoniis, excogitata.

XXXV. Omne quod agit peccator, vel servus peccati, peccatum est.

XXXVI. Amor naturalis, qui ex viribus natura exoritur, ex solâ Philiphia, per elationem praesumptionis humanae, cum injuria Crucis Christi defenditur à nonnullis Doctoribus.

XXXVII. Cum Pelagio sentit, qui boni aliquid naturalis, hoc est, quod ex natura solis viribus ortum ducit, agnoscit.

XXXVIIII. *Omnis amor creatura rationalis, aut vitiosa est cupiditas, qua mundus diligitur, qua à Johanne prohibetur, aut laudabilis illa charitas, qua per Spiritum Sanctum in corde diffusa, Deus amatur.*

XXXIX. *Quod voluntariè fit, etiamsi necessario fiat, liberè tamen fit.*

XL. *In omnibus suis actibus peccator servit dominanti cupiditati.*

XLI. *Is libertatis modus, qui est à necessitate, sub libertatis nomine non reperitur in Scripturis, sed solum nomen libertatis a peccato.*

XLII. *Justitia, qua justificatur per fidem impius, consistit formaliter in obedientia mandatorum, qua est operum Justitia, non autem in gratia aliqua anima infusa, qua adoptatur homo in filium Dei, & secundum interiorem hominem renovatur, ac Divina natura consors efficitur, ut sic per Spiritum Sanctum renovatus, deinceps benè vivere, & Dei mandatis obedire possit.*

XLIII. *In hominibus pœnitentibus, ante Sacramentum absolutionis, & in Catechumenis ante Baptismum, est vera justificatio; separata tamen a remissione peccatorum.*

XLIV. *Operibus plerisque, qua a fidelibus sunt, solum ut Dei mandatis pareant, cujusmodi sunt, obedire parentibus, depositum reddere, ab homicidio, a furto, a fornicatione abstinere, justificantur quidem homines, quia sunt legis obedientia, & vera legis justitia, non tamen iis obinent incrementa virtutum.*

XLV. *Sacrificium Missæ non alia ratione est Sacrificium, quàm generali illa, qua omne opus, quod fit, ut sancta societate, Deo homo inhareat.*

XLVI. *Ad*

XLVI. *Ad rationem, & definitionem peccati non pertinet voluntarium; nec definitionis quaestio est, sed causa; & originis, utrum omne peccatum debeat esse voluntarium.*

XLVII. *Unde peccatum originis vera habet rationem peccati sine ulla relatione, ac respectu ad voluntatem, à qua originem habuit.*

XLVIII. *Peccatum originis est, habituali parvuli voluntate voluntarium, & habitualiter dominatur parvulo, eo quod non gerit contrarium voluntatis arbitrium.*

XLIX. *Et ex habituali voluntate dominante fit, ut parvulus decedens sine regenerationis Sacramento, quando usum rationis consecutus erit, actualiter Deum odio habeat, Deum blasphemet, & legi Dei repugnet.*

L. *Prava desideria, quibus ratio non consentit, & quae homo invitus patitur, sunt prohibita praecepto, Non concupisces.*

LI. *Concupiscentia, sive lex membrorum, & prava ejus desideria, quae inviti sentiunt homines, sunt vera legis inobedientia.*

LII. *Omne scelus est ejus conditionis, ut suum authorem, & omnes posteros eo modo inficere possit, quo infecit prima transgressio.*

LIII. *Quantum ex vi transgressionis, tantum meritum malorum a generante contrahunt qui cum minoribus nascuntur vitiis, quam qui cum majoribus.*

LIV. *Definitiva hac sententia, Deum homini nihil impossibile praecepisse, falso tribuitur Augustino, cum Pelagii sit.*

LV. *Deus non potuisset ab initio talem creare hominem, qualis nunc nascitur.*

LVI. *In*

LVI. In peccato duo sunt, actus, & reatus: trans-
eunte autem actu, nihil manet nisi reatus, sive obliga-
tio ad pœnam.

LVII. Unde in Sacramento Baptismi, aut Sacer-
dotis absolutione, propriè reatus peccati duntaxat tolli-
tur; & ministerium Sacerdotum solum liberat a reatu.

LVIII. Peccator pœnitens non vivificatur ministe-
rio Sacerdotis absolventis, sed a solo Deo, qui pœniten-
tiam suggerens, & inspirans, vivificat eum, & resu-
scitat; ministerio autem Sacerdotis solum reatus tollitur.

LIX. Quando per eleemosynas, aliaque pœnitentiæ
opera Deo satisfacimus pro pœnis temporalibus, non
dignum pretium Deo pro peccatis nostris offerimus, sicut
quidam errantes autumant (nam alioqui essemus sal-
tem aliqua ex parte redemptores) sed aliquid facimus,
cujus intuitu Christi satisfactio nobis applicatur, & com-
municatur.

LX. Per passionem Sanctorum in Indulgentiis commu-
nicatis non propriè redimuntur nostra delicta; sed per
communione charitatis nobis eorum passionem impar-
tiuntur, ut digni simus, qui pretio sanguinis Christi a
pœnis pro peccatis debitis, liberemur.

LXI. Celebris illa Doctorum distinctio, Divina le-
gis mandata bifariam impleri, altero modo quantum
ad preceptorum operum substantiam tantum; altero
quantum ad certum quemdam modum, videlicet se-
cundum quem valeant operantem perducere ad regnum
æternum (hoc est ad modum meritorum) commentitio
est, & explodenda.

LXII. Illa quoque distinctio, quâ opus dicitur bi-
farium bonum, vel quia ex objecto, & omnibus cir-
cumstantiis rectum est, & bonum (quod moraliter
bonum

bonum appellare consueverunt) vel quia est meritorium Regni aeterni, eò quod sit a vivo Christi membro per Spiritum charitatis, rejicienda est.

LXIII. Sed & illa distinctio duplicis justitiæ, alterius, quæ sit per Spiritum charitatis inhabitantem, alterius, quæ sit ex inspiratione quidem Spiritus Sancti, cor ad pœnitentiam excitantis, sed nondum cor inhabitantis, & in eo charitatem diffundentis, quæ Divina Legis justificatio impleatur, similiter rejicitur.

LXIV. Item, & illa distinctio duplicis vivificationis; alterius, quæ vivificatur peccator, dum ei pœnitentia & vitæ novæ propositum, & inchoatio per Dei Gratiâ inspiratur; alterius, quæ vivificatur, qui verè justificatur, & palme vivus in Vite Christo efficitur, pariter commentitia est, & Scripturis minimè congruens.

LXV. Non nisi Pelagiano errore admitti potest usus aliquis liberi arbitrii bonus, sive non malus; & Gratiæ Christi injuriam facit, qui ita sentit, & docet.

LXVI. Sola violentia repugnat libertati hominis naturali.

LXVII. Homo peccat, etiam damnabiliter, in eo, quod necessario facit.

LXVIII. Infidelitas purè negativa in his, in quibus Christus non est predicatus, peccatum est.

LXIX. Justificatio impii sit formaliter per obedientiam Legis, non autem per occultam communicationem, & inspirationem gratiæ, quæ per eam justificados faciat implere legem.

LXX. Homo existens in peccato mortali, sive in reatu aeternæ damnationis, potest habere veram charitatem; & charitas etiam perfectâ, potest consistere cum reatu aeternæ damnationis.

LXXI.

LXXI. *Per contritionem, etiam cum charitate perfecta, & cum voto suscipiendi Sacramentum conjugii, non remittitur crimen, extra casum necessitatis, aut Martyrii, sine actuali susceptione Sacramenti,*

LXXII. *Omnes omnino Justorum afflictiones, sunt ultiones peccatorum ipsorum; unde & Iob, & Martyres, quæ passi sunt, propter peccata sua passi sunt.*

LXXIII. *Nemo præter Christum, est absque peccato originali; hinc Beata Virgo mortua est propter peccatum ex Adam contractum, omnesque ejus afflictiones in hac vita, sicut & aliorum Justorum, fuerunt ultiones peccati actualis, vel originalis.*

LXXIV. *Concupiscentia in renatis relapsis in peccatum mortale, in quibus jam dominatur, peccatum est, sicut & alii habitus pravi.*

LXXV. *Motus pravi concupiscentiæ, sunt, pro statu hominis vitiiati, prohibiti præcepto, Non concupisces; Unde homo eos sentiens, & non consentiens, transgreditur præceptum, Non concupisces; quamvis transgressio in peccatum non deputetur.*

LXXVI. *Quamdiu aliquid concupiscentiæ carnalis in diligente est, non facit præceptum. Diliges Dominum Deum tuum ex toto corde tuo.*

LXXVII. *Satisfactiones laboriosa Justificatorum, non valent expiare de condigno poenam temporalem restantem post culpam condonatam.*

LXXVIII. *Immortalitas primi Hominis non erat gratiæ beneficium, sed naturalis conditio.*

LXXIX. *Falsa est Doctorum sententia, primum Hominem potuisse a Deo creari, & institui sine Justitia naturali.*

CAPUT XIV.

*Pontificum in Michaëlem Bajum censura.
Hujus querela & defensio.
Jansenius affecla.*

ATque hæc sunt Propositiones Michaëli Bajo, at confuso satis ordine, & in plurimis mala fide adscriptæ. Illas autem ex Decreto Urbani VIII. in Jansenium, quo Bulla Pii V. & Gregorii XIII. in Bajum iterata (cum parium errorum rei haberentur) collegimus. Nimirum adeò Romæ erant invisæ, ut mox Papa hanc sententiam pronuntiaverit.

Papæ
Pii V.
condem-
natio.

„ Quas quidem Sententias stricto coram no-
„ bis examine ponderatas, quamquam non-
„ nullæ aliquo pacto sustineri possent, in rigore,
„ & proprio verborum sensu ab assertoribus in-
„ tento, hæreticas, erroneas, suspectas, teme-
„ rarias, scandalosas, & in pias aures offensionem
„ immittentes, respective, ac quæcunque super
„ iis verbo scriptoque emissæ, præsentium au-
„ thoritate damnamus, circumscribimus & abo-
„ lemus; deque iisdem & similibus posthac,
„ quoquo pacto, loquendi, scribendi & disputandi
„ facultatem quibuscunque interdiciamus; qui se-
„ cus fecerint, ipsos omnibus dignitatibus, gradi-
„ bus, honoribus, beneficiis & officiis perpetuò pri-
„ vamus, ac etiam inhabiles ad quæcunque de-
„ cernimus, vinculo quoque Anathematis eo
„ ipso innodamus, a quo nullus Romano Pon-
„ tifice

„tifice inferior valeat ipsos , excepto mortis ar-
„ticulo , liberare.

„Deinde *post aliqua* , quibus *Bulle executio vigo-*
„*rosa jubetur* , additur : nulli ergò omninò homi-
„num liceat hanc paginam nostræ damnationis ,
„circumscriptionis , abolitionis , interdicti , de-
„creti & mandati , privationis & innodationis
„infringere , vel ei ausu temerario contraire :
„si quis autem hoc attentare præsumpserit , in-
„dignationem omnipotentis Dei & beatorum ,
„Petri & Pauli Apostolorum ejus , se noverit
„incursum.

Et sic quidem Pius V: & secutus est Grego- <sup>Et Gre-
gor. XIII</sup>
rius XIII. suum Prædecessorem , cum videret
non defuisse Theologos , & Professores , qui ar-
ticulos in præcedenti constitutione damnatos
asserere & defendere pergerent. Igitur eorun-
dem temeritatem & audaciam ad totius Eccle-
siæ scilicet periculum pertinentem minimè dis-
simulandam censuit ; sed verò ad coercenda hu-
jusmodi ingenia 4. *Kalend. Febr. 1570.* editam Pii
Bullam confirmavit , articulosque ibidem nota-
tos rursus condemnavit , eam iterante Urbano
VIII. in suo contra Jansenistas decreto , ut eos
cum Bajanis ceu ritè damnatis componeret.

Atqui non sic Pius egit ex Evangelica in veri- <sup>Apolo-
gia pro
M. Bajo.</sup>
tatem , Gratiae gloriam & Christi merita *pietate* ;
non se ostendit Gregorius pastorem vere *genyo-*
pūta pro sancta fide , resumente suas vires in-
dies Pelagianismo. Si Bradwardinus sæculi XIII.
Scriptor surrexisset , renovasset absquo dubio
suas voces , visa suo tempore Pelagii haud satis
T impe-

impedita veluti altera nativitate. *Simon, Simon dormis? exurge, queso, exime gladium, amputa quæque sinistra hæretica pravitas, defende & protege Catholicam veritatem.* De Causa Dei Lib. III. c. 53. Quamquam frustra fuissent hæ querulæ preces ob invisam & Tridenti recens condemnatam Reformatorum fidem, ad quam Bajanæ Theses omninò accessisse videbantur. Sed quoque datus erat Ecclesiæ Romanæ jam Libellus repudii, & debuit illa deserta palam facere se planè excidisse ex gratia, Pelagianismum amplexam, qui Antichristi fides esse debuit, uti subruit Christianismi fundamenta. *Pelagiani totum omnino id, quò Christiani sumus, nituntur evertere, inquit Patres Milevitani Epist. ad Innocentium.*

Sanè Pontificiam Bullam Jesuitarum similitumque consilio confectam esse atque vulgatam ex ipsa Historia satis est manifestum. Etenim recens exorta Societas plurimâ apud Romanam Sedem gratiâ pollebat, ex quo Pauli III. confirmata decreto, quod Gallorum imprimis ac nominatim ipsius Episcopi Parisiensis Eustochii Bellai invidiam provocavit. Censuit enim hic Jesuitarum nomen esse arrogantia plenum ac novum Sodalitium ad motus potius concitandos, quàm Ecclesiæ conciliandam concordiam institutum esse. Pontificem imò illis privilegia largitum, quæ juri communi repugnent & Universitatum authoritati ac potestati præjudicent.

Accrevit tamen Pontificis erga Jesuitas studium, quia instigante Cardinali Lotharingo ab ipso Galliarum Rege VII. Kalend. Majas Anno

CIOICLX. Curia mandatum, ut nulla habitā Theologorum Parisiensium & Episcopi ipsius Bellaji ratione, tam Pontificia, quam Regia diplomata in Societatis gratiam promulgarentur. *Thuan. Hist. Lib. xxxvii*. Itaque Lojohæ supra suam spem sortemque rapti & admoti honoribus, nec non Pontificiis consiliis post Paulum III. ipsis insuper faventibus Julio II. Paulo IV. ac Pio V. brevī sacra decreta in suam rem prouocudere atque inflectere potuerunt. Noverant enim cati homines Paparum ad se animos allicere vehementi adversus Euangelicos oppositione, votoque quartō, quo se & sua omnia Pontificis voluntati, ceu sui Numinis, subjecere. Hinc cum nullus Ordo magis Papalem *divinita*-adoraret, quam Jesuiticus, haud mirum fuit, ipsos exiguo tempore in Vaticana Aula fere rerum omnium potitos.

Motis ergo per M. Bajum controversiis, acta omnia ferè per Jesuitas, Reformationis brutos hostes, Franciscanorum secutos vestigia, Dominicanis, qui Thomam sequebantur, æmulos atque invisos. Namque primū missus Lovanium est Bellarminus, magnus Jesuita, qui de quæstionibus cognosceret, remve omnem componeret vel ad Papale Tribunal deferret. Hic verò suā usus est legatione, auditoque Bajo Romam recessit indignabundus, quod plurimas Scholasticorum, etiam suas opiniones, ab ipso ut Pelagianas perstringi audivisset.

Conficitur ergo decretum, libratīs Baji The-
sibus, quo haud celat Papa suam iram, quod

nonnulla Themata (quæ maximè Jesuitarum erant) Pelagianismi arguerentur , idque promulgatur A. c10 ICLXV. Interea Bullæ executio Cardinali A. Granvellano , qui Mechilinensi Archiepiscopatu donatus erat , committitur (hic quis fuerit , ex nostris Historiis est manifestum) jussusque est facere omnia ad abolenda Baji scripta , arcendas disputationes , observandave sacra decreta , etiam punire contradicentes , invocato brachii sæcularis auxilio , ac porrò videre , qua ratione & modo Ecclesiæ Romanæ unionem ac pacem procuraret. Quin , cum Gregorius XIII. vidisset suo destitui fructu Prædecessoris sui Bullam , denuò eam roboravit , misso insuper *Toledo* , post Cardinali , Lovanium A. c10, ICLXXX. qui turbas componeret , ac curaret illam ab omnibus submissè recipi , uti colligimus ex Vasquezii verbis , quæ notat *Jansenius Tom. II. P. 667.* & Pii V. Bulla ab Urbano VIII. confirmata atque impressa Romæ A. 1644.

Viri fau-
tores.

Succubuit ita Bajus Jesuitarum maxime operâ , & tantum non ut hæreticus à Romana Sede est habitus. Non desuere tamen Viro Docto fautores , non in Belgio Episcopi , nimirum Martinus Rythovius Iprensis , F. Sonnius Busco-Ducensis ac Cornelius Jansenius Gandavensis , qui Virum noverat intime , ipsi ad Tridentinum Concilium fidus Achates. Ergò ipsorum rogatu sese defendit , explicatâ suâ atque articulorum sibi impositorum mente & sensu , de facta injuria ac male perceptis suis Thesis conquestus. Dolet enim XL. circiter

Ipsæ se
suetur.

articulos

articulos falsò sibi impositos, de quibus nunquam cogitaverit. Multos præterea a Collectoribus suis amulis in alienum sensum detortos, ut invidia laboraret. Interim, inquit, male etiam me habet, quod multi sibi persuadeant, omnes istos articulos, qui in Bulla damnantur, esse falsos vel hæreticos, cum aliqui falsi esse non possint. Quò tamen Pontificiæ auctoritati, quam abjicere non poterat, facto ad Reformationem progressu, caveret, subjicit: sed damnantur tantum, quia offensivi sunt & scandalosi, seu odiosi. At bene habet, Michaël, quod Ecclesiæ Romanæ ipsa veritas sit offensionis, ac scandalo! Utrique erant scandalosi & offensivi Scholasticorum auribus; maxime cum ab ipsis Reformatis in gloriam Divinæ Gratiae fervide propugnarentur.

Solabatur quoque se Bajus verbis Bullæ, quamquam nonnullæ (sententiæ) aliquo pacto sustineri possent in rigore & proprio verborum sensu ab assertoribus intento, &c. in suum favorem sic explicatis. At negabant Adversarii Pontificis ita verba intelligi debere, sed plane alio modo intercessa, scilicet adjecto post sustineri possent commate, ut Papæ mens sit, damnamus eas ut hæreticas erroneas in rigore & proprio verborum sensu ab assertoribus intento. Adeò ambiguum videbatur Jovis Capitolini, instar Apollinis, oraculum! Atque hinc disputantium ortæ de sensu altercationes novæ, & de corruptis Pontificis verbis querelæ, accusantibus mutuò Bajanis ac Jesuitis: nec destitère Jansenistæ, quominus Baji interpretamento rum sese, tum ipsum Pa-

pam, ut non deceptum, in fide tuerentur. Certe Jansenius in favorem Baji eo, quo dictum est, modo verba explicanda asseverat se accepisse a suo Præceptore D. Jansonio, qui omnium, quæ Lovanii acta in Bullæ per Tole- tum promulgatione, spectator fuerat. *Itaque idem Janssonius, inquit, palam contestatus est, Pon- tificis Bullam adulteratam esse ab iis, qui distinctionem ponerent post illa verba, sustineri possent, ut reliqua, quæ sequuntur, in rigore & proprio verborum sensu ab assertoribus intento, ad damnationem referrentur, quasi in sensu ab auctore intento dampnarentur. Nullum enim distinctionis in originali Bullæ, quam tenebatur manibus & legebat, vestigium esse asserbat, & revera nullum esse ego ipse sapiens oculis meis vidi.* August. Tom. 11. P. 673.

Addebat Bajus suæ Apologiæ gravissimam ad Pium V. *Commonescationem* datis litteris, quæis metuebat, ne stricta in propositiones condemnatio in Belgio & ubi Catholici inter Hæreticos (Euangelicos) vivunt, & ex Scripturis ac Patribus disputant, triste scandalum afferret. Nimirum, ait, *Regio hæc, propter importunitatem Hæreticorum, multos habet longe magis S. Sacris & Veterum Patrum sermonibus assuetos & addictos, quam Doctorum Scholasticorum: qui forte existimantes nonnulla in scriptis Patrum contenta propter eos damnari, qui non nisi sensibus & verbis Doctorum Scholasticorum assueverunt, scandalizabuntur. Verum observatis auribus fusæ preces. Perstitit enim Pontifex in semel decreta condemnatione, Censebat quippe, publicæ causæ & Ecclesiæ magis inter-*
esse,

esse, nihil de inveterato jam more loquendi Scholarum immutare, ne ipsarum vilesceret autoritas, quam de paucorum forte scandalo curare.

Sufficiat, Lector, hæc impræsentiarum de Baji doctrinâ, ejusque *Fato* observâsse. Jam verò Jansenius illius Viri Fautor & Sectator omnino fuit, faciente J. Jansonio, ut ante Libro I. observatum. Atque hinc ingentes in ipsum iræ & petita præsentanea condemnatio. Quin nihil amplius postulari debere videbatur, quam Bullæ in Bajum vulgatæ memoria, quâ jam scriptum erat Jansenii anathema. Utique Iprensis non tantum gratiam efficacem posuerat in arce, destruxeratque naturæ lapsæ ad bonum vires, verum etiam ipsius Baji susceperat alicubi tutelam, contempto palam Pontificis decretô, nec agnitâ ejus infallibilitate. Immane crimen quovis supplicio expiandum! Quare cum T. II. de S. N. L. 4. fusè docuisset Liberi Arbitrii in peccatore ad bonum impotentiam, adeo ut peccet necessariò, Cap. 26. recensuit plurimas Michaëlis Baji Theses suis consonas: ac objecta sibi duorum Pontificum autoritate in condemnata quadam propositione, *quid ergo, dices, ad propositionem, quam proscripsit Apostolica Sedes?* Respondit, *Hæreo fateor*, conatus etiam ubique Bajum quovis modo condemnationi eximere. Igitur apertum erat, Jansenium hominis damnati assecclam esse, proscribendum ilico, constringendum iisdem vinculis.

Sic Jesuitæ Lovanienses in suis Thesis,

Ira hinc
in Jan-
senium.

Pag. 4. alique, de quibus *Sanctamoreus* in suo *Diario*, Pag. 73. Quamquam hic non sine fraudibus egerunt Jansenii hostes. Etenim verba ipsius truncata reddiderunt, *hæreo fautor: sed quid ad Doctrinam Augustini?* Quasi Pius V. & Gregorio XIII. autoritatem S. Augustini opposuisset vel exæquasset: cum integra sic sonarent, *sed quid ad Doctrinam Augustini clarissimam constantissimamque, quam toties probavit & sequitur, sequendamque monuit Apostolica Sedes?* At sic non Pontificibus Augustinum faciebat adversarium; verum potius illis alios comparabat, libratis utrimque decisionibus, quo patesceret, Pium V. aut Gregorium XIII. absolutè Bajum non condemnasse, vel suas Theses, quas Augustini esse demonstraverat, non esse illas, quæ duorum Pontificum Censuram præcedenti sæculo commeruerunt: secuturum alias Sanctam Sedem Augustinum condemnasse, & a seipsa defecisse, quod absurdum. Sic Jansenitæ pro suo Jansenio, sic *Sanctamoreus* Cardinali Barberino, qui in hac Jansenianæ mentis interpretatione acquiescebat. Verùm hæc non satisfacere Jesuitis, maximè cum invenirent in Autographo Jansenii, Bullas Pii & Gregorii arte Satanæ esse conceptas. Qua de accusatione Jansenii affectæ viderint.

Janse-
nitarum
pro Jan-
senio A-
pologia.

Saltem observato jam invento tantum sibi placuere, ut putarent id pietatis esse erga Sacram Sedem, à qua Jesuitæ omninò discederent. Nempe Jansenius longe melius merebatur de Apostolico Throno, qui Pontifices concii-

conciliare tentabat, & recentioribus non opposebat Augustinum, sæpius ore Veterum laudatum, quam illi, qui aut Augustinum ceu hæreticum habebant, vel antiquos Pontifices cum posterioribus committebant, ut hi necessario errasse dicerentur in fide, illis cum Augustino recte sentientibus. Etenim si Jansenius opprimendus foret Pii V. decreto; eodem damnandus esset Augustinus, neque minus Innocentius I. Sozimus, Bonifacius, Coelestinus, alii, qui omnes in Hipponensis sententiam concesserant. At sic sequebatur Ecclesiæ Romanæ & Capitis ejus manifesta fallibilitas, nec non interruptus in doctrina consensus. Unde non tali modo habendus erat Jansenius, sed potius censendus pietissime erga Catholicam Sedem egisso, seu in quærenda Pontificum concordia, seu in quibusdam Baji excusandis propositionibus, seu in explicandis commode Pontificiis contra hunc Michaëlem decretis, ne sequelæ plurium absurditatum daretur ratio, vel adversariis multarum in Romanam Ecclesiam criminationum causa. Sic fautores Iprensis Episcopi.

Quid quod ostenderit Jansenius, ipsos Jesuitas non fuisse auctores omnes Baji propositiones ut hæreticas & erroneas condemnare: *Tom. II. de Statu Naturæ Lapse, Lib. 4. cap. 26.* Adeo quidem, ut senserint Bajum in multis à Pontifice esse condemnatum, non tam propter opinionis pravitatem, quam animi arrogantiam, audaciam atque acrimoniam, qua seu sua astrue-

bat, seu Doctorum a se dissentientium sensa infectabatur. Quippe ea ceu Pelagiana palam perstringebat, coque ipsius propositiones, uti acerbae ac fulminantes, invektivæ, erant *scandalosæ & in pias aures offensionem immittentes*. Etenim grave erat, Orthodoxis scilicet Scholasticis audire, quod *Pelagiani fures ac latrones essent*, id arbitrati, quod Bajus impugnabat. Et sic notat Iprensis Jesuitas ipsos, *Suarez & Vasquez*, condemnationem quarundam propositionum interpretatos, nec non *F. Toletum*, qui Lovanium missus est, ut lites inter Theologos componeret, & curaret Bullam Pontificiam ab omnibus submissæ recipi, adducto ipsius Vasquezii testimonio, qui, hanc Pontificis mentem esse, ex ipso Toleti ore audiverit. Quid videretur Lector? Non miraris Cadmæos Fratres de Bullæ Pontificiæ, quæ miserum Bajum afflixit, sensu disputantes? An Jesuitæ misericordiâ erga suum hostem tangi potuerunt? An timuerunt potius, ne Michaëlem plane condemnantes, puri Pelagianismi reos se prostituerent?

CAPUT XV.

Digressio de Episcopi Condomensis B. Bosueti Libellô, seu expositione fidei, cum Baji doctrinâ comparato. Is tamen placuit Romæ. Testimonio quàm dubia ibi sit fides & hypocritica.

Brevis
digressio
ad fidei

AT verò quicquid Jansenistæ se Pontificiâ Bullâ extricare, vel illius rigorem contra Bajum

Bajum emollire studuerunt; nihilominus certum est, Bajanæ propositiones quovis modo ut scandalosas, falsas & erroneas, eoque condemnatas in Romana Ecclesia fuisse habitas. Et hinc vehementer mirari subit, quod *J. Benignus Bossuetus, Episcopus Condomensis, Præceptor Delphini, unaque Regis Consiliarius*, dederit nuper Themata Bajanæ æqualia, quasi Ecclesiæ Romanæ fidem exprimerent, Libello edito, *Exposition de la doctrine de l'Eglise Catholique sur les matieres de controverse*. Magisque mirum Tractatulum, oppugnatum non semel a Doctissimis quibusdam in Gallia Theologis, plurium Episcoporum, Cardinalium, ipsiusque Innocentii XI. assensum & subscriptionem obtinuisse dato *Brevi*, *iv. Januar. Anno LXXIX.* quod editioni Gallicæ præfigitur, Nempe ex isto Libello *Conversiones atque orthodoxæ fidei Propagationes in Galliis audierat*. Quamquam ante Clemens X. eum probare abnuisset.

Expositi-
tionem
Episcopi
Condomensis,
nunc
Melden-
sis.

At Innocentius XI. facilius erat, quod Augustiniana dogmata, i. e. Janseniana, magis amaret, suadente Cardinali Bona, qui ipse novi Molinismi fundamenta primùm jecit, ut ante *Libro III.* observavi. Et quidem iste Cardinalis tanti existimabat *Condomianam Methodum*, ut eam *Geometricam esse, & ex certis principiis communibus & probatis* (Augustinianis voluit dicere) *deductam* arbitraretur. Nec delatus Libellus Romam est, nisi semel iterumque a Sorbonicis correctus, & suppressa priori editione (cujus tamen exemplar in R. Tillotsoni, nuper Archiepiscopi Cantuariensis meritissimi manus incidit) recus;

recusus; nec probatus a Papa, nisi ad Authoris ingenti adulatione refertas, præter Gallorum morem, supplicationes, armatasque Legati Gallicani postulatione & convitio, quòd Rex diuturnioris moræ impatiens esset; imò non nisi III. Pontificatus anno, quod tanta hic opus foret prudentia.

Libet hic referre nonnulla Episcopi Condomensis dogmata, quæ Veterem Romam ut Apostaticam condemnant, Bullam contra Bajum reddunt evanidam, Papatus horrorem tegunt, ad nostras accedunt, atque incautos in Babelem reducere apta nata fuere. Eò enim scripta sunt consiliò, ut injusta nostrorum Patrum secessio arguatur, atque habeantur illi ut Scismatici pervicaces, qui cum Ecclesia Romana nolunt redire in gratiam, vel invitari ad regressum. Nimirum male accepta, calumniisque gravata est Pontificia fides vocabulis tantum in sequiorem sensum flexis, hinc pessime oppugnata, ejurata!

Hæc ergò Condomensis, nunc Meldensis Episcopi sunt Themata.

Episcopi
dogmata

I. *Vita aterna & spes salutis non nisi in Christo solo habenda.*

II. *Omnia petenda, omnia speranda, omnesque agenda gratia per J. Christum.*

III. *Peccata nostra remissa sunt per unicam & puram misericordiam propter J. Christum.*

IV. *Debemus uni liberalitati gratuita justitiam, quæ est nobis per Spiritum Sanctum.*

V. *Omnia bona opera, quæ facimus, dona sunt tantum gratia.*

VI. *Vita*

VI. *Vita aeterna debet proponi Filius Dei & fuiti gratia, quae ipsis ex misericordia promissa est per nostrum Salvatorem ꝑ. Christum, & velut merces, quae fideliter rependitur ipsorum bonis operibus & meritis, in virtute istius promissionis.*

VII. *Merita nostra sunt dona Dei. Nihil enim possumus per nos ipsos: sed quicquid possumus, id possumus per ipsum, qui vires dat, ꝑ. Christum, in quo tota nostra fiducia.*

VIII. *Iustitia Christi non solum est imputata, verum etiam actu communicata suis fidelibus per operationem Spiritus Sancti, adeo ut non tantum censeantur, sed etiam facti sint iusti per gratiam.*

IX. *Quamvis nostra iustitia sit vera per infusionem charitatis, attamen non est iustitia perfecta propter luctam concupiscentiae.*

X. *Hinc gemitus continui anima resipiscentis a suis vitiis faciunt maximum officium, iustitiae Christianae necessarium.*

XI. *Et juxta Augustinum nostra iustitia magis consistit remissione peccatorum, quam perfectione virtutum.*

XII. *Primum fidei principium est, Liberum Arbitrium nihil posse facere, quod ad aeternam beatitudinem conducat, nisi in quantum est motum & elevatum per Spiritum Sanctum.*

XIII. *Ecclesia cognoscens, quod ille Divinus Spiritus sit, qui in nobis facit per suam gratiam, quicquid boni facimus, credere debet, quod bona opera fidelium sint maxime grata Deo, & magnae coram ipso existimationis.*

XIV. *Atque haec ratio est, cur jure naturae voce*
Merni,

Meriti, maxime ad significandum valorem, pretium, dignitatem eorum operum, qua facimus per gratiam.

XV. *Salvator solvit totum liberationis nostra pretium: nec aliquid deficit illi pretio, quia est infinitum. Unde reservationes pœnarum non proveniunt ex defectu aliquo illius solutionis, sed ex quodam ordine, qui constitutus est ad nos retinendos in officio per justas reprehensiones & disciplinam salutarem.*

XVI. *Iustum est enim, ut Deus, remittens æternam pœnam, exigat a nobis aliquam temporalem, quò nos in nostro officio detineat, ne excedentes nimis facile vincula iustitiæ, nosmet ipsos traderemus temerarie confidentiæ, abusi facilitate remissionis. Eò autem pertinent pœna, quas Ecclesia Antiqua pœnitentibus imposuit, quaque appellamur Canonica.*

XVII. *Si autem quispiam opponat, quò credamus, nos posse satisfacere per nos ipsos, quadam ex parte, pœna, qua est debita nostris peccatis, possumus dicere confidenter, quod contrarium appareat per illa Themata, quæ posuimus.*

XVIII. *Illæ enim faciunt clare intelligere, quod omnis nostra salus non sit, nisi opus misericordiæ & gratiæ; & quod id, quod facimus per gratiam Dei, non sit minus ipsi tribuendum, quàm id, quod solus facit per absolutam voluntatem; & quod, denique, illud quod ipsi damus, non minus sit ipsius, quàm id, quod nobis donat.*

XIX. *Denique credendum est id, quod appellamus satisfactionem, non esse quicquam aliud, quàm applicationem satisfactionis infinitæ, Christi Servatoris.*

XX *Christi, mortis signis velati, præsentia in Eucharistia efficacissima est intercedendi ratio. Eoque sensu*

sensu dici debet, Christum se pro nobis in ea offerre: atque ipsi nos in eodem Sacramento Christum Deo offerimus, quatenus protestamur, nos nihil habere, quod offeramus Deo, præter Christum, mortisque Christi infinitam dignitatem.

Sic Episcopus Meldensis, & miraberis absque ^{Episcopi} ^{vanus} ^{astus.} dubio, Lector; quam enim hæc sunt Baji propositionibus paria? Quidni putabimus Michaëlem idem sensisse, dum velut hæreticus est a duobus Papis condemnatus? Themata conferantur, & intelliget Lector, quam sint paria. Unde verò jam hic novus sermo? An ex ipsa Reformatione, quæ Gallorum, maximè acumine valentium, oculos perstrinxit, vel an ex Augustinianis principiis, jam aliquamdiu in meridiem adductis? Certè hinc pudere cœpit aded Viros acutiores horrendæ Papatûs nuditatis, ut quod Christianismi retinuerant, conati sint alio schemate vestire. Plane uti Gentilium sapientiores, dum sæculo 11. à Christianis Polytheismi pudore suffunderentur, incepterunt suam insaniam corrigere, & excusata, ut poterant, antiqua suorum Patrum Religione, unum Deum modò profiteri. Et quidem primarii inter illos fuere Walenburgii Fratres (utique Batavi) quorum post multas cum Reformatis & Lutheranis disputationes Opera A. MDCLXX. Colonia excusa sunt. Nec alius istorum Ardelionum scopus fuit, quam ut Pontificiam fidem quodam fucō pingèrent, & methodo, dictâ perperam Augustinianâ, quæ examen controversiarum præscinderet, injecto præscriptionis jure, incautos falleret. Et
fatis

fatis novit Condomensis Episcopus, quando & ubi suo in Libello ipsorum astu & verbis usus sit, quasi modò descripsisset.

Verùm quidquid isti egerint, nunquam id efficiant, ut putemus istiusmodi faciem, ante & post Reformationis exordium, Pontificiam Religionem habuisse, quali eam ornare satagunt. Legantur, Ekkii Enchiridion, ac Cardinalis Hosii Tridentini Præsidis Opera, satisque apparebit, quò vultu tum prospexerit. Adhuc dicimus, eaque semper erit oculatorum sententia, justa fuit Patrum ex Babele secessio, æquum manebit nostrum in Romanos errores odium, frustra invitabimur ad regressum, qui novimus Pontificiæ Curiae solitas artes, dolos, fraudes.

Si verò hæc Romana sit fides, condemnentur evulgatæ Bullæ contra Bajum & Jansenium; Anathemate percutiantur omnes Jesuitæ, quibus Meldensis Episcopi hypotheses opponuntur, agnoscant Romanenses, suam Ecclesiam ante a fide aberrasse, & opus habuisse Reformatione, quæ negata nostri excessus originem dederit. Ac dum in Hispania, Barbariæ affita, in Italia aliisque Orbis partibus horridum adhuc Papatum retinent Monachi, Doctores, Prælati, cogantur ad ejurandos suos errores, prædicandam Christi justitiam, celebrandam Dei gratiam eâ, qua Condomensis, mente. Desinant ipsi atrocium calumniarum in nostros, uti nos jubent sine præjudicio Romanam fidem intueri; desinant persecutionum; norunt, ut Christi gratiam, unicum salutis fundamentum, agnoscamus.

LIBRI II.

DE

CORNELII JANSENI

DOGMATIBUS,

CAPUT I.

*Jansenius rectè Jesuitas uti Pelagianos
accusavit.*



Ic ergò Jansenius Michaëlis Baji Jansen. petiit Jesuitas ut Pelagianos. Doctrinam de Naturâ & Gratiâ secutus est. Cum verò Vir hic Egregius maximos sibi hostes Jesuitas haberet; Jansenius eodem sibi adversarios delegit, quos exagitaret. Scilicet implacabile in eos odium Præceptor Jansonius, Michaëlis discipulus, ipsi instillaverat; nec fieri poterat, ut Jesuitas ferret, qui amore fidei Augustinianæ tantopere urgeretur.

Igitur quidquid parabat armorum ex Augustino, Pelagianorum malleo, repetebat. Neque quid magis urebat Jesuitas, edito Jansenii Augustino, quam quod ad Augustini Tribunal revocarentur, & palam ceu Pelagiana Soboles, instituto præsertim inter ipsos & Gallos Massilienses, jam ab Augustino refutatos, parallelismo, prostituerentur.

Hinc ac-
cusatus.

Imò hæc vehemens accusatio deinde malo-
rum omnium Iprensi sola ferè & unica causa
extitit. Hinc enim Jesuitarum primùm Lova-
niensium in ipsum voluminosæ Theses, ac P.
Viveri Sacellani acerbæ ad Cardinalem Infantem
querelæ. Erat enim hic Jesuitæ Vasquezii, sæ-
pius à Jansenio notati, discipulus, putabatque
sui muneris esse, Præceptorem ab hæreseos
crimine vindicare. Dixerat siquidem Iprensis,

*Imperitiam Doctrinâ S. Augustini tantam in Vasquez
passim apparere, ut alienis, non suis oculis illius scri-
pta legisse videretur. Porro Jesuitæ censuram in
Augustinum esse insolentem, temerariam, imperitam.*

Tom. II. Pag. 187. 188. Ipsum Naturam & Li-
berum Arbitrium Superbe tueri, P. 178. 180. Suis
præstigiis peccatum in fumos resolvere, P. 209. 210.
Cognitiones naturales pro vera gratia obtendere, Pe-
lagiumque non posse Augustini doctrinam magis subdolè
& perniciosè adulterare, quam Vasquez, Pag. 709.
Quin hunc minus liberalem esse in admittenda vera
Christi gratia, quam Pelagium, Tom. III. P. 70. 74.

Neque clementius habiri a Jansenio Molina,
Suarez, aliique, qui eo impudentiæ & audaciæ
processerant, ut ipsius Pelagii sententiam pro
Augustiniana Orbi obtruserint. Dura sanè Je-
suitarum auribus & animis criminatio, atque
apta nata inurere notam hæreseos superbæ So-
cietati. Sed commiseruerant hanc Censuram suâ
petulantia, quâ factum, ut Fratres se domi mu-
tuis vulneribus confoderent.

Dominici
canti ante
Jesuitas

Quid enim notius, quam Dominicanos æ-
mulis Jesuitis atram Pelagianismi jam diu notam
inussisse?

inuisse? Sic enim Bannez in Thomam Part. 1. ^{uti Pelag. habuere.} Q. XXIII. Art. 3. Medina in Primam Secundam, Q. CIX. Art. X. Alvarez de Auxiliis, Disp. XCIX. Navarrella Controv. XXI. de Pradeter. Physica in 1. Part. Th. Q. XIX. ubi Jesuitismos cum Pelagianismis 18. Articulis contendit. Libet eos exhibere.

I. Removetur omnis industria, tollunturque virtutes, si Dei constitutio humanas preveniat voluntates. In 1x. Articul.

II. Libet gratia preveniat merita humana; tamen homo invenit istam gratiam, quia bono nature bene usus ad istam salvantem gratiam initialis gratie ope meruit pervenire.

III. Bonitas apparet in Deo, quia neminem repellit a vita; sed indifferenter universos vult salvos fieri.

IV. Quia pravaricatus, ideo dicitur non obedisse, quia noluit; fidelis quoque non dubitavit ob hoc devotus fuisse, quia voluit.

V. Qui quondam non populus, nunc autem populus Dei fit, & quorum aliquando non miseris est, nunc autem misereitur, prout sunt à Domino credituri: & ad unamquamque gentem ita dispensata tempora, ac ministeria magistrorum, ut exortura erat bonarum credulitas voluntatum.

VI. Ad omnes homines pertinet divina misericordie sacramentum, quo ideo plurimi non renovantur, quod renovari velle non praeoscantur; & Evangelium ideo non audierunt, quia nec fuerant recepturi.

VII. Duo sunt quae humanam operantur salutem, Dei scilicet gratia, & hominis obedientia: obedientia

autem prior est quam gratia, & initium salutis in eo qui salvatur: & gratia non sibi subiecta voluntatem.

VIII. *Ideo quis adjuvatur, quia voluit; non ideo quia adjuvatur, vult.*

IX. *Homo quasi componit cum Deo, ut partem sibi fidei vindicet, atque illi partem relinquat.*

Sic fanè Dominicani Jesuitas accusârunt. Sed quid modò Pullatos Fratres ostendam accusatores? Citentur ipsi in se suosque Socios Jesuitæ Testes. Sane Bellarminus, qui videri volebat castiùs philosophari, hoc dat præclarum de Molinæ, Vasquezii Lessiique opinione testimonium, Lib. 1. C. 12. de Gratia, *hac opinio, aliena est omninò à sententia Scripturarum Divinarum & evertit omninò fundamentum predestinationis divine, quam S. Augustinus ex divinis litteris solidissime comprobavit.*

Ipsi Jesuitæ Jesuitas accusar.

Imò ipse Suarez Vasquesii inventum de *Cogitatione Congrua*, quam obtrudit pro Gratia Jesu Christi, perstringit ut alienum à sententia Augustini, atque affine Semi-Pelagianorum commento, imò ut destruens veritatem internæ gratiæ, nihilque in re ab errore Pelagii dissonum, de Grat. Lib. 1. c. 17. de Predest. Lib. 11. cap. 16. Et quam idem Suarez hic aberret, licet tantopere excurrat alibi in Augustini laudes, ut ejus doctrinâ controversiam de Gratia finiendam putârit, ex ejus Disputationibus est manifestum.

Hoc ipsum, inquit, Lib. 111. de Auxil. c. 14. quod auxilium sit aut non sit habiturum effectum, pendet ex Libero Arbitrio. Nimirum hoc est Augustinum sequi & Massiliensium devia evitare! Quare ipsum

ipsum necessario relabi in Molinæ & Lessii sententiam ostendit Jansenius, *Tom. III. Pag. 106. 261. 263. 816. 817.* *Summus enim, ut docet, Architectus est Gratiæ congruæ fundata in præscientia conditionalium, ibid. P. 261. 262. & Liberum Arbitrium constituit causam directam & principalem determinationis suæ ad agendum, P. 106. 108.* Ut omninò Suarez Vasquezii sui æmuli & reliquorum Molinistarum pararius Frater sit, quicquid cautior videretur. Certe Augustinianus est neutiquam, dum Augustini fidem non tuetur, sed impugnat; eum quidem pro se citat, sed ficta citatione; quin illi Pelagianorum adscribit objectiones, iisque satagit sua dogmata confirmare. Sic accusat *Jansen. Tom. III. Pag. 219-224. 242-245.*

Neque minus hæc Cardinalis Bellarmini labes Bellarmini Pelagianismus. erat, quamquam Molinæ, Vasquesii, Lessiique errores condemnat, & cum Augustino haberi vult familiarior. Nam Illustrissimus Cardinalis non quidem probat suorum Molinistarum opinionem uti alienam omnino a sententia Augustini (debuit dicere Pelagianam) ut qui Gratiam efficacem constituunt in assensu & coöperatione humana, ita ut ab eventu dicatur Gratiæ efficax, quia videlicet sortitur effectum & ideo quidem, quod illi voluntas coöperetur. Attamen reprobat ex adverso illorum mentem, qui docent efficacem Gratiam esse actionem Dei Physicam, quæ determinet voluntatem ad volendum bonum. Nam, inquit, hæc opinio (quæ Dominicanorum est, vide *Alvar. de Auxil. Disp. xxxviii. & xcix.*) videtur mihi aut esse eadem cum

errore Calvini & Lutheranorum, aut parum ab illo distare. Quid ergo censebit Cardinalis? An mediam inveniet viam, ut nec Gratiæ efficacia refundatur in humanam voluntatem, nec in ipsam Dei operationem? Quasi verò media quædam causa intelligi possit, dum disputatur de operatione Creaturæ & Creatoris, Entis dependentis & Independentis, finiti & Infiniti. At vide, ut se Bellarminus torqueat. Tertia, inquit, opinio (qua est Augustini) Gratiam efficacem collocat in interna suasionem; qua per Liberum Arbitrium respui potest, & tamen infallibilem effectum habet, quia Deus eam suasionem adhibet, quam congruere novit ingenio eorum, quas efficaciter & infallibiliter trahere decrevit, & quam novit ab eis non contemnendam.

Scilicet sic cautè agit Deus, ut sibi consulat & creatæ libertati. Quam vellet Eminentissimus Cardinalis hanc suam sententiam Augustinianam esse! Atqui id negabunt omnes Dominicani, qui sibi Augustinum vendicant, & jure merito, ut aliàs demonstrandum. Hinc, velit nolit, potius cum Massiliensibus sentit, medius inter Augustinum & Pelagium, uti inter Dominicanos & suos Molinistas.

Nimirum ex ejus mente ad Gratiæ efficaciam tria concurrunt: I. Suasio quædam moralis. II. Contemperatio illius suasionis facta tali personæ, sic dispositæ, tali loco & tempore. III. Scientia media, qua præcognoscit Deus profecturam suam suasionem, inclinante se ad bonum voluntate talibus in circumstantiis collocata.

locata. Sed hæc Pelagianismi faciunt obvelamina. Nam illius Myſterium prædit vel ſola Scientia Media, quæ ſpectat independentem liberæ & indifferentis voluntatis creatæ flexionem, & nullum Dei decretum de præcurſu, qui illam ad actum ſuum liberum determinet.

Unde quidquid Cardinalis videatur dare Deo, manebit tamen, non opus eſſe ad conversionem reali efficientia à parte Dei, qua peccatori vitæ ſpiritualis principium datur, aut ea promovetur ad exercitium: quin conversionis potentiam actu ineſſe peccatori cœu libero, ipſumque conversionis actum ultimatè non in Deum, ſed in ipſam hominis voluntatem refundi debere. Hinc enim eſt, quod ſuaſio illa Dei moraliſ fit efficaci, haud aliàs ex ſe ſufficiens ad eliciendam peccatoris conversionem. Solummodo ſuper adſtat ſpectator Deus, penſitat, quid valiturus ſit ſua ſuaſione apud hominem tali modo diſpoſitum: interim cum profecerit, debet agnoſcere ſe nihil magis egiſſe in converſo, quam peccatore, niſi quod occaſionem capta-verit, quam in altero præſentaneam non invenit. Quin quod inſecuta ſit converſio, ipſe intellectus Divinus tribuat neceſſe eſt non Gratiae, ſed creatæ voluntati, quæ potuit etiam congruam vocationem reſpuere & in ſuo naturali ſtatu permanere. Itaque ſic Becanus Part. III. Theol. Scholaſt. Cap. III. Theſ. 7. ſi queratur prima radix, quare hæc Gratia ſit efficaci, illa inefficax, recurrendum erit ad liberam coöperationem voluntatis, non autem ad præſcientiam Dei, qua prævidet

hanc & illam Gratiā congruam fore. Masculè : Hoc Jesuitarum omnium Pelagianizantium est arcanum , sic & Illustrissimi Cardinalis.

Igitur Jansenius non dubitavit ipsum Bellarminum , ut ad Pelagiana castra transeuntem , adoriri. Quid mirum? Suarezium modo exceperat vocationis congruæ parilem defensorem. An debuit Galero Cardinalitio parcere , ac cavere , ne Purpuratæ Insulæ pudendam maculam affricaret , illive vacillantem fidem objiceret , qui inter Ecclesiæ Cardines habebatur? At majus peccatum est *πελαγιανίζειν* , quam id exprobare. Non convenit Cardinali ad Pontificale Solium adspiranti pristinorum Præsulum vestigia deferere suorumque Sodalium ullâ ex parte errores seu tueri seu emollire ; at satis decuit Episcopum , non posse videre Purpuratum Patrem in causâ Gratiæ prævaricantem , cum sua autoritate Jesuitismo vires adderet.

Itaque Iprensi non suffecit eundem reprehendisse , quod Gratiā sufficientem paratam omnibus & debitam , etiam infidelibus adstrueret , *August. Tom. II. Pag. 760. 781. & Tom. III. Pag. 304. 305.* Verum etiam perstrinxit eo , quod pristinos Augustini errores *retractatos* pro genuinâ ejus Doctrinâ arripiat , ut videatur suis partibus consentire. *Ibid. Pag. 224. 348. & seqq.* imò verò , quod amplius , Pelagianorum objectiones ab Augustino relatas , tanquam propria verba producat , quo sua muniât dogmata. *Pag. 218. 219.* Scilicet id potuit pro sua potestate Cardinalis impune ! Id est Augustinianum esse !

esse ! Ni dicatur, quod Jesuitæ, non ipse Bel-
larminus, commiserint omne hoc vitium, qui,
referentibus in ejus *vita Fulgato & Sylvestro Pe-
tra Sancta*, nonnulla in operibus curarunt mu-
tari, in *spem fructus inter hæreticos ulterioris*. Sic
postulant piæ fraudes ! At Cardinalem à Jesui-
tismo hinc Pelagianismo liberum non esse, utut
a suorum quorundam petulantia ipsius in nos
disputationes faciunt manifestum.

C A P U T II.

*Jesuitæ ipsi suos palam accusant Pelagia-
nismi, & tales habiti in Congregatio-
nibus de Auxiliis.*

VIdemus itaque Jesuitarum Pelagianismum ;
videmus Societatis Barjesu Fratres se mu-
tuo conficientes. Addamus Jesuitæ Marianæ testi-
monium, dum intrepide suos laudat Cassiano Marianus
de suis
testimon.
palam assurgentes, Lib. III. de Morte & Mor-
talitate, cap. 6. *Non omnes, inquit, Augustini in* quasi
Cassiani
asseclis.
*eo sententiam probant : horrida ea multis videtur &
aspera. Video, quæ a Cassiano dicta sunt, omnia de
Gratia & Libero Arbitrio a Viris Eruditis nostra ata-
te defendi, quasi pietati consona, neque deflexa a fi-
dei regulâ sanctâ. Aded Jesuitæ Augustinum a
Dominicanis defensum deferunt, ad Pelagianos
transfugiunt, ipsos ut pietatis defensores vene-
rantur, dum istius Hipponensis fidem ceu hor-
ridam & piis animabus invisam exagitant.*

Probat.
quam re-
tè id
dixerit.

Vis, Lector, istiusmodi Viros nominem, qui pro sua magnanimitate malunt esse liberi, quam liberati, suisque subsistere viribus, quam a suo Deo dependere, Veteres Pelagianos tanquam Orthodoxos, uti ait Mariana, collaudantes? Notissimus est in Antiquitate ille Johannes Cassianus, Massiliensis Presbyter, quem secutus statim est Faustus Rhegiensis, Vincentius Lirinensis & Gennadius, qui Semi-Pelagianorum hæresin condidit, de quâ videri possunt Epistolæ *Prosperi & Hilarii ad Augustinum, Oper. ejus Tom. 7.* Scripsit autem is Cassianus librum *Collationum* pro suo dogmate, quem refutavit Prosper edito scripto *de Gratia Dei* & condemnavit Gelasius Papa in *decretis Dist. 15. c. Sancta Romana Ecclesia.*

Atqui non dubitarunt Jesuiticæ factionis Doctores hunc Cassianum summis ad cælum laudibus extollere, uti *celeberrimum sui sæculi Vitæ Spirituales directorem*, Apologiam pro Societate Jesu editâ a *N. Caupino*, Reginæ A. 1644. oblata. Quin fuere, qui in eum commentaria ceu Orthodoxum ante scriberent. Hos inter fuit Henricus Cuykius Episcopus Ruremundanus, ante Lovaniensis Theologus, & Steph. Tuccius Jesuita, eodem anno MDLXXXVIII. quo Molina suam concordiam edidit. Pudit quidem Jesuitas hujus Scripta in suam Bibliothecam referre; certum tamen hæreticam hanc audaciam ipsis objecisse P. Lemos in plena Congregatione habita x. Novemb. Anno MDCIII. nihil respondentibus. Quare etiam extant illius Lemosii

mosii lucubrationes adversus Tuccii in Cassianum notas. Quid vero mirum Massiliensem Cassianum laudari ab istis, qui Augustinum vituperant & vellent condemnatum?

Neque ignoravit CARDINALIS BARONIUS hanc suæ Societatis labem, quum indignatur in ANNALIBUS ad A. CCCCLXXX. pro Fausto Rhegiensi apologias elaborari, & quosdam dum in Novatores insurgunt, ab Augustini sententia recedere, ut quidem *Faustus Sanctus* inscribatur. Quamquam ipse anxius laborat, ut Martyrologium Gallicanum, *Faustum* inter *Sanctos* recensens, & Ecclesiam Rhegiensem cum uti Sanctum colentem, nec non Fœlicem Papam, ipsius scriptum de Libero Arbitrio suo testimonio confirmantem, omni molimine excusaret. Nempe *delinquens erravit: ut cum questio illa fuisset auctoritate Sedis Apostolicæ definita, errorem suum potuit detestari postea scriptis, quæ perierint, vel ante damnationem mortuus, potuit in animo habere sequi, quod sequendum doceret Ecclesia.* Sic ille ad A. CCCXC. §. XII. & XLII.

Baronius ipse queritur.

Magnum acumen Cardinalis! Nos unique habemus in Ecclesia Romana adoratos aliquandiu Sanctos, qui hæretici fuerunt. Habemus Papam hæretici scripta suâ Epistolâ roborantem. Quid dubitamus de Ecclesiæ istius vitio, & Pontificis fallibilitate?

Denique quô animô Dominicani Jesuitas Pelagianismi accusaverint, palam est ex Congregationum sub Clemente VIII. & Paulo V. Historiâ. Ibi enim Valentia, Arrubal & Val-

Jesuitæ Pelag. accusati in Congreg. de Auxil.

stida

stida se reos peragi Pelagianismi audiverunt, ipsorumque Pontificum hoc nomine iras persensere. Ac cum Valentia ibi concessisset, Pelagianos admisisse reipsa assensum supernaturalem fieri naturaliter, etsi verbis negaret, subsumente Thomâ Lemos, atqui idem facit Molina, hæsit plane reus commotis Consultoribus. Unde in exitu a Generali, qui errorem regi malebat, retulit acrem hanc censuram, *destruxisti Societatem, destruxisti Societatem concessione illius majoris*, quamvis aliàs audiret, *Tu gloria Jerusalem, Tu Letitia Israel, Tu Honos populi nostri*. At sic debuit Gregorius de Valentia ἀντορατίνετος, suorum Thematum & artium conscius. Hinc Papæ indignatione uti fulmine paulò post percussus, tanquam Augustini depravator & Pelagianorum sequax, fere exanimatus Neapolimque advectus ex dolore confestim mortuus est.

CAPUT III.

Accuratio Congregationum de Auxiliis historia, ut ostendatur Jansenianæ causæ æquitas.

Histor.
Congr.
de Aux-
liis.

ATque hæc omnia pro ostendenda causæ Jansenianæ justitia sufficere possent. Placuit tamen exactior Pelagianismi Jesuitici demonstratio ex CONGREGATIONUM DE AUXILIIS historiâ, ut abunde pateat, quanto jure in Jesuitas, ceu jam dudum a duobus

bus Papis condemnatos, calamum strinxerit I-
prensis Episcopus, & quâ injuriâ post tot in-
diuturnis Congregationibus labores & veritatis
triumphos, tam Dominicanis & Augustinianis,
quam Jesuitis sit imposita silentii necessitas, re-
verâ, ut ipse error triumpharet. Mirum au-
tem est, Illustrem Historiarum sui temporis
Scriptorem JACOBUM AUGUSTUM THUANUM
de istis Congregationibus parum aut nihil di-
xisse. Imo verò earum exordium ad annum
MDCIV. retulit, cum anno MDXCVIII. incepe-
rint, contentus modo hæc brevia, quasi Jesui-
tis parceret, aliàs neutiquam illorum fautor,
retulisse.

„Nec vacua a contentionibus gravissimis, ^{Ex Thua-}
„quasi per otium lascivientibus animis; Aula fuit. ^{ano.}
„Nam fiducia seu doctrinæ, seu, qua plurimum
„ubique pollent, auctoritatis Jesuiticæ Sodales
„alieno tempore aliquot quæstiones proposue-
„runt, quæ magnæ animorum commotioni,
„non solum Romæ, sed quacunque legitimæ
„successionis & doctrinæ patet ditio, materiam
„præbuerunt; & inter eas, Clementem VIII.,
„qui nunc Romæ sedet, credere legitimum
„B. Petri Successorem, non esse ex articulis fi-
„dei, quod nisi Philippicus Orator intervenis-
„set, toti Societati periculum non mediocre
„importabat: deinde etiam Confessionem, quæ
„inter Ecclesiæ Sacramenta habetur, & pro-
„inde præcipua cum reverentia exerceri debet,
„per Epistolam & per Cursores (*Suarez Jesuita*
„*ut hoc inseram, auctor fuerat*) peragi posse.
Quæ

„ Quæ quæstiones in ortu suo non solum magno
 „ consensu rejectæ, verum prudentissime statim
 „ extinctæ sunt. Tertiâ diutius multorum ingenia
 „ exercuit a Ludovico Molina proposita, de Gra-
 „ tia Dei cum Libero Arbitrio in nobis ad sa-
 „ lutem coöperante; in qua cum plus homini
 „ quam Deo tribuere videretur, summos ad-
 „ versarios habuit Dominicanos æmulos, qui
 „ B. Augustini, qui cum Pelagianis ea de re tam
 „ profunde & tot annis disputavit, sententiam
 „ in Ecclesiâ receptam tuebantur. Itaque sub-
 „ sidio evocatus ex Hispania Franciscus Suárez,
 „ magni nominis inter eos Theologus, & vix
 „ tandem post complura hinc inde publicata scri-
 „ ptâ, ex Concilii verbis, in quo tamen quæ-
 „ stio minime agitata erat, interpretatione ad-
 „ jectâ a prudentissimo Pontifice controversia
 „ ita composita est, ut eam non motam ab ini-
 „ tio optasse ostenderetur, & in eâ decidenda
 „ nihil existimationi illorum, qui eam move-
 „ rant, detractum veller.

Hæc Thuanus; Nec plura *P. Matthæus* in Hi-
 storia Henrici IV. *Libr. vii. Narrat. iv.* Nec
 ipse *Spondanus* in *Continuatione Annalium Baronii*,
 homo a Reformatis ad Romanenses apostata,
 inde Apamienſis Episcopus, quod pudentia suæ
 Ecclesiæ arcana retegere vereretur. Ergo con-
 tentus fuit hoc modo dixisse ad A. MDCII. *Agiti-*
tata quoque celebris illa quæstio de Auxiliis Gratiæ Divi-
ne, qua inter Dominicanos & Jesuitas controver-
batur magnis utcumque studiis, ac diu nobilissima illa
ingenia exercuit factis Disputationibus coram ipso sum-

mo Pontifice & Cardinalibus sacra Inquisitionis, de selectis ex omnibus Ordinibus Theologis. Hæc ille; non plura. Itaque iuvenit fufius hiftoriam Congregationum, quam fuppreffam vellent Pontificii, earumque exitum longe alium ac diverfum in gratiam Eruditorum defcripfiſſe.

Nimirum inceperunt A. MDXCVIII. Congregationes de Auxiliis ſub Clemente VIII. protrahendæ ad annum uſque MDXCV. quo Papa hic mortuus eſt. At cum definita lis non eſſet, ſunt continuatæ ſub Paulo V. qui ſe præſente Congregationes XVIII. juſſit inſtitui, ut finem quæſtionibus imponeret.

Occaſio autem Congregationum fuit, quod L. Molinæ opiniones de Gratia & Libero Arbitrio, quæ antiquæ Franciſcanorum, probatæ hæcenus a Jeſuitis & auctæ, Luſitaniam, Hiſpaniam, Belgium aliasque orbis Pontificii partes turbarent; non ferentibus Jeſuitarum molimina Doctoribus Lovanienfibus ac Duacenſis (cenſuras eorundem reperitas ante Lib. I. exhibuimus) atque in Hiſpania Salmanticensibus, quorum primarius erat Profeſſor Dominicus Bannez, cui ſe in Luſitania Thomas Lemos adjunxerat. Itaque negotium ad Inquiſitionis tribunal delatum fuit, miſſo mox ed a Jeſuitica factione F. Suarez, qui motus componeret, & invidiam amoliretur. Atqui cum non ſatiſfaceret, & ubique in orbe Pontificio turbaretur, Clemens VIII. ut de diffidiis cognosceret, ſe præſente quæſtiones agitari voluit. Quare Romam evocavit primarios Molinæ defenſores, nec non adverſarios

Domi-

Dominicanos, & præterea Viros toto orbe doctissimos, ut de vexatis controversiis, auditis quasi Sapientum responsis, iudicium ferret.

Audacia
Jesuitar.

Et satis audax fuit Jesuitica Societas, Molinæ causam coram Pontifice tueri, quamvis Baronius Sodales moneret, *ne existimationem suam in defensionem librorum Molina periclitari sinerent, & in discrimen adduci, uti in Prologo retulimus.* At tamen prævalebat sententia primipilorum, quod putarent in Viris primariis, quales jam Molinæ dogmatis assurgebant, totam Societatem periculum incurrere; notam Pelagianismi inustam diluendam esse, ne tanta infamia Sociis adhæreret; nec aliàs systema suum in Libero Arbitrio construi, aut oppugnari Calvinianos cum triumpho posse. Dein existimabant manifestum esse, Tridentini Concilii *Canonem* *iv. Sess. vi.* quo decretum est, *Liberum Arbitrium se ad gratiam justificationis disponere ac posse dissentire, si velit*, omnino opinionem Dominicanorum, qua efficacia prædeterminantis gratiæ adstruitur, condemnare. Unde de victoria nulli dubitabant. Accedebat nupera Pii V. in Michaëlem Bajum Bulla, qua ipsius dogmata de Servo Arbitrio & Victrice Gratia ceu scandalosa & erronea prohibebantur. Facile enim erat demonstratu, Dominicanos suam causam tueri non posse, nisi damnati jam Viri errores iterarent.

CAPUT IV.

*Clemens VIII. Dominicanorum magnus
fautor & Augustini admirator.*

ATqui rem suam prudenter adeò gerebant ^{Domi-}
Dominicani coram Pontifice, seu priva-^{nicanor.}
tim seu publice (in Congregationibus ^{pruden-}
enim sæpius præsens erat) ut eum ad suas par-^{tia.}
tes pertraxerint. Sic Dominicani ex Antecesso-
rum Actis (Th. de Lemos enim ea annotave-
rat, pars magna cum in Congregationibus esset)
referebant Sanctamoreo, ut est in ejus *Diario*
Pag. 144. Nempe indignabatur primùm in Do-
minicanos, quod (sic audiverat) continuò So-
dales subtilibus scholæ quæstionibus vexarent,
quasi modò de palmâ sui Ordinis disputarent.
Quin etiam Generalem ipsorum hisce verbis
iratus increpabat. „ Vides, bone Pater, quam
„ Tunica Christi ubique scindatur in Anglia
„ & Germania, & quantæ ubique sint per
„ Calvinianos in Gallia decisiones? Interpone
„ ergò auctoritatem tuam, aut ego interponam
„ meam, & jubeto ne amplius Tui Jesuitas im-
„ pugnent, ne quid inde gravioris mali eveniat.

At Generalis: „ S. Pater, non agitur de quæ-
„ stione scholasticâ, agitur de fidei causâ. Si
„ opinio Jesuitarum in Ecclesiam introducatur,
„ Deo sua aufertur corona; ipse non erit, qui
„ nobis Cœlum donet; non amplius Dominus
„ est, qui dispenseret suam gratiam & beneficia.

Tangebatur hic sermo Pontificis animum, atque adeò a Viropetebatur, ut sibi controversiæ arcanum exponeret. Quod dextrè adeò præstitit, ut Clementem plane suâ sententiâ imbueret. Sic ibidem ex Dominicanorum relatu Sanctamoremus.

Atque inde factum, ut voluerit Papa omnem de Gratia & Libero Arbitrio quæstionem ex Augustino definiri. Hæc enim ejus verba ad Congregationem fuere, uti referuntur a D. Le Bossu, qui unus ex Consultoribus fuerat, in *Libro M. S. Animadversionum in doctrinam Molina de Concordia*, atque præfixa inveniuntur egregio *Tractatui de Libertate Dei & Creatura*, quem G. Gibieuf in Jesuitas Pelagianos edidit, ut Augustianæ ac Janseniano-Sancyranæ Theologiæ viam præpararet;

Quamvis nemini nisi Deo, rationem reddere debeam mearum actionum; dicam tamen impræsentiarum rationes, propter quas adstringere statui totam hanc disputationem, ad normam doctrinæ sancti Augustini de Gratia.

Prima est: quòd si teste Beato Prospero ferè initio libri contra Collatorem, viginti annorum spatio, acies Ecclesiæ ita dimicavit pro Gratia contra Pelagianos, ut tandem Augustino duce vicerit; oportet etiam ut in causa simili, eandem ducem agnoscamus & sequamur.

Secunda est: quòd idem Sanctus nihil videtur prætermisisse eorum, quæ ad presentes controversias pertinent: quandoquidem si agitur de necessitate Gratia, eam describit dicens, esse necesse ut nos præveniat, comutetur, & sequatur: si de vi, asserit vires efficacissimè præbere

here voluntati: si de effectu, testatur facere de nolente volentem: si de modo, asserit Deum id facere omnipotentissimâ facilitate. Denique sic. dissolvit objectiones, ut doceat Liberum Arbitrium non tantum bene cum illa Gratia quam defendit, coherere; sed etiam fieri liberius, quando ab illa fuerit liberatum.

Tertia ratio est: quod cum multi Pontifices Predecessores nostri, doctrinæ S. Augustini de Gratia, tam acres fuerint assertores ac vindices, ut quasi hereditario jure eam in Ecclesia relinqui voluerint, equum non est ut patiar illam hac quasi hereditate privari. Addit Scriptor hæc verba: Se id nunquam passurum, asseveranter affirmavit: & ita mansit fixus in hac resolutione, ut in omnibus sequentibus disputationibus, ad singula penè dubia quæ proponebantur disputanda, postularer, an articuli excerpti ex Molinæ doctrina, essent apud sanctum Augustinum, aut secundum doctrinam & mentem illius.

*Optimè sic Clemens, adèd Augustini sequax, ut scriptum sua manu exaraverit, quo xv. Capuibus doctrinam Augustini complexus est, notatis accurate locis, unde hauserat, idque 10. Jul. 1603. Patribus in Congregatione exhibuerit, quasi jam sententiam contra Jesuitas pronuntiaret. Addunt nonnulli, Pontificem, cum primum Molinæ errores exponi audiret, iratum hæc verba protulisse: *Quæ major blasphemia & hæresis in Ecclesia queat doceri, & audiri? Quis hanc novitatem introduxit in Ecclesiam? Quinam sunt, qui illam perturbarunt?**

Interea a Dominicanis & Jesuitis vehementer

L. Pro-
posit.
Molinæ
ad cen-
suram
revoca-
tæ, se-
mel.

de Libero Arbitrio & Gratia disputatum fuit. Quippe L. Propositiones Lud: Molinæ ad examen revocatæ, negotia moderante Cardinali Mandrutio, Episcopo ante Tridentino, quique olim Tridentinæ Synodo adfuerat. Et jam res eò deducta fuerat, ut censura in Jesuitarum caput cuderetur, conspirantibus Consultorum votis adversus Molinæ errores, quando Cardinalis Mandrutius occubuit. Quo mortuo Jesuitæ effugia ac moras quærere, mollioraque tempora fandi sperare. Itaque querebantur coram Papa, favente Mandrutio tantisper Dominicanorum causam triumphasse, se non ut decuit in Congregationibus auditos, Molinæque Propositiones esse affictas, quas nunquam docuisset, certe non eo sensu, quo intelligebantur.

Iterum-
que.

Igitur Clemens VIII. qui nolebat Jesuitas de injuria conqueri, mandavit Consultoribus, ut jam strictas in Molinam censuras denuò examinarent. Id factum, & XX. Propositiones, quæ præcipuæ erant, denuò expensæ. Attamen auditis tum Dominicanis tum Jesuitis, consideratisque eorum, quæ in Congregationibus traderant, scriptis, firmatæ sunt censuræ, Molinæque dogmata, ceu Pelagiana, fuere condemnata. Nempe post *exquisitam dissertationem* (sic Pereyret. in suo Apparatu, n. XLIII.) affirmabant Consultores, scientiam mediam a Molina assertam fuisse a Massiliensibus excogitatam ad extenuandam Gratiam effectricem bonæ voluntatis. Et postea n. XLVI. concluderunt, Scientiam mediam Pelagianorum & Semipelagianorum esse fundamentum.

Sanc

Sane ipse Pontifex idem existimabat. Etenim cum Jesuita Petrus de Arrubal, qui in Gregorii de Valentia locum successerat, Scientiam hanc mediam uti azylum defenderet, interrogavit eum Clemens, *quid per illam Scientiam Deus praevidet?* Et dato responso, *influxum Liberi Arburi*: regeffit acute, *aut quem Gratia facit, aut quem Natura*: si primum, Scientia illa non est ante decretum, sed Gratia hunc influxum operatur ex decreto: si secundum, idem dicit Cassianus.

Ergo Pontifex in animum induxit suum Jesuitas editâ Bullâ damnare. Ut verò id piè & prudenter fieret, primò mane se sæpius de Montecavallo ad Ædem Mariæ Majoris, sacco indutus, ad modum pœnitentis se conferebat. Imò quandoque altâ nocte flexis genibus ad Limina Apostolorum provolvebatur, ne in re tanti momenti erraret. Quum verò sic satis suum animum ad Bullam edendam composuisset, decernebat pridie Pentecostes errores Molinæ interdicto damnare, simulque in præmium actæ bene causæ Patrem de Lemos præsentibus tam Jesuitis quam Dominicanis Cardinalem creare. Atqui mox vivis ereptus mense Martio, decretum edere, uti constituerat, non potuit. Sic referebant ex actis Antecessorum Dominicani Sanctamoreo, cum Romæ Jansenii causam ageret, uti est in ipsius *Diario*, Pag. 125. 126.

Papa
prom-
ptus ad
damnar.
Jesuitar.

CAPUT V.

*Acta quædam Congregationum sub
Clemente VIII. representata.*

UT verò veritas historiæ & Papæ in Jesuitas animus magis constet, operæ pretium erit, accuratius res gestas in Congregationibus referre: maxime quod Pontifices, qui Jansenium condemnarunt, id operam dederint, ut acta, a quibusdā Actoribus & Consultoribus notata, perpetuâ caligine involverent. Sic sane Innocentius X. editâ Bullâ A. MDCLIV. 23. *Aprilis*. Circumferebantur enim Th. de Lemos, nec non Francisci Pegnæ Rotæ Decani, Didaci Nunnii Secretarii, aliorumque, qui in Congregationibus adfuerant, scripta, quibus res gestas oculati testes diligenter annotaverant. Id non ferebat Pontifex, conscius sua in Jansenium decreta Clementis VIII. & Pauli V. sententiæ, uti istis in scriptis vulgabatur, adversari: atque adeò illa inter prohibita censere voluit, ne suo arbitrio præjudicium crearent. Sciscit ergò *prædictis actis nullam fidem esse adhibendam, neque in Janseniana questione allegari posse vel debere*. Quamquam id non effecit Pontifex, ut Eruditi istis fidem non haberent, non ausus illa falsa dicere, ne ipse falsi aliquando manifestus haberetur.

Nos quidem Thomæ de Lemos, aut Didaci Nunnii Commentaria non habemus. Ad ma-
num

num tamen sunt, quæ a Francisco Pegna sunt annotata. Hæc enim a Mauguinio communicata, qui manuscripta habebat, *D. Bonlieu* edidit Volumine, cui Titulus *La Grace Victorieuse*, brevi ante Jansenii condemnationem, tantâ Romanæ Curiae indignatione, ut Innocentius Librum tantum non anathemate feriret, quod arcana Pontificia vulgasset. Nos verò juvabit illa, quia rarissimus liber est, hic exhibere, quum ad Historiam faciant ostendantque, quam Pontifices damnato Jansenio a Prædecessoribus defecerint.

Nempe in Congregationibus Consultores ac Censores duo fuerunt, Madrutius (cui mortuo successit Camillus Borgeſius, postea ipse Pontifex Paulus V. appellatus) & Arragonius, Episcopi tres, Theologi ex Ordinibus Carmelitarum, Franciscanorum, Augustinianorum quatuor, & Doctor quidam Sorbonicus, quibus dein duo, unus ex Carmelitis, & alter ex Benedictinis additi; iterumque urgentibus & de Censorum in se rigore querentibus Jesuitis, duo Franciscani (hi enim Dominicanis ubique adversarii) quorum alter fuit J. de Rada, Scotista doctus, postea Pactensis Episcopus & Tranensis Archiepiscopus, & denique A. MDCII. quatuor alii, quos inter erat Petrus Lombardus Episcopus Aquilanus, & Anselmus, Monopoli Generalis Cappucinatorum, postea Cardinalis, quibus paulò ante Clementis mortem Cardinalis Peronius accessit.

Coram hisce Judicibus acta sunt negotia, Je-

lūitis admodū ferventibus in sui Molinæ tutelam, quod ante notatum brevibus, nunc pluribus est referendum. Molina enim, postquam Claudius Aquaviva, qui Principatum Societatis obtinuerat, edito *Libro de Ratione Studiorum*, Professoribus sui Ordinis permisisset, ut a Thomæ placitis in L. Capitibus, ex quibus omnes fere ejus Conclusiones dependent, modestè recederent, insolita molitus, eò deduxit Fratres edito de *Concordia Liberi Arbitrii cum Gratia donis* Volum. A. MDLXXXVIII. ut nihil a Pelagianis abesse viderentur. Hinc enim laxatis Societati in Calvinianos infensissimæ habenis, datâque aberrandi veniâ, turbata omnia, indignantibus aliis, qui meliora saperent. Quin etiam Molinæ liber Ulisipponæ recusatus, A. 1589. Societati ipsique Aquævivæ Generali probatus fuit. Unde majores tumultus, quos Clemens A. 1594. frustra componere, indicto utrique parti silentio, satagebat, quando Jesuitæ adversarios Dominicanos ceu Calvinianos traducebant. Namque rursus Molinæ liber editus A. MDXCV. *Antverpiæ*, altera sui parte auctior inscriptusque Innocentio Malvesia Apostolico apud Belgas Nuntio, ceu *ab Inquisitione sancta in Hispaniis, nec non gravium Theologorum judicio Societatis Jesu approbatus, quique graviores difficultates fidei dilucide enuclearet & explanaret, dignissimus erat, ut Typis mandaretur*; Sic Censor. At enim auctis inde dissidiis Rex Hispaniarum indixit silentium suo decreto A. MDXCVI. usque dum Pontifex sententiam pronuntiaret, quem ipsi Jesuitæ, faventioris judicii spe, appellare

pellare ausi. Itaque indictæ a Clemente VIII. Congregationes, quæ incepere 2. Jan. 1598.

Res autem gestas quod spectat, sic habet F. Pegna, apud D. Bonlieu *Libro de La Grace Victorieuſe*, Pag. 164.

§. v.

XV. Molinæ Propositio.

Non video præter auxilium particulare Gratiæ prævenientis & concursus Dei generalem, necessarium esse auxilium aliud particulare Gratiæ, ut Liberum Arbitrium aliquem illorum actuum possit elicere (credendi scilicet, sperandi & pœnitendi ut oportet.) Etenim illa tria unam integram & sufficientem causam illorum complere videntur, ut disput. præcedenti satis à nobis explicatum est. Quare, esto Deus quodcumque aliud particulare auxilium denegaret, ex illis solis sequeretur effectus. Neque Conc. Trident. &c. Ita docet Molina in sua Concordia quæst. 14. art. 13. disput. 37. §. Verum.

Censura Congregationis De Auxiliis.

Cum Molina præter Gratiam prævenientem sive excitantem non requirat aliam potentioſiorem Gratiam ad eliciendos actus supernaturales fidei, spei & pœnitentiæ; non videtur discedere à semitis Pelagii, quem eandem Gratiam, quam Molina ponit, concessisse facile possumus colligere ex lib. sancti Augustini de Gratiâ Christi, potissimum verò cap. 7. 10. & 14. & sæpe alias; maximè cum Molina, disp. 42. §. Quoad pri-

num, respectu actuum deliberatorum Gratiā praevenientem solum constituat ad evehendos ad ordinem supernaturalem actus intellectus & voluntatis elucios ex facultate natura.

Censurae Confirmatio.

Anno MDCI. die Veneris XXII. Junii, Censores in hac censura persistentes asseruerunt & Propositionem XV. a Molina assertam, & esse Pelagianam.

XVI. Molinae Propositio.

Nonnulli ita sententiam hanc defendunt, ut duplex auxilium Divinum constituent, quoddam efficax, quoddam sufficiens, verumtamen hoc sufficiens sit inefficax: Quod verò auxilium efficax sit aut inefficax; censent nullā ratione tribuendum esse Libero Arbitrio; quasi ex eo auxilium quodcumque, sive magnum sive parvum, efficax aut inefficax sit, quòd cum Arbitrium pro sua libertate possit consentire & non consentire, coöperari cum illo & non coöperari, si consentiat & coöperetur, ut potest, efficiet illud efficax; si verò non consentiat neque coöperetur, ut etiam potest, reddet illud inefficax: Sed ipsi auxilio, sive Deo efficaciter per illud moventi, tribuendum esse quod Liberum Arbitrium consentiat aut non consentiat; ita ut quoties Deus moverit per auxilium, quod ex modo motionis Divinae atque ex Deo ipso habet, quod sit efficax, Liberum Arbitrium consentiet cooperabiturque ad salutem: Quod si moverit per auxilium, quod a Deo non habet quod sit efficax, Liberum Arbitrium non consentiet, neque cooperabitur ad salutem, &c. Certe non dubitarem sententiam hanc, hoc ultimo modo expli-

explicatam, errorem in fide appellare. Etenim eâ datâ non video quâ ratione Libertas Arbitrii nostri salva possit consistere, &c.

Ita docet Molina in sua Concordia, quæstione 23. art. 4. & 5. disput. 1. memb. 6. §. Nonnulli. & §. Certe, & quæst. 14. artic. 13. disput. 38. §. Antequam, inquit. Quo fit, ut divisio sufficientis auxilii in efficax & inefficax, nostrâ sententiâ, ab effectu, qui simul ab Arbitrii Libertate pendet, sumatur; illudque auxilium sufficiens, sive majus, sive minus in se sit, efficax dicitur, cum quo Arbitrium pro sua Libertate convertitur; cum tamen nihil eo auxilio impediante, potuerit non converti: alioquin tale auxilium sufficiens non esset ad conversionem. In eadem sententia persistit §. Hinc 50. loco. & quæst. 23. art. 4. & 5. disp. 1. membro 6. §. Postremò, & alibi. Unde colligit membro 10. §. ult. Cum auxiliis ex parte Dei, cum quibus unus justificatur & salvatur, alius pro sua libertate nec justificatur nec salvatur, & è contrario, &c.

Censura Congregationis De Auxiliis.

Hæc propositio & doctrina Patris Molina, quatenus docet efficaciam auxilii Divini pendere ab effectu & libertate arbitrii humani, non autem ab ipso auxilio prout a Deo venit, & ex modo motionis Divine, videtur tradita a Semipelagianis, ut licet videre in Epistola S. Hilarii ad S. Augustinum. Assertitur autem a Molina contra expressam sententiam S. Augustini Lib. de Correctione & Gratia cap. 12. quam confirmavit contra Semipelagianos Lib. de Prædest. Sanct. cap. 20. & sæpe aliàs in eodem Libro: & Lib. de

de Dono Persev. cap. 5. 6. 7. 9. 11. 13. 14. 19. 20. 21. 22. Ex quibus locis apparet, perstitisse semper S. Augustinum in sententia, quam docuerat Lib. de Corrept. & Gratia citato.

Ejusdem Censuræ Confirmatio.

Die Jovis v. Julii MDCI. Consultores in hac censura permanentes, censuerunt propositionem decimam septimam, & esse assertam a Molina & traditam jam olim a Semipelagianis.

XVIII. Molinæ Propositio.

Si arbitrium nostrum ab efficacia aut inefficacia auxilii Divini habet quod consentiat aut non consentiat Deo vocanti, & coöperetur aut non coöperetur ad salutem, perseveretque aut non perseveret in Gratia; certè non ab innata & propria libertate id pendet, sed a qualitate auxilii & motionis Divina; atque adeo neque est quod illi cedat in laudem & meritum, quin potius perit omnino Libertas Arbitrii ad salutem. Ita docet Molina in Concordia. quest. 23. art. 4. & 5. disp. 1. memb. 6. §. Ceriè. §. Præterea. & §. Item.

Censura Congregationis De Auxiliis.

Eadem argumentatione utebantur Pelagiani, ut videre est apud S. Augustinum Lib. de Corrept. & Gras. cap. 3. 4. & 6. quos ita in eodem Libro S. Doctor impugnavit & expugnavit, ut rationem & argumentationem istam, quam Molina in sua sententia confirmare conabatur, nullius prorsus momenti esse ostenderit, & propositionem ipsam tanquam Divinis oraculis
contra-

contrariam efficaciter redarguerit, locis citatis & cap. etiam 5. 7. & 8.

Ejusdem Censuræ Confirmatio.

Die Jovis XII. Julii MDCI. Censores in hac censura persistentes eam denovo amplexi sunt.

XIX. Molinæ Propositio.

Si Deus ita prædestinavit omnes actus non malos arbitrii creati, ut ad eos movere & determinare statuerit arbitrium per concursum ex se efficacem, sine quo arbitrium non potest eos elicere, & quo posito non potest eos non elicere; manifestè periit arbitrii libertas explicata ad eos omnes actus, &c. Ita docet Molina in Commentariis ad 1. partem S. Thomæ quest. 14. art. 13. disp. 18. memb. 2. §. Hoc posito.

Censura Congregationis De Auxiliis.

Hæc propositio prout intelligitur & asseritur a Molina, non videtur aliena a Pelagianorum & Semipelagianorum sententia, quâ calumniabantur S. Augustinum sub prædestinationis nomine fatalem induxisse necessitatem, & appellatione Gratiæ bonos voluisse fieri homines fatali necessitate, quod videre licet apud S. Augustinum Lib. 2. contra Julianum Pelagianum c. 8. & apud SS. Prosperum & Hilarium in epistolis ad S. Augustinum, qui ita illorum temeritatem redarguit, ut contra sententiam Molinæ aperte ostenderit & docuerit per Gratiæ Dei ex se efficacem non destrui, sed firmari liberum hominis arbitrium; ita tradit multis in locis, sed potissimum Libro de Corrept. & Grat. cap. 8.

11. 12. 14. & Lib. de Grat. & Lib. Arb. cap. 20. Epistola 105. ad Sixtum, quam sententiam confirmavit in Lib. de Prædest. Sancti, & de Dono Persev. editis contra Semipelagianos.

Ejusdem Censuræ Confirmatio.

Die Jovis XIX. Julii MDCI. Censores in hac censura permanentes censuerunt, & propositionem hanc esse Molina, & non videri alienam a sententia Pelagii & Semipelagianorum.

R. Pater Rada prolixè satis dixit in hac Congregatione: qui postquam tulisset suum suffragium super XVIIII. propositione sicut promiserat, mox disseruit de propositione XIX. Et licet non dubitaret de re, id est, de admittenda Prædeterminatione, quâ Deus prædestinavit omnes actus non malos Liberi Arbitrii, salva ejusdem Liberi Arbitrii libertate, hoc enim ex Sacris Litteris & Doctoribus Sanctis satis patenter deduci & concludi videbatur; Dubitabat tamen, an contraria assertio esset tanquam hæretica condemnanda, cisi assereret esse quidem periculosam. Denique tamen auditis cæteris & relecta censura, simpliciter ei subscripsit, videlicet propositionem, prout asseritur a Molina, non videri alienam a Pelagianorum & Semipelagianorum sententia, quâ calumniabantur sanctum Augustinum sub Prædestinationis nomine fatalem induxisse necessitatem.

Ex quibus apparet, Jesuitas in Congregationibus semel iterumque accusatos habitosque fuisse ceu Pelagianos. Neque id suffecit. Ipse

Clemens dehinc Patribus tradidit Scriptum, quo
xiv. Pro- Propositiones continebantur, ex quibus con-
posit. a
Clemen- stare

stare poterat, Molinam cum J. Cassiano omnino convenire. Erant autem sequentes.

te obser-
vatz ex
Jesuitor.
scripsit

I. Homo lapsus potest habere naturale judicium cuiuslibet boni moralis.

II. Gratia illuminans & vocans sufficit ad salutem.

III. Potest homo lapsus naturaliter Deum diligere super omnia.

IV. Deus expectat nostros conatus.

V. Deus expectat occasiones, ut Largitio Gratia sit rationalis.

VI. Lapsus potest naturaliter cuiuslibet tentationi resistere.

VII. Explicatio loci I. Cor. p. 13. Fidelis est Deus, qui non finet vos tentari supra vires.

VIII. Servanda est laus Libero Arbitrio ante receptionem Gratia.

IX. Ad perseverantiam solum requiritur Gratia habitualis & auxilium sufficiens.

X. Actus natura ordinantur ad Justificationem.

XI. Conanti ex natura datur Gratia.

XII. Propter bona natura, ut occasiones, datur Gratia.

XIII. Lapsus potest Medicum querere.

XIV. Prædestinatio omnium non est gratuita.

Jam verò horum dogmatum examen institui mandabat Pontifex. Ut autem de illis disceptatum in Congregationibus fuerit, videre liceat ex eodem Rotæ Decano F. Pegnâ, cujus verba idem Bonlieu Libro de La Grace Victorienſe, Pag. 183. retulit.

Die Luna XVIII. Novemb. MDCII. apud S. Petrum coram Sanctissimo habita fuit XIII. Congregatio, &c. Actum fuit de I. & II. tantum Conclusionem, de ceteris transmissis supra ad Consultores, &c. Quantum ergo ad primam: Quod homo in natura lapsa habeat naturale iudicium &c. Et quantum ad secundam: Quod Gratia illuminans, vocans, & excitans sufficiat ad salutem: clare fuit ostensum lectis libris Molinam convenire cum Cassiano, imo vero Molinam magis aperte cum Pelagio, quam Cassianum re & verbis sentire.

Sape in discursu disputationis convicti fuerunt Jesuita, saepe contraria & absurda confiteri compulsi sunt, ita ut omnes intelligerent non posse eos se a latebris Pelagianis eximere.

Jam occasione secunda Conclusionis apertissime & concludentiissime ostensum fuit, eos prorsus tollere Gratiā efficacem ex parte Dei, & solum ponere ex parte Liberi Arbitrii, & consequenter Deum facere pedisequum creatura, contra quam omnes semper Catholici professi sunt & professa est Sancta Romana Ecclesia.

Die Martis XIX. Novemb. apud S. Petrum coram Sanctissimo habita fuit XIV. Congregatio, solis Consultoribus & Cardinalibus Inquisitoribus convenientibus. Et Consultores per quatuor fere horarum spatium de supradictis duabus Conclusionibus dixerunt sententias, concludentes, Molinam cum Cassiano contra Catholica dogmata convenire, nec discedere a via Pelagianorum & Semipelagianorum, quos jam diu Ecclesia proscripserat.

Anno MDCIII. die Martis XXV. Novembris, in
ipso

ipso videlicet die pro festo S. Catharina Martyris, apud S. Petrum habita fuit Congregatio coram Sanctissimo, ad quam convenerunt Cardinales & Consultores memorati.

Actum fuit de illo dubio, quod Sanctissimus per suos Secretarios transmiserat ad Consultores & disputantes sub finem mensis Septembris A. MDCII. videlicet, an quòd Liberum Arbitrium consideratum ex se separatim a Gratia (coöperante) nihil habeat a Deo nisi possibilitatem illam, quam Deus tribuit ab initio Libero Arbitrio, sit ex sententia expressa S. Augustini, aut ex illo colligi possit; an potius conveniat cum Pelagio, praesertim in relato ab Augustino Libro de Gratia Christi, cap. III. & seqq.

In hac Congregatione per quatuor horas & amplius, Magister Lemos sustinuit certamen contra Jesuitas: & postquam ex multis Molina locis ostendisset, Molinam nedum in sententia & substantia dogmatis, sed etiam in quibusdam circumstantiis convenire omninò cum Pelagio; deinde respondit de more omnibus peroratis a Patre Bastida, qui satis licentiosâ oratione conatus fuerat cum Molina defendere Pelagium; sed in certamine saepe Bastida remansit convictus, novus autem propugnator Halas nihil dixit.

Cum Bastida graviter urgeretur, ut Molinam defenderet, inter alia dixit, Molinam admittere omnem Gratiam praeter praedeterminantem, & quod se negare illam esset error Pelagianus, ingenue fatebatur se fuisse & esse Pelagianos materialiter, quia omnes illam negabant.

Die Mercurii XXVI. Novemb. apud S. Petrum coram Sanctissimo habita fuit Congregatio, ad quam convenerunt Cardinales & Consultores memorati.

Actum fuit in hac Congregatione de dubio in proxima precedenti Congregatione disputato, & Consultores magno rationum pondere, & ostensione manifestâ, factâ collatione diligenti dogmatis Pelagiani ex multis locis S. Augustini cum doctrina Molina, concluderunt Molinam omninò convenire cum Pelagio: & statum causæ illius sæculi, quando fuit damnatus Pelagius, esse eundem cum hoc, quem Molina & ejus defensores proponebant & defendebant.

D. Archiepiscopus Armachanus Primas Hiberniæ, qui ratione dignitatis primus dicebat suffragium in hac Congregatione, patefecit magis aperte negotium ex argumento Libri Augustini de Gratia Christi, ostenditque spatio unius horæ & amplius, quo de hoc articulo disseruit, ipsissimum dogma Molina fuisse ab Augustino in illo Libro & ab Ecclesia Catholica damnatum.

CAPUT VI.

Alia Earundem Congregationum coram Clemente VIII. Acta. Status controversiæ præcipuæ.

EN, Lector, ut Molina & Sequaces Romæ sub Clemente VIII. imò ab eo ipso habiti! Summa autem sententiæ, quæ triumphabat, fuit, quam *Thomas de Lemos*, Dominicanus, proponebat Congregatione habitâ xix. Novemb. A. MDCIII. ubi inquit apud eundem *Bonlieu, Pag. 157.* „Duo sunt præcipua, quæ „semper Catholica Veritas contra Pelagianos tenuit & docuit: alterum est primam Gratiam „præ-

„præuenientem non dari secundum priora merita
 „naturæ; alterum verò ipsam præuenientem
 „Gratiam efficacem esse ex Deo, non autem ex
 „effectu aut ex coöperatione Liberi Arbitrii. In
 „his duobus uniuersa Catholica veritas consistit.
 „*Et infra.* In hoc consistit totum dogma Pela-
 „gii, quod videlicet admiserit internum donum
 „adjuvare ut possimus, non autem adjuvare
 „efficaciter ut possimus.

Itaque in Congregatione **XXII.** *Mart. Anno*
MDCIV. idem Lemos quærebat ex Jesuitis; *An*
supposita jam Gratia excitante & invitante, ita homo
ex se ei possit assentiri, sicut illi potest ex se dissentire?
 Et cum id affirmarent, respondit Dominicanus,
Hic est in summa Pelagianorum & Semipelagianorum
error. Ex eo quod negatur Gratia efficaciter deter-
minans ad actum constituuitur sententia Pelagiana.

Quare & assentiebatur ipse Papa, usque adedò,
 ut prædeterminationem ad omnes hominum a-
 ctus agnosceret. Ac cum quidam Petrus Alagonus
 Jesuita forte examini adesset, nec ferret, Deum
 efficaciter movere hominum voluntates, ne Di-
 uina Providentia Arbitrii Libertatem tolleret;
 Papa indignatus hominem corripuit: & cum
 Jesuita, ut illius mitigaret animum, diceret,
 se non nisi *scholastica mente*, scholasticè, locutum,
 Clemens ad omnes Jesuitas torvum intuens con-
 verso sermone respondit *presumptuosa mente*, su-
 perbe & arroganter iste loquitur.

Et tamen iste Pontifex, cum hæc omnia sci-
 ret, publico decreto Jesuitas non damnavit, an
 festinâ morte impeditus, ne Bullam in eos ede-

Papa
morien-
te lis
manſit
indeciſa.

ret? Etenim mox A. MDCV. vivis exceſſit. Imò
verò ajunt Papam metuiffe, quum audiret jaſti-
tari dogma quorundam Jeſuitarum, *non eſſe de*
fide Papam hodie ſedentem eſſe Viſarium Chriſti;
atque ipſe Generalis ipſorum ad minas de conden-
do in Sodales decreto regeret, *videbimus nos*
B. Pater, qua ratione noſmet tueri poſſimus. Eò au-
daciæ & virium accreverant Lojolitæ! Quin
imò ut Societati ſuæ majorem conciliarent au-
thoritatem, petere ſunt auſi, ut Ignatius in or-
dinem Sanctorum referretur, quod tamen ab
indignante in eos Papa obtinere non potuerunt,
at poſtea, deſæviente in eos tempeſtate, a Gre-
gorio XV. A. XXIII. hujus ſæculi impetrarunt,
apud *Gramm. Hiſtor. Gall. Lib. XIII.*

CAPUT VII.

Acta & Geſta in Congregationibus ſub *Paulo V.*

Mortuo Clemente VIII. in Conclavi ju-
ratum, quod futurus Pontifex anni ſpa-
tio finem litibus imponderet. At Leo XI.
qui ſucceſſit, XXVI. ab aditu Pontificatu die
occubuit. Quare ad hoc negotium appellere
animum non potuit. Id tamen Paulus V. Suc-
ceſſor proſecutus eſt.

Congre-
gat. ſub
Paulo V.

Ac primùm XX. Septembris A. MDCV. ſuper
Scripto Clementis VIII. quod Congregationi ob-
latum IX. Julii A. MDCIII. (de quo ante) inter
Dominicanos & Jeſuitas diſputatum fuit. De-
ſcribam

scribam hic iterum, quæ ex Historia F. Pegnæ habet *Bonlieu de la Grace Victorieuse*.

Bastida, Jesuitarum causam agens, dixit, se prædictum scriptum communicasse cum omnibus Patribus ex Societate per diversas Provincias dispersis, cum Hispanis, Italis, Gallis, & ex eorum sententia hac quæ sequuntur dicere atque proponere, se nimirum admittere omnia quæ in prædicto scripto continentur, esse de mente S. Augustini, id est, esse doctrinam conformem doctrina S. Augustini, sive formalibus, sive æquivalentibus verbis, excepto uno tantum capite v. Hæc Gratia habet suam efficaciam ab omnipotentia Dei, & a dominio quod summa Divina Majestas habet in voluntates hominum, sicut in cætera omnia quæ sub cælo sunt, secundum S. Augustinum; & exceptis quæ in illo dicuntur.

Ex adverso autem P. Thomas de Lemos ad propositum dubium ita directe & stricte respondit: Respondeo dicendum omnia & singula, quæ in prædicto scripto felicitis recordationis Clementis VIII. continentur, tam in Capitulorum titulis, quam in inductis ex S. Augustino testimoniis, sunt ipsissima S. Augustini doctrina in materia Gratiæ. Veritatem hanc ad præsens probare minus convenit, cum ipsa littera illam aperte demonstraret.

Sed veniam ad illud quod principaliter Pater proposuit negando Caput v. continere doctrinam S. Augustini, cum ait Gratiam habere efficaciam ex omnipotentia Dei, & ex dominio quod omnipotens habet in voluntates hominum, sicut & in cætera quæ sub cælo sunt. Quod autem ista sit doctrina S. Augustini, constat ex formalibus verbis.

Sic enim primum inductum testimonium habet: Bonas hominum voluntates &c. ita esse in Dei potestate, ut eas quò voluerit faciat inclinari. Ecce ad omnipotentiam Dei reducit in terminis efficaciam Gratia convertentis hominum voluntates. Et in secundo testimonio ita dicitur: Deum occultissimâ & potentissimâ medicinæ suæ potestate perducere hominis voluntatem quo vult. Ergo apertis verbis dicit ad omnipotentiam pertinere illam efficacem Gratiâ. Et in testimonio tertio loco inducto ita dicitur: Sic enim velle & nolle in volentis & nolentis est potestate, ut divinam voluntatem non impediat, nec superet potestatem. Igitur manifestum est, esse formalem & expressam S. Augustini sententiam, quod Gratia habet suam efficaciam ad convertendum hominum corda ex Dei omnipotentia: cum ad Dei omnipotentiam recurrat Augustinus, cum de efficaci Dei Gratia loquitur.

Sed Patres Reverendi ideo negant Deum suâ omnipotentia efficaciter movere Liberum Arbitrium, & habere dominum super illud: quia constituunt Liberum hominis Arbitrium exemptum a dominio Dei: ita ut possit illud rogare & suadere, non autem possit illud immutare, inflectere, & transferre (istis enim terminis utitur sanctus Augustinus) quocumque ipse voluerit.

Præterea dicit S. Augustinus de illa efficacissima Gratia, de qua in precedenti capite dictum fuerat, quod Paulus tam efficacissimâ voluntate converteretur, Gratia Dei erat sola; Ecce efficaciam habet vocatio ex sola Gratia, ex Deo ipso, & non illam emendicat a Libero Arbitrio, nec est efficax dependent

denter ab illo, ut Patres volunt. Ideo enim negant efficaciam sumere ex Dei omnipotentia & ejus dominio quod habet super Liberum hominis Arbitrium. Non igitur potest negari, quod secundum S. Augustinum Gratia habeat efficaciam ex Dei omnipotentia & dominio, quod habet supra Liberum hominis Arbitrium. Cum autem ista sit sancti Augustini doctrina, & summus Pontifex dicat illam esse sancti Augustini, mirandum est valde, quod audeat Pater illam damnare. Certe quomodo ista ab illo dicantur, plane non video.

Quod autem affirmat doctrinam hujus Capituli esse contra Concilium Tridentinum Sess. 6. Can. 4. & quod constituit hominum voluntates moveri, ut inanime quoddam, gravius est multo: absit enim ut ex doctrina, non dico sancti Augustini, sed ex doctrina Pontificis Summi tradita in isto capite & ordinata, contradicatur Concilio Tridentino.

His utrimque disputatis in Congregatione sequenti conclusum est a Consultoribus, eam esse Augustini mentem, quam Clemens VIII. ex multis hujus S. Doctoris locis proposuerat.

CAPUT VIII.

Alia sub Paulo V. in Congregationibus Acta.

HÆc fuere exordia, quæ satis prænuntiabant, quid Jesuitis foret expectandum. Ergò mox ipse Papa statum fixit controversiæ, terminis satis expressis & accuratis, ne ullus fraudi vel effugiis locus daretur. Referam

Statum
contro-
versiam.

hic rursus , quæ ex eodem Decano Rotæ descriptis *Bonlieu Libro citato, Pag. 206.*

„Die Veneris 23. Septembris 1605. Sanctissimus Paulus Papa V. per Patrem Gregorium „Congregationis Secretarium novum dubium super efficaciam Gratiæ, quod finem causæ imponebat , Cardinalibus & Consultoribus denuntiari præcepit , ejus dubii verba sic habent.

„ *An Deus suâ efficaci Gratiâ moveat hominis voluntatem ad actus liberos bonos , non solum interius „suadendo , invitando , excitando , aut aliter moraliter attrahendo ; sed etiam verè , & activè , propriè , „salvâ tamen humanâ libertate. Et an talis efficax „Gratia convenienter ab aliquibus Scholasticis Physicè „prædeterminans dicatur.* Patres Jesuitæ recepto „hoc dubio valde suspirare cœperunt , quia omnes eorum artes & æquivocationes , quibus „tot annis Ecclesiam Dei deceperant , aperiebantur & dissolvebantur. Quamobrem ad solita diffugia confugientes , dilationes quærebant. Et denique spatium unius hebdomadis „a Sanctissimo (intercedente Domino Cardinale Pinello) obtinuerunt. Interim metum „Sanctissimo incutere multis modis nitebantur. „Cæterum Paulus V. constantiâ verè Pontificiâ „omnes tentationes superavit. Non defuere „qui dicerent bonos Patres dilationem anxie „quæsisse , quia sperabant eclipsim solis die 14. „Octobr. 1605. futuram aliquid novi , vel impedimenti vel periculi in vitam Pontificis „portendere. Sed non successit ex sententia ; „quoniam

„ quoniam eo ipso die Sanctissimus coram se
 „ Congregationem haberi voluit, ideoque multi
 „ prudentes dixerunt Jesuitas eclipsim passos
 „ fuisse; & meritò, quoniam omnis eorum ma-
 „ china tunc dissoluta fuit.

„ 1605. Die Mercur. 12. Octob. in Palatio montis
 „ Quirinalis coram Sanctissimo Congregatio ha-
 „ bita fuit, ad quam convenerunt omnes supra
 „ dicti Cardinales, excepto Avila, & Consultores.
 „ In hac Congregatione actum fuit de dubio su-
 „ pra dicto paulo antea dato. Pater Bastida sa-
 „ tis insolenter conqueri cœpit de modo proce-
 „ dendi, quod in dubio tam gravi sic celeriter a-
 „ geretur. Item conquestus fuit de Consulto-
 „ ribus, quos non latenter sed patenter dicebat
 „ esse ipsis infensos, & quasi conjuratos jam de-
 „ crevisse ferre sententias.

„ Sanctissimus tantam arrogantiam non ferens,
 „ animo paululùm concitato, dixit ea omnia tan-
 „ quam impertinentia fuisse omittenda, & ad du-
 „ bium propositum respondere oportere. Tunc
 „ Bastida aggressus disputationem satis perturba-
 „ tus parùm ad propositum dixit. Tum Pater
 „ Lemos respondens mirabilem habuit disputa-
 „ tionem, in qua per duas ferè horas graviter ma-
 „ gno rationum & auctoritatum pondere ve-
 „ ritatem manifestavit, sic ut omnes planè mi-
 „ rarentur.

„ Bastida frigidè replicavit substantialia planè
 „ omittenda; quo viso Pater Bartholomæus Pe-
 „ rez ejus socius in certamen prorupit. Magi-
 „ ster verò Alvarez Dominicanus Socius Patris

„ Thomæ de Lemos manus cum eo conseruit;
„ paulò post Lemos æquivocationes, quibus Pe-
„ rez utebatur, aperuit & certamini finem im-
„ posuit, quod per quatuor horas & ampliùs
„ duravit.

„ 1605. Die Sabbati 15. Octob. in Palatio
„ montis Quirinalis coram Sanctissimo Congre-
„ gatio habita fuit, ad quam convenerunt Car-
„ dinales & Consultores memorati.

„ Actum fuit in hac Congregatione de dubio
„ proposito in proxima præcedente Congrega-
„ tione, & magno rationum & auctoritatum
„ pondere demonstratum, Deum non solum mo-
„ raliter, sed verè, activè, propriè movere vo-
„ luntatem prout constituitur in dubio.

„ Hoc tempore Patres Jesuitæ consuetas mo-
„ ras nectentes occasione dati dubii multa dubia
„ multiplicare nitebantur, adeò ut de singulis
„ Scripturæ locis, quæ pro ipsis facere sibi per-
„ suadebant, singulariter disputationes instituere
„ præsumerent: sed sanctissimus noster Paulus
„ Papa V. ei præsumptioni occurrendum cen-
„ suit. Itaque residuum causæ redactum fuit
„ ad aliquot Congregationes, in quibus de Con-
„ ciliis & de quorundam Patrum dictis & de
„ Doctoribus quibusdam Scholasticis sermo ha-
„ beretur.

„ Interim Paulus eos miseratus non cessabat
„ inducere blandeque monere, ut tandem ob-
„ stinatione deposta agnoscerent veritatem:
„ nam Dominico Cardinali Pinello dedit in man-
„ datis, ut advocatis ad se Patribus Perez &

Bastida

„Bastida rectum suaderet & animos flecteret ad
 „remittendum iudicium suum, quod errare po-
 „terat, ad Sedis Apostolicæ iudicium, quod est
 „regula veritatis. Id Cardinalis Pinellus gravi-
 „ter quidem ut decebat præstitit, sed illi dispu-
 „tationes prosequi voluerunt. Bastida per id
 „tempus sperans futurum quod vanâ mente
 „conceperat de multiplicandis Congregationi-
 „bus, illisque in longum tempus producen-
 „dis, ad Dominum Marchionem de Villena
 „Regium Oratorem scripsit, &c.

„De causa principali ideo tractandum dice-
 „bat, quia Patres Jesuitæ per totum orbem pu-
 „blicaverant, nunquam fuisse actum de causa
 „principali, in qua consistebat punctum hujus
 „materiæ, sed de quibusdam minùs essentiali-
 „bus. Sed in hoc graviter decipiebantur, quia
 „omnia fuerant discussa, hoc tantum excepto,
 „quod de prædeterminatione in individuo non
 „fuerat datum dubium.

„Die Mercurii 26. Octobris in monte Quiri-
 „nali coram Sanctissimo habita fuit Congrega-
 „tio, ad quam convenerunt omnes supradicti
 „Cardinales, Consultores & disputantes. Inter-
 „venerunt etiam Cardinales Aldobrandinus &
 „Avila.

„Actum fuit in hac Congregatione de 2.
 „parte dubii, videlicet: *An Gratia efficax conve-*
 „nienter prædeterminare dicatur.

„Et hujus disputationis occasione Pater Ba-
 „stida proposuit quædam argumenta, & subsi-
 „stens petebat singulis a Patre Lemos respon-
 „deri.

„deri. Cæterùm intellectâ fraude , quod hoc
„siebat ad moras neſtendas , Lemos dixit , quod
„de more proponeret quidquid vellet , ut uno
„ipſe contextu poſſet reſpondere. Et cum Ba-
„ſtida explicaret ſic ſibi fuiſſe juſſum , mox San-
„ctiſſimus intelligens id in ſe retorqueri , ſub-
„junxit ſe non ita fuiſſe locutum , neque datum
„locum hiſ ſubterfugiis , quamobrem dixit , ut
„integram diſputationem proſequeretur. Itaque
„rem aggreſſus Baſtida ſatis frigide & infeliciter
„dixit. Mox Lemos multo pondere rationum
„& auctoritatum Divinam prædeterminationem
„patefecit , adeò ut omnes planè mirarentur.
„Producta fuit diſputatio in tres ferè horas.
„ Die Mercurii 9. Novembris apud S. Petrum
„habita fuit Congregatio coram Sanctiſſimo , ad
„quam convenerunt Domini Cardinales Pinel-
„lus , de Aſculi , Bellarminus , Avila , Arrigo-
„nus , Geurius Aldobrandinus , de Monopoli ,
„& du Perron , &c. Intervenerunt etiam Con-
„ſultores & diſputantes memorati.
„ Actum fuit in hac Congregatione de intelle-
„ctu Concilii Tridentini Seſſ. 6. can. 4. ſuper il-
„liſ verbis *motum & excitatum* , quibus magno-
„pere nitebantur Patres Jeſuitæ. Duravit Con-
„gregatio quatuor horas: multa dixit valdè in-
„tricatè Baſtida , quibus benè reſpondit Lemos ,
„oſtendens verum intellectum Concilii alienum
„eſſe a prætentione & intelligentia Jeſuitarum.
„ Die Mercurii 23. Novemb. apud S. Petrum
„in Vaticano habita fuit Congregatio , &c.
„ Actum fuit in hac Congregatione de eodem
dubio

dubio a Paulo V. dato super Gratia efficaciter prædeterminante. Et in hac Congregatione Pater Bastida potissimum ad suam sententiam muniendam usus fuit Concilio Tridentino in proxima superiori Congregatione allegato, cui respondit Pater Lemos. Non minus quam quatuor horarum spatium traductum fuit in hac Congregatione, quæ verè fuit admirabilis, propter patenter declaratam veritatem Concilio Tridentino convenientem de efficacia Gratiæ prævenientis.

Die Martis 29. Novemb. apud S. Petrum in Vaticano habita fuit Congregatio, ad quam convenerunt Cardinales & Consultores memorati.

Actum fuit in hac Congregatione de resolvendis difficultatibus tractatis in proximè præcedentibus Congregationibus.

Die Mercurii 14. Decembris, &c. Actum fuit in hac Congregatione de eodem dubio super Gratia efficaci ex sententia sanctorum Patrum, quos Pater Bastida more solito infideliter allegabat: sed Pater Lemos ostensis fontibus docebat veritatem tanta manifestatione, ut omnes planè & mirarentur & obstupescerent, quod Bastida auderet tam insolenter loqui. Vehementer autem ira concitatus fuit, & in Patrem Lemos invehens, quia sæpè repeteret eorum sententiam esse Pelagianam. Quia verò quodam loco protulerat Bastida librum Calvinii, Cardinales Pinellus & Asculanus acriter eum reprehenderunt, quia co-

„ram Sanctissimo Christi Vicario auderent Hæ-
„resiarchæ legere librum; Sanctissimus etiam
„ægrè ferebat tantam petulantiam.

„ Denique res feliciter cessit, & Gratia de
„inimicis suis gloriosum triumphum reportavit.
„ De multis Sanctis lecta fuerunt egregia loca,
„ sed in primis unus insignis de S. Thoma lib. 3.
„ contra Gentiles cap. 88. & 89. Unde Lemos
„ probavit evidenter, Deum efficaciter movere
„ voluntatem per modum agentis absque volen-
„ tia: quo planè loco prolato miserè erubue-
„ runt Jesuitæ, qui putabant habere victoriam
„ de argumento sæpe a Sanctis proposito & so-
„ luto, videlicet quod si Deus efficaciter move-
„ ret voluntatem, tolleretur libertas.

„ Die Martis 3. Januarii 1606. &c. Actum
„ fuit in hac Congregatione, quæ duravit per
„ sex horas & amplius, de expendendis testimo-
„ niis Doctorum & Sanctorum, quibus defen-
„ sores Molinæ nitebantur defendere, quod
„ Deus non movet voluntatem humanam nisi
„ moraliter, &c. Copiosè Consultores dixerunt
„ suffragia. Et licet ob prolixitatem molesti qui-
„ busdam Dominis visi fuerint, egregiè tamen
„ patefecerunt veritatem, pro motione reali &
„ physica & efficaci, & pro hac parte tenuerunt.
„ Et fuit manifestè ostensum, hanc esse Sancto-
„ rum Augustini & Thomæ Aquinatis senten-
„ tiam, quam defensores Molinæ non poterant
„ negare; imò aliqui Doctores Jesuitæ id ex-
„ pressè dicebant, videlicet Toletus, Bellarmi-
„ nus, & alii.

Die Martis 10. Januarii, &c. Actum fuit in hac Congregatione super eodem dubio de Gratia efficaci ex pondere rationum, sic enim Patres Jesuitæ petiverant.

Cæterum ut causam vel in longum protraherent, vel eam efficerent (ut vulgò dici solet) immortalem, rem excogitaverunt valdè fraudulentam, & capitiösam: nam instar cujusdam magni processus hinc & inde collegerunt multa dogmata, & propositiones aliquorum Doctorem Thomistarum, & præmissâ quâdam protestatione, quod non intendebant accusare Dominicanos, quos putabant esse Viros Catholicos, solum proponebant & repræsentabant dogmata, quæ continebantur in eorum libris cum dogmatibus Calvinii multum conformia, quibus oportebat intendere: Et hoc argumentum copioso multiloquio per duas horas & amplius tractaverunt, & deinde ab initio quasdam propositiones assumentes in illis immorantur. Sanctissimus consideratâ hac fraudulentâ, & quò tendebant artes optimè cognoscens, non sine indicio suæ commotionis semel iterum dixit: *Dite ogni cosa, per che lo vogliamo finire.* Itaque hæc quomodo melius poterunt deglutientes Patres Jesuitæ, prosecuti fuerunt sermonem cœptum: sed quoniam credentes atque sperantes, quod ex voto concepta causa sibi successura fuisset, infeliciter disputationem absolverunt, dicentes scilicet ex tempore sine præmeditatione, quæ magno studio indigebant. Tum Pater Lemos subiens
certa-

„certamen feliciter omnia repetivit, & felicius confutavit. Quod verò attinebat ad collationem dogmatum Thomistarum cum Calvinianis, inter cætera verè affirmavit, Doctores Thomistas in multis Catholicis sententiis cum Calvino convenire, quia Calvinus verè in illis loquebatur. Neque enim Calvinus semper hæreticas profert sententias, sicut neque regulariter hæretici semper hæretica proferunt dogmata; imò verò sæpè Catholica præmittunt, ut deinde hæretica persuadeant: atque his habitis Congregatio dissoluta est.

„Die Mercurii 25. Januarii coram Sanctissimo. Actum fuit in hac Congregatione de pondere rationum, quibus ad suam sententiam probandam Patres Jesuitæ utebantur: eas frigidè admodum proposuit Pater Bastida, cui adjunctus erat Pater Bartholomæus Perez: Pater Lemos eas validè confutavit, & adjecit aliquot alias rationes pro veritate Catholica, quas adversarii non potuerunt diluere.

„Producta fuit hæc Congregatio in tres horas, habita fuit post prandium in die Conversionis S. Pauli assertoris Gratiae Divinæ, quæ de impugnantibus gloriosum triumphum reportavit.

„Die Mercurii prima Februarii apud sanctum Petrum coram Sanctissimo, &c.

„Actum fuit in hac Congregatione de censendis rationibus, quibus usi fuerant Jesuitæ, & ostensum esse periculosas, fraudulentas, captiosas, & humanis auribus prurientes, Pelagiano dogmati favere.

In hac Congregatione egregiè dixerunt Armachanus, Rada, & uterque Secretarius. Apertissimè ostensum fuit, latissimum esse discrimen inter sententiam Calvini & Thomistarum ponentium prædeterminationem: quia Calvinus cum prædeterminatione dicit, multùm trahi Liberum Arbitrium, & multùm ferri, & quasi abripi instar fessoris equo agitato vehementer moti & ducti; in quo revera hæreticatur: Thomistæ verò cum prædeterminatione verè & Catholicè affirmant salvari Arbitrii Libertatem, & Liberum Arbitrium non necessitate, sed liberè, activè concurrere ad omnes actus liberos humanæ voluntatis: in quo Scotus etiam convenit cum Thomistis *Lib. I. sent. dist. 39. qu. I. concl. 3. & in solut. ad 3. qu.*

Die Mercurii 15. Februarii, &c. Actum fuit in hac Congregatione de efficacia Gratiæ ex sententia S. Thomæ, quem Jesuitæ ex multis locis contortis & perperam intellectis in suam sententiam pertrahere nitebantur, asserentes, sic fuisse intellectum à Capreolo, Cajetano & Conrado.

Sed Pater Lemos omnes nubes difficultatum dispulit, & evidenter ostendit, S. Thomam consentanea semper veritati docuisse, & cum Gratiæ efficacia a Libero Arbitrio independente humanam libertatem salvâsse, semperque motionem Dei præviam constituisse, quâ Liberum Arbitrium, & omnes aliæ causæ secundæ conformiter ad earum naturam ad operandum prædeterminentur.

„ Die Mercurii 22. Februarii, &c. Actum fuit
 „ in hac Congregatione de eadem Gratiae effica-
 „ cia ex sententia Doctorum Scholasticorum,
 „ quorum magnum numerum pro se Jesuitæ al-
 „ legabant: multos secum detulerunt Domini-
 „ cani. Per sex horas acriter certatum est, Le-
 „ mos verò, qui pro veritate sustinebat certa-
 „ men apertis libris coram Sanctissimo & Cardi-
 „ nalibus, & Consultoribus, patenter ostendit,
 „ mendaciter pro sententia Jesuitarum allegari
 „ Scholasticos; & omnes concorditer, uno aut
 „ altero obscuri nominis excepto, verbis forma-
 „ libus vel æquivalentibus prædictam motionem
 „ Dei præviam statuissè.

„ Eodem die fuit conclusum, quod hæc esset
 „ ultima Congregatio pro disputationibus.

„ Die Mercurii primo Martii apud S. Petrum
 „ habita fuit Congregatio coram Sanctissimo, ad
 „ quam convenerunt Cardinales & Consultores
 „ memorati.

„ Actum fuit in hac Congregatione de senten-
 „ tia S. Thomæ & Scholasticorum respectu effi-
 „ caciæ Gratiae: & conclusum feliciter, & o-
 „ stensum primarios Scholasticos, in quibus sunt
 „ S. Thomas, S. Bonaventura, Scotus, & alii
 „ magni nominis, pro efficacia sentire, & cum
 „ illa libertatem voluntatis salvare: hanc enim
 „ sententiam magno testimoniorum pondere ve-
 „ ram esse ostenderant Consultores. In hac Con-
 „ gregatione Consultorum officium quievit.

„ Die Mercurii 8. Martii apud S. Petrum ha-
 „ bita fuit Congregatio, ad quam convenerunt

omnes

„ omnes Cardinales sancti Officii, & etiam Car-
 „ dinalis du Perron, videlicet Pinellus, Blan-
 „ chertus, de Asculi, S. Cæcilie, Arigonius,
 „ Zapata, Bubatus, Aldobrandinus, Bellarmi-
 „ nus, de Monopoli.

„ Actum fuit in hac Congregatione de modo
 „ decidendi causam. Singuli Cardinales suo ordi-
 „ ne dixerunt sententiam, & conclusum Apo-
 „ stolico iudicio determinandam.

„ Factâ hac resolutione, *inquit Franciscus de*
 „ *Pegna*, cum intelligeretur quod sanctissimus
 „ Dominus volebat injungere Consultoribus, ut
 „ se ad propria conferrent, & Episcopi ad suos
 „ Episcopatus properarent, Ego adivi suam San-
 „ ctitatem & commemoravi magnum scanda-
 „ lum, quod futurum erat in Ecclesia, si causâ
 „ indecisâ Consultores recederent. Sanctissimus
 „ respondit, nullum futurum inconueniens, cum
 „ ipse in resolutione secuturus esset iudicium
 „ Congregationis: nihilominus tamen non im-
 „ peravit recessum, sed ordinavit quod frequen-
 „ tibus inter se habitis conventibus causam ter-
 „ minarent, sicut fecerunt toto hoc anno, &
 „ sequenti. Consultores autem tunc residui e-
 „ rant Petrus Lombardus Archiepiscopus Arma-
 „ chanus. Rada Franciscanus Episcopus Paten-
 „ sis, Episcopus sanctæ Agathæ, Episcopus Ne-
 „ ritonensis, Palantierus Episcopus N. Joannes
 „ Antonius Bovius, Episcopus Melfensis, Gre-
 „ gorius Nunnus Augustinianus Secretarius
 „ Congregationis, Jacobus le Bossu Gallus Do-
 „ ctor Parisiensis & Abbas S. Pauli de ordine S.

„Benedicti Secretarius etiam Congregationis:
 „qui denique mense Julio anni 1607. Sanctissimo
 „dederunt in scriptis iudicium suum cum nume-
 „ro propositionum condemnandarum. Publicè
 „autem dictum fuit de decem Consultoribus
 „octo consensisse in substantia & in ordine con-
 „tra Jesuitas; solùm verò Armachanum dissen-
 „sisse quantum ad ordinem non quantum ad
 „substantiam; Bovium verò Carmelitam in sen-
 „tentia Molinæ perseverasse.

CAPUT IX.

*Decretum Paulus V. in Jesuitas non est
 ausus edere, fuit tamen conceptum &
 scriptum.*

Papa re-
 linquit
 litteram in-
 decisam.

HAbemus ergò accuratam satis Congrega-
 tionum de Auxiliis Historiam! Atqui
 quis expectasset post tot labores nihil ab
 ipso Paulo V. editâ Bullâ iri definitum? Res sa-
 ne agebatur tanti negotii, id est de causa Salu-
 tis. Attamen Papa, ut ut Pelagianismos Jesuita-
 rum deprehenderet, non sustinuit Decretum,
 quod paratum habebat, in lucem edere. Quippe
 omnia periculis erant plena, nec sciebat sum-
 mus controversiarum Judex quid in perplexis
 adeò negotiis ageret. *En scopulus* (inquit Mariana,
Lib. III. de Morte & Mortalit. cap. VIII. factus
 ante cap. VI. multos suorum Cassiano Massiliensi
 Semipelagianorum primipilo assurgere) *ad quem*
multa confractæ sunt naves! En Euripus rapidus in di-
versus

*versas & contrarias partes verso mari, veluti monte precipiti devolutus torrens, fervens rixis & contentio-
nibus! Nusquam majori animo, neque odio partium
magis implacabili hisce annis certatum est, usque eò
ut ad severa Tribunalia ventum sit, dum utrique ad-
versariis hæresis crimen affingunt, quo nihil gravius.
Ipse R. Pontifex appellatus jam aliquot annos ea con-
troversia districtus nondum in pace litigantes posuit,
novo decreto promulgato. Atqui nec deinde id po-
tuit Papa, quando novum Decretum, ut ut jam
conceptum in Jesuitas, promulgare non est au-
sus.*

Et debuit gravissima esse causa, cur Congre-
gationes tot annis habitæ, & consulta maturo
judicio concepta, diu satis coram auditis Je-
suitis in fumum abierint. Arcanum hic quod-
dam revelavit Vitæ Perronianæ Scriptor. Nem-
pe ad Cardinalem, Romæ tunc agentem, scri-
pserat Henricus IV. Rex Galliarum, ut Pau-
lum V. de conciliandis ac componendis contro-
versis & litibus moneret, quasi jam revocatis
A. 1603. in Regnum Jesuitis, ante A. 1594. ob-
tentatum Regicidium expulsis, esset faventior.
Et adcinxit se negotio Cardinalis, ut constat ex
ejus ad Regem literis VII. Sept. A. MDCV. Nec
tamen mox obtinuit quod erat in votis. Ergò id
sequenti Anno XXI. Januarii significat spon-
detque se ad Regem perscripturum Pontificiam
definitionem, si quæ obtingeret. Ait verò, Hi-
spanos aperte in Dominicanorum partes transisse,
odio, uti existimat, Generalis Jesuiticæ Socie-
tatis in Regem bene (scilicet) affecti, sic qui-

Ratio-
nes

dem ut quæstio de Religione in Politicam exierit. Tandemque dicit, finitas quidem esse disputationes, necdum tamen de definitione actum esse, *lueris 6. Mart. 1606. ad Regem datis.*

Perronii
astutia.

Interea Papa Perronio commiserat id negotii, ut prudenter consuleret, quid in re tanti momenti facto opus foret. Scilicet adhuc dubium erat post tot Congregationes, quænam de Gratia Servatoris Evangelii fides esset! Petiit ergo, ut Acta Tridentini Concilii accurate consideret, simulque motas inter Jesuitas & Dominicanos lites, ac maturo judicio indicet, quid de quæstionibus foret statuendum. Tantæ molis erat vel nosse, quid Christiana fides ferret, quidve Synodus olim Tridentina definivisset!

Quid verò tandem Cardinalis? Is nihil statuendum censebat, uti Vitæ Scriptor Pag. 34. refert; *concitata, inquit, controversiâ de Gratia inter Dominicanos & Jesuitas, quæ multos annos Hispaniam & Italiam occupavit, suavit Perronius in quadam Congregatione, ut indefinita maneret, tum habita ratione duorum illorum Sodalitiorum insignium, tum Virorum magnorum in hac arena certantium, tum rei ipsius permultis difficultatibus opportuna.*

Causæ
consilii
Perroni-
niani,

Callidum Politici & parùm Christiani consilium, ut Jesuitæ præsentis periculo eximerentur! Illis enim, uti jam apparet, admodum favebat Cardinalis. Et secutus est illud Papa, quando imposito utrique parti silentio putavit se admodum bene suo Throno consuluisse. Scilicet metuebat Jesuitas, toto orbe tantis viribus pollentes, eorumque audaciam, qui nunquam suis
opinio-

opinionibus desisterent, parati potius in Pontificem arma convertere. Et jam Clemens sibi a Jesuitis metuerat, uti ante observatum, quando ipse Generalis, cum Papæ minas audiret, dixerat, *Videbimus, Sancte Pater, quatenus ratione nosmet defendere queamus*: & nonnemo in ipsa Roma jactitare fuit ausus, *non est de fide, Clementem VIII. hodie sedentem Petri legitimum successorem esse*. Cur non Societatis audaciam quoque Paulus V. metuisset, ubi primipilorum ingenia satis foret expertus? Imò verò satius erat Societatis gratiam mereri, quam iras, cujus quartum erat de obedientia Pontifici præstanda votum. Et jam recens erat Bellarmini ac Baronii labor pro ipsius potestate, quam non tantum Protestantes hæretici, sed etiam Galli parùm venerabantur. Igitur non ferebat prudentia Societatem damnare, quæ recens erat in Gallias admissa, & in qua tot Atlantes valerent, fulciendo utique Throno, qui undique tot machinis concuteretur.

Accedebat, quod jactitarent Jesuitæ non aliâ Aliæ causæ. methodo, quam suâ, Calvinianos oppugnari posse. Scilicet Dominicani suâ physicâ prædeterminatione & efficaci Gratia (admissò modò Gratiaë sufficientis nomine) causam fere totam hæreticis tradebant, exhaustò meritorum thesaurò, utique summis cum Ecclesiæ Romanæ periculis. Igitur prudentiæ non erat Jesuitarum dogmata damnare, sine quibus, quidquid est in meritis extructum, alto a culmine ruerē clamabant; minus consultum Dominicano-

rum sententiam decreto Pontificio firmare , in gratiam utique Calvinianorum , quando præcipuos suæ hærescos hostes Romæ damnatos riderent , atque simul occupatâ Gratiæ efficacis arce Liberum Arbitrium religione expellerent , quô tamen Romana fides ceu fundamento consistebat. Atque ex eô erat , quod quæstiones de Gratiâ *permultis difficultatibus opportuna & obnoxia* putarentur , ut vix definitio cum Ecclesiæ emolumento fieri posset. Sic Papæ Perronius , ut definitionem dissuaderet. Fastusque est causam hanc consilii Innocentius X. quando Jansenitarum causa Romæ ageretur. Sic refert *Sanctamoreus in Diario part. v. cap. 11. pag. 268.* ex ore cujusdam Archiepiscopi , cui dixerat Papa ;

„ Admodum bene novi , universum mundum
 „ pro Dominicanis tum stetisse contra Jesuitas ; diu
 „ Bullam in eos expectatam ; at frustra , quamvis
 „ illi meruissent ; Pontificem sanè maximâ usum
 „ prudentiâ , decretum non vulgasse , quodd , li-
 „ cet id Eruditis ubique placuisset , materia , de
 „ qua tanta lis movebatur , captum simplicium
 „ & vulgarium fidelium superaret ; se satis nosse
 „ quod opiniones Jesuitarum essent haud sincere
 „ & bonæ ; & si illas condemnaret , nullum
 „ Eruditum fore in Europæo orbe , cui non
 „ foret satisfactum ; attamen veritates adeò su-
 „ perare communes hominum perceptiones , ut
 „ plures inde scandalum conciperent , quam quid
 „ emolumenti , quando infirmiorum semper
 „ major est numerus. Adeò veritas Euange-
 „ lica Romanensibus scandalum præbet , quod
 „ supe-

perare nequidem Pontificia autoritas quirit !

Denique (sic video a Dominicanis *Montaltio*, est, Paschalio relatum, *Epistola Provinciali* 11.) Pontifex ab edendâ in Jesuitas Bullâ Italiæ turis fuit averfus. Etenim is Venetos, qui pro legibus patriis, juribus & libertate publica pugnant, Interdicto mulctaverat, causatus ab illis Ecclesiasticam libertatem violari. Nempe quosdam Religiosos, scelerum manifestos, Senatus ad suum tribunal traxerat, pœnam luituros, & deinde decreverat, Rectores Civitatum in Statu Veneto viderent ne quis, qualiscunque foret, sacras Ædes, Cœnobîa, Xenodochia inconsulto & non consentiente Senatu ædificaret. Denique prohibuerat, ne cui bona sua relinquere, donare, aut in perpetuum oppignorare Sacro Ordini liberum esset. Hinc lites cum Pontifice, cujus partes Jesuitæ admodum tuebantur, missi in exilium, quum Respublica Papæ Interdicto premeretur. Sic *Thuanus Hist. lib. cxxxvii.*

Igitur ille non consultum putabat, quando tam periculoso bello implicaretur, alterum sibi concitare, quod movere cati & eruditi Patres Societatis in vindictam possent. Imò verò ipsorum potius auxilio, quum præ aliis Monachis quarto voto Papæ Sacramentum dixissent, opus habebat uti in Hæreticos, sic in Venetos aliosque, qui ipsius authoritati repugnarent. Et denique parcendum miseris erat, ne secunda & gravior ipsis *mortificatio* accideret, uti Cardinalis

Cornarus Sanctamoro Romæ referebat , uti est in *Diario Pag. 197.*

Neque tantum a Venetis duriora Jesuitæ patiebantur in Pontificis causa , verum etiam ab Anglis , quando pulverariæ conspirationis , in rem Romanam occæptæ , accusati ac convicti , pars Regno severis edictis exacti , pars ad supplicia rapti , quos inter primipilus Garnetus , uti narrat *Thuanus Lib. cxxxv. Isaacus Casanbonus in Epistolis* , quas Collega Celeb. *Gravius* edidit pag. 704. & seqq. (Is enim tum in aula apud Regem agebat) atque & ipse *Rex Jacobus* scripto pro juramento fidelitatis libro , ut omnibus toto orbe Principibus Jesuiticæ conspirationis certitudinem demonstraret. Et tamen ceu Martyres erant habendi Lojolitæ , præsertim iste Garnetus , quod expertus est Romæ Sanctamoreus , *Emi* , inquit in *Diario pag. 73. quinque salia* , quibus depingebantur plus quam centum Jesuite , qui canonizati sanguinem pro Religione Christiana effuderant , inter quos erat Pater Henricus Garnetus Londini pro fide Catholica suspensus & dissectus , 3. Maji. 1606. Quamquam nemo ignoret , quod ultimum luerit supplicium propter conjurationem , cujus erat convictus , quamque agnoscebat , usque adeò ut ante mortem , quum nonnulli cum uti martyrem venerarentur , dixerit , nunquam auditum fuit , parricidam esse martyrem.

Itaque admodum ubique afflicti , & necdum planè restituti , uti desiderabant , in ipsis Galliis Patres , elapsi sunt Romæ anathematis periculo , ne stigma hæreseos paterentur , suadente Perro-
nio Cardinali , qui ipsis summopere favebat.

Nempe

Nempe agebatur causa hominum non Dei. Et hinc indecisa lite imposita est utrique litigantium parti silentii necessitas, quidquid querebantur Dominicani, dolentes tot labores jam VIII. annis obitos frustraneos esse, datâ errori libertate, ut securè per Ecclesiæ Romanæ membra se diffunderet.

Sic enim Spondanus ad A. MDCVI. *Disputationes de Gratia Auxiliis & Libero Arbitrio Paulus V. conticescere jussit: sanxitque postmodum, ut utrisque (Dominicanis & Jesuitis) dum aliud decerneretur, liberum esset suam sententiam in Scholis modeste tueri, sed sine damnatione alterius partis.* Atqui sic Mechliniensis Archiepiscopus suâ pro Jansenio Apologâ, dum Papa, usque dum proferret & publicam faceret sententiam (quod se opportuniori tempore præstiturum pollicebatur) vetuit ne tantisper pars una aliam erroris argueret, Jesuitæ hanc prohibitionem, quodque nihil adversus eos pronuntiaretur, causæ secundum se decisionem interpretati sunt: ideò nimirum, quod nihil obtinere aliud hoc judicio contendissent, quam ut Molina opinio ab erroris nota libera discederet, quam se defendere, non ut veram, sed ut minime erroneam, sub initium Congregationum palam testati fuerint. Adeoque passim apud omnes gloriati sunt, in hoc conflictu palmam se ac victoriam obtinuisse.

En vafra & sceptica in tanto Religionis articulo hominum ingenia! Atque inde, lugentibus Dominicanis se hætenus suis disputationibus ac demonstrationibus nihil impetrasse, imò silere jussos, prohiberi ne in exercitationibus dogmata

Augustino opposita, i. e. Pelagiana, erroris postulant, efferbuere Jesuitarum omnia audentium, & Romæ, atque deinde in Galliis præpollentium animi. Maximè cum idem Paulus V. non ausus est proferre, uti erat pollicitus, sententiam, quin potius consultum putaret Die 1. Decemb. A. MDCXII. edere Decretum quo jubebat ad tollenda scandala & dissensiones, quæ oriebantur, occasione editionis Librorum, & Operum de Auxiliis tractantium, ut scriberetur Nuntiis, ne sinerent quidquam imprimi in materia de Auxiliis, etiam sub prætextu commentandi in Thomam, aut alio modo, & qui vellent de hac materia scribere aut imprimere, prius mitterent, Tractatus ad Inquisitionem. Adeò rigidum imponebatur utrique parti silentium, quòd summo cum dolore Jesuitarum Anno præcedenti ingentem de Auxiliis pro Dominicanorum sententiâ Librum Didacus Alvarez, Vir magni nominis, Archiepiscopus Tranensis & Salpensis, edidisset, & Philippo III. Regi Hispaniarum dedicasset. Evidenti testimonio, quam Roma ab Evangelica Gratia defecerit datâ Pelagianismo, ut rerum potiretur, per Jesuitas, libertate.

Ergò etiam Decretum in Lojolitas a Clemente VIII. conceptum, & a Paulo V. probatum auctumque, in Romanis scriniis perpetuâ caligine clausum, ne cuiquam innotesceret. Videre istud gestiebat Amplissimus *Mauguinus in Præfatione ad Tom. 1. Vindiciarum de Gratia*; at istud manuscriptum se habere dicebat Mechliniensis Præsul suis pro Jansenio Apologeticis. Itaque ad illud

Vir

Vir Egregius provocabat, ut se suaque pro amicis studia tueretur; haud tamen ausus istud excudere, ne nimium iras Urbani VIII. sibi & Jansenio nimium infesti concitaret.

Iraque latuit, usque dum Jansenitarum Legati istud Romae fideliter describerent, appositâ publicâ fide & institutâ collatione, mox edendum a Sanctamoro in Appendicibus, quas *Diario* suffixit. Nec displicebit Lectoribus, si huic Operi quoque inferamus. Sane eò faciet, ut Jansenianæ causæ contra Jesuitas æquitatem atque Curiae Romanæ ingenium magis cognoscamus. Utique malè damnatus est Jansenius, si Apostolicum sit Pauli V. in Jesuitas Decretum, & si fuerit Apostolicum, cur editum non fuit in lucem? Cur pressum & perpetuæ est traditum caligini? Sanè majus esse non queat malæ fidei & pravaricationis in causa Dei & Christi argumentum.

CAPUT X.

Decretum Pauli V. contra Jesuitas exhibetur.

Inscriptio manuscripti hæc erat; *Copia d' alcune Propositioni, giudicate erronee, della Congregazione da N. S. & sic se habebant Decreta.* Istud exhibitur.

I.

„ Dicere (1) quòd in statu naturæ lapsæ vires
„ naturales Liberi Arbitrii eadem prorsus seu ra-
„ les secundum se in nobis manserint, quales
„ illas essemus habituri, si homo fuisset conditus
in

„in statu merè naturali ad finem tantum natura-
 „lem, quasi peccatum primi hominis non nisi in
 „supernaturalibus nocuisset ejus posteris: adver-
 „satur doctrinæ in Ecclesia (2.) cum olim con-
 „tra Pelagianos eorumque reliquias definitæ ac
 „defensæ, tum novissime in Concilio Tridenti-
 „no (3) confirmatæ, quando agendo de vi na-
 „turæ expresse traditur Liberum Arbitrium vi-
 „ribus esse attenuatum & inclinatum. Est & hoc
 „conforme antiquis definitionibus & doctrinæ
 „in Ecclesia semper traditæ & creditæ, quod in
 „eodem (4) Concilio contra Hæreticos hujus
 „temporis declaratur & definitur, Liberum Ar-
 „bitrium post Adæ peccatum non esse extinctum
 „aut amissum. Quod quia similiter intelligitur
 „quoad vires conditionis suæ naturalis, ideo
 „huic definitioni non repugnat, quod Liberum
 „Arbitrium spectando vires, quas ex largitione
 „Gratiæ accepit, dicatur amissum ac perditum.
 „Quomodo non repugnat, quod retentâ liber-
 „tate naturali libertas Gratiæ dicitur periisse.

(1.) *Ex L. Molina in Concord. q. 14. art. 13. D. 3.*
§. Textis. D. 16. §. explicanda. D. 19. N. 3. §. Tertia.
 (2.) *In Epist. Cælestini 1. c. 4. & in Concil. Araus.*
c. 13. & 25. (3.) Sess. 6. cap. 1. (4.) Sess. 6. c. 1.
& Can. 5.

II.

„Dicere (1.) quod parvuli, cum post judicii
 „diem resumpserint sua corpora, liberabuntur
 „supernaturaliter ab omnibus molestiis & æ-
 „rumnis, quibus in hac mortali vitâ subjace-
 „mus, melioremque in naturalibus vitam vitio
 „omni

ni mentis & corporis immunem in perpetuas æternitates ducent, quam ullus unquam mortalium duxerit, temerarium est, nimiumque accedens ad illum ab Ecclesia Dei errore super habitum (2.) adeoque in Pelagiano & Celestiano dogmate condemnatum, quo dicitur parvuli etiam si non baptizentur, ideoque exclusi maneant a Regno Cœlorum, æternam ac beatam quandam Vitam, sed extra celum, habere.

(1.) *Ex Molina q. 23. art. 4. 5. d. 1. Memb. 8. edition. Antverpiæ Memb. 9. §. his omnibus. S. Augustin. Epist. 106. & Lib. de Hæresib. &c.*

III.

Dicere (1.) quod in statu naturæ lapsæ homo sine concursu Dei generali absque alio dono & auxilio Gratiæ possit efficere opus bonum morale, quod fini naturali hominis accommodatum atque comparatione illius sit vere bonum, veræque virtutis opus, referendo illud ad Deum naturaliter cognitum; id doctrinæ contradicit, quâ contra reliquias Pelagianismi olim definitum (2.) quod post peccatum primi hominis nullus operari propter Deum quod bonum est possit, nisi Gratia eum & misericordia Divina prævenierit. Ex quâ tamen doctrinâ nequaquam sequitur, omne opus, quod sine speciali Gratiâ sit ab homine etiam fidei, esse peccatum.

(1.) *Ex Molina q. 14. art. 13. d. 5. §. ut ad &c. &c. (2.) In Concil. Arausic. c. 25.*

„ Qui dixerit (1.) quod quotiescunque homo
„ ex viribus naturalibus sui arbitrii cum solo
„ concursu generali Dei facit , seu conatur fa-
„ cere; præstove est ad faciendum seu conan-
„ dum totum id , quod ex sese potest circa ea,
„ quæ ad justificationem pertinent, Deus ipsi
„ conferat Gratiâ prævenientem auxiliave qui-
„ bus id faciat, ut oportet ad salutem; errat: &
„ supponendo posse hominem aliquid facere seu
„ conari sine Gratiâ Dei, quod ad justificationem
„ consequendam pertinet, & humano operi, seu
„ conatui ex negotio justificationis Gratiâ Dei
„ re ipsa subjiciendo. Et qui; quamvis verbo,
„ addat , quod homo eo conatu seu opere non
„ efficiatur dignus talibus auxiliis , ullaque ra-
„ tione ea promereatur, attamen dixerit, quod
„ inter leges, quas Christus Dominus cum Pa-
„ tre æterno constituit de auxiliis & donis , quæ
„ nobis promeruit , mere gratis conferendis,
„ una eaque rationi maxime consentanea homi-
„ nibus subveniendi fuerit, ut quoties ex nostris
„ viribus naturalibus conaremur facere, quod in
„ nobis est, præsto nobis essent auxilia Gratiæ,
„ quibus ea ut oportet ad salutem efficeremus,
„ ut ea ratione, dum essemus in via, semper in
„ manu Liberi Arbitrii nostri posita esset salus
„ nostra; errat. Item qui dixerit, quod Deus
„ sæpe etiam ob Christi merita Liberum nostrum
„ Arbitrium quasi sopitum & torpens omninò
„ excitat , id ita exponendo sive intelligendo,
„ tanquam non semper , sive non in omnibus

Gratia

„ Gratia præveniat conatum Liberi Arbitrii, sed
 „ in aliquibus Liberum Arbitrium conatu suo
 „ præveniat Gratiā circa ea, quæ ad justifica-
 „ tionem consequendam pertinent; gravissime
 „ errat contra doctrinam, quæ ex S. S. olim de-
 „ finita contra Pelagianos eorumque reliquias &
 „ hætenus tradita a probatis maxime in Eccle-
 „ sia Dei Doctoribus. Juxta quam doctrinam
 „ firmissime est tenendum & docendum, quod
 „ omne opus, omnisque conatus Liberi Arbitrii
 „ ad justificationem & salutem consequendam
 „ pertinens, a Gratia Dei per Christi merita ad
 „ id movente prævenitur. Quippe quæ Gratia,
 „ ut definitum est (2.) non operantibus seu co-
 „ nantibus sine ipsâ, sed ut per ipsam operen-
 „ tur & conentur homines quæ oportet ad salu-
 „ tem, datur. Et sic datur sine lege & conditio-
 „ ne, quâ vel ullis detur intuitu alicujus operis
 „ (3.) seu conatus, cum nihil ex se operari seu
 „ conari possint homines, quod profit ad Gra-
 „ tiam obtinendam, vel quâ nullis non detur,
 „ qui quaecunque sit, quod ex se summum
 „ possunt, operantur & conantur. (4.) Verum
 „ Dei Gratia & Sp., qui ubi vult spirat, ob hoc
 „ omne ingenii genus in filiis Misericordiæ non
 „ præterit. Item omne ingenii genus in Gehen-
 „ næ filiis præterit, ut (5.) qui gloriatur, in Do-
 „ mino gloriatur. At sicut generaliter omnes
 „ declinaverunt, simul inutiles facti sunt, non
 „ est qui (6.) faciat bonum, non est usque ad
 „ unum: sic & in omnibus omninò homini-
 „ bus, qui operantur, seu conantur aliquid

„pertinens ad salutem , Gratia prævenit omne
 „ejusmodi opus & conatum.

(1.) *Ex Molina q. 14. a. 13. D. 10. 19. M. 3.*
 (2.) *Ex Conc. Araus. c. 6.* (3.) *Ex Prosp. lib. 1. de*
vocat. Gent. c. 9. (4.) *Ex August. lib. de Peccat. Me-*
rit. & Rem. c. 22. (5.) *2 Cor. 10. 17.* (6.) *Rom. 3. 12.*
ex Conc. Araus. c. 8.

V.

„ Qui dixerit hominem ex facultate Liberi sui
 „ Arbitrii cum solo concursu generali Dei posse
 „ iis, quæ credenda sunt, assentiri, tanquam a
 „ Deo revelatis , & quia a Deo revelata sunt,
 „ quando proponuntur & explicantur adhibitis
 „ argumentis, quæ afferri solent , ut homines
 „ merito sibi persuadeant ea revelata esse a Deo,
 „ & jussu credi , & accedente externa vocatio-
 „ ne ad fidem per concionatores aliosque Eccle-
 „ siæ ministros; errat. Qui dixerit similiter posse
 „ præexistente assensu hoc in intellectu elicere
 „ actum sperandi a Deo, quæ ab eo revelata ac
 „ promissa sunt nobis; errat. Qui dixerit simili-
 „ ter posse elicere actum absolutum dilectionis
 „ Dei super omnia, placendi Deo in omnibus,
 „ & propositum absolutum servandi mandata o-
 „ mnia naturalia obligantia sub peccato lethali;
 „ errat. Qui dixerit similiter posse præexistente
 „ maxime lumine fidei , quâ Dei beneficia cum
 „ naturæ tum gratiæ præmia justis & supplicia
 „ impiis proposita agnoscimus, elicere ex Dei
 „ timore actum attritionis cum spe veniæ, & ex
 „ Dei amore actum contritionis de peccatis com-
 „ missis cum proposito non peccandi amplius
 leth-

ethaliter; errat, etiamsi dicat actus ejusmodi esse merè naturales. Qui dixerit hominem postquam edoctus fuerit auxilium Gratiae supernaturale sibi esse necessarium ad justificationem & salutem, similiter posse illud optare, desiderare, petere sibi donari, & satagere se disponere ad illud recipiendum; errat contra doctrinam, quâ constat revelatum esse in S. S. actus illos, prout jam descripti sunt, esse dona Dei per Christi Gratiam & merita, idque ab ipsa prima in iis cogitatione; ideoque ab Ecclesia meritò definitum esse non posse eos fieri sine speciali Dei adjutorio. Quæ & deinde doctrina in Ecclesia Dei tam severè definita & constanter asserta, ut si quis affirmaret hominem per naturæ vigorem sine præveniente S. Sancti Gratia posse aliquem ex iisdem actibus operari seu conari, sicut oportet, sive ut expedit, quod est operari seu conari secundum circumstantias omnes debitas ab homine in ejusmodi actibus adhiberi ad misericordiam seu justificationem consequendam, is & in antiquis definitionibus contra Pelagianos eorumque reliquias Hæretico falli Spiritu pronuntiatu fuerit, & novissime in Concilio Tridentino contra calumnias hæreticorum hujus Temporis eandem doctrinam confirmando, anathemate feriatur.

V I.

„ Qui dixerit in homine post lapsum talem esse libertatem ad quamcunque tentationem seu difficultatem cum solo concursu Dei generali

„in quocunque temporis momento superandam,
 „quam pro servandâ in quolibet ejusmodi instan-
 „ti lege naturali necesse sit vincere, etiam si ea
 „de causa mors sit toleranda, ut si consentiat
 „ideo peccet, quia secluso quocunque alio ma-
 „jori auxilio in potestate ipsius positum est non
 „transgredi tunc legem & non transgrediendo
 „victoriam comparare; errat.

„Qui dixerit hominem posse, etsi non sine
 „ingenti difficultate vincere ex solis viribus na-
 „turalibus singulas tentationes, quantumvis
 „graves & molestas, dummodo non longo tem-
 „pore durent, Gratiam vero tantum esse neces-
 „sariam ad facilius, vel solum ad superandas o-
 „mnes simul exsurgentes concupiscentias, ne
 „decurso temporis vincamur, adversatur Eccle-
 „siasticis definitionibus de imbecillitate naturæ
 „humanæ post lapsum ad tentationes superan-
 „das.

„Juxta quas definitiones declaramus (1.) te-
 „nendum ac docendum, quia tunc victa vitia
 „deputanda sunt cum Dei amore vincuntur,
 „quem nisi Deus ipse non donat, nec aliter nisi
 „per Mediatorem Dei & hominum hominem J.C.
 „idcirco in vitiis & illicitis concupiscentiis evin-
 „cendis, in Diaboli insidiis superandis & tam in
 „resistendo, quam in succumbendo quibuscun-
 „que tentationibus, licet (2.) homo habeat li-
 „bertatem, id est, liberum usum propriæ vo-
 „luntatis, tamen ad vincendam seu superandam
 „quancunque tentationem, ita nimirum, ut
 „præceptum circa quod tentatur quispiam ser-
 vetur

„vetur propter Deum, id est, ne offendatur
 „Deus, non sufficiunt vires naturales Liberi Ar-
 „bitrii, sed necessarium est quotidianum, id
 „est, continuò seu contra tentationes singulas
 „subministratum adiutorium specialis Gratiae
 „Dei, idque non tantum ad facilius & melius
 „comparandam victoriam & servandum præce-
 „ptum, sed quoniam ad ejusmodi observationem
 „& victoriam adiutorium istud simpliciter est
 „necessarium, juxta id quod olim a Sede Apo-
 „stolicâ (3.) responsum est in hac causâ, ne-
 „cesse est, ut quo auxiliante vincimus, eo ite-
 „rùm non adjuvante vincamur.

(1.) *Ex August. Lib. XXI. de Civit. Dei, cap. 16.*

(2.) *August. Epist. 106. (3.) Ab Innocentio 19. Epist. quæ est inter Aug. 91. & a Cælestino I. in Epist. ad Episc. Gallie pro S. S. Prosp. & Hilario.*

V I I.

„ Qui dixerit Gratiam, quâ Deus operatur
 „in nobis velle & perficere, non sic movere no-
 „stram voluntatem, ut ex virtute motionis Dei
 „per eam operantis sit infallibile, quod actu
 „consentiamus & operemur; errat.

V I I I.

„ Qui dixerit Gratiam istam ad volendum &
 „operandum quæ pertinent ad salutem, aut non
 „ita esse efficacem, ut præveniendo voluntatem
 „nostram ipsam, verâ & reali efficientiâ præ-
 „moveat, & faciat velle atque operari, aut sine
 „ea posse aliquem actu velle & operari; errat.

I X.

„ Qui dixerit Gratiam efficacem excitare, al-

„licere, invitare & suadere voluntatem, non
 „tantum ita, ut Deus efficienter moveat volun-
 „tatem ipsam ad consentiendum, sed ipsâ jam
 „consentiente & coöperante simul cum ea in-
 „fluat tantum in actum; errat.

X.

„ Qui dixerit, Deum per auxilium Gratiae suae
 „& Liberum hominis Arbitrium tanquam duas
 „causas partiales se habere in negotio nostrae
 „justificationis (*conversionis*) ita ut una ab altera
 „non præmoveatur nec ab ea virtutem agendi
 „recipiat; errat.

„ Qui dixerit efficaciam Gratiae Dei, seu hoc
 „quod est auxilium Gratiae, esse efficax, pen-
 „dere à consensu & coöperatione Liberi Arbi-
 „trii hominis: aut Liberum Arbitrium hominis
 „suo consensu & coöperatione efficere auxilium
 „Gratiae efficax; adversatur Doctrinae (i.) quâ
 „ab Ecclesia Dei definitum est, Deum etiam in
 „illis, quos vocat gratis, non expectare eorum
 „voluntates, seu consensum ad ipsos Gratiâ suâ
 „adjuvandum, quasi ab ipsorum Libero Arbi-
 „trio sic penderet, quod consentiant vocationi,
 „aut velint id, ad quod sunt vocati, ut Deus
 „hoc in iis non operetur efficaci suâ Gratiâ,
 „sed ab iis expectet pro innatâ ipsis Libertate.

(i.) *Ex Concil. Araus. cap. 4. & 5. S. S. August. Epist. 107. ex Petr. Diac. c. 9. Fulg. c. 18. 28. 29. 30. de Incarnat. & Gratia.*

X I.

„ Qui dixerit perseverantiam in bono usque
 „ad finem vitae non esse ex tali singulari Dei
 „dono,

ono, quo non solum dat quod quis perseverare possit, si velit, sed etiam, quo operatur efficaciter, ut ex virtute ipsius doni velit & perseveret: aut dixerit cum hoc dono non coarctare Arbitrii creati Libertatem; errat.

X I I.

Qui dixerit Deum ab æterno non ita constituisse, proposuisse, prædefinivisse, seu præterminasse illos omnes & singulos consensuros, credituros, operaturos & perseveraturos quicumque in tempore Deo vocanti ad salutem consentiunt & consentientes credunt, operantur & perseverant, ut decreto absoluto, id est, quo absolutè vult quod consentiant, creantur, operentur, seu perseverent, præordinavit unicuique eorum dare auxilium Gratiæ, cujus virtutem seu motionem præscit tam esse efficacem ad subjiendum sibi Liberum Arbitrium, cui datur, ut ex ea certum sit, & infallibile & insuperabile, quod is consentiet, creabitur, operabitur seu perseverabit, aut ejusmodi decretum Dei absolutum seu efficacem motionem Libertatem Arbitrii tollere vel ei adversari; errat.

X I I I.

Qui dixerit præscientiam Dei de hominum salute seu quocunque illorum actu ad salutem pertinentem, fundari non in virtute auxilii, seu motionis efficaci ad subdendum sibi Arbitrium, cui datur, sed in præviso usu humani Arbitrii pro sua libertate auxilio Dei utentis vel non utentis, aut hujusmodi præscientiam esse

„necessariam ad conciliandum inter se auxilium
 „Gratiæ Dei & liberum usum humani Arbitrii;
 „errat, ponendo in Deo scientiam, quæ nul-
 „lum prorsus habet vel habere potest obje-
 „ctum.

X I V.

„ Qui dixerit prædestinationem electorum sic
 „pendere ab ipsorum Arbitrio, ut non per effi-
 „caciæ, seu virtutem auxiliorum, quæ Deus
 „sua prædestinatione decrevit dare, fiat, quod
 „bene iis utantur, sed quia Deus in præscientia
 „sua videns quibus auxiliis pro sua libertate be-
 „ne utentur electi, hæc ipsis dare decrevit; er-
 „rat, in illud incidens prædestinationem esse ex
 „meritis hominum: ita nimirum, ut Gratia
 „quâ adjuvantur homines ad consequendum ef-
 „fectum & finem, ad quem sunt prædestinati,
 „ideò iis detur, quia ipsi volunt usu illo sui ar-
 „bitrii, quem pro libertate sua adhibent, non
 „autem ideò velint, quia per Gratiæ adju-
 „vantur.

„ Subscripserunt *Petrus Lombardus Archiepiscopus Arhmacanus. Archiepisc. Fr. J. de Rada Episcopus Patensis. Lelius Landus Episc. Neritonensis. F. Hieronymus Pallantius Episcopus Bisontinus. Anastasius Abbas Farfensis Secretarius. J. Bapt. de Plum-
 „bino Prior Ord. S. August. Gregorius Nunnus Coro-
 „nel Secretarius. Jacobus le Bossu Doctor Sorbonicus.*

Atque hoc Decretum est, uti, gladius in vagina reconditus, in scriniis Romanæ Curix la-
 tuit, prohibente Deo ne vulgaretur, quod Ro-
 ma fidem Evangelii temerandò in Protestantibus

damnasset. At a nobis cum Actis Congregationum in testimonium suppressæ veritatis excudi istud debuit; quamvis Innocentius X. statim post Jansenismi condemnationem Anno LIII. pridie Kalendas Junii Edicto jussit, *ne quis illi fidem habeat, aut illud suam in rem alleget*. Neque enim id effecit suo Decreto, ut quod factum est infectum fieri potuerit, aut dicere ausus est, omninò falsum esse manuscriptum, quod in Eruditorum manibus versabatur. Nimirum urebat Pontificem conqueri plurimos, Jesuitis triumphantibus Jansenium esse fulmine Romano percussum ceu hæreticus foret, dum ostendere quirent Jesuitas ante a Clemente VIII. & Paulo V. damnatos. Itaque e re erat, Acta & Decreta istorum Pontificum e medio tollere, & manuscriptis exemplaribus notam inurere, quasi ficta aut supposititia nullam fidem mererentur. Quod tamen suâ Bullâ ab Eruditis impetrare nequicquam studuit.

Interea probamus nos in Decreto Pauli V. quæ Gratiâ efficacem spectant, uti existimamus nostram fidem Augustinianam, imò Paulinam esse. Nec Jansenitæ utuntur candore, quando laudantes istud Decretum, nos, negatæ Libertatis crimen impingentes, tantum non Manichæismi accusant. Consulant potius bonæ conscientiæ, veritati, ingenuitati, desinantque criminationum, imò prævaricationum in Dei causâ. Ille videt qui speculator adstat desuper, nec patitur negligi amorem manifestæ veritatis.

CAPUT XI.

*Jesuitarum Dogmatum Systema a Jansenio damnatum.*Jesuiti-
cum Sy-
stema.

SUMMA omnium est, Jansenium jure Jesuitica Dogmata de Gratia & Libero Arbitrio ceu erronea & Pelagiana perstrinxisse. Alia nunc, quæ connexa sunt, addi possunt, ut justitia Jansenianæ causæ, & iniquitas Jesuitici Systematis appareat. Atqui istud solummodò depingere quibusdam Propositionibus erit consultum, ne nimium hoc Opus accrescat, nec fieri potest, ut fusas Jansenii disputationes attexamus. Igitur I. *de Statu primi Hominis*, ex quò delapsus est quilibet peccator, pessimè sentiebant

De Statu
primi
hominis.

I. Hominem primum in puris naturalibus, uti loquuntur, nec bonum nec malum conditum esse, saltem condi potuisse.

II. Et quidem sine ordinatione ad Beatitudinem sempiternam, vel claram visionem Dei.

III. Hinc sine sapientia in intellectu & charitate voluntatis Deum diligente.

IV. Intereà naturalem ipsi adeò fuisse hunc statum, ut subjectus fuerit concupiscentiæ & hinc repugnantia carnalis & spiritus.

V. Ergò illi datum justitiæ supernaturalis donum, ceu frænum aureum, quò continere & regere concupiscentiam atque affectus potuerit, ne faciliè succumberet.

VI. Or-

VI. Ordinem autem merè naturalem postulare , ut Deus in primo statu innocentiae duos appetitus illos contrarios reciprocis moribus conflictari sineret , neque concursum suum subtrahendo , neque dono quopiam superaddito pugnam hostilitatemque comprimendo.

VII. Proinde quantum ad internas animi vires tantam in purâ naturâ futuram ignorantiam, beneque cogitandi infirmitatem , atque ad peccandum pronitatem , quantam in naturâ lapsâ experimur , & quodammodo quoad externa media majorem.

VIII. Adeundem Statum pertinuisse mortalitatem naturæ omnesque corporis morbos , & inde proficiscentes animorum labe , totamque calamitatum seriem , quibus humana vita ad mortem usque atteritur.

Hæc Jesuitæ de Statu primi hominis, uti fusè Tom. II. *Augustini Libris de Statu puræ Naturæ* Janfenius exposuit.

II. Quoad *Statum Naturæ Lapsæ* observat ex Bel-
larmino juxta Jesuitarum doctrinam , eum a Statu De Statu naturæ lapsæ. puræ Naturæ modò discrepare , sicut *spoliatus a nudo* differt. Nempe iste amisit , quod hic nondum habuit : ac proinde pura natura se habet instar negationis , lapsa instar privationis. *Ibid. Lib. I. cap. I.* Igitur Jesuitæ malè & falsò asseriebant ;

I. Naturalem esse ignorantiam , non peccati originalis pœnam.

II. Ignorantiam quæ necessitatis est , non voluntatis , id est , invincibilem , carere peccato.

III. Pariter concupiscentiam esse naturalem, non ipsum peccatum originale, seu naturæ lapsæ depravationem, ut inde illius motus vere sint peccata.

IV. Peccati originalis propagationem juxta mentem Augustini esse falsam: imò peccati in eâ pollutionem esse rationis figmentum.

V. In Statu Naturæ Lapsæ non esse Libertati ademptam indifferentiam ad bonum & malum.

VI. Repugnare Libero Arbitrio, quod natura lapsa statuatur peccandi necessitatem contraxisse.

VII. Dari potiùs veras virtutes ante Gratiam & fidem in homine peccatore, cumque naturaliter possè suis viribus Deum uti finem naturalem adipiscendum diligere & fruendum cernere pia contemplatione.

VIII. Et liberum illi esse a peccato abstinere: Arbitrium enim, quod ex servo debeat fieri liberum per Gratiam, contradictorium est.

Hæc Jesuitæ, ceu Jansenius fusè illorum dogmata Pelagianis consona *Tom. II. Augustini, Libris de Natura pura & lapsa retulit. & Tom. III. Lib. I. c. 2.*

De Gratia
Servatoris.

III. *De Gratia Servatoris* ad conversionem necessaria malè hæc asseriebant.

I. Non dari Gratiam, quæ sibi voluntatem subiciat, quæque uni datur, alteri negatur.

II. Talem Gratiam destruere Libertatem, supponere præcepta Dei hominibus impossibilia, facere mandata ad conversionem frustranea, uti correptiones, naturæ vires nimium deprimere, fata-

fatalemque inducere necessitatem, ergò falsò eam statui.

III. Dari potius Gratiam omnibus cum redemptione conditionata communem, sufficientem, & Libero Arbitrio attemperatam.

IV. Illam modò esse adjutorium, sine quo non fieri possit salutaris conversio.

V. Nempe dat peccatori posse, si velit, non verò ut ipse velit, ne violetur Libertas.

VI. Liberum Arbitrium ergò illam vel efficacem vel inefficacem, seu cassam, suo consensu vel dissensu reddere posse, atque actû etiam id præstare.

VII. Quin expectare Deum nostram voluntatem, ut converti velimus, quia Gratia pendet a Libero Arbitrio ejusque nutu & usu, causaliter præeunte, ut influat.

VIII. Hinc initium fidei, ipsumque credere, desiderare, orare esse ab ipso homine. Vide *Jansenium Tom. III. Augustini passim, & in Parallelis Operi subiectis.*

IV. Quod attinet *Prædestinationem*, annotat Vir De Præ-
destinat. Egregius asserere Jesuitas falsò

I. Dari in Deo generale propositum restaurandi totum genus humanum.

II. Cum tamen non omnes salventur, voluntatem istius propositi esse conditionatam, quâ Deus dici debeat, quantum in se est, velle eorum salutem, si velint servari.

III. Itaque Deum decrevisse ex æquo Christum pro omnibus dare in mortem, per quem serventur, si velint modò.

iv. Atque dare lapso generi humano Gratiā sufficientem, cujus auxiliō ad conversionem & salutem adjuventur.

v. Sanè nullatenus ponendum esse in Deo æternum Prædestinationis Decretum, quod absolutum sit.

vi. Tale enim Decretum tollere Libertatem Arbitrii, inducere fatum, socordiam, ignaviam, dissolutionem vitæ, afferre desperationem, Deū facere in reprobatione absoluta, pariter statuenda, authorem peccati.

vii. Contra statuendum esse Prædestinationem conditionatam fieri absolutam, & completam ex fidei & meritorum prævisione, ut ipsa se habet per modum retributionis.

viii. Adeoque numerum electorum non esse definitum ex Divina voluntate & Dei præfinitione, sed ex ista prævisione, quam sequatur Prædestinatio ad salutem.

Quæ omnia legas notata & rejecta a Jansenio *Tom. III. Augustini Lib. ix. x.* & in *Parallelis*, quibus Jesuitæ cum Massiliensibus Pelagianis comparantur, imò illos hisce pejores esse demonstratur. Certè iisdem armis pugnabant utrique, atque iisdem objectionibus, & Scripturæ locis, quæ pari modo in suum errorem contorquent, sese tuebantur.

Jesuitarum
Methodus
& principia.

V. Denique jure *Methodum docendi* Scholasticorum & quam maximè Jesuitarum exagitat Jansenius, quasi non nisi Pelagiana foret. Nam

i. Observat ex Philosophiā Gentili, plurimū Aristotelicā, errores de Gratia & Libero Arbitrio

trio profluxisse. Nempe in id tantum est laboratum, ut Domina illa Libertas a Gentilibus tantopere celebrata assereretur. *Tom. I. Lib. VI. c. 18. & Tom. II. Lib. Proœm. cap. 3. & Tom. III. Lib. I. c. 2.*

II. Itaque Scholasticos & imprimis Jesuitas, instar Pelagianorum Rationis vim admodum extulisse, quasi ex illius arbitrio in Mysteriis Gratiæ foret docendum. Imò hos illa duce duos homines in uno condidisse Philosophum & Christianum, ut iste tamen præsideret. *Tom. I. Lib. IV. 9. 8. VI. 23. & Tom. II. de St. N. L. Lib. II. c. II.*

III. Imò eosdem primùm Philosophia imbutos multis annis ineptos se reddidisse ad percipienda & tractanda Mysteria fidei. *Tom. II. Lib. Proœm. cap. 3.*

IV. Maximè quòd illis nulla cura esset, quid in quæstionibus motis vel Sacrarum Scripturarum autoritas vel Patrum veneranda canities respondeat. *Ibidem.*

V. Hinc ex Philosophiæ & rationis abusu commenta de Statu puræ naturæ, de Principiis virtutum, de Gentilium virtutibus, de Præfinitionibus, aliisque articulis ortum duxisse. *Ibidem. & Tom. III. Lib. I. c. 2. IX. p. 883.*

VI. Atque ab istis hominibus, sobriâ sapientiâ non contentis, motas esse novas & vanas quæstiones, quibus definiendis magis Aristotelis commentatio, quam Sp. S. revelatio præsideret. *Ibid. c. 6.*

VII. Neque id aliter fieri potuisse, quando ratio Mysteria Dei penetrare non valet: quum
enim

enim supra suam sortem ac vim id tamen auderet, atque ad suum arbitrium ea exigere sustineret, opprimebatur a gloria, & ruebat præceps in errores. *Ibidem.*

VIII. Atque inde factum esse, ut notitiæ illorum Scholasticæ non nisi puræ abstractiones fuerint, depuratæque Aristotelicæ Metaphysicæ eliquationes, quum tamen de rebus supernaturalibus ageretur. *Ibid. cap. 8.*

En, Lector, Jesuitica arcana, quæ Jansenius non tulit, & jovit hic in summam vel ad articulos collegisse, ut absque prolixâ dissertatione veluti in tabella oculis objicerentur. Sic enim apparet non tantum causæ Janseniticæ justitia, sed etiam Jesuiticæ, quæ tamen hodie est communis Ecclesiæ Romanæ, impietas, quando ibi damnato Jansenio, & oppressis Jansenitis Jesuitæ rerum potiuntur. Quàm rectè egere Reformati Româ egressi, & quàm lætari animo erga Gratiæ Dei grato debent, quod istos errores effugerint, ut purâ fide & amore suum Servatorem colere possint & venerari!

C A P U T XII.

*Errores Jansenii adversus veram de
Gratiâ Christi doctrinam.*

Jansenii
errores.

Quamvis autem summô jure Jesuitas ceu Pelagianos oppugnaverit Jansenius; atmen, si dicendum quod res est, non rectè, secutus est sua principia, nec aptè suum de Na-

Natura & Gratia Systema compegit. Neque id potuit, quando Romanâ Communione excedere noller, Tridentinis Decretis obnoxius. Præterea doctrinam Augustini obsequio nimis servili probavit ubique, ut etiam nâvos imitaretur, quos evitare Reformati rectè decreverunt. Imò verò in quibusdam visus est infra Dominicanos subsidere, probatis etiam quibusdam Jesuitarum & Pelagianorum principiis. Id ostendere fert animus, quamvis prelixiores de dogmatis Jansenii falsis dissertationem in aliud volumen reservemus.

I. Igitur grandis est error Jansenii, quod *Prædeterminationem Physicam*, qualem præcipuè De Prædeterm. Physica. Dominicani asseruerunt, licet profundam creaturæ a Creatore dependentiam veneraretur, inficietur. Sanè invecus non semel in Prædeterminatores Dominicanos, Prædeterminationem hanc juxta communem Thomistarum sententiam ex Magistro Aquinate defensam, ad actus qualescunque naturales esse necessariam, agnoscere noluit, minimè autem ad peccaminosos, quod eâ Divinam bonitatem enervaret & obscuraret. Vide ejus *August. Tom. I. Lib. V. cap. XIX. Tom. III. Lib. VIII. de Grat. Salvat. cap. I. 2.*

II. Imò verò a *Statu Angelorum & primi Hominis* ante Lapsum ipsius Gratia *Prædeterminationem* exclusit planè, quod eam conciliare cum suis hypothecibus nequiret. Censebat enim *Gratiam primi hominis & naturam lapsam* hac ratione distinguui, quòd illam, uti *adjutorium*, sine quo non homo ipse sibi subiceret; hæc verò, ceu *adjuto-*

De Gratia primi hominis.

rium quo, uti loquitur, peccatorem invictè converteret & ad actus quoslibet bonos promoveret. Unde sequitur Theologiam Adami pependisse a Liberi Arbitrii indifferente & independente operatione, illiusque arcanum fuisse Scientiam Mediam cum Decretis conditionatis, quæ Jansenium probasse, tradita Jesuitis Molinistis & Pelagianis dimidia victoriæ parte, quidquid de catena Divinæ Providentiæ, a qua omnia suspenderentur, multa dicere videatur aliquando, apertissimum est. Vide ipsius *Augustinum locis citatus* & *Tom. II. de Grat. primi hominis, cap. XX.* Quibus conferri debent quæ habet meliora *Alvarez de Auxiliis Disp. CVI. & Sylvius de Statu post Laps. c. 3.*

De Gratia
efficacis
naturæ.

III. De *Natura Gratiæ efficacis* Jansenii error est, quòd *nimiùm in Gratia delectante & morali suavitate movente hereat*, atque in illa statuatur dari gradus, sic quidem, ut pro natura & gravitate morbi Gratia, quæ illum peccatorem converteret, alterum convertere non posset, quum minor illius ad gravitatem gradumve morbi separandum vis foret, quàm ad conversionem in isthoc peccatore requireretur.

Et effe-
ctu.

IV. Addebat inde etiam fieri, quòd cuidam *Gratiæ interiori quis resistere posset*, quando nempè minus efficax esset ad producendum conversionis effectum, licèt Gratia efficaci datæ ex Decreto, & sufficienti ad vim morbi superandam, neutiquam quis resistere quiret, nisi eò sensu, quò Dominicani dicunt aliquem Prædeterminationi dissentire posse, id est in sensu, ut loquuntur,

tur , diviso , i. e. positò si dissentire vellet , ut notam impactæ hæreseos dilueret. Sic enim ubique docet Vir Doctus & qui ejus Methodum sequuntur. Vide ipsius *August. Tom. III. Lib. II. cap. 26. & Lib. VII. cap. 1. 21. Fromond. in Præfatione ad Anatomiam pii Homini.*

v. Quoad *Peccatum Originale*, rejecto fœdere primo, & ex eò imputatione peccati Adamici, metuens sibi a Jesuitico figmento, quod peccatum originale fere in imputato reatu constituit, *unicè* intentus fuit in *propagationem* illius per *libidinosam concupiscentiam*, invecus in Jesuitas, qui istud fœdus ad imputationem conceperant, quasi id *Parentes* purgaret, *Deumque* culparet, ut *suâ voluntate* peccatores *constituentem*. Quamvis interea admodum se torqueat, ut etiam istam propagationem explicet (cùm anima a Deo creari debeat) & deinde justitiam Dei circa parvulos tueretur, quando anima a Deo immediatè creatur & malo corpori infunditur. *August. Tom. II. de Grat. primi Homini, cap. VII. de Statu natura Lapse, Lib. I. cap. XII. XIII.*

vi. Quamvis peccatum originale in *ignorantia* & *concupiscentia* constituat, negetque Adamum cum istis vitiis creari potuisse, debuit tamen ex principiis Romanæ fidei de efficacia baptismi, quâ quidquid est peccati in baptizatis eluitur, statuere *concupiscentiam*, post istud Sacramentum in illis remanentem, etiamque in re-genitis, i. e. illius *motus inordinatos*, quibus ferimur ad *amorem & fruitionem creaturarum*, non esse peccata, nisi illis consenserimus. *De Statu nat. Lapse Lib. I.*

c. I. & Lib. II. cap. XIV. Adde *Catechism. Grat. cap. VI. q. LI.* Quæ planè ἀούγυα sunt dogmata.

De perfectione hominis in hac vita.

VII. Afferuit in renatis, manente licet concupiscentiâ, dari facultatem, qua Legem Dei perfecte implere queant, licet talia scribat, quæ vicissim ostendunt, quòd aliqua fenserit mandata Dei, quoad vires datas per Gratiam esse fidelibus impossibilia. Sic enim debuit, ne palam hæreseos a plus quàm perfectis Monachis, ceu Tridentino fulmini obnoxius, peteretur. Vide *Augustin. Tom. III. Lib. III. c. 13. S. Amour Journ. part. I. cap. 8. & III. cap. 15. Catechif. Grat. cap. X. II. quæst. 12.*

De meritis operum.

VIII. Liberiùs de Bonorum Operum Meritis locutus est, quam decuit Gratiae Christi assertorem. *Tom. III. pag. 113. 935. 937.* Quamvis asserat *ibidem*, quòd meritum quantò majorem includat Gratiam, tantò minùs sit meritum, & doceat Deum non nisi gratis esse amandum. De *Statu naturæ Lapſæ Lib. IV. cap. 7. & seqq.* Nempe ex eò, quod voluntas agat simul cum Gratia, defendi queunt & debent merita, quæ negavit Calvinus! Et sequuntur asseclæ, in *Catechismo Gratiae Q. LIII. LXII. LXIII. Montali. in Epist. Provinc. N. XVIII.* Utique merita Ecclesiæ Romanæ sunt fundus, nec ea quis negare sustineat, nisi mereatur anathematis fulmen: hoc metuit Jansenius: igitur ea asserere suo sensu debuit.

De justificatione

IX. Erroris istius fons est, quod ad *Justificationem gratitiam* sine operibus, per *justitiam Christi* fide

fide receptam, non penetraverit, quòd pauci vel nulli fecêre asseclæ, invec̃ti, post Præceptorem in sua *Spongia*, adversus nostram de Justificatione doctrinam, quam reverà non intelligunt, quasi impietatis fons esset & nutrix, uti apparet ex Libro *Arnaldi* virulentò *Renversement de la Morale* &c. quem noster *Jurius* refutavit.

x. Hallucinatus quoque est *Jansenius* in *extensione Mortis Christi*. Quamvis enim fateatur singulari modo Servatorem pro electis solis ad salutem esse mortuum: attamen, ut fulmen Tridentinum evitaret, statuit etiam reprobis ex morte Christi Gratiam dari, quæ veram regenerationem & fidem producat, nec tamen perseverans sit, quia per vocationem, quæ est juxta propositum Dei vel electionem, non datur, atque adeò transitoria est appellanda, Deo subtrahente certis de causis Gratiam, quam ante concesserat. Sic *Jansenius* *Tom. III. Lib. III. c. XX. Catechism. Grat. Quæst. LXI.*

xi. Hinc asserēbat, verè *Sanctos* & *Fideles* plurimos planè & in æternum deficere; aliud enim statuere erat Calvinianum & hæreticum. Sic ille *August. Tom. III. pag. 102. 109. 432. 915. &c.* & sequaces, *Catechism. Grat. Quæst. XL.* quo quidem themate non negamus *Augustinum* Viris doctis prælusisse, de *Bono Persev. Cap. VII. & Respons. ad art. XVI. falsò impositos, Oper. Tom. VII. in fine.*

xii. Errorem hunc comitabatur alius, neminem de salute sua certum esse posse, licet foret de sua conversione & fide persuasus, quòd

semper nesciret, an Gratiam ex electione accepisset, certò perseveraturam. Quod dogma merè Pontificium est, acriter defensum a Jansenitarum primipilo Arnaldo, libro *Renverser. de la Morale* &c. Sed responsum ut meruit a D. Jurio retulit.

CAPUT XIII.

Necessariæ in Jansenii errores censurae.

Janseni-
tæ no-
lunt vi-
deri Re-
formatis
confer-
re.

EN Lector, quæ Jansenius & Sequaces de Gratia teneant dogmata, Scripturis & veritati fidei neutiquam consona. Quàm autem sint falsa nunc non disputamus: neque etiam an omnia hæc Augustinus docuerit, inquirimus. Id novimus, Viros doctos non bene sua secutos esse principia, quando errores manifestos & vulgares suæ Ecclesiæ cum suis dogmatis de Gratia sociare voluerunt. Scilicet excedendum non erat Româ, nec transeundum in castra Reformatorum. Et hinc tanta veri & falsi in Janseniano Systemate commixtio. Ergò fate-mur Jansenismum longè dissidere a Reformatâ fide, quamvis ad eam cautò Molinismi, utique Pelagiani, evitandi studiò, accedere visus sit.

Itaque propter manifestum istud dissidium, quod jam ex dictis est manifestum, Vir Egre-gius, *Carolus de Bont Yprensis*, Doctor Theolo-gus se suosque ab inita cum Reformatis Concor-dia excusare sategit, *Libro contra Hasardi trium- phum scripto*, citatis meis Thesibus, quas ante ali-quot

quot annos de Jansenismo edidi, & quibus notatos jam errores in Jansenio & ejus affeclis reprehendi, ac variis rationibus confutavi. Et nobis quidem animus fuerat istas disputationes adauctas variis animadversionibus hic repetere, sed jam opusculum hoc nimium & præter mentem excrevit. Operam hanc tamen polliceor proximo volumine, si Deus vitam viresque concesserit.

Nunc juverit observasse nos longiùs a Pelagianismo recedere, quàm Jansenius unquam potuit, quæ sanè nostra virtus fuit, adèd enim veritas & mendacium distant, ut nunquam in una sede morari quiverint. Nec committendum, ut quid Pelagiani fermenti cum verâ fide de Natura & Gratia misceatur. Divisum imperium Gratia cum Natura non habet.

Ipsè Jansenius *Prefatione ad Tom. III. de Gratia* hæc scripsit: „Quicumque totam Christi Grati-
„tiam & fidei puritate & sententiæ sinceritate
„prædicaverit, si vel in minimo ab indivisibili
„veritate aberraverit, naturæque viribus suffra-
„getur, non in qualiscunque hallucinationis er-
„rorem, sed in ipsam Pelagianismi voraginem
„incidisse; omniumque adèd Pelagii errorum,
„qui & Naturam & Gratiâ adulterando suf-
„focavit, reus esse convinci potest. Nam in
„hoc argumento tanta veritatis errorisque con-
„catenatio est, ut maximus minimos comple-
„ctatur, & minimus maximos post se trahat.
„Quod Prosper observavit, quando Augustino
„cæterisque pestis Pelagianæ damnatoribus per-

Nec
consen-
tunt per
omnia
cum Re
formatis

Egregia
Jansenii
de Natu-
ra Pelag.
observat.

„spectum fuisse canit, — *Quod tota nefandæ
Hæreseos summâ exiguâ sub parte tegatur,
De qua plena mali labes renovetur & omne
Commenti corpus per singula membra resurgat.*

Quæ sanè observatio nos facit sollicitos; nec Jansenius eam attendit, uti debuit, imò non potuit, quando recepta Ecclesiæ Romanæ fides Pelagianismis constaret.

Nou fa-
tis remq-
ti à Pela-
gianismo

I.

Itaque in variis hallucinatus est, peccans gravissimè, ut Pelagianis etiam similis videretur. Sanè Pelagiani fatebantur concursum generalem ad omnes operationes voluntatis, ut probavit ipse Jansenius *Tom. I. de Hæres. Pelag. lib. v. c. xx.* Quid ergò Prædeterminationem Phycam Adami actionibus, ut & naturalibus Creaturarum rationalium detraxit? Cur non potiùs Dominicanis se adjunxit in hoc articulo, ut se fortiùs Pelagianis opponeret? Cur ipsam Jesuitarum hinc Scientiam mediam adoptare, eversâ quasi naturali de Deo Theologiâ, debuit? Nec dissensisset Augustinus, uti probavit fusè noster *Rhetorfortis Libro de Divina Providentia, cap. xxx.* Nunc sufficit hoc ejus apothegma laudasse, *non ergo sit aliquid nisi Omnipotens fieri velit, vel sinendo, ut fiat, vel ipse faciendo.* Enchirid. ad Laurent. Cap. xcv.

II.

Deinde Jansenius hærens in moralibus medicinalis Gratiæ operationibus, quæ in illo vel isto peccatore sint efficaciores, vel minus efficientes, secundum morbi gradus, forent; non longè satis a Pelagii moralibus suasionibus recessit, aliàs rectiùs consideraturus mortem peccatoris spiri-

tua;

tualem, & Gratiae naturam, quæ nova peccatoris ad imaginem Dei creatio est, uti Scriptura loquitur 11. *Cor.* v. 17.

Neque æquum fuit, ut Pelagianis concederet verè Sanctos sæpius deficere, communemque adeò Gratiā electis & reprobis fateretur. Sic enim haud satis consuluit Divinæ Gratiae & Gloriæ, quasi illa possit impiis, æternū damnandis dari, ipsaque a suis operationibus deficere quiret, aliàs non secuturo istorum Lapsu, quo sæpè Statu Gratiae planè excidunt, uti ille supponebat.

Nec est ut de cæteris dicamus erroribus, quorum in Systemate Justitia operum illorumque merita compinguntur cum Divina Gratia & Christi redemptione, tantopere celebrandis. Quasi non sufficeret, ut per modum *via ad Regnum* bona opera considerarentur, nullatenus uti *causa regnandi*, ceu rectè alibi Bernhardus. Maximè quum præparatio Gratiae, qua decernuntur efficienda in electis bona opera, in executione sese per modum medii habeat ad præparationem gloriæ intentam in æterno Prædestinationis consilio. Utique effectus sequuntur naturam suæ causæ, & quod posterius est in executione, est prius in intentione, ut rectè Scholastici. Atque hinc Reformati, uti rectè credunt nos eligi ad Gratiā *ut simus Sancti* (Eph. 1. 4.) admodum benè sequuntur sua principia, quando dicunt, sancta opera, ex Gratia profluentia, esse decreta ab æterno media, per quæ ipse Deus Spiritus Sancti operatione, quæ omnis

boni operis fons est, Gratia suæ consilia exequitur, non verò causas justitiæ vel juris ad vitam æternam, quæ hinc per modum meritæ mercedis sit petenda & reddenda.

Jesuitarum
primarius
error;

Utique hic Jesuitarum, uti antiquitus Pelagianorum, primarius error est, quod negent *Prædestinationem secundum intentionem finis & mediorum procedere, adeoque in ea intentionem mediorum moralium intentione finis ordine posteriorem esse*. Et quidem non alio scopo, quàm ut obtineant vitam æternam tantum se habere per modum meriti præmii, quod necessario opera, uti rationes & causas antecedaneas supponit. Quo themate obtinent quidquid de justitia operum & meritis Judaico modo, uti Augustinus ipsis *Epist.* cc. exprobrat, impudenter asserunt. Atqui videntur hoc erroris mysterium Reformati, hinc constanter disputantes ex hypothesebus de Gratia efficacia, aliò hic esse instituendum ordine, id est, secundum intentionem finis & mediorum, ut alto a culmine ruant quæcunque Justificationi gratuita Pelagiana Justitia opposuit.

Sed non libet hæc fusius edisserere, satis erit Lectorem ablegasse ad *G. Twissum*, acutissimum in Reformatis Theologum, qui doctissimè super hoc argumento contra Remonstrantes, Jesuitas, ipsosque Dominicanos, rigidos meritorum & prædeterminantis simul Gratia assertores disputavit, *Vindic. Grat. Lib. III. Errat. VII. Digress. III.*

Sufficiat nobis, sine hujus Libri, Naturam & Historiam Pelagianismi ac Semipelagianismi breviter exponere, ut Reformatæ fidei sinceritas

tas

tas & veritas pateſcat , Romana Apoſtaſia demonſtretur , atque amplius fiat manifeſtum , quô jure Jeſuitarum errores aliorumque iſtis pares condemnaverit ex Auguſtino Janſenius.

CAPUT XIV.

De Pelagianismo differtatio.

Pelagianismus PELAGIO nomen debet , non originem , quum ſit vetuſtiſſimæ cum peccato antiquitatis. Viguit iſte Homo initio quinti Sæculi , Britannus , *Morgan* dictus vernacula lingua , id eſt , Pelagus , vel Pelagi filius (uti notat *Uſſerius Antiq. Britan. p. 207.*) nomine habente Omen. Fuit enim erroris cujuſcunque Pelagus , quo animæ deſerto Deo Servatore , blandientes ſibi in peccato & prætextu libertatis decepti , ad æternam perniciem abſorbentur. Pelagius quis.

Summa fuit peſſimæ Hæreſeos , *hominem ſic Independentem Liberum eſſe , ut nequeat , nec debeat ſubſeſſe omnia gubernanti Providentiæ , vel efficaci Gratiæ.* Summa Hæreſeos. Scilicet Pelagianismus ἀνθρωπολογία eſt primùm & vana de naturâ hominis Philoſophatio , unde ſecuta eſt Theologiæ Naturalis ac Supernaturalis craſſior vel ſubtilior abnegatio , quum non permiſſum eſſet de Deo cogitare uti decuit , ſemel poſitis de facultatibus humanis hypotheſibus , quæ ſunt falſiſſimæ & hominem ſupra ſortem ſuam extollunt. Imò eſt nihil niſi naturæ lapſæ & corruptæ iſanum φρόνημα , quo pecca-

peccator αὐτόφιλος sibi placet in suis consiliis & confectis de se ipso superbis Ideis, ignarus revelationis Sui & Divinarum perfectionum, atque totius Revelationis, quæ tamen corrigere naturæ stultitiam & insaniam debebat.

Antiquitas erroris.

Atqui talis Hæresis nequivit demum cum Pelagio esse nata: quin potius naturalis est & congenita homini lapsi. Nec fallor, si dicam quod sit ipsum Peccatum Originale & Corruptio peccatoris, dum adhuc est irreginitus. Certe vera conversio & fidei est ejuratio Pelagianismi. *Jer. xxxi. 18. iiii. 22. Thren. v. 21. Converte me & convertar ad te.*

Historia.

Quid? Lapsus Angelorum ne quidem concipi potest sine hoc errore. Est enim Peccatum lapsus creaturæ rationalis a Deo ad se, & Divinæ Independentiæ & Sufficientiæ abnegatio cum sui fiducia. Ceu est apostasia & defectio a Deo, ut causa prima, & ultimo fine, cum amore creaturæ. Unde cogitari potest Diabolum contemplando & admirando nimium suas facultates & perfectiones a Deo defecisse. Et videtur Diabolus primos Parentes ad hanc Hæresin tentasse, cum voluit ipsis persuasum, ulteriorem felicitatem sitam esse in propriis viribus. Scilicet, si libuit, licuit illis esse suo conamine felicioribus, similibusque Deo, qui tantum ex cælo adspiceret, quid homo αὐτοεξέλιος ad celsiora adspirans, foret præstiturus, suæ artifex fortunæ. *Genes. iiii.*

Peccavêre autem Adam & Eva, sibi magis credentes, quam Deo, nec tentationes ad exam-

men

men Dei referentes (sic *Lupus Servatus* belle *Libro de III. Questionibus* apud *Mauguinum Vind. Grat. Tom. I. pag. 16.*) nec postulantes humillime auxilium ejus ad illas superandas , quod creaturæ, recens e manibus sui Conditoris prodeunti, fuerat summe necessarium. Optimè *Ecclesia Lugdunensis* c. l. *Erigenam* Scotum apud *Mauguin. Vind. Grat. Tom. I. pag. 614. 615.* *Natura hominis a bono Creatore ex toto bona condita est, ita tamen ut Divina Gratia indigeret & adjuvaretur ut stare posset. At homo de se præsumpsit deserto Creatore, unde & merito a Creatore desertus est.*

Porro lapsi obtegere iniquitatem studuerunt, peccatique malitiam minuere, imò quærere vana pudoris καλύμματα, i. e. velamina, fugientes a facie Dei, cujus notionem (ceu Sociniani) uti Omniscii & Omni-præsentis videbantur amississe.

Facta verò ἀποκάλυψις Revelatione *Gen. III. 15.* in quo ipse Deus discreturum se promittit semen suum a semine Diaboli, absque dubio potenti Gratia, & erecturum civitatem ex lapso & victo genere humano, quò inimicitiam poneret; ostendit se statim ista Hæresis in Caino, qui non per fidem obtulit Deo, uti Habel; sed abnegata Gratia promissi Seminis, cum sui fiducia, ad instar Servi mercenarii, *Heb. XI. 4.* Uude jure Pelagianos *Cainitas* dixit *Bradvardinus Scriptor XIII. sæculi*, Archiepiscopus Cantuariensis, Magni Anselmi Successor, considerato Caini desperantis dicto, juxta versionem vulgatam, *majus est peccatum meum, quam ut veniam* MEREAR. *Genes. IV. 14. de Causa Dei Libro I. cap. I. Coroll. XXVIII.*

XXIX. Audiant id Pontificii Meritorum superbi venditatores !

Et propagatus est hic error in Caini prosapia, neglecta Liberatoris Messiae promissione & negato vero Deo ejusque cultu per Idololatriam. Quid enim natura in *Filiis Hominum* extra Revelationem valuit, nisi ad superbas de seipsa cogitationes ac perversas de Numine notiones, ubi contra in Sethi fidelis Familia *inceptum est invocari, per fidem humillimam, nomen Domini?* Genes. iv. ult. Atque hinc continuata est in eadem fides de Gratia Servatoris usque ad Diluvium, quod antecessit Noachi concio de fidei justitia. Heb. xi. 7.

Post Diluvium invenit idem Bradwardinus Pelagianismum in Nimrodo, indomiti ingenii viro, & ad Monarchiam aspirante. Itaque illum Flavius Josephus introducit *suadentem hominibus, ut nequaquam Deo adscriberent, quod ipsis felicitas eveniret: sed quod hac eis virtute propria praberetur, & ut spem suam in propria virtute reponerent, non in Deo.* Vide Bradwardini *Prefat. ad Causam Dei.*

At correctâ & damnata ista Hæresis est per Revelationem factam Abrahamo, vide Rom. iv. 1, 2, 15, 16. atque exinde in prosapia Abrahami vera fides fuit retenta, rejectis ac desertis Gentibus, pereuntibus revera per Pelagianismi naturalem pestem: id apparet in omnibus optimisque Philosophis. Unde Jansenius rectè dixit, *Pelagianismum Naturæ ac Philosophiæ inane esse Somnium.* Non tamen in familia Abrahami ista fides pura semper permanuit, exorto carnali Israëlè,

qui

qui per abusum *τὸ νόμιμον* & ignorantiam scopi Legis, data fere oblivioni, saltem non intellecta, promissione, lapsus est ad præsumptionem Naturæ & virium Liberi Arbitrii. *Rom. ix. 6, 7, 8.*

Id apparuit in superbis obedientiæ promissionibus, quæ statim auditæ sunt data Legge. *Faciemus*, inquebant, *omnia, quæ locutus est Dominus. Exod. xxiv. 7.* Satis audacter & superbe! Nam ignorabant sanctitatem Dei, fallaciam mortiferi Cordis, & vim Peccati, existimantes se id posse, quod revera non poterant. *Deut. v. 27, 29.* Quin, tota sub Oeconomia V. T. ubi erat Legis prædominans Ministerium, & obscurior Evangelii Revelatio, magna pars populi Apostatici evasit Pelagiana, in viribus propriis, operibus factis ad Decalogum, observationibus Legis ceremonialis, reponens fiduciam. Itaque tam sæpe ob hanc hypocrisin corripuntur Justitiiarii a Prophetis. Vide *Is. lvi. 3. xxix. 13.*

Imò verò ista parabola, quæ extat *Is. v. 1.* aptissime explicatur, si intelligitur esse in populo Judaico Pelagianismi, Gratiam efficacem non requirentis, condemnatio. Uti non malè observavit *Celeb. Coccejus in Locum.* Saltem ista Judæorum expositulatio cum Deo, quæ legitur *Ezech. xviii. & xxxiii.* ipsissima murmurantis Pelagianismi criminatio est. Nec abludunt a vero qui per Justum, *confidentem in Justitia sua*, hominem Pelagiano errore, qui antiquus & naturalis est, fascinaturn, id est Justitiarium intelligunt. *Cap. xxxiii. 13.*

Porro purificato per Captivitatem Babylo-

cam

cam populo, recoctus est idem ab eo Pelagianismus, Gentilium Philosophiâ, contra Patrum Leges (hi enim Hasmonæorum temporibus gentilem disciplinam in Ecclesiam hoc severô edictô introduci vetabant, *Maledictus sit, qui docet filios suos Græcam Philosophiam*, apud Grotium Notis ad Coloss. 11. 8.) introductâ in Religionem, quando inde sunt enatæ Phariseorum, Essæorum, Sadducæorum Sectæ. Etenim, Illi Stoicos, Isti Pythagoræos, Hi Epicuræos sequebantur, opinionibus facti *ψυχικοί*, naturales homines, non habentes Spiritum Dei, Apostatæ a fide Patrum. Nam Sadducæi ponebant *ἀπαρτα ἐφ' ἡμῶν* in nostra potestate, apud Josephum Antiq. Lib. XIII. cap. 9. Nec minus Essæi, qui aiebant virtutes in hominum potestate esse positas, adjuvante quodammodo fato. Sic idem Josephus de Bello Judaico, Lib. 11. c. 7. Et Pharisei, qui statuebant, *fato & voluntatis humana commixtione vitia & virtutes contingere*. Ibid. Lib. XVII. cap. 2.

Talem verò Ecclesiæ Judaicæ statum invenit Messias, Deus Manifestatus in carne, uti ex tota Historia Evangelica apparet. Et quid mirum, si ab istis pessimis Judæis, revera Pelagianis, quando humilis conspiceretur, & in similitudine carnis peccati, quia pro peccatis pati debebat, fuerit rejectus & actus in crucem? 1. Pet. 11. 6, 7. Sic enim *Isaias* Cap. LIII. prædixerat.

Nempe jactitabant, uti Sani, Naturæ vires, operaque ceu merita, ignari Miseriæ, Legis, Gratiæ, promissi Mediatoris Messiae *Δεσπότης*. Quin quæritabant ampliorem justitiæ materiem
in

in ἐθειλοθρησκείᾳ & præceptis Seniorum, Docto-
rum & Magistrorum ad superstitionem ex pro-
prio corde confictis. *Matth. v. 20. ix. 9. Luc. xvi.*
15. xviii. 9.

Et irrepsit eadem Hæresis in Christianorum
Societatem. Nam qui ex Judæis sunt egressi,
non statim plane aut sincere ejurare poterant
inolitos & connatos quasi errores. Nam Ebion
& Cerinthus χριστομάχοι fuere pessimi Justitiarum,
abutentes Lege Dei, qui *volentes esse Doctores Le-*
gis, nesciverunt quid dicerent, aut assererent. 1. Tim.
1. 7. Itaque hic Pseudapostolorum Princeps
justitiarum movens controversiam Joppæ Petro
restitisse dicitur apud *Epiphanium, Hæres. xxviii.*
Adde *Irenæum Lib. 1. c. 15. & Danaï Notas ad Au-*
gustinum de Hæresibus cap. viii.

Imò Paulus necessum habuit cum falsis Fra-
tribus, per Judaicas hypotheses Ecclesiam per-
turbantibus, disputare, & asserere contra eos-
dem Justificationem per Gratiam & ex Gratia
in Christo per fidem. Vide *Epist. ad Galatas*, nec
non *illam*, quæ ad Romanos est, pro Justitia, per
solam fidem accipienda *sine operibus Legis.*

Nec tantum a Judæis conversis, sed a Gentibus,
ad Christianam fidem transeuntibus, facta est si-
milis corruptio. Imò nimium Philosophiæ studium
doctissimos Patres hoc fermento infecit, uti præ-
sertim apparet in Origene, Alexandriæ in Scho-
lâ Platoniciâ Philosophiam edocto, quem qui-
dam Veteres & recentiores Eruditi tam Ariani-
smi, quam erroris dein a Pelagio recocti ac ex-
cocti, reum peragunt. *Hieronym. C. Ruffinum.*

Tanta enim de ἀνελξία Liberi Arbitrii ille de-
prædicat, quæ non nisi Gentilium Philosopho-
rum dictamina videntur. Vide quæ nos ex ejus
Philocalia observavimus, *Dissert. de Stoicorum Scien-
tia Media, quæ Historia Africana* subjecta est. Sanè
non esse Scientiam Mediam novum Εὐρημα, de
quo ceu suo foetu gloriantur Patres Jesuitæ,
sed antiquæ & gentilitiæ originis ibidem demon-
stravimus.

Ariani-
smus &
Pelagia-
nismus
gemelli
Fratres.

Est sane Arianismo & Pelagianismo error a-
dè combinatus, ut fuerit gemellus, & laben-
tibus sæculis unus alteri implicitus. Nam An-
titrinitarii omnes Pelagiani sunt, & qui esse vo-
lunt Pelagiani, non possunt, quin debeant, ubi
ad suos nexus attendunt, incidere in castra i-
storum Hæreticorum. Id vidimus in quibusdam
Remonstrantium.

Imò verò si rem pensitemus bene juxta hy-
potheses, & attendamus ad scalam erroris, Pe-
lagianismus causa est totius Antitrinitariæ bla-
sphemix. Cum enim salutifera Gratia negatur,
facilis fit ad principium ejus negandum, id est,
ad inficiandam S. S. Trinitatem, prolapsus; uti
ex Epicureismo, negante opera Providentiæ Di-
vinæ ad Atheismum prona via est; negato enim
effectu, negatur causa. Cur enim *Filium* Sal-
vatore, & *Sp. S.* Sanctificatore credam esse
Deum, cum negem utriusque Divinam Gratiam
requiri ad meam salutem?

Itaque omnes χριστομάχοι sæculo II. III. &
IV. pure fuere naturales & revera Pelagiani, id
est, rei naturalis istius erroris, quem excoluit
de-

deinde Pelagius, non agnoscentes Gratiam Salvatoris. Certe Arius rigidus fuit Liberi Arbitrii assertor ex suis Philosophematis, negans Christum esse Deum, quòd liberè Deo obedi-
verit, atque adeò potuerit non obedire, atque
adeò asserens, ipsum fuisse τῇ ἀυτεξουσίᾳ καὶ
καὶ αἰετῶς δεικνόν, uti videre est in Epistola Synodi
Nicænæ ad Ecclesiam Alexandrinam, apud So-
cratem Histor. Lib. 1. c. 6. & Epistolâ Alexandri
Alexandrini ad Alexandrum Constantinopolita-
num apud Eundem Lib. 1. c. 3. & Theodoretum Hi-
stor. Lib. 1. c. 4. & 8. Deinde omnes Ariani vo-
luère Revelationem ad Judicium suæ Rationis
exigere, eò usque provec̃ti aliquando in Euno-
mianis, ut Deum humanæ menti ἀκατάληπτον
esse inficiarentur. Vide Orat. Chrys. de ἀκατάληπτο
& Augustinum contra Felicianum.

Quando verò cum istis ex Platonismo Eccle-
sia luctaretur, surrexit Pelagius, secutus Aristot-
telis principia de Anima primùm condita uti ta-
bula rasa, in qua nihil scriptum foret, at omnia
scribi possent. Hic verò Sanctitatem præferens,
ceu non parvo profectũ Christianus, magno spiritu
naturæ ebuccinabat laudes, studiumque suum
in eo præcipuè collocabat, ut cornua Libertatis
(sic loquitur Augustinus) erigeret contra Deum
& Creatorem & Salvatorem; id est, ut antiquis-
simam Hæresin naturæ, somniantis suam facul-
tatem ac justitiam, novâ audaciâ & versutiâ tue-
retur & propugnaret, atque adeò Gratia Oe-
conomiam subverteret, indeque tolleret necessi-
tatem articuli de Deo Trino, quem tamen vi-

Virus
Pelagian-
ismi.

fus est confiteri. Vide *August. de Peccat. Merit. Libr. III. Bini Concilia General. Tom. I. pag. 714. Baron. ad A. ccccxvii. ubi Pelagii confessio.*

Itaque Pelagianismus non fuit recens error; sed illum *Novam ex Vetere Questionem, & Novam ex Vetere Hæresin*, illiusque *Magistros Novos ex Veteribus Hæreticos* rectè appellavit Hieronymus *Epist. ad Ctesiph. & Commentario in Jeremiam*. Nec solus fuit in errore Pelagius. Quippe Adjutores cœpti fuere *Celestius & Julianus, Memorii, amicissimi Augustino, filius degener, Episcopus Capuanus*, de quibus triumphavit gloriosè Augustinus, eo die natus in Gratiae defensionem ac præconium, quo ipse illius hostis Pelagius editus est in lucem: sic aliquis Veterum observavit apud *Usserium in Antiq. Britan. p. 207.*

Historiam texere fufum foret: vide Lector, si libeat, passim *Augustin. Op. T. vii. Vossium Hist. Pelag. Jansen. Augustin. Noris Hist. Pelag. Forbes. Instruct. Lib. viii.* Quibus addere libeat, quæ nos in *Disert. de Statu Eccles. Africana Sect. x.* & habebis quod satisfaciat. Sufficiat observasse Pelagii inconstantiam, fraudulentiam & hypocrisim, ubi *Hæresin* seminare est exorsus. Nam primum hoc artificio usus est, ut prava dogmata, ceu dubia objecerit, & non ex sua persona posuerit, sed quid ab aliis doceretur exposuerit: quæ tamen postea *Hæreticus pertinacissima animositate defendit. Usque adeo sciens suam sententiam novitatem esse contra antiquam & insitam Ecclesie fidem*, ut eam primum ipse confiteri aut verecundatus, aut veritus fuerit.

Au-

Pelagii
Versutia.

Augustin. *Retract. Lib. II. c. 33. & Op. T. VII. de Peccat. Merit. Lib. III. c. 2. 3.*

Deinde, vario fuce pinxit faciem suæ aigros, subdolos cum Suis, ut horridam sententiam leniret, fallacem suum animum tegeret, evitaretque Orthodoxorum festinam condemnationem. Inde enim profluxit hypocritica Gratiæ, Adjutorii & Misericordiæ confessio, ut Augustinus testaretur se latitiâ repente perfusum. Sed alia legens Pelagii scripta sensit se deceptum. Libr. de Nat. & Grat. cap. XI. Eadem hypocrisis laboravit in dogmate de Peccato Originali, quando coram Synodo Palestinâ anathematizavit eos, qui tenent, quod Ada peccatum ipsum solum leserit, & non genus humanum, & quod infantes, qui nascuntur, in eo statu sint, in quo Adam fuit ante prævaricationem. Nempe sic Patres fallebat, qui aliud nihil intelligere potuerunt, nisi eum confiteri, quod peccatum ex Adam in parvulos transeat. Sic Hipponensis Lib. II. de Grat. Christi, cap. XI. XII. Ergo Augustinus illâ responsione totam istam Quæstionem esse consumptam gaudebat, cum Pelagius Peccatum Originale apertissimè confessus videretur; Ibid. c. 14.

Quin etiam cum aliæ Quæstiones in Synodo Palestinâ Diospoli vafro homini proponerentur, ita novit ludere Episcopos Judices suâ versutiâ, ut nihil mali metuentes ad ipsius responsiones dixerint, *hæc non sunt aliena ab Ecclesia, quæ dicta sunt a Pelagio.* Sic scribit Augustinus *Libr. de Gestis Palestinis, & Epist. xcvi. cvi.*

Adde, quod iste Romæ librum ediderit, quô

fidem a Trinitate unius Deitatis usque ad Resurrectionem mortuorum explicavit, ut videretur Orthodoxus. At ubi ad id, quod movebatur, sermo ejus pervenit, *si quæ*, inquit, *præter fidem quæstiones nata sunt, de quibus est contentio, non ego quasi author alicujus dogmatis, definita hæc autoritate statui, sed ea quæ suscepi ex S. S. fonte, vestro judicio probanda offero.* Nempe volebat quæstiones a se motas fidem non spectare, sed esse controversias præter fidem, ut si error subesset suæ opinioni, non tamen hæresis censeretur. *August, de Grat. Chr. Lib. 11. c. 23.*

Pari modo Cœlestius Sozimum Episcopum Romanum decepit. Nam oblato libello se examini ingessit, novitque adeo palliare sua dogmata & explicare, ut Sozimus ad Africanos scripserit, se in confessione Cœlestii acquiescere, & post tam manifesta & aperta hæc, quæ protulerat, nihil sibi dubii reledisse; monito solum homine, ut a tendiculis quæstionum & ineptis certaminibus abstineret. *Baron. ad Annum ccccxvii. §. 19. & ccccxviii. §. 4. Bin. Conc. Tom. 1. p. 712. & 717.* At deceptus a Cœlestio imprudens Papa. Vide quæ nos in *Dissert. de Eccles. Africana Libertate*, pag. 325. fusiùs.

Quin & pro Pelagio scripsit ad Africanos literas, indignabundus, & commotus in illos, qui Pelagii dogmata uti erronea differrent. Tantum jam valuit ad Sedem Romanam refugium! tantam mercedem meruit! *Video etiam*, inquit, *hunc Pelagium ab Heroie & Lazaro infamari. Lazaro vetus consuetudo est, innocentiam criminandi . . .*

de Herote omnia similia. Non decet Episcopalem auctoritatem & precipue prudentiam vestram ad levium susurronum scripta pendere. Ecce, Pelagius Cœlestiusque Apostolica Sedi literis suis & confessionibus præsto sunt. Ubi Lazarus? ubi Heros? Erubescenda facta & damnationibus nomina. Ubi Timasius & Primasius illi adolescentes? &c. Baron. *ibid.* §. 25. Bin. p. 713. Sed repugnabant Sozimo Africani. *Ibid.* p. 719. Quam secura fides est, Romani quando Episcopi vigilant somnolenti! Vide nostram *Dissertationem* jam citatam, & intelliges Papæ errorem.

Adnotare autem libet sententiæ *Pelagianæ* fidei refictæque hæc periodos. Nam primum videbatur Pelagius simpliciter internam Gratiam abnegare, non nisi crepans Creationem, Legem, Evangelium, Exemplum & Doctrinam Christi: at confusus, sibi que metuens præ horrido errore, emollivit crudum Thema, confessus internam quandam illuminationem intellectus & excitationem stupentis voluntatis; dein etiam auxilium, quo facilius fieri quiret, quod alias difficilior; ac denique agnovit Gratiam subsequenter & subiectam libertatis determinationi, ad perficiendum opera virtutum. Sic enim *Hæresiarcha*, & post eum *Cœlestius* ac *Julianus*. Vide *August. de Hæres. cap. xxxviii. Lib. de Gr. Chr. Lib. 1. 2. & c. duas Epist. Pelag.*

Apparet ergo satis, quid voluerint Pelagiani. Nempe Liberum Arbitrium in Throno collocare contra Providentiam Creatoris & Gratiam Salvatoris, ut homo quoad Naturam & Gratiam haberetur *autæxistens*, verè Independent, non

Pelagianismi varia facies.

Dogmata.

corruptus naturâ , aut æger per Peccatum , nec opus habens Medico. Itaque sic Pelagius apud *Hieronym. Lib. 1. c. Pelagianos* , si in singulis rebus , quas gerimus , Dei utendum est adjutorio , ergo & calamum temperare ad scribendum , & temperatum pumice terere , manumque adaptare literis , tacere , loqui , sedere , stare , ambulare , currere , comedere , jejuna- re , flere , ridere & cetera hujusmodi , nisi Deus juverit , non poterimus.

Et cum similia de adjutorio Gratiae effutiret , dixit idem Vir egregius , *Lib. 11. in Jerem. in procemio* , se istorum animos deplorare , qui opinione virtutum quotidie corruunt in superbiam & Deo similes se arbitrantur , ut equalitatem , quam impia Ariano- rum Hæresis in Filio negat , cunctis hominibus tribuant , & ponant in cælum os suum. & *Lib. jam citato* , facit iste hominem non Liberi Arbitrii , sed Divinae potentia , qui nullius ope indigeat : ac denuo , Deus mihi non praecepit ut essem quod Deus est , & nihil inter me & Creatorem interesset.

Augustinum si consulas , ibi habeto hanc superbi Pelagii distinctionem , qua distinxit *Posse* , *Velle* , *Agere*. *Posse* autem Deo , at *Velle* & *Agere* humanæ Libertati adscribebat. Imò verò aliquando in ipsa Creatione , qua datum erat *Posse* , omnem Gratiam videbatur collocare. Vide *August. Libr. 1. de Grat. Chr. c. 2. 3. de Grat. & Libero Arbitrio , cap. 13. & de Hæres. c. LXXXVIII.* ut quidem nomine Gratiae multos falleret. *August. Epist. xcv.*

Ut id pateat , describenda sunt ipsa Pelagii verba , quæ habet *Augustinus de Grat. Christi Lib. 1.*

c. 4. „Nos tria distinguimus & certum velut in
 „ordinem digesta partimur. Primô locô Possè
 „statuimus, secundô Velle, tertiô Essè. Possè in
 „natura, Velle in arbitrio, Essè in effectu lo-
 „camus. Primum illud Possè ad Deum propriè
 „pertinet, qui illud suæ creaturæ contulit: duo
 „verò reliqua, Velle & Essè, ad hominem re-
 „ferenda sunt, quia de Arbitrii fonte descen-
 „dunt. Ergò in voluntate & opere bono laus
 „hominis est, imò & hominis & Dei, qui i-
 „psius voluntatis & operis possibilitatem dedit,
 „quique ipsam possibilitatem Gratiæ suæ sem-
 „per adjuvat auxilio. . . . At liberum mihi est
 „nec habere voluntatem bonam, nec actio-
 „nem.

Sic Pelagius non ferens Gratiæ bonæ vo-
 luntatis & operis causam esse, quando solum
 Gratiæ auxilio homo vellet & ageret bonum,
 pro Arbitrii potestate & Libertate, quamquam
 a Deo datâ. Itaque cum Romæ aliquis Epi-
 scopus ipso præsentè ex Confessionibus Augu-
 stini hæc verba commemoraret, *Da quod jubes,*
& jube quod vis, & non frustra jubebis, non po-
 tuit ea ferre indignabundus, & commotus *pene*
cum ipso litigavit, ut refert *Augustinus Lib. de Bo-*
nno Persev. c. xx.

Unde jam sequebatur tota Theologiæ everfio
 in articulis de Prædestinatione & Gratiâ, nec
 non de Statu primi hominis Instituto, Destituto
 peccatoris, Restituto conversi & fidelis, Præ-
 stituto glorificati, id est, totius Oeconomix
 Patris Justificantis, Filii Redimentis, & Spiritus

Sancti Regenerantis abnegatio. Posita enim hac basi de Libertate Arbitrii independente & indifferente, debuere se inflectere omnia dogmata de Deo, ejusque actionibus in Natura & Gratia, nec non de Homine, ut cum prima hypothefi consentirent. Mendacium utique mendacio tegendum est ne perpluat. Etiam error quærit nexum, & ut vara trahit vibiam, sic error trahit errorem, ne falsus (si dissonus sibi) deprehendatur.

Connexæ autem erant conclusiones, quas breviter exhibemus, nempe de Statu Primi Hominis in puris Naturalibus, deque ejusdem Mortalitate, de negato Peccato Originali, & vitiosa Concupiscentia, de Baptismi infantilis fine, de levibus Peccatis haud corripiendis, & non evitandis, ut & de potentia Liberi Arbitrii ad bonum naturali, de Universali Salute, de possibilitate Legis implendæ, de Perfectione Justitiæ, Justificatione per opera, Meritis, de Statu Patrum sub V. T. Christo, Morte & Gratia ejus. Scilicet Jesus non venerat nisi in exemplum. *August. de Grat. Chr. Lib. 1. c. 2. Libr. de Nat. & Grat. c. 13.*

Ergò sic Patres Carthaginenses Epistolâ ad Innocentium I. „ Pelagiani asserunt in eo Dei „ Gratiâ deputandam, quod talem hominis „ instituit creavitque naturam, quæ per propriam voluntatem Legem Dei possit implere, „ sive naturaliter in cordibus scriptam, sive in „ literis datam: eandem quoque Legem ad Gratiâ pertinere, quod illam Deus in adjuto-
„ rium

„rium hominibus dederit. Porro, persuadere
 „non cessant hominibus animalibus, ad operan-
 „dam perficiendamque justitiam, & Dei man-
 „data complenda, solam sibi sufficere posse na-
 „turam. Denique parvulos propter salutem,
 „quæ per Christum Salvatorem datur, bapti-
 „zandos, mortiferâ doctrinâ in æternum, ne-
 „gant, quasi non pertineant ad eos, de quibus
 „Dominus, venit Filius hominis quærere &
 „salvare quod perierat.

Quid quod Rationem Naturalem Pelagiani <sup>Pelagianis-
nismi
Hypo-
crisis.</sup> crexerint in Normam fidei & Judicem contro-
 versiarum, utpote incorruptam satis, nec re-
 quirentem ad Spiritualem sapientiam illumina-
 tionem Spiritus Sancti supernaturalem. Itaque
*ingemiscebant, quod Philosophi in quæstionibus de fide
 non sederent iudices.* Speciatim Julianus omne in-
 genium exercebat in laude Rationis, & clama-
 bat, *hanc esse veram & sanam sententiam, quam
 primo loco Ratio & dein Scripturarum muniebat au-
 thoritas; Rationem regulam esse, ad cuius equalita-
 tem, quæ putarentur deflexisse, tendi deberent.* Et
 tantâ quidem audaciâ hæc Julianus, ut diceret
*Apostolum perturbata mentis futurum, si quicquam
 contra rationes, quas adduxerat, assereret, quin ad
 Dialecticos insanus homo provocabat, quod
 soli indicare possent, quid repugnans, quid consequens
 esset, & quid inexpugnabilis & reverenda Lex Ra-
 tionis inferre cogeat.* Vide Augustinum Lib. 1.
 cap. 7. c. Julianum. Oper. Imperfect. Lib. 1. fol. 94.
 & Lib. 11. f. 223. 243. 447.

Et ut viderentur Themata habere speciem;
 cx.

excurrebant Hæretici in fufas laudes Creatoris, Legis, Conjugii, Sanctorum, Libertatis datæ, additis calumniis de Manichæismo, cui Augustinus implicitus fuerat: scilicet hunc necdum deposuerat errorem. Utique hæ erant *Pelagianorum nebula*, hi perpetui argumentorum fontes. *August. ad Bonif. Lib. 1. c. 11. & 111. c. 8, 9. & IV. c. 11.*

Ac La-
tebras.

Sed nihil intellexerunt eorum, quæ objicerent, ignari Orthodoxæ fidei, præsertim Legis, Sui, & Dei Creatoris. Imò ipsi rei erant Manichæismi. Itaque acutè Manichæos & Pelagianos contulit Augustinus, qui illorum Myfteria expertus noverat. *Morsibus inter se contrariis*, inquit, *Manichæi Pelagianique configunt dissimili voluntate, simili vanitate, separati opinione diversa, sed propinqui mente perversa*; ad Bonif. Lib. 2. c. 2. Vide ibi plura, quæ ad collationem dogmatum Pelagianorum & Manichæorum faciunt.

Præcipuè apparebat Hæreticorum, ut ut in pluribus disparium, in eo consonantia, quod utrique originem mali nescirent, & tam Pelagiani, quam Manichæi deberent illud in substantiæ naturam, carnem, corpus, refundere. Nempe his & illis malum Naturale est, Naturæ insitum. Pelagiani tamen hic Manichæis peiores videbantur; quia malum cum carne ad Deum Creatorem referebant, quod non ausi sunt Manichæi ficto summo & communi Mali Principio.

Addebat etiam Pelagius *ad latebrarum suarum nebulas non necessarias questiones, qualis illa de origine Ani-*

Anima, ad hoc, ut res manifestas aliarum rerum obscuritate turbando, moliretur latendi locum. Sic queritur idem *Hipponensis Lib. 111. ad Bonif. c. ult.* hærens hic nimium, quando in Peccati Originalis propagatione explicandâ se admodum torqueret. Idem nos observamus, ut similes Hæreticorum & præsertim Pelagianorum artes detegamus.

Denique textit impietatem doctrinæ, fucata pietate vitæ, Ovis videri volens, quum Lupus esset, homo Pharisaicæ justitiæ (ut *August. Epist. XLV. notat.*) atque hypocritico se schemate involvens, sub quo confessus est Gratiâ. Nam illam ponebat in *Peccatorum Remissione, Christi exemplo, ipsaque Creatione. Ut nihil aliud sentire monstraretur, quam id, quod damnassee videbatur.* Sic iterum *August. de Gr. Chr. Lib. 1. c. 1, 2.*

At dum extulit Liberum Arbitrium, inflando illud præcipitavit & perdidit. Quippe illius sanitatem prædicando, Judaicâ stultitiâ neglexit Medicum, quo sanaretur, & vanâ præsumptione gaudens, inani specie libertatis maluit esse Liber, quam vere a Salvatore Liberatus. Sic exprobrat ipsi *Augustinus sæpissime, confer ad Bonif. Lib. 1. c. 2.*

Quid quod, dum hominem fecit liberum, cum Cicerone Gentili fecerit Sacrilegum, ut iterum *Hipponensis Libris de Civitate Dei.* Nec enim stabit Deo sua gloria, si vigeant Pelagianæ hypotheses. Quin asserta independente Libertate in creaturis, datur illis, quod Dei est, ipsique eripitur quod vel in prima notione Majestatis ejus

ejus continetur, scilicet *ἀυτὴξυσία* & Independētia. Quin etiam juxta hypotheses de Libero Arbitrio ex profanâ *ἀνθρωπολογία* debuit fingi Theologia, quâ Deus instar creaturæ conciperetur, obnoxius variis mutationibus & affectibus, prout sua vota vel non assequeretur, vel casu fortuito volente creaturâ obtineret. Unde Pelagianismus, Stoicismus aut Fatalismus, vel potius Epicureismus est. Exemplo fuere dein Sociniani.

Etenim laudando Creaturam blasphemat Creatorem. Plurimum, dum coactus est hominem recens creatum in *puris ac meris Naturalibus*, cum naturali carnis concupiscentia, quæ rationi esset adversa, concipere: quod plus quam Manichæum est, adscribens Sancto Israëlitis vitiosum *κτίσμα*, cui omnia mali semina sunt adspersa, unde tentationes internæ & ad peccatum seductiones, quæ vix ac ne vix quidem potuerint separari.

Porro, *sub laudibus Natura latebant Inimici Gratia*: sunt iterum verba Augustini. Nam qui videbantur laudare Deum Creatorem per hypocrisin, manifeste abnegabant Deum Salvatorem, sine cujus sincera fide nunquam constabit cognitio ipsius Creatoris. Sic denuo iste Pelagianorum malleus. *Epist. xcv.* quam cum Aurelio, Evodio, Possidio ad Innocentium Episcopum Romanum scripsit. Egregia sunt in hanc rem ejus dicta: *cernitis quo tendat, & quo manus porrigat* (Pelagii sententia) *ut omnino frustra dictum putetur, vocabis nomen ejus Jesum, ipse enim salvabit populum suum*
a pec-

a peccatis. *Quomodo enim saluum faciet, ubi nulla est agriudo?* De Lib. Nat. & Grat. c. 20.

Rectè itaque damnata ista est Hæresis, cum diutiùs latere non potuit, a Patribus Concilii Carthaginensis & Milevitani, qui addebant hæc verba, *Pelagiani in sacrilegam superbiam extollendo Liberum Arbitrium, nullum relinquunt locum Gratia Dei, qua Christiani sumus.* Vide Augustinum Tom. 11. Op. Epist. 90. 92. Themata autem Augustini, Pelagianismis opposita, ante Lib. 1. c. 8. exhibuimus.

Corollarium: Pelagianismus simul Judaismus & Gentilismus est: Socinianismus autem ipse purus est Pelagianismus. Neque fieri potest, ubi connectuntur Hypotheses, ut Pelagianus non in impietatem Socinisticam pronus prolabatur. Imò verò, nequicquam quæritur inter Nos & Pelagiano-Socinianos aliquod medium, nempe Semi-Pelagianismus, de quo proxime.

CAPUT XV.

De Semi-Pelagianismo dissertatio.

SIC ergò se habet Pelagianismus, Hæresis omnium periculosissima uti nequissima, quum Deo & Christo adversa sit, & Libertatis ac argutiarum Philosophicarum prætextu, naturæ, *ψυχικῆς* & haud vilioribus ingeniis se facile commendet. Nunc illius progressum videamus.

Et quidem Nestorius Pelagianis socias dedit manus, quum principia convenirent. Quippe

Progres-
sus Pela-
gianismi.

credebat Christum bono usu Liberi Arbitrii unionem cum Filio Dei acquisivisse ac promeruisse. Igitur in *Concilio Ephesino*, quando Pelagiani factionem Nestorianorum foverent, pariter sunt damnati, uti gemelli erroribus. Unde *Prosper* utrisque commune scripsit Epitaphium. Confer *Phot. Biblioth. N. LIV. Novis Histor. Pelag. lib. II. c. 9.*

Sed præsertim, cum disputationes inter Augustinum, Orthodoxorum defensorem, & Pelagium ac sequaces vigerent, fuere in Galliis, qui de utrisque judicium ferrent, atque improbarent hinc Augustini duritiem, inde Pelagii cruditatem, facientes adulterinam Naturæ & Gratiæ commixtionem. Scilicet, evitato duplici extremo, media via (quæ tamen non poterat iniri) ipsis tutissima videbatur. Vide *Vsser. de Britan. Eccles. Orig. XI.*

Semipelagiani
qui.

Hinc dicti sunt Semipelagiani, & ab Urbe Massilia, in qua degebant, Massilienses. Præcipui autem istorum erant Joh. Cassianus, Gennadius, Faustus Regienſis, magni nominis Episcopus, quorum scripta extant. Nempe ille, ne videretur palam Pelagianis favere, Nestoriano dogmati se opposuit scripto de *Incarnatione* libro, inductus præcipuè consilio Leonis I. qui prudenter studebat Nestorianos & Pelagianos inter se committere. At errores suos prodidit *Collationum* volumine. Gennadius, qualis fuerit, ostendit *Tractatu de Dogmatibus Ecclesiasticis*, qui extat in *Operibus Augustini*. Faustus denique, Cassiani sequax, *Libros de Libero Arbitrio*

bidrio edidit, oppositos doctrinæ Augustini, impugnantibus eum Prospero, Fulgentio, Maxentio aliisque.

Imò jam tempore Augustini scripserunt quidam Viri Massilienses in ejus libros quasdam censuras, quæ *Capitula Gallorum* appellantur, respondente ad illorum cavillationes ante mortem Hipponensi Episcopo & post Prospero *Libro de Vocatione Gentium*, secuto Magistrum fidelissime: Vide *Augustini Oper. Tom. VII. in fine*, & videbis pii seuis acumen, & fortes pro Gratia disputationes.

Sed & cum isti motus in Galliis inciperent, *Prosper & Hilarius Arelatensis* Virum magnum datis literis de erroribus, contra doctrinam de Gratia inter suos exortis, monuerunt. Literæ extant in Operibus ejusdem Augustini loco citato. Erit autem operæ pretium quandam illarum summam breviter exhibere, ut controversiarum Status pateat clarius, & apertum sit, quos Ecclesiæ Reformatæ Hostes habeant, si non rigidos Pelagianos, saltem istorum Massiliensium genuinos Filios.

Itaque scribit *Prosper* Massilienses conqueri Augustinum *contraria Patrum opinioni, & Ecclesiastico sensui docere in materia de vocatione electorum secundum propositum.* Eos interea confiteri

Dogmata ex Prospero

I. „Omniem hominem Adamo peccante peccasse.

II. „Neminem nisi per Dei Gratiam regeneratione salvari.

III. „Universis tamen hominibus propitiationem

„tionem in sanguine Christi sine exceptione esse
 „propositam, ut quicumque ad fidem accedere
 „voluerint, salvi esse possint.

IV. „Quinam autem sint credituri, & in fi-
 „de, adjuti per Gratiam, mansuri, præscisse
 „Deum ante mundi constitutionem, illosque
 „prædestinasse ad regnum, quos dignos ele-
 „ctione futuros præviderit.

V. „Doctrinam de alia Prædestinatione (ab-
 „soluta) ex placito Creatoris, lapsis curam re-
 „surgendi adimere, & Sanctis occasionem tepo-
 „ris afferre; cum statuatur in utramque partem
 „superfluum esse laborem.

VI. „Tolli sane industriam & virtutes, si Dei
 „constitutio humanas præveniat voluntates:
 „imò fatalem sic induci necessitatem.

Porro addebant plurimi a Pelagianis semitis
 non declinantes,

I. „Ad hanc Gratiam, qua in Christo rena-
 „scimur, perveniri per naturalem facultatem,
 „petendo, quærendo, pulsando, ut ideò quis
 „accipiat, ideò inveniat, ideò introëat, quia
 „bono Naturæ bene usus erat, meritis ut ad
 „salvantem Gratiam, initialis Gratiae ope, per-
 „veniret.

II. „Propositum vocantis Gratiae in hoc de-
 „finiebant, quod Deus constituerit ad salutis do-
 „num omnes homines Universaliter, sive per
 „Naturalem, sive per Scriptam Legem, sive
 „per Evangelicam Prædicationem vocare; ut
 „qui voluerint, fiant Filii Dei, & inexcusabiles
 „sint, qui noluerint; quia justitia Dei in eo sit,
 „ut

„ut qui non crediderint, pereant, & bonitas in
 „eo appareat, quod neminem repellat e vita,
 „sed indifferenter velit salvos fieri universos &
 „in agnitionem veritatis venire.

Summa igitur erat erroris, „cum duo sint,
 „quæ humanam operentur salutem, Dei Gra-
 „tia & Hominis Obedientia, priorem esse Obe-
 „dientiam, quam Gratiam: ut initium Salutis
 „sit ex eo, qui salvatur, & voluntas hominis
 „Divinæ Gratiæ sibi pariat opem, non Gratia
 „sibi humanam subjiciat voluntatem.

Hæc *Prosper*. At damnabat illa etiam *Augu-*
stinus, & refutabat ante mortem *Libro de Gratia*
& Libero Arbitrio, & *de Prædestinat. Sanctorum*, spe-
 rans interim Deum illis, qui hæc sentirent, om-
 nem veritatem revelaturum. At suâ spe ex-
 cidit. Igitur vestigia illius secutus est deinde
Prosper Libris de Vocatione Gentium, qui inter O-
 pera *Ambrosii* sunt editi. Sed verò ipsum *Cas-*
sianum audiamus Collatorem, ut intelligamus
 virus non sanandi facile erroris. Sic enim ille
Collatione XII. Cap. 7. Proposuum Dei, quo non ob
hoc hominem fecerat ut periret, sed ut in perpetuum
viveret, manet immobile. Cujus benignitas cum bona
voluntatis in nobis quantulamcunque scintillam emi-
cuisse perspexerit, vel quam ipse tanquam de dura si-
lice nostri cordis excusserit, confovet eam, & exsuscit-
at, suæque inspiratione confortat, volens omnes homi-
nes salvos fieri, & ad agnitionem veritatis venire. Et
mox: Qui ut pereat unus ex pusillis non habet vo-
luntatem, quomodo sine ingenti sacrilegio putandus est,
non universaliter omnes, sed quosdam salvos fieri velle

Cassianus
verba.

*pro omnibus? Ergo quicumque pereunt, contra illius
pereunt voluntatem. Cap. IX. Etiam per natura bo-
num, quod beneficio Creatoris indultum est, nonnun-
quam bonarum voluntatum prodeunt principia. Cap.
XII. Non talem Deus hominem fecisse credendus est,
qui nec velit unquam, nec possit bonum. Et post:
Cavendum est nobis, ne ita ad Deum omnia Sancto-
rum merita referamus, ut nihil nisi quod malum at-
que perversum est, natura adscribamus humana: &
iterum: Manet in homine semper Liberum Arbi-
trium, quod Gratiâ Dei possit vel negligere, vel a-
mare. Cap. XIV. Nullius laudis esset ac meriti, si
id in eo (Centurione) Christus quod ipse donavo-
rat, prætulisset. Alias dixisset, non dedi tantam fidem
in Israel.*

Et verò cum talia senserit, notarunt rectè
Doctores Pontificii hunc Cassianum ceu Patriar-
cham Jesuitarum. Placet hic audire *Did. Alva-
rez* (qui inter Pontificios Scriptores ante omnes
alios est legi dignus) in Opere *de Auxiliis Divinae
Gratiæ Lib. I. Disp. II.* quod *Molinæ*, *Lessio*, a-
liisque Jesuitis opposuit, postquam Romæ do-
cuerat satis diu, dum sub *Clemente VIII.* &
Paulo V. quæstiones de Gratiâ agerentur. Atque
ibi quidem hæc *Cassiani* refert *Themata*, quæ
selegimus.

Thema-
ta Cassia-
ni.

1. „Homo in Natura Lapsa habet Naturale
judicium ad cognoscendum bonum & malum,
„& naturalem facultatem ad utrumque ample-
„ctendum. *Collat. XIII. c. 12.*

II. „Homo habet naturaliter quædam se-
„mina virtutum, quæ tamen non nisi per Gra-
„tiam

„tiam ad perfectionem pervenire possunt. *Eodem Capite.*

III. „Homo potest ex sola facultate Liberi Arbitrii habere charitatem. *Collat. XI. c. 14.*

IV. „Homo in Natura Lapso sufficientes vires habet ad resistendum tentationibus, etiam gravioribus, & superandas quascunque difficultates. *ibidem.*

V. „Deus expectat & exigit conatus nostræ bonæ voluntatis, quamquam aliquando nos prævenit. *Collat. XIII. c. 13.*

VI. „Non est totum adeo tribuendum Gratiæ, quin aliqua laus & industria sit servanda Libero Arbitrio. *Collat. XIII. c. 14.*

VII. „Homo potest ex facultate Naturæ Medicum quærere & sanitatem desiderare. *Collat. XIII. c. 9.*

VIII. „Homini ex Naturalibus conanti facere, quod in se est, Gratia datur, qua Deus bonos conatus Naturæ dirigit ac confortat, & voluntatem incitat ad salutem. *Collat. XIII. c. 8.*

IX. „Gratia præveniens pendet ex operibus Naturæ: & causalis hæc vera est; quia initium bonæ voluntatis præbet homo, ideo Deus miseretur ejus. *Collat. XIII. c. 11.*

X. „Prædestinatio est generalis respectu omnium, & non gratuita respectu aliquorum: quia Deus vult omnes salvos fieri & ad agnitionem veritatis pervenire. *Collat. XIII. c. 7.*

Sic *Cassianus*, notante Didaco Alvarezio, qui ipse vigentibus controversiis de Gratiæ Auxiliis Romæ in Congregationibus de Auxiliis par-

tes Dominicanorum contra Jesuitas masculè defendebat. Addamus ex Eòdem in Ecclesiæ Romanæ, Jesuitas admodùm foventis, pudorem hæc paria *Faufti Regiensis Themata ex Libb. de Libero Arbitrio.*

Themat.
Fauſti.

I. „ Quidem contra Pelagium fatemur, quod
„ ad obtinendam salutem Natura hominis sola
„ non sufficiat, ex *Joh. xv. 5. Lib. I. c. 1.*

II. „ Attamen non esse totum tribuendum
„ Gratiæ, sed esse aliquid relinquendum conatibus
„ ac laboribus humanis: cum iis Gratiæ donum sit
„ jungendum, utpote concessum a Deo pe-
„ tentibus, quærentibus, desiderantibus. *Ibid.*
„ *cap. 4. & 5.*

III. „ Gratiā & Liberum Arbitrium pari-
„ ter sociari in his, quæ pertinent ad salutem,
„ illam verò esse coöperantem vel comitem,
„ non præviam. Clamat enim voluntas, cum
„ sola se elevare nescit infirmitas, & Dominus
„ invitat volentem, attrahit desiderantem, eri-
„ git nitentem. *Lib. I. c. 5. 12. & Lib. II. c. 4.*

IV. „ Ad opera meritoria vitæ æternæ & ad
„ humanam salutem requiri quandam Gratiā
„ prævenientem. *Lib. I. c. 1. & 14.*

V. „ Illam prævenientem Gratiā esse, qua
„ intellectus a Deo illuminatur, & voluntas
„ excitatur, ut initium & finis boni operis sint
„ Deo hætenus tribuenda. *Lib. I. c. 12.*

VI. „ Imò etiam primas partes suo sensu in
„ opere salutis Gratiæ deberi, sic nempe ut La-
„ bor Gratiæ non sit coæquandus, sed Gratiā
„ quodammodo sit præponenda. *Lib. I. c. 6.*

VII. „Attamen Deum expectare Voluntatem
„nostram, ut purgari velimus, & currere, &
„præstemus sedulæ servitutis obsequium. *Lib. 1.*
„c. 7.

VIII. „Necessariam esse ad salutem Gra-
„tiam, eamque comitem, id est, coöperantem,
„adjuvantem. *Lib. 1. c. 5.*

IX. „Ad Deum pertinere, quod vocemur,
„ad hominem verò quod obediat, quærat, pe-
„tat, pulset, ut divina benignitas pulsantibus
„succurrat, magis ex devotione, quam Præ-
„destinatione. *Lib. 1. 7. 10.*

X. „Hominem posse ex facultate Naturæ cre-
„dere, ita quidem ut fides sit in nobis, & ex
„nobis, non tamen perfectio, quæ sit ex Deo,
„ut consummatio virtutis. *Lib. 1. c. 6. 11. &*
Lib. 11. c. 6.

XI. „Esse in Natura Lapsa quædam bonæ vo-
„luntatis semina, ut hinc in bonam partem &
„malam possit humanæ mentis transire consen-
„sus. *Lib. 1. c. 10. & 13.*

XII. „Facienti quod in se est ex viribus Na-
„turæ credendo, pulsando, petendo, quæren-
„do, divinis præceptis obtemperando, Deum
„conferre suam Gratiâ & Misericordiam; ut
„tamen illa opera non sint illius Gratiæ merito-
„ria. *Lib. 1. c. 15. 17.*

XIII. „Neminem esse Prædestinatum aut
„Reprobatum ante præscientiam boni, vel mali
„usus Liberi Arbitrii, ni introducatur Fatum,
„tollatur Libertas, & statuatur Deus injustus.
„*Lib. 1. c. 4. 9. 10. 13.*

Notati
Ponti-
ficii.

Et talia quidem *Faustus Regiensis* Episcopus, cum Pelagio in Scotiæ finibus natus, *Vir profunda calliditatis*, (sic dicitur *Isidoro de Viris Illustribus* Cap. XIV. & hinc *versipellis Vulpecula* Baronio *Notis ad Martyrol. Roman.* II. Sept.) Cassiani sequax, facundus Philosophaster, plurimos suo tempore suis *χενσοδογίας* decipiens. Nos ea notavimus fusius, ut hodiernorum Pelagianizantium error uti vetus magis appareat, & antiquitas Reformatæ fidei, Augustino, cui hæc opposita, consentiens. Nec erat quod Faustum defenderet Sirmondus Jesuita: sed se accrescenti Jansenismo opponere volebat, satis conscius sibi, quod paria cum illô dogmata haberet, indignante *Manguimô in Vind. Gratia, Prædestin. Fabula confutat.* Cap. XIX. part. I. Id certè necdum ausi Baronius, Bellarminus, Petavius, alique Jesuitæ, uti demonstrat ibidem Vir Egregius.

Imò rectè Jansenius observavit Jesuitas plurimos Semipelagianorum errores superasse audacibus thesibus, cavillis, calumniis, meritis hinc a Papali Sede acrem censuram, ac condemnationem: eam enim urgebant Jesuitæ, ut Adversario Hæreseos intentatæ poenam rependerent. Confer *Statutam ipsius Augustino subjunctam*.

Atqui istis Pelagianismi reliquiis & erroribus opposita sunt, quæ Prosper urgebat prædicanda & confitenda ex Verbo Dei, præcunte Augustino & laudante Cœlestino I. Epist. ad Galliæ Episcopos, apud *Binium Concil. Tom. I. p. 733.*

I. In Prævaricatione Adæ omnes homines

, na-

„naturalem possibilitatem & innocentiam per-
„diderunt, & nemo de profundo istius ruinæ
„per Liberum Arbitrium potest resurgere, nisi
„cum Gratia Dei miserentis crexerit.

II. „Nemo per se ipsum bonus est, nisi par-
„ticipatione sui illi donet, qui solus bonus est.

III. „Nemo etiam Baptismatis Gratia reno-
„vatus, idoneus est ad superandas Diaboli infi-
„dias, & ad evincendas carnis concupiscentias,
„nisi per quotidianum adjutorium Dei perse-
„verantiam bonæ conversationis acceperit,

IV. „Nemo nisi per Gratiā bene utitur Li-
„bero Arbitrio.

V. „Omnia studia & omnia opera ac merita
„Sanctorum ad Dei gloriam laudemque refe-
„renda sunt: quia nemo aliunde ei placet, nisi
„ex eo quod ipse donaverit.

VI. „Ita Deus in cordibus hominum, atque
„in ipso Libero operatur Arbitrio, ut sancta
„cogitatio, pium consilium, omnisque motus
„voluntatis ex Deo sit, quia per Eum aliquid
„boni possumus, sine quo nihil possumus.

Sic Prosper: quibus concinunt Africani Pa-
tres, a Thrasimundo Vandalorum Rege in
Sardiniam relegati ob Religionem. Ibi enim ro-
gati sententiam duce Fulgentio, Augustini di-
scipulo, in Synodo scribunt Epistolam (extat
illa in *Labbai Conciliis Generalibus Tom. 1. pag. 1592.*)
quā adversus Faustum Rhegiensem confitentur,
*a Deo esse omnem Gratiā boni sermonis & operis, ut
discat homo non in se, sed in Deo gloriari; confiten-
dam esse humani arbitrii egenam paupertatem, & Di-*

vina Gratia indeficientem largitatem ex 1. Cor. iv. 7. Porro fidem & bona opera a Deo nobis tribui ex Eph. ii. 10. cumque indignè sentire de Gratia, qui eam putet omnibus dari. Sic Confessores.

Canones
Concilii
Arausi-
ceni.

Hicce addi debent Patrum in Conciliò II. Arau-
sicanò A. DXXIX. Capitula, quæ ex libris Augustini
verbotim sunt excerpta, uti censebat *Bellarminus*
de Grat. & Lib. Arb. Lib. ii. c. ii. saltem fatente
Sirmondo a Bonifacio II. *Epistola ad Casarium*,
Præsidentem Concilii, probata; vide *Manguin.*
Prædest. Fab. confut. p. 608, 609. & seq. Nos aliqua
hic citamus in testimonium Reformatæ anti-
quiritatis, quam tanto jure tuetur & profitetur
hodie Gloriosissimus ARAUSIONENSIVM
PRINCEPS, GUILJELMUS, SERE-
NISSIMUS REX BRITANNORVM ET
BELGII GUBERNATOR. Extant apud
Binium Concil. Tom. ii. p. 638. & Usserium in Anti-
quitatibus Britannicis. Sic ergò se habet Capitulum

„*Secundum*: Si quis soli Adæ prævaricationem
„suam, & non ejus propagini asserit nocuisse,
„aut certe mortem tantum corporis, quæ pœ-
„na Peccati est, non autem & Peccatum, quod
„mors est animæ, per unum hominem in omne ge-
„nus humanum transisse testatur, injustitiam Deo
„dabit, contradicens Apostolo, *Rom. v. 12.*

„*Tertium*: Si quis ad invocationem humanam
„Gratiam Dei conferri dici, non autem Gra-
„tiam facere, ut invocetur a nobis, contradicit
„Prophetæ, *Jes. LXVI.*

„*Quartum*: Si quis, ut a peccato purgemur,
„voluntatem Dei expectare contendit, non au-

„tem

tem ut etiam purgari velimus, per Sp. S. infusionem & operationem in nos fieri confitetur, resistit ipsi Sp. S. *Phil. 11. 12.*

„*Sextum*: Si quis sine Gratia Dei credentibus, volentibus, desiderantibus, conantibus, laborantibus, vigilantibus, studentibus, petentibus, quærentibus, pulsantibus nobis Misericordiam dicit conferri Divinitus; non autem ut credamus, velimus, vel hæc omnia, sicut oportet, agere valeamus, per infusionem & inspirationem S. Spiritus in nobis fieri confitetur; & aut humilitati aut obedientiæ humanæ subjungit Gratiæ adjutorium; nec ut obedientes simus & similes, ipsius Gratiæ donum esse consentit, resistit Apostolo. *1. Cor. 14. 7. xv. 10.*

„*Nonum*: Divini est muneris, cum & recte cogitamus & pedes nostros a falsitate & injustitia continemus. Quoties enim bona agimus, Deus in nobis, atque nobiscum, ut operemur, operatur. *Phil. 11. 13.*

„*Decimum*: Adjutorium Dei etiam Renatis ac Sanctis semper est implorandum, ut ad finem bonum pervenire, vel in bono possint opere perdurare.

„*Duodecimum*: Tales nos amat Deus, quales futuri sumus ipsius Dono, non quales sumus nostro merito.

„*Decimum tertium*: Arbitrium voluntatis in primo homine infirmatum, nisi per Gratiâ Baptismi non potest reparari: quod amissum, nisi a quo potuit dari, non potest reddi. *Joh. 8. 12.*

„*Vigesimum*: Multa Deus facit in homine bona, quæ non facit homo: nulla verò facit homo bona, quæ non Deus præstat ut faciat.

„*Vigesimum secundum*: Nemo habet de suo, nisi mendacium & peccatum: si quid autem homo habet veritatis atque justitiæ, ab illo fonte est, quem debemus sitire in hac eremo, ut ex eo quasi guttis quibusdam irrorati non deficiamus in via.

„*Vigesimum quartum*: Ita sunt in vite palmites, ut viti nihil conferant, sed inde accipiant, unde vivant. Præciso palmite; potest de radice vivâ alius pullulare, qui autem præcisus est, non potest sine radice vivere. *Joh. xv.*

„*Vigesimum quintum*: Prorsus Dei donum est diligere Deum; ipse ut diligeretur dedit, qui non dilectus diligit. Displicentes amati sumus, ut fieret in nobis unde placeremus: diffundit enim charitatem in cordibus nostris. Spiritus Patris & Filii, quem cum Patre amamus in Filio.

Hæc illi Arausionenses. „Itaque concludunt, hoc salubriter confitemur & credimus, quod in omni bono opere non nos incipimus, & postea per Dei misericordiam adjuvamus: sed ipse nobis, nullis præcedentibus bonis meritis, & fidem & amorem sui prius inspirat. Optimè. At pro nullis Binius scripsit multis, impudenter, contra mentem Patrum ac sensum omnium Canonum. Quasi id crederent Arausionenses, quod in Pelagianizantibus condemnant! Verùm sic solent Jesuitæ, corruptores antiquitatis.

Et talis quidem status Ecclesiæ luctantis cum ^{De Sæ} Pelagianis & eorum fautoribus fuit v. & vi. ^{mipelag.} sæ- ^{sec. ix.} culo. Transeamus ad ix. sæculum, quo recru-
duit bellum per Persecutores Gottescalci, qui
ad Pelagianismum desciverant. Atqui contra illos
orthodoxam fidem quidam Viri docti cum Ec-
clesia Lugdunensi defenderunt, ceu eam, quam
docuerat Augustinus, imò Paulus. Vide *Usser.*
in Gottescalci Historia. Voss. Histor. Pelag. in fine.

Quam autem frigidus hic sit *Baronius in Annali-*
bns, conscius satis errorum suæ Societatis, Le-
ctores judicent. Certe non debuit Cardinalis
gravissimas hæc controversias Sæculi ix. vel
ignorare vel negligere, qui alias nugas ac mi-
nutias narravit sedulus. At ubi defecit Cardi-
nalis in gratiam suæ Societatis, imò totius suæ
Ecclesiæ, a veritate Orthodoxâ deficientis, a-
bundavit *Mauguinus in Vindictis Gratiæ* pro cau-
sa Jansenii scriptis. Ibi enim Scripta Semipela-
giana & Orthodoxa Sæculi ix. legas cum subje-
cta Dissertatione Historica, quæ nullus Erudito-
rum debet ignorare: adeò eximia sunt pro fide
testimonia. Et laudanda hic erit aliqua diligen-
tia, quia de isthoc Sæculo, & controversiis tum
motis nihil observavit Jansenius. Sanè hanc O-
peram postulavit fidei veritas, justaque causæ
Jansenianæ defensio adversus Pontificias Bullas.
Sic enim Ecclesiæ Romanæ culpa & apostasia
ab antiquitate Orthodoxa est demonstranda.

Principio autem adnotanda est *Gottescalci Or-* ^{Confes-}
bacensis Monachi *Confessio minor & prolixior* ^{sio Gotta-}
apud *Mauguinum Tom. 1. Vindictiarum, & Usserium* ^{schalci.}
Hist.

Hist. Gottescalci, pag. 211. & seqq. Summa est utriusque: „Dari æternam in Deo bonorum & „malorum præscientiam; Prædestinata esse omnia bona, seu Gratiæ beneficia, seu Justitiæ „judicia; Electis porro omnibus Prædestinatam „esse vitam æternam gratis, illosque ad sempiternam gloriā; imò etiam Diabolis, & reprobis perennem meritò esse Prædestinatam „pœnam, illosque ad illam; cum non irent ad „pœnam, nisi destinati, nec destinarentur, nisi „prædestinarentur, quia Deus est summè immutabilis. *Exod. 111. 14. Ps. 111. 28. Jac. 1. 17.*

& Lupi
Servati.

Præclara quoque *Lupus Servatus, Presbyter Moguntinus*, dignus suo nomine in gloriam sui Servatoris. „Verissima, *inquit*, Augustini est sententia, ut Prædestinatio in bonis sit præparatio Gratiæ, in malis Gratiæ subtractio, ut tamen in utrisque Creator æquissimus inveniat. „tur. Nam recti sumus creati in Adam: sed eo „peccante (*Rom. v. 12.*) omnes conditionis „istius dignitatem amisimus, & pœnam Peccati, „i. e. concupiscentiam & mortem non animæ „solum, verum etiam corporis incurrimus: „hinc nascimur, non ut Adam est creatus, sed „originaliter Peccatores, damnatique pœna Peccati. Cum ergò communiter damnati sumus, „cujus nostrum vult Deus miseretur, quem „vult indurat [*Rom. ix. 18.*] Miseretur bonitate, indurat nulla iniquitate.

„Neque tamen quis opinetur aut justis aut „reprobis Prædestinationis veritate Fatalem necessitatem induci, cum in utrisque suspicio- „nem

„nem necessitatis Libertas, voluntatis excludat.
 „Siquidem electi, accipientes a Deo velle &
 „perficere, libenter agunt, unde sempiternum
 „præmium consequantur: perversi autem de-
 „serti a Deo, non inviti sed & ipsi libenter a-
 „gunt, unde in æternum meritò puniantur.
 „Apud *Manguin. Vind. Grat. Tom. 1. p. 19. 20.*

Et plura ejusdem Viri habes *Tom. 11.* ubi dis-
 „ferit „Liberum Arbitrium post Lapsum tan-
 „tum esse liberum ad malum; ad bonum au-
 „tem, si contigerit divino munere, liberandum,
 „*Joh. xv. 5. viii. 36. Jerem. x. 23.* Itaque ex
 „fide data Dei Gratiâ salutem esse, nec spem in
 „nobis collocandam, sed in Deo, cujus sit Li-
 „berum Arbitrium peccati affectu liberare. Da-
 „ri ergò Prædestinationem gratuitam (hoc est
 „Gratiæ præparationem, quæ in tempore planè
 „operatur in mentibus piorum, ut salutaria ve-
 „lint, & in eis proficiant) uti Redemptionem
 „particularem; cum Deus non velit redimi aut
 „salvari alios, quam salvantur & redimuntur.
 „*Pag. 20. & seqq.*

Lupo Servato addere libet, ut præteream
 Florum Magistrum, Ratramnum, id est, Bertra-
 mum Corbejensem, *Lupum Abbatem Ferrarien-
 sem*, qui apud *Manguinium Tom. 11. pag. 37. E-
 pistola ad Carolum Calvum*, hæc habet; „Deum
 „excellenter bonam naturam hominis fecisse;
 „hominem eam vitiasse; Deum verò misertum
 „massæ perditæ merâ misericordiâ quosdam ele-
 „gisse, qui ipsi hinc debent totum quod sunt,
 „& habent. Liberum Arbitrium in peccatore
 „pe-

„periſſe, nec dari amplius niſi liberatum ſit,
 „præveniente Dei Gratiâ; Chriſtum pro multis
 „non omnibus mortuum; Eos, qui his contra-
 „dicunt luminibus Scripturâ roboratis, ſequi
 „Faſtum Rhegienſem, deſertis Eccleſiæ Ca-
 „tholicæ invictiſſimis deſenſoribus. Hæc ibi,
 quæ expoſuit amplius ſuo *Collectaneo de Tribus qua-*
ſtionibus, Prædeſtinatione, Libero Arbitrio & Sanguine
Chriſti. Ibid. pag. 43. ubi in hanc rem præcipuos
 præter Auguſtinum Patres citatos habemus.
 Confer quoque ejuſdem *Epistolam de Prædeſt.* ad
 Hincmarum, apud *Manguin. Tom. 1. p. 19.*

Hinc-
 mari Pe-
 lagiani-
 ſmi.

Atqui ea non tulerunt Viri magis Pelagianizantes, quam ſequentes Auguſtini veſtigia. Itaque Gotteſcalcum oppugnavit *Johannes Erigena Scotus*, Philoſophæſter nugax, ſpiſſo volumine, refutatus a Prudentio Epifcopo Tricaſſino fuſiore ſcripto: utrumque exhibet *Manguinius Vindic. Grat. Tom. 1. & Themata XIX. Scoti Uſſerius Hiſtor. Gotteſcalci cap. IX.*

At præ cæteris vehemens Gotteſcalci adverſarius & perſecutor fuit *Rabanus Archiepiſcopus Moguntinus*, qui contra Eum Synodos habuit, variaque ſcripſit: cui manus addidit *Hincmarus Epifcopus Rhemenſis*, qui hæc ceu dogmata Gotteſcalci differebat & damnabat, ſcribens ad Nicolaum I. Papam & Eccleſiam Lugdunenſem, confer *Uſſer Hiſtor. Gotteſcal. p. 27. 28. - 28.*

I. „Deus ante omnia ſæcula, & antequam
 „quicquam faceret, a principio quos voluit,
 „Prædeſtinavit ad Regnum; & quos voluit,
 „Prædeſtinavit ad interitum.

II. „Qui Prædestinati sunt ad interitum, salvari non possunt, & qui Prædestinati sunt ad Regnum, perire non possunt.

III. „Deus non vult omnes salvos fieri, sed eos tantum, qui salvantur: & quod dicit Apostolus, qui vult omnes salvos fieri, illos dicit omnes, qui tantummodo salvantur.

IV. „Christus non venit ut omnes salvaret: nec passus est pro omnibus, nisi solummodo pro his, qui passionis ejus salvantur mysterio.

V. „Postquam primus homo Libero Arbitrio cecidit, nemo nostrum ad bene agendum, sed tantummodo ad male agendum Libero potest uti Arbitrio.

Et hæc quidem quum Hincmarus aliique, qui rerum Ecclesiasticarum videbantur potiri, non ferrent, ac nigro carbone notarent vel odiosius Papæ exponerent, apparet satis Pelagiana ipsorum mens. Plurimum si Prudentii, Remigii & Ecclesiæ Lugdunensis fidem oppositam intueamur. Quin etiam idem ille Hincmarus curaverat in Conventiculo Cariatiaci opponi Gottescalco jam dictos IV. Articulos, de una Prædestinatione, quæ ad Reprobationem non pertineat, de Libero Arbitrio, Divinâ Voluntate omnes homines salvandi, & universali Redemptione, apud *Mauguin. Tom. II. pag. 173.*

Verum Remigius Episcopus Lugdunensis huic Hincmaro, post peractam Synodum multos turbanti suis scriptis, & Gottescalcum accusanti Epistolis ad varios, sese opponebat apud *Usserium*

rium in Historia Gottescalci Cap. VIII. illique se adjungebat Prudentius Episcopus Trecaffinus, quum superbi & ferocis Hincmari dolos & nequitiam nosset. Quum enim ad Concilium Senonense vocatus esset, ut ordinaretur in ea Æneas Parisiensis Episcopus, & præ infirmitate adesse non posset, misit per Vicarium *Trafforiam*, quæ in isto Concilio reverenter suscepta, & omnium votis comprobata est.

Prudentii doctrina orthodoxa illis opposita.

Eâ autem *Trafforiâ* requirit Prudentius, Vir optimus, inter Sanctos aliquando habendus, ab eo, qui Orthodoxus esse vellet, & suo consensu admitti ad Episcopatum.

I. „Ut Liberum Arbitrium in Adam merito „inobedientiæ amissum, ita nobis per Jesum „Christum redditum atque liberatum confiteatur: ut tamen semper ad omne Bonum opus „Dei Omnipotentis Gratiæ indigeamus, sive „cogitandum, sive inchoandum, sive operandum, sive perseveranter consummandum; & „ipsa nihil boni nos posse ullatenus, aut cogitare „aut velle aut operari, sciamus.

II. „Ut Dei Omnipotentis altissimo secreto „que consilio credat atque fateatur, quosdam „Dei gratuita Misericordia ante omnia sæcula „Prædestinatos ad vitam, quosdam imperscrutabili Justitia Prædestinatos ad poenam, ut id „videlicet sive in salvandis sive in damnandis „prædestinaverit, quod se præscierat esse iudicando facturum. *Jes. XIV. 11.*

III. „Ut credat & confiteatur cum omnibus Catholicis Sanguinem Christi pro omnibus

„ex toto mundo in eum credentibus fufum,
 „non autem pro illis, qui nunquam in eum
 „crediderunt, nec hodieque credunt, nun-
 „quamque credituri funt. *Matth. xx. 28.*

IV. „Ut credat ac confiteatur Deum Omni-
 „potentem quoscunque vult, falvare, & nemi-
 „nem falvari poffe ullatenus, nifi quem ipfe fal-
 „vaverit: omnes autem falvari, quoscunque
 „ille falvare voluerit, ac per hoc quicunque
 „non falvantur, penitus non effe voluntatis il-
 „lius, ut falventur. *Pfal. cxv. 3.* Extant hæc a-
 „pud *Manguinium Tom. II. pag. 175.* Quin etiam
 habita Synodo fuâ in urbe, Trecaffina, cura-
 vit damnari violenta Pelagianizantis Hincmari
 acta, uti ipfe conqueritur libello LV. Capitu-
 lorum, qui extat in ejus Opusculis *pag. 28.*

Æqualia legas Decreta in Concilio Valentino
 III. sub Imperatore Lothario, A. DCCCCLV.
 cujus erant Canones

I. „Novitates vocum omni ftudio effe vitan-
 „das.

II. „Deum præfciffe bonos, fed tales per
 „Gratiam fuam futuros.

III. „Prædeftinatione immobili Deum con-
 „ftituiſſe, quæ ipfe vel gratuitâ Miſericordiâ,
 „vel juſtô Judicio faâurus erat, Miſericordiâ
 „præcedente bona opera.

IV. „Chriſtum pro omnibus non effe mor-
 „tuum, fed pro multis. Cæterum de Gratia &
 „Libero Arbitrio tenendum effe quod Africana
 „Eccleſia, Araufica Synodus, & Epifcopi Ro-
 „mani tenuerunt, atque evitandas effe ineptas

„quæstiones & aniles fabulas Scotorumque pul-
 „tes, puritati fidei nauseam inferentes, ne inde
 „mentes Christianæ corrumpantur.

Et Ec-
 clesie
 Lugdu-
 nenſis.

Paria habet *Ecclesia Lugdunensis*, Libro de *S. Script. tenenda Veritate*, qui itidem oppositus est *Conventiculi* cujusdam *Carisiaci Capitulis*. Namque dicebant Orthodoxi, quod istis ad se delatis *Capitulis veritas S. Scriptura & recepta Patrum doctrina*, præsertim *Augustini*, novo conatu, & temerario nimis ausu impugnaretur, dolebantque id fieri inter omnia pericula, & innumeras calamitates, quibus *Ecclesia Gallicani Regni* occulto Dei judicio affligeretur ac vastaretur, ita ut Regni unitas esset dilacerata, & specialis doctrina studia, quibus fideles & scientia quotidie nutriri ac proficere debuerant, penitus ubique extincta.

Est autem eximia *Lugdunensis Ecclesiæ*, præcunte *Remigio Episcopo*, hæc fides, quod *Adam* non nisi Dei auxilio stare poterit; quod *Prædestinatio* omnia opera precedat, cum per illam discreti sint electi a filiis perditionis & adoptati in filios vitæ & resurrectionis, sic docente *Paulo*, *Rom. ix. 11. 12.* Quod æterna & incommutabilis *Prædestinatio Dei* ad utramque civitatem, electorum & reproborum pertineat. Quod *Liberum Arbitrium* amissum peccato, non nisi a Deo possit reddi, a quo aliquando fuit datum. Quod *Gratia* ad quoslibet actus sit necessaria. Quod *Christus Redemptor* solum electos susceperit, & reprobos reliquerit ineffabili *Incarnationis mysterio*. Ut falsum sit *Christum* pro omnibus passum esse. Quod tantum absit ut *Christus* dicatur pro omnibus passus, quod non magis pro impiis omnibus, quam damnatis *Angelis* sit mor-
 tuus.

taus. Vide iterum Marquini. Vindic. Tom. II. pag. 178. & Usser. Histor. Gottescaldi cap. vi.

Neque alia ratione agit Ecclesia Lugdunensis contra Erigenam Scotum, palam Pelagianizantem, conductumque ut Libero Arbitrio contra Gratiam certanti auxilium ferret. Imò ostendit istum *hominem porcorum siliquis saginatum*, non ex alio fonte sua deduxisse, quam ex Philosophiæ abusu: hanc enim S. Scripturæ præponere aperte videbatur. Nempe sic dixerat, *errorem Prædestinationis ex disciplinarum ignorantia, quas ipsa sapientia suas comites investigatricesque fieri voluit, & Græcarum literarum inscitia ortum.* At ipse illarum plenus, ut sibi videbatur, errores de Prædestinatione detegere & refutare poterat. Adedò verum est, Pelagianismum inane *Philosophiæ somnium*, & pessimam atque adulterinam Naturæ cum Gratia commixtionem esse.

At bene Ecclesia Lugdunensis adversus hanc Scoti Erigenæ Thesin. „Omni fidei primum vigilantissime discenda est veritas fidei ex Autoritate Scripturarum Dei: ut si quid postea de eisdem humanis literis legere aut scire necesse fuerit, totum ex illa divina Autoritate & fidei veritate dijudicetur: ut si quid ibi ab ejus regula non discordat, absque periculo recipiatur: quicquid autem ab ea dissidere inveniatur, quasi mortiferum respuatur. Quisquis autem putat se absque Fidei cognitione, absque Scripturæ Sanctæ fidelissima Autoritate, absque Paternæ doctrinæ studiosissima institutione, solis humanis literis & disciplinis indagare

Ec 3

„ posse

„posse veritatem Dei & fidei integritatem, pro-
 „cul dubio & se ipsum illudit & decipit; & dum
 „vult videri inventor veritatis, magister erroris
 „efficitur.

Optime! Audi cætera: „Eô magis tenenda
 „hæc sapientiæ via est, & servandus ordo pie-
 „tatis tanta attentione, quia nec ipsæ S. Lite-
 „ræ in libris Legis & Prophetarum ullatenus
 „possunt esse salubres & utiles legentibus, nisi
 „aut fides Christi præcedat in corde legentis,
 „aut ipsa fides Christi in eis fideliter quærat,
 „& Deo illuminante inveniatur, juxta Paulum,
 „2 *Tim.* 111. 15. nosti ab infantia sacras literas,
 „quæ te ad salutem possunt instruere per fidem,
 „quæ est in Christo Jesu. Vide hæc Ecclesiæ
 „Lugdunensis dicta in *Mauguinii Vind. Tom. 1.*
 „pag. 616. 617.

Vanitas
 Semipe-
 lag.

Atque hæc sufficiant ad depingendum sæculo
 v. VI. & IX. Pelagianantium errorem, quodam
 fuco adornatum. Nec erat cur Jesuita Sirmon-
 dus eum excusaret, quasi Massilienses Semipe-
 lagiani non fuissent Pelagiani, imò illis prorsus
 adversarentur, meritò jure ipsum perstringente
Mauguinio in Confutat. predestinarianæ fabulæ, p. 611.
 Sane medii intercedebant inter Orthodoxos &
 crudos Pelagianos, quamvis medium dari non
 posset. Aut enim initium, progressum, ac con-
 summationem salutis Deo Salvatori decet tri-
 buere aut Homini. Non est hic Synergia aut
 Coordinatio concipienda, sed prioritas in hac
 vel illa causa, & hinc unius ad alteram subor-
 dinatio.

Igitur

Igitur aut Deus operabitur prior, independenter, atque efficaciter in salutis negotio, vel Homo: si hoc verum; quid juvabit Gratiam cum Natura commiscere, & Deo Salvatori adulari, quasi adhuc causa boni in salvandis foret? Non patitur Deus Synergismum, minùs subordinationem comitis Gratiæ sub præcurfu determinantis Liberi Arbitrii, ceu independentis causæ. Si omninò, triumphet ergò Pelagius, & defendatur vis Naturæ ad salutem consequendam, apertâ viâ; nec fallat nos hypocrisis, quæ Pelagianismi tutela est.

Sæculi ix. Pelagianismus obtinuit dein & vixit ^{Scholarum} in Ecclesia Romana: quippe ferrea erant tempora, ^{Pelagianismus.} deplorante illa hoc nomine Baronio, Bellarmino, Genebrando, quando *nulli Scriptores illustres, nulla Concilia, Pontifices parùm solliciti de Republicâ, uti iste in Chronologia ad A. DCCCCLXX. sed, inquit, Divina Providentia fecit, ut nulla surgerent Hæreses novæ.* Sane sufficebat Diabolo Hæresin Pelagianam, quæ naturæ corruptæ regnum est, profeminare, ubi *homines dormirent*, qui esse debbant vigiles, & Deus Gratiam subtraheret: Attamen Protestantes Waldenses ex Lugd. Ecclesia nati, doctrinam de Gratia servabant. *Credimus, in-* ^{Waldensium fidem.} quiebant, *nos habere Consolatorem a Sp. S. a Patre & Filio procedentem, cujus inspiratione & efficacità precamur & regeneramur. Is in nobis omnia bona opera efficit, atque per Eum ducimur in omnem veritatem, apud Usserium de St. Eccles. in Occidente. Cap. vi. & x. pag. 367.* Neque aliter post Wiclesum sic appellati Wiclefitæ, qui eò damnati, quòd o-

omnia a Dei consilio suspenderent, in Constantiensi Concilio Sess. VIII. art. 27. gaudente *Molina Libro de Concord. disp. 1.*

At obscurata fuit doctrina Gratiae ferè in Ecclesia Romana, quæ Waldenses persecuta est, & ceu Manichæos accusavit. Id apparuit in ipsis Doctoribus, qui Scholas corruperunt Religione a Scripturis ad Aristotelem reducta, quasi Magistrum Pelagianorum uti Doctorem statuerent venerari. Videbatur quidem Thomas cum Lombardo & Alensi Præceptore Augustinum sequi, agnita Gratia efficaci & Prædeterminatione, nec plane aberrabat Scotus, uti adnotarunt nostri *Twissius, Rhetorfortis & Ferrus in Scholastico Orthodoxo, Cap. xxv.* miscuerunt tamen Pelagianismos cum veritate, quando Gratiam communem asseriebant, & opera meritoria vitæ æternæ statuebant, fovebantque adeò Monachalem superbiam, quæ non nisi Pelagii Monachi præcipua & vestigia sequebatur. Itaque Sæculo XIV. adeò invaluit Pelagianismus Orbem, ut *Bradwardinus* Archiepiscopus Cantuariensis volumen ingens coactus fuerit scribere de *Causa Dei*, excitans *Simonem, Roma dormientem, ut vigilaret.*

Unde *Lessius* Molinæ assecla Scholasticos plurimos citat pro sua causa, quos inter Henricus, Durandus, Scotus, Marsilius, Occam, Gregorius, Herveus, Capreolus, alique in *Opusculis, Tract. de Grat. efficaci, & Lib. Arbit. Cap. v.* Fuitque adeò multa ratio, cur *Fromondus Libro de Anatomia Pii Hominis, Cap. 1.* doluerit, Theologos

logos ante deferentes Patrum Lectionem, Magistri sui Lombardi sententiam non ex Augustino sed ex Aristotele exposuisse, atque inde periculosis dogmatis Theologiam & Philosophiam respergi cœptam, ut quidem Stephanus Episcopus Parisiensis & Academia necessum putaverit prolixum articulorum elenchum colligere, qui ex Aristotele erant deducti. Imò, ait, unum ex multis fuisse, *quod prima causa non habeat scientiam futurorum contingentium*. Adeò Pelagianismus, vel ad Epicureismum delapsus, invaluerat!

Sane hanc impietatem gignere poterat Durandi dogma, quod non detur Divinus cum liberis causis concursus communis & generalis, quem ne quidem Jesuitæ negare sustinuerunt. Hinc notat noster Chamierus Scholasticos, qui *quatuor hasce causas rerum statuerunt, Fatum, Naturam, Fortunam & Voluntatem, a quibus tanquam principiis alia cause particulares una cum effectibus suis dependerent, dicentes ita credi & ubique gentium Christianarum predicari*. Sic homines, dum admirandis Dei judiciis subjiciuntur, atque sibi relictis & traditi in reprobum sensum dant poenas suæ temeritatis, quod naturæ viribus & ratiociniis niti voluerint, & non a testimonio Divini Verbi, ac Providentia maximeque Dei Gratia dependere.

Et verò hoc Pelagianismi fermento infectam Ecclesiam invenère Patres. Unde Liber Lutheri, Augustiniani Theologi, *de Seruo Arbitrio*, Romæ invisus, & impugnatus ab Erasmo, sic Papa jubente, Et fuit Protestantium communis

Protestantium doctrina.

de gratuita Justificatione, & efficaci Gratia fides, uti ex scriptis Zuinglii, Calvini, Bezæ & plurimorum apparet. Ergò rectè Bucerus, *Libro de Vera Eccles. Reconciliatione*, qui apologeticus est pro Actis Protestantium Ratisbonensibus, *Cap. de Causa peccati*. Nec hic quicquam nostra unquam a Catholico consensu doctrina variavit; tamen si id nobis plerique falsò impegnerint, & hodie falsò impingant; propterea, quod cum Scriptura & Orthodoxis Patribus predicamus, neminem hominum ullum vel conatum habere posse, quem non accepit liberali & gratuito Dei dono.

Lutheranorum defectus.

Atque hæc præcipua illorum doctrina est, quam damnarunt Tridentini: mox deficientibus quibusdam discipulis Lutheri a principiis, cum Jacobo Andreæ, uti videre est in *Colloquio Montisbelgartensi*, quod Beza edidit. Et perrexere nonnulli eadem viâ, ut jam delapsi ad Gratiam universalem & sufficientem, Scientiam mediam, nec non Electionem ex fide prævisa, videantur Semipelagianismum reduxisse. Vide *Eckard. Fascicul. Controv. cap. xv. Brochman. System. Tom. 1. de Grat. Dei, cap. 7. 8. Scertzeri Disput. ad Matth. XI. 21.*

de Arminianor.

At Reformati permansere in fidei puritate, damnato Arminianismo, in Synodo Oecumenica, id est, Dordracenâ. Utinam non defecissent deinde aliqui ab istius Concilii verè Evangelicis Decretis, invisus adeò Romæ, ut per Malderum Episcopum Antverpiensem oppugnaverit! Quò enim pergat Pelagianismus in Remonstrantibus jam apparuit. Nempè ad Socinismum tendit rectâ viâ,

viâ, quum medium inter Naturam & Gratiâ dari non queat. Id docuere suo exemplo Episcopus & Curcellæus cum suis, qui subtilius Pelagianismum excoluerunt, quam unquam Jesuitæ, uti ex scriptis ipsorum, maximè *Anisynodalibus* & *Apologia*, manifestum est.

Atque hæc nos de Pelagianismo ac Semipelagianismo, ut arcana erroris & veritatis in Dogmatis de Naturâ & Gratiâ patefcerent, ut fidei Reformatæ integritas intelligeretur, ut Jesuitarum doctrina ceu deficiens ab Orthodoxa antiquitate & Pelagiana foret conspicua, ac denique hodiernæ Ecclesiæ Romanæ facies conspiceretur, utique monstrosa & deformis, eo magis, quod Augustinum in Jansenio condemnaverit.

CAPUT ULTIMUM.

Nonnulla Prosperi adversus Pelagianos ingratos Carmina.

ATque hæc de Pelagianismo & Semipelagianismo dicta sunt: claudere ista libet quibusdam *Prosperi Aquitanici* Carminibus ex *Libello de Ingratis*, adversus Pelagianos & Semipelagianos, ut magis Jansenii adversarios nostrosque in Romana Communionem hostes punamus. Sic enim ille *Editionis Plantiniana Anno 1560. pag. 135. & seqq.*

*

NAmque ut nunc savas gentes, & Barbaræ regna,
Ignoti prius, aut sprete nova gratia Christi

At.

*Attrahit & terra templum sibi condit in omni:
 Sic prius immites populos, urbeisque rebelleis
 Vincente obstanteis animos pietate, subegit:
 Non hoc consilio tantum, hortatuque benigno
 Suadens atque docens, quasi normam legis haberet
 Gratia: sed mutans intus mentem, atque reformans,
 Vasque novum ex fracto fingens, virtute creandi.
 Non istud monitus legis, non verba propheta,
 Non prestata sibi prestat natura: sed unus
 Quod fecit reficit, percurrat Apostolus orbem,
 Prædicet, hortetur, plantet, riget, increpet, instet,
 Quaque viam verbo reſeratam invenerit, intret:
 Ut tamen his studiis audior promoveatur,
 Non doctor, neque discipulus, sed gratia sola
 Efficit, inque graves adolet plantaria fructus.*

* *

*At verò omnipotens hominem cum gratiâ salvat,
 Ipsa suum consummat opus: cui tempus agendi
 Semper adest quæ gesta velit, non moribus illi
 Fit mora, non causis anceps suspenditur ullis.
 Nec quod sola potest, cura, officioque ministri
 Exequitur: famulisve vicem committit agendi.
 Qui quamvis multa admoveant mandata vocantis,
 Pulsant, non intrant animis. Deus ergo sepultos
 Suscitât, & solvit peccati compede vinctos.
 Ille obscuratis dat cordibus intellectum:
 Ille ex injustis justos facit, indit amorem,
 Quo redametur amans: & amor quem conferit, ipse est.
 Hunc itaque affectum, quo sumunt moriua vitam,
 Quo tenebra sunt lumen, quo immunda niteſcunt,
 Quo stulti sapere incipiunt, agrique valescunt:
 Nemo alii dat, nemo sibi, non littera legis,*

Nec

*Nec naturalis sapientia, qua semel acta
In praeceptis, labi novit, consurgere nescit.
Et licet eximias studeat pollere per arteis,
Ingeniumque bonum generosis moribus ornet:
Caca tamen finem ad mortis per devia currit.
Nec vita aeterna veros acquirere fructus
De falsa virtute potest: unamque decoris
Occidui speciem, mortali perdit in aëvo.
Omne etenim probitatis opus, nisi semine vera
Exoritur fidei, peccatum est, inque reatum
Vertitur, & sterilis cumulat sibi gloria poenam.
Usque adeò donum est, quod credimus: & data gratis
Gratia, non merita datat mercede vocatos:
Nec justorum operum discernit facta, sed omneis
Sola ex immundis mundos facit: utque legentem
Lectus amet, non hoc studio, sed munere sumit.*

* * *

*Hæc si non vestris spirant de cordibus, & vos
Non cum damnatis eadem ratis extulit alto
Mergendos pelago, summittite vela tumoris,
Nobiscumque humiles placido consistite portu.
Edite constanter naturæ vulnera victa,
Exutam virtute animam, cacatæque cordis
Lumina, & in poenam propriam jaculis superatis
Armatum arbitrium nunquam consurgere posse:
Inque novos lapsus semper nitendo revolve.
Cui sua sit laqueus sapientia, morsque subactum
Detineat: nisi vera salus ex munere Christi
Adsit, & oppressam dignetur gratia mentem.
An vestrum sublimem animum pudet ista fateri,
Ne sub tam multis morbis sit vilior eger?
Cum nihil ex omni majorum dote super sit,*

Quo

Quo medici mereatur opem, & mercede valeat.
Ergo in castra gradum revocate hostilia, & illis
Addite vos, quorum ingenio & fallacibus armis
Luditis, ejusdem vibrantes spicula lingua.
Exultate bonis natura, & mentis honorem
Omnibus a seclis illapsum stare docere.
Nec vos in totum retegatis dogmate nudo,
Corporeo tantum decurrere tramite pœnam
Peccati perhibete animis nihil imminuentem:
Vulnere transfixos absoluite, crimine & ipsam
Fustitiam accusate Dei, transire sinentis
Supplicium, quo non vultis transire reatum.
Sed non injustus Deus est, manifestaque Pauli
Vox docet, uno omnes homines cecidisse ruente:
In quo tota simul series prostrata nepotum
Deperit, nec habet quisquam quo surgere possit
Ad vitam, sacro nisi rursus nascitur ortu.

* * * *

Vos igitur soli queruli, solique superbi:
Vos soli ingrati, quos urit gratia: cujus
Omne opus arbitrio vultis subsistere vestro:
Et quod non cuncti mortales aëria vita
Ingressiuntur, ita ex ipsis pendere putatis,
Ut tam ex judicio constet cujusque quod intrat,
Quam quod non intrat: seu par in utrunque facultas
Suppetat: ut tam sit proprium bona, quam mala velle.
I procul insana impietas, arteisque malignas
Aufer, & auctorem comitare exclusa Britannum:
Nos humiles, tennesque sumus, grex parvus, & altis
Inniti metuens: quia sufficientia nostra
Ex Christo est, si quid recti sapimus, volumusque,
Illis debemus, qui vincula nostra resolvit:

Proque

*Proque malis bona restituit: non inveniendo
Quod merito legeret, sed donans quo legeretur:*

* * * * *

*Si tamen hac propria virtute capessere quenquam
Possé putant, sive ut dignus labor iste juvari,
Ingenium meruisse ajunt bona vera petentis:
Crescere quo cupiunt, minuuntur: proficiendo,
Deficiunt: surgendo, cadunt: currendo recedunt.
Unde etenim varii frustra splendescere quarunt,
Inde obscurantur, quoniam sua, laudis amore,
Non quæ sunt Christi, quarunt: nec fit Deus illis
Principium: & capiti non dant in corpore regnum.
Non horum templo est Christus, petra, fundamentum
Sed super instabilem arbitrii nutantis arenam
Assurgunt, fœda lapsuri mole tumoris,
Isti, quem quidam reprobarunt adificantes,
Nunc etiam reprobant lapidem: pariesque sine ipso
Tertius esse volunt, quem nullo fœdere nectat
Angulus, & quem nulla habeat compago ligatum:
Hi thalamum ad sponsi non perduncuntur, & intrant
Libertate sua, quæ Christi gratia confert,
Non acceperunt, & habent: non attrahit illos
Vis patris ad verbum, sed sponte & præpete cursu
Preveniunt cessantis opem: nec ad omne gerendum
Ejus egent, sine quo sibi plurima posse videntur.
Quid prodest verbis commentum Pelagianum
Respuere? & sola damnatos plectere voce?
Cum paucis squalida sublati de cute nervis,
Intima viperei foveantur viscera sensus?*

* * * * *

*Et tamen in sanctos animum cum intendimus actus,
Cum desideriis carnis mens casta repugnat,*

Cum

*Cum tentatori non cedimus, & per acerbis
 Vexati pœnas, illaeso corde manemus,
 Libertate agimus: sed libertate redempta
 Cui Deus est rector, summoque ex lumine lumen,
 Vna, salus, virtus, sapientia: gratia Christi est,
 Qua currit, gaudet, tolerat, cavet, eligit, instat,
 Credit, sperat, amat, mundatur, justificatur:
 Si quid enim recti gerimus, Domino auxiliante
 Te gerimus: tu corda moves: tu vota petentis,
 Quæ dare vis, tribuis: servans largita, creansque
 De meritis merita, & cumulans tua dona coronis.
 Non autem hoc curam minui, studiumque resolvi
 Virtutum, aut opus ingenii torpore putandum est,
 Quod bona sanctorum tua sunt: & quidquid in illis
 Aut sanum, aut validum est, de te viget: ut videatur
 Nil actura hominis, te cuncta gerente, voluntas.
 Quæ sine te quid agit? nisi quo procul exulet a te:
 Precipiteis semper calles, & devia motu
 Ingressura suo: nisi fessam tu bone & agram
 Suscipias, referas, foveas, tuearis, honestes.
 Tunc fiet cursus velox, oculique videntes,
 Libera libertas, sapiens sapientia, justum
 Iudicium, & fortis virtus, & sana facultas.
 Huius opis semper pater indigeamus, ab ipsa
 Prodeat arbitrium nostrum, nihil, hac sine, sensus
 Corporei possunt, opus ut servile quiescat.
 Et sua dum in nobis agitur, non nostra voluntas,
 Legitima in sanctis ducamus sabbata festis.*

LIBER III.

DE

DOGMATIBUS
JANSENISMI.

PROLOGUS.



U T Doctrinam de Gratia Christi collapsam in sua Communionem vidit Jansenius ; sic praxin Religionis Christianæ defecissæ inter suos doluit. In id ergo omnes animi vires intendebat , ut eam ex suis principiis restitueret : & justissimæ ipsius ac sequacium , maxime adversus novos Casuistas , fuerunt querelæ. Sane damnato Romæ Jansenio fuere , qui læso admodum animo , quod sua pro Religione studia frustranea esse viderentur , fere in hæc voces erumperent. Omnis fere in questum abiit Religio , & ex quo in partes scissa est , non tam cultui Divino , quam studiis hominum atque libidini destinatam eam esse perperam videmus. Hinc immânia odia , turpissimæ contentiones , insanæ execrationum diræ , atrocissima bella , & quidquid noxii quis confingere valet , quo alteri parti ingeniosius detrahit suamque ornet , nunc pietatis

nomina esse adepta cernimus. Malis moribus quomodo occurratur, atque abusus è medio tolli, superstitiones deleri, ambitio & fastus excindi, amor, concordia, unitas inter Christianos reduci queant & stabiliri, nemo est, qui contendat, qui dispiciat, qui cogitet. Hæresin excitas, si his enixius incumbas.

Et hæc quidem labe longè conspectior frequentiorque apud illos apparet, qui summam authoritatem, sanctimoniam, Ecclesiæ gubernacula, præ reliquis jactant & sibi solis vendicant. Inter hos enim ingeniosa ambitio, luxus, licentia, excogitatissimæ cædes, libido, simonia & nefandus atheismus regnum tenuère. Ergo istis criminibus animus obtorpuìt, ut neque, si his medicina fieri possit, cogitatio, neque de propulsando communis rei Christianæ hostis admodum vicino impetu, serio atque constanter consilium ullum suscipiatur: Videlicet aliis eandem fidem, unius ejusdemque Salvatoris totius mundi meritum atque Sacramenta professis, ignominiam, paupertatem, novitatis studia, dissensiones, schismata, hæresin insolenter objectare, vitia peregrina censere, domestica, vel tegere vel elevare, insidiari conscientijs, simplices inanibus blanditijs, eos qui exactioris sunt judicii, affectatâ benevolentia, speciosis pollicitationibus, immunitatibus & multis ludicris rebus alijs in partes trahere: Homini uni, eique nec satis probo semper, nec ab ijs literis atque facultatibus, quibus par est Principem excellere, bene instructo cum summa potentia & im-

mensis

menſis bonorum temporalium poſſeſſionibus, in rebus quoque fidei omnem atque irrefragabilem plane authoritatem ſuperſtitioſè adſtruere, & ad eam aſſerendam divina humana jura cuncta, ſummarum Majeſtatum pacta & ſanctiſſimas regnorum imperiorumque conſtitutiones confundere, ſigillare atque everſum ire: De Eccleſia (quæ inter quaſtiones Vexatas non ita pridem locum reperit) ſubtilius diſputare, quam piè credere, & tandem hæc omnia non tam ex animo agere, quam ad oſtentationem, ambitum, libidinem ſuamque rem faciendam ſapiffimè iis abuti; Hæc demùm ſunt præclara illa facinora, quibus Dei gloria atque pietatis fama hodie quæritur. His qui cluent & in illis probè exercentur, ii tandem verè Catholici, Propugnatores fidei, Eccleſiæ Patres, Patroni & mox quoque Sancti audiunt, Atque adcò

Moribus hiſ unis *Res ſtat Romana* Viriſque.

Sic illi, ut immedicabilem ſuæ Eccleſiæ ſtatum deplorarent. Nec tum nova erat hæc illius facies; eandem ſane viderat Janſenius, viderant in Galliis Epifcopi, qui Abbati Sancyrano, Janſenii Amico, favebant, uti ex literis ipſorum ad Urbanum VIII. & Innocentium X. faciam manifeſtum. Atque inde poſtulata morum ac diſciplinæ correctio eſt, quando deformis iſtius vultûs & proſpectûs Jeſuitæ eſſent cauſæ ſua *Morali Theologia*, quæ naturæ corruptæ principia & pravos motus ſequebatur & fovebat. Qualis autem fuerit ipſorum Ethica,

qualisque Jansenii & Sancyrani, hoc Libro explicabimus. Utique mirabitur Lector Virorum consilia, studia & dogmata, eoque magis laudabit principia eorum de Natura & Gratia, quod intelliget ex illis Christianam aded praxin, quæ vulgaria Romanensium sacra, superstitiones & pravam disciplinam reprehendit, profluxisse. Sed & simul videbit, quam desperato in statu Romana Religio versetur, quando altis ad veram pœnitentiam Virorum, de Gratia & vera pietate sollicitorum, clamoribus, Præsules Jesuiticis dogmatis decepti, ac plane, ut fortius Reformatis obsisterent, surdi non attenderunt. O Roma, quæ sæpius medicata es, attamen non sanata, quanta tibi impendent judicia!



LIBRI III.

D E

CORNELII JANSENII
DOGMATIBUS,
CAPUT I.

Jure Vir Doctus aversatus est Scholasticorum, præsertim Jesuitarum, Ethicam, ex Pelagianis Principiis deductam.



Actenus Jansenii Dogmata Theoretica, de Libero Arbitrio & Gratia exposuimus; Nunc ad ipsius ETHICAM perveniamus, quæ ex sanioribus Augustini fontibus profluxit. Atque hic ante omnia observandus est Viri Docti aversus a Scholasticorum & JESUITARUM MORALI animus, quando ea ipsi videbatur non nisi antiquam Pelagianorum spirare. Igitur admodum illam suo Opere passim perstrinxit.

Atque ut certiùs obtineret scopum, principio *Augustini Tom. III. Lib. IV. c. 1. 8. & seqq.* observavit in eo Pelagianos aberrasse a vero, quod *Semina Virtutum Naturalium* extollerent nimium, & naturæ vires ad Deum cognoscendum atque amandum deprædicarent. Nempe solebant, ad

exemplum Pelagii, *Epistolâ ad Demetriadem prius uatura vim qualitatemque monstrare, & quid efficere posset ostendere.*

Natura-
lis Pela-
gianor.

Suadebant porrò naturalem sanctitatem, quæ velut in arce animi præsidens, exercebat boni & mali arbitrium. Quippe duce *Ratione satis agnoscebatur Creator, & quemadmodum vivendum esset, scriptum gerebatur in cordibus, non lege literæ, sed natura; non per legem, sed per rationem naturæ; opus enim cernebat in se Opificem.* Itaque scalas quasdam sibi machinabantur, quibus a naturæ bonitate, quæ non prorsus peccato deleta esset, tanquam primâ & initiali quadam Dei Gratiâ ad salvatricem Christi Gratiam, quisquis vellet, conscenderet.

Imitati-
eam
Schola-
stici.

Sic Pelagiani, quos imitados esse Scholasticos questus est Jansenius, quando *gradus tam concinnos* fingeant, quibus a Natura ad Gratiam, & quidem per merita de congruo pervenirent. *Ibidem Cap. xvi.*

Porrò, quum *Tom. II. Libro Proœmiali, Cap. vii.* observasset *duplicem modum penetrandi Mysteria Dei, Humanam Rationem & Charitatem*, & ostendisset illum periculosum esse & proprium Philosophis, conqueritur *Cap. viii.* Scholasticorum Disputationes non nisi rationis altercationibus constare, atque sterilescere vanis quæstionibus, neglectâ verâ charitate ac pietate. Egregia autem Viri verba sunt, & describenda, licet prolixiora sint, in Ecclesiæ Romanæ pudorem, & Jansenianæ Causæ justitiam. Sic ergò ille *pag. 22.*

Quærela
Jansenii.

„Consideret jam quisquis volet, utrum illæ
„puræ

„puræ Scholasticæ speculationes, quibus recen-
 „tior multorum Theologia plena est, dilectio-
 „nis istius heroicæ & ecstaticæ effectus aut causa
 „sint. Arbitror enim difficilè quemquam eo-
 „rum, qui in ea versati fuerint, si sciant quid
 „loquantur, aut de quibus affirmant, aliud sen-
 „tire aut dicere posse, nisi sub illa scientia, de
 „qua dicit Apostolus, *Scientia inflat*, hanc disci-
 „plinam, prout a multis tractatur, compre-
 „hensam esse, in qua eis quidlibet, quod non
 „sit expressè definitum, sustinere fas est, &
 „multa jam olim definita, per ignorantiam an-
 „tiquitatis, disputandique nimiam libertatem
 „sustinentur, in qua quotidie aliquod novæ quæ-
 „stionis & opinionis monstrum nascitur, tantâ-
 „que animositate defenditur, ut in calore dis-
 „putationis ad quælibet potius absurda, quam
 „ad ignorantiam aliquam, vel solutionis alicu-
 „jus dandæ imperitiam confitendam adigantur,
 „in qua unus alterum ejusdem sodalitiî socium
 „in eodem Gymnasio vellicat, censet, ac dan-
 „nat. Quæ omnia disciplinæ charitatis & Chri-
 „stianæ, quæ suavis ac modesta est adversan-
 „tur.

„Quod vero ex immoderata cupiditate my-
 „steria divina penetrandi, & sine ullo limite
 „perscrutandi, ista nascantur, manifesto indi-
 „cio est, quod quotidie sine fine, non minus
 „in praxi, quàm theoriâ, quæstiones Theolo-
 „gicæ, & opinionum dissensiones crescant. Un-
 „de factum est, ut quemadmodum in theori-
 „cis, limites rerum verè divinarum transcendendo,

„ non semel in chimericas abstractiones incide-
„ runt; ita in practicis, morales regulas agen-
„ dorum simplices relinquendo, quas simplex &
„ genuina ratio & antiqui Patres præscripserunt,
„ tam laxas fecere conscientias, sub prætextu
„ accommodandi sese infirmitatibus hominum,
„ ut nihil opus sit, nisi sceleratiores fidei homi-
„ nes, ut nova aliqua & licentiosa regula fabri-
„ cetur.

„ Nam in sæculo corruptissimo, quamvis non-
„ nulla peccata universa hominum commercia
„ fœdaverint, ad eas tamen angustias disputandi
„ libertate redacta sunt, ut non nisi in Meta-
„ physica quadam abstractione salva esse videan-
„ tur. Quis enim hoc tempore sit usurarius, si
„ omnes abstractiones, & intentiones a Schola-
„ sticis aliquibus excogitatas noverit, & adhibe-
„ re voluerit? Foro pulsa, vix in palæstris dis-
„ putantium adhuc vivit. Dies me deficeret, si
„ luculentissimos campos aperirem, quos con-
„ tractibus, matrimoniis, libidinibus, ambitio-
„ ni, singularibus certaminibus, aliisque non
„ paucis flagitiis & facinoribus quidam aperue-
„ runt.

„ In quæ præcipitia non abripiat mentes ter-
„ renarum rerum cupiditate stimulas illa cujus-
„ dam Recentioris regula, quâ decernit, quod
„ si cui ratio erronea dicat aliquid esse pecca-
„ tum, ex alia tamen parte vellet facere, licite
„ deponit istam conscientiam absque ullâ aliâ ra-
„ tione, etiamsi ex impetu vel libitu fiat? Jam
„ penè quidlibet fecit licitum regula de opinione
„ minùs

„minùs probabili sequenda etiam contra pro-
 „priam opinionem; quam veram putes. Jam enim
 „in tanta opinionum varietate, vix aliquid in mo-
 „ribus tam absurdum est, nisi Decalogum aper-
 „tè feriat, imò etsi feriat, quod non factum
 „sit probabile. Ut revera plerisque Christianis
 „scientia recentioris Theologiæ ad nihil penè
 „serviat, nisi ut sensa diversa diversorum suis
 „apta cupiditatibus noscendo & sequendo, de-
 „positâ Christianâ simplicitate versutiores, &
 „probitate nequiores fiant. Nam & eo impu-
 „dentia ex illa eadem norma quidam prosilie-
 „runt, ut cum Religione quidam ductus, non
 „auderet aliquid in alterius gratiam facere, quod
 „sciebat in principia morum impingere, & a
 „nullis auctoribus tanquam probabile assertum
 „esse, responderit ei Magister recenti Theolo-
 „gia expolitus: aude tantum, nos efficiemus
 „probabile. Ecce excessus, in quos illa licentia
 „indulgendi ratiocinationibus humanis & Phi-
 „losophiæ suæ, prorumpit, quando divinissima
 „mysteria imbecillium opinionum libidine &
 „proprii sensus aleâ ventilantur.

Hæc ibi Jansenius. Porro *de Statu Puræ Naturæ*
Lib. II. cap. II. habet haud minus memoranda.
 Dolet enim plerosque Christianos Scholasticos
 pejus de præcipuis Theologiæ Moralis Capituli-
 bus esse philosophatos, quando nonnulli Genti-
 lium solebant Philosophi. Et ratio erat præci-
 pua, quod *Minutiloquium Aristotelis* sequerentur.
 „Nempe is non nisi terrena erat scrutatus, nec
 „altius quidquam in virtute, nisi proprium ob-

jectum ejus, nec divinius quicquam in beati-
tudine, quam vel mundi naturam, vel quas-
dam intelligentias invenire potuit. Quibus (sic
pergit Jansenius) contemplandis & amandis, cum
neque purgandus esset, neque purgaretur ani-
mus, sed sordidus alia nova inquinacione sor-
desceret, nullum omnino superioris naturæ
adjutorium, vel ad virtutem, vel ad præmium
ejus beatitudinem necessarium arbitratus est,
sed hominem imbecillitatis propriæ ignarum,
docuit ad omne bonum lethaliter in sua vir-
tute confidere. Hoc est ipsissimum virus, quod
ab eo velut Magistro suo suxere Pelagiani,
dum Dei gratiam velut superfluam enecarunt:
Hæc est doctrina quam Scholastici moderari
voluerunt, dum duos homines in uno con-
diderunt, unum Philosophum, alterum Chri-
stianum: unum qui cum Pelagianis crederet,
speraret, diligeret ex natura; alterum qui ex
gratia; unum qui virtutem propter virtutem
coleret, alterum qui propter Deum: unum
qui gratiam respuendo superbissime sibi ipsi ad
bene vivere dum fideret; alterum suæ infirmi-
tatis conscium, qui adjutorio gratiæ Dei: u-
num qui quanto superbiorum tanto falsiorem
sibi ipse beatitudinem fabricaret, alterum qui
eam speraret ex Deo. Denique unum sui i-
psius adorantem, alterum sui conditoris.
Hæc mysteria ex illa pura putaque Peripateti-
ca Philosophia promanarunt. Quam quia Plato
cum sectatoribus suis longe diviniore doctri-
na, propter quam quidam Philosophorum
quasi

„quasi Deus appellari meruit, sensuumque ma-
 „jestate transgressus est; & illa humanæ virtu-
 „tis & felicitatis adulteria, quæ vel ex officio-
 „rum dilectione, vel creatæ cujuscunque na-
 „turæ contemplatione nascuntur, ignoravit aut
 „improbavit, hinc est quod tantopere de dile-
 „ctione & contemplatione Dei, de purgatione
 „animi tanto bono cernendo, fruendoque ne-
 „cessaria, de infirmitate quam sentiebant vi-
 „rium humanarum, de divinæ opitulationis ne-
 „cessitate satagerunt.

„Ex quo etiam factum esse cernimus, ut
 „quamdiu abjectior illa Aristotelis Philosophia
 „ab Ecclesiæ pulpitis exulavit, nihil de hujus-
 „modi dogmatibus vel etiam puræ naturæ le-
 „nociniis in Latinorum scriptis Cypriano, Am-
 „brobio, Augustino, Prospero, Fulgentio us-
 „que ad Scholasticorum sæculum audiat. Si-
 „mulatque vero sive per Pelagianos quos tan-
 „quam Simias Aristotelis, dicteriis amarioribus
 „Augustinus irridet, sive per sobolem eorum
 „Presbyteros Massilienses, quorum pestifer hali-
 „tus scriptis adhærescens ad posteros propaga-
 „tus est, sive multo magis per eos qui Aristo-
 „telem in Ecclesiæ scholis velut normam doctri-
 „næ naturalis sectandum esse statuerunt, mi-
 „nutiloquium rerum naturalium Christianis ad-
 „mirationi fuit, naturæ vires, virtus, beatitu-
 „do, quas a Philosophis humani lapsus & con-
 „ditoris & beatioris ignaris velut omnino natu-
 „ralia illæsaque prædicari audiebant, commen-
 „dari cœperunt. Et quia meminerant se esse
 „Chri-

„Christianos, hominem supernaturalem & naturalalem, velut Arcam cum Dagon in una æde collocarunt, pulcherrimam compendiosissimamque methodum se reperisse rati ne Redemptoris gratia læderetur.

„Quicquid enim de divina gratia in Scripturis prædicari sentiunt, hoc homini illi supernaturali applicant: Quicquid in Philosophis de viribus voluntatis, de virtutibus Philosophorum, de beatitudine naturæ potestate comparanda naturali. Et quod deterius est, dogmata nonnulla filum Philosophiæ sectando Philosophorum Peripateticorum adjecerunt fundamentis, quæ tamen ab illis non didicerant, quæque canities Ecclesiæ vetustioris exhorruerat. Cum enim ex Christiana doctrina Platonici consentiente didicissent, nulla rerum creaturarum dilectione vel fruitione, beatam esse posse creaturam, Deum quoque finem hominis naturalem esse, puræque naturæ viribus & adipiscendum diligere, & fruedum pia contemplatione cerni posse docuerunt. Ita totus ille puræ naturæ status a Philosophis trepidante licet assensione adumbratus, ut qui sæpe de naturæ tanquam immitis novercæ severitate conquesti sunt, a Scholasticis omnibus suis numeris absolutus fuit, & ne quicquam vel silentibus de illo antiquis Patribus, vel per pleraque doctrinæ suæ principia condemnantibus magna contentione defensus.

Egregiè hæc in Jesuitas Gregalesque Scholasticos

sticos Jansenius. Naturalia enim ipsorum dogmata producere apta nata erant istiusmodi Ethicam, quæ non nisi Aristotelis Philosophiam imitabatur, quod apertum foret, *si quis extremum Caput primi & septimum Ethicorum aliaque ejus scripta legerit, in quibus de Natura motuum internorum sensuum differit*, annotante iterum Jansenio, *de Statu Puræ Naturæ, Lib. II. c. XI.*

CAPUT II.

Jansenianæ Ethicæ sublimioris ex Augustiniana principia, seu bases.

Igitur Vir Eximius longè sublimiorem ETHICAM docuit ex Augustinianis principiis; imò adhuc meliorem dedisset, si Gratiæ efficaciter convertenti peccatorem, Gratiā Justificantem per unicam Christi Justitiā, fide receptam, addidisset. Operis scopus postulabit illam, collectis in summam, quæ per universum opus diffudit, explicare.

Jansenii
Ethica
melior.

Nempe in eo totus est, ut ex principiis *de Origine Boni & Mali*, seu de Corruptione Naturæ Lapsæ per ignorantiam & concupiscentiam, & de oppositâ Gratiâ, qua amor Dei peccatori inspiratur, rationem peccati & veræ virtutis exponeret. Utriusque enim inscitia errorum in Ethicis ipsi omnium causa erat.

Summa.

Unde sic ille: Summum Bonum est solus Deus; omne Bonum in creatis est a Deo, præsertim in peccatore restituto; non est aliquod Bo-

Bo-

Bonum nisi tendat ad Deum, qui est finis Boni. Ergò omne opus bonum debet deduci ex Deo ejusque Gratia, quâ in peccatore bona operandi principia producuntur, debetque rursus tendere in Deum, id est, ad ipsius gloriam. Quare amor Dei summa virtus est, neque esse queat aliquod bonum opus, quod non ex illo amore processerit: contra non potest non illa actio esse peccatum, in qua Dei amor deficit, aut quæ isti virtuti adversatur. Deficit autem per amorem creaturæ inordinatum, id est, per concupiscentiam & ἀυλοφιλίαν, quibus animus a Deo authore & fine omnis Boni avertitur.

Ut verò Deus amari quiret, opus erat fide, quâ Deus rectè cognoscitur, intentio animi in debitum finem rectè dirigitur, & auxilium ad bene operandum ex amore, ab ipso Deo petitur & impetratur. Quæ omnia fusè *Jansenius Oper. Tom. II. Libro IV. de Statu Nat. Lapsæ* præsertim cap. 14. 5.

Unde jam oriebatur Ethica, cujus quoad *Peccatum* & *Virtutem* solidæ sunt bases, quas variis articulis ex magno Opere non indiligenter collegimus & complexi sumus.

Articuli
de Nat.
Peccati.

Et quidem *Primum* quoad PECCATUM docet Jansenius

1. Ignorantiam boni vel juris, ex quo omnis ad bonum obligatio est, peccati esse pœnam: atque adeò istam ignorantiam, utcumque sit necessitatis & non voluntatis, id est, invincibilis, peccatorem haud excusare a peccato. *De Statu Nat. Lapsæ Lib. II. c. 2. & seqq.*

II. Id apparere in iis, qui iusto Dei iudicio sunt occæcati, nec tamen a peccatis excusari aut absolvi possunt. *Ibidem Cap. vi.*

III. Inde sequi, dari impotentiam ad bonum, nec illam peccatorem excusare a culpa, maximè, cum sit iusta peccati pœna, & iusta a Iudice Deo retributio. *Ibidem in fine.*

IV. Concupiscentiæ motûs vere peccata esse, cum a Deo avertant, ex iis fluant omnia flagitia & mala facinora, atque illis consentire nulloatenus liceat. *Ibid. Cap. vii. viii. ix.*

V. Concupiscentiam ignorantiae connexam esse amorem sui & rei creatæ inordinatum, contra æternam Dei legem. *Ibid. Cap. xii.*

VI. Omne peccatum esse concupiscentiam voluntatis, deficientis ab incommutabili Bono, Deo, ad commutabile bonum, quod est in creaturis. *Ibid. Lib. i. cap. iiii.*

VII. Hinc omne peccatum consistit in fruitione utendorum & in usu fruendorum, id est, in deordinatione amoris per concupiscentiam. *Lib. ii. cap. xvi.*

VIII. Talem esse peccati naturam, ut omne factum, si rectè non fiat, etiam verè peccatum dici mereatur, licet habeat speciem virtutis. *Ibid. Lib. iv. cap. iiii. viii.*

Atque illæ sunt de Natura Peccati Hypotheses. Jam verò, ut de VIRTUTIBUS fiat iudicium, hæc ex Augustino ponit noster Jansenius principia.

I. Veras Virtutes, quum non nisi ex recto amore procedant, in ordinato istius amoris exercitio consistere. Est enim amor omnium affectuum.

De Nat.
Virtu-
tum.

etuum cardo, animæque pondus, quô fertur quocunque fertur, quique amantem cum amato copulat, imò amato subdit & reddit inferiorem.

II. Cum duæ sint amoris filix, *Desiderium* & *Delectatio*, hinc omnem Virtutem esse spectandam in legitimo animæ desiderio & delectatione per legitimum amorem.

III. Amore violato omnes affectus & actus corrumpi; at eò rectè se habente, omnia vicissim rectè se habere in rationali creatura.

IV. Ordinem amoris hunc esse, ut rectè observetur ratio finium & mediorum ad finem; id est amorem legitimè procedere, quando utitur modò utendis, & fruitur fruendis.

V. Hinc Deum, qui est summus finis, summè amari debere, & absque amore ejus, nullam esse Virtutem.

VI. Creaturas posse amari, sed uti media ad finem, id est, quatenus ad Deum referuntur. Non enim licet illis frui, sed uti; aliàs omnis amor creaturæ peccatum est propriè dictum.

VII. Omnem amorem sui esse concupiscentiæ crimen, quo peccatur abusu sui & creaturæ, neglectò summò fine Deo; atque hinc amorem sui esse Reginam omnium vitiorum.

VIII. Verum amorem illiusque ordinem, uti æterna lege tendit ad Deum ceu finem summum, esse quærendum Divinâ Gratiâ, quæ est non nisi inspiratio Divini amoris.

Quæ omnia Vir Egregius ex Hipponensis doctrina, *Augustini sui Tom. II. de Statu Nat. Lapſæ, Lib. III. c. XII. & seqq. & Lib. III. c. XV. & seqq.* fusè explicuit & disseruit.

CAPUT III.

Jansenii Ethica inde deducta.

JAm verò ex hisce hypothesibus, simul consideratis de Gratia articulis, sequebantur hæc dogmata, quæ sublimiorem Viri Ethicam constituebant. Ethica
ex prin-
cipiis de-
ducta.

I. Homo in statu peccati non potest habere veras virtutes, quando non ex recto ordine amoris operatur, quidquid agit, sed ex amore sui & creaturarum, destitutus istâ gratiâ, quâ amor Dei verus in corda effunditur. Hæc fusè *locis citatis.*

II. Amor Dei summus est Religionis cultus, & soli Deo debetur; ut quidem non patiatur, absque vitio, ullum rivulum extra se deduci, cujus derivatione decrescat. *Tom. III. de Grat. Christi, Lib. v. c. 5. 9. 30.*

III. Amor Dei is demum castus est, quando nihil nisi ob Deum amatur, & Deus non nisi ob se ipsum, qui est solus summum bonum & finis omnis Boni. *Ibidem. & Tom. II. de Stat. Nat. Lapsæ Lib. IV. 12. 13. 14.*

IV. Omnes virtutes sunt nisi affectus dilectionis Dei, quia virtus in amore finis ultimi sita est. *De Nat. Lapsæ Lib. IV. c. 15.*

V. Igitur amor conspectæ veritatis ac justitiæ quatenus discernere bonum facit a malo, itemque quid bono suo dilecto congruat & non congruat, prudentia est; idem quatenus inhærendo veritati animum a terrenis voluptatibus co-

erect, Temperantia est; quatenus fortiter adhæret veritati, ne qua adversitate avellatur, Fortitudo dicitur; quatenus se ipsum & creaturas sub Deo amato collocat, Justitia nuncupanda est.
De Grat. Chr. Lib. v. cap. iv. v.

vi. Hinc veræ virtutis est vel ipsam virtutem amare, non nisi ex amore Dei, qui solus est finis omnis boni: adeoque peccarunt Gentes amando, ut videbantur, virtutem ob se ipsam, sed cum defectu veri finis. *De Statu Nat. Lapsæ Lib. iv. c. x.*

vii. Hinc porro sequitur, verum Dei amorem esse, ipsum omninò gratis diligere. *Ibid. Cap. vii. ix. x. xii.*

viii. Imò concupiscere Deum esse amorem vitiosum; quia ille, qui aliquid concupiscit, sive utendum sive fruendum, hoc ultimò ad se ipsum refert. *Tom. ii. de Statu Puræ Naturæ. Lib. i. c. ii.*

ix. Ad omnem veram virtutem requiritur fides, quia debet finem boni ostendere, & pro impetrando amore Dei auxilium a gratiâ impetrare. *De Statu Nat. Lapsæ Lib. iv. c. 15.*

x. Hinc spes Christiana oriri non debet ex amore concupiscentiæ, sed genuina dilectione, qua Deus amatur ob se ipsum. *Ibid. Cap. ix.*

xi. Amori tamen gratis diligenti Deum non repugnat respectus mercedis aut retributionis, quatenus charitatis proprium est & unica voluptas diligere Deum, non quia hoc sibi suave, vel utile, vel gloriosum, vel id alia quacunque ratione redundat in se; sed quia hic est ordo creaturæ sub Creatore, qui suâ superexcellenti boni-

bonitate & veritate dignus est, ut propter se ipsum & super omnia ardentissimè ametur, ut unicum fiat præmium veritatem & bonitatem Dei facie ad faciem contemplando ardentius amare & laudare Deum. Nempe Deus sanctus & beatus vult sanctitudinem & beatitudinem suam conjungi in iis, qui ipsum amant. *Ibid. Cap. x.*

XII. Igitur quodcunque est meritum in virtute ac bono opere, illud ex eo provenit, quòd illa sint a Dei Gratia producta in homine. *De Statu Nat. Laps. Lib. IV. c. 15.* Nempe Deus coronat non nisi opus suum.

XIII. Ex vero hoc Dei amore oritur, quòd aliquod bonum opus fieri possit, *sicut oportet.* Fit autem illud sicut oportet, ut loquuntur post Augustinum Veteres, quando profluit ex amore & delectatione Dei & Justitiæ, id est, Dei, qui non instar Idoli in corde est collocandus & amandus, sed tanquam ipsa justitia, æquitas, veritas & sapientia. *Cap. xi. & de Stat. Nat. Para Lib. I. c. 6.*

XIV. Neque adeò esse potest bonum opus, quod ex *Timore Pænæ*, i. e. aut aliqua terrena & carnali cupiditate vel concupiscentiâ proficiscitur. *Ibidem.*

XV. Timor tamen pænæ vel gehennæ licitus, bonus & utilis est, quatenus est fuga mali ex amore Boni, cui istud malum opponitur. Nec bene malum odio haberi aut fugi potest, nisi quia bono adversatur. Castus timor venit ex casto Dei amore. *Ibid. Cap. xiii. xiv. pag. 543. 544.*

XVI. Timor pænæ vel gehennæ, ex concu-

piscentia vel amore creaturæ aut sui ortus, ejicitur per verum Dei amorem. *Ibidem* Cap. xxii. & seq.

xvii. Etenim iste Timor nec bonus est, nec ex propriè & strictè dicta Christi Gratia nascitur, sed ex naturæ viribus profluit. *Ibidem* Cap. xxii. & xxiii. xxvi. xxxi.

xviii. Hinc ex puro Timore pœnæ non potest ita fugi peccatum, ut in nullum aliunde peccatum incurratur; quia qui nudo timore pœnæ peccatum fugit, invitus & animo repugnante illud fugit; neque aded fugit peccatum, quam quid aliud. *Ibid.* Cap. xxvii. & xxix.

xix. Neque Timor iste animum peccatoris malum mutat, sed solus Dei amor & Justitiæ. Quin ille inimicus justitiæ est, qui non peccat, nisi pœnæ timore. *Ibid.* Cap. xxx.

xx. Repugnat Augustino & veritati doctrina Scholasticorum, qua docetur, dolorem peccati propter gehennæ metum, seu attritionem, excludere posse omnem peccandi voluntatem, & continere propositum bonæ vitæ, itemque esse dispositionem sufficientem ad justificationem cum Sacramento obtinendam. Cap. xxxiii.

En, Lector, præcipua Jansenianæ Ethicæ fundamenta & dogmata. Nec diffitendum est, Virum de istis ex Augustino accuratè & facundè differuisse, tanta vi veritatis, ut animus Dei amore imbutus delectari lectione debeat. Quam verò hæc opponuntur communi Jesuitarum dogmati de Amore Dei, quem quasi exulèm a vera pietate & Religione faciunt, cœu altâ voce de in-

conquesti sunt Jansenitæ , uti videre est in *Mon-
taltii Epistolis & Libro La Morale des Jesuites Part. II.
Lib. II. cap. II.* ? Quam adversa sunt vulgari in
Communione Romana doctrinæ de bonis operi-
bus, meritis , pœnitentia , pœnisque obeundis
in hac vita vel in purgatorio ? Neque enim o-
mnia explicare ausus est Jansenius , quæ sensit
istis in principiis contineri. Etiam aliqua Abbati
Sancyrano & Discipulis præstanda reliquit.

C A P U T IV.

*Abbatis Sancyrani quædam Dogmata , pa-
ria Jansenianis , de Morali Theologia ,
ex iisdem fundamentis de Gratia
efficaci deducta.*

NEque enim solus ista Jansenius , verùm Ethica
Sancy-
rani. etiam paria & eadem J. Vergerius, Abbas
Sancyranus , quocum de mutanda Scho-
lasticorum Theologia & Doctrina Morali suæ
Ecclesiæ consilia agebat , uti ante de ipsius Vita
differentes observavimus. Ergò operæ pretium
erit istius Abbatis dogmata exhibere , ut inde
Jansenismo amplior lux affundatur.

Scripsit ille libellum , sæpius recusum , hoc
titulo *Theologie Familere , ou Instruction de ce , que
le Chrestien doit croire & faire en ceste vie pour estre
sauvé* , qui admodum Eruditis & Piiis in Gallia
placuit : at invisus erat Monachis , & plurimum
Jesuitis , quorum Scholasticæ Theologiæ & Do-
ctrinæ Morali erat oppositus , hinc a non uno

Papa prohibendus. Mihi autem nunquam videre licuit. Suffecerit interim scopo ex *Vergerii Epistolis*, quæ Episcopis Gallicanis ab Arnaldo Andillæo dedicatæ, impressæque cum Regis Privilegio post Viri fata A. XLVIII. ad manum sunt, nonnulla descripsisse, ut Lectori in hoc argumento satisfiat.

Basis ergo Pieratis Sancyranæ in doctrina de efficaci Gratia ponitur, & sunt ibi eximia, quæ de Gratia Conversionis Vir Egregius docuit.

Theses
de Gra-
tia.

Sic enim habet Epist. i. pag. 14. *Deus principalis Dux animarum est, quæ sese ipsi tradunt. Ille eas in portum vehit in vitis tempestatibus. Nam ducit intus, & per secretos motus, quos ipse in cordibus format, non tantum per externum verbum &c.* Epist. xxx. p. 209. *Nos sumus pulvis & cinis, & si quid amplius, id sumus non nisi per infinitam misericordiam, per quam nos distinxit Deus ab innumeris hominibus, qui in peccato manent, & destituuntur gratia, quam in nobis respicit, ut suum unicum donum, & quod non nisi ab ipso dari potest.* Epist. LXXIII. p. 507. *Corda hominum nequeunt calefieri nisi ab illo, qui est Pater Spirituum, animarum, cordium, omniumque bonorum moruum, qui inde profluunt. Omnes enim alii, ut ut boni videantur exterius, falsi sunt interius & Deo ingrati, qui nihil amant nobis, nisi dona sua gratiæ, qua est vita anima nostræ ac vita nostra vite, sine quâ sumus mortui coram Deo, licet coram hominibus vivamus.* Epist. LXXIV. *Vita Christiana tam est excelsa & gloriosa, ut non possit nisi opera divina producere, quorum cor, spiritus, manus formatrix est Deus est & J. Christus, qui non minus participat de*
amo-

amoribus nostris, quam nos ipsi. Quod sese diffundit quoque ad nostros sermones; nullus eorum bene ordinatus est & dignus ut Christianus appelletur, si ille, qui loquitur, non eum a Christo receperit, qui utitur nostra lingua ut sua, & inspirat verba &c. Et post aliqua, veritates, amores, pœnitentia, prophetia, & omnia gratia opera, quæ sunt quasi miracula visibilia aut invisibilia, non sunt nostra, ut non possimus nobis aliquid tribuere sine mendaciõ, sed dicendum est cum veritate, quando ea fecimus, quod ipsi non simus. Sic docet loqui Filius Dei in Evangelio. Tom: II. Epist. XXIII. Licet videatur, quod præcantes præveniamus divinos motus, idmen in veritate, jam Deus ipse nos prævenit, nos excitando infusione secreta sui amoris ex somno, in quo eramus, quique desisset in mortem, si nos dormientes reliquisset. Epist. XXXII. Si anima per fidem certa non sit, quod Deus, qui initium operatus est conversionis, debeat operari progressum usque ad vitæ finem, perderet spem in suo statu consistendi, & se defendendi ab hostibus, qui plures & animosiores facti sunt post conversionem. Epist. LII. Soleo dicere Deo, quod homo beatissimus sit, dum est instrumentum minimorum bonorum operum, quæ omnia sunt dona & operationes S. Spiritus, qui possidet nostrum cor, nostram animam, nostram linguam, ut moveat, facere id faciat, quod ipsi placet, & eo, quod placet, modo. Accuratè & doctè hæc omnia Vir Egregius, dignaque sunt, quæ enotarentur, ut ipsius animus & contra Jesuitas pro Gratiâ studium innotesceret. An ipsè quid Calvinus noster potuit pro Gratia dicere fortius & efficacius?

Articuli
Theol.
Moralis
inde
hausti.

Jam verò ex istis fundamentis varia sequebantur dogmata, quæ ubique per ipsius literas sparsa invenias; nos illa brevitatis ergò ad hosce articulos revocemus.

I. Vera Religio sita est in cognitione Dei & Veritatum Evangelicarum, atque inde amore ac pietate Dei, absque quibus nulla est Religio, quæ tendere debet in Deum. *Epist. Tom. I. p. 227. 253. & Tom. II. p. 247.*

II. Quandoquidem omnia debent ferri in Deum ex ordine Gratiae & Naturæ, Religio, Pietas & Charitas debet esse amor Dei & adoratio solius Dei, quâ ipsi animas nostras ad salutem committimus & tradimus. *Tom. II. pag. 473.*

III. Hinc Religio maximè interna est, & in privatis ædibus exercenda, docente Servatore, quod præstantia Religionis sita sit in honore & adoratione Dei in spiritu & veritate. Quare principales ejus Ecclesiæ non sunt templa ex lapidibus & marmore constructa, aut ornata tapetis & picturis magnificis. *Tom. II. pag. 594.*

IV. Quin hoc consilio Deus Templum Jerusalem destruxit, nec voluit ut tribus sæculis foret toto Orbe Templum ad sui cultum; quod vellet nostras animas & nostra corpora esse non tantùm ecclesias & templa, sed etiam cœlos & viva regna, in quibus imperaret. *Tom. II. pag. 595.*

V. Religio & vita Christiana nihil est nisi continua inspiratio amoris per Spiritum S. & invocatio efficacis Gratiae, ad illa præstanda, quæ debemus. Unde Christiani est dare Deo quid-
quid

quid est, quidquid non est, & quidquid sperat aliquando fieri per Gratiam. *Tom. II. p. 393. & Tom. I. p. 129.*

VI. Vita Christiana a Conversione incipit, quæ nunquam sincera est, nisi Deus cor turbaverit & amore suo imbuerit, ut amor sui & creaturarum expelleretur. *Tom. II. Epist. XXXII. pag. 344. 349.*

VII. Uti in Natura, ita etiam in Gratia falsi & imaginarii sunt multi conceptus: illi autem bene a veris distingui debent, uti falsa a veris gaudia. Discretio autem ista non fit proprio lumine, sed Dei, qui corda novit, & discretionem facere docet abundanti Gratiâ. *Ibid. p. 353.*

VIII. Initium Conversionis ordinariò fit per confusiones & tremores; unde anima fit mansueta, rationalis, composita ad Dei Majestatem & peccati vilitatem rectè considerandam, atque prompta ad omnia præstanda, & credenda quæ jubet & revelat Deus. *Ibid. p. 363.*

IX. Sincera animi conversio maximè fit verbo Evangelii, quando quidam illius aliquis locus fortius ferit animam. Est enim solum Gratiæ semen. Hæc Apostolica via est. Porro anima, quæ per verbum & gratiam est conversa, nullos sermones agnoscit nisi de gratia & vita, nec nutritur nisi veritatibus Evangelii, quod vivum est verbum, dum omne aliud, qualecunque sit, est mortuum. *Ibid. pag. 366. 367. 368.*

X. Religionis Christianæ pars eximia etiam est Fides, quæ est principium omnium dissertationum de Gratia, nec amat erudita ratiocinia,

quod quadam simplicitate eò accedat, ubi Deus suas veritates revelat. Imò fides est everfio mundanæ rationis, & plurimi, qui audiunt sapientes in hoc mundo, habentur uti stulti in cœlis. Atque adeò vivendum est per fidem, quæ nos intelligere facit veritates Christianismi & discernere eas a mendaciis, qualia sunt omnia mundi judicia. *Tom. I. pag. 122. 130.*

XI. Debet anima hac fide gaudere in Deo ex consideratione Gratiæ, quam experitur in corde, & quæ omnia mundi beneficia longè superat. Imò Christiani officium est, ut, dum se ipsum scrutatur, perveniat ad æternum electionis consilium, atque adeò cum vera animi lætitiis ambulare queat inter spinas mundi, certus se a Deo electum ante omnia sæcula, quò ad ipsum pertineret atque cum ipso habitaret in omnia sæcula. *Ibid. Tom. II. p. 380. & 119.*

XII. Ex fide oritur Spes Christiana, cujus fundamentum & nutrimentum est Gratia, quæ uti initium est conversionis, sic etiam operari debet in fidelibus vitæ spiritualis progressum ad finem usque. Sic enim roboratur Christianus contra hostes spirituales, qui plurimi inde a conversione. *Tom. II. Epist. xxxii. cap. x. & XIII.*

XIII. Spes ista est veluti anchora animæ, necessaria quam maxime in spiritualibus tenebris & siccitatibus animæ, ex eo ortis, quod Sol Justitiæ non semper illi suam lucem & calorem communicet: quandoquidem Deus sub ista dispensatione Gratiæ etiam promovet incrementum vitæ spiritualis, quod in progressu dein a-

nimæ

nimæ fit manifestum. *Tom. 1. Epist. XLII. pag. 287.*

XIV. Religionis quoque hujus exercitium primarium animæ est Humilitas; qua quis se ipsum agnoscit inquinatum peccato & corruptione propria, & admiratur Gratiâ, qua servatus est a tantis peccatis, ad quæ sentit in corde impetus & motus, æque ac pessimi, qui illa committunt. Nec ista humilitas in animâ innocentissimâ permittit ipsam credere, quod a flagitiosis peccatoribus differat, quandoquidem invenit in se ipsâ eisdem peccandi motus, & videt quod in labendi periculo non nisi invisibilis Dei manus sit, qui impediât, ne cadat, cuique aded gratiæ sunt agenda. *Tom. 1. pag. 173.*

XV. Ad humilitatem est summe aliquando necessarium, uti in tentationibus, sic instanti morte, facere ut in Deo moriantur peccata & virtutes. Nam memoria harum & illorum potest esse ex æquo periculosa, & dare Diabolo tentationis materiam. *Tom. 11. Epist. XLII. p. 228.*

XVI. Ex istis principiis de amore Dei etiam sequitur necessario Deum magis amari velle quam timeri; vanus autem est in multis timor Dei sine amore; sed nullus Deum amat vere qui non recte etiam timeat, promptus potius mori, quam Deum offendere. *Tom. 1. p. 83.*

XVII. Porro actus Religionis proprii soli Deo subsunt, quia oriuntur ex Gratiâ cor hominis flectente & dirigente. Solus enim Deus est animæ Dominus, & sibi reservat singulare imperium super Christianos, qui electi sunt, & in quos nulla

nulla potestas Angelorum, Dæmonum & Principum terræ aliquid valere potest. Imò verò ipsi Christiani hinc Reges sunt, de quibus dici possit, cor Regis est in manu Jehovæ, & ibi facit, quicquid vult, per operationes suæ Gratiæ; quemadmodum illud ipsum formavit suâ propriâ manu: maxime quia Christiani sunt addèd cum Christo uniti, atque hinc sunt facti cum ipso unus spiritus, unum corpus, unum cor, una voluntas, & unum regnum. *Tom. II. pag. 118.*

XVIII. Preces quam maximè sunt necessariae ad istius Religionis Christianæ exercitium. Sunt enim catenæ motuum Divini amoris erga nos, & nostri ergà Deum. Earum corruptio catenam salutis solvit, facitque, ut amor Dei in nobis dormiat, usque dum Deus eum excitet gravissimo præventu, qui non ex nobis est. *Tom. II. Epist. XXI.*

XIX. In precibus præcipuè petendum est, ut Deus aboleat quidquid occulti est affectus in nobis adversus lumen Gratiæ, ut sincerè & rectè institutur vita; eoque necessum erit detegere quidquid intus in corde agitur. *Tom. II. Epist. XXXII. p. 359. 360.*

XX. Per preces debet Christianus continuos influxus Divinæ Gratiæ expetere. Est enim tota vita Christianorum militia spiritualis, & gratia prima habet catenas gratiarum subsequentium sibi connexas, quibus anima ad Deum elevatur. Per hasce preces ergò postulandæ novæ quotidie Divini amoris inspirationes. Certe vita
Chri-

Christiana non est nisi continua istius amoris inspiratio, & invocatio prævenientis & efficacis Gratiae. *Ibid.* xxii pag. 390. 391. 392. 393.

xxi. Optimæ sunt preces ac fidelibus præprimis commendandæ. O Domine, Deus mi & Servator, Tibi placuit electos ab omni aternitate eligere, quando in iis non nisi crimina videres: Tu mortuus es pro illis in tempore, quando in iis necdum nisi crimina invenires: Tu eos convertisti ad Te, postquam creasses, quando in iis nisi crimina invenires: Fac mihi hanc gratiam, ut in eo, quo sum, statu meas cogitationes & voluntatem confirmes, quas habeo, ut Tibi omni mea vita serviam, per infusionem Trini Tui amoris, qui effectus sit Trina Tua Gratia, quam electis tuis demonstrasti. Imò, Domine, ego nihil sum coram Te, & Tu omnia es in oculis meis: adhuc me sentio uti aliquod NIHIL, postquam egressus sum ex duplici nibilo, i. e. Natura & Peccati, per tuam misericordiam. Utrique istud utrumque Nihil perpetuò in me gesto per continuos lapsus ac defectus, quos sentio. Te video, uti Oceanum; qualis es per esse tuum Infinitum, & causa omnis Entis, seu Natura, seu Gratia; non Oceanum mobilem & cessantem, sed immobilem & permanentem. Omnibus sæculis aternis tuas aquas pro libitu effundis, & retrahis, facisque fluxus & refluxus earum ineffabiles sentiri in animabus, quas amas per Sp. S. Nec est ventus, qui spirat tuo in infinito Mari, quam iste Spiritus Divinus. Video ut aquæ, quæ in terris fluunt paulatimque cessant, in canalibus corrumpantur: hinc metuo, quod si anima mea retineat vel momento gratias tuas, nec remittat ad suos fontes, periculum, ne illa in mea anima corruptionem
con-

contrahant. Interim agnosco, mi Deus, tam difficile esse gratiam tuam ad Te reducere, id est, ad scaturiginem, humili gratiarum actione, quam eam acquirere per pias preces. Reductiones gratie ad fontem, sunt maxima gratia. Itaque precor hanc gratiam, quæ alias continet, ut tua gratia non in me subsistat: ut non descendat in me, nisi rursus ascendat ad Te: ut tamen non ascendat, nisi iterum ad me descendat, ut æternum eâ respergar. Tom. II. Epist. I. cap. XXI. pag. 119. & Tom. I. Epist. LXXIV. pag. 520.

XXII. Convenienter hisce precibus decet fideles hæc erga Deum gratiarum actio. *Tibi reddo, ô Deus mi, quidquid a Te accepi. Quid enim est tua in presentia perfectissima creatura in cælo & in terra, nisi quid vacuum, quod a Te & per Te impleri potest, sicut aër qui castus lumine & caliginosus impletur lumine Solis? Fac, Domine, ne ullo unquam tempore tuas gratias mihi adscribam, non magis quam aër sibi adscribit lumen Solis, qui quotidie recedit, ut crastina die aëri istud reddat, quia nihil in eo est, quod Solem retineat aut illi resistat. Da mihi hanc facultatem tuam recipiendi gratiam, eamque, imo tua bona opera tibi reddendi, quandoquidem agnosco, quod sint fructus, qui non sunt ex hac terra nati; sed eorum radix non in me est, sed in Te, ô Deus meus. Tom. I. Epist. LXXIV. p. 527.*

XXIII. Eo usque debet tendere nostra pietas, ut bona opera, quæ fecimus, quadam in solitudine per contemplationem Dei, uti causæ & ultimi finis, quasi moriantur. Etenim hæc salutaris mors vera vita est animæ, ipsorumque bonorum operum: aliàs miserè morimur, quando in nobis

manemus, & opera bona moriuntur nobiscum; nisi ad Deum tendant. Nec ea vivere possunt nisi per amorem Dei, qui ea producit, format & conservat. Unde bona opera ultimam accipiunt perfectionem, quando per amorem & veram gratitudinem in Deo, quasi moriuntur & perduntur: perduntur autem, quando per hanc mysticam & spiritualem mortem amittunt quidquid habuere terreni & imperfecti, fiuntque digna Deo, secutura animam in beatam æternitatem. *Ibidem pag. 521. & seqq.*

xxiv. Religionis uti fidei principium est Dei Verbum, quod legi debet a fidelibus, & habendum crebra meditatione, uti primarius animæ cibus; quin illius lectio eximia & necessaria ad Sacramenti usum præparatio est. *Tom. I. pag. 6. 217. 223. 325.*

xxv. Sacræ Scripturæ summa est efficacia post scriptorum fata, quia semel a Spiritu Dei est profecta; adeo ut communicet suam virtutem illis, qui eam intelligunt, aut legunt uti decet, atque etiam aliquando illis, qui non legunt, aut audiunt, ceu oportet. Imò prærogativa Verbi Dei est supra corpus Filii Dei, eò quòd mortuos vivificet, & peccatores maximos sanctificet, *Tom. II. pag. 193.*

CAPUT V.

*Nonnulla Sancyrani dogmata de Usu
Eucharistiæ & Pœnitentia.*

ATque hæc Abbatis Sancyrani Religio & Pietas erat, quam ex principiis de efficaci Gratia

Thema-
ta San-
cyrani

tia

de Sacra-
menti
Euchari-
stici usu
& Pœni-
tentia.

tia suis commendabat. Addamus, quæ inde de recto Eucharistiæ usu & exercitio Pœnitentiæ sequebantur Themata.

Et quidem I. requirit Vir Eximius ad cibi Eucharistici participium, ut animâ isthac gratia medicinali sana foret. Sanitas autem ista in firmo animi proposito de vita Christianè, & cum abrenuntiatione mundi, instituenda in arcta ad cœlum semita, absque qua nulla salus juxta Euangelium, erat manifesta. *Tom. I. pag. 215. Epist. XXXII.*

II. Vita porrò hæc Christiana, quâ ad Deum tenditur, excludebat omnem peccati, etiam minimi peccati venialis cupiditatem, quod etiam impedire Eucharistiæ communionem sæpe possit animæ, quæ aliàs pia & proba est. *Ibid. p. 216.*

III. Christianus qui rectè instituit vitam, debet frequentem habere Eucharistiæ usum, maximè in tentationibus, quibus necessum est crucem Christi ad victoriam de peccato & mundo opponi. *Ibid. p. 227. 228.*

IV. Est enim felicitas hujus vitæ nutriri Christi corpore & Sp. S. sub velo Sacramenti, uti beatitudo erit cœli Deum sine velo videre ipsoque satiari. *Ibid. p. 277.*

V. Ad usum istius Sacramenti frequentem pertinet perpetua vitæ Pœnitentia, quâ nosmet ipsos condemnamus & Dei iram effugimus: eaque optima est, quæ sita in amore Dei, quia opponitur peccato, quod est amor creaturæ & sui ipsius. *Tom. I. Epist. LXXIV. p. 542.*

VI. Ista Pœnitentia, quia debet aliquando cum rigore

rigore exerceri, utile erit etiam pœnitenti, ut ad Eucharistiam ad tempus non accedat, monitus etiam Ecclesiæ vel fidelis alicujus Ministri judicio, sibi cavens ab ejus usu, ne eam profanet, atque adeò pœnitentiam diutius exercent, ad peccati mortificationem. *Tom. I. Epist. xxxii. p. 276.*

VII. Sic sane solebat XII. sæculis Ecclesia: licet hæc praxis hodie communiter non obtineat, laxatâ nimis disciplinâ Ecclesiasticâ cum corruptione morum. *Ibidem.*

VIII. Pœnitentia quoque absolutionem præcedebat in veteri Ecclesiâ; & quandoque mox pœnitentibus dabatur Eucharistia tempore persecutionis, gravioris morbi, aut periculi, propter efficaciam istius Sacramenti ad fidei professionem exercendam. *Ibid. p. 281.*

IX. Peccata venialia, quæ procedunt ex infirmitate, remitti possunt, sola confessione, *mea culpa*, & hac prece, *remitte nobis*: quæ verò contingunt cum consensu quodam voluntatis, delentur agnitione, adjunctis eleëmofynis, abstinencia, precibus, ante confessionem Sacerdoti factam. Sic enim solebat fieri prioribus XII. sæculis in Christi Ecclesiâ. *Ibid. 229.*

X. Sacerdos, qui audit confessionem graviorum scelerum, maximeque carnalium, debet cogitare, quod forte reus sit aliorum scelerum, quæ sunt sæpius majora coram Deo, licet forent tantum peccata cordis, vel spiritualia; quia hæc procedunt fortè ex malitia voluntatis, & committuntur ab animâ, quæ longe præstat corpore, adeòque gravius peccat. *Tom. I. Epist. xxv. p. 179.*

xI. Recta præparatio ad Eucharistiam requirit devotas meditationes, vigilantiam spiritua-lem ac attentionem ad actiones vitæ instituen-dæ, & ad motus gratiæ, quos Deus excitat in iis, qui rectè Sacramenti erunt participes. *p. 230.*

xII. Atque ut feliciter ea præcedat, quam maximè requiritur usus, lectio & meditatio Verbi Divini. *Tom. I. p. 223. 225.*

xIII. Sub usu Sacramenti necessaria est summa reverentia cum precibus, ut anima sanctifi-cetur Christi præsentia; statim autem post re-ceptionem necessaria est animæ ad se ipsam in-troversio, cum *somno quasi spirituali*, in quo illa videat Deum, sine rei terrenæ sensu vel memo-ria, cum humili & fideli expectatione, quid Deus intus ad cor suo spiritu sit locuturus, in-de enim requies est animæ. *Ibid. pag. 231. 232.*

xIV. Tali animæ quasi mortuus est mundus, quum non nisi Deum sentiat, & doleat quod debeat iterum expergisci, ut opera hujus vitæ denuò exerceat, quorum jam in isto somno vi-debatur oblita. *Ibid. 232.*

xV. Manet tamen illa anima, ut ut implicita negotiis mundi, cum Deo & Christo unita. Et licet magis hic fungatur officio animæ animalis & carnalis, quam divinæ & spiritualis; attamen ceu filia Dei interim vivit vitâ divinâ, spi-rituali & propria filiis Dei, per unionem inef-fabilem, quam cum Christo & Deo habet, re-cipit, colit & exercet. *Ibid. pag. 233.*

CAPUT VI.

Paria Sancyrani dogmata, ex variis. ejus scriptis ab Adversariis collecta, ipsique imputata.

ATque hæc nos ex literis Sancyrani colligere potuimus. Jam addamus paria, quæ ejus hostes ex aliis ejus scriptis notarunt, ut accusarent, & tandem a Rege, suadente Richelio Cardinali, ejus carcerem in Vincennensi Sylvâ obtinerent. Nos verò repetemus illa ex quodam Libello A. MDCXLIV. Parisiis edito, cui Titulus, *Sommaire de la Theologie de L'Abbe de S. Cyran*: hæc enim ibi dicitur docuisse.

I. Contritio perfecta est absolute necessaria ad Pœnitentiæ Sacramentum. Falsumque est in confessione attritum evadere contritum.

*Alia e-
jusdem
Abbatis
Themat.
ab hosti-
bus col-
lecta.*

II. Post Confessionem longo tempore differenda est Absolutio. Eaque non est nisi signum remissionis datæ; nec confert gratiam, sed declarat modò animas illam recepisse per dolorem & pœnitentiam.

III. Licet Pœnitens confiteatur sua peccata & testetur resipiscentiæ propositum; Confessarius tamen non debet illi credere, nec dare Absolutionem, nisi operibus ut fructibus Pœnitentiæ ostendat perfectam animæ contritionem.

IV. Peccata venialia non sunt materia sufficiens Absolutionis Sacramentalis.

V. Non est necessarium confiteri omnia pec-

cata mortalia, aut circumstantias, quæ mutant speciem peccati, dummodò adsit illa contritio.

VI. Communio Eucharistiæ majorem habet efficaciam ad delenda peccata, & ad hominem ad mortem disponendum, quam Eucharistia.

VII. Frequens Communio sæpe magis est damnosa, quam utilis.

VIII. Invocatio Nominis Jesu æquè est efficax ac Sacramentum Eucharistiæ.

IX. Sacramentum Confirmationis perfectius est Baptismo, quoad effecta & efficaciam.

X. Per Gratiam & Euangelium datur Lumen internum, ut quis de statu judicet, an sit electus, an reprobus.

XI. Omnia opera & actiones factæ sine gratia, nullius sunt valoris; imò sunt incrementa tenebrarum.

XII. Fides vera non distinguitur a charitate; illique, qui sunt sine gratia & amore, fidem habent humanam & diabolicam.

XIII. Oratio eò magis perfecta est, quò magis est pure passiva, & anima minùs agit.

XIV. Theologia Scholastica perniosa est & eliminanda.

XV. Concilium Tridentinum fuit habitum a Papa & Scholasticis, qui multùm Ecclesiæ doctrinam mutarunt.

XVI. Ecclesia corrupta est non solùm in moribus, sed etiam in doctrina. Hodierna non est, uti aqua pura, sed turbata & limo inquinata.

XVII. Ipsi Episcopi plurimi & Pastores destituuntur Spiritu Gratiae & Christianismi.

xviii. Pii debent quolibet momentô sequi instinctus gratiæ interioris, quæ ipsis est Lex; licet illi instinctus legibus exterioribus repugnent.

xix. Religiosi, alii que similes Clerici hujus temporis, non intelligunt Euangelium, nec vias Jesu Christi.

xx. Jesuitæ perniciosi sunt Ecclesiæ, adeoque Ecclesiæ Bono sunt exterminandi.

C A P U T VII.

*Dogmata hæc Sancyrani & Jansenii invisa
& inimica Jesuitis, quorum impiam
Casuisticam exagitant nec ferunt
Jansenitæ.*

JAm verò hæc Sancyrani & Jansenii Dogmata fuere per Galliam ubique sparsa, receptaque a Cordatioribus, faventibus, magnam partem, Episcopis, quorum causam ille contra Jesuitas defenderat. At hisce illa fuere invisa, quod ipsorum Casuisticam damnarent, simulque illius fundamenta Pelagianismos esse ostenderent. Sed præcipuè solliciti erant Lojolitæ de Pœnitentiæ suæ Sacramento & Missarum Sacrificiis, quorum maximi venditores erant, ad sua sacra allicientes laxâ suâ Ethicâ plurimos ex Vulgo, profanosque quolibet in ordine Viros, ac Nobiles, qui strictam Sancyrani disciplinam non ferebant.

Igitur in eô erant Viri Eruditi, qui Verge-
rium amarent, ut impietatem Jesuiticam, cujus

Hinc Je-
suitarum
iræ.

Jansenii
& San-
cyrani

Amici
illis se
oppo-
nunt.

Descri-
bunt im-
piam
moralem
Jesuita-
rum Jan-
senitæ.

origo erat erectum Naturæ Regnum contra Gratiam, perstringerent. Namque edidère Parisiis Libellum mox recusum A. XLIV. hoc Titulo, *Theologie Morale des Jesuites, extraicte fidellement de leurs Livres contre la Morale Chrestienne en general*, quò ostendunt eos omnia Decalogi Præcepta simulque Sacramenta suis dogmatis violasse, notatis, *Valentia, Suarez, Celloso, Baunio, Sirmondo, Garasso, Zanchez* aliisque. Et quid non expectes impietatis ab istis, qui ausi erant docere, *non omnes actiones bonas ad Dei gloriam referri; præcepto amandi Deum non adeò præcipi amorem, quam prohiberi ejus odium; servari aliquem posse absque amore Dei unquam totâ vitâ exercito?* Hæc utique horrenda erant impietatis omnis principia, etiam postea pluribus augenda.

Et quoad Eucharistiam, quotidianas illi Communiones, non consideratâ animarum dispositione, aut præparatione commendabant. Nul- lum enim, sic Illi, crimen arcebat, quando quis modò se ob illud indignum ignoraret. Pari modo legitimum Pœnitentiæ usum fere sustulerant, meris confessionibus labiorum & falsis absolutionibus contenti, ac blandientes pessimis peccatoribus, ut eos ad Eucharistiæ profanationes atque indignissima sacrilegia præpararent. Sane docuerant metum inferni sine aliquo Dei amore ad Pœnitentiæ Sacramentum sufficere.

Et hæc quidem dicto Libello Jansenitæ, non ferentibus Jesuitis hanc sibi, revelatis arcanis, invidiam creari. Unde Libelli apologetici, quos vidimus, nec brevis pagina patitur vel summam
frau-

fraudentæ responsionis referre. Suffecerit hic modò Janseniticam pietatem impietati Jesuiticæ oppositam ostendere, aliaque ad Historiam de Jansenismi post condemnationem Statu in scriniis servare, ne hic in limine versantes prolixiores simus.

CAPUT VIII.

Sancyrani & Jansenii Theologia Moralis circa Eucharistiam & Pœnitentiam exposita amplius a Jansenitis, per Arnaldum, Libro de frequenti Communione.

Igitur inde exarsit maxima inter Jesuitas & Jansenitas contentio, probantibus hisce ex sua Theologia Morali Veritatem Doctrinæ de Gratiâ, atque, quasi par pari referrent, Jesuitis hæreses in praxi Religionis objicientibus, ubi ab illis varii erroris de Libero Arbitrio & Gratia accusabantur. Et occasionem dabat plurimam sparsus per Galliam Libellus, quò frequens peccatoribus *Communio*, statim a confessione, commendabatur, indignantibus Viris piis, maximè Sancyranis, ac suadentibus, ut potius illi justo tempore exercitiis Pœnitentiæ se a peccatis purgarent, antequam ad sacrum Altare accederent. Imò plurimi inter ipsos Episcopos latam ad sacrilegia viam aperiri laxâ Jesuitarum disciplinâ dolebant. Sic enim *Octavius de Bellegarde Archiepiscopus Senonensis*, qui summus Jan-

Jansenitica pietas demonstrata Libro de frequenti Communione.

sonii fautor evasit, suis ad *Cardinalem Barberinum* literis :

Querela
Episco-
por. in
Gallia
de im-
pietate
sui tem-
poris pro
Jansenit.

„ Desidia & dissolutio animarum atque infir-
„ mitas languentis disciplinæ ad hunc excessum
„ pervenêre, ut fere non liceat de verâ Pœni-
„ tentiâ & sincerô Dei amore verba facere. At-
„ que hoc artificium est, quo utitur generis hu-
„ mani hostis, quo vult, ut loco veræ pietatis
„ hæc spuria & remissa commendetur, quasi id
„ foret a rectâ semitâ recedere, errores relinquere,
„ ut ad rectam viam redeas. Itaque videmus
„ Apostoli verba esse impleta in pluribus, quod
„ non poterint homines ferre sanam doctrinam, se-
„ statim Doctores adulantes & oclusuri aures veri-
„ tati, ut fabulis & figmentis aperirent. Sane fo-
„ vent nonnulli omnium vitiorum licentiam,
„ & irritam faciunt crucem Christi. Namque ex
„ verô dicere liceat, quod ludus a plurimis ma-
„ xima fiant crimina, & fere ipsa pœnitentia.

Literæ
ad Pap.

Imò idem Octavius literis ad Papam, assen-
tientibus Archiepiscopis, Tholosano, Burdigala-
lenfi & Turonensi, & Episcopis XII. cæteris,
hæc perscripserat : „ Corruptionem morum &
„ effrænem criminum licentiam nunquam ante
„ accrevisse, uti hoc tempore, atque etiam ad-
„ huc accrescere quotidie novis inventionibus
„ quorundam authorum, qui de casibus con-
„ scientiæ tractabant, quorumque libri publica
„ censura erant notati.

En, Lector, quò deduxerant Gallicanum
vulgus suâ Ethicâ Jesuitæ ! Atqui vitiorum huic
torrenti, & vagæ licentiæ repagula objicere co-
naban.

nabantur iidem Episcopi, ne vana Pœnitentiæ specie populus seduceretur. Atque adeò in id erant toti, ut sancta in Eucharistiâ haberentur sanctè, animæque ægrotæ salutaris Pœnitentiæ medicina sanarentur. Isti autem consilio monitus interveniebat suis de *Frequenti Communione* Libris Antonius Arnaldus, Sancyrani & Jansenii amicus & admirator summus, plurimis in Gallia Episcopis, juxta Præceptorem, gratus. Unde ejus volumina multorum Præsulum, Doctorumque testimoniis, quæ præfationi magno numero præfiguntur, ornata prodiere, quali communis Eruditorum chorus acclamaret, gaudens Jesuitarum prævalentium indices seductionibus libros opponi, qui laudari deberent ab omnibus, quos Religionis amor & Divini Epuli legitimus ardor agebat.

Nempe tempora suadebant, antiquam Ecclesiæ disciplinam revocari, qua consultum aris erat, ut sanguine Sponsi potarentur non nisi qui eum ardenter desiderarent ac sitirent, nec protinus admitterentur, qui se ipsis non satis exuti, Christumque induti, quò hac mora tanto mysterio suum pretium constaret. Saltem jure repellendi erant, qui profano ausu se ad augusta & Cœlitibus formidanda mysteria protruderent; uti cum rigore revolvenda & expendenda erat nuptialis & candida vestis, quæ immaculata ad Christi Tribunal erat perferenda.

CAPUT IX.

*Summa Librorum A. Arnaldi de
Frequenti Communione.*

JAM verò fufum foret eximii operis summam exhibere. Operæ pretium tamen est nonnulla colligere, quæ Sancyranorum conatuum fpecimen præbebunt. Maximè quod iftud inuifum Romæ effet, & prohibendum, urgentibus Jefuitis, aliisque, qui nollent Ecclefiam Romanam aliquando vel in moribus cultuque peccaffe, ut tandem medicâ manu egeret: hoc enim Pro-
teftantibus dari nullatenus erat confultum.

Igitur occasio & ratio fcripti erat Libellus cujufdam ex Jefuitica Societate, quò commendabatur frequens Euchariftiæ Communio, non anniverfaria, nec modo menftrua, fed hebdomadaria, tantâ accedendi concessâ licentiâ, ut bene difpofiti ad familiarem cum Chrifto Communionem judicarentur etiam ii, qui amore fui, & mundi pleni forent. Atque id fiebat corruptiffimis in Gallia moribus, peccatisque immenfum adèò accrefcentibus, ut nulla ætas progeniem tulerit vitiofio rem. Sic Author in *Prefatione* & *Part. III. cap. 16.*

Summa
Libri
de freq.
Commu-
nion.

An non eft, inquit, horrendum, videre confefiones & communionem, nunquam adèò crebras, fimulque tanta peccata & vitia? Veræ Chriftianifmi notæ in moribus extinctæ funt. Nunquam tot impuritates in conjugiiis, in familiis corruptiones, Juventutis crimina, ambitio-

nes

nes divitum, luxus quolibet in ordine hominum, fraudes in mercaturis, doli in artificiis. Imò nec fornicationes nec adulteria amplius sunt crimina, fraudes virtutes sunt Aulæ, juramenta & blasphemiae linguæ ornamenta, contemptus maritorum, neglecta liberorum educatio, simonia, usuræ, rapinæ, similiaque scelera vigent, quæ Patres ignorarunt, & quorum memoria horrorem incutit. Quid verò dicendum de spiritualibus animarum vitiis, quæ non cognoscuntur, & nullius habentur, licet sint hominum mente corruptorum, & grandia & horribilia peccata ac crimina in oculis Dei. Et tamen tali tempore atque istiusmodi sceleratis frequens communio offerebatur ac commendabatur, & quum templalibus essent plena, pietas sæculi laudabatur a novis Doctoribus, quando nulla hominum a peccatis conversio spectaretur.

Sic Arnaldus: & repetere ea debuimus in Galliæ, moratæ adèò scilicet, ut Orbi exemplum & exemplar sit, atque sævientis in optimos Christianos, pudorem. Jam verò hanc impietatem damnare in animo Jansenitis erat, & curare, ut sua sacris constaret reverentia, nec sanctissimus animæ cibus in venenum mutaretur, castigatis novis Casuistis, qui sua Morali Galliam corruperant, fræna laxarant carni, & tandem veræ pœnitentiæ usum, quo repagula peccatis objiciebantur, ceu *stratagemata Diaboli* damnabant.

Supponit verò Vir Egregius, Ecclesiam in moribus, etiam iis, qui ad Religionem spectant, cor-

corrumpi, & a puritate pristinâ degenerare posse; & dein asserit id omninò factum posterioribus sæculis, & laborare in id Jesuitas, ut adhuc corruptiones accrescant. Atqui, ait, nihil magis utile & salutare fore, quam si usus Sacramenti cum disciplina ad veteres Ecclesiæ Leges reduceretur. Æquum sane erat, ut pœnitentiæ modus, omni firmatus antiquitate, doctrinâ Patrum, & longa consuetudine per XII. sæcula, adhuc obtineret, magnæque erat temeritatis praxin vetustam, atque eos, qui illam reductam vellent, reprobare, ut nova valeret, & quidem juxta latam nonnullorum Ethicam, quæ recentior est, nec sacris mysteriis aut animarum sanctitati & saluti satis consulit.

Et quænam illa erat impietas, fovere istos criminum excessus, hominibusque adulari, ut profano animo & contemptu sacrorum, procul habitis illorum monitionibus, qui Augusti Sacramenti Religione ducuntur, ad illius participium admittantur etiam isti, qui gratiæ ac cœlestium sunt inanes, plenique sui & mundi amore, quando, absque gratia & motibus Sp. Sancti, in homine nihil sit nisi, quod est malum, & inimicum Deo? Dispositio sane ad Sacramentorum usum conveniens esse debebat ipsorum excellentiæ; nec committendum, ut Filio Dei figantur oscula ab istis, qui Judæ similes, mox ipsum impiè deferunt ac vendunt. Potiùs consultum erat, non nisi a piis Sacramenta recipi, imò quandoque ab Eucharistiæ Sacramento abstinere illos, qui forti gratia moti de emendanda
vita

vita cogitant, ut non ignari, quam inutiles fuerunt hactenus tot confessiones & communiones, magis sincera & diuturna se exercent pœnitentia, cujus pia hæc quoque abſtinentia juxta antiquos canones ſit demonſtratio.

Neque tamen hæc dicebantur in patrocinium illorum, qui pietatis prætextu, aut quadam tepiditate, quam Servator tantis comminationibus damnavit, frequentem communionem refugerent. Nimirum uti iſtud, ſic quoque hoc crimen reprehendi debeat, quando iſti a pane ſeſe ſegregarent non ſpiritu pœnitentiæ, qui ad Euchariftiam ducit, ſed mundi, qui animas ſeparet Deo & Chriſto, in quo illarum tamen ſalus eſt quærenda. En, Lector, Authoris de Frequenti Communione ſcopum & doctrinam!

Scilicet in id tendebat Arnaldus cum ſuis, ut oſtenderet, impios a Sacramento eſſe arcendos, atque æquum eſſe, ut quis juſto tempore ſe pœnitentiâ ante communionem exerceret, maxime ſi reum ſe peccatorum mortalium conſideraret, ex more Veteris Eccleſiæ adeò inſerviente publicâ pœnitentiâ & confessione iſti ſcopo, quæ non niſi peccatorum enormium & publicorum eſſet. Utique conſtans erat doctrina Patrum, omnia peccata mortalia requirere pœnitentiam diuturniorem ante communionem; quod quam maxime apparet ex eo, quod ipſa abſolutio ad tempus differretur, quò firmius bonæ vitæ propoſitum, & ſeverius pœnitentiæ exercitium foret. Nempe ante abſolutionem talis quoque pœnitentia erat neceſſaria, juxta

Ve-

Veterum Leges, quibus honori Sacramenti erat consultum.

Atque hæc Librorum summa est. Nec mirum mox commotos Jesuitas, cæterosque, quibus strictior Sancyrani & Jansenii disciplina haud placebat, quique satis intelligebant Missarum frequentes nundinationes peti, totamque suam Moralem Theologiam, ac simul dogmata de Gratia & Natura, quæ laxioris Casuisticæ erant fontes.

C A P U T X.

Varia Arnaldi Dogmata in Libro de Frequenti Communione annotata & exagitata ab Adversariis.

Dogmata ex lib. de freq. Communione exagitata ab adversariis.

etiam a Principe Condæo.

ERGÒ visa est ubique istorum in Arnaldum indignatio, editique statim Libelli, quibus ipsius paradoxa, heterodoxa & consona cum Abbatis Sancyrani dogmatis Themata perstringebantur. Illorum unus ad manum est, hoc Titulo, *Remarques Chrestiennes & Catholiques sur le Livre de La frequente Communion*, editus Parisiis ac mox quartum recusatus. Et meo quidem exemplari olim adscriptum est *Principis Condæi* nomen, quod Author crederetur. Utique is mutatus a Majoribus operam Theologiæ apud Jesuitas dederat, hinc Lojoliticæ Societatis ingens tum fautor, ut refert sua *pro Jansenio Apologia Mechliniensis Præsul*.

Principio autem Censor ait, Doctrinam libri de

de Frequenti Communionem impiam esse, quum a Sacramentis absterreat, deinde novam adversus vetustam Ecclesiæ consuetudinem, perniciosam, quod plurima bona opera impediat, & libertinam, Viros honestos pervertentem, ut metuant ad sacra accedere, imò verò ad mortem usque eorum usum differant.

Porro queritur in Præfatione adversus *Ecclesiæ caput & jura* asseri, Petrum & Paulum duo esse Ecclesiæ capita, quæ non nisi unum efficiant; praxin Ecclesiæ hodiernæ impenitentiam communi in orbe favere; illam in moribus & disciplina corruptam; tempus hodiernum esse mutationis Ecclesiæ in pejus deficientis; relaxationem Religionis circa Pœnitentiam & Eucharistiam imaginem esse universalis vitii; Ecclesiam primis sæculis totam acquisivisse perfectionem juxta Dei institutionem; illam propriè puram fuisse, at jam alteratam esse ac vitiatam, ut correctione indigeat.

In ipsis Voluminibus indignatur hæc contra *Potestatem absolvendi Sacerdotalem, Confessionem ac Pœnitentiam* inveniri. Tum modò absolutionem Sacerdotis esse veram, quando sententiam Judicis invisibilis sequitur; præcipuam partem potestatis ligandi esse, juxta Patres, Pœnitentiam imponere & ab Eucharistia separare; exteriora Pœnitentiæ exercitia posse tam grandia esse, ut interiora, Sacerdoti ignota, suppleant; posterioribus sæculis contigisse, ut Confessio facta sit communis justis & peccatoribus, æque venialium peccatorum ac mortalium; tali Confessio-

ne

ne introducta, contra usum Veteris Ecclesiæ, divinari non possè, quinam sint mortuæ animæ, & pro quibus præcipuè gemendum ac precandum sit; plus satisfieri Deo pudore, qui oritur ex separatione ab Eucharistia, quam operibus, quæ talis pudor non comitatur.

Deinde quoad ipsam *Frequentem Eucharistiæ Communionem* haud ferre potest, dici, esse animas conversas, quæ Gratia operationibus & spiritu Pœnitentiæ moventur, ut de peccatô & offensâ in Deum dolorem testentur Communionis abstinentiâ usque ad vitæ finem: perperam admitti ad Eucharistiam, qui plane non sunt perfecti, aut irreprehensibiles, unitique sincero amore cum Deo; dispositionem ad Sacramentum immobilem esse; exteriorem Pœnitentiam Ecclesiæ Antiquæ non aliam fere habuisse, quam a Sacramento separationem; illos fovere vitia, sacrilegia & crimina, qui frequentes suadent Communiones.

Denique adjicit in Libris contineri periculosos contra Patrum doctrinam, & usum antiquitatis hosce errores: Omne peccatum mortale Pœnitentiæ publicæ subjectum esse; in scriptis Patrum, præsertim Tertulliani, non inveniri nisi publicam Pœnitentiam, in qua fuerit clavium usus; Frequentem Communionem antiquitus non pertinuisse nisi ad justos & innoxios; & quoad illos, qui a peccato mortali resiperent, tantum abfuisse, ut ipsis frequens Communio suaderetur, quòd potiùs ab eâ ad tempus, tanquam cibo nimis solido, remoti fuerint.

Hæc

Hæc iste Censor, quisquis fuerit, si non sit
 Condæus Princeps. Isti alius accessit, qui inter
 Arnaldi & Sancyrani, recens in Vincennensi car-
 cere mortui, dogmata parallelismos instituit,
 ut odia & invidias amplius conflaret. Nempè ap-
 parebat inde, *Librum de Frequenti Communione*
 non aliô fine scriptum, quam ut Sancyrani do-
 ctрина confirmaretur; Eum plenum esse erro-
 ribus, scandalis, hæresibus; fœtum esse factio-
 nis novæ ad abolendos Ecclesiæ ritus, illamque
 novo ausu reformandam; scopum illius esse,
 Poenitentiam non nisi publicam, peccatis publi-
 cis necessariam, commendare; eò subverti Ec-
 clesiasticas Leges ac Canones Synodorum; ne-
 gari præsentis Ecclesiæ veritatem uti puritatem;
 tandemque nova consilia eò tendere, ut Tri-
 dentino Concilio renuntietur.

Sic ille. Unde haud mirum fuit Librum ad
 Papam esse delatum, ut censurâ premeretur;
 quod etiam contigit elapso altero anno, frustra
 intercedentibus in Gallia Archiepiscopis & Epi-
 scopis, qui Scriptorem suis encomiis ornaverant.
 Nec est, quod hanc Historiam hic texamus,
 quando id necessum erit, ubi de Jansenismi va-
 ria in Belgio, Gallia & Italia tum fortunâ tum
 fato, si Deus vitam animumque concesserit,
 dicemus.

CAPUT XI.

Jansenismi Pietas Jesuitismi opposita Impietati, quam exagitat. Primum Impietatis Specimen Dogma de Probabilitate.

ATque hæc Jansenismi Pietas est, ex principiis Augustinianis de Gratia & Libero Arbitrio deducta. Nec suffecit Viris meliorem Ethicam docuisse: necessum habuere magno animo Jesuitismi Impietatem, Doctrinæ suæ Morali adversam, demonstrare, ut ostenderent quam pessima haberet principia ipsorum Ethica, utique non nisi Gentilia ac Pelagiana, quæ necessario sterilia opera, imò impia consilia ac facinora producerent. Rectè quidam Dominicanus apud *Montaltium Liber. Provinc. v.*

„Jesuitas igitur quamprimùm adito; me auctore: hoc spondeo futurum, ut in illorum moralis disciplinâ tam corruptâ tamque luculentâ, „Molinisticæ de gratiâ doctrinæ fontem reperias. Videbis stupendam Christianæ virtutis „ignorantiam: videbis pro verâ solidâque virtute nescio quæ tantum circumferri simulachra virtutum, spiritu ac sensu, id est, charitate carentia: videbis innumera crimina quasitis prætexi coloribus: videbis innumeras morum labes ignavâ quâdam indulgentiâ tolerari: „nec jam stupebis cur semper ad istam, quam sibi fingunt, pietatem sufficientissimam gratiam „adesset

„adesse contendant. Prorsus ad virtutem phi-
 „losophicam & ethnicam, qualis illorum scri-
 „ptis adumbratur, natura sufficit. Nos quidem
 „efficacis gratiæ auxilium ad virtutis opera ne-
 „cessarium contendimus; sed alius modi virtutes
 „cogitamus: nec id modò volumus ut vitiis vi-
 „tia superentur, aut ut externa demum Reli-
 „gionis impleantur officia: veram, nec fuca-
 „tam virtutem exigimus, a qua longissimè absit
 „& fallax Phariseorum virtus, & vana Genti-
 „lium sapientia. Huic Jesuiticæ virtuti conse-
 „quendæ lege adjuta ratio sufficiens gratia est.
 „Verùm ut amore sæculi expediatur animus, ut
 „sibi moriens uni Deo vivat, illique indivulso
 „nexu cohæreat, hoc verò sola demum omni-
 „potens gratia præstat: ut perinde absurdi sint,
 „qui Christianas virtutes semper collocent in
 „hominum nutu, & qui virtutes illas charitatis
 „inanes, quas pro Christianis obtrudunt Jesui-
 „tæ, in nostro semper arbitrio positas negent.

Sic ille. Atque inde Montaltius Jansenita Je-
 suiticas artes & impietates describere perrexerit.

Sed & jam A. XLIV. inceperunt Jansenitæ Lo-
 jolitarum Ethicam exagitare, quando istorum
 calumniis & odiis Jansenii & Sancyrani *ἡμοψύχῃ*
 Theologia peteretur, uti jam ante observavi.
 Atqui exarsit hoc studium magis post Arnaldi
Librum de Frequenti Communione convitiis peti-
 tum, ac Romæ proscriptum: maximeque quando In-
 nocentii X. Bulla Jansenii doctrina esset con-
 demnata. Nihil enim prudentius & efficacius
 fieri posse putarunt, quam ut suorum hostium

Janseni-
 tæ exagi-
 tant am-
 plius im-
 pietatem
 Jesuitar.

impiam Moralem detegerent, in eamque Cordatorum & Moratorum odia concitarent, suâ simul commendatâ pietate, atque adeò principiis, ex quibus profluebat. Atque ex hoc consilio profluxêre Montaltii Literæ Provinciales satyricæ ac jucundæ, quas dein suis *Notis Wendrochius* exornavit. Illis accessêre varia de genere hoc scripta, quæ citare foret infinitum. Omnia autem videtur collegisse grandi Volumine quidam Sorbonicus Doctor, quod edidit A. I. XVI. hoc Titulo *La Morale des Jesuites*.

Fusum nimis esset istius Operis Summam referre. Ibi videbit sanè Lector abominanda Lolitarum de Vitiis & Virtutibus consilia & præcepta, qualia ipsi Infideles execrarentur. Nempe isti omnia Dei Præcepta violarunt, fautores omnium ferè criminum, quæ Respublica non ferat, atque unde Romana Religio Regnis & Civitatibus, maximè Reformatis magis fiat intolerabilis, tendens in certam earum perniciem ac ruinam, sic inde nobis arbitrari liceat.

Nos summa modò Capita ex Jansenisticis scriptis annotemus, ut eorum impietas patefeat.

Summa
Ethicæ
Jesuiticæ.

Præ cæteris autem impium Jesuitarum dogma est Morale de PROBABILITATE, quod jam Jansenius perstrinxit, ut ante Cap. I. observavimus. Istud verò explicuit amplius *Montaltius Epist. Provinc. v. & Wendrochius in Notis*, quos secutus est noster *Hoornbeek* sua ad Tom. I I. *Theologiæ Practicæ Praefatione*. Erit autem operæ pretium istius Probabilitatis arcanum exponere. Sic ergò Jesuita quis apud Montaltium citatâ Epistolâ, cum dixerat

Vir

Vir Egregius, ut Lojolitæ dogmata rejiceret,
Probabilia nihil moror, secura postulo: „ Ut video,
 „ in opinionum probabilium doctrinâ peregrinus
 „ es; ubi eam cognitam habueris aliter locutu-
 „ rus. Hanc tibi explanare volo: pulchrè tibi na-
 „ vatam operam dixeris. Nam illam ni probè
 „ teneas, digitum in Moralibus progredi non
 „ potes: hoc istius disciplinæ fundamentum, hoc
 „ elementum.

„ Gaudere egò cùm illum in eum quem vole-
 „ bam sermonem sensi delapsum; idque præ me
 „ ferens: Hoc primum igitur? mi Pater, defi-
 „ nito opus est, quam tu opinionem probabilem
 „ vocas? Nihil me roges, inquit, præsto sunt
 „ Sodales mei qui pro me respondeant. Omnes
 „ illi uno ore sic habent, præsertimque viginti
 „ quatuor seniores apud Escob. in Princ. Exam. 3.
 „ n. 8. *Probabilis ea opinio dicitur, quæ rationibus in-*
 „ *nuitur alicujus momenti. Unde aliquando unus tan-*
 „ *tum Doctor gravis admodum opinionem probabilem*
 „ *potest efficere. Rationem adjungit. Quia Vir do-*
 „ *ctrina specialiter addictus, haud adhærebit sententiæ*
 „ *cuiuslibet, nisi præstantis sive sufficientis rationis vi al-*
 „ *lectus.* Ergò, inquam, vel unus Doctor o-
 „ mnium conscientias suasque deque verter, &
 „ quò volet inflectet. Illic autem; Cave, inquit,
 „ ne tu hanc doctrinam vel rideas, vel impu-
 „ gnes: Jansenistis malè res cessit, nescio quid
 „ tale moliris: nimis firmas illa radices egit. San-
 „ ctium audi è Patribus non postremum. Sum. I.
 „ c. 9. n. 7.

„ Sed dubitatis an autoritas unius Doctoris probi &

„docti reddat opinionem probabilem? Respondetur red-
 „dere. Ita tenent Angelus, Sylvius, Navarr. Em.
 „Sa. &c. Probatur: quia opinio probabilis est quæ non
 „levi nititur fundamento: at auctoritas Viri docti & pii
 „non est leve fundamentum. Si enim (attende egre-
 „giam rationem) non est levis momenti, sed magni
 „potius, ut aliquid Roma contigisse credamus, id Vi-
 „rum piwm asserere; cur non magni erit in re morali
 „dubia, quod Vir pius & in ea materia dictus cen-
 „suerit? Tum ego: Quam lepidè, inquam, ve-
 „stri Scriptores cum rebus Religionem & Con-
 „scientiam attingentibus humana negotia com-
 „ponunt! Mane, inquit; quæ tu hic opponis,
 „versu sequenti confutat Sanctius. Nec placet,
 „inquit, limitatio Adriani & Corduba, &c. ut hoc
 „intelligatur si sit error juris humani, secus si divini:
 „quippe in utrisque est magni ponderis & momenti
 „Viri gravis & pii auctoritas.

„Ibi tum ego: Cum bonâ veniâ quæso me
 „audias, mi Pater! at dissimulare non possum,
 „quam hoc mihi Doctorum tuorum præceptum
 „parum placeat. Cùm enim licenter Doctores
 „isti humanæ rationis potius quàm divinæ fidei
 „operâ in rebus istis dijudicandis utantur, quis
 „spondeat quod uni tutum ac securum visum
 „fuerit, tale omnibus visum iri? Nescis, quàm
 „dispar hominum iudicium? Hic Pater inter-
 „fatus: Non rectè accipis: inquit. Sæpe qui-
 „dem illi in varios abeunt sensus: sed dissentiant
 „an consentiant, nihil ad rem: singulorum au-
 „toritate singulæ quas tuentur sententiæ pro-
 „babiles fiunt: quasi quis ipsos nesciat esse sæpè
 „dis-

„discordes. At hoc ipsum multò commodius,
 „atque aded vix ipsos invenias congruentes.
 „Quamvis elige controversiam : quod unus af-
 „firmabit, negabit alius ; & tunc diversarum
 „opinionum utraque probabilis est. Hinc Diana
 „Part. 3. Tr. 4. Resol. 244. *Hac omnia Pontius*
 „*adversus Sanchez ; sed quia fuerunt Viri doctissimi,*
 „*saltem ex principio extrinseco unusquisque suam opi-*
 „*nionem efficit probabilem, & tutam in praxi.*

„Sed istarum, inquam, mi Pater, anceps
 „credo ac periculosus delectus est. Nihil minùs,
 „inquit, quæ sententia magis arriserit, hanc tu
 „delige. Etiamne, inquam, si altera sit probabi-
 „lior ? Etiam, inquit. Etiamne si sit altera tu-
 „tior ? Etiam, inquit. Pulchrè hoc explanavit
 „Emanuel Sa è nostra familia in Aphorismis,
 „verbo, *Dubium potest quis facere quod probabili*
 „*ratione vel autoritate putat licere, etiamsi oppositum*
 „*tutius sit : sufficit autem opinio alicujus gravis au-*
 „*toris, aut bonorum exemplum.*

„Quid si, inquam, eadem opinio & minùs
 „probabilis sit, & minus tuta ; an tum quoque
 „illam sequi fas erit, omisâ & securiori & pro-
 „babiliori ? Etiam sic licebit. Audi Filiucium,
 „magnum illum Romanum Jesuitam, Tract. 21.
 „c. 4. n. 128. *Licetum est sequi opinionem minus pro-*
 „*babilem, etiamsi minus tuta sit. Est communis re-*
 „*centiorum.* Ecquid dubitationis superest ? O fa-
 „cilem, inquam, mi Pater, nec jam angustam
 „salutis viam ! Hujus vestræ probabilitatis gra-
 „tiâ, præclaram, ut video, conscientiæ liber-
 „tatem nacti sumus. Quid vos ? An eadem vo-

„bis in respondendo libertas? Sic est, inquit;
 „nam pro arbitrio consulentibus respondemus,
 „vel potius ad consulentium arbitrium. Accipe
 „enim Societatis hac de re præcepta a Laima-
 „no, Vasquezio, Sanctio tradita, quos sequi-
 „tur Escobarius in Princ. Ex. 3. n. 24. En Lai-
 „mani verba Tom. 1. tract. 1. c. 5. §. 2. n. 7. *Doctör*
 „*altari consulenti consilium dare potest non solum ex*
 „*propria, sed etiam ex opposita probabili aliorum sen-*
 „*tentia, si forte hæc illi favorabilior seu exoptatior sit,*
 „*qua de re Vasquez disp. 62. c. 9. n. 47. Sanct. in*
 „*Sum. lib. c. 9. n. 23. Lopez p. 1. inst. c. 120. Imo*
 „*arbitror nihil a ratione alienum fore, si Doctör con-*
 „*sultus significet consulenti opinionem a quibusdam Vi-*
 „*ris doctis tanquam probabilem defendi, quam pro-*
 „*inde sequi ipsi liceat, quamvis idem Doctör ejusmo-*
 „*di sententiam speculatione falsam esse certo sibi per-*
 „*suadeat.*

„Tum ego: Ita prorsus est, mi Pater: ve-
 „stra doctrina nihil commodius. Quantum est
 „enim, est vel non respondere pro voluntate?

„Omninò tantæ opportunitati satis digna laus
 „tribui nequit. Jam cerno quid utilitatis possit
 „ex discrepantibus Doctörum vestrorum sen-
 „tentiis: prodest illa quam sequeris, non nocet
 „illa quam rejicis: hæc a rationibus tuis alie-
 „nior? Ad aliam confugium patet; par utrobi-
 „que securitas. Rem ipsam dixisti, inquit ille:
 „ita nobis semper dicare fas est, quod Diana
 „faventem sibi Baunium amplexus contra Pa-
 „trem Lugo:

Sape premente Deo fert Deus alter opem.

„Pro-

„ Probè , inquam : unus tamen scrupulus e-
 „ tiamnum restat. Adierit quis è vestris Doctori-
 „ bus quempiam , atque ex eo laxiorem paulò
 „ sententiam arripuerit ; hic si deinde in Confes-
 „ sarium incidat aliter sentientem , qui propterea
 „ neget ipsum nisi deposita opinione absolvi pos-
 „ se ; quid quæso illo homine futurum est ? Ec-
 „ quid tam grandi incommodo nullum remedium
 „ providistis ? Ho , dubiumne id est , inquit ?
 „ Jussi sunt Confessarii pœnitentes probabili opi-
 „ nione nixos absolvere : ni faciant , lethali cri-
 „ mine mulctati sunt. Quis hoc postea commit-
 „ tere non reformidet ? Istud verò præclarè no-
 „ stri , & è nostris Baunius præclarissimè docet
 „ de Pœnit. Traët. 4. qu. 13. p. 93. *Quando pœ-*
 „ *nitentis opinio est probabilis , absolvi a sacerdote de-*
 „ *bet , etsi secus opinante quam ille sentiat.* At non vi-
 „ deo , inquam , peccati illum mortalis damna-
 „ ri ni faciat. Ut tu , inquit Pater , præceps ac
 „ moræ impatiens ; audi quid sequatur ; quod
 „ requiris singulari conclusione definit. *Negare*
 „ *absolutionem operanti ex opinione probabilis , culpa est*
 „ *ex genere suo mortalis.* Mox istius sententiæ asti-
 „ pulatores adducit Vasquezium , Suarezium ,
 „ Sanctium , nostræ Societatis lumina.

„ O mi Pater , inquam , quam prudenter ista
 „ vobis constituta sunt ; Nihil est amplius quod
 „ vereamur. Quis enim hanc legem Confessa-
 „ rius attentet infringere ? Nondum id vobis ju-
 „ ris esse resciveram , ut decretorum vestrorum
 „ violatoribus mortalis criminis pœnam inflige-
 „ retis. Magnam vobis noveram ad delenda pec-

„cata auctoritatem esse, aliquam ad inducenda
 „esse non noveram. Verum, ut video, nihil
 „potestati vestræ subtractum est. Minus aptè,
 „inquit ille; & accuratè loqueris: indicantur
 „a nobis peccata, non inducuntur.

Hæc ibi Montaltius, referens facetè, ut so-
 let, suum cum quodam Jesuita Colloquium.
 Nos Lojolicam doctrinam de Probabilitate ad
 hæc axiomata referamus.

I. *Probabilem opinionem esse, qua certitudinem non
 habens, tamen vel gravi auctoritate Doctorum, vel
 non modica ratione nititur.*

II. *Authoritatem gravem censeri debere, qua sit
 saltem unius Viri docti & probi.*

III. *Ut opinio sit probabilis, alterutram probabi-
 litatem sufficere, nempe vel a ratione, vel ab auctori-
 tate. Neutram enim debet habere, qua sit improba-
 bilis.*

IV. *Probabilitatem etiam minorem excusare a cul-
 pa coram Deo.*

V. *Probabilem omnem opinionem, etiam falsam,
 & Legi Divina contrariam, a peccato coram Deo ab-
 solvere.*

VI. *E duabus opinionibus contrariis minus proba-
 bilem & minus tutam aliquem amplecti oportere, vel posse.*

VII. *Licere Theologo Confessario ex opinione pro-
 babili, quam falsam putet, consilium dare.*

VIII. *Licere item cuivis varios adire Casuistas,
 quoad reperit, qui ad libitum respondeat.*

Videt Lector quam sint hæc impia in Chri-
 stianismo dogmata. Refutavit autem illa egre-
 giè Wendrochius suis ad Montaltium Notis, de-
 ducto

ductô etiam hoc Corollariô, *quam quisque Religionem probabilem judicaret, eam ipsum amplecti & retinere posse sine peccato*, quod subruit Ecclesiæ Romanæ fundamenta, ceu per Confectaria noster *Hoornebeck* demonstravit loco ante citato. Nempe hinc sequebatur, nos jure Reformatam Religionem sequi, tantis rationibus & auctoritatibus Eruditorum firmatam, maximè quando tot probabilibus argumentis niteretur.

CAPUT XII.

Dogmata quædam Jesuitarum de Peccato & Amore Dei.

SED hæc linquamus, ut impia quædam Jesuitarum Dogmata in Moralibus, ad quæ horrere animus debeat, enumeremus. Et quidem ante observandum, quænam de Peccato & Amore Dei, ex quo recte dixerunt Jansenitæ omnem virtutem esse, Lojolitæ doceant, quô pudendæ mysteria impietatis detegantur.

DE PECCATO primum ipsorum Thema est, *Ignorantiam excusare peccata, adeoque non esse crimina, quæ absque culpa conscientia committuntur, nec peccare aliquem nisi intentionem peccandi habeat. Quin imò concedunt aliquem quarere posse occasionem peccandi, per se & primò, ob bonum spirituale vel temporale, vel proximi vel suum. Vide Librum La Morale des Jesuites, Libr. I. cap. III. & IV. Atque hinc impia Thelæ Lovanii defensæ: Nullum est peccatum formale, nisi conscientia hic & nunc judi-*

judicet de malitia. Quin eò usque ascendit impietas, ut assereretur hoc Thema, Peccatum committi potest ab eo, qui Deum ignorat invincibiliter; atqui istud non foret formalis offensa Dei, nec mereretur pœnam ignis æternam. Supponebatur autem hoc dogma: quamvis existentia Dei etiam populariter sit demonstrabilis, non modò tamen non est propriè per se nota quoad nos, sed etiam fieri potest, ut ab homine ordinariis tantum gratiæ auxiliis prevento ignoretur tantisper inculpate. Quod Thema eò fortius affirmabatur, ut Thesis de Peccato Philosophico defenderetur. Mox enim subjungitur, eripiant nobis hoc, si possunt, assertum Peccati Philosophici in Burgundiam usque persecutores; sed non poterunt.

Istius autem Peccati ut mysterium innotescat, notandum, hoc Dogma defensum fuisse Divione A. 1686. Mense Junio, in Collegio Jesuitarum: Peccatum Philosophicum seu Morale est actus humanus disconveniens rationi natura & recte rationi. Theologicum verò & mortale est transgressio libera Legis Divina. Philosophicum quamvis grave in illo, qui Deum vel ignorat, vel de Deo actu non cogitat, est grave peccatum, sed non est offensa Dei, neque peccatum mortale dissolvens amicitiam Dei, nec æterna pœna dignum.

Atqui non mirum est, hanc impietatem perstrinxisse vehementer Jansenitas suâ ad Pontificem, Episcopos, Principes ac Magistratus denuntiatione, & primâ & secundâ A. 1689. & 1690. quas Lector videbit in Actis Lipsiensibus Tom. VIII. pag. 620. & IX. pag. 329. Nempe eò tendebat, ut innumera crimina sint in mundo commissa,

& committantur adversus omnia Divina & humana jura, quæ sint modo philosophica peccata, quibus nec Deus offendatur, nec æterna metuenda sit poena, si modo, qui ista perpetrant, aut Deum ignorent, aut in criminis perpetratione actu de Deo non cogitent.

Adduntque Jansenitæ hunc impii erroris fontem, quod sibi antebac persuaserint Jesuitæ, suis opinionibus de Gratia, suaque Theologia Morali facilius refutari posse hæreticos aut converti peccatores. Etenim decepti, suaque spe elapsi non correxere errores, sed pertinacius eos tuiti sunt, cæterum falsis de Dei Misericordiâ ac Justitiâ, Christi Merito & Liberi Arbitrii Facultate formantes Ideas, sicuti doctrina de Sufficiente Gratia, omnibus etiam gentibus affusa, cogebar. Nimirum experientia tali Gratia erat adversa, quando tot hominum myriades vivunt in mundo, qui nullum istius Gratia Sufficientis vestigium ostendant. Itaque hic opus hic labor erat, ut peccatores, maximeque sub generali misericordia Gentes, quæ tamen hanc Gratiâ habere, adversus Divinam Justitiâ protegerent, nec commodum magis erat inventum, quam ut supponerent, *tantò remotiorem esse ab ira Dei unumquemque, quantò remotior ab ejus cognitione & gratia videretur.*

Atque istud ut obtinerent, pro principio assumpta Baunii assertio, *quod non peccetur nisi voluntariè: voluntarium autem non sit, nisi quod fiat a principio cognoscente singula, in quibus est actio: unde conclusum, actiones precipitanter & sine discussione,*

sione, bonane an mala sint, quæ aguntur, factas, neque bonas neque malas esse. Quæ impietas ab ipsis gentibus esset condemnanda. Namque Aristoteles ipse docuit Libro III. Ethicorum, *Ignorantiam Boni & Mali non facere actionem involuntariam, sed vitiosam, cum ignorantia juris & officii non excuset, sed augeat culpam.* At isto Philosopho cæciores erant Jesuitæ, docentes etiam, passione & consuetudine tolli usum rationis, ut excusatio sit, qui tam profundè in malo peccandi habitu hæret, & actum de Deo cogitandi magis magisque amittit; ad peccandum formaliter requiri notitiam malitiæ; neminem peccare, nisi quatenus scit & intelligit peccati malitiam; conscientiam circa illicitum intrepidam excusare a peccato, quæ in Thesisibus etiamque Catechismis asserta & defensa a Jesuitis, licet non semel reprimerentur.

Hæc de Naturâ Peccati: jam videamus quid de VIRTUTE & AMORE DEI, qui summa est virtus, iidem Jesuitæ doceant. Nempe hæc dogmata in ipsorum Scriptis invenêre & damnavêre Jansenitæ. *Mandata Dei observari posse absque respectu ad Dei gloriam, ipsumque Christum potuisse virtuosas præstare actiones sine respectu ad gloriam sui Patris.* Quin etiam, *satisfieri posse Divinis Præceptis, non tantum absque intentione ea observandi, sed etiam cum intentione contraria & criminosa.* De quibus legere est La Morale des Jesuites, Lib. I. cap. IV. & La Theol. Morale des Jesuites, Edit. Paris. A. XLIV. pag. 7. 8.

Et cur non talia assererent, qui cõ impietatis processerunt, ut docerent .

I. *S. Scripturam fere non loqui de Amore Divino & Charitate, ipsumque Servatorem raro eundem commendasse.*

II. *Amorem Dei & amorem sui optimè convenire ; imò Amorem Dei nil esse, nisi amorem sui.*

III. *Amorem Dei super omnia non requirere, ut supra creaturas intensivè ametur ; sufficere, si Deus appretiativè super omnia, id est, praelativè, uti loquuntur, diligatur ; Amorem autem Dei, appretiativè consideratum, posse consistere cum gradu remississimo, cum certa intensio non contineatur in præcepto, nec ex revelato principio deducatur, sed tantum cadat sub consilium.*

IV. *Imò addunt, ne quidem Amorem internum Dei lege juberi, sed modò suaderi e consilio.*

V. *Deum quidem jussisse ut super omnia ametur : at id sic intelligendum esse, quod se amari voluerit supra res malas, & contrarias suæ amicitia, id est Peccata Mortalia, qua sola istam perdant amicitiam.*

VI. *Porrò ad Præcepta Dei observanda non requiri necessario affectum amoris erga ipsum ; præcipi modo in Lege externos obedientia actus, licet absit amor, dummodo vietur Dei odium.*

VII. *Vivere aliquem posse annos integros absque Dei Amore ; sufficere saltem ut quis quinquies aut septies de eo cogitet in anno ; imò si nunquam actu totâ vitâ Deum amaret, satis esse ad salutem, si de illo in mortis articulo cogitet.*

VIII. *Denique, hominem in Statu Separationis a Deo, non teneri, ut mox ad Deum, aut se ipsum redeat ; quum ejus inspirationes rejicere possit usque ad articulum mortis, ut tamen se obnoxium non faciat*

ciat alicui culpæ, neque peccet contra sui vel Dei Amorem.

Quæ omnia libris citatis Lector videbit in Jesuitis accusari a Jansenitis, allegato Authorum magno numero, quorum verba hæc pagina non ferret.

CAPUT XIII.

Alia quædam Jesuitarum Dogmata, quæ maximè amorem Proximi & secundam Tabulam spectant.

QUæ omnia cum Jesuitæ de Peccato, Obedientia & Amore Dei, utique execranda cuicumque, qui aliquo pietatis in Deum affectu ducitur: quid non de cæteris Virtutibus, quæ amorem Proximi & secundam Divinæ Legis Tabulam spectant, asserere sustineant? Volunt ergò

I. Præceptum de amando Proximo non obligare ad dilectionem ejus per actum aliquem internum, directe tendentem in ipsum Proximum.

II. Hinc invidiam non esse peccatum mortale, quando spectat Proximi temporale bonum, quia hoc tam exiguum est, ut nullius sit coram Deo & Sanctis ejus.

III. Possè aliquem sine peccato mortali habere violentam adedè aversionem a proximo, ut vel non ferat illi suppetias in necessitate, vel injurias non remittat, etiam consentienti.

IV. Imò posse quempiam alicui hosti, alioquin valde nocituro, optare mortem, non odio mero, sed ad evitandum damnum, quod metuit aut sentit ex ipsius vitâ; item de morte inimici gaudere ob bonum inde secutum vel secuturum.

V. Negant quidem in vindictâ licere malum pro malo reddere, hoc si aliquis solummodo spectet: contra, si honoris tutelam attendat, non esse illicitum alteri alterum vindictâ persequi, assueverant.

VI. Igitur Duella pronuntiant licita, modò ad honoris vel fortunæ defensionem duntaxat intentio dirigatur.

VII. Quin permittunt Calumniatorem, nobis exitium in iudicio molientem, clam interficere, item falsos Testes, atque Judicem ipsum, si cum Adversariis in perniciem consenserit. Imò concedunt ad reddendam vel declinandam alapam aliquem interfici posse, id si conditio nostra & honor videatur requirere: item pro recuperando honore, si quis mendacium exprobraverit.

VIII. Quoad Furtum permittunt Famulis, ut bona Dominorum occultâ compensatione surripiant: simulque, ut quis Cessor bonorum honoris consulendi causa aliquid ex iis retineat, pariterque concedunt in gravi necessitate bona clam adimere ditoribus.

Atque hæc nos ex libro *Theologie Morale des Jesuites*, excusa A. 1644. & antèius edita A. 1666. nec non *Literis Montaltii* collegimus. Nec plura licuit de genere hoc Jesuitarum *βδελύγματα*, de

jejunii, juramentis ac fidelitate, judicibus eorumque in judiciis officio, carnali libidine, adulterio, stupro, voluptatibus mundanis, ambitione, avaritia, calumnia, mendacio, æquivocationibus aliisque criminibus recitare, quando citata jam volumina Eruditis sunt nota, quibus adjici potest nostri *Hoornbeeckii Præfatio ad Theologia Præctica Tom. 11. & Molinei liber Gallicus de Tradit. pag. 315. & seqq.* ubi abundè est, quod satisfaciat, & ostendat, quam intoleranda sit Lojolarum in Christianismo, in Regnis, in Civitatibus Doctrina Moralis, quæ naturam corruptam & concupiscentiam carnis, ambitionem, studiumque adulandi Principibus, Nobilibus ac Vulgo, atque adeò principatus inter omnes Ordines Religiosos obtinendi, suos habet fontes.

Jesuitarum in excusanda impietate fraudes.

Interea dum se sentiunt tam scelestæ Ethicæ accusari, velamenta pudoris conquiritur. Nam *Primò* dixerunt, pleraque Themata, considerata Theoreticè, asseri posse, saltem, ut probabilia defendi, quamvis practicè vix probari possent, ne datâ multis cædibus occasione, eorum usus vergat in Reipublicæ damnum. Atqui sic saltè fatentur sua dogmata ad Societatis civilis perniciem spectare, interimque asserunt tutum in conscientia esse posse in Dei foro, si quis ipso usu illa secutus fuerit. Imò verò sic instituunt, ut unus speculativè licita fingat, aut probabilia; alter ad praxin deducat, haud facile permittendam; tertius ad faciliorem promoveat; & quartus ad plenam veniam, uti licet cum *Montalio Epist. xiii.* observare.

Secundo hunc excusandi modum finxêre, unius alteriusve Doctôris opinionem omnibus Sodali-
 bus haud imputandam; pessime ergò fieri, si ob
 sententiam cujusdam Authoris atra toti Societati
 nota inuratur. Verùm observârunt Jansenitæ,
 Dogma de Probabilitate, quod omnibus est Je-
 suitis commune, hunc velandi pudoris prætex-
 tum detegere. Etenim ipsis communiter licitum
 erit aliquid, quod probabile est, fieri posse, atque
 id iterùm erit probabile, quod Viri cujusdam dō-
 cti autoritate nititur. Quare quod quispiam ex
 Lojolitibus fieri posse absque culpâ existimat, de-
 bent omnes legitimum censere, eumque absol-
 vere tenentur, qui istud fecerit.

Addebant Jansenitæ, sufficere, ut unus ex So-
 cietate aliquid asseruerit, cum illa ipsa omnes
 Alumnorum suorum libros præstet. „ Namque
 (sic quidam Jesuita *Montaltio*, *Epist. Provinc. IX.*)
 „ hanc nobis legem esse scito, ut ne quid Præ-
 „ positorum injussu, & sine Theologorum no-
 „ strorum approbatione edamus in vulgus. Sic
 „ solemni sanctione nobis edixit Henricus III.
 „ x. Maji A. 1583. quod itidem confirmarunt
 „ Henricus IV. xx. Decembr. A. 1603. & Lu-
 „ dovicus XIII. xiv. Feb. 1612. Ita toti corpori
 „ singulorum libri præstandi sunt. Proprium id
 „ Societati nostræ. Hinc fit, ut quidquid ema-
 „ nat a nostris, Societatis nostræ verum referat
 „ ingenium. Nempe hoc erat magnum Sodalitii
 arcanum vulgare!

CAPUT XIV.

Impia Jesuitarum circa Christianismi Religionem, Sacramenta Pœnitentiæ & Eucharistiæ ac Devotionem Dogmata.

HÆc Ethicam Jesuitarum concernunt: nunc addamus nonnulla dogmata, ex quibus Ipsorum praxis circa Christianismi Religionem, Sacramenta, præsertim Pœnitentiæ & Eucharistiæ, ac Devotionem, pateſcet.

Et quidem Jansenitæ primariò exagitarunt Lojolarum impietatem in promovendo inter Gentes Christianismo, editâ *Palefoxi, Episcopi Angelopolitani, Epistolâ*, datâ olim ad Innocentium X. & suffixâ *Sanctamorei Diario*. Ibi enim queritur §. cxxxiii. Ecclesiam Sinicam ingemiscere, se non tam edoctam a Jesuitis, quam deceptam in fidei purissimæ documentis ac rudimentis; Gentilium ritus Neophytis cæterisque esse permisos; Christianos mores non tam introductos, quam foedatos; Christianizantes idololâtras ac idololatrizantes Christianos ad eandem mensam, in eodem templo, super iisdem aris adorantes, cultu inter Deum & Belial diviso, commisceri.

Convers.
gentium
per Je-
suitas.

Hæc ibi Episcopus. Et videbit Lector, quos Christianos in Sina & Japonia fecerint Jesuitæ, si hisce conferant, quæ *Dallaus de Cultûs Religiosi Objecto Libro I. Cap. x. xxii. xxiii. xxiv. xxv. & Ed. Sislingflicus*, Tractatu Anglico de *Practica Eccle-*

Ecclesia Romana Idololatria differuit; nos illa in sequens Caput reservamus.

Quin etiam eò perrexêre, ut carnali prudentiâ Christum crucifixum inter Sinenses tacere ausi fuerint, in mundi gloriam intenti, quò scandalum crucis evitarent. Sic idem *Palefoxus loco citato* queritur, & Jesuitis exprobrat D. *Jurinus* libro *L'esprit d' Arnauld*, Tom. 11. pag. 191. & seqq. Unde apparet, quam norint Christianismi terminos extendere Lojolitaë, qualesque faciant Christianos, qui ne quidem intelligunt Christi sanguinem pro peccatis humani generis esse fustum.

At quales formant inter eos, qui jussi sunt Christi crucem non tantum profiteri, sed etiam adorare? Id apparet ex dogmatis de Pœnitentiâ & Eucharistiâ Sacramentis, quorum nonnulla in libro de Frequenti Communione atro carbone notata superius invenimus. Nunc juverit quædam distinctius observâsse, ut Ignatianorum consilia & ingenia amplius cognoscamus. Atque eò utilissimum erit citare Episcopum Castoricensem, qui A. 1685. edidit Librum hoc Titulo, AMOR POENITENS, ubi in *Præfatione* ad Clerum mox ab initio refert, *disputari magnâ animorum contentione, utrum timor gehennæ cum comitante aut Lavacro Regenerationis, aut lacrymoso Pœnitentiæ Baptismo, sit per se sufficiens, quamvis illum ætuoſus Amor Dei non nobiliſet, ut peccato mortuum revocet in vitam, & Divinæ exosum Justitiæ, ei gratum & amabilem reddat?* Porro ait, sicut lis litem parere solet, aliam ex hac disputatione natam, in qua non

Impietas
circa Sa-
crament.
Pœnit.

fegniori ardore quæritur, *utrum homo, quem tetra flagitiorum facinorumve consuetudo implicatum tenet, quisque non semel melioris vite promissa & Pœnitentia Sacramentum violaverit, toties sit absolutione donandus, quoties dolorem præ se ferens, emendationem sponderit: an verò sit eò usque Reconciliatio Sacramentalis ei differenda, quousque sua Conversionis sinceritatem castigatione morum, dignisque Pœnitentia operibus conspicuam & credibilem fecerit?*

Satis autem ex controversiæ statu apparet, quales Jesuitarum errores Neercassellius depingat, sibi que refutandos toto opere sumpserit. Et magno jure, *cum quæstiones ex eo sint genere, in quibus admodum timendum est ne deceptio medicinis cœlestibus, quas ad curanda animarum vulnera Salvator instituit, toxica miscens æternum animabus exitium inferat.* Ut verò refutet, sequitur Jansenii, Sancyrani atque Arnaldi dogmata de Divino Amore, quæ ante satis explicuimus.

Nempe sine Amore Dei nullus peccator in gratiam cum Deo queat redire; Amor hic non tam frequenter aut momento adolescit, nec in fidelibus tam crebro deficit, ut vulgo creditur; Signa Pœnitentiæ potiùs ex factis, quam ex verbis, potiùs ex fructibus bonorum operum, quam sponfionibus & promissis dignoscenda sunt; Summâ utendum est in animabus curandis prudentiâ; Eò dilatio absolutionis, ex usu Veteris etiam Ecclesiæ, sæpe necessaria est; Atque subinde oportet, ut satisfactio, uti pœnitentia, absolutionem antecedit; Gratia Justificationis pro ea sui parte, quæ peccatoris animam afficit;

non

non tam collocata est in transitorio charitatis motu, quam in mansorio & prævalente ac prædominante ejus affectu, non tam in erumpente & statim evanescente amoris scintilla, quam in igne durante & flammæ frequenter ejaculante, id est in propensione, sive vivaci pondere animam ad Deum ferente, eique subdente ac conjungente, ut omnis Justitiæ fonte.

Sic Castoriensis Episcopus, dum dolet pessimos quorundam in suâ Communionem errores, corruptos mores, profanata sacra, secutus vestigia Jansenii, ut Jesuitarum impiam Moralem refelleret. Quamquam citatus Romam, vix iras & anathemata effugit. Et tamen noti erant in vulgus practici Lojolitarum errores, quibus Sacramenta veluti veneno medicata populo propinabantur. Quippe de Sacramento Pœnitentiæ docebant, uti ex aliis quoque Scriptis est colligere,

Justificationem in isthoc Sacramento obtineri posse per dolorem naturalem de peccato, imò sine vero peccati dolore: Solum inferni metum, sine Amore Dei, id est attritionem, uti vocant, sufficere ad dispositionem, quæ ad Sacramentum Pœnitentiæ requiritur: Absolutionem non esse negandam confitenti peccata, & pœnitentiam, quæ imponitur, promittenti: Ne quidem relapso sæpius in eadem crimina, violatâ Voti & Sacramenti Religione, dummodo dolorem præ se ferat, atque iterum emendationem spoponderit: Imò nec obnoxio consuetudini peccandi, si vel emendationis spes nulla appareat. Addunt aliqui, nec illi, qui S.S. Trinitatis

tis aut Incarnationis Myſteria ignorat, quin negligit; Dolorem ſufficientem eſſe ad obtinendam abſolutionem, ſi quis dicat, ſe velle, ut haberet dolorem ſufficientem, & dolere quod non habeat; Pœnitentem non obligari, ut recipiat Pœnitentiam ſibi impoſitam in hac vita præſtare; reſervari eam poſſe uſque ad purgatorium; item poſſe omitti Pœnitentiæ opera, ad quæ Sacerdos obligat, ac pœnitentem contritione contentum vivere, abſque ſalutis diſpendio.

Circa
ſacram
Euchar.

Atque hæc dum ſentirent de ſuo Pœnitentiæ Sacramento, quid non dixerint de *Euchariftia* Myſterio, ad quod mox iſtiusmodi pœnitentes admittuntur? Nempe

Illa ſæpius homini peccatori, etiam munda-
no, qui Amore Dei parùm aut nihil ducitur, eſt
ſumenda: nec requiruntur dignæ diſpoſitiones
ad iſtius Sacramenti uſum: non enim ſacrile-
gium committit, qui ad illud qualiacunque ad-
fert crimina, dummodo eò, quo dictum eſt, mo-
do, ad Pœnitentiæ Sacramentum acceſſerit: Sa-
tisfit tamen præcepto Eccleſiæ, anniverſariò
Euchariftiæ uſu, maximè tempore Paſchatis,
etiam per indignam Communionem: ſane ſuffi-
cit ad Religionem Sacramenti corporalis præ-
ſentia, dummodò, licet mens diſtrahatur, quis
corpore reverenter & cum debita attentione
externa aſſiſtat: Imò ſatisfacit præcepto de au-
dienda Miſſa, qui audit animo non ſatisfaciendi:
Poſſe quis Miſſæ partem ab uno & partem ab
alio Sacerdote audire. Sic habemus ex Libris
Janſenitarum ante citatis.

Atqui

Atqui dum hæc Laicos de usu Eucharistico docent Sacerdotes, quid non ipsi præstent? Quid non sibi concessum putent, quando interea a bona intentione sacrificantis naturam & efficaciam Sacramentis, etiam mox adorandi, suspendunt? Utique queritur Episcopus Castoriensis de laxatâ in gratiam Sacerdotum disciplinâ, & neglecto more Ecclesiæ antiquo, ad testem provocans *Goddavium, Episcopum Vencensem, qui Hist. Eccles. ad A. D. XCIV.* scripsit in hæc verba: *Nostro sæculo ne quidem umbra superest (veteris disciplinæ) Casuistis ausu docere, permitti posse, ut Sacerdos, qui nocte præcedente quavis impudicitia se polluit, nihilominus sacris operetur; mox addens, si ista doctrina componi potest cum disciplina in Ecclesia multis sæculis servata, & cum puritate victimæ Corporis Domini, componi quoque potest lux cum tenebris, & Christus cum Belial.* Lege hæc apud *Episcopum Castoriensem in Amore Penitente Lib. II. Cap. XXI. pag. 307.*

Cæterum usus Augustissimi Sacramenti cum se tali modo habeat; quidni doceant, Devotionem Christianam admodum *facilem* esse, neque adeo gravem, scrupulosam, aut morosam, uti communiter existimant? Falsò enim, ajebant, Virtutem a quibusdam esse exhibitam ac depictam, quasi foret aspera, frequentia fugiens, amans solitudinis, labore stipata ac dolore, inimica joci & lusibus, quo factum ut pauci ejus rupem conscendere tentaverint: illam potius se hominum ingenio accommodare, etiam illorum, quos ad mansuetiorem cultum instruxit benignior corporis temperatio, in quibusve abundat

Circa
devotio-
nem &c.

dulcis ille & calidus humor, & sanguis ille mitis & purgatus, unde gaudia efflorescunt.

Denique satisfieri Ecclesiæ Præceptis per actiones externas, quum illa actiones spirituales & internas jubere non possit, quia corpus est politicum, nec ferre potest nisi humanas leges. Quid? satisfieri posse obligationi ad preces a Laicis, ipsisque Ecclesiasticis, si quis vel precetur sine attentione & veneratione, imò cum distractionibus mentis voluntariis & cogitationibus malis.

Sic Jesuitæ, qui satis usi sunt Romanensibus de Ecclesiâ principiis, vehementer sententiam Protestantium de Ecclesiâ ceu Electorum & Prædestinatorum Societate exagitantēs, quasi Idea Platonica foret, ut Regnum Pontificis Romani, qui dum caput est Ecclesiæ, impius esse queat, tueantur. At quam maximè hoc pacto studuerunt Plebi ac Nobilibus, carnalibus ut plurimum, placere, ficta pietate, quæ nulli non mundano homini arrideat, uti suæ Societatis fimbrias extenderent. Nimirum hæc ars, hic astus erat, *Virtutem, quam omnes expavescebant, tantâ prudentiâ temperare, ut dejecto illo terriculo, quod in illius aditu Demones collocarant, ipsa vitiis facilior & voluptate suavior ac mollior efficeretur.* Lege hæc omnia apud *Montalt. Epist. ix.* & Libro *La Morale des Jesuites* suis locis fusius annotata.

Quid Tibi videtur, Lector, an Jesuitarum pietas non est mera impietas? An tolerabilis ista Societas in Rebuspublicis? An saltem Christianismi Ethicam, quam Christus & Apostoli descri-

scripserunt & commendarunt ut longè Judaismi & Gentilismi Moralia dogmata superantem, queat referre? An naturæ vires superat? Imò verò observavit Vir Doctus, Authór libri, *La Morale des Jesuites*, ipsos Ethicâ suâ Christi Gratiâ, quæ anima Euangelii est, perdere variis modis.

Nam I. rejiciebant ab opere bono Amorem Dei, uti necessarium principium. II. Dixerunt lapsum in peccata non obligari ad petendam mox gratiâ, aut quærenda media, quibus restituatur, imò ne quidem ad accipiendam gratiâ, quæ offertur. III. Asseruerunt, peccatorem in gratiâ posse redire cum Deo, & se præparare ad Sacramentum Pœnitentiæ, quod eo institutum est, ut per actiones & dispositiones naturales, quæ a gratiâ non procedunt, eam recipiat. Leget hæc Lector citato *Volumine, Libro II. Cap. I.*

CAPUT XV.

Jesuitarum Idololatrâ circa B. Virginem superstitio a Jansenitis reprehensa.

SEd præsertim indignè tulerunt Jansenitæ, a Jesuitis Religionem ferè in Beatæ Virginis cultum mutari, fallacemque in ipsam pietatem pro verâ esse introductam. Scripserat etenim quidam Paulus Barrius Libellum, cui Titulus, *Paradyſus apèrtus, per centum pietatis officia in Deiparam Virginem, observatu facillima*, de quo Mon-

Erga B. Virginem Jesuitica superstitio.

Montaltio cum quodam Jesuita *Epistola Provinciali* ix. Colloquium. Atque in eo quidem continebantur primordio hæc verba, quot obsequia in *Deiparam* hoc libro continentur, tot claves esse certum habe, quibus dummodo utaris, totus tibi Paradysus patefcet; & in calce libri, si quis unum modò ex illis officiis usurpet.

Ex Montaltio.

Hæc ubi vidit Montaltius, qui notissimus iste Paschalius est, mox inquit (veniam dabis Lector, si bellulam historiam referamus) „Fac, mi „Pater, ut aliqua de facillimis me doceas. Ille „autem: Nullum, inquit, non facile & expectum. Exemplo sint ista: *Beatam Virginem salutare, cum in ejus imaginem incurris. Rosarium decem delectationum beate Virginis recitare. Maria nomen frequenter in ore habere. Angelis mandare ut ei nostro nomine salutem dicant. Optare ut plures illi Ecclesias adificemus, quam omnes simul Catholici Reges adhuc fecerint. Ineunte & desinente die salutem ipsi dicere. Singulis diebus Ave Maria recitare in honorem cordis Mariae. Quo obsequio vel maximè cor Beatæ Virginis, adjungi dicit. Eâ credo conditione, inquam, mi Pater, ut suum quisque cor Mariæ offerat. Optandum quidem illud, inquit; sed tamen necessarium non est, si quis mundi amore nimis implicatus sit: audi Barrium. *Aequissimum quidem fuerit, inquit, pro corde cor dari: at quia tuum nimis adhuc creaturis alligatum est, suadere non audeo ut fugitivum illum servum, quem tu animum, sive cor tuum dicis, tam cûd Maria offeras. Igitur Barrio satis est Ave Maria, quod initio petierat. Hujusmodi sunt „ob-**

„obsequia quæ habentur pag. 33. 59. 145. 156.
 „172. 258. 420. editionis primæ.

„Hic ego: Non dici potest quidquam com-
 „modius, mi Pater: itaque neminem jam æter-
 „nis suppliciis addictum iri reor. Nescis, inquit
 „ille, quanta sit certorum hominum durities.
 „Sunt qui nunquam id curæ suscipiant, ut quo-
 „tidie voces illas recitent, *salve, vale*; neque
 „enim id præstari potest sine aliquâ memoriæ
 „attentione: quamobrem faciliora adhuc obse-
 „quia a Barrio nostro suppeditari oportuit; cu-
 „jusmodi sunt ista: *Ferre Rosarium semper brachio*
 „*circumvolutum, aut quocunque tandem modo illud*
 „*habere, vel saltem imaginem B. Virginis.* Extant
 „illa pag. 14. 326. & 447. *jam dic non te facilia*
 „*pietatis opera doceri, quibus Maria animum tibi*
 „*conciliare possis*, ut Barrius ait pag. 106.

„Equidem, mi Pater, nihil ad hanc facilita-
 „tem addi potest. Ultra, inquit, progredi non
 „licuit: sed ista credo satis erunt. Quis enim
 „ita impiè demens, ut de totâ vitâ nolit mo-
 „mentum sumere ad colligandum in brachio Ro-
 „sarium, & sic collocandam in tuto salutem;
 „idque tanta cum securitate, ut hoc qui expe-
 „riri voluerint, nunquam spes sua fefellerit?
 „Unum duntaxat exemplum afferam, quod re-
 „fert Barrius pag. 34. Erat quædam fœmina
 „quæ nullum intermittebat diem, quin quoti-
 „diè Beatæ Virginis imaginem salutaret; &
 „tamen ad finem usque vitæ lethali peccato
 „mansit obnoxia, ac demum ita mortem obiit;
 „& tamen hujus, quod dixi, obsequii præsidio
 „sa-

„salutem adepta est. Quì potest, exclamavi?
 „Illam, inquit, ne damnaretur, Dominus è
 „mortuis excitavit. Adeò perire non potest,
 „qui aliquo istorum officio fungitur.

„Non dubito, inquam, mi Pater, pietatem
 „adversus Beatam Virginem magnum esse adi-
 „piscendæ salutis subsidium: & vel levissimo-
 „rum officiorum non mediocrè meritum esse,
 „si ex fidei & charitatis radice nascantur, ut in
 „sanctis, qui ista frequentarunt, certè nasce-
 „bantur. At periculosè admodum, mi Pater,
 „iis, qui hæc obsequia studiosiùs usurpant, de vi-
 „tâ mutandâ non laborant, ea inseritur opinio,
 „fore ut vel in ipso mortis articulo ad Deum con-
 „vertantur, vel mortui revocentur ad vitam:
 „scilicet temeraria illa fiducia fovendis homi-
 „num fallaci securitate flagitiis longè accommo-
 „datior videtur, quàm eisdem per veram animi
 „conversionem eluendis. Quid refert, inquit,
 „in coeleste regnum posticône an januâ ingre-
 „diamur. Omnindè virtutene an industriâ, illa
 „gloriæ arce potiamur, nihil ad rem dum po-
 „tiamur *modò*, ut sapienter a Bineto Provinciali
 „nostro in eximio libello de Notis prædestina-
 „tionis n. 31. pag. 130. his verbis gallicè dictum
 „est: *Soit de bond, ou de volée, que nous en chant,*
 „*pourveu que nous prenions la ville de gloire?* Pa-
 „rum referre, inquam, facilè dabo: at id a-
 „gitur, utrùm istâ viâ perveniatur in cælum.
 „Præstat, inquit, id Beata Virgo, ut extremis
 „versibus pulchrè Barrius noster ostendit. *Si*
 „*quid in te*, ait, *juris esse contendat humani generis*
 „ho-

„hostis, indeque in parva cogitationum tuarum repu-
 „blica aliquid oriatur tumultus, dic pro te Mariam
 „spondisse, eamque de iis, quæ a te petuntur, appel-
 „landam.

Habemus ex hisce Jesuitismi falsam circa Bea-
 tam Virginem religionem ac superstitionem, ne
 quid de libellis a Societate editis, qualis præ-
 ter *Psalterium Bonaventura* est *Hortulus Maria-*
nus, cujus author *F. de la Croix*, aliquid dicamus.
 Id notum est, eò devenisse Jesuiticas supersti-
 tiones, ut Jansenitæ, probantibus Viris Eximiis,
 etiam Episcopis, scripserint *Monita Salutaria B. V.*
Mariae ad Cultores indiscretos, quartumque Lovanii
 ediderint. Prodierant primùm, ut hoc sciat Le-
 ctor, A. MDCLXXIII. facultate & approbatione
 Censoris J. Gillemans S. S. Theol. Licentiati &
 Ecclesiæ Cathedralis Gandavenfis Canonici, &
 Archipresbyteri munita. At invisa erant non-
 nullis, qui in id studuerunt, ut ea vulgo su-
 specta & exosa redderent. Ergò recusa fuêre,
 quartæque editioni præfixa P. de Walenburgii,
 Episcopi Mysiensis & Suffraganei Colonienfis ap-
 probatio, itemque P. Ansemii Vicarii in Spiri-
 tualibus & Generalis ejusdem Archidiœcesis,
 F. Franken S. T. D. & ad S. S. Apostolos Deca-
 ni, Henrici Patricii S. S. T. D. & P. Colonienfis,
 & Johannis Polcz, Pastoris ad S. Cuniberti, qui-
 bus ipse Tornacenfis Episcopus suis Pastoralibus
 literis accessit. Summa autem Monitorum con-
 tinetur hocce Beatæ Virginis ad sui Cultores al-
 loquio.

Ex mo-
 nitis sa-
 lutaribus

*Se, quos amatores vult, imitatores cupere: Non
 omni*

Nonnulla
verba
citata ex
monitis.

*omni spiritui credendum, nec facile recipiendas omnes
& quasvis historiunculas, quæ de suis apparitionibus,
aut revelationibus, aut beneficiis & privilegiis promi-
scuè circumferuntur: Nemini considendum, se culti-
res suos ex inferno ad pœnitentiam revocare, aut pro-
pter aridas aliquas devotiunculas in iudicio defendere:
Neminem cultum sibi exhibentem, si charitatem non
habeat, prædestinatum esse: Non esse privilegium ul-
lum peccatori impœnienti concessum, ut æternum non
patiatur incendium, quantumvis se colere præsumpse-
rit, nec quicquam tales adiuturas formulas & preca-
tiunculas, aut signa & instrumenta pietatis, quæ ge-
staverit, nec Confraternitates & Sodalitates, quibus
nomen dederit. Cavendum esse à laqueo Diaboli, qui
sub prætextu facilis externa pietatis securitatem pecca-
toribus suadet, ut pœnitentiam differant, præsumentes
de Divina misericordia, & sua intercessione illis non
defutura: Non compati vel collachrymari se illis, qui
à Filio suo damnantur: Baculum esse arundineum, pu-
tantium, quòd pietas externa sufficiat: Laudem, quæ
sibi, ut sibi defertur, vanam esse: Se ante pedes Agni
mittere coronam suam, & conservam nostram esse:
Nolle se quidquam Deo subtrahere, vel cum illo divi-
dere: Non se ita colendam, ac si non sufficeret Deus:
Nullo alio, quam Deo nos indigere, & in ipso habere
omnia: Non desperandum ei, qui se non habeat, sed
considerandum esse Christo: Non ita se colendam, ac si
non daretur sine se aditus ad Deum per Christum:
Non se colendam, quasi Deam subalternam: Non se
Mediatricem vel Advocatam esse eo sensu, quo Filius
est Mediator & Advocatus: Cavendum, ne per hy-
perbolem vel zelum immoderatum quidquam sibi tri-
buatur,*

beatur, quod soli Deo, vel Christo debetur: Non esse
 se omnipotentem, Salvatricem, Corredemptricem: A
 tribunali Divino ad suum appellari non posse: Nolle
 se excessiva encomia, vel vanas adulationes: Dicen-
 dum non esse, quod Christus sit Judex severus, Maria
 Mater misericordiae: Accedendum cum fiducia ad thro-
 num gratiae, nec trepidandum; trepidantes tamen se
 ad illum ducturam: Non plus temporis aut pecuniae
 sibi, quam Deo impendendum: Sibi, ceu medio ad
 Deum, non fini, non nimium inhaerendum: Cum
 homines sua mancipia non sint, abstinendum esse ser-
 vilibus titulis & signis inanibus & aulicis submissio-
 nibus: Se & Sanctos cultu dulci, sive dilectionis & so-
 cietatis; solum Deum cultu laetiae colendum: Non re-
 ctè se diligere, si statuae suae pretiosis vestibus & monilibus
 fulgeant, Christus vero in pauperibus suis egeat: Non
 sibi placere, quod splendeant luminaribus imagines suae,
 dum juxta illas squalent receptacula corporis Christi:
 Nullam statuis vel imaginibus suis virtutem inesse:
 Non existimandum, se fuscam aut nigram, aut quic-
 quam momenti in colore situm esse: Non aliam se esse
 hic, aliam ibi; aliam in Monte-ferrato, aliam in
 Monte-acuto: Non contendendum esse pro hac vel illa
 figura, hoc vel illo loco: Circa dotes & prerogativas
 suas contendendum non esse: Beatum esse, qui cum
 Apostolo se nihil judicat scire, quam Jesum Christum,
 & hunc crucifixum.

En Lector, quas Viri Egregii in Mariolatris
 superstitiones reprehendant. Quamquam permit-
 tunt, ut dicatur, Mater Dei supplere tuis commen-
 dationibus apud Deum id, quod mea infirmitas ipsi
 dare non potest, & obtineto pro me a tuo dilecto Filio

gratiam, ut cognoscere possim &c. Istud tamen non prohibuit, quin centuram liber pateretur & Romæ & in Hispania, uti continens propositiones erroris suspectas, impietates, abusus Scriptura, arcientes fideles a pietate, devotione & invocatione Matris Dei. Sic ait Crassetus Jesuita, qui impugnavit, & secutus est Cornelius Hazardus, Antverpiensis, in suo *Triumpho*, seu Magnô Catechismô, quem pro meritis castigavit *Carolus de Bont Docteur Théologus* spissò volumine, cui amicus *Ignatius Eykeboom S. T. Baccalaureus* libellum suffixit, quo Jesuitæ errores, convitia, ignorantiam, impiam Ethicam, Scripturæque torsiones demonstravit.

Defensa
a Janse-
nitis.

Quin etiam eò insanix delapsus arguitur, ut eos, qui Monita salutaria probant, & dicunt *Matrem Domini neminem amare posse, nisi Filium amet*, blasphemus Errones appellitet. Imò idem *Ignatius* scribit, authores *Monitorum salutarium*, & approbatores voluisse amoliri scandalum, quod falsa devotio creabat, & evitare errorem Hazardi, similiumque, qui ausi sunt asserere, nihil esse, quod peccator, qualiscunque sit, metuat, licet nullum de peccatis suis dolorem senserit; quum *Maria sit spes desperatorum*. Sic ille pag. 58. & 60. Eò impietatis & superstitionis provectus est Jesuitismus, quando semel a Gratia Christi Servatoris ad Naturam defecit!

Impietas
Crasseti.

Nec meliora sanè in Galliis Crassetus, cujus liber multo Doctorum testimonio, ipsoque Archiepiscopi Parisiensis favore ac Regis privilegio munitus prodiit. Nempe *Deus ordinariò nullam gratiam homini largitur absque intercessione*
D.

D. Virginis, quia vult nostram salutem etiam ab illa dependere. Porro ipsi omnis potestas competit in cælo & terra; illa potest servare desperatos; ad thronum Dei accedit, non solum uti ancilla, sed uti Mater, qui jubet Filio. Uterius, illa Sponsa est Sp. S. & jura habet in distributiones donorum ejus. Ipsius cultus Prædestinationis est signum; illam devotè colens nequit damari. Odit quidem peccatum, sed amat peccatores magnorum criminum reos, nullique eorum rejecti sunt ab ejus misericordia; quin ipsa ex inferno reducit homines, & impedit ne anima sceleratorum & latronum, separate a corporibus in infernum descendant. Fecitque etiam miracula, ut ipsis post mortem tempus pœnitentie daret, quia ipsi in terris fuere devota. Sic Mariolatra, cur non adderet, dignitas Matris eam reddidit adoratione dignam ut Angeli ipsam adorent, & adorarunt antequam in mundo esset?

Sic Ille, cui accessit Volpilius Doct. Theologus, edito Lutetiæ libello, *La vie reglee dans le monde &c.* A. 1683. quando ait, (sic lego in Actis Leipsiensibus Tom. II. pag. 248.) Mariam Mediatricem esse in omnibus, quæ ob peccatum Deo habemus, dissidiis; illam misericordia suum pandere; peccatoribus refugium præbere; nullum hominibus beneficium a Deo conferri, nisi per ministerium Divæ hujus Regina, omnis gratiæ dispensatrici. Neque parcit illis, qui sua in communione existimant, plurimos excedere legitimos devotionis erga B. Virginem terminos, quando omnia, quæ illi exhibentur officia, ad Filium pertinent, ipseque non melius quam veneratione sua Matri colari potest.

Quæ omnia cur non Viris Cordatioribus dis-

Episc.
Castor.
motatus.

pliceant, licet omnes circa B. Mariam superstitiones repudiare cum Reformatis nequiverint? Inter eos est *Episcopus Castoriensis Neercassellius* Tractatu de Sanctorum & precipuè B. Virginis Maria Cultu. Quamquam non debuit superstitiones ab Eruditis inter suos defensas, & vulgari consuetudine exercitas, uti hyperbolas excusare, easve exponere præter mentem Scriptorum, invecus in Reformatos uti Hagiomachos, quos tamen novit profiteri B. Mariam, verosque Sanctos, honorandos esse propter imitationem, non adorandos propter Religionem, uti loqueretur *August. de V. Relig. C. LV.*

Imò quam tepidè non probavit zelum eorum, qui de B. Virgine dixerunt, sic Maria dilexit Mundum, ut Filium suum unigenitum daret? Tractatu III. cap. XXIII. Quam male concessit Mariam Mediatrixem & Advocatam esse apud Christum, uti Christus est Mediator & Advocatus ad Patrem? *Ibid. Cap. XXXI. XXXIV. XXXVII.* Quamvis repugnet Antiquitas, quæ non nisi unum Deum unumque J. Christum Mediatorem colebat, apud *Euseb. Hist. Eccles. Lib. IV. c. 14. Orig. c. Celsum Lib. V. § VIII. August. de Civit. Dei Lib. XXII. c. X. & Tractat. in Johan. XXIII.* Quam languidè eos perstrinxit cum Perronio, quasi oleum & operam perderent, qui dicunt in divisione celestis Imperii Maria Misericordiam, & Christo datum esse Judicium? *Cap. XLI.* Nempe paradoxum modo est, licet contrarium sit Divino Consilio, ex quo Deus factus est homo. Imò etiam novit idem Castoriensis benignè interpretari Gilberti Massi Episcopi Sylvæ-Ducensium Versiculos

Hinc

Hinc lactor ab ubere , hinc pascor a vulnere ;

Positus in medio , quo me veritam nescio ;

In hoc dulci dubio , dulcis est collatio.

Tantopere adhærent Viri oculatiores suæ Communioni , ut errores scdissimos , quos norunt , ferant tamen in aliis , aut quodam fucopingant , ne propudiolam & turpissimam Idololatriam continere videantur , imò etiam accusent nostros , qui amore & honore Dei & Christi illos reprehendimus & pro viribus refellimus ! Quos tradimus Dei arbitrio , qui novit , quam iniquè tales sæpe veritatem agnitam , amore mundi , in injustitia detineant ac supprimant.

Sed quidquid Episcopus Castorienſis quærat hyperbolas , fingat schemata , excuset suorum erga B. Virginem superstitiones , non tamen delebit solitas in sua Communione ad illam preces , cantiones in litanis , ac Poëtarum carmina. Saltem probare non poterit Jesuitarum Institutiones , quibus jactitant se Gentiles ; inter Seras & Japonenses , ad Christianam Religionem convertisse. Nimirum Idololatriam eorum , quâ sub Numine Summo inferiores Dii colebantur , mutarunt non adoratione Unius Dei , sed substitutione novorum Numinum , uti ex ipsorum Idolis igne excoxerunt novas Imagines , quas conversi venerarentur.

Super-
stit. Je-
suitar.
apud
Gentes.

Qualis autem cultus illis sit præscriptus a Jesuitis , exposuit *Dallaus libro de Cultus Relig. Objecto* , cap. ix. xiv. xxiv. xxv. citatis Soliero , Trigautio , Jarrico , aliis , eorumque Annalibus

seu Sinicis, seu Japonicis. Id verò maximè apparuit in persecutionibus, quas novi Christiani maximè in Japonia A. 1589. 1595. 1603. 1609. 1614. 1619. 1622. - 1626. pertulerunt, memorantibus Lojolitibus, ut Crucifixi exclamaverint, *Jesus Maria, confugiamus ad sanctissimam Matrem, dicentes Miserere nostri optima Domina, ad gloriosum Franciscum, ad Angelum Custodem, ad omnes Sanctos, ut intercedant pro nobis, dolentes præterea Crucium, Reliquiarum, Agnorum Dei, Rosariorum, Imaginum jacturam, dum de Scripturis nulla mentio. Nempe manibus Gentium obtruserant Catechismos suos, Acta Martyrum & Virginum, Vitas Sanctorum, libellos de Rosarii mysteriis, de Maria laudibus & horis, Ignatii exercitia. Nimirum id est nihil aliud inter Gentes nosse, quam Jesum Christum crucifixum! Id est, avertere earum animos a creaturis ad Deum Creatorem! 1 Cor. 11. 2. Act. XIV. 15.*

Et verò quid a talibus expectes, qui permiserunt Chinenſium Idololatriam cum Religione Christiana combinari. Debeo hic memorare, quod scribit *Rever. Stillingfleetus libro Anglico de Idololatria Romana*, ex Decreto Congregationis de Propagandâ Fide, A. MDXLV. 12. Sept. quod descriptum a Notario se testatur vidisse. Atque eò id faciet, ut conversiones Chineses per Jesuitas, de quibus ante ex literis Palefoxi, Episcopi Angelopolitani, diximus, amplius exponamus atque doctrinæ Jesuiticæ ingenium intelligamus. Sic ergò Vir Egregius pag. 131.

Damna-
ta Roma

Cum Jesuitæ gloriarentur nimium de suis inter Chineses laboribus, Missionarii quidam, præ-

præcipuè ex Franciscanis , admodum desiderabant istas artes cognoscere , quibus Jesuitæ tantum valerent etiam apud Nobiles Viros , ut Christo darent nomen. Instituto autem scrutinio hanc causam invenère , quod libertatem ipsis circa quinque Ecclesiæ præcepta , *Missæ auditionem , anniversariam confessionem , usum Sacramenti die Paschali , jejunia diebus solemnibus , ac decimas ,* concederent. Deinde , quòd illis permetterent *Ceremonias in Baptismo , oleum & sputum in aures , sal in ore , quando fœmina baptizarentur , unctionem extremam ,* quòd mariti hæc Jesuitis fieri ob zelotypiam non concederent.

Quin etiam experti sunt , quòd I. *Mandariis darent libertatem frequentandi templum Tutelaris Spiritus in quacunque civitate , quod ex officio tenentur , ibique se prosternendi solitis ritibus coram Idolo , imò in adeundo munere jurandi per tutelarem genium , dummodo penes se gestarent Crucifixi imaginem , in quam interea mentem adorantem intenderent.* II. *Quòd iisdem largirentur veniam subeundi templum Kenm-fucii , id est Confucii , bis quolibet anno , ibique peragendi solita Idololatriæ solemnia ; item quavis alia templa adeundi , antiquis Heroibus ex mandato Confucii erecta , ut gentilia sacra peragerent.*

Hæc autem bene perspecta Franciscani ad Regem Hispaniarum perscripserant ; hic verò de iis per Legatum Pontificem monuit , mox convocata Congregatione , quâ conclusum , esse illicitum prætextu quolibet jam memorato uti istiusmodi actibus , illicitis , superstitiosis , licet directæ in adorationem Veri Dei mens foret , nullique Gentiles adessent.

Alia te-
stimonia

Hæc Stillingfleetus. Plura non addimus, aliàs ex ejusdem Viri Docti libro pag. 296. & 66. varias precum ad B. Virginem formulas describerem, atque notarem, quæ pudendas erga eam superstitiones, quarum præsertim Jesuitæ rei sunt, ostenderent. Eò sane tendebat insania, ut instituta sit hoc sæculo in B. Mariæ honorem Confraternitas SERVORUM MARIÆ, per Simonem Rojas, a Paulo V. & Urbano VIII. variis indulgentiis confirmata; ut simulacra B. Virginis in processionibus, idololatricis ritibus, precibus & laudibus per urbes & vicos fuerint circumgestata, quò Divina Judicia averterentur; ut Imago ejusdem etiam ficta, deceptâ fraudibus Isabellâ Clarâ Eugeniâ, quasi ex templo Aberdonensi clam subducta foret, ubi 600. annis culta fuerat, Bruxellis in altari collocata sit adoranda, appenso vexillo, cui inscripta verba, *In Nomine Maria sestetatur omne genu*, mox processione, per dies octo continuos, gentili more, subsequutâ. Claudam solummodo Odâ Jesuitæ R. Rapini ad Divam Virginem Lauretanam ex Odarum Libro pag. 46. edit. Paris. A. 1670.

*Diva quam rebus trepidis benignam
Rure Piseno veneratur Orbis,
Cui suos sternit, facilis moveri,
Adria fluctus,*

*Si qua Pastoris tibi Vaticani
Cura, vel sacri superest Oculis,
Italæ Toracem procul inquietum
Finibus arce.*

*Si faves totis trepidabit undis
Bosphorus, rupes Scytica pavebunt,
Turca pallebit, timidumque cornu
Luna recondet.*

*Namque te dudum Pelagi potentem
Non semel verso tremuere Ponto
Mersa Threissi, rate dissipata
Arma Tyranni.*

*Ne Tibi fidam pavor ille gentem
Angat, aut sevens male turbet armis
Quos tuis lati meditamus aris
Ponere honores.*

CAPUT XVI.

*Doctrina Jesuitarum circa Regum ac
Principum jura & axiomata.*

TAlis autem cum sit Moralis Jesuitarum de Jesuitar.
dogmata
Principi-
bus in-
festa. Peccato, Virtute & Religione doctrina, existimarunt Jansenitæ, quod generi humano foret infesta, adversa Regnis & Civitatibus, omnique societati inimica. Mirabantur porro, Reges & Principes istiusmodi genus hominum in Republica tantisper tolerasse, maxime quum in id unum studeant, ut rerum ubique potirentur, & in comperto esset, quàm iidem Principum Sceptris ac Coronis insidias struerent, tandem ipsa suadentes Regicidia, quorum non semel suis præceptis ac consiliis artifices fuerunt.

Liber
Sanctarelli.

Itaque Jansenitæ non semel hæc ipsorum crimina, quasi ad Regum Tribunalia provocantes, accusarunt, eò consiliò, ut adversus eorum odia Magnatum ac Principum favores & tutelam mererentur. Id videre est apud *Sanctomorem*, qui initio sui *Diarii Cap. v.* exagitat librum cujusdam Jesuitæ *Sanctarelli* editum Romæ, *Permissu Superiorum*, contra Regum ac Principum Jura & Majestatem, hinc mox delatum ad Academiam & Senatum Parisiensem, ut non minus quàm ante Zuarezii ac Bellarmini volumina, pro summa potestate Papæ, meritâ censurâ notaretur. Digna sanè est historia ut ut prolixior, quæ ex *Grammondo* Præside Tholosano hic inferatur. Sic ergo ille *Gall. Histor. Lib. xv. pag. 675.*

Bellæx
Grammondo
historia.

Eodem tempore prodiit Santarelli è Societate Jesu Presbyteri de Summi Pontificis potestate liber, quo variis capitibus plura continebantur contra Regum auctoritatem & jura. Libro hic titulus; *Traëtatus de hæresi, schismate, apostasia, sollicitatione summi Pontificis; & de potestate summi Pontificis in his delictis puniendis. Ad Serenissimum Principem Mauritium a Sabaudia Cardinalem. Roma apud heredem Bartholomæi Zanneti 1625. Superiorum permissu.*

Articulorum quos hic liber continebat in Regum & Principum capita hæc summa est.

1. „Papa habet potestatem in Principes directivam; ergò & correctivam: non potest habere directivam sine correctiva. Cur igitur non poterit Principes iniquos punire per censuram „Ecclesiasticam?

II. „Hinc infero quod Summus Pontifex potest hæreticos Principes punire etiam pœnis temporalibus, quapropter non solum eos excommunicare, sed & Regno privare, eorumque subditos ab eorum obedientia liberare potest.

III. „Papa deponit Imperatorem propter ipsius iniquitates, & dat Principibus curatores, quando ipsi fuerint inutiles ad regendum subditos. Papa sine Concilio deponit Imperatorem, quia Papæ & Christi unum est tribunal,

IV. „Papa quantumcunque exemptum (si expedit) punit, & deponit.

V. „Papa potest deponere Imperatorem & Reges pro delictis; & quod summam, supremam, & absolutam potestatem habeat Papa videtur esse multum æquum & Reipublicæ expediens, scilicet ut sit aliquis supremus Monarcha, qui Regum ejusmodi excessus possit corrigere, & de ipsis justitiam ministrare.

VI. „Possunt Summi Pontifices ex causa amovere Reges, & deponere Imperatores sicut sæpe accidit & visum est, quando scilicet eorum malitia hoc exigit, & Reipublicæ necessitas sic requirit.

VII. „Ratione fidei aut peccati gravis aut manifesti (si incorrigibilis fuerit Imperator aut Rex) potest eum Papa deponere.

VIII. „Potest Papa deponere Reges non solum propter hæresim, aut schisma, aut aliud crimen tolerabile in populo, sed etiam propter insufficientiam.

ix. „Papa potest Regem deponere ratione „iniquitatis, & inutilitatis suæ personæ: potest „Imperatorem deponere, & Imperium alteri „dare, si non defendat Ecclesiam.

x. „Papa potest deponere Reges negligentes, „sicut Petro concessa fuit facultas puniendi pœ- „na mortis dictas personas ad aliorum correctio- „nem & exemplum: sic etiam ei concessa est „facultas puniendi pœnis temporalibus trans- „gressores legum divinarum.

ix. „Potest Papa Reges movere & mortis „pœna punire. Petro ejusque successoribus di- „ctum est, *Pasce oves meas*: sed ad pastorem „pertinet punire oves suas ea pœna, qua ratio „indicat illas esse puniendas. Ergo si propter „bonum commune aliquando prudentia & recta „ratio exigit, ut Principes inobedientes & in- „corrigibiles pœnis temporalibus afficiantur, Re- „gnoque priventur, potest summus Ecclesiæ „pastor pœnas imponere, nec enim Principes „sunt extra ovile Ecclesiæ.

Vix prodierat liber cum Collegium Sorbonæ acri & docta censura condemnat autorem. Cen- suram Ecclesiasticam sequitur Parlamenti Lute- tiani placitum, quo servi publici manu in ignem datus liber, quo item è Societate Jesu Docto- res Galli contrâ scribere jussi. Exin dicta dies Provinciali, Collegii Claromontani Rectori, & præcipuis è Societate Theologis. Sistuntur, in- terrogantur, respondent: referam fideliter in- terrogata & responsa, quasi per dialogum, rem haud indignam, quæ ad posteros transeat.

SENATUS. *Probaturne vobis Santarelli perniciosus liber editus in hunc titulum Tractatus de hæresi, schismate, &c?*

PATER COTO pro se & sociis præsentibus; *Improbatur, supprimitur, impugnabitur contrariâ mox doctrinâ, quam paramus dare in publicum.*

Senatus. *Quare improbatis doctrinam, quam Societatis vestra Generalis Romæ approbat?*

P. Coto. *Non negamus Romæ a nostris approbatam; sed quare nobis imputabitur error Transalpinus, cui nemo nostrorum subscribit in Gallia?*

Senatus. *An non in diuisione sua Regi Gallie jus omne in subditos est?*

P. Coto. *Jus omne est quoad temporalia.*

Senatus. *Creditisne vos Summo Pontifici jus esse in Reges, adeo ut per excommunicationem sacris ipsos interdicare possit, subditos Sacramento fidelitatis absolvere, Regnum in prædam dare?*

P. Coto. *Absit verbo invidia! Excommunicari Christianissimum Regem! Absit omen! Quis credat Primogenium Ecclesie futurum aliquando matris hostem, quam protexit semper & protegit? Quis excommunicandum, qui continuo pugnat hæresi in regno suo extirpanda?*

Senatus. *Ergo diversa vobis a Proposito Societatis vestra Generali sententia?*

P. Coto. *Qui Romæ degit Propositi noster Generalis, vix est ut improbare possit quod Romæ probat.*

Senatus. *Illi sua opinio esto, quanam vestra est?*

P. Coto. *Plane illi contraria.*

Senatus. *Quid si essetis Romæ?*

P. Coto. *Mutaretur nobis cum cælo animus, sentiremus ut Romæ.*

Se-

Senatus. *Præcise (amabo) proculque ambagibus & subterfugio: quid censeat Societas vestra (ut universa est) de Romana sedis in Reges potestate?*

Ad hæc P. Coto communicandi cum sociis facultatem petit; datur facultas, communicant, paulòque post redeunt in hæc verba; P. Coto. *Nobis cum Sorbona & Gallie Clero erit assensus in idem doctrina univocus.*

Senatus. *Explicate apertius mentem vestram, quamnam est hæc Sorbona doctrina quam probatis?*

P. Coto. *Si tempus exiguum conceditis nobis, dabimus ex scripto sententiam, in quam vix est modò ut conveniamus per angustiam temporis.*

Postquam triduo deliberaverant, Præcipui è Societate ad Regem missi palam abdicant Santarelli doctrinam publico instrumentò in hæc verba conceptq.

Nos subsignari declaramus Santarellum perperam de Regibus, & eorum autoritate scripsisse; quin diffitemur doctrinam, agnoscimus & profitemur Regum immediatam esse a Deo potestatem, independensque ipsis jus esse in subditos; cui sententia ut vera, nostro omnium sanguine subscribetur, si opus, non secus ac censuris, si quæ a Clero Gallicano aut Sorbona in ejusmodi libros edentur. Promittimus insuper futuram nobis posthac unam & eandem super ea questione cum Sorbona, Clero, & Regni Gallici Academiis sententiam.
Actum Lutetia XVI. Martii. M. DC. XXVI.

P. Coto. Ignatius Armandus. Carol. à Turre.
I. Suffrenius. Fr. Garassius. Fr. Godustonus.
Dion. Gayatinus. Fr. Grandillonus.
Dion. Petavius. I. Fillæus. I. Broussautius.

Steph.

Steph. Guerrius. Lud. Neranius.

Iac. Alemandus. Pet. Royerius.

Steph. Ludovicus.

Non multò post P. Coto in Provincia Parisiensi Provincialis, tædio interrogatoriæ actionis, qua præcipui è Societate extra ordinem pulsati fuerant, morbo corripitur, fatique legem implet.

C A P U T XVII.

*Amplius ostenditur fons Doctrinæ Moral-
lis Jesuiticæ contra Reges ex variis
testimoniis; nempe tendit ad
Regicidia.*

HÆc ibi Grammondus, ut Jesuitismi Ge-
nium, Gallicæ Coronæ omniumque Re-
gum Scepbris inimicum, depingeret. Sane
nihil privum aut singulare docuerat Sanctarel-
lus. Etenim paria dixerant quarto suo ex voto
primarii Jesuitæ, hinc a Curia Gallicana dam-
nati, uti est apud ingenuum Francicæ Historiæ
scriptorem *Serrezium Tom. II. pag. 1151.* Ibi enim
videas pag. 1181. *LXI. M. Becani* in lib. cui titulus,
Controversia Anglicana de Regia & Pontificia Potestate,
Themata; & *F. Zuarezi* ejusdem ingenii Dogma-
ta XIII. a Parlamento damnata ex libro, qui
inscribitur, *Defensio Fidei Catholica & Apostolica
adversus Anglicana Sectæ errores,* ibidem pag. 1190.

Imò verò æqualia Bellarminus scripserat, pa-
riter Gallis invisa, *Libro v. de Summo Pontifice &*
Re-

Jesuitar.
doctrina
commu-
nis de
Papa.

Paria Je-
suitarum
Themata.

Responsione ad Apologiam pro Furamento fidelitatis, quod Rex Jacobus I. post pulverariam conjurationem detectam exegerat, institutâ ad omnes Principes publicâ provocatione. Nec minora Baronius, ne suum & Curiaë Romanæ genium totus Orbis nesciret. Etenim ex illius Annalibus hæc colligere Themata in promptu est.

Baronii
Themat.

I. *Quod Sacerdos quilibet sit major Rege, & Politicus principatus sacerdotali debeat esse subiectus. Vide Annal. ad A. xxxiv. 293. & A. LVII. §. 18. 22.*

II. *Quod Papa a Deo rerum divinarum humanarumque arbiter sit constitutus, judiciaria potestate super omnes effulgens. ad A. CCXVI.*

III. *Quod Sacerdotes & Episcopi jus habeant antiquandi Leges Imperatorum contrariis Legibus, nec non rescindendi eorum sententiam contra miserabiles quasdam personas latam. ad A. CCLVII. §. 15. CDI. §. 60.*

IV. *Quod non sit Imperatorum in Episcopos ferre sententiam, sed tantum latam a Concilio executioni mandare. ad A. CCCXXXVI. §. 18.*

V. *Quod Sacerdotes ex jure Divino nihil debeant Regibus pendere, cum iis sint superiores. ad A. CCC. LXXXVII. §. 11. 12. 13.*

VI. *Quod Papa solus possit dare imperium, ad cuius consecutionem nihil referat filium esse Imperatoris, nisi placeat Papa. ad A. MCLIX. §. 7.*

VII. *Quod Papa possit Imperatorem deponere, vel infestum Ecclesie Regem, & loco ipsius pium sufficere. ad A. CCC. §. 15.*

VIII. *Quod sit hæresis negare duos non esse gladios*

dios Papæ, Materialem & Spiritualem. ad A. MLIII. §. 14.

IX. Quod Imperator debeat Pontifici inservire, ut ejus Authoritas facta testis præstetur. ad A. CCCCXLV.

§. 34.

X. Quod jure Pontifex Francorum Regnum Apostolica Authoritate ad Pipinum transtulerit, Childerico in Monasterium detruso: adeoque Reges Francorum Papæ subsint, ut ipsius jussa capessere debeant. ad A. DCCLII. §. 8. DCCCLXII. §. 3. CMXII.

XI. Quod horrendum sit dicere, Reges scripta Pontificia posse redigere sub censuram, ut emere non possint nisi impetratâ licentiâ. ad A. MCXXXVI. §. 24.

XII. Quod Reges nullum jus in rebus Ecclesiasticis habeant, cum Ecclesia Regibus non subjiciatur. ad A. DCCLII. §. 8.

Hæc Cardinalis. Et quid non Papæ mancipium dicat, cujus quælibet pagina sub nutu dominantis erat, uti dixit Casaubonus, quique Dictatus Papæ Hildebrandi, i. e. Gregorii VII. probavit ad A. MLXXVI? Sunt enim primarii Articuli.

Quod solus Papa possit uti Imperialibus Insigniis. Dictatus Gregorii VII.
Quod solius Papa pedes omnes Principes deosculentur.
Quod illi liceat Imperatores deponere. Quod sententia illius a nullo debeat retractari, & ipse omnium solus retractare possit. Quod a nullo judicari debeat. Quod a fidelitate Iniquorum subditos possit absolvere. Quod nullum capitulum, nullusque liber canonicus habeatur absque illius autoritate.

Quæ horrida adco sunt, ut ipse Spondanus in Epitome recitare ausus non fuerit, quamquam

potuit non credidisse hosce *Dictatus* esse Gregorii, uti video non credidisse ipsum *Launæum*, *Parisiensem Theologum*, acerrimum libertatis Gallicanæ defensorem, Pontificibusque Romanis parùm sæpius amicum, *Epistol. Part. VI. n. XIII. ad A. Faurum*. At non esse *adventitios vel apocryphos*, ceu *Launæus* arbitrabatur, ipse Romæ *Baronius* credebat. Quin, pro suô erga Sedem Romanam honore, *Commentariis de potestate Pape* (id est *Annalibus suis*, sic appellante *Pithæo*) scriptis addebat, cum eosdem recitaverat, hæc verba, *Sunt hæc sententia hætenus in Catholica Ecclesia recepta, promulgata, ut reprimeretur audacia schismaticorum Episcoporum & Principum, hoc tempore in Romanam Ecclesiam insurgentium.*

Jesuitar.
dogma
ad Re-
gicidia
tendens.

Cùm ergò hæc sint Jesuitismi dogmata, haud mirum fuit, eorum doctrinam Moralem ad ipsa Regicidia perrexisse. Id sane Jansenitæ exprobrarunt *Lojolitæ*, uti videre est in Tractatu, *La Morale des Jesuites, Lib. III. cap. III.* ubi *Heraldus*, *Toletus*, *Valentia*, *Mariana*, *Molina*, *Amicus*, *Lessius* & *Dicastillus* ceu rei Majestatis citantur. Et quidem impia hæc doctrina duobus fundamentis nitebatur.

I. Quod liceat occidere omnem, qui conaretur nos occidere, imò ob leviores causas, uti ante observatum. Nempe ex isto jure, quod est defensivi quasi belli, Princeps, qui abutitur sua autoritate in præjudicium publicæ rei, atque in detrimentum civium, jure cædi poterat. Imò, si supremus Princeps negligat vel non audeat illatas injurias vindicare, in tali casu necessitas licen-

licentiam tribuit bellum inferendi hostibus, eoque pro meritis puniendi, ne improbitas impunita majores assumat animos. Sic illi, ut ad bella civilia concirent Subditos, & ad arma & seditiones in Principes, si defint suo officio, conclament.

II. Erat fundamentum, quod Reges non sint absoluti & independentes (uti loquuntur) Principes, quia Ecclesiæ Romanæ, id est, Pontifici subjiuntur, ut ejus negotia curent, & puniantur, si peccaverint. Atque hinc ipsorum Themata, quæ ad Parricidia rectà tendunt.

I. Pontifex potest subditos juramento fidelitatis exsolvere, & Principum ditiones aliorum armis exponere. *Bellarmin. de R. Pontifice Lib. v.* Articuli.

II. Principes hæretici excidunt jure Regni, habendique uti Tyranni, deponendi, excommunicandi. *Bellarminus ibidem, & Suarez Defens. Cath. fidei c. errores Anglorum.*

III. Possunt ergo etiam de medio tolli bello, insidiis, aliisque mediis. *Ibidem.*

IV. Maximè cum Pontifici sit jus necis & vitæ in ipsos Reges. *Becanus Controv. Angl. p. 130.*

V. Quin ad Principis vel Regis cujusdam hæretici occisionem non requiritur Papæ decretum; sed quivis privatus potest illum occidere, si hæresis sit notoria. *Mariana, Libr. de Rege Lib. 1. c. 6. 7. 8.*

VI. Potest eò venenum confici, illinendum vestibus, chirothecis, gladio, capulis, ephippiis, ut non minùs præsens Regum mors & exitium sequatur, quam si ferro urgerentur. *Ibid.*

VII. Qui tales Reges occidunt, si in pœnam incurrant, fiunt martyres. Vide a *Lapide in Apoc. VII. 3.*

Sic Jesuitæ, notati a Sorbona & Curia Parisiensi, apud *Serrez Hist. Tom. II. pag. 1155. 1159.* Et paria Lector legat citata a *J. Gerhardi Confess. Catholic. Lib. I. Part. II. c. 19.* Nec desunt exempla, quæ doctrinam deduxerunt in usum, (uti demonstravit *Arnaldus sua in Jesuitas reos Philippica*) sublatis è medio, ex Jesuitarum consiliis, Henrico III. & Henrico IV. qui vulneratus ante Sodales regno expulerat, erectâ etiam Pyramide, cujus Inscriptiones refert *Aubignaus lib. IV. cap. V. ad A. MDXCV.* At imprudens revocaverat. Ne porrò de cæde Guiljelmi nostri & conspiratione pulveraria in Jacobum I. ac Anglicanum Parlamentum, de quibus *Meteranus, Thuanus*, aliique, aliquid dicamus, pagina enim animusque huic Operi finem imponere suadet.

CAPUT ULTIMUM.

Conclusio dissertationis, quâ specimen Pietatis Janseniano-Sancyranæ exhibetur.

HÆc ergò nos de dogmatis Jansenismi theoreticis & practicis differenda habuimus. Notari quidem alia potuissent, verùm hæc nobis ad depingendum Janseniticæ doctrinæ ingenium suffecerunt, & forte nos plura in sequentibus observabimus, si Deus voluerit. Nunc adjiciemus, modò Tabulas a Jesuitis ipsorumque

rumque amicis confectas, quarum mentionem in *Prefatione* fecimus. In iis sane plurima videre liceat, seu falsò Viris impacta, seu ex vero adscripta, quæ Jesuitismi ingenium depingant: Ipse tamen Lector de iis, quæ differuimus ante, arbitrabitur. Nos fessi labore claudamus hoc Volumen fidei & pietatis Janseniano-Sancyranae specimine, quod dedit *G. Gibienf* genuinus Virorum discipulus, sine *Libri de Libertate Dei & Creature*, dignum utique ut, dum rarus Liber est, luci exponatur.

„ Libertatem nostram Tibi ô Domine JESU
 „ Fili Dei vivi, acceptam referimus. Nam sive
 „ Te in sinu Patris ab æterno absconditum ado-
 „ ramus, illius Author es: sive Te carne no-
 „ stra convestitum intuemur, ejusdem Repara-
 „ torem agnoscimus. Libertas donum illud est
 „ singulare & eximium, cujus benignâ commu-
 „ nicatione ad primam & æternam Dei Imagi-
 „ nem, quæ Tu es, conditi fuimus. Cùm ve-
 „ rò primum in omni genere sit causa & men-
 „ sura cæterorum; Tibi etiam non tantummodò
 „ ut Exemplari & ut Fini, sed & ut Authori,
 „ quod libertate potiamur, speciali titulo depu-
 „ tandum credimus. Certè quando perhibetur
 „ hominem similem Deo factum, nequaquam co-
 „ gitandum est eum facie & corporalibus linea-
 „ mentis tam variis in genere humano, ad unifor-
 „ mem Deum expressum esse: sed in ea substantia
 „ quam præsertim ab ipso Deo traxit, animæ sci-
 „ licet ad formam Dei splendentis; arbitrii sui li-
 „ bertate & potestate, fuisse signatum. Ad divinæ

„tuæ naturæ consortium evectus, & Omnia quo-
 „dammodo effectus, imò Omnibus superior red-
 „ditus, totius etiam mundi, imprimis verò animi
 „sui dominio & possessione decoratur. Et hinc
 „idem Domini Verbum quod hominem ad ima-
 „ginem Dei factum memorat, dominatorem
 „quoque universæ creaturæ constitutum fuisse
 „testatur: *Faciamus Hominem ad Imaginem & simi-*
 „*litudinem nostram: & præsit piscibus maris, & vola-*
 „*tilibus Cæli, & bestiis, universæque terra, omni re-*
 „*ptili, quod movetur in terra.* Liberum arbitrium
 „homini indulxisti, sub (Te) Deo potentissimum,
 „quod nulla Creatura de gradu deicere queat,
 „nec quæ in terra, nec quæ in mari, nec quæ in
 „cælo, nec quæ in abyssis: quod omnibus super-
 „emineat: quod omnia in finem suum referat.

„Sed ut à Te omnis libertas nostra; ita Tibi
 „subdita est, & ad Te universa recurrit: nec illi
 „ullatenus ferendi, qui ita liberi esse volunt, ut
 „nec Te Dominum habere velint, qui dixisti:
 „*Sine me nihil potestis facere.* Gloria enim Crea-
 „turæ Tu es, & decus ejus est Tibi prorsus sub-
 „jici, & à Te cieri ac versari quocumque volue-

„ris. In Te sumus, quicquid sumus. In Te mo-
 „vemur, quodcumque & quomodocumque
 „movemur, etiam cum quis à se movetur. In Te

„enim Cor nostrum, & Cor hominis cujuscumq;
 „sive plebeji sive Regis, in manu tua: nec tan-
 „tùm cor nostrum in manu tua, sicut in nostra;

„sed magis habes voluntates nostras in manu tua,
 „quàm nos ipsi, ô qui intimior es intimo nostro.
 „Idcò in Te quoque se movet voluntas nostra.

„Et

Gen. 1.

D. Bona-
ventura.

Ag. 17.

Prov. 21.

D. Aug.

„Et sicut minùs est, cùm extra Te est: ita Se-
 „motore ejus vis minuitur, cùm non in Te ex-
 „ercetur. In circulo vita Creaturæ tuæ. A Te
 „procedit, ad Te redit. Tu ei Principium & Fi-
 „nis: A. & Ω movetur a Te, movetur ad Te.
 „Facere ejus in Te est, a Te est: & cum moves
 „ut se moveat, nisi desit ipsa Sibi Tibique, Se
 „movet statim.

„Ipse motus tuus, motus ejus est. Tu moves
 „illam Dominus Deus ejus: & illa eodem motu
 „excita; sub Te Se-movet, Opus tuum. Sed Tu
 „motu illo moves eam immutabiliter, quia Deus
 „es: Ipsa autem se movet mutabiliter, quia Crea-
 „tura est, è nihilo facta & in nihilum labi prona.
 „Dixisti Domine voce forti in aurem interiorē,
 „cuidam famulo tuo, fideli in domo tua dispen-
 „satori Augustino, dixisti & verum est. *O homo* ^{13. Con-}
 „*quod scriptura mea dixit, Ego dico. Et tamen illa* ^{fess. c. 29.}
 „*temporaliter dicit; Verbo autem meo aeterno, tempus* ^{& 31.}
 „*non accidit, quia aequali mecum aeternitate consistit.*
 „*Sic ea quæ vos per spiritum meum videtis, Ego video;*
 „*sicut ea quæ vos per spiritum meum dicitis, Ego dico.*
 „*At cum vos temporaliter ea videtis, non Ego tempora-*
 „*liter video: quemadmodum cum vos temporaliter ea*
 „*dicitis, non Ego temporaliter ea dico. Et ille pariter*
 „*confessus Tibi est: qui per spiritum tuum vi-*
 „*dent opera tua, Tu vides in eis. Et quæ per spi-*
 „*ritum tuum placent nobis, Tibi placent in nobis.*
 „*Et quæ per spiritum tuum scimus, Te illa scire*
 „*dicimus. Et rursus quæ per spiritum tuum lo-*
 „*quimur, non nos ea loqui existimamus, sed Te*
 „*in cujus spiritu loquimur.*

„Addo secutus illam regulam, cum in spiritu
 „tuo operamur opera nostra, Tu es qui operaris
 „illa in nobis, magis quàm nos ipsi. Sed etsi Tu &
 „Nos operemur in eodem spiritu, idem Opus :
 „Tu tamen quia virtus ipsa es, unde procedit om-
 „nis motus, operaris indefectibiliter : Nos autem,
 „quia infirma Creatura sumus, defectibiliter.

D. Aug.
 12. Conf.
 c. 10.

„Quippe enim & accidere potest, & frequenter
 „accidit, ut spiritum tuum in sua plenitudine re-
 „cipiendum, non plenè nec perfectè recipiamus:
 „unde oritur ut à Te qui summè es, ad id quod
 „minus est, avertamur; amemusque aut timea-
 „mus Creaturam, non propter Te sed pro Te. Et
 „hoc delictum atque peccatum est: In quo non
 „est quod quisquam, aut sibi blandiatur, aut cul-
 „pam in Te rejiciat, quia motus ille quo averti-
 „mur, in tantum à Te non est; imò in tantum
 „nec motus est: sed motus intercisus, motus pro-
 „hibitus, deviatio ab ordine, aberratio à scopo,
 „discessio à fine. Proinde nos in abyssum tenebro-
 „sam nihili nostri secedere justum est: Tibi au-
 „tem honor, & gloria, & benedictio, in sæcula
 „sæculorum, ab omni Creatura.

„Tua est Magnitudo, tua Unitas: quia tu Tuus
 „es, & ita quidem ut nemo sit Suus, nisi quia tu
 „Tuus. Tuus es in Te-ipso: Tuus in generatio-
 „ne tua arcana: Tuus in spiratione adoranda:
 „Tuus dum effundis foras bonitatem tuam: Tuus
 „creando, conservando & reducendo, seu angeli-
 „cas mentes seu humanam naturam, & quicquid
 „hominis gratia formare dignatus es. Quia autem
 „ita Tuus es, fecisti ut & Homo suus esset, effi-
 „ciendo

„ciendo illum capacem Tui. Adeò verò perfectè
 „capacem, adeò exactè Tibi similem, ut sicut
 „Tu Tibi sufficis, & ideo nihil Te movet præter
 „Te; ita homo (servans rectitudinem suam &
 „non deficiens) nulla re afficiatur nisi Te. Non
 „declinat à Te nec ad Se, sed amat Te ex toto
 „corde: & si quid illi sapiat extra Te, subit sta-
 „tim dolor & afflictio spiritus. Fecisti enim nos
 „Domine ad Te, & inquietum est cor nostrum,
 „donec conquiescat in Te. Versat se peccator &
 „reversat & in tergum & in ventrem & in latera, D. Aug.
Conf. c. 1.
 „& dura sunt omnia; & Tu solus requies: &
 „ecce, ades. Ades sinens eum amare Te, digna-
 „tione singulari, quæ non nisi à divina bonitate
 „esse queat; tantillam Creaturam, tantum pec-
 „catorem, ad divinæ Majestatis amorem admitti.
 „Ades jubens amare Te; stupendo præcepto,
 „quod Tui in nos amoris excessum testificatus.

„Quid enim est misellus homo, & quo loco a-
 „pud Te consistit peccator, immenso iniquita-
 „tum pondere prægravatus, ut ab eo amari ve-
 „lis, & mineris odium nisi faciat? Longè pro-
 „fectò ab illo, longè ab unoquoque nostrum, sub-
 „limitas amoris Tui, longè à merito, longè à fa-
 „cultate. Sed ne quisquam desperet aut trepideret,
 „jubet nos intendere in Te Domine, & dicere
 „cum servo tuo: Da quod jubes & jube quod D. Aug.
13. Conf.
 „vis. Jubes amem Te. Da amorem tuum. Da c. 8.
 „mihi Te Deus meus. Redde mihi Te. Statim
 „enim atque intimasti præceptum amoris tui, et si
 „viam illam vix ingressus sim; persensi tamen,
 „quod ingenuè agnosco: quia malè mihi est præ-

„ter Te, non solum extra me, sed & in me ipso,
 „& omnis mihi copia, quæ Deus meus non est,
 „egestas est. Ubi semel inhæsi Tibi, creata om-
 „nia indifferentia mihi esse cœperunt, & nulli
 „deinceps actus mei indifferentes esse potuerunt,
 „quin eos ad Te sollicitè referam. Jus enim tuum
 „Tibi à me creptum iri arbitrarer, si secus face-
 „rem. Cor meum, quantum quantum est, Tibi
 „dicatum & consecratum est. Nullam ejus par-
 „tem Creaturæ occupare permitto. Uni Tibi pa-
 „tet, Te solo satiandum, cum apparuerit gloria
 „tua, gloria Dei Patris; cum quo & Spiritu San-
 „cto vivis & regnas in æternum.

Conclu-
sio.

Hæc Vir Egregius, ut in precibus & laudi-
 bus Christi specimen suæ Doctrinæ & Ethicæ
 ostenderet. Quæ sanè nos Reformati quoque
 probamus; haud meriti tot convitia, quibus a
 maligno Orbe petimur. Hic subsisto, JAN-
 SENISMI variam FORTUNAM & FATUM
 alio Volumine descripturus, quando Deus ani-
 mum viresque concesserit. Liceat finire omnia
 hæc Viri Docti Tetrastichô

Ipse quidem studui bene de pietate mereri:

Sed quidquid potui, gratia, Christe, tua est.

Quid sum? Nil. Quis sum? Nullus: sed gratia Christi

Quod sum, quod vivo, quodque laboro, facit.

F I N I S.

A P P E N D I X,
EXHIBENS DUAS
T A B E L L A S,
QUIBUS DEPINGITUR

- I. JANSENISMUS omnem destruens Religionem.
- II. JANSENISMUS plurimas hæreses & damnatos errores pertinaciter defendens.
- III. MONITA SALUTARIA B. Virginis Mariæ ad Cultores indiscretos.
- IV. J. CHRISTI MONITA maxime salutaria de Cultu dilectissimæ Matri Mariæ debite exhibendo.
- V. COLLOQUIUM JANSENITARUM cum Clariss. HOTTINGERO, mox à Condemnatione.

BENEVOLE LECTOR.

EN Tabellas in Præfatione promissas. Æ-
quum enim fuit, ut quando exhibuimus Jan-
senitarum in Adversarios querelas, vicissim Je-
suitarum aliorumque, qui ipsorum causam susce-
père, in Eos ἐγκλήματα referremus. Id ingenui
fuit Historici, cujus munere hic maximâ parte
defungimur. Nec cautius agere potuimus, quam
ipsorum accusationes repræsentando, quas ad
Pontificem nuperrimè detulerunt.



JANSENISMUS

Omnem destruens Religionem.



*I*a Libertinis & Atheis conducti fuissent Jansenius Iprensis & ejus sequaces ad evertendam omnem religionem, non poterant magis callide fidei nostrae & Ecclesiae exitium machinari. Non aperto Marte eam hactenus aggrediuntur; vis enim patens facilius retunditur; sed cuniculis rem agunt: recti larvâ modestia, pietatis, & rigidioris Ethicae, ea stabilunt dogmata, quibus Ecclesia atque omnis prorsus religionis fundamenta subruantur. Neque eis artes desunt quibus brevi se effecturos sperant ut nulla auctoritas, nulla potestas Christianorum Principum, sive Ecclesiasticorum, sive secularium, conatus illos quantumvis sacrilegos valeat infringere. Ubi autem sectam suam satis firmaverint, nacti fortè Principem aliquem potentem, vel immensâ sequacium freii multitudine non minùs ferociter Ecclesiae insultabunt, quàm ulla hactenus factio infidelis. Ad impediendum utcumque haereticos istius nimium hoc tempore invalescentis progressum, visum est opportunum & quodammodo necessarium præcipuam ejus impietatem compendio collectam & deductam per Gradus, brevi Tabulâ exponere oculis INNOCENTII XII. cui à Deo reservatam credimus Jansenismi penitus excidendi gloriam, quem ejusdem nominis Pontifex X. in quinque famosis propositionibus primus debellavit. Geminis autem de causis Tabulam hanc

publici juris facimus. Prima est ne dum Romanus Pontifex cum Eminentissimis Cardinalibus de efficaci tanti mali remedio deliberat, pergat malum more suo latius serpere. Altera, ut tum Christianorum Principum, tum ceterorum in Belgio fidelium animi disponantur ad recipiendum promptissime, & omni studio promovendum quidquid a Sede Apostolica adversus hanc pestem emanaverit.

G R A D U S I.

Extinguens omnem pium affectum erga Deum, in Christum amorem, & studium bonorum operum.

Quis Deum amet præcipientem impossibilia? quis non injustum detestetur, crudelem & Tyrannum, qui miseros æternis addicat cruciatibus, quia non fecerunt quod non erat in eorum positum potestate? talem nobis Deum fingit Jansenius. Quis prudens ei fidat Redemptori qui, dum per Apostolum ad Rom. 5. v. 18. nobis persuaderi vult, quod, *sicut per unius delictum omnes perimus, sic & per unius justitiam omnes redimeremur ad vitam*, seu salutem, non omnibus reverâ salvandis venit, sed planè paucis, quos ex infinita hominum multitud. line æternus Pater delegerat? vocari voluit ab Apostolo 1. ad Tim. 4. v. 10. *Salvator omnium hominum, maxime fidelium* qui nec omnium hominum, nec omnium quidem fidelium salvator est si Jansenio credimus. Et cur de salute aut bonis operibus sollicitus sim, si nulla post Adami peccatum offerantur media ad salutem aut ad ullum opus bonum sufficientia, nisi quæ indeclinabiliter, & insuperabiliter necessitant ad omnem prorsus effectum ad quem in his circumstantiis sufficiunt? monet quidem omnes & ad spem erigit S. Petrus Epist. 2. cap. 3. dicens: *Deus patienter agit propter vos nolens aliquem perire; sed omnes ad pœnitentiam reverti*; monet in eadem Epistola cap. 1. *satagendum nobis esse ut per bona opera certam nostram vocationem & electionem faciamus*. Sed alia sunt Jansenii principia quæ sequuntur.

DOGMA I. (a) *Aliqua Dei præcepta hominibus justis volentibus & conantibus secundum præsentēs quas habent vires sunt impossibilia, deest quoque illis gratia qua possibilia fiant.*

DOGMA II. Non aliquibus tantum justis sed omnibus omnino post Adamum peccantibus mandata Dei sunt impossibilia; deest quoque illis gratia, quā possibilia fiant. Et ista (b) *Augustini definitio*, PECCATUM EST ACTUS VOLUNTATIS UNDE LIBERUM EST ABSTINERE, nulli peccato nisi solius primi hominis convenit. Et (c) *ita perit libertas abstinendi a peccato, ut nec in ullo quidem opere omnis peccati culpam possit effugere. Ita inducta est peccandi necessitas ut in omni actu, quo legem sibi videtur vel servare vel transgredi, reus alicujus peccati teneatur.* Solam hanc peccandi necessitatem juxta Jansenium potest tollere gratia victrix & quidem necessitans; quam certum est abesse quoties homo peccat.

DOGMA III. (d) Perpetua ista peccandi necessitas non est merè consequens, aut moralis; sed antecedens & physica, qualis est cæco non videndi, surdo non audiendi.

DOGMA IV. Quemadmodum prædicta necessitas, quæ est in voluntate non excusat à peccato formali & demerito ita (e) neque necessitas, quæ est in intellectu per ignorantiam invincibilem.

DOGMA V. (f) Omnis gratia quæ datur in hoc statu necessitat ad omnem effectum, ad quem in his circumstantiis est sufficiens.

(a) Jansenius l. 3. de gratia cap. 13. col. 334. est autem propositio 1. à Pontificibus Innocentio X. & Alex. VII. damnata ut impia, blasphema & hæretica. (b) Jans. l. 3. de gratia cap. 16. col. 350. (c) Jans. l. 4. de statu naturæ lapsæ cap. 18. col. 632. (d) Jans. l. 2. de gratia cap. 1. col. 81. nisi vires pristinae per Adam peccatum amissæ, medicinali seu efficaci gratia & adjutorio sustententur, tam est impossibile voluntati ut bene velit & operetur, quam homini cæco ut videat, vel surdo ut audiat. (e) Jans. l. 2. de statu naturæ lapsæ cap. 2. col. 287. ignorantiam enim qua necessitatis est non voluntatis hoc est invincibilem, non cedere peccato ut dogma fidei ab antiquis traditum, & col. 288. contrarium solenne Pelagianorum dogma fuit. Hæc propositio est 2. inter 31. condemnatas ab Alex. VIII. & continet tertiam hæreticam inter quinque famosas, dum statuit ad peccandum & demerendum in hoc statu non requiri libertatem a necessitate. (f) Jans. l. 2. de grat. cap. 5. col. 103. nullum adjutorium gratia, cujus usus ita ponitur in arbitrio voluntatis, ut illo utatur, ut illud amplectatur aut deserat, ut illi consentiat aut non consentiat si voluerit . . . est adjutorium sine quo non & proinde ad medicinale adjutorium Christi nullo modo potest pertinere; sed ad adjutorium primi hominis. Hæc propositio continet hæresim propositionum secundæ, tertie

Atqui inductâ in actiones omnes malas & bonas necessitate, tollitur meritum propriè dictum & plusquam Calvinianum.

Cum autem Christus nulli præparaverit media ad salutem sufficientia nisi illis hominibus in quibus reipsâ salutem operantur, hinc sequitur dogma 6. & 7.

DOGMA VI. (g) Deus non vult omnes homines post Adami peccatum salvos fieri sic ut eis præparaverit media ad salutem sufficientia. Hæc præparavit solis prædestinatis. Imò Deus post prævisum Adami peccatum non magis vult salvare ullum hominem non prædestinatum, quam veliit salvare dæmonem, postquam eum æternis addixit suppliciis, ut patebit ex dogmate sequenti.

DOGMA VII. (h) Nullo modo Christus pro omnium hominum æternâ salute mortuus est; sed pro prædestinatorum tantum. Pro aliorum salute non magis oravit Patrem, quam pro liberatione dæmonum. Atqui omnibus pro quorum salute Christus non oravit ac mortuus non est, impossibile est salutem consequi. Frustra igitur eam sperant, frustra pro ea consequenda orant, frustra eo dirigunt bona opera; frustra enim adhibentur media ad finem impossibilem impossibilitate antecedente liberam & actualem hominis determinationem.

tertiæ & quartæ inter quinque famosas. Nam ex allatis verbis evidenter sequitur 1. Quod interiori gratiæ in statu naturæ lapsæ nunquam resistatur. 2. Quod ad merendum non requiratur libertas a necessitate. 3. Quod non possit humana voluntas gratiæ resistere pro libitu vel obtemperare. (g) Janf. l. 10. de gratia cap. 3. col. 1014. *negativè reprobati ante prævisionem operum etiam positivè reprobati dici possunt, sic ut in Deo fuerit voluntas fixa eos relinquendi in isto statu, ex quo ceteros liberare statuebat. Ille autem citra dubium perditionis ac damnationis est status. col. 1016. quod Scholastici plerique putant Deum post hominem lapsum in Adamo, habere adhuc voluntatem salvandi omnes omnino nemine excepto, & ex illa voluntate omnibus etiam reprobis sufficientem non solum redemptionem sed etiam gratiam præparasse ab Augustini doctrina prorsus dissidentem est.* (h) Janf. l. 3. de gratia cap. ultimo col. 390. *Quæ sane cum in Augustini doctrina perspicua certaque sint, nullo modo principiis ejus consentaneum est ut Christus Dominus vel pro infidelium infidelitate morientium, vel pro iustorum non perseverantium æterna salute mortuus esse, sanguinem fudisse, semetipsum redemptionem dedisse Patrem orasse sentiat. Quin imò non magis Patrem pro æterna liberatione ipsorum quam pro diaboli deprecatus fuit.*

G R A D U S II.

Omnem ex Ecclesia iudicem infallibilem eliminans.

CUicumque damnatos ab Ecclesiâ errores tueri certum est, & contra anathemata frontem obdurare, infallibilem Ecclesiæ in decidendis controversiis fidem detrahare est necessarium. Ideò Jansenistæ pleraque suæ novitatis principia in Baïo, Jansenio, Arnaldo aliisque factionis suæ Proceribus damnata conspicati, Ecclesiæ auctoritatem convellendam suscepere. Omnis controversia in juris & facti quæstionem dividitur, utraque in revelatam & non revelatam. Circa utramque ea statuunt Jansenistæ principia, ut omnis Ecclesiæ auctoritas ad definiendum quidpiam nulla sit, aut ad fidem extorquendam inutilis. An non eo plane vergant secundi hujus gradus quæ sequuntur dogmata, penes te Lector esto iudicium.

DOGMA I. (a) *Errare potest Ecclesia in sensu alicujus libri definiendo, dum quis sit sensus illius in sacris litteris vel traditione revelatum non est.* Ratio est (b) *Quoniam Ecclesia ex hominibus constat qui falli possunt; & infallibilitas ipsi in sensu cujuscunque libri promissa non est.*

DOGMA II. (c) *Ut quis quæstionem aliquam fidei esse velit debet ostendere illam libris Canonicis vel traditionibus Apostolicis contineri.*

Ergo nemo de hæresi convinci potest per definitionem Ecclesiæ, sed tantum per Scripturam, & traditionem; atqui ne ex traditione quidem convinci potest, ut mox patebit, adeoque destruitur omnis iudex animatus infallibilis.

DOGMA III. (d) *Quæstio ad fidem & mores spectare non potest, quæ ut Scripturâ S. & traditione non nititur; ita nec cæ quæ Apostolis aliisque Hagiographis facta est, revelatione.* Ergo quascunque leges Ecclesiæ tulit quas vocamus Ecclesiasticas, prout à divinis distinguuntur, & innumeræ latæ sunt tum à Pontificibus tum à Conciliis œcumenicis nullo modo spectant ad fidem, aut ad mores, &, ut tradetur dogmate sequenti, sunt er-

N n

rori

(a) Supplicatio altera in terminis pag. 22. (b) Ibid. in terminis pag. 23.
(c) Ibid. pag. 10. (d) Ibid. in terminis.

rori obnoxia. Fortè pro utilibus noxia præcepit Ecclesia, & salutifera tanquam perniciofa prohibuit.

DOGMA IV. (e) *Non potest illa quæstio de qua dogmate sup. ab Ecclesia definiri judicio infallibili: neque enim in definiendo infallibilitatem habet Ecclesia, nisi Scripturâ S. & traditione, atque eâ quæ Apostolis, aliisque Hagiographis facta est, revelatione nitatur.*

Paucis: ut quis ostendat Ecclesiam in quadam quæstione esse infallibilem debet ostendere esse objectum revelatum. Revelatio autem probari aliunde non potest infallibiliter, quàm ex scriptura vel traditione. Ex traditione etiam nihil certi habere posse conficietur ex dogmate proximo. Supererit igitur sola Scriptura S. judex infallibilis controversiarum.

DOGMA V. (f) *Non est de fide quod Canon aliquis Concilii Oecumenici E. G. Tridentini contineat doctrinam sanam & Catholicam: neque potest Ecclesia infallibiliter definire quod doctrina sana isto Canone contineatur, quia est quæstio facti non revelati. Atqui si illa sit quæstio facti quam Ecclesia judicare non potest infallibiliter, talis quæstio etiam erit de sensu sanctorum Patrum, seu librorum quibus constat traditio. Ergo an talis sit Patrum, Theologorum vel librorum sensus, adeoque an talis traditio existat vel aliquando extirerit est quæstio facti, quam Ecclesia judicare non potest judicio infallibili.*

DOGMA VI. Generaliter (g) *quæstio de sensu Autorum, qui Hagiographi non sunt, sive librorum & quorumlibet scriptorum etiam quæ clarissima sunt est quæstio facti circa quam errare possint Concilia Oecumenica. Atqui traditio Ecclesiæ colligi debet ex scriptis non Hagiographorum sed aliorum: neque potest infallibiliter judicare Ecclesia de sensu verborum, quæ ore prolata sunt, si non possit de sensu scriptorum. Ergo de nulla traditione potest Ecclesia definire quidpiam infallibiliter. Undenam igitur infallibilem sententiam feret de sensu S. Scripturæ? An ex ipsa S. Scriptura? at negabitur hic sensus in S. Scriptura vel traditione esse revelatus. Ergo in infinitum protrahi poterunt controversiæ, & quælibet hæresis impunè grassari.*

CON-

(e) Ibid. (f) Disquisitio de mente Domini Sæyart pag. 5. *quæstio facti est quam Ecclesia judicare non potest judicio infallibili doctrinam Catholicam extare in Canonibus Tridentini.* (g) Ibid. pag. 6.

CONCLUSIO EX PRÆCEDENTIBUS. (b) Si sit quæstio facti & decisio esse nequeat infallibilis, quis sit sensus Librorum, Decretorum, Canonum, &c. etiam talis erit an Innocentius XII. & quilibet alius Pontifex qui passim habetur indubitatus, sit verus Pontifex, & legitimè electus: an Concilium quod Ecclesia habet pro legitimo, œcumenico, & approbato à vero Pontifice, revera tale sit. Fallibilis igitur erit omnis definitio prout autoritate illius Concilii ut Oecumenici niteatur, sive ad quæstionem juris spectaverit sive facti. Ergo nullus est in Ecclesia superior, nullus Episcoporum coetus qui possit ullam fidei quæstionem ex scriptura vel traditione dirimere.

Concilium Tridentinum nimis multa & nimis clarè definivit opposita novæ sectæ, V. G. præcepta non esse impossibilia, gratiæ posse resisti, non requiri contritionem per se justificantem ad Sacramentum poenitentiae, &c. idèd Autoritas istius Concilii convellenda fuit.

DOGMA VII. (i) *Non debet haberi fides definitionibus Concilii Tridentini quia non fuit celebratum juxta morem priscarum Synodorum.*

Magnum obstaculum introducendæ doctrinæ Jansenianæ fuit condemnatio propositionum Michaelis Baji, ut Jansenius queritur in manuscripto suo codice; idèd scripsit quod sequitur.

DOGMA VIII. (k) *Non sine arte Satanae procurata fuisse videtur condemnatio Michaelis Baji.* Atqui condemnatio illa Michaelis Bai seu potius doctrinæ Bajanæ lata est à Pio V. & Gregorio XIII. ac dein ab Urbano VIII. confirmata; ergo tres illi Romani Pontifices, tam solennes constitutiones ediderunt fraudè dæmonis.

DOGMA IX. (l) *Eadem Bullæ contra Baii articulos tantum fuerunt ad interim sive pro tempore, ut satisfaceret doctrinæ*

Nn 2

tunc

(b) Evidenter deducitur ex dogmatibus superioribus & à nullo Jansenistarum negatur. (i) Joannes Vergerius Abbas Sancyranus fidus Achates nostri Cornelii Jansenii in testimonio Episcopi Lingonensis ad Illustrissimum Achillem de Harlay Episcopum Macloviensem. Idem testimonium quoad dogma positum, confirmatum est pluribus aliorum omni exceptione majorum testimoniis. (k) Jansenius in manuscripto codice quem ipsius Jansenii manu exaratum legi æque hæc ex illo descripsi. Codex Authenticus etiamnum servatur Lovanii ut norunt plures illic Doctores, &c. (l) Jansenius in manuscripto codice de quo supra. Quem sic orditur ad excusandas propositiones Magistri Michaelis Baji, &c. Quamvis ad velandum iniquitatis mysterium utatur litteris & vocibus partim Latinis, partim Græcis, partim Hebræis.

tunc communi à Philosophis haustæ, à Scholis defensæ, quibus antequam veritas doctrinæ Bajanæ cum ejus fundamentis patefieret, adhærendum censebatur.

Æquè strenuè easdem Pontificum Constitutiones vellicant Jansenii discipuli.

DOGMA X. (m) *Bulla contra doctrinam Baii non fuit magno in pretio etiam Romæ sub annum 1607. & constat quod inter Cardinales peritissimi hodie ægrè eam ferant.*

Eâdem fideliâ obducendæ sunt omnes Constitutiones Pontificum damnantes directè doctrinam Jansenii & ejus sequacium.

DOGMA XI. (n) *Bulla Urbani VIII. quæ incipit IN EMINENTI, est certò subreptitia, fuit fabricata ab Assessore S. Officii. In ea non fuit observata mens Pontificis.*

DOGMA XII. (o) *Quod Urbanus VIII. fuerit deceptus patet ex propriâ ipsius Bulla. Quod Innocentius X. fuerit deceptus ad oculum demonstratur. Quod Alexander VII. fuerit deceptus ex eo constat quod liber Jansenii nunquam Romæ ritè fuerit examinatus, & quod prima propositio de præceptorum impossibilitate in terminis inveniatur in Jansenio l. 3. de gratia cap. 13. sed in ejus sensu sit Catholicissima.*

DOGMA XIII. (p) *Decretum Alexandri VIII. contra Propositiones 31. est subreptitium: & probatur ex eo quod Decretum Urbani VIII. fuerit subreptitum, illudque confirmet.*

DOGMA XIV. (q) *Ecclesia Dei valdè malè regitur hoc tempore. Roma est Massilia: Pontifex P. Generalis Massiliensium seu Semipelagianorum.*

DOGMA XV. (r) *Decreta Romana ut plurimum conduntur sine debita cognitione causæ, & per factionem.*

DOGMA XVI. (s) *Maxima pars Cardinalium & Theologorum, qui adhibentur ad censurandas Propositiones, nihil intelligit.*

DOGMA XVII. (t) *Plerique Censores Romani laxi opinionibus addicti sunt, & melioris Ethicæ adversarii.*

DO-

(m) Author difficultatum propositarum D. Steyart parte 9. pag. 251. (n) Idem eadem parte pag. 287. (o) Libellus supplex ad Innocentium XI. sive ultima vox zelatricis Innocentiz pag. 30. 31. 32. (p) Difficultates propositæ Domino Steyart parte 9. pag. 292. (q) Malpaix in Epistola die 2. Febr. 1691. Clavis arcana. (r) Litteræ unius Ecclesiastici de mente S. Augustini circa infallibilitatem Pontificis impressæ anno 1687. pag. 1. (s) Litteræ Abbatis ad quemdam Curiz Romanæ Prælatum impressæ anno 1691. pag. 31. (t) Litteræ unius Ecclesiastici de quibus ad dogma 15. pag. 29.

DOGMA XVIII. (v) *In censuris Romanis modica apparet æquitas* (w) *imò certum est Decreta civilia magis esse æquitati conformia, quàm Decreta istius Curie.*

DOGMA XIX. (x) *Censores Romani susque deque per nefas censurant quidquid lubet.* (y) *Unum Decretum Indicis, una feria 5. imò una feria 4. nobis è manibus eripit optimos libros.* (z) *Per Decreta Indicis saepe concutiuntur veritates, & certissima Religionis dogmata.*

DOGMA XX. (aa) *Romanum Tribunal videtur esse latibulum latronum, ubi Censores ita insdiantur hominibus, ut eas damnent antequam defensionem locum dent.*

DOGMA XXI. (bb) *Videtur esse scopus Romanarum Censurarum, fovere discordiam inter Religiosorum ordines & Theologos Catholicos.*

DOGMA XXII. (cc) *Invictissimè probatur esse quasdam librorum prohibitiones quas noxium esset observare. Adeoque Romana Curia statuit quasdam leges noxias & quas Christiano populo observare non licet.*

DOGMA XXIII. (dd) *Sat notum est quàm parum Pontifex conferat ad condenda Decreta, & quàm ineptus sit ut multum ad id conferat.*

DOGMA XXIV. (ee) *Romani Pontifices præcipiunt quasdam contra Apostolum Paulum.*

DOGMA XXV. (ff) *Non sunt curandæ Excommunicationes reservatæ etiam Pontifici.*

DOGMA XXVI. (gg) *Nihil veriùs est, quàm quod maxima dispensationum pars non sit aliud quàm facilis descensus ad inferos cum bonâ veniâ Papæ.*

Sic suæ Christus adest Ecclesiæ, ut passim non alios ei supremos Moderatores constituat, quàm cæcos & Duces cæcorum ruentes pariter & ducentes in interitum. Malunt tamen plerum-

N n 3

que

(v) Litteræ Abbatis de quibus ad dogma 16. pag. 15. (w) Idem pag. 30. (x) Idem pag. 43. (y) Litteræ Ecclesiastici de quibus sup. pag. 1. (z) Idem pag. 29. (aa) Litteræ Abbatis supra citatæ pag. 21. (bb) Idem pag. 15. (cc) Author difficultatum propositarum D. Steyart. parte 9. pag. 42. (dd) Abbas qui supra pag. 1. (ee) Dominus Malpaxin Epistola anni 1691. 2. Febr. S. Paulus vult ut omnes fideles legant suas Epistolas, Episcopi autem Romanum, Mechliniensis & Cameracensis prohibent. (ff) Litteræ Abbatis qui supra pag. 30. Romani ingeniores sunt, quàm ut credant nos terri sententiâ lata excommunicationis Pontificis reservata. (gg) Libellus cui titulus: les pernicieuses consequences pag. 39.

que Jansenistæ Decreta & Constitutiones Apostolicas imputare Cardinalibus aliisque Pontificum Consultoribus quam ipsis Pontificibus, ut in sua adversus Apostolicam Sedem rebellionem minor appareat turpitudine.

PROTESTATIO JANSENITARUM. (hh) *Quod volunt Romani ut captivemus intellectum & eum submittamus judicio septem aut octo Consultorum, &, si vis, totidem Cardinalium ad quos illi sua referunt, id ipsum est cui nos nunquam submittemus.* (ii) *Habemus nos hoc singulare præ aliis, quod simus in possessione eandem semper tenendi viam, quidquid opponant Censores Romani, & quodcumque Decretum ab hoc tribunali emanet.* (kk) *Quando tamen Romanorum Pontificum fulmina iusta sunt, quando non apparet permixta passio, & veritati eatenus præjudicant, id est, quando non damnant errores Jansenistarum, laudamus & approbamus sententiam, quamquam Tribunal agnoscere non possimus.*

(hh) Litteræ Abbatis qui supra pag. 19. (ii) Ibid. pag. 18. (kk) Ibid. pag. 4.

G R A D U S I I I.

Omni destruens Hierarchiam Ecclesiasticam.

Non sine horrore fideles legunt tam audaces & temerarias Jansenistarum sententias, tam impudentem, & irreverentiam erga summos Ecclesiæ Principes irreverentiam. Ut autem horrorem istum, quem prorsus eximere non possunt, saltem leniant, docent non tantas esse Romani Pontificis prerogativas, quàm Theologi passim existiment. S. Petrus redigitur in Ordinem cæterorum Apostolorum: ejus Successores in communem Classen Episcoporum: Episcopi vix præstant Parochis. Quid igitur miri, si Parochi Janseniani nullum agnoscant in Ecclesiâ superiorem, nullius stare velint sententiâ, ut dogmata sua, licet centies damnata, retractent?

DOGMA I. (a) *Dictum Christi TU ES PETRUS, ET SUPER HANC PETRAM ÆDIFICABO ECCLESIAM MEAM, solum fuit dictum Petro personaliter, non in illo successoribus suis.*

DOGMA II. (b) *Non Petrus aut ejus successor Ecclesiæ Monarcha*

(a) D. Ægidius de Witte in convivio funebri die 8. Julii 1685. ut plures testes jurejurando deposuerunt Mechliniæ coram Notario die 11. Julii ejusdem. (b) Joannes Cantor in Antidoto 1691. pag. 7.

narcha est ; sed è contrà Ecclesia Mater & Domina est Pontificis.

DOGMA III. (c) *In potestate suprema , & regimine universalis Ecclesiæ erat omnimoda æqualitas inter S. Petrum & S. Paulum sine ulla subordinatione & subjectione S. Pauli ad S. Petrum.*

Atqui Jacobus & Joannes (quid ni & cæteri Apostoli ?) non erant subordinati aut subiecti S. Paulo ; sed erant ei æquales in potestate regendi Ecclesiam.

Ergo in potestate supremâ & regimine universalis Ecclesiæ fuit omnimoda æqualitas inter omnes Apostolos absque eo quod in potestate illa suprema ullus Apostolus subordinatus , aut subiectus esset S. Petro.

DOGMA IV. (d) *Papa non est nisi primus Episcopus , nec illi competit inter Episcopos major potestas , vel prærogativa , quam quæ competit Plebano sive Pastori S. Rumoldi respectu aliorum Pastorum Parochialium ejusdem Civitatis , & ea quæ competit primo Scabino Civitatis Gandensis sive aliarum Civitatum respectu aliorum inferiorum Scabinorum.*

Atqui Plebano seu Pastori S. Rumoldi non sunt subordinati & subiecti alii Parochi in regimine suarum Ecclesiarum.

Ergo neque alii Episcopi ita subordinati & subiecti sunt Romano Pontifici.

DOGMA V. (e) *Parochus in paræcia ab Episcopo constituitur quasi minor quidam Episcopus. Imò (f) omnis omnium Ministrorum potestas in quoscumque devenerit , sive in Parochos sive in alios Ministros Episcopales , eadem est , ejusdemque naturæ ac potestas Episcopalis. Nec ab ea differt nisi fluxu , emanatione , & plenitudine. Atqui potestas Episcopalis eadem est ejusdemque naturæ cum Pontificali , ergo & potestas Parochorum eadem est ejusdemque naturæ cum Pontificali.*

DOGMA VI. (g) *In præcepto Ecclesiæ de Confessione annua per Sacerdotem proprium nec Episcopus , nec Pontifex Romanus intelligi potest.*

Ergo non satisfacimus præcepto Ecclesiæ confitendo Pontifici ,

N n 4

vel

(c) Liber cui titulus de l'autorité de S. Pierre & de S. Paul , item alias : *Lagraveur de l'Eglise Romaine établie sur &c.* uterque liber damnatus est ab Innocentio X. Dogma autem ab eodem declaratum est HÆRETICUM. (d) D. Ægidius de Witte in convivio de quo supra. (e) Petrus Aurelius in vindiciis pag. 223. (f) Idem pag. 481. vide RELIQUIAS JOANNIS VEROERII pag. 35. & 37. (g) Aurea Fodina Suffossâ a. 1688. parte 2. pag. 51.

vel Episcopo, multò minus satisfacimus confitendo religiosi à Pontifice vel Episcopo delegatis; quia facultas alteri confitendi quam proprio Sacerdoti, ab ipso proprio Sacerdote & non ab alio concedi potest, ut in præcepto Ecclesiæ disertè exprimitur. Quidni pariter inferatur quod *Romanus Pontifex si Mechliniam excurreret, non posset in Templo D. Virginis sacrum celebrare vel administrare Sacramenta sine istius Parochi facultate?* hoc ipsum dicitur Dogma in novâ Ecclesiâ receptum.

G R A D U S I V.

Venerationem Imaginum ac Sanctorum, etiam Deiparæ cultum convellens.

Quemadmodum ad fidem in Provinciis Belgii Catholicis firmandam plurimum semper momenti attulit avita populi erga sanctos, præcipuè erga sanctissimam Dei Matrem quodammodo innata pietas, ad fidem paulatim omnem convellendam peropportuno est, cultum sanctorum, atque in primis Deiparæ in suspensionem vocare superstitionis, sibilis excutere, & ut Divinæ gloriæ injuriam prostituere. Attem hanc non prætereunt, qui nullas priscarum hæresium frondes ignorant novæ Ecclesiæ Architecti.

DOGMA I. (a) Scriptores plerique post Origenem usque ad proVectam ætatem Augustini fuerunt infecti errore Semipelagiano, etiam HIERONYMUS & (b) recentior FRANCISCUS SALESIUS. (c) *Ab Alexandro VIII. Canonizatus est* JOANNES CAPISTRANUS; *sed non ideo ejus doctrina minus perniciosa est, quin imò* (d) *quando haberemus magnas rationes permixtum est dubitare de sanctitate Joannis Capistrani, &c. Nec ideo essemus minus boni Catholici.* Atqui scriptores inter Origenem & Augustinum sunt præcipui Ecclesiæ Patres Athanasius, Epiphanius, Basilus, Gregorius Nazianzenus & Nyssenus, Chrysostomus, &c.

DO-

(a) Jansenius tom. 1. col. 438. *Origeni & Augustini sententia ante susceptum Episcopatum quantum ad hunc articulum perfectè Semipelagiana fuit ut non mirum sit alios inferiori notæ & perspicacia Scriptores, inter utriusque ætatem interjectos, in eundem scopulum impressisse. Nam ut Augustini Doctrinam inter Latinos in Occidente, ita inter Græcos in Oriente plerisque in scripturarum explicatione sectati sunt.* (b) Libertus Hennebel in Theſibus die 12. Maii anno 1684. (c) *Doctrine Nouvelle, fautive, erronée* pag. 2. & 3. (d) *Ibid.* pag. 2.

DOGMA II. (e) *Quod Ecclesia decrevit de Immaculatâ Conceptione, tantum est decretum pro tempore & propter tumultum Populi in Hispania.*

DOGMA III. (f) *Laus quæ defertur Mariæ ut Mariæ vana est.*

DOGMA IV. (g) *Deipara non rectè colitur & amatur nisi propter Deum: adeoque non omninò rectè ab illis in quibus nec Dei cultus est, nec ulla Dei dilectio.*

DOGMA V. (h) *Maria non est refugium peccatorum ante poenitentiam.*

DOGMA VI. (i) *Utilissimus est liber monitorum salutarium ad indiscretos B. V. cultores.*

Atqui tamen librum istum ut scandalosum & avertentem fideles ab avita erga Beatam Virginem pietate oppugnarunt passim Theologi, & Papa suspendit donec corrigatur.

DOGMA VII. (k) *Scapulare, Rosarium, Zona & aliæ ejusmodi devotiones populi tantum sunt devotiones mimicæ, quibus Monachi plebem fascinant & detinent in prava peccandi consuetudine. Ingens præstaret obsequium Ecclesiæ, qui aboleret ejusmodi devotiones phantasticas, quæ plus ludicri & histrionici lusûs habent & cultûs summi Judaici, quam solidæ pietatis.*

DOGMA VIII. (l) *Libri Sodalitatum erroribus, superstitionibus, ac mendaciis referti sunt.*

DOGMA IX. (m) *Dei Patris simulacrum nefas est Christiano in Templo collocare.*

An non etiam alias SS. imagines è templis paulatim Jansenistæ eliminatas velint, ut piaculum ducunt, si in supplicatione circumferantur cum Venerabili Sacramento, alii judicent. Eò certè ducit hoc principium seu Jansenistarum & Calvinii intellectum, soli Deo omnis honor debitus reddatur.

(e) Jansenius in Manuscripto Codice de quo sup. (f) Monita salutaria B. Mariæ ad Cultores suos indiscretos monito 6. damnato ab Alexandro VIII. (g) Gummars Huygens in compendio editione anni 1684. pag. 211. (h) Dialogus inter Waermont & Rechther pag. 47. (i) Ita libelli istius approbatores innumerati. (k) Petrus de Ligny nuper in exilium Missus Duaco propter Jansenismum in Epistola ad Episcopum Tornacensem. (l) Notæ in Decretum Archi-Episcopi Mechliniensis pag. 6. (m) Joannes Hesselius in explicatione primi præcepti cap. 65. damnata est propositio ab Alexandro VIII.

*Vilipendens Indulgentias & avertens à Sacramentis
Pœnitentia & Eucharistia.*

Ingens quidem, sed non unicus Indulgentiarum fructus est pœnæ temporalis remissio. Hæc pia illecebra Christi Vicariis familiaris est, ut ad Templorum & Sacramentorum frequentationem, ad Sanctorum cultum, ad venerationem imaginum & reliquiarum, ad sacra Sodalitia & Confraternitates Christianos alliciat. Quapropter iis quibus novam Ecclesiam, novam Fidem & Religionem, destructâ veteri, invehere certum est, indulgentiæ explodendæ sunt; & quia Sacramentorum usus frequens, nimis copiosa gratiarum subsidia fidelibus confert, nimis eos arctè Deo adstringit, nimis fovet affectum priscae pietatis & religionis, prorsus abrogandus est, 1. Negando tantam Sacramentorum necessitatem. 2. Minuendo utilitatem & efficaciam evertendo. 3. Præquirendo dispositiones nimis arduas, diuturnas & quodammodo impossibiles. 4. Instituendo tam importuna & absurda examina, ut S. Confessionis Tribunal fiat conscientiarum carnicina. 5. Imponendo pœnitentias insolentes, publicas & infamantes sine necessitate. 6. Negando plerisque absolutionis beneficium: denique non satis arctè servando Confessionis sigillum.

Abrogatio frequenti usu Confessionis & Absolutione passim dilatâ, facilè tollitur frequens sumptio Eucharistiæ.

DOGMA I. (a) *Non intelligo quid opus Missis moribundo cui indulgentiam Confessorius Monachus promittit, si valeat ipsius indulgentia ut sonat, nisi fortè non tam Missis opus sit, quam Missarum stipendio, non ad refrigerandas animas in Purgatorio, sed in refectorio?*

DOGMA II. (b) *Merè commentitia est, vel imprudenter extorta in annos centenos aut millenos indulgentiarum liberalitas.*

DOGMA III. (c) *Præcisè juxta id quod confers, indulgentia prodest, nec valet tibi nisi pro quanto labor conatusque tuus sufficit*

(a) Joannes Opstraet in Theſibus 16. Febr. 1690. (b) Franciscus van Vianen in Theſibus 9. Maii 1687. (c) Joannes Bauduin quæst. 4. art. 5.

in iudicio Dei. Similiter (d) Defunctis tantum valent indulgentiæ & alia pro ipsis oblata suffragia quantum studio pœnitendi, proximo subveniendi &c. in hac vita meruerunt.

DOGMA IV. (e) *Nequaquam sequitur quod indulgentiarum effectum plenè consequaris, etiamsi adimpleveris conditiones omnes præscriptas.*

DOGMA V. (f) *Qui post Baptismum mortaliter deliquerunt, regulariter non possunt ne quidem via indulgentiarum assequi plenam remissionem pœnæ temporalis, quæ dimissâ culpâ luenda superest, nisi ipsis indulgentiis adjunxerint ex parte suâ magnos fletus & magnos labores.*

DOGMA VI. (g) *Nunquam SS. PP. suaserunt frequentem usum Sacramenti Pœnitentiæ. (h) Non potest ostendi quod aliquis tempore SS. Patrum fuerit ter Sacramentaliter absolutus.*

DOGMA VII. (i) *S. Augustinus nunquam confessus fuit, (k) neque assignari potest ullus SS. Patrum, qui unquam Sacramentum illud suscepit.*

DOGMA VIII. (l) *Tempore SS. Patrum non fuit in usu confessio peccatorum venialium.*

DOGMA IX. (m) *Non probamus quod quis continuè præteritæ vitæ peccata iteratò confiteatur ad obtinendum toties, uti ajunt, effectum Sacramenti Pœnitentiæ.*

DOGMA X. (n) *In hac vita est quidam status perfectionis, in quo non indigemus amplius confessione, neque in eo statu primi Christiani solebant confiteri.*

DOGMA XI. (o) *Non potuit Tridentina Synodus vel insinuasce attritionem sufficere cum Sacramento.*

DOGMA XII. (p) *Pœnitentes etiamsi de peccatis carnis nihil confiteantur, tamen studiosè examinandi sunt primò circa generaliora, deinde circa particularia plurima valde distinctè.*

DO-

(d) Franciscus van Vianen in Theſibus 9. Maii 1687. (e) Joannes Bauduin. quæſt. 4. art. 5. (f) Idem quæſt. 4. art. 2. (g) Aurea Fodina Suffoſſa parte 1. pag. 11. (h) Hanc proſitionem ex libello D. Ægidii de Witte expungi juſſit Alphonſus de Berghes Archi-Epiſcopus Mechlinienſis Decreto anni 1689. 28. Aprilis. (i) Aurea Fodina Suffoſſa pag. 46. (k) Ibid. pag. 43. & 44. (l) Ibid. (m) Huygens in compendio 2. 1684. pag. 250. (n) Libellus: NOTITIA AD CONFITENDUM ET COMMUNICANDUM UTILITER. (o) Van Worm in Theſibus 27. Aug. 1670. (p) Gummars Huygens in Theſibus 1680. 9. Febr. & 1690. menſe Junio, ubi tam pudendas interrogationes præſcribit circa utrumque ſexum & tegeram ætatem, ut videatur potius velle docere ſpurcias, quam cavere,

DOGMA XIII. (q) Ratio & experientia persuadent communiter dispositos non venire primâ vice, qui peccatum aliquod mortale confitentur.

DOGMA XIV. (r) Admittenda unanimiter hæc est regula: licitum est differre absolutionem pœnitenti ex eo præcisè, quod cadat in peccatum enorme vel secundum se, vel secundum statum personæ, quæ peccatum illud committit.

DOGMA XV. (s) Qui semel commisit unum peccatum mortale non potest ordinariè exiguo tempore se convertere; adeoque longo tempore debet differri ejus absolutio.

DOGMA XVI. (t) Ratio differendi absolutionem donec proportionatè delictis pœnitentia peracta sit, est quia spiritalis sanatio peccatoris de lege ordinari non minori tempore indiget quàm corporalis, imò majori. Ergo Sacerdotalis absolutio non sanat, sed sanitatem præsupponit, adeoque non justificat. Cumque grave vulnus spirituale lentius curetur ordinariè quàm corporale, multo tempore differenda est absolutio.

DOGMA XVII. (u) Ignoti pœnitentes etiamsi tantum levia confiteantur E. G. se leviter mentitos, vel iratos vel in sacro distractos fuisse, passim non sunt absolvendi.

DOGMA XVIII. (w) Satisfactio debet absolutionem præcedere.

DOGMA XIX. (x) Exercitium operum pœnialium necessarium est non tantum ad delendam pœnam, sed etiam ad extinguendam culpam.

DOGMA XX. (y) Ecclesia olim propter unum grave peccatum obligabat ad subeundas pœnitentias aliquot annis & interea differebat absolutionem Sacramentalem.

DOGMA XXI. (z) Qui ex Sacramentali sibi factâ confessione novit crimen alicujus, non potest sine perjurio jurare se illud in Confessione non audivisse; quamcumque interim mentis restrictionem in subsidium vocet, ut E. G. si mente intelligat, quod non audierit ut homo.

DOGMA XXII. (aa) Potest Confessarius etiam cum revelatione

(q) Joannes Opstraet in Pastore Bono pag. 264. (r) Hennebel in Systemate pœnitentiz pag. 9. post med. (s) Brevis ac solida demonstratio pag. 86. (t) Ægidius Gabrielis in Morali Christiana pag. 131. (u) Joannes Opstraete in Thesibus 7. Augusti 1687. (w) Instructio Ritualis Aletensis pag. 91. (x) Controllator parte 1. pag. 3. a. 1690. (y) Brevis ac solida demonstratio pag. 87. (z) Gummarius Huygens in Compendio pag. 75. (aa) Franciscus vander Vliet in Thesi-

latione & gravamine poenitentis uti scientiâ confessionis, quando adest gravis ratio.

DOGMA XXIII. (bb) *Confidentis arrogantia est generatim asserere perperam adhiberi scientiam ex Confessione habitam, ad Complicis, Familiae, Sociorum correctionem.*

DOGMA XXIV. (cc) *Periti Confessarii debent hoc tempore rescindere frequentem communionem.*

DOGMA XXV. (dd) *Non potest magis accommodata poenitentia esse, quam pro tempore separari ab Eucharistia.*

DOGMA XXVI. (ee) *Fidelibus Ordinariis qui quidem in crimina non labuntur, sed agriculturæ, arti mechanicæ, vel alteri professioni dediti totos se occupant rebus temporalibus, ita ut ostendant magis in se prædominari amorem sæculi quam Dei, non licet vel semel in anno communicare.*

DOGMA XXVII. (ff) *Requiritur emundatio per poenitentiam à peccatis venialibus & eorum affectu.*

DOGMA XXVIII. (gg) *Requiritur status firmus & immobilis in virtute Christiana.*

Atqui nulli fideles nec Sacerdotes immobiles sunt in virtute Christiana. Ergo nemo Eucharistiam sumat.

DOGMA XXIX. (hh) *Non sunt ad communionem admittendi qui nondum uni Deo perfectè uniuntur, neque penitus inculpabiles sunt.*

Atqui nemo perfectè unitur Deo, nemo penitus inculpabilis est, ergo nullus unquam est ad communionem admittendus.

DOGMA XXX. (ii) *Arcendi sunt à Sacra Communione quibus nondum inest amor Dei purissimus & omnis mixtionis expers.*

Atqui non facilè talis homo réperietur. Ergo omnes passim à Communione arcendi sunt, & ea reservanda solis Beatis in Cœlo.

DO-

bus 19. Febr. 1682. Scientiâ ex confessione acquisitâ uti licet? modo fiat sine directâ aut indirectâ revelatione & gravamine poenitentis, nisi aliud multò gravius ex non usu sequatur, in cujus comparatione prius meritò contemnatur. (bb) Joannes Cantor pag. 7. (cc) Petrus de Ligny in Epistola ad Episcopum Tornacensem. (dd) Aegidius Gabrielis in Speciminibus Moralibus pag. 161. (ee) Joannes Opstraete in Pastore Bono pag. 266. (ff) Aegidius Gabrielis in Speciminibus Moralibus pag. 107. & 115. (gg) Idem pag. 119. *Per statum firmum & immobilem in virtute Christiana judicari debet homo dignus Eucharistia.* (hh) Arnaldus lib. de frequenti Communione pag. 23. (ii) Est propositio damnata ab Alexandro VIII. tradita ab Arnaldo ibid. parte 3. cap. 7.

DOGMA XXXI. (*kk*) *Nemo sollicitus esse debet de Communionem Paschali, modò Confessarios bonos adierit; quia Sacerdoti facultas concessa est, ob aliquam rationabilem causam ad tempus Eucharistiæ sumptionem differendi.*

Atqui *bonis* istis Confessariis est *causa rationabilis* Eucharistiam differendi, si quis nondum sit *immobilis in virtute Christiana*, nondum penitus inculpabilis, & Deo perfectè unitus. Ergò absolute nemo sollicitus esse debet de Communionem sumenda in Paschate; sed boni isti Confessarii possunt in quolibet poenitente suo dispensare.

DOGMA XXXI. (*ll*) *Pœnitentia est maximè rationabilis causa differendi communionem Paschalem.*

Atqui hæc causa nunquam deest *bonis* istis Confessariis; nam (*mm*) *pœnitentiam illam quæ est abstinentia ab Eucharistia semper Ecclesia pœnitentis conditioni accommodatissimam, Christo acceptissimam, peccatori saluberrimam judicavit.*

(*kk*) Joannes Opstraete in Pastore Bono pag. 417. (*ll*) Ægidius Gabrielis in Speciminibus Moralibus pag. 156. (*mm*) Arnaldus lib. de frequenti Communionem cap. 23.

G R A D U S VI.

Odium & calumnie adversus Religiosos.

NOn alii passim fortius se Novatoribus opponunt, non alii Sacramentorum frequentationem, SS. cultum, & pietatem magis promovent, non alii constantius defendunt Ecclesiæ definitiones, decreta, & fidem orthodoxam, quam plerorumque Ordinum Religiosi. Magna eorum apud plebem veneratio est: eorum multi etiam apud Magnates gratiosi sunt: ingens ad eorum Tempia & sacra Tribunalia est confluxus. Idè Jansenistis fidei & pietatis interitum meditantibus est eam per Religiosorum latus impetere, horum famam proscindere, doctrinam & praxim impugnare, Catechismos & conciones impedire, Sodalitiis & Confraternitatibus detrahare. Denique nihil prætermittre quod ad eorum depressionem, contemptum & ruinam conducturum videatur. Vix ullibi magis elucet Janseniana charitas & modestia. Specimina quædam exhibeamus.

SPECIMEN I. (a) *Impediendum omninò est ne templa Religiosorum tam multùm frequententur.*

SPECIMEN II. (b) *Hunc in finem praxis administrandorum Sacramentorum adhibenda est opposita communi praxi Ecclesiæ bodiæ; in eundem finem reddenda est confessio difficilior & communio rarior.*

SPECIMEN III. (c) *Non tamen statim apertè omnes simul Religiosi impugnandi sunt, sed initium ducendum à Jesuitis.*

SPECIMEN IV. (d) *Jesuitæ fabricant super incude infernali moralem corruptiorem quâlibet pessimâ Philosophorum Ethnicorum, imò ipso Alcorano impuriorem, destruente penitus ipsam legem Mosaicam & Evangelium.*

SPECIMEN V. (e) *Doctrina Molinistica in fundo rei non differt, nisi aliqui quibus vocum novitatibus à Pelagianâ & Semi-pelagianâ.*

SPECIMEN VI. (f) *Non stat per infelices illos Demonis Religiosos, quo minus amor Creatoris & Medicinalis gratia Redemptoris destruantur per ipsorum Anti-Christiana Dogmata.*

SPECIMEN VII. (g) *Obstistit potentia Jesuitarum ne sua continuò Ecclesiæ tranquillitas reddatur. (h) Jesuitæ sunt proditores Regis ac Regni Hispaniæ, & nihil nisi Monarchiæ illius occasum per occultos cuniculos moliuntur. (i) Sunt proditores Imperatoris & Imperii. (k) Agunt causam Tartarorum, & quid non?*

SPECIMEN VIII. (l) *Evertendus est iniquitatis Colossus, quem Molinistæ extruxerunt tot calumniis & imposturis, postquam famosus Molina cœpit impietates suas quoad JESU Christi gratiam disseminare.*

SPECIMEN IX. (m) *Monachi post Magistrum sententiarum corruerunt Theologiam Scholasticam. Otio quo abundant malè utuntur, satius se impenderent operibus manualibus ut veteres olim Monachi, relicto decendi munere Episcopis.*

SPE-

(a) Joannes Vergerius in Colloquio cum Jansenio cui se interfuisse testatur Prænobilis D. de Rasilly. (b) Idem, in eodem Colloquio. (c) Jansenius ibidem. (d) F. Eugenius de Gelder in ultimâ voce zelatricis Innocentiæ pag. 109. & 110. (e) Idem pag. 9. (f) Dominus Malpaix in Epistola. vide Arcana detecta pag. 48. (g) Paulus Irenæus in causa Jansenianâ pag. 18. (h) Ultima vox zelatricis Innocentiæ pag. 5. (i) Ibid. pag. 7. (k) Ibid. p. 65. (l) Petrus de Ligny in Epistola. vide Arcana detecta p. 39. (m) Jansenius in Manuscripto suo Codice de quo supra.

SPECIMEN X. (n) *Confessiones apud Religiosos factæ pleræque vel sacrilegæ sunt, vel invalidæ.*

SPECIMEN XI. (o) *Parochianus meritò suspicari potest de mendicantibus qui Eleëmofynis communibus vivunt, de imponendâ nimis levi & incongrua pœnitentia seu satisfactione ob quæstum, seu lucrum subsidii temporalis.*

SPECIMEN XII. (p) *Casuiſtarum libri ad morum integram perniciem scripti sunt.*

SPECIMEN XIII. (q) *Monachi ſopiunt plebem & eam retinent in malis conſuetudinibus offendendi Deum, promittendo impunitatem peccatorum & indulgentias in hora mortis.*

SPECIMEN XIV. (r) *Monachi fingunt indulgentias annexas eſſe ceremoniis quibusdam Semijudaicis, imò hiſtrionicis ineptiis, ut ſunt Scapulare, Roſarium, Funiculus, & Conſraternitates.*

SPECIMEN XV. *Sodalitatum libri erroribus, ſuperſtitionibus, ac mendaciis referti ſunt.*

(n) Eſt propositio 20. inter 31. damnatas ab Alex. VIII. evidenter ſequitur ex Gummarii Huygens methodo remittendi & retinendi peccata, cui adverſantur plerique Religioſi abſolventes quos Gummarus docet non eſſe diſpoſitos. (o) Theophilus Parochialis parte 3. art. 26. Eſt hæc propositio 21. inter 31. damnatas ab Alex. VII. (p) Notæ in Decretum Archi-Epiſcopi Mechlinienſis p. 6. (q) Petrus de Ligny in Epiſtola ad Epiſcopum Tornacenſem Gilbertum de Choyſeul. (r) Idem in eadem Epiſtolâ. (s) Notæ in Decretum Archi-Epiſcopi Mechlinienſis pag. 6.

G R A D U S VII.

Criminationes & Contumelia adverſus Epiſcopos & Vicarios Catholicos.

Epiſcopos olim aliquos ſibi ſaventes naſci fuerant Janſeniſtæ tum in Galliâ, tum in Belgio. Tunc ſcilicet nihil erat dignitate illâ ſacratius. Jure Divino conſtituti erant Epiſcopi Doctores & Judices doctrinæ in ſuis quilibet Diœceſibus: nefas erat iis obluſtari: ingens ſacrilegium, quidquam de iſdem ſcribere aut loqui minus reverenter, quamcunque præbuiſſent anſam de ſuis moribus, doctrinâ aut cenſuris conquerendi. Nemo reverentiam & obſervantiam Epiſcopis debitam magnificentius prædicavit Joanne Vergerio ſiſto Achate Cornelii Janſenii. Notif-

tissima sunt quæ pro Episcopali dignitate scripsit in suo Petro Aurelio. At nunc Episcopos Belgii Jansenismo infensos conspicari, omnem simul erga eos exuunt reverentiam, omnem humanitatem, stylum in eos convertunt, quælibet fanda & infanda exprobant, non ut Sacerdotes Episcopis, sed ut scurræ de trivio suis æqualibus. Proculcari nempe debet autoritas quantumvis sacra, quæ novitatibus ausa sit obistere, quin penitus destruenda est, ne possit deinceps oblucri.

CRIMINATIO I. (a) *Regula 4. Indicis Tridentini, & qui eam promulgant* Archi-Episcopus Mechliniensis, Episcopus Gandensis, Antverpiensis, Brugenſis, Ruremundensis *invadunt auctoritatem Regiam.*

CRIMINATIO II. (b) *Iidem Episcopi eripientes Christianis potestatem legendi Biblia, Tyranni sunt, non Patres aut Pastores.*

CRIMINATIO III. (c) *Sunt quidem modo in Belgio nonnulli tales Episcopi, sed satis constat fuisse à tempore Apostolorum seductores & docentes perversa; atque ex Episcopis quosdam hæreticos.* (d) *Sic nos acerbius loqui necesse est ad reprimendam hæresim quæ hoc tempore in Ecclesia maximè invaleſcit.* Est autem hæresis ista eorum qui imperitis prohibent lectionem Scripturæ S. in lingua vulgari, ut prohibent Romani Pontifices, omnes Italiæ, Hispaniæ, Lusitanæ, & Belgii nostri Episcopi.

CRIMINATIO IV. (e) *Episcopi Romanus, Mechliniensis & Cameracensis contra præceptum Apostoli auferunt fidelibus SS. Biblia: horrenda cæcitas! decreta scandalosa!*

CRIMINATIO V. (f) *Episcopi qui ab uno Episcopatu transferuntur in alium etiam in Archi-Episcopatum, sunt adulteri.* Unde adulter est Mechliniensis Archi-Episcopus. Atqui translationem illam approbavit Romanus Pontifex, postulavit Rex Catholicus & centenæ ejusmodi translationes toto orbe fiunt approbante supremo Christi Vicario. Ergo Pontifices approbant publicè adulteria, Reges passim postulant & Episcopi sine scrupulo committunt.

CONTUMELIÆ RELIQUÆ. (g) *Archi-Episcopus Mechliniensis*

O o

(a) Notæ in Decretum Archi-Episcopi Mechliniensis pag. 101. (b) Brevis & necessaria instructio p. 22. (c) Ibid. p. 24. (d) Ibid. p. 17. (e) Dominus Malpaix in Epistola data 2. Feb. 1691. (f) Defensio sententiarum p. 26. 30. 25. (g) In oratione Flandrica manuscriptâ quam sparserunt Jansenistæ post mortem Alphonsi Archi-Episcopi Mechliniensis.

chliniensis Burgundio stupidus pauper superbus (h) meditatur in has Provincias introducere regimen Gallicum millies magis injustum, & crudele quàm sint Tribunalia Inquisitionis.

Idem (i) Archi-Episcopus sine ullâ informatione & falsis nixus ideis in perniciem quorundam Ecclesiasticorum conjuravit eosque inclementissime persequitur. Procedit contra Ecclesiæ regulas, & normam justitiæ more sicariorum. (k) Petiit & consecutus est à sua Majestate ut omnes viæ justitiæ interclusæ sint iis omnibus quos placuerit persequi. (l) Est simul pars, testis, judex, & executor contra Regis subditos. Nonne hoc est in hac Provincias introducere Regimen purè Tyrannicum, & contrarium omnibus legibus, omnibus consuetudinibus, & omnibus harum Provinciarum Privilegiis, ad quæ servanda sua Majestas jurejurando se obstrinxit? Ergo sua Majestas est perjura; concessit enim, inquis, Archi-Episcopo ut omnes viæ justitiæ intercludantur.

(m) Archi-Episcopus omnia in sua Diœcesi permiscet.

(n) Episcopus Antverpiensis Ferdinandus Van Beugbem est Mercator & plenus vitiis. Episcopus Rurémundensis D. Cools est conditione tantùm Procurator, ut instituto ita & moribus Monachus. (o) Tres Vicarii Generales Tornacenses sunt tres Diocletiani qui opprimunt miseram illam Diœcesim. Tres isti veluti flagella iræ Divinæ percutiunt & affligunt omnes qui non habent characterem Bestiæ, & qui imaginem laxitatis fronte suâ non præferunt. Sufficit esse mediocriter honestum quempiam, ut muniis omnibus Ecclesiasticis excludatur sine ulla spe promotionis. Satis apparet quo spiritu agantur tres illi Lupi, qui impune dilacerant gregem. Nisi Deus brevi finem imponat persecutioni, totam miseram Diœcesim pervertent. Boni Pastores gemunt sub jugo Tyrannico, vident perire suos conatus, & multos Ecclesiasticos, qui saniori parti se addixerant, pati naufragium.

Vicarius Apostolicus Diœcesis Sylvæ-Ducensis Martinus Steyaert est (p) Frater Apostata, (q) Author schismatis Lovaniensis, vaser novitatum architectus, laxonum strenuus advocatus, innocentum subdolus & ferox persecutor, audax & iniquus calumniator,

(h) Sententiæ & regendi ratio p. 26. (i) Ibidem p. 23. (k) Ibidem p. 20. (l) Idem p. 26. (m) Notæ in Epistolam Steyartii p. 94. (n) In oratione Flan-
drica de qua paulò ante. (o) D. Malpaix in Epistola data 2. Febr. 1691. (p) In
Arcana Clavi Jansenistarum propè Aldenardam detectâ. (q) Sirenula Chrono-
graphica 1692.

tor, fatuus adulator. Quid boni quæso Diœcesis Sylvæ-Ducensis expectas à tali viro qui laxiorem viam professus, vos per eam verbo & exemplo in æternum exitium est perducturus?

G R A D U S VIII.

Injuriis Regibus, eorumque subruens autoritatem.

NON ad arcendos tantum externos hostes, aut temporalem perniciem avertendam, verum & ad continendos justis legibus populos, impedienda scelera, propugnandum Dei cultum, puniendos Divinarum humanarumque legum transgressores suprema Regibus potestas concessa est. Regum est autoritatem Ecclesiasticam, Pontificiam, & Episcopalem tueri; Decretorum, definitionum, & censurarum spiritualium adversus refractarios executionem curare, omnes ad parendum cogere. Nihil illo sanctius, nihil antiquius habent Reges Orthodoxi. Quapropter Jansenistæ Religionis interitum machinantes, callido consilio autoritatem Regiam paulatim suffodiunt, ut eversâ tandem omni potestate Ecclesiasticâ & sæculari, sine metu suppliciorum, sine periculo, excussa omni lege, Libertinorum atque Atheorum principia stabiliant & pace securi fruantur.

CONTUMELIA I. (a) *Non facile reperitur Regnum quod Princeps aliquis justè possideat, nisi primum Tyrannicè occupatum, deinde successu tantum temporis justè continuatum.* Atqui facile reperitur regnum Hispaniæ & tot ei annexa, ergo Regna illa sunt primum Tyrannicè occupata, & tantum successu justè continuata. Qualis autem & an sufficiens ea justitia sit quæ in injustitia & Tyrannide fundata est, dispicient Jansenistæ ubi prævaluerint.

II. (b) *Omnes Principes tam Ecclesiastici quam Sæculares quasi Lethargici tacent & videntes videntur non velle videre quæ peracta sunt in Curia Poloniæ, contra bonum Christianismi.*

III. (c) *Rex Poloniæ Turcarum antea terror, jam annis aliquot desidiâ torpuit, cujus desidiæ causa sunt Jesuitæ.*

IV. (d) *Animus Regis Christianissimi obduratur à Jesuitis.*

O o 2

V. Rex

(a) Gummarus Huygens in Thesibus 1689. 14. Junii. (b) F. Eugenius in ultima voce zelatricis innocentiz, pag. 65. (c) Ibid. p. 112. (d) Ibid.

V. (e) *Rex Galliae per suum Romae Legatum, & Cardinales postulat Belgis Formulare tantum ut oriantur seditiones.*

VI. (f) *Insolens Gallorum natio supra omnem modum intumescit, & in omnium Monarcharum despectum Regem suum quasi quoddam idolum, ac Regum Regem, & Dominantium Dominum constituit: (g) Et tamen ejus Regimen est millies magis injustum & crudele quam sint Tribunalia Inquisitionis. Sed (h) hoc habet Rex Galliae cum Pontifice commune, quod utriusque adulatores notabiliter excedant.*

VII. (i) *Rex Galliae per summam injustitiam & Ecclesiasticae libertatis violationem Theologos Duacenos probe Catholicos, innocentis in primis pios, & eruditos propter phantasma Jansenismi nuper in exilium misit, & pergit opprimere.*

VIII. (k) *Imperator patitur se Ignatiari à Jesuitis, & nimis importunè stimulari contra Protestantes & Lutheranos, hinc illae difficultates & Rebelliones.*

IX. (l) *Rex Hispaniae Carolus II. minorennis educatus est in totali ignorantia cognitionum & scientiarum tanto Monarcha dignarum, eique necessariarum.*

X. (m) *Jam non tantum Hispanicae Monarchiae restauratio, sed & omnis penè reformatio impossibilis ferè judicatur.*

XI. (n) *Tanta Monarchiae Hispanicae corruptela ex eo oritur quod Jesuitae omnia subsellia, dignitates & ministeria in tota Dominatione à planta pedis usque ad Verticem capitis repleverint personis Societati totaliter devotis, & cum ipsa aequaliter corruptis, id est, unice quarentibus quae sua sunt, non quae justitiae, Regis aut Reipublicae vel Dei, his autem alios ejusdem farinae in locum demorientium continuò surrogantibus oritur reformationis impossibilitas de qua in Contumelia 10.*

XII. (o) *Desiderium Regis Catholici quod initio sui Regiminis suis Ministris & Officialibus intimaverat de restauranda fidei justitiae administratione, corruptelis & peccatis publicis corrigendis, & protectione pauperum contra violentam oppressionem potentum assumenda, nullà ex parte fuit adimpletum.*

XIII. (p) *Rex Catholicus concessit Archi-Episcopo Mechliniensi*

ut

(e) *Folium Avu politique.* (f) *Ultima vox. p. 14.* (g) *Sentimens & conduite p. 26.* (h) *F. Eugenius in ultimà voce p. 14.* (i) *Arnaldus seu quisquis est author scripti Gallici cui titulus: Elusiones quarum compendium est propositio seu contumelia VII.* (k) *F. Eugenius in ultima voce p. 7.* (l) *Ibid. p. 6.* (m) *Ibid.* (n) *Ibid.* (o) *Ibid. p. 5.* (p) *Sentimens & conduite p. 21.*

ut omnes viæ justitiæ intercluderentur eis omnibus quos Archi-Episcopo illi persequi placuerit. (q) Nonne hoc est in has provincias introducere regimen Tyrannicum, & contrarium omnibus legibus, omnibus consuetudinibus, & omnibus harum Provinciarum privilegiis, ad qua servanda sua Majestas jurejurando se obstrinxit? Ergo Rex Hispaniæ est injustus, perjurus & author Tyrannidis.

XIV. (r) *Facile videre est sententiam à Concilio Geldriæ contra tres libellos pronuntiatam adversari veritati & justitiæ. Ideo virtutis est eam non agnoscere tanquam regulam opinionum quas de istis libellis concipere oportet. Atqui tres isti libelli erant LES SENTIMENS ET LA CONDUITE, NOTÆ IN DECRETUM, KORTE ENDE NOODIGHE ONDERWYSINGHE, maximè infames contra Pontifices, Reges, Archi-Episcopum & cæteros Belgii Episcopos, pro Jansenistis & eorum novitatibus.*

DOGMA PALMARE (s) Promeremur coronas non obtinendo sine discrimine ordinationibus supremæ potestatis.

PSEUDO-POLITICA ET VERSATILIS PRAXIS.

(t) *Ubi Reges aut Regii Magistratus nos aggrediuntur, accusandi sunt tanquam violatores Ecclesiasticæ immunitatis: excipien-*
dum

O o 3

(q) Ibid. p. 26. (r) *Defense des sentimens p. 10. (s) Ibid. (t) Jansenii Nepos ad Regem Hispaniæ, scribuntur memorialia quibus ostendatur Bullam admittendam non esse, ejus executionem esse contra auctoritatem Regis, & ius Belgicum; Bullam autem ante Regis placitum nullius esse roboris. Rex Galliæ comprehendit jubet Joannem Vergerium Novatorum & Jansenistarum in Galliâ Ducem, Jansenistas Parisiis, & portu Regio expellit, persequitur Moniales Ecclesiæ dissentientes: quid, inquiunt, se immiscet Princeps secularis rebus & personis Ecclesiæ? Pontifex Gummarum Huygens Notorium apud Lovanienses Jansenistam, & Jansenistarum Antesignanum arcet a Cathedrâ Theologicâ & sanctiori Theologorum Collegio seu strictâ Facultate, ad Regem recurritur, ab eo repulsam passititerum ad Pontificem se convertunt. Romani Pontifices & Episcopi Belgæ cum omnibus totius Monarchiæ Hispaniæ Episcopis, ut nihil dicam de Italis, Lusitanis, &c. Prohibent lectionem Scripturarum SS. rudi populo in lingua vulgari, in promptu habent Jansenistæ edictum Caroli V. quod Episcopis opponant, & Pontificibus. Quid magis familiare in Belgio quam appellatio Jansenistarum ab Episcopis ad Magistratus seculares? Famosa sed infelix fuit Opstratiana contra Archi-Episcopum Mechliniensem. Jansenistarum Duacensem causa delata est ad Regem Christianissimum: ab hoc malè sibi metuentes provocant ad Episcopum Attrebatensem; à Sorbonicis Doctoribus condemnati, à Rege in exilium pulsî, queruntur per Arnaldum de innocentia oppressa à iudice minimè competenti, a spiritali potestate sperant sententiam diutius protrahendam & mitius inferendum supplicium. at F. Eugenius de Gelder in ULTIMA voce anno 1689.*

dum contra eos, utpote excedentes suam potestatem. Ubi verò ab Episcopis, Pontificis Internuntio, aut ipsis Pontificibus impetitur, appellandum ad Reges aut Regum Concilia. Sic perpetuò committenda est sæcularis potestas cum Ecclesiasticâ, ut mutuâ collisione utraque infringatur, utraque ad refranandas novitates sit inutilis, & ad puniendos tebelles quodammodò enervis.

pag. 25. scribens ad suum Provinciale non videor, inquit, à vobis debere aut posse judicari: præsertim cum jam quasi ad Tribunal Regium, saltem in scriptis meis sem, ubi me oportet judicari. Prætereo innumeras, ut loquuntur, manutentionias, quas novi homines petunt a Regis Conciliis contra Episcopos. Notæ sunt Jansenistarum querelæ contra Gubernatorem & Magistratum Aldenardensem apud Gandensem Episcopum. Si quis omnes appellationum Janseniarum vicissitudines enumerare voluerit, volumen faciliè impleverit.

GRADUS IX.

Proculcans Regulam 4. indicis Tridentini, sive permittens omnibus sine scrupulo lectionem Scripturæ S. in lingua vulgari & lectionem librorum omnium prohibitorum.

CUM in Scripturis SS. ut ex S. Petri testimonio & exploratâ passim experienciâ constat, sint multa difficilia intellectu quæ indocti & instabiles ad sui interitum depravant, opportuna visa est Novatoribus earum promiscua lectio, ut imperitæ plebi errorum plurimorum præberetur occasio. Quæ muliercula, quis rudis rusticus de Jansenianorum Dogmatum veritate dubitet, quando ea videt sacrorum Bibliorum, interprete quidem Janseniano Pastore, oraculis confirmari? ut autem suavius simul & efficacius in errores incautus quilibet impellatur, obtrudenda omnibus linguæ Gallicæ non planè ignaris versio Gallica, vulgò Montensis. Hæc & sermonis comptioris illecebrâ ad legendum allicit, & dolosis subinde mutationibus ad pervertendum Lectorem est aptissima. Plurimum præterea semper ad invehendam & promovendam hæresim momenti habuit innumerabilis libellorum scriptorumque in vulgus sparsorum & quotidie novorum multitudo. Quod singuli non possunt, multi perficient, præsertim si linguâ vernaculâ edantur, nec eâdem fortè refutentur. Opponent quidem se Episcopi, notabuntur libelli infami censurâ, eorum lectio severè omnibus à Romano Pontifice interdicetur; sed ejusmodi

di censuræ faciliè exploduntur. Quod enim decretum tam arctè constringet homines totos ex mendaciis, ex cavillationibus confutos, ut nullus pateat, vel patere videatur locus tergiversationi? en scutum adversus decreta omnia impenetrabile. Tantùm dicendum est, decretum esse subreptitium, importunis adversariorum precibus, Magnatum intercessiōe, Jesuitarum artibus injustè expressum: nullam subesse condemnationi causam rationabilem, censuram autem iniquam non obligare & quæcumque eam comitantur fulmina seu anathemata vaticana, esse inania, terre simplices, neminem ferire.

DOGMA I. (a) *Nunquam Ecclesia S. Scripturæ lectionem in linguis vulgaribus plebi prohibuit.*

II. (b) *Pontifices quidem Romani illam prohibent; sed prohibitio illa manifestè repugnat Apostolo Paulo; ideo curanda non est.*

III. (c) *Apostolus non tantùm permittit; sed vult ut suæ Epistolæ legantur ab omnibus fidelibus.*

IV. (d) *SS. Patres unanimiter imperant lectionem Scripturæ S. omnibus hominibus omnis sexûs, conditionis, & ætatis, non modò ut utilem, sed quodammodò necessariam ad salutem. Ideò (e) lectionem illam etiam in lingua vulgari meritò imperabunt Confessarii suis pœnitentibus.*

V. (f) *Certum est non esse necessarium à Superioribus petere facultatem legendi S. Scripturam in lingua vernacula, imò nec expediens, ne Episcopi & Pontifices confirmentur in sua opinione qua putant licitum sibi esse lectionem istam prohibere.*

VI. (g) *Nihil ista prohibitionem magis ridiculum, magis stultum.*

VII. (h) *Illi prohibitioni se submittere esset submitissio non Christiana, sed irrationabilis, stulta & peccaminosa.*

VIII. (i) *Ideò Decretum Episcoporum Belgii quo prohibitio ista urgetur, semper erit horrore omnibus quibus aliquod vestigium iudicii sani & pietatis superest: semper reputabitur tanquam seditiosum & erroneum. (k) Est non à Deo sed à Diabolo suggestum.*

O o 4

Non-

(a) Brevis & necessaria instructio p. 18. (b) Examen responsionis p. 93. & Dominus Malpaix in Epistola anni 1691. 2. Febr. (c) Ibid. (d) Dialogus inter Parochianum & Theologum p. 8. (e) Notz in Decretum Archi-Episcopi Mechliniensis p. 11. (f) Dialogus inter Parochianum & Theologum p. 7. (g) Difficultates propositæ Episcopo Gandensi p. 21. (h) Ibid. p. 14. (i) Defensio sententiarum p. 44. (k) Brevis & necessaria instructio p. 25. ibid. p. 23. difficultates propositæ Episcopo Gandensi p. 11.

Nonne enim Diabolus solus est qui possit inspirare quod lectio Scripturæ S. non sit necessaria?

IX. (l) Novi Testamenti versio vulgò Montensis Romæ damnata & prohibita est; sed non sine Anti-Jansenistarum fraude & artificiiis.

X. (m) Dici non potest sine mendacio Testamentum Montense fuisse Romæ examinatum antequam damnaretur.

Atqui dixit Clemens IX. Pontifex in Decreto 1668. 20. Aprilis quòd examinandum dederit Cardinalibus. Hi dein testati sunt ritè à se fuisse examinatum: ergo mentiti sunt Cardinales Romano Pontifici.

XI. (n) Decretum in quo censuratur versio Montensis est subreptitium & per falsas informationes obtentum. (o) Pontifex in ista condemnatione miserabiliter fuit deceptus.

XII. (p) Versio Montensis maximè fidelis est & maximè Catholica. Atqui tamen Clemens IX. eam damnavit decreto jam memorato tanquam temerariam, damnosam, à vulgata editione difformem, & offendicula simplicium continentem.

XIII. (q) Licet omnibus versionem illam legere in Belgio, quamvis Pontifex Romanus & Episcopi Belgæ illam prohibeant sub pœnâ excommunicationis Pontifici reservatæ & ipso facto incurrendæ.

XIV. (r) Optimi libri & saluberrimi Romæ condemnantur.

XV. (s) Potes privatim legere librum Jansenii & quoscunque alios prohibitos modò judices condemnationem esse injustam.

XVI. (t) Non debemus curare excommunicationes Pontifici reservatas etiam latæ sententiæ. Adeoque non debemus propter illas abstinere à legendis libris prohibitis, vel à tradendis sententiis condemnatis.

(l) Prætextus Dei inimicus p. 43. (m) Difficultates propositæ Domino Steyart parte 6. p. 48. (n) Prætextus Dei inimicus p. 47. (o) Ibid. p. 46. (p) Ibid. p. 42. (q) Difficultates propositæ Domino Steyart parte 6. p. 40. Difficultates propositæ Episcopo Gandensi pag. 24. (r) Litteræ unius Ecclesiastici de mente S. Augustini p. 1. (s) Difficultatum Domino Steyart totâ parte nonâ id docetur ex professo. (t) Litteræ unius Abbatis ad quemdam Romanæ Curie Prælatum p. 30. occasione condemnationis propositionum 31. Romani ingeniosiores sunt quam ut credant nos terri sententiâ latâ excommunicationis Pontifici reservatâ.

JANSENISMUS

PLURIMAS HÆRESES

E T

ERRORES DAMNATOS

Pertinaciter defendens.



Am multa & absurda dogmata in Jansenismo detexit prius opusculum de Jansenismo omnem destruente Religionem, ut titulum suum videretur probasse satis evidenter, adeoque sufficere ut sacrum omnibus horrorem incuteret hæresios tam exitialis; verum cum pertinax adeò sit multorum cecitas, ut ne sic quidem oculos sibi aperiri patiantur, plures istius Sectæ sordes congerenda sunt, atque hoc luto linendi oculi eorum, qui pergunt in Jansenismo nihil reale perspicere; sed solum apprehendere phantasma, quasi nec Jansenius, nec ullus eorum, qui Jansenista vocantur, quidpiam unquam docuerit ab Ecclesia reprobatum, aut alienum à communi sensu fidelium. Quod quidem patentissimum mendacium operosè confutare non videretur opera pretium, nisi constaret, omnes Jansenii sequaces eo consilio ab erroribus vindicari, ut omnis eorum Doctrina tanquam Catholica & prorsus sana defendatur. Quapropter machinatio hæc tam perniciofa Ecclesie infringenda est.

Resuscitans Propositiones Bajanas, quibus arroditur omnipotentia Dei, perfectissimum ejus in res creatas Dominium, beneficentia erga Angelos sanctos & electos homines tum ante, tum post Lapsum, etiam erga sanctissimam Dei Genitricem.

Jansenistis Religionis nostræ interitum meditantibus nihil opportunius erat Doctrinâ Michaëlis Baii, ejusque sociorum: nihil funestius ejusdem condemnatione; quemadmodum enim Pelagii Prodromus teste Jansenio fuit Origenes, ita Jansenii Prædecessor Baius extitit, & hujus Doctrina totius pene Jansenismi præbuit fundamentum. Quid igitur miri si Jansenius Baianorum dogmatum proscriptionem tam moleste tulit, & vaticano anathemate contempto eadem ab inferis revocavit? Hoc autem habet Baiana hæresis præ cæteris singulare, quod quidam ejus articuli hominibus rerum Theologicarum imperitis subinde minus absconi videantur, & revera sensum aliquem pati possent aliquo pacto tolerabilem, omnes tamen *in rigore & proprio verborum sensu ab Autoribus intento* perabsurdi & gravissimis censuris erroris, temeritatis, hæresos aliisque *respective* notati merito sint à tribus Romanis Pontificibus Pio v, Gregorio XIII, Urbano VIII & universâ Ecclesiâ, etiam Baio condemnationi suæ, ut par erat, subscribente. His autem cuniculis ad Religionis subversionem ducebat Baiana hæresis, à Jansenio & quidem post condemnationem adoptata; primum mutilabat Dei omnipotentiam, & Dominium perfectissimum, nimis extollendo naturalem hominum & Angelorum ante lapsum dignitatem. Quasi verò ne potentiâ quidem absolutâ & antecedente omne decretum liberum, negare Deus possit creaturæ innocenti dona, quæ supra naturam sunt, nihilque concesserit Angelis, quod eis non esset debitum etiam ex justitia.

I. PROPOSITIO BAJANA, inter 79. damnatas quinquagesima quinta: *Deus non potuisset talem ab initio creare hominem qualis nunc nascitur*, sine justitia originali obnoxius morti, morbis, concupiscentiæ, & ignorantia.

Quod

Quod Deus ab initio non potuerit hominem condere in peccato, omnes admittunt.

Baio iisdem prorsus terminis & eodem sensu consentit Jansenius: (a) *Deus, inquit, non potuisset talem ab initio creare hominem, qualis nunc nascitur.*

II. PR. B. inter 79. damnatas vigesima sexta: *integritas primæ creationis non fuit indebita humanæ naturæ exaltatio, sed naturalis ejus conditio.*

JANSENIUS (b) *Non potest creatura rationalis sine amore creatoris produci.*

III. PR. B. inter 79. damnatas vigesima prima: *Humanæ naturæ sublimatio & exaltatio in consortium Divinæ naturæ, debita fuit integritati primæ conditionis, & proinde naturalis dicenda est, & non supernaturalis.*

JANSENIUS (c) *Gratia dilectionis Dei non potest sine culpa subtrahi creaturæ rationali innocenti, & aliquo modo est ei debita.*

IV. PR. B. inter 79. damnatas vigesima tertia: *absurda est eorum sententia, qui dicunt hominem ab initio dono quodam supernaturali, & gratuito supra conditionem naturæ fuisse exaltatum, ut fide, spe, & charitate Deum supernaturaliter coleret. Hæc omnia juxta Baium debita erant naturæ ante peccatum, neque sine illis creari à Deo rationalis & innocens poterat.*

JANSENIUS. (d) *Non potest creatura rationalis sine casto amore Dei condi, aut certè sine sufficientissima facultate, quâ castè inherere Creatori suo possit.*

V. PR. B. inter 79. damnatas vigesima quarta: *à vanis & otiosis hominibus, secundum insipientiam Philosophorum, excogitata est sententia quæ ad Pelagianismum rejicienda est, hominem ab initio sic constitutum, ut per dona naturæ superaddita, fuerit largitate conditoris sublimatus, & in Dei filium adoptatus.*

JANSENIUS (e) *Regnum Dei non est supernaturalis ordinationis & elevationis. (f) Non potest homo condi innocens, quin condatur aliquo modo beatus in Regno Dei; quia per spiritum charitate inhabitantem regnat in eo Deus.*

VI.

(a) De statu naturæ puræ lib. 3. cap. 22. col. 976. (b) Ibid. lib. 1. cap. 3. col. 691. (c) Ibid. cap. 18. ipso titulo col. 762. (d) Ibid. lib. 2. cap. 17. col. 760. (e) Ibid. cap. 3. col. 802.

VI. PR. B. inter 79. damnatas prima: *nec Angeli, nec primi hominis adhuc integri merita rectè vocantur gratia.*

JANSENIUS (g) *In Angelis neque merita, neque perseverantia meritorum sunt specialia Dei dona.*

VII. PR. B. inter 79. damnatas undecima: *quod piè & justè in hac vita mortali usque in finem conversati vitam consequimur æternam, id non propriè gratiæ Dei, sed ordinationi naturali statim initio creationis constitutæ justo Dei judicio deputandum est; neque in hac retributione bonorum ad Christi meritum respicitur, sed tantùm ad primam institutionem generis humani, in qua lege naturali constitutum est, ut justo Dei judicio obedientiæ mandatorum vita æterna reddatur.*

JANSENIUS (h) *Clara Dei visio nequit negari creaturæ innocentis. (i) Regnum Cælorum, quod supernaturalis ordinis est, non potest à pura natura separari (k) sine injustitia. (l) Ipsa claræ visionis beatitudo in Regno Dei non potest negari creaturæ innocentis, innocens autem est pura creatura.*

VIII. PR. B. inter 79. damnatas tertia: *& bonis Angelis & primo homini, si in statu illo perseverasset usque ad ultimum vitæ, felicitas esset merces & non gratia.*

JANSENIUS (m) *Angelis vita æterna non est gratia specialis; sed merces meriti. Idem dicendum de primo homine; si in statu illo perseverasset.*

IX. PR. B. inter damnatas sexta: *naturali lege constitutum fuit homini, ut si in ebedientia perseveraret, ad eam vitam pertransiret, in qua mori non posset.*

Etiā cum illā damnatā propositione convenit citata mox JANSENIANA. Itēm: (n) *Beatitudo supernaturalis, & Regnum Cælorum non potest à creatura rationali innocente separari (o) sine injustitia Dei.*

Hæc quæ communem creaturæ rationalis dignitatem nimium extollunt, nec levem præbere videntur superbiendi occasionem, novas insidias struunt bonitati Divinæ, quasi calamitates & mala omnia electis suis etiam sanctissimæ Dei Genitrici Deus inflixisset,

(f) Ibid. cap. 4. col. 810. (g) de gratia Christi Salv. lib. 9. cap. 10. col. 935.

(h) de statu naturæ puræ l. 2. cap. 3. col. 797. (i) Ibid. (k) Ibid. col. 802.

(l) Ibid. col. 797. & 798. (m) de Gratia Salv. l. 9. cap. 10. col. 936. (n) de statu naturæ puræ l. 2. cap. 3. col. 797.

fer, non ad eorum majus meritum & exaltationem; sed ad vindictam peccatorum.

X. PR. B. inter 79. damnatas penultima: *immortalitas primi hominis non erat gratiæ beneficium; sed naturalis conditio.*

JANSENIUS (p) *mors nequit innocenti creaturæ sine merito præcedentis iniquitatis à Deo infligi.*

XI. PR. B. inter 79. damnatas septuagesima secunda: *Omnes omnino justorum afflictiones sunt ultiones peccatorum ipsorum; unde Job, & Martyres, quæ passi sunt, propter sua peccata passi sunt.*

JANSENIUS (q) *ex ipsis terminis crudelitatem & injustitiam spirat, innocentem animam nulli peccato obnoxiam ad misérias statûs præsentis condemnare.*

XII. PR. B. inter 79. damnatas septuagesima tertia: *nemo præter Christum est absque peccato originali. Hinc Beata Virgo mortua est propter peccatum ex Adam contractum, omnesque ejus afflictiones in hac vitâ, sicut & aliorum justorum, fuerunt ultiones peccati actualis vel originalis.*

JANSENIUS (r) *nullum qualecunque malum inferri à Deo potest creaturæ rationali sine culpâ. (s) Impassibile est miseriam à Deo infligi sine culpa præcedente. (t) Tales definitiones, quales latæ sunt adversus articulos Baianos, sæpè exigunt temporum circumstantiæ, ut in Hispania de B. Virgine propter populi tumultum. Et hic habere locum potuit, ut satisfaceret doctrinæ tunc communi cui antequam veritas cum ejus fundamentis patefieret, adhærendum censebatur. Veritas autem, quæ cum suis fundamentis Ecclesiam hætenus latuerat, tandem à Jansenio & ejus sequacibus eruta est. Quantum novis his Apostolis debet Christianus orbis!*

(o) Ibid. col. 802. (p) Ibid. l. 3. cap. 1. col. 883. (q) Ibid. cap. 13. col. 938. (r) Ibid. cap. 11. ipso titulo col. 925. (s) Ibid. lib. 1. cap. 14. col. 746. (t) In Manuscripto Codice cujus Authenticum etiamnum extat, ut multis Lovanii S. Theologiæ Doctoribus notum est.

Renovans errores ab Ecclesia in Baio damnatos, quibus via sternitur ad evertendam hominis libertatem, Dei sapientiam, bonitatem & justitiam.

DUm errores nominari audis, Lector, noli existimare Baianismum erroribus tantum, non hæresibus scatere; nam propositiones 79. quæ à præcipuo suo Autore Michaelæ Baio nomen obtinent, repetito sæpius ab Ecclesia *Anathemate damnatae* sunt sub Pio V. Greg. XIII. Urbano VIII. in sensu ab Authoribus intento, & declaratae *hæreticae, erroneae, suspectae, temerariae, scandalosae, & in pias aures offensionem immittentes respectivè*. Quia tamen definitum illis Constitutionibus non est, quibus determinatè propositionibus censura hæresios inusta sit, nolumus Ecclesiae judicium prævenire. Vocamus igitur errores, licet ex definitionibus dein subsecutis hæreses inter illos, non paucas esse satis manifestum sit. Homo innocens tam altè in superiore Gradu subvectus est, ut lapsu rueret tantò graviore. Cui in statu innocentiae etiam merè naturalis, omnia finguntur debita & quidem quæ supra naturam sunt, post lapsum primi hominis nulla, præterquam ad peccandum, potestas relinquitur. Peccatis autem personalibus damnatio decernitur, quamvis ineluctabili committantur necessitate. Adversantur hæc, inquires, Divinae sapientiae, Bonitati & justitiae. Ita est; sed quibus omnem Religionem destruere certum est, cur præcipuis parcant Dei Attributis seu perfectionibus?

I. PROPOSITIO BAIANA, inter 79. damnatas vigesima secunda: *cum Pelagio sentiunt, qui textum Apostoli ad Romanos 2. GENTES QUÆ LEGEM NON HABENT, NATURALITER, QUÆ LEGIS SUNT, FACIUNT, intelligunt de gentibus fidei gratiam non habentibus.*

JANSENIUS (a) *Pelagiani doctrinam suam quod possint fieri opera naturæ moraliter bona in infidelibus, fundant in loco Apostoli ad Rom. 2. GENTES QUÆ LEGEM NON HABENT, NATURALITER, QUÆ LEGIS SUNT, FACIUNT. Sed hæc sunt dissonantia à Do-*
ctri-

(a) De hæresi Pelagiana l. 4. cap. 8. col. 202.

Erinæ Ecclesiasticæ veritate; nam (b) hæc apud Augustinum contra Pelagianos dimicantem indifferenter usurpantur: sine fide, & sine gratia; & sine charitate homines præceptum implere non posse.

II. PROP. B. inter 79. damnatas trigesima quarta: *distinctio illa duplicis amoris, naturalis videlicet, quo Deus amatur ut Author naturæ: & gratuiti, quo Deus amatur ut beatorum, vana est, & commentitia, & ad illudendum Sacris litteris, & plurimis veterum testimoniis excogitata.*

JANSENIUS (c) *distinctio duplicis dilectionis justitiæ, quarum altera sit naturalis, altera supernaturalis, recenter excogitata est, & ut Pelagiana hæresis proscribenda.*

III. PR. B. inter 79. damnatas trigesima sexta: *Amor naturalis qui ex viribus naturæ exoritur, ex solâ Philosophiâ per elationem præsumptionis humanæ, cum injuriâ crucis Christi defenditur à nonnullis Doctoribus.*

JANSENIUS (d) *solemnis illa distinctio amoris in naturalem, & eum qui superet vires naturæ, in universis operibus Augustini, vel cujuscumque antiqui Patris, vel ullo Concilio nullum habet vestigium, sed Philosophiæ humanæ viribus est excogitata. Est enim antiquis omnibus gratiæ defensoribus inauditum, & aliquid hujusmodi quod ipso vocabulorum sono exhorrescerent, amorem scilicet Creatoris posse naturæ viribus obtineri.*

IV. PR. B. inter 79. damnatas trigesima septima: *cum Pelagio sentit, qui boni aliquid naturalis, hoc est, quod ex solis naturæ viribus ortum ducit, agnoscit.*

JANSENIUS (e) *veritas capitalis est adversus Pelagianos, legem, hoc est, præcepta honestæ vitæ, sive spectent pietatem, sive honestatem moralem abstinendi ab operibus naturali Legi contrariis, & faciendi bona quæ jubet, non tantum non posse omnia, sed nec unum quidem impleri, ut peccatum illius observatione vitetur sine gratia Christi, quæ per ejus fidem impetratur.*

V. PR. B. inter 79. damnatas sexagesima prima: *illa Doctorum distinctio, Divinæ Legis mandata bifariam impleri, altero modo quantum ad præceptorum operum substantiam tantum; altero quantum ad certum quemdam modum, videlicet secundum quem*

va-

(b) Lib. 3. de gratia Salv. cap. 11. col. 318. (c) de statu naturæ puræ l. 1. cap. 10. col. 727. (d) Ibid. cap. 3. col. 692. (e) Lib. 3. de statu naturæ lapsæ cap. 15. col. 497.

valeant operantem perducere ad Regnum æternum (hoc est ad modum meritorum) commentitia est, & explodenda;

Nam omne, quod non fit ex charitate supernaturali, peccatum est juxta Baiana principia, ut mox patebit.

JANSENIUS (f) duo possunt in virtute spectari, officium quod fit, & finis propter quem fit. Si officium nudè consideretur, nullum est inconveniens à gentilibus Philosophis vitæ bonæ præcepta observata esse. Sed illa officia, nisi propter illum finem fiant, propter quem facienda esse, vera sapientia præcipit, quamvis operibus quæ fiunt, bona videantur, ipso non recto fine peccata sunt. Finis autem ille non est aliud, nisi Deus intentione fidei diligendus. Nulla verò fides aut dilectio bona est juxta Jansenium nisi supernaturalis; quia (g) non potest unum opus bonum legis fieri ante gratiam.

VI. PR. B. inter 79. damnatas vigesima nona: non solum fures ii sunt & latrones, qui Christum viam & ostium veritatis & vitæ negant; sed etiam quicumque aliunde quàm per ipsum in viam justitiæ (hoc est aliquam justitiam) conscendi posse docent.

VII. PR. B. inter 79. damnatas trigesima connectenda cum superiore: aut tentationi ulli sine gratiæ ipsius adjutorio resistere hominem posse, sic ut in eam non inducatur, aut ab eâ non superetur.

JANSENIUS (h) sine gratia Christi nullum præceptum legis naturalis impleri potest, sic ut peccatum illà observatione vitetur. Ubi manifestè tradit Doctrinam utriusque Articuli Baiani jam citati. Sed neque à censura Jansenius abstinet quando dicit (i) hanc esse capitalem S. Augustini veritatem contra Pelagianos, qui reverà FURES erant, quales in Euangelio superius allato designantur. Continet hic Jansenii locus etiam propositionem Baii, quæ sequitur.

VIII. PR. B. inter 79. damnatas vigesima octava: Pelagianus est error dicere quod liberum arbitrium valet ad ullum peccatum vitandum.

Quid igitur tantummodò potest voluntas efficere, videlicet sine gratiæ adjutorio? respondet Baius & cum illo mox Jansenius,

IX.

(f) Ibid. lib. 4. cap. 16. col. 623. & 624. (g) Ibid. l. 3. cap. 15. ipso titulo col. 497. (h) de statu naturæ lapsæ l. 3. cap. 15. col. 497. (i) Ibid.

IX. PR. B. inter 79. damnatas vigesima septima : Liberrum arbitrium sine gratiæ Dei adiutorio non nisi ad peccandum valet.

JANSENIUS (k) ita perit libertas abstinendi à peccato, ut nec in ullo quidem opere omnis peccati culpam possit effugere. (l) Ita inducta est peccandi necessitas, ut in omni actu, quo legem sibi videtur vel servare, vel transgredi, reus alicujus peccati teneatur.

X. PR. B. inter 79. damnatas sexagesima quinta : Non nisi Pelagiano errore admitti potest usus aliquis liberi arbitrii bonus, sive non malus, & gratiæ Christi injuriam facit, qui ita sentit, & docet.

JANSENIUS (m) quæ si vera sunt, sicut juxta Augustini principia dubitare non sinimur, perspicue sequitur omnem omnino libertatem arbitrii ad bonum morale faciendum ita periisse, ut nullum omnino opus moraliter bonum sine verâ propriæque dictâ gratiâ possit facere: ut propterea arbitrium ante gratiam illam non sit liberum à peccando abstinere, sed quocumque se verterit, hic & nunc in singulis actibus quadam humanis viribus insolubili peccandi necessitate teneatur. Cumque illa sit (n) capitalis veritas S. Augustini contra Pelagianos gratiæ inimicos, injuriam facit Christi gratiæ qui oppositum sentit & docet.

Hæc quidem, inquiēs, Jansenii dogmata in Baianis diro fulmine percussit Ecclesia; sed quorsum illa vergebant? quid inde ad subruendam humanam libertatem, Divinam sapientiam, bonitatem, & justitiam? En tibi subdolam machinationem: ubi persuasum fuerit omnia opera esse peccata, quæ fiunt sine gratia, sine hac quocumque homo se verterit, eum hic & nunc in singulis actibus quadam humanis viribus insolubili peccandi necessitate teneri, mox negabitur gratia infidelibus. Inde sequetur infideles necessario semper peccare: & tamen peccando demerentur: jam igitur in infidelibus & libertas abstinendi à peccato destructa erit, & infligentur à Deo æterna supplicia propter peccata personalia à quibus liberum non fuit abstinere. An ejusmodi Deus tibi sapiens videatur? an bonus vel saltem justus? ab infidelibus gradum Jansenius faciet ad fideles injustos, inde ad fideles justos, etiam ad volentes & conantes quantum possunt.

XI. PR. B. inter 79. damnatas vigesima quinta : omnia ope-

P p

ra

(k) Ibid. l. 4. cap. 78. col. 632. (l) Ibid. (m) Ibid. (n) Ibid. l. 3. cap. 15. ol. 197. supra citatâ.

ra infidelium sunt peccata, & Philosophorum virtutes sunt vitia.

JANSENIUS (o) eandem defendit iisdem prorsus terminis.

XII. PR. B. inter 79. damnatas sexagesima octava : *infidelitas purè negativa in his, in quibus Christus non est prædicatus, peccatum est.*

JANSENIUS (p) *sola absentia fidei sufficit, ut omnia opera infidelium vera sint peccata, adeoque sufficit, ut omnes omissiones operum præceptorum sint peccata, & consequenter ut ipsa ommissio fidei seu infidelitas purè negativa peccatum sit. Propter quod enim unumquodque tale, & ipsum tale magis, ut habet receptissimum axioma. Fides tamen Baio & Jansenio non sufficit; nam & ipsa, si non sit simul charitas, peccatum est, ut docet propositio proxima.*

XIII. PR. B. inter 79. damnatas trigesima octava : *omnis amor creature rationalis, aut vitiosa est cupiditas quâ mundus diligitur, quæ à Joanne prohibetur, aut laudabilis illa charitas, quâ per Sp. S. in corde diffusâ Deus amatur.*

JANSENIUS (q) *non datur medium inter charitatem & culpabilem cupiditatem. (r) Si non est dilectio, id est amor incommutabilis veritatis, sive Dei, jam est cupiditas. (s) Omnis amor creature est improba cupiditas; hoc ipso autem quo retorquetur in Deum, est laudabilis charitas.*

XIV. PR. B. inter 79. damnatas quinquagesima : *prava desideria quibus ratio non consentit, & quæ homo invitus patitur, sunt prohibita præcepto NON CONCUPISCES. Similis illi est utraque quæ sequitur.*

XV. PR. B. inter 79. damnatas quinquagesima prima : *concupiscentia sive lex membrorum, & prava ejus desideria, quæ inviti sentiunt homines, sunt vera legis inobedientia.*

XVI. PR. B. inter 79. damnatas septuagesima quinta : *motus pravi concupiscentiæ, sunt pro statu hominis vitiiati, prohibiti præcepto NON CONCUPISCES; unde homo eos sentiens, & non consentiens transgreditur præceptum NON CONCUPISCES; quamvis transgressio in peccatum non deputetur nisi illis motibus homo consentiat.*

JAN-

(o) Ibid. lib. 4. cap. 27. col. 672. (p) Ibid. cap. 3. ipso titulo col. 553. (q) Ibid. lib. 3. cap. 19. ipso titulo col. 517. (r) Ibid. l. 2. cap. 13. col. 555. (s) Ibid.

JANSENIUS (r) *per præceptum NON CONCUPISCES ipsi motus concupiscentiæ intelliguntur prohiberi, ideoque illud præceptum solum in cælo est complendum. Hujus tamen vitæ justitiam tunc perficimus, quando concupiscentiis etsi tumultuantibus non consentimus.*

Sed negare vel suspendere consensum non est in hominis potestate sine gratia, neque passim illam homo habet in promptu, neque omnibus à Deo oblata est aut præparata pro statu naturæ lapsæ. Baium autem & Jansenium parum terret hæc consequentia: ergo peccamus & accersimus nobis gravissima supplicia per peccata quæ vitare non possumus.

XVII. PR. B. inter 79. damnatas sexagesima septima: *homo peccat etiam damnabiliter in eo quod necessario facit.*

JANSENIUS (u) *libertas arbitrii in peccando cum peccandi necessitate consistit. Imò necessitas vera antecedens & physica reperitur juxta Jansenium in omnibus peccatis quæ committuntur, præterquam in primo peccato Adami, ut patebit ex sequentibus.*

XVIII. PR. B. inter 79. damnatas quadragesima sexta: *ad rationem & definitionem peccati non pertinet voluntarium: nec definitionis questio est, sed causæ & originis utrum omne peccatum debeat esse voluntarium.*

JANSENIUS (w) *solum primum hominis peccatum voluntate, id est libera voluntate, seu cogente nullo perpetratum est, ita ut ei omnino liberum esset abstinere. (x) Nisi voluntas à concupiscentiæ servitute liberata sit, motus voluntatis quo servitur concupiscentiæ, nec libera voluntas, imò nec voluntas appellanda est. Sola autem charitas, quæ Jansenio est gratia victrix & necessitans, voluntatem ab illa servitute & peccandi necessitate liberat.*

XIX. PR. B. inter 79. damnatas quinquagesima quarta: *definitiva hæc sententia, Deum homini nihil impossibile præcepisse, falsò tribuitur Augustino, cum Pelagii sit.*

JANSENIUS (y) *sunt quædam homini præcepta secundum statum & vires in quibus constitutus est, impossibilia: nec adest semper gratia, quâ præcepta illa implere sufficiamus. Doctrinam suæ hic oppositam tribuit (z) Celestio Pelagiano.*

P p 2

XX.

(r) Ibid. cap. 24. col. 414. (u) Ibid. l. 4. cap. 19. ipso titulo col. 631. (w) Ibid. cap. 21. col. 641. (x) Ibid. col. 639. (y) de gratia Salv. l. 3. cap. 13. col. 325. (z) Ibid.

XX. PR. B. inter 79. damnatas sexagesima sexta : *sola violentia repugnat libertati hominis naturali.*

JANSENIUS (aa) *sola necessitas coactionis repugnat libertati.* (bb) *Libero sola prementis, cogentisque necessitatis violentiâ repugnat.*

XXI. PR. B. inter 79. damnatas trigesima nona : *quod voluntariè fit, etiamsi necessariò fiat, liberè tamen fit.*

JANSENIUS (cc) *hoc ipso quo voluntas est, libera est.* (dd) *Omnis omninò voluntas seu volitio rationalis, libera est.* (ee) *Contradictionis absurditas est volitionem esse posse, quâ tamen non sit in nostra potestate, nec libera, quamvis simul sit necessaria* (ff) *necessitate humanis viribus insolubili.* Sic libertatem Calvinianam & non aliam actionibus nostris asserit Jansenius.

Plures inter damnatos ab Ecclesia errores Baianos dein à Jansenio suscitatos exhibere non esset difficile. Sed quid referendis propositionibus singulis lectori molestus sim? habemus Authenticum Jansenii manuscriptum quod sic orditur *ad excusandas propositiones Magistri Michaëlis Baii.* Ibi acerbè queritur Constitutiones Romanorum Pontificum Pii V. & Gregorii XIII. contra Baium, esse *impedimentum doctrinæ veteris introducendæ.* Ibid. *Non sine arte satanæ, inquit, procuratum fuisse videtur obstaculum illud condemnationis M. B. (Michaelis Baii) ut qui doctrinam illam gratiæ novitiam destruere vellet & veterem introducere, contra Sedem Apostolicam luctari in speciem videatur.* Nihil enim invidiosius clamabitur quàm illam sedem dedecorari. Ut autem hæc invidia utcumque minuatur, dici, inquit, etiam potest quod *propositiones Baianæ tantùm fuerint prohibitæ pro tempore donec veritas cum suis fundamentis patefieret.* Tales definitiones sæpe exigunt temporum circumstantiæ, ut in Hispania de B. Virgine propter populi tumultum. Quid nî pariter quilibet hæreticus propositiones quascumque ab Ecclesia olim damnatas pro libitu resuscitet? causari enim facilè poterit tantum esse damnatas pro tempore, donec veritas cum suis fundamentis patefieret: porro nunc eam sibi patefieri clarissimè in Augustino, imò & in scripturis. Non defuere nec desunt etiamnum Jansenio

nio

(aa) Ibid. l. 6. cap. 6. ipso titulo col. 628. (bb) Ibid. cap. 12. col. 658. (cc) Ibid. cap. 5. col. 624. (dd) Ibid. l. 8. cap. 9. col. 867. (ee) Ibid. l. 6. cap. 7. col. 624. (ff) de statu naturæ lapsæ l. 4. cap. 18. col. 632.

nio in totius Baianismi approbatione, uti & in cæteris Sectatores; sed de his in Gradu VIII.

CONCLUSIO GRADUS I. ET II.

Meritò igitur Urbanus VIII. in Bulla anni 1641. pridie nonas Martii declaravit, *ex attentâ & maturâ libri, cui titulus: AUGUSTINUS Cornelii Jansenii, lectione compertum esse, multas ex propositionibus à Prædecessoribus suis Pio V. & Gregorio XIII. olim damnatas contineri, & magno cum Catholicorum scandalo, & Autoritatis Sedis Apostolicæ contemptu contra præfatas damnationes, & definitiones defendi, malo in scandalum totius Reipublicæ Christianæ, & fidei Catholicæ perniciem vertenti.*

G R A D U S I I I.

Continens quinque famosas hæreses Jansenii ab Ecclesia damnatas.

PARUM commoventur plerique Jansenii sequaces ubi plurimas ex 79. propositionibus *hæreticis, scandalosis, temerariis, &c. respectivè, & ut talibus ab Ecclesia damnatis* perspiciunt in suo Jansenio, modò ab eodem amoliantur quinque propositiones famosas, quarum singulis determinatè HÆRESIOS stigma ab Ecclesia inustum est. Verùm has etiam omnes partim iisdem, partim æquivalentibus, imò plerumque durioribus terminis ejus Pseudo-Augustino contentas ac defensas exhibeo.

I. PROPOSITIO damnata ut hæretica: *aliqua Dei præcepta hominibus justis volentibus & conantibus secundum præsentis quas habent vires, sunt impossibilia; deest quoque iis gratia quâ possibilia fiant.*

JANSENIUS (a) hæc igitur omnia plenissimè planissimeque demonstrant, nihil esse in S. Augustini doctrinâ certius ac fundatius, quàm esse præcepta quædam quæ hominibus non tantum infidelibus excæcatis & obduratis, sed fidelibus quoque, & justis volentibus conantibus secundum præsentis, quas habent vires sunt impossibilia, deesse quoque gratiam quâ fiant possibilia. Idem (b) ex hac, in-

Pp 3

quit,

(a) Lib. 3. de grat. Salv. cap. 13. col. 334. (b) Ibid. col. 325. 326.

quit, *indubitata* (Concilii Tridentini) *doctrinâ quædam non parvi momenti ad hanc rem spectantia inferuntur, & clarescunt. Primum, esse quædam homini præcepta secundum statum & vires in quibus constitutus est, impossibilia: Secundum, non adesse semper gratiam quâ possimus; hoc est quâ illa eadem præcepta implere sufficiamus: Tertium, hanc impotentiam reperiri non solum in excæcatis, obduratis, & infidelibus, sed etiam fidelibus & justis: Quartum hanc impossibilitatem fidelibus accedere non tantum quando nolunt præcepta facere; sed etiam quando volunt.*

Patet nullam esse particulam, nullum apicem in propositione damnatâ quin reperiatur in locis Jansenii citatis; imò quod propositio damnata tantum simpliciter assererat ut verum, Jansenius tradit tanquam plenissime planissimeque demonstratum, nihil esse in S. Augustini doctrinâ certius ac fundatius, clarè inferri ex indubitata doctrinâ Concilii Tridentini.

Præterea esset fortè qui propositionem condemnatam ut præcisam à circumstantiis acciperet quasi tantum adstrueret impossibilitatem moralem vel consequentem. Verba verò Jansenii attento authoris sensu utramque benignam interpretationem excludunt; sic enim loquitur (c) *cujus medicinali gratia & adjutorio nisi vires pristinae restaurentur, tam est impossibile voluntati ut bene velit & operetur, quàm homini cæco ut videat, vel surdo ut audiat, vel tibiis fracto ut rectè gradiatur.*

Atqui medicinalem gratiam non aliam Jansenius admittit quàm concupiscentiâ hic & nunc fortiozem & (d) *secundum quam velimus ac operemur necesse est.* Ergò omnibus carentibus gratiâ necessitante, observatio præceptorum tam est impossibilis, quàm cæco visio, surdo auditio, fractis tibiis gressus rectus.

II. PR. hæreseos damnata: *interiori gratiæ in statu naturæ lapsæ nunquam resistitur.*

JANSENIUS (e) *gratiam Dei Augustinus ita victricem statuit supra voluntatis arbitrium, ut non raro dicat hominem operanti Deo per gratiam non posse resistere, adeoque nunquam resistere in statu naturæ lapsæ; quia in hoc statu omnis gratia Jansenio est VICTRIX sive EFFICAX, ut apertè profitetur. (f) Tangitur, inquit, natura adjutorii sufficientis, & ostenditur nullum dari post lapsum quin simul efficax sit. Et univ. saliter (g) gratia in eo cui datur,*

(c) Ibid. l. 2. cap. 1. col. 81. (d) Lib. 4. de gratia Salv. cap. 7. col. 420.
(e) Ibid. l. 2. cap. 24. col. 200. (f) Ibid. cap. 1. in titulo. (g) Ibid. cap. 27. col. 210.

datur, semper operatur. (b) *Nunquam caret effectu suo* (i) *semper effectum suum infert voluntati.* Ergo doctrina Jansenii evidenter continet propositionem damnatam, & aliquid absurdius; quod scilicet, ubi propositio damnata tantum dicit gratiæ nunquam resisti, Jansenius scribat *resisti non posse.*

III. PR. hæreseos damnata: *ad merendum & demerendum in statu naturæ lapsæ non requiritur in homine libertas à necessitate: sed sufficit libertas à coactione.*

JANSENIUS (k) *nescio quid manifestius urgentiusque proferri posset ad demonstrandam volitionis cujusque libertatem, ad merendum, vel demerendum sufficientem, etiam illius quam nos habere necesse est.* (l) *Nulla gratiæ efficacia, nulla necessitas actibus nostris liberis formidanda est, sed sola coactio & necessitas violentiæ.* Atqui si nulla necessitas sed sola coactio & necessitas violentiæ actibus nostris liberis formidanda sit, nulla necessitas, sed sola coactio & necessitas violentiæ aufert rationem meriti, & consequenter demeriti; quia eadem libertas requiritur ad merendum & demerendum. Ergo juxta Jansenium *ad merendum & demerendum in statu naturæ lapsæ non requiritur libertas à necessitate; sed sufficit libertas à coactione & violentiâ.* Quod autem Doctrina Jansenii sit absurdior quam 3. propositio ut avulsa à textu, patet primo ex eo, quod propositio avulsa fortè videri possit tantum necessitatem moralem componere cum merito vel demerito: Jansenius verò apertè componat necessitatem etiam physicam; quid enim aliud est præceptorum observationem esse nobis physice impossibilem, quàm eorum transgressionem physice necessariam? præterea propositio avulsa non dicit nos de facto unquam necessitari ad actum bonum, vel malum: Jansenius ait nos semper necessitari, (m) *ita, inquit, inducta est peccandi necessitas, ut in omni actu quo legem sibi videtur vel servare, vel transgredi, reus alicujus peccati teneatur, sicut in cæco est necessitas non videndi, in furdo non audiendi, in tibiis fractis non rectè gradiendi.* Hæc peccandi necessitas oritur ex viciatice concupiscentia. Atqui non minoris roboris est viciatrix gratia quando à Deo conceditur, quàm eà absente sit viciatrix concupiscentia; à Deo enim juxta Jansenium (n) *efficacissima, potentissimaque, ineffabilis & omnipotentissima*

Pp 4

po-

(b) Ibid. cap. 25. col. 206. (i) Ibid. cap. 207. (k) Lib. 6. de gratia Salv. cap. 6. col. 637. (l) Ibid. lib. 8. cap. 19. col. 869. (m) Lib. 4. de statu naturæ lapsæ cap. 18. col. 632. (n) Lib. 2. de gratia Salv. cap. 24. col. 197.

potestas in eo exeritur super voluntatem, quod hæc ita à Dei spiritu per gratiam rapiatur & agatur, ut ipsamet voluntas vix agere intelligatur. (o) Homo Deo per gratiam operanti resistere non potest, adeoque cedit necessariò. Ergo in omnibus actibus meritoriis est necessitas physica & antecedens orta ex gratiâ victrice, sicut in actibus demeritoriis orta ex victrice concupiscentiâ.

IV. PR. quoad primam partem falsitatis, quoad 2. hæresios damnata: Semipelagiani admittebant prævenientis gratiæ interioris necessitatem ad singulos actus, etiam ad initium fidei: & in hoc erant hæretici, quòd vellent eam gratiam talem esse, cui posset humana voluntas resistere vel obtemperare.

JANSENIUS (p) in hoc ergo propriè Massiliensium seu Semipelagianorum error situs est, quòd aliquid primævæ libertatis reliquum putant, quo sicut Adam si voluisset, poterat perseveranter operari bonum, ita lapsus homo credere posset si vellet, neuter tamen absque interioris gratiæ adjutorio, cujus usus vel abusus relictus esset in uniuscujusque arbitrio & potestate.

Propositio 4. declarata est falsa quatenus asserit Semipelagianos amisisse, quòd interior gratia sit necessaria ad omnes actus bonos etiam ad initium fidei: hæretica verò declarata est eadem propositio quatenus negat gratiam in hoc statu esse talem cui possit humana voluntas resistere vel obtemperare. Utraque pars manifestè reperitur in verbis ex Jansenio citatis. Ait enim Massilienses sive Semipelagianos admisisse quòd ad credendum necessarium sit interioris gratiæ adjutorium: dein errorem illorum sive hæresim in eo constituit, quòd dicerent: usum vel abusum gratiæ esse in uniuscujusque arbitrio & potestate. Quid aliud est usum vel abusum gratiæ relictum esse in uniuscujusque arbitrio & potestate, quàm voluntatem quamlibet posse gratiæ resistere vel obtemperare?

V. PR. damnata: Semipelagianum est dicere, Christum pro omnibus omninò hominibus mortuum esse, aut sanguinem fudisse. Hæc propositio ab Ecclesiâ proscripta est tanquam FALSA, TEMERARIA, SCANDALOSA & intellecta eo sensu, ut Christus pro salute dumtaxat prædestinatorum mortuus sit, declarata est IMPIA, BLASPHEMA, CONTUMELIOSA, DIVINÆ PIETATI DEROGANS, ET HÆRETICA.

JANSENIUS (q) nec enim juxta doctrinam Antiquorum pro omnibus

(o) Ibid. cap. 24. col. 200. (p) Lib. 8. de hæresi Pelag. cap. 6. col. 462. (q) Lib. 5. de gratia Salv. cap. 21. col. 386.

bus omninò Christus passus aut mortuus est, aut pro omnibus omninò tam generaliter sanguinem fudit, cum hoc potiùs tanquam errorem à fide Catholicâ abhorrentem doceant esse respuendum. (r) Pro prædestinatis in æternum vivificandis mortuus est, pro istis ab omni malo liberandis rogavit Patrem suum, non pro ceteris qui à fide & charitate deficientes in iniquitate moriuntur; imò (s) pro ipsorum eternâ liberatione non magis quàm diaboli, Patrem deprecatus fuit.

Paucis: juxta Jansenium est error in fide, dicere Christum generaliter mortuum esse pro omnibus hominibus; imò non magis pro salute ullius reprobî quàm pro liberatione dæmonis mortuus est, aut Patrem oravit: Quod est V. Propositionem in sensu non tantùm FALSO, TEMERARIO, SCANDALOSO, sed etiam IMPIO, BLASPHEMO, CONTUMELIOSO, DIVINÆ PIETATI DEROGANTE, ET HÆRETICO docere & quidem cum emphasi, seu terminis magis absurdis, ut patet.

(r) Ibid. (s) Ibid. col. 390.

G R A D U S I V.

Complectens Propositiones XV. ex XXXI. damnatis ab Alex. VIII. tanquam hæreticis, schismaticis, &c. respectivè.

Speraverat Ecclesia fore ut ad incutiendum omnibus hæresios tam pestiferæ horrorem sufficerent. Primò condemnatio Janseniani voluminis; Secundo Testimonium Urbani VIII. Pontificis, Cardinalium & Consultorum S. Officii declarantium quòd (a) *ex diligenti & maturâ ejusdem libri lectione compertum fuerit, in illo multas ex propositionibus ab URBANI prædecessoribus olim damnatis contineri.* Tertiò horrendum anathema evibratum in quinque famosiora Jansenianæ hæresis capita. Similis olim sententia suffecerat, ut novæ sectæ ab Ecclesia secessionem facerent, & diris omnibus devotæ, fidelibus nocere desinerent, præterquam volentibus decipi. Verùm cum Jansenistarum factio ceteris callidior & nocentior nomen Catholicum affectans, Ecclesiæ sinum ambire pergat, & crudelissimè decerpere, meritò censuit Alexander VIII. non diutius Ecclesiæ dissimulandum; sed elidendas tandem huic hydræ fauces & 30. simul capita uno anathemate ferienda.

I. PROPOSITIO damnata. *In statu naturæ lapsæ ad peccatum mortale & demeritum sufficit illa libertas, quâ voluntarium ac liberum fuit in causâ suâ peccato Originali & voluntate Adami peccantis.*

JANSENIUS (b) duplex peccatum distinguere solet Augustinus Iprentis: aliud quidem quod peccatum tantum sit, tale fuit peccatum solius Adami & Angelorum, aliud quod ita peccatum sit, ut sit etiam pœna peccati: talia sunt omnia peccata in statu naturæ lapsæ. Illud docet ita esse in motu voluntatis, ut sit liberum inde abstinere, hoc verò non esse liberum; sed pœnâ ex iudicio Dei peccatorem premente & puniente necessarium: eatenus tamen liberum quia ex voluntate Adami liberè peccante huiusmodi pœna proficiscitur. (c) Peccata à quibus homo, seu ignorando, seu facere non valendo quod faciendum videt, abstinere non potest, vera peccata nominantur, & sunt juxta Jansenium, non quia sunt voluntatis liberæ; sed quia de peccato liberæ voluntatis originem ducunt; hoc est quia fuerunt voluntatis liberæ in causa sua peccato originali & voluntate Adami peccantis, quæ pœnam illam cæcitatis & imbecillitatis accersit. Per illa peccata juxta Jansenium demerentur homines & quidem mortaliter, alioqui nullum daretur in præsentī rerum statu peccatum mortaliter demeritorium; quia nullum peccatum habet nunc maiorem libertatem juxta eundem Doctorem. Solius scilicet primi hominis peccatum fuit (d) motus voluntatis unde liberum est abstinere.

II. PR. damnata: *Tamet si detur ignorantia invincibilis juris naturæ, hæc in statu naturæ lapsæ operantem ex ipsa non excusat à peccato mortali.*

JANSENIUS (e) Legis naturalis ignorantia, siue sit vincibilis, siue invincibilis non excusat à peccato delinquentes. Non excusat etiam à demerito mortali sicut neque concupiscentia invincibilis. Ratio est quia (f) sicut concupiscentia, ita & juris naturalis ignorantia de peccato liberæ voluntatis originem ducit. Atque hoc sensu utraque libera fuit in causa sua voluntate Adami peccantis.

III. PR. damnata: *Non licet sequi opinionem vel inter probabiles probabilissimam.*

Joan-

(b) Lib. 2. de statu naturæ lapsæ cap. 4. col. 302. (c) Ibid. I. 4. cap. 22. col. 652. (d) Lib. 3. de gratia Salv. cap. 16. col. 350. (e) Lib. 2. de statu nat. lapsæ cap. 5. in fine. (f) Lib. 4. ibid. lib. 4. cap. 22. col. 652.

Joannes Sinnichius (g) Nam si contingat opinionem probabilem re ipsâ errare, prout contingere potest, quisquis ei se in operando, vel otiando conformaverit, opinione falsâ decipietur, qualis potest esse ea, quæ non solum probabilis, sed etiam inter probabiles probabilissima existit. (h) Quapropter quotquot cum Jansenio & Sinnichio censent ignorantiam juris saltem naturalis non excusare à culpa operantem, consequenter censere debent probabilitatem opinionis ei subnixæ nequaquam excusare opinantem, & ex tali sua opinione quantumvis probabili, adedque & probabilissimâ operantem.

Denique propositio damnata est omnium illorum qui ad licitè operandum requirunt certitudinem moralem de materiali honestate actionis sive de bonitate objecti; inter quos Laurentius Neesen. (i)

IV. PR. damnata: Dedit semetipsum pro nobis oblationem Deo, non pro solis electis, sed pro omnibus & solis fidelibus. Ita in terminis autor Thesium Lovanii 14. Augusti 1651. Nomini auctoris parco; quia respuit. Propositio est etiam manifestè Jansenii dicentis: (k) Clarum est non aliter Augustini judicio Christum se redemptionem pro omnibus dedisse, seu propitiationem esse pro peccatis totius mundi, nisi quia pro peccatis omnium fidelium, ex quibus una Catholica constituitur Ecclesia, redemptio atque propitiatio est. Nec in universis Augustini operibus, ni fallor, locus est ubi doceat Christum pro peccatis infidelium in infidelitate permanentium esse propitiationem, vel pro iis se dedisse redemptionem; contrarium verò non semel significavit.

Jansenio hic ut aliàs passim concinit Antonius Arnaldus (l) Ecclesia, inquit, in suis Conciliis damnavit tanquam doctrinam falsam & contrariam S. Scripturæ quod Christus pro infidelibus in infidelitate morientibus mortuus sit.

V. PR. damnata: Pagani, Judæi, Hæretici, alique hujus generis nullum omnino accipiunt à Jesu Christo influxum, adeoque hinc rectè inferes in illis esse voluntatem nudam, & inermem sine omni gratia sufficienti.

JANSENIUS (m) Indifferenter usurpantur apud Augustinum esse sine

(g) In Saule Exrege cap. 95. §. 357. (h) Idem cap. 96. §. 358. (i) De actibus humanis Tr. 11. dub. 2. pag. 264. (k) Lib. 3. de gratia Salv. cap. 21. col. 383. (l) 1. Apol. pro Jansenio pag. 172. (m) Lib. 3. de gratia Salv. cap. 11. col. 317.

sine gratia, esse sine fide, (n) infideles non solum non habent sufficientem gratiam servandi præcepta naturalia ante susceptam fidem, sed nullam omninò quâ vel bene vivere possint, vel naturalem legem servare, vel peccata vitare; in Augustini quippe Iprensis principiis FIDES EST PRIMA GRATIA. Igitur ante fidem nulla est gratia. Nulla ergo est in Paganis, Judæis, &c. Est ergo in eis voluntas nuda & inermis sine omni gratia sufficienti.

VI. PR. damnata: *Gratia sufficiens statui nostro, non tam utilis, quàm perniciosa est, sic ut proinde meritò possimus petere: A GRATIA SUFFICIENTI LIBERA NOS DOMINE. Ita in terminis Joannes Sinnichius (o) quod à Jansenio, cujus se strenuum semper defensorem præbuit, poterat didicisse. Sic enim Jansenius (p) Illud à recentioribus prolatum gratiæ sufficientis genus, si est verum, distinctumque à gratia efficace membrum, videtur monstrum quoddam singulare gratiæ, solummodò peccatis faciendis, majorique damnationi serviens. (q) Hoc ipso quippè unusquisque damnabilior est, quo magis sufficienti gratiâ abundavit.*

VII. PR. damnata: *Omnis humana actio deliberata est Dei dilectio, vel mundi; si Dei, charitas Patris est, si mundi, concupiscentia carnis est, hoc est mala est. Ita rursus Joannes Sinnichius in terminis. (r) Præcesserat Jansenius dicens (s) Non datur medium inter Charitatem & culpabilem cupiditatem. (t) Si non est dilectio, id est amor incommutabilis veritas siue Dei, jam est cupiditas.*

VIII. PR. damnata: *Necesse est infidelem in omni opere peccare. Ita rursus in terminis Joannes Sinnichius (v) secutus Magistrum suum Jansenium dicentem: (w) Nullum opus quod non sit peccatum, ab infidelibus fieri potest, sed quidquid faciant, quoquo modo se vertant, quamcumque rectam meditentur operationem, totum in eis perversi amoris cupiditate contaminatum est.*

IX. PR. damnata: *Reverà peccat qui odio habet peccatum merè ob ejus turpitudinem & disconvenientiam cum natura sine ullo ad Deum offensum respectu. Continetur perspicuè in hac Jansenii propositione universalis: (x) Omnis amor creaturæ est improba cupi-*

(n) Ibid. col. 316. (o) Thesi anni 1649. 16. Octob. (p) Lib. 3. de gratia Salv. cap. 3. col. 258. (q) Ibid. col. 257. (r) Thesi anni 1661. 4. Apr. (s) Lib. 3. de statu naturæ lapsæ cap. 19. ipso titulo col. 517. (t) Ibid. lib. 2. cap. 13. col. 355. (u) Thesi anni 1651 7. Decemb. (w) Lib. 3. de gratia Salv. cap. 2. col. 306. (x) Lib. 2. de statu naturæ lapsæ cap. 13. col. 345.

piditas, hoc ipso autem & non aliàs quo retorquetur in Deum, est laudabilis charitas: & non datur medium inter charitatem & culpabilem cupiditatem. Charitas autem non alia Jansenio est quam dilectio Dei gratuita ut patebit ad Prop. XII.

X. PR. damnata: *Intentio qua quis detestatur malum, & prosequitur bonum, merè ut cælestem obtineat gloriam, non est recta, nec Deo placens.*

JANSENIUS (y) *Propter retributionem seu mercedem operari non est oculus à Deo ad se reflectere, vel aliquid extra Deum, quod valdè vitiosum est; vel etiam ipsum Deum mercedem tanquam sibi utilem expectare: absit ut ita Christianus propter retributionem operetur.*

XI. PR. damnata: *Omne quod non est fide Christiana supernaturali, quæ per dilectionem operatur, peccatum est.*

JANSENIUS (z) *Sufficit ut omnia infidelium opera peccata sint quod negativè non referuntur, neque referri possunt ad illum ad quem omnis actio creaturæ rationalis referri debet... hoc ipso quo non adest finis ille debitus, qui est verus Deus, & fide per dilectionem operante, intentionemque finis dirigente proponi debet, opus est malum. (aa) Non quælibet fides intelligitur, sed fides Christi Mediatoris, fides Christiana; naturalis autem dilectio justitiæ Jansenio Pelagiana est. (bb)*

XII. PR. damnata: *Quando in magnis peccatoribus deficit omnis amor, deficit etiam fides, & etiamsi videantur credere, non est fides Divina, sed humana. Ita in terminis Franciscus van Viennen (cc)*

JANSENIUS (dd) *Nullam ipse Augustinus agnoscit fidem veram, atque Christianam nisi ex Dei Charitate dimanet. (ee) Augustinus charitatem accipere plerumque solet pro dilectione quâ verè, sincerè & gratis ex animo propter se ipsum, nullius creaturæ, sed solius Dei intuitu diligitur Deus. Talis amor Dei nisi voluntatem hominis ad credendum flectat, non erit fides Christiana, sed vel Dæmonum ex pœnarum timore, vel carnalis ex mundi amore; quarum neutra est fides ex qua fideles nuncupamur.*

XIII. PR. damnata: *Quisquis etiam æternæ mercedis intuitu*
Deo

(y) Lib. 5. de gratia Salv. cap. 10. col. 530. (z) Lib. 4. de statu nat. lapsæ cap. 3. col. 544. & 545. (aa) Lib. 3. de gratia Salv. cap. 11. col. 316. & 317. (bb) Lib. 1. de statu nat. puræ cap. 10. col. 727. (cc) Thesi anni 1676. 25. Junii. (dd) Lib. 5. de gratia Salv. cap. 6. col. 510. (ee) Ibid. cap. 7. col. 516.

Deo famulatur, charitate si caruerit, vitio non careret, quoties intuitu licet beatitudinis operatur.

JANSENIUM citatum vide ad Prop. X. Præterea cum non aliam (ff) admittat charitatem quàm amorem Dei purè gratuitum, & (gg) dicat hominem peccare quoties non operatur ex charitate, evidenter sequitur Prop. XIII. damnata: *quisquis etiam æterna &c.*

XIV. PR. damnata: *Timor gehennæ non est supernaturalis.* Hujus propositionis idem author est qui sequentis, ut ex verbis liquet.

XV. PR. damnata: *Attritio, quæ gehennæ & pœnarum metu concipitur sine dilectione benevolentia Dei propter se, non est bonus motus ac supernaturalis.*

JANSENIUS (bb) *quamvis pœnarum comminatio sit ex Deo, non aliter tamen ista juvat, nisi cogitationem offerendo, quâ perceptâ si timore percellatur, propriæ voluntatis viribus facit, id est naturaliter facit quidquid facit (ii) uberiùs ostenditur ex Augustino, timorem pœnæ & opus ex isto timore factum, non esse ex gratia Christi, sed naturæ viribus, suppositâ fide.*

(ff) Ibid. (gg) Lib. 3. de statu nat. lap. cap. 19. col. 517. (hh) Lib. 5. de gratia Salv. cap. 23. col. 553. (ii) Ibid. cap. 26. ipso titulo.

G R A D U S V.

Exhibens Propositiones reliquas eâdem Alexandri VIII. Constitutione damnatas.

Propositiones 15. superiores tradidit Jansenius locis citatis. Quæ sequuntur, unâ fortè aut alterâ exceptâ authores nacti sunt Jansenio devotos, præcipuè Antonium Arnaldum, fortè & Joannem Vergerium Abbatem Sancyranum Autorem primarium libri de Frequenti Communione ut ipse testatus scribitur in Epistola ad PP. Minimos Sylvæ Vicennensis prope Lutetiam. quæ si ita sint, videntur propositiones etiam istæ non ad Jansenianam modò factionem, sed ad ipsum quodammodo Jansenium pertinere, cum quas Sancyranus disseminavit novitates circa administrationem Sacramentorum Pœnitentiæ & Eucharistiæ, non nisi collato cum Jansenio consilio in lucem protruserit.

XVI. PR. *damnata: ordinem præmittendi satisfactionem absolutioni induxit non politia aut institutio Ecclesiæ, sed ipsa Christi lex & præscriptio, naturâ rei id ipsum quodammodo dictante.* Ita in terminis Canones poenitentiales Gandavi imprelli 1672. pag. 20.

Item ANTONIUS ARNALDUS (a) ordo à Christo institutus ut peccatores primò confiteantur peccata sua, secundò ut imponatur eis poenitentia seu satisfactio, tertio ut poenitentiam illam exequantur, seque per fructus satisfactionis delictis suis conformis expurgent, quartò ut per absolutionem Sacerdotis reconcilientur. (b) Deus secundum suæ sapientiæ regulas vult ut satisfactio præcedat absolutionem Sacerdotis quemadmodum ratio naturalis dictat.

XVII. PR. *damnata: Per illam praxim mox absolvendi ordo poenitentiae est inversus.* Autor hujus propositionis est idem qui superioris, quia juxta illum ordo poenitentiae à Christo institutus exigit, ut non conferatur mox absolutio post confessionem, sed ut absolutionem præcedat impletio satisfactionis.

XVIII. PR. *damnata: consuetudo moderna quoad administrationem poenitentiae, etiamsi eam plurimorum hominum sustentet auctoritas, & multi temporis diuturnitas confirmet, nibilominus ab Ecclesia non habetur pro usu, sed abusu.*

Continetur hæc propositio manifestè in verbis Arnaldi citatis, ad Prop. XVI; si enim Ordo præmittendi satisfactionem absolutioni sit institutus à Christo, & eum exigat natura rei, praxis contraria non potest ab Ecclesia haberi pro usu, sed abusu, etiamsi eam plurimorum hominum sustentet auctoritas, & multi temporis diuturnitas confirmet. Verba etiam pleraque ex Arnaldo desumpta sunt. (c)

XIX. PR. *damnata: homo debet agere totâ vitâ suâ poenitentiam pro peccato originali.* Ita Catechismus Gandavi editus.

XX. PR. *damnata: Confessiones apud Religiosos factæ pleraque vel sacrilegæ sunt, vel invalidæ.* Hanc esse communem Novatorum sententiam colligitur vel ex eo quod nacti poenitentes Religiosis confiteri solitos, jubeant eos confessiones omnes repetere. Et quomodo validæ esse potuerunt quæ juxta METHODUM GUMMARIANAM institutæ non sunt? confirmatur ex Prop. sequenti. (d)

XXI. PR. *damnata: Parochianus potest suspicari de Mendicantibus*

(a) Lib. de Freq. Commun. par. 2. cap. 8. pag. 290. (b) Ibid. cap. 11. pag. 347. (c) In Præfatione. (d) Pag. 116.

tibus qui eleëmofynis communibus vivunt, de imponendâ nimis levi & incongruâ pœnitentiâ, seu satisfactiōe ob quæstum, seu lucrum subsidii temporalis.

Theophilus Parochialis ut probet satius esse confiteri Parochis quàm Religiosis mendicantibus, hanc reddit rationem (e) *Parochianus*, inquit, non habet aliquàlter suspicari de Curato de imponenda nimis levi & incongruâ sibi pœnitentiâ seu satisfactiōe ob quæstum, seu lucrum subsidii temporalis, cum necessaria ad sustentationem ejus Ecclesiæ suæ sint annexa. Secùs de Mendicantibus qui de eleëmofynis vivunt.

XXII. PR. damnata: *Sacrilegi sunt judicandi qui jus ad communionem percipiendam prætendunt antequam de delictis suis pœnitentiam egerint.*

Planè est ex mente Arnaldi (f) verbis citatis ad Propositionem XVI. Quis enim neget esse judicandos sacrilegos qui prætendunt jus ad communionem percipiendam antequam juxta institutionem Christi & rectam rationem mereantur reconciliari per absolutionem Sacerdotis?

XXIII. PR. damnata: *Similiter arcendi à S. Communione, quibus nondum inest amor Dei purissimus, & omnis mixtionis expers.*

Arnaldus (g) agens de preparationibus necessariis ad communicandum eas sic describit, ut ait, cum S. Dionysio: (h) non solum hi, qui à statu vitæ sanctæ & Christianæ exciderent, debent è templo Dei secedere, sed etiam illi, qui à vitâ malâ ad meliorem conversi, à phantasmatis, & imaginibus, quæ remanent in ipsis ex præteritis excessibus, per contrariam habitudinem & amoris divini absque ulla mixtione puritatem, nondum purgati sunt, hoc sacrificium pro se nimis sublime, suamque capacitatem superexcedens judicare debent: & proinde oportet pervenisse ad virtutem quandam Divinam, & ex præcedenti habitu Deificam, nec non ad firmam & insuperabilem cum rebus Divinis adhæSIONem, Deique perfectam unionem: oportet omninò perfectum & prorsus irreprehensibilem esse, ut quis tantorum Mysteriorum particeps efficiatur. Quid ni Arnaldus ut nos edoceat preparationes seu dispositiones ad communicandum necessarias, remittit nos ad Thomam à Kempis dicentem (i) *si haberes Angelicam puritatem,*

(e) Parte 3. art. 26. (f) Lib. de Freq. Comm. pag. 290. & 345 (g) Lib. de Freq. Commun. parte 3. cap. 7. (h) Ibid. (i) De Imitatione Christi l. 4. cap. 5.

tem, & S. Joannis Baptiste sanctitatem, non esses dignus hoc Sacramentum accipere? profectò si tales dispositiones sint necessariae, sequitur saltem ARCENDOS ESSE A S. COMMUNIONE QUIBUS NONDUM INEST AMOR DEI PURISSIMUS ET OMNIS MIXTIONIS EXPERS.

XXIV. PR. damnata: *Oblatio in templo, quæ fiebat à B. V. M. in die Purificationis suæ per duos pullos columbarum, unum in holocaustum & alterum pro peccatis, sufficienter testatur, quod indiguerit Purificatione, & quod filius, qui offerebatur, etiam maculâ Matris maculatus esset secundum verba legis.*

Libellus cui titulus Exercitia interna ad moriendum in spiritu, Autore quodam Oratorii Presbytero sic habet (k) *Oblatio pueri in templo quam fecit Mater ipso die Purificationis suæ cum pari turturum aut duobus pullis columbarum defectu Facultatis ad emendandum agnum, uno in holocaustum & altero pro peccato, satis testantur quod Mater indiguerit purificari, & quod puer qui offerebatur, fœdatus quoque esset maculâ suæ Matris consequenter ad verba legis.* An propositio hujus Autoris agens de matre in communi, satis clarè B. V. Mariam excipiat alii judicent; affirmant PP. Oratorii, negat Hilarius à S. Sepulchro (l) & Autor Epistolæ ad quemdam Abbatem Romæ degentem. (m) Pro his videtur facere judicium Cardinalium Inquisitorum, qui attentis circumstantiis censuerint propositionem natam esse accipi à quibusdam in sensu tam perverso.

XXV. PR. damnata: *Dei Patris simulacrum nefas est Christiano in templo collocare.*

Joannes Hesselius socius Michaelis Bay propositionem tradiderat his verbis. (n) *Non quasi humanâ formâ circumscriptum esse Deum Patrem arbitrandum est, ut de illo cogitantibus dextrum aut sinistrum latus animo occurrat; tale enim simulacrum Dei nefas est Christiano in templo collocare.* Rationem reddit (o) quia ex imaginibus quibus Deus Pater, aut Spiritus S. effigiatur in humana specie, facilè in errorem Anthropomorphitarum, qui putant Deum secundum Divinitatem habere corpus, & humanam effigiem, esse circumscriptum, incident imperiti. Cur non etiam symbolum tollunt in quo refertur dextera Dei Patris? cur non scriptu-

Qq

ram

(k) In Exercitio quintæ diei pag. 65. (l) In reflexionibus brevibus ad 31. propositiones pag. 45. (m) Sub finem. (n) In Explicatione primi præcepti Decalogi cap. 65. (o) Ibid. cap. 66.

ram S. in qua tam sæpè mentio fit manus Dei, pedis Dei, ubi dicitur Deus stare, sedere, ambulare &c. ?

XXVI. PR. damnata: *Laus quæ defertur Mariæ, ut Mariæ, vana est.* AUTHOR MONITORUM SALUTARIUM sic inducit Mariam loquentem (p) *Laus quæ defertur mihi, ut mihi, vana est.*

XXVII. PR. damnata: *Valuit aliquando Baptismus sub hac formâ collatus: in nomine Patris &c. prætermisissis illis, ego te baptizo.* Ita Morinus Oratorii Presbyter. (q)

XXVIII. PR. condemnata: *Valet Baptismus collatus à Ministro qui omnem ritum externum, formamque baptizandi observat, intus verò in corde suo apud se resolvit: NON INTENDO QUOD FACIT ECCLESIA.* Ita Matthæus Rouvroy (r) & cæteri Jansenistæ passim. In eundem errorem impegerunt quidam viri integræ famæ, & doctrinæ in aliis non suspectæ. Hos sibi Jansenistæ in uno, quia peregrino, dogmate sectandos proponunt, qui ex amænissimis hortis non alios sibi norunt flosculos deligere, quam malè olentes.

XXIX. PR. damnata: *Futilis & toties convulsa est assertio de Pontificis Romani supra œcumenicum Concilium autoritate, atque in fidei quæstionibus decernendis infallibilitate.* Ita Vindex Anonymus instructionis Petri van Burscum (s) apud Eminentissimum Cardinalem de Aguirre. (t)

XXX. PR. damnata: *Ubi quis invenerit doctrinam in Augustino clarè fundatam, illam absolutè potest tenere, & docere, non respiciendo ad ullam Pontificis Bullam.* Ita in terminis Macarius Havermans. (u)

XXXI. PR. damnata: *Bulla Urbani VIII. est subreptitia.* RATIONES MOTIVÆ OB QUAS VISUM FUIT EPISCOPO GANDENSI NON PROMULGARE BULLAM URBANI VIII. ADVERSUS LIBRUM JANSENII: (w) *prætensa Bulla extorta videretur sub, & obreptitiè, fraudulenter & per circumventionem S. Sedis.*

(p) Monito 6. (q) Lib. 8. de Administratione Sacramenti pœnit. cap. 16.
(r) In scriptis ab Episcopo Namurcensi super Theologorum examini subiectis.
(s) Ad Prop. 8. pag. 3. (t) In defensione Cathedralis S. Petri disp. 19. sect. 2. (u) In Thesi anni 1677. 8. Martii. (w) Pag. 3.

G R A D U S VI.

Propositiones Decreto Alexandri VIII. condemnatas etiam post inflectum iis anathema, perveraciter propugnans.

IN hoc ignorantie statu nunquam à vero aberrare nescio an ulli scriptori, præterquam Canonico, obtigerit; sed errorem post manifestam ejus condemnationem pertinaciter tueri, hæreticis proprium est. Speraverat Alexander VIII. fore ut omnes, qui se S. Augustini Discipulos vocant, qui de aspersa sibi Janse- nismi infamia tam acerbè queruntur, qui ultro Pontificis judi- cium de quinque articulis appellaverant, speraverat, inquam, fore ut omnes Apostolicæ Sedis sententiæ etiam circa proposi- tiones 31. acquiescerent. Quàm hæc sua spes Vicarium Christi fefellerit, abundè ostendunt pauca ex multis specimina quæ se- quuntur.

SPECIMEN I. (a) *Obtestor omnes ratione utentes ut consi- derent quomodo fieri posset, ut aliquis propositionis quintæ censu- ram componeret cum S. Augustini principiis? (b) An igitur oportet nuntium remittere omnibus gratiæ adversus Pelagianos, & Semi- Pelagianos defensoribus, quia hi conciliari nequeunt cum quodam Inquisitionis Decreto tot aliunde vitiis laborante?*

II. (c) *Propositio 6. desumpta est ex celebri Sinnichio. Quod autem commiserit errorem dignum anathemate Inquisitionis, hoc non facile creditur.*

III. (d) *Plures sunt in hoc Alexandri VIII. Decreto Propositio- nes, quarum censuram non alio fine postularunt earum delatores, quàm ut præcipua Moralis Christianæ fundamenta subruerent. Ex- emplo esse possunt propositiones septima & octava: OMNIS AC- TIO DELIBERATA EST DEI DILECTIO, VEL MUNDI: SI DEI, CHARITAS EST PATRIS; SI MUNDI, CONCUPISCEN- TIA CARNIS, HOC EST MALA EST: & NECESSE EST INFI- DELEM IN OMNI OPERA PECCARE.*

IV. (e) *Ausisne negare Propositionem 7. condemnatam eandem*

Qq 2

esse

(a) Nona pars difficultatum propositarum D. Stéyart pag. 219. & 220. (b) Ibid. pag. 222. (c) Litteræ Abbatis ad quemdam Curiz Romanæ Præsulem pag. 48. (d) Nona pars difficultatum pag. 125. (e) Ibid. pag. 128.

esse cum Doctrina S. Augustini? quomodo igitur potes asserere propositionem istam esse justissimè condemnatam?

V. (f) *Octava propositio negari non potest. Adeòque nec justè potuit condemnari.*

VI. (g) *Quid autem huic propositioni opponas nisi quòd in Bulla quadam Alexandri VIII. Pontificis reperiatur inter dogmata condemnata? sed quis rationis compos dixerit Bullam istam prævallere auctoritatì tot Pontificum & Conciliorum, Doctrinam eandem in Augustino approbantium?*

VII. (h) *Hoc tamen pacto permittimus, ut ad deferendum aliquid Apostolicæ Sedi, dicas propositionem non esse damnatam sensu Augustini, modò Pontificem deceptum fatearis, quando eandem olim damnavit in sensu Bay; quia probari nullà ratione potest Baium alio sensu eam docuisse, quàm docuerit Augustinus. In propositione 7. continetur nona, decima, & undecima.*

VIII. (i) *Propositionem 12. condemnare non potes nisi condemnando te ipsum, S. Thomam & ceteros passim Theologos; & tamen eam Sedes Apostolica fulmine percussit.*

IX. (k) *Noli tibi persuadere quòd propter Decretum adversus propositiones 31. recessuri sint Theologi à sententia, sed potius expectandum quòd propter condemnationem propositionis 28. & 12. revocaturi sint in dubium Decreti illius auctoritatem.*

X. (l) *Propositionem 14. nunquam sustinuimus nisi eo sensu quo est verissima. Idem cense de propositionibus aliis quæ nobis imputantur.*

XI. (m) *Ne expectes fore ut sententiam de non collocando Dei Patris simulacro in templis fidelium, mutent Theologi propter Decretum Alexandri VIII. subreptitium.*

XII. (n) *Propositionis 28. condemnatio non potest asserere nisi infinitas turbas in scholis, & in conscientiis: adversatur Doctrinæ Patrum, & doctissimorum Theologorum.*

XIII. (o) *Magna præsumptio est sibi imaginari, sententiæ illius*

(f) Ibid. pag. 156. (g) Ibid. pag. 201. (h) Ibid. pag. 194. (i) Ibid. pag. 206. (k) Ibid. pag. 211. (l) Non pars difficultatum propositarum D. Steyart pag. 124. (m) Ibid. pag. 285. paulò modestius Author ADDITIONIS ad NOTAS BREVES ET MODESTAS pag. 16. liceat etiam post Decretum Alexandri VIII. ad venerandam antiquitatem consue accedere ut censeas non expedire Sacro-sanctæ & adorandæ Trinitatis imagines in Ecclesiis depingere. Dicitur Author hic intimè notus esse Liberto Hennebel. Nescio an minus ei notus sit Author NOTARUM. (n) Litteræ Abbatis ad quemdam Curie Romanæ Præsulem pag. 44. (o) Ibid. & pag. 45.

lius damnatæ defensores deferendos esse ad sequendos aliquot consultores Inquisitionis aut parum intelligentes, aut nimium præventos in favorem propriarum opinionum, quas volunt toti Ecclesiæ commendatas reddere per unum Decretum.

XIV. (p) *Damnatio propositionis 29. fuit facinus maxime audax quod contra sensum universæ Ecclesiæ unquam aggressa est Roma.*

XV. (q) *Insolens machinatio, & nisi in hoc rerum articulo adversus illam strenuos nos præbeamus, conclamatum est de libertate nostra, & infligitur vulnus, cui serò medicina parabitur, nisi principiis obstetur.*

XVI. (r) *Quæ hæc est miseria! en tibi pronuntiata sententia, quæ Conciliorum autoritatem, & necessitatem plane destruit: quæ facit Ecclesiam dependere à repentino impetu unius Pontificis similis Alexandro VI. vel audacis ut fuit Julius II. & Sixtus V. Denique nos contrarium sustinentes declaramur schismatici, & ipso facto excommunicati, ac Cælum nobis in perpetuum occluditur, si fidem habeamus 7. aut 8. Theologis Ultra-montanis, & totidem Cardinalibus (cum Romano Pontifice) qui ut plurimum nihil intelligunt.*

XVII. (s) *Fateor totidem verba propositionis 30. habet Havermannus, doctrinam tamen in illis condemnatam non habet.*

XVIII. (t) *Decretum Alexandri VIII. debet haberi ut subreptitium, quia propositionem 31. condemnat.*

Quid singulis propositionibus recensendis tempus tero, dum approbationes magis generales in promptu sunt?

XIX. (u) *Quamquam dari possit propositionibus plerisque ex 31. damnatis sensus malus, in quo essent censurabiles, hoc tamen non fieret nisi factâ verbis violentiâ, detorquendo voces ad sensum planè alienum, & improprium: adeoque in sensu obvio & connaturali non sunt censurabiles, & tamen hoc sensu propositiones censuratae sunt.*

XX. (w) *Quale scandalum! qualis horror Tironibus præsertim hujusmodi tonitru nondum assuetis! Miser Innocentius XI. qui*

Qq 3

mor-

(p) Ibid. pag. 28. (q) Ibid. pag. 40. (r) Ibid. pag. 31. (s) Author Theſium Antverpiæ 1691. 17. & 18. Julii in Appendice. (t) Difficultates propoſitæ D. Steyart parte 9. pag. 292. (u) Interz Abbatis ad quemdam Romanæ Curiz Præſulem pag. 11. (w) Dominus Malpaix in Epistola data 2. Febr. 1691.

mortuus non potuit impedire quod vetuerat vivus, ne publicaretur tam scandalosum decretum!

XXI. (x) *Condemnare illas Propositiones 31. est pessimè remunerari zelum Facultatis Theologicae tam illustris qualis est Lovaniensis.*

XXII. (y) *Omnes qui stant à bona parte valde affliguntur ex hoc decreto & concutiuntur horrore incredibili, quia cheu! praevaluit inimicus.*

XXIII. (z) *Contra hoc Decretum audendum esset magnum aliquid; at propter persecutionem, quae nobis immineret à Curia Romana, consultius est nihil tentare; sed decretum contemnere.*

Ita Jansenistae audentiores, qui & Sylvestres dicuntur. Alii simulando reverentiam, malunt interpretationibus subdolis Ecclesiae definitiones sic eludere, ut hae nullius Theologi doctrinam, sed aërem tantum, vel sonum verborum paulò duriores ferire videantur. Talis omnium judicio est Auctor *Notarum brevium & Modestarum in Propositiones 31.* & alter qui Notas probans, hanc eis annexuit ADDITIONEM: (aa) *Liceat etiamnum ad venerandam antiquitatem eo usque accedere, ut confideas non expedire, Sacro-sanctae & adorandae Trinitatis imagines in Ecclesiis depingere.*

(u) *Litterae Abbatis pag. 22.* (y) *D. Malpaix in litteris de quibus supra.*
(z) *Litterae Abbatis pag. 25. - - -*

GRADUS VII.

Complectens haereses & errores maximè abominandos respectivè circa Sacramenta, Pontificem, Concilium Tridentinum, & Ecclesiam.

Non te titulus offendat, Lector, neve existimes opinionibus fortè inter Catholicos hoc tempore controversis censuram aliquam erroris, aut haesios temerè inurendam; nulla enim propositio hic referetur nisi ab Ecclesia damnata, aut virus suum tam manifestè ipsâ fronte prae se ferens, ut nemo Catholicorum eam saltem inter errores rejecturus non sit.

I. PROPOSITIO: (a) *Confirmatio, Sacramentum Ordinis,*

(a) *Joannes Vergerius Abbas Sancyranus in colloquio cum Episcopo Lingonensi hic juridicè testatus est Parisiis coram summo Cancellario 1638. 11. Julii.*
Ean-

& Consecratio Episcopalis delent peccata tum quoad culpam, tum quoad pœnam æquè ac Sacramentum Baptismi.

II. PR. (b) Clarissimum est Episcopum peccatorem resurgere non posse per media statui propria, cum hoc ipso, quo peccator est, statum amittat ex primævo jure, nec amplius in eo sit. Confer propositionem hanc cum illa in Wickleffo & Hus damnata per Concilium Constantiense. Nullus est Prælatus, nullus Episcopus, dum est in peccato mortali nisi nomine tenus.

III. PR. (c) Qualibet vinculi castitatis infractioe perimitur Sacerdotium secus quàm Monasticus status, qui nullus magis convenit quam lapsis & facinorosis.

IV. PR. (d) Inter manducationem DOMINICI CORPORIS quæ habetur in Terra, & quæ in Cælo, non aliud discrimen est, quam quod fidem inter & claram Dei visionem. (e) Deus nos admittit in tempore ad participationem ejusdem cibi quo fruuntur electi totâ æternitate absque alio discrimine quàm quod visionem hic auferat & gustum, utrumque nobis in cælo reservans.

Si non aliud discrimen sit inter utramque manducationem quam quod reperitur inter fidem & claram visionem, ergo quemadmodum illic tantùm manducatur per visionem, ita & hic tantùm per fidem. Estne Calvinista qui aliter loquatur? neque detrectasset ipse Calvinus hanc cum Jansenistis (f) AD ELEVATIONEM HOSTIÆ recitare precationem: *Adoro te elevatum in Cruce, in extremo judicio, & ad dexteram Patris æterni.*

V. PR. (g) Calvinus habebat bonam causam, sed non benè eam promovit: non debebat se ab Ecclesia separare: neque altaria, neque Cruces dejicere; tantùm oportebat dicere panem, qui à Sacerdote consecratur, non esse nisi figuram corporis Christi, & satis negotii facessivisset Pontifici.

An igitur videtur procul aberrasse D. Buxtorfius Calvinianus apud Basileenses Professor dum agebat (h) facilè suos inter & Jansenistas terminandam controversiam de Christi præsentia in

Qq 4

Eu-

Eandem declarationem à se scriptam miserat ad III. D. de Harlay Episcopum Maclovientem qui se illam accepisse testatus est 1638. 26. May. (b) Petrus Aurelius aliàs Joannes Vergerius in vindiciis pag. 629. (c) Ibid. pag. 678. (d) Arnaldus l. de Frequenti Communionem parte 3. cap. 7. (e) Ibid. cap. 11. (f) In FORIS vulgò JANSENISTICIS Oratio ad Elevationem Hostiæ. (g) N. Jansenista in colloquio cum D. de S. Sorlin Regi Christianissimo à Consiliis, &c. ut testatur in suo responso ad Apologiam Portus Regii pag. 70. (h) In Colloquio cum D. Ludovico de S. Amour Jansenistarum Legato. vid. Diurnale parte 7. cap. 4. pag. 563.

Eucharistia, modò Papistæ omnes gratiam Jansenii amplecterentur? Omnia brevi epiphonemate concludit secundus Jansenistarum Patriarcha Joannes Vergerius dicens

VI. PR. (i) *Calvinus bene sensit, malè locutus est.* Sic omnis Jansenistas inter & Calvinistas dissensio reduceretur ad meram logomachiam, seu ludicram de vocibus digladiationem.

VII. PR. (k) *Communio plus valet quàm Confessio ad delenda peccata, & ad disponendos homines, ut bene moriantur; idè in periculo vitæ constitutis E. G. pestiferis, potiùs administranda Eucharistia, quàm Sacramentum Pœnitentiæ.*

VIII. PR. (l) *Contritio est absolutè necessaria in Sacramento Pœnitentiæ ad remissionem peccatorum. Attritio cum Sacramento non sufficit. Verba Concilii Tridentini in hac materia intelligi debent de Contritione, ut rectè explicant quidam Doctores Lovanienses: vel dicendum est quòd Concilium in hoc puncto erraverit.*

IX. PR. (m) *In veteri Ecclesia non conferebatur Sacramentalis absolutio peccatorum venialium.*

X. PR. (n) *Confessio venialium, quam Augustinus appellat Confessionem iustorum, non est Sacramentalis sed tantum exercitium humilitatis, & talis Confessio fieri potest laico primùm occurrenti.*

XI. PR. (o) *Hæc doctrina rectè probatur illo loco sancti Jacobi*
CONFITEMINI ALTERUTRUM PECCATA VESTRA.

XII. PR. (p) *Nunquam SS. Patres suaserunt frequentem usum Sacramenti pœnitentiæ.* (q) *Non potest ostendi quod aliquis tempore SS. Patrum fuerit ter Sacramentaliter absolutus.* (r) *S. Augustinus nunquam confessus fuit* (s) *neque assignari potest ullus S. S. Patrum, qui unquam Sacramenti illius fructum consecutus sit.* Quid miri si attendatur dogma sequens?

XIII. PR. (t) *Absolutio Sacramentalis supponit remissionem*
pec-

(i) In vita D. Vincent. l. 2. cap. 12. pag. 411. & 412. apud Annatum in responso adscriptum de fide humani in fine pag. 154. (k) Joannes Vergerius in Testimonio juridico Episcopi Lingonensis de quo supra ad Prop. 1. (l) Idem ibid. (m) Idem Joannes Vergerius in Colloquio cum D. Joanne Jovaud Abbate & Secretario Ordinis Cisterciensis ut hic juridicè & cum Sacramento testatus est Parisiis 17. Junii 1638. (n) Idem ibid. (o) D. Barcos Nepos Joannis Vergerii ibid. (p) Aurea Fodina Suffossa parte 1. pag. 11. (q) Hanc propositionem ex libello D. Egidii de Witte expungi jussit Archi-Episcopus Mechliniensis decreto anni 1689. 28. Aprilis. (r) Aurea Fodina Suffossa part. 2. pag. 46. (s) Ibid. pag. 44. (t) Joannes Vergerius in Testimonio juridico D. Joannis de Jovaud Abbatis & Secretarii Ordinis Cisterciensis,

peccatorum factam virtute contritionis. (u) Sacramentum Pœnitentiæ non delet peccata. (w) Absolutio tantum est sententia declarativa remissionis. (x) Verba absolutionis non sunt operativa; sed declarativa tantum sui effectus.

XIV. PR. (y) Scientiâ ex Confessione acquisitâ uti licet, modo fiat sine directâ, aut indirectâ revelatione & gravamine pœnitentis, nisi aliud multò gravius ex non usu sequatur, in cujus comparatione prius meritò contemnatur. Propositio hæc, & ejus praxis prohibita est Decreto S. Congregationis 1682. 18. Novemb.

XV. PR. (z) S. Paulus æqualis fuit S. Petro in ratione Capitis Ecclesiæ Romanæ & totius Ecclesiæ universalis. (aa) S. Petrus & S. Paulus habebant singuli plenitudinem potestatis spiritalis, ita ut neuter ab altero dependeret & possent singuli separatim agere ut Capita Ecclesiæ. (bb) Plenitudo potestatis Ecclesiasticæ, & auctoritas suprema & indivisibilis in duobus subjectis potius unum caput & unum Principem constituebat, quàm duos.

Atqui propositio statuens S. Petrum & S. Paulum unum Ecclesiæ caput, atque inter se omnimodè æquales sine subordinatione & subjectione S. Pauli ad S. Petrum in Regimine universalis Ecclesiæ, hæretica declarata est ab Innocentio X. in Congregatione Generali Sanctæ Romanæ, & universalis Inquisitionis 1647. 5. Januarii.

XVI. PR. (cc) Jacobus præfedit in confessu Apostolorum, & non Petrus; quia hic confessus celebrabatur in Diœcesi Jacobi.

Quidni igitur Jansenius potiùs quàm Romanus Pontifex præfedisset in Concilio, si aliquod coram Pontifice fuisset Ipris celebratum? Cujus ratio ulterior est quòd (dd) Pontifici non competat inter Episcopos major potestas, vel prærogativa quàm competat Pastori S. Rumoldi respectu aliorum Pastorum Parochialium ejusdem Civitatis. Hi autem in suis Parochiis non cedent Pa-

Q 9 5

stor

(n) Idem Vergerius in Testimonio juridico Episcopi Lingonensis. (w) Idem Vergerius in Testimonio jurid. D. Joannis de Jovaud. (x) Idem in Testimonio jurid. Episcopi Lingonensis. (y) Franciscus vander Vliet in Thesi 1682. 19. Febr. (z) Author libri de Autoritate S. Petri & S. Pauli pag. 53. Verisimile est eundem esse Authorem qui fuit libri de Freq. Comm. cum in ipso titulo Profiteatur se respondere ad objectiones factas adversus lib. de Freq. Comm. (aa) Idem pag. 60. (bb) Idem pag. 58. (cc) Ægidius de Witte Mechliniæ in convivio funebri 8. Julii 1685. ut habetur ex declaratione juridica & jurata quatuor testium coram Notario die 11. ejusdem Mensis. (dd) Idem ibid.

flori S. Rumoldi; cur ergo alii Episcopi in suis Dioecesibus cederent Romano Pontifici?

XVII. PR. (ee) *Concilium Tridentinum fuit Concilium Pontificis, & Scholasticorum, qui multum immutarunt doctrinam Ecclesie.*

XVIII. PR. (ff) *Concilium Tridentinum non fuit verum Concilium. (gg) Ejus definitionibus non debet haberi fides; quia non fuit celebratum juxta morem priscarum Synodorum.*

XIX. PR. (hh) *O! quantum à veritate aberrant qui existimant Ecclesiam esse congregationem fidelium compositam ex summo Pontifice, Prælati, Doctores, Sacerdotibus, Religiosis & Populo. Pauci admodum sunt qui possunt dici veri Ecclesie filii, soli nempe Sancyrani & Jansenii sequaces.*

XX. PR. (ii) *Congregatio composita ex Pontifice, Prælati, Parochis, Doctores, Religiosis & Populo, quos videmus uti iisdem legibus, non potest censi Ecclesia alio sensu, aut alia ratione, quam quod in veræ Ecclesie locum successerit, sicut si quis aqua cænosa, & putrefacta occupanti alveum, cujus aquæ olim fuerant vivæ, limpide, & salubres, ejusdem fluminis nomen impertiretur.*

XXI. PR. (kk) *Non in moribus tantum, sed etiam in dogmatibus Ecclesia est corrupta.*

XXII. PR. (ll) *Episcopi, Ecclesiastici, & Religiosi passim sunt destituti spiritu Christianismi, spiritu gratiæ & Ecclesie.*

XXIII. PR. (mm) *Ex doctrina Patrum & Conciliorum ostendi potest usque ad quæ sæcula duraverit vera Ecclesia, & quo tempore cæperit ejus destructio. TEMPUS AEDIFICANDI ET TEMPUS DESTRUENDI; Tempus aedificandi transiit, Deus ipse Ecclesiam destruit. Adeoque nos Christus decepit dum se cum Ecclesia sua futurum promisit. USQUE AD CONSUMMATIONEM SEculi, NEC PORTAS INFERI ADVERSUS EAM PRÆVALITURAS.*

(ee) Joannes Vergerius in Testimonio juridico D. Joannis de Jovaud Abbatis & Secretarii Ordinis Cisterciensis. (ff) Idem in Testim. jurid. Episcopi Lingonensis. (gg) Idem ibid. (hh) Idem in Testim. jurid. D. Johannis de Jovaud Abbatis, &c. (ii) Idem ibid. (kk) Idem ibid. (ll) Idem ibid. (mm) Idem ibid.

G R A D U S VIII.

Compendiosa & pertinax defensio haresum Michaelis Baii, Cornelii Jansenii, Michaëlis Molinos, totius denique Jansenismi, & quidem post manifestam condemnationem.

EA Naturæ in Adamo lapsæ miseria est, ut ignorare plurima, in multis errare contingat etiam post longam ætatem humanis divinisque scientiis studiosissimè impensam. Neque id vulgarium tantum ingeniorum vitium est; Sed Viris perspicacissimis, eruditione, & pietate inter cæteros eminentibus commune. Errores verò post manifestam ab Ecclesia latam condemnationem nolle agnoscere, solis digna hæreticis pertinacia est. Hanc in Jansenistis contemplemur.

PERTINACIA I. (a) *Summam habemus rationem judicandi sensum in quo Baii Doctrina potest defendi, esse sensum SS. Pauli & Augustini per tot Pontifices & Concilia approbatum.* (b) *Propositiones Baii quæ renovantur à Jansenio, continent doctrinam S. Augustini.* (c) *Defensores propositionum Bajo, & Jansenio attributarum non nisi Augustinum & veritatem defendunt.* (d) *Hæresis Baiana optimè vocatur imaginaria.*

II. (e) *Non potest sine voluntariâ excœcatione & portentosa pertinaciâ negari propositiones Baii, quæ reperiuntur in Jansenio, esse puncta capitalia Doctrinæ S. Augustini.*

III. (f) *Augustini Doctrina per Ipressam Antistitem potentissimè stabilita est.* (g) *Jansenius fuit fidelissimus S. Augustini interpres.* (h) *Perpauci gnari quid doceat S. Augustinus, lecto libro Jansenii non convincentur Ipressam Augustinum & cogitare & loqui eadem quæ Hipponensem.*

IV. (i) *Si Alexander VII. declaravit quinque propositiones excerptas fuisse ex libro Jansenii, & condemnatas fuisse in sensu illius Authoris, imò si ediderit Formulæ in quo factum illud exprimebatur, satis apparet illius successores credidisse, quod istam de-*

(a) Defensio Romanæ Ecclesiæ pag. 17. (b) Apologia Jansenii, seu potius Arnaldi pro Jansenio, in Præfatione. (c) Lucas Veronenus Baccalaureus Lovanienfis in itrena veritatis, &c. pag. 51. (d) Ibidem. (e) Apologia Jansenii in Præfatione. (f) Ibid. (g) Moralis Laxior edita anno 1691. (h) Ibid. pag. 59. (i) Reflexiones Religionis & statûs editæ 1692.

clarationem, & Formulam non ediderit nisi per subreptionem, & propter querelas quorundam Galliæ Episcoporum.

V. (k) Persuasum habeo Episcopum Iprensensem damnatum fuisse per factionem Molinianam. (l) Romana Curia contra Jansenium mirum in modum erat præoccupata.

VI. (m) Quod Urbanus VIII. fuerit deceptus patet ex propria ipsius Bulla. Quod Innocentius X. fuerit deceptus ad oculum demonstratur. (n) Quod Alexander VIII. fuerit deceptus ex eo constat quod liber Jansenii nunquam Romæ ritè fuerit examinatus.

VII. (o) Manifestè patet quod Bulla Pii V. & Gregorii XIII. contra Bajum non fuerit magno in pretio sub annum 1607. (p) Fateri Pontificem utrumque fuisse deceptum. Sic (q) reverà pessimum consilium datum est Alexandro VIII. Fierine potest ut nullus vir prudens illi commonstraverit, quantopere edens hoc Decretum contra Propositiones 31. exponeret suam autoritatem?

VIII. (r) Fateor negligentiam Alexandri VII. quòd in edendâ Bullâ talis momenti oculos non magis, quàm aures consuluerit, per quos potuisset ad certam, quam tamen in Bullâ allegat, scientiam pervenire.

IX. (s) Si solemniter profiteamur cum juramento sensum hæreticum, in quo quinque propositiones damnatæ sunt, esse sensum Jansenii, agnoscendum erit doctrinam S. Pauli & S. Augustini in materia de prædestinatione & gratiâ hæreticam esse.

X. (t) Obligare Ecclesiasticos qui se offerunt ad SS. Ordines & ad approbationem in ordine ad Confessiones, ut subscribant Formulæ, sicut totam Galliam obligavit Alexander VII. & volunt obligare Episcopi Belgii, est illos obligare, ad mendacia, ad calumnias, ad falsa testimonia, & perjuria, & ut per tot crimina ad Filii Dei ministeria accedant, adeoque (u) est replere Provincias mendaciis, & perjuriis, cum subscribi non possit sine calumniâ & perjurio; quia plurimi qui in animo Jansenistæ sunt, Jansenium exterius ejurabunt ex respectu humano, destituti victrici gratiâ & suc-

(k) Petrus de Ligny propter Jansenismum Duaco exul in quadam Epistolâ. (l) Eminentiss. Prior S. Martini 1691. in sua Morali laxiori pag. 70. (m) Eugenius de Gelder in ultima voce zelatrici innocentie pag. 30. (n) Ibid. pag. 51. (o) Notæ pars difficultatum propositarum Domino Steyart pag. 250. & 252. (p) Ibid. pag. 194. (q) Litteræ Abbatis ad Romanæ Curie Præsulem pag. 36. (r) Eugenius de Gelder in ultima Voce pag. 32. & 33. (s) Reflexiones Religionis & statûs pag. 8. & 9. (t) Ibid. pag. 7. (u) Ibid. pag. 22.

succumbentes concupiscentiæ. Denique (w) jurare 5. Propositiones à Pontifice damnatas in Jansenio contineri, non magis licitum est, quàm jurare Jansenium fuisse lenonem, furem aut ebriosum hominem; quia omnia sunt æquè falsa.

XI. (x) Formulæ illud aliò non tendit, quàm ut sub nomine sensus Jansenii abjuretur doctrina S. Augustini, aut potius Ecclesiæ circa Mysterium gratiæ, & ut quaquaversum diffundatur hæresis Arminianorum, quæ est germen hæresis Pelagianæ. (y) Scopus eorum qui omnia adhibent (ut adhibebant Episcopi Galliæ, Cardinales & Romanus Pontifex Alexander VII. sicut & modò Episcopi Belgii) ut jubeant credere & jurare quòd sensus damnatus sit sensus Jansenii, non potest esse alius, quàm sub nomine hujus Episcopi evertere doctrinam S. Augustini, ut stabiliant Pelagianismum in Ecclesiâ; adeoque non datur medium inter doctrinam Jansenii & Pelagii, & oportet omnes vel Jansenistas esse, vel Pelagianos.

XII. (aa) Jansenii propositiones damnari non possunt tanquam hæreticæ; aut tanquam erroneæ, nisi S. Sedes, & tota Ecclesiâ de erroribus, & hæresibus accusentur.

Atqui tamen plures Pontifices Jansenii Propositiones damnarunt tanquam hæreticas, erroneas, &c. ut constat ex Gradibus superioribus, & constitutiones illæ Pontificum ab Ecclesiâ universâ præterquam à Jansenistis receptæ sunt. Ergo S. Sedes, & Ecclesiâ passim de erroribus, & hæresibus accusandæ sunt. Quemadmodum autem Jansenii, ita & Jansenistarum doctrina prorsus innocua est, sancta est, & Catholicissima. Sicenim ipsi testantur:

XIII. (bb) Certum est quòd prætensi Jansenistæ non profiteantur aliam ullam doctrinam de gratiâ, quàm doctrinam S. Augustini, quæ est doctrina Ecclesiæ, & S. Sedis. (cc) Prætensi Jansenistæ non dicunt nova; quia nihil docent nisi quod Ecclesiâ antiqua eos docuit, aut docet moderna in Concilio Tridentino.

XIV. (dd) Sustineo neque esse, neque unquam fuisse Jansenistas. Ne verò quæstionem moveas de nomine, (ee) Neque hodie ulli sunt, neque unquam fuisse ostenduntur, qui doctrinam in quin-

que

(w) Dialogus inter Rechthert & Waermont anno 1692. pag. 10. (x) Reflectiones Religionis & statûs pag. 22. (y) Ibid. p. 9. (z) Constitutione REGIUM APOSTOLICI 15. Kal Martii 1664. (aa) Apologia Jansenii in Præfatione. (bb) Apologia Historica Censuræ Lovaniensis & Duacenæ 1688. pag. 400. (cc) Dominus de saint Victor in suo prætensio Dei inimico pag. 41. (dd) Ibid. pag. 10. (ee) Joannes Opstraet in dictatis publicis de gratia quæst. 2. cap. 7.

que famosis propositionibus CONDEMNATAM defendant, aut defenderint. Hoc sensu (ff) nec hodie ulli sunt, nec unquam fuerunt veri nominis Jansenistæ. Similiter (gg) vocem illam quamdiu exoticum hominem, nec sanæ fidei (ut usus habet) personabit, ut contumeliosam, ac maledicam aversabimur. Si verò Jansenistæ nomine intelligas (hh) sicut novimus usu venire in nomine Scotistæ & Thomistæ, ut nimirum ab Autore aliquo nomen tale quis accipiat, qui illius doctrinam tuetur ac profiteatur, (ii) eo dumtaxat pacto seu sensu, Jansenistas haberi & esse magno duceremus honori: quidem gloriosius in hoc genere, quàm eniti ut primi Ordinis Sacerdotem, Scripturarum nostrarum elegantem explanatorem, hæreticorum, dum vita fuit, expugnatorem egregium, Belgii nostri Episcopum, & quod caput est, Academiæ Lovaniensis Doctorem, virum ingenio acerrimum, judicio maturissimum, moribus integerrimum, omni litteraturâ expolitum, in perfectâ erga Matrem suam Ecclesiam, atque Sedem Apostolicam submissione vitâ functum, detergâ omni hæreticæ pravitatis labe, Ecclesiæ vindicemus? Ne verò existimes paucos esse hoc sensu Jansenistas, multitudinem suâ ipsi gloriantur quasi ea superet adversariorum suorum opinionem. Sic enim loquuntur:

XV. (kk) Si asserere, quod doctrina Jansenii non sit alia quàm S. Augustini, sit Jansenizare, ut prætendit Oropega, fateamur Jansenismum plus rei habere, plures esse Jansenistas, quàm sibi persuadeat.

Nosti, Lector, quàm numerosa sit hodie in Belgio Supplicantium turba adversus Formulæ; citantur ab ipsis Supplicantibus, sed nullius expresso nomine (ll) tum è Clero, tum è Religiosis Ordinibus Viri quàm plurimi, variorum Ordinum Abbates & Superiores, è Clero Canonici, Metropolitici, Cathedrales, Collegiati: primarum Parochiarum Plebani, & plurimi per Diœceses Belgii Pastores, Virique Ecclesiastici penè innumeri: in Academia Lovaniensi S. Theologiæ & Juris utriusque Doctores, Licentiati, Collegiorum Præsides & scientiarum omnium, tum Professores, tum Alumni.

At-

(ff) Ibid. (gg) Palladius qui vulgo creditur Ægidius de Witte in Prosecutione Criseos p. 20. (hh) Ita Jansenistam rectè descriperat Martinus Steyart in Theoria expurgatæ Parte altera p. 15. (ii) Ita Steyartio Palladius in Prosecutione Criseos p. 20. (kk) Pseudo-Prior S. Martini in sua Morali laxiori p. 59. (ll) In Appendice altera ad Supplicationes p. 16.

Atqui illi idè se opponunt Formulæ, quia volunt universam Jansenii doctrinam defendere, sic enim apertè profitentur:

XVI. (mm) *Quidquid superest Oropegæ ut probet accusari posse, aut saltem in suspicionem Jansenismi vocari eos, qui nolunt dicere anathema Doctrinæ Jansenii, est quod certum sit non alia de causa eos nolle credere & fateri quod 5. propositiones exsint in libro Jansenii, quàm ut sustineant Universam Episcopi illius Doctrinam eodem sensu quo ab illo tradita est. Hoc ipsum est quod illi faciliè concedimus. C'EST CE QU'ON LUI AVOUE.*

XVII. Damnavit quidem Innocentius XI. die 3. Sept. 1687. propositiones 68. Michaelis Molinos tanquam HÆRETICAS, SUSPECTAS, ERRONEAS, SCANDALOSAS, BLASPHEMAS, PIARUM AURIUM OFFENSIVAS, TEMERARIAS, CHRISTIANÆ DISCIPLINÆ RELAXATIVAS, ET EVERSIVAS, ET SEDITIOSAS RESPECTIVE, verùm (pp) sicut Jesuitæ per vassè fabricatas 5. Propositiones doctrinam Jansenii Romæ procurarunt damnari, ut per latus Jansenii doctrinam sancti Augustini à doctrina Jansenii reverà inseparabilem arietarent & deficerent, sic etiam fortassis multas propositiones Michaelis Molinos talibus terminis concepère, quod vix à propositionibus fundamentalibus à SS. Patribus nobis Propositis distinguere possint. Ita ut per condemnationem Molinos, & prætensæ ejus doctrinæ videantur voluisse eliminare illud parum quod restat supernaturalis Spiritus Dei vivificantis expertivè intimum fundum spiritualium animarum. Sed quidquid conentur, quidquid machinentur, quidquid subdole per se, & suos efficiant Patres Jesuitæ, quidquid Ecclesia contra Jansenismum, & ejus sobolem Quietismum definiat, spiritus Jansenianus & Quietisticus, ubi vult spirabit, freudentibus Jesuitis, Pontificibus, & Ecclesiâ universâ.

(mm) Henricus Schreyn-maecker in justificatione generali adversus Archiepiscopum Mechliniensem p. 41.

*Continuata Jansenistarum pertinacia etiam post editionem
Tabula cui titulus: J A N S E N I S M U S O M N E M D E -
S T R U E N S R E L I G I O N E M.*

A Liquid procul dubio Lector Catholice, ad aures tuas pervenerit de libellis variis adversus Tabulam priorem editis; sed, ut est hominum causæ suæ diffidentium mos, nullius Censoris autoritate muniti serpunt clanculum, nullus eas Typographus, nullus Bibliopola audet palàm distrahere; & merito, nam quicumque libelli in Jansenismi defensionem compositi sunt, *tam impressi, quam manuscripti, seu imposterum edendi, vel publicandi*, hoc ipso, *damnati & prohibiti sunt* ab Innocentio X. (a) Causam autem Jansenistarum, quam defendendam suscipiunt, potius produnt novi hi vindices; nullus enim illorum hætenus ostendit, vel ostendere saltem conatur me ex tot absurdissimis Jansenistarum sententiis ullam perperam citasse. Nec tamen agnoscunt Jansenismi foeditatem; sed incredibili pertinaciâ volunt cæcutire, ne convertantur & sanentur.

PERTINACIA I. Estne tolerabile (b) *accusari Reverendissimum Dominum Jansenium, ingens illud Lovaniensis Academiae Decus, (c) accusari perillustrem Jansenium, Iprensium Episcopum, Ecclesie Catholice, in cujus communione cum odore singularis pietatis mortuus est, dum viveret, gloriosum defensorem!*

An non ingens Lovaniensis Academiae Decus, an non gloriosus fidei defensor, qui tam multas propositiones Baianas, quas noverat esse tam diro anathemate sæpius ab Ecclesia prostratas studiosè resuscitat, MAGNO APOSTOLICÆ SEDIS CONTEMPTU dicens (d) *condemnationem illam esse procuratam arte satanæ, illam tantum esse pro tempore donec veritas Baiana cum suis fundamentis patefieret?*

II. (e) *Innumeris scriptis perspicuè demonstratum est, nihil ab Augustino dissonum, aut diversum sentire, quos impostor, Author Tabulæ, Jansenii sequaces nuncupat. Illi non defatigantur, sed*
instar

(a) Bulla anni 1654. 25. Aprilis. (b) Phrænesis Molinistica p. 4. (c) Ibid. p. 6. (d) In Codice propriâ Jansenii manu conscripto qui etiamnum extat, à me & pluribus S. T. Doctoribus Lovanii lectus. (e) Phrænesis Molinistica p. 14.

instar palmæ se fortius erigunt, pro defensione veritatis Jansenianæ constantes perseverant.

Percurre amabo, Lector, quæ prior & præsens Tabula complectitur: omnia illa non tantum sana sunt, sed S. Augustini dogmata, si Jansenistis credimus. Sic sanctum Doctorem uno tractu reum faciunt plurimarum hæresum, & errorum sæpius damnatorum.

III. (f) *Jansenismus Phantasma est. Spatio 40. annorum nullus canonicè convictus fuit, quod teneret 5. famosas Propositiones.*

Nondum elapsi sunt 40. anni ex quo Sedes Apostolica (g) sub Alexandro VII. cum Collegio Eminentissimorum Cardinalium post accuratissimam & maximè canonicam discussionem, Jansenii librum convicit de iisdem 5. Propositionibus sensu hæretico illic contentis. Nondum 40. anni sunt ex quo Archi-Episcopi, Episcopi, Abbates, &c. circiter septuaginta (h) Parisiis congregati scripserunt ad Alexandrum VII. quinque illas Propositiones in Gallia à nova sectæ discipulis pertinaciter defendi.

Imò nondum sex anni planè elapsi sunt (i) ex quo Episcopus Atrebatensis hanc censuram inflixit dictatis Jacobi Gilbert: *post invocatum lumen Spiritûs S. examinato prædicto Tractatu de Gratiâ, & propositionibus inde excerptis, & quarum doctrinam suam esse Author agnovit, expensis ingenti maturitate & exactitudine verbis, sensibus & serie illius operis, consultis personis eruditis ac perspicacibus, & plurimorum Doctorum acceptis suffragiis condemnavimus, & condemnamus prædictum Tractatum tanquam continentem doctrinam falsam, erroneam, temerariam, hæresios damnatam per Constitutiones Innocentii X. & Alexandri VII. Idem paucis ante mensibus judicant Doctores Parisienses à Rege Christianissimo & Parisiensi Archi-Episcopo consulti: (k) quaterniones illos, inquit, attentione, quâ par erat, evolvimus, in quibus perspeximus Jansenii Iprensis Episcopi Doctrinam, Innocentii X. & Alexandri VII. Constitutionibus ab universo orbe Catholico acceptis damnatam, non obscure, obiter, aut strictim, sed apertâ fronte, datâ operâ, & summâ contentione & perviciâ nec sine acrioribus, quæ Novatorum animos redoleant, dictæ probari, Pontificum decreta eludi, & in sensum peregrinum atque ab ipso-*

R r

rum

(f) Lis de Calumnia p. 82. (g) Bullâ AD SACRAM anno 1656. 17. Kal. Novemb. (h) In Epistolâ anno 1656. 2 Septemb. (i) In Censura anno 1687. 13. Aug. (k) In Censura anni 1691. 23. Jan.

rum mente planè alienum, fictitiâ interpretatione detorqueri, tantumque illud virus, quo nihil sit ad scholarum institutionem magis exitiosum, iis in scriptis ubique serpere, & adeo esse frequens, ut ea nullatenus emendari possint, solaque eorum diserta ejuratio offensionem ex iis natam tollere valeat; unde & is nobis illorum Author visus est, qui absque Duacensis Academiae perniciæ ferri non possit ut pergat ad docendum.

Jacobi Gilberti obstinationem in adstruenda impotentia servandi præcepta multum miratus est & gravissimè reprehendit (l) Episcopus Tornacensis nuper defunctus.

Præterea aliorum Duacenorum Exulum scripta à Doctoribus Parisiensibus hac censura notata (m) omnibus diligenter & maturè perpensis censemus plura in illis esse quibus trium primarum Jansenii propositionum doctrina à summis Pontificibus Innocentio X. & Alexandro VII. damnata, disertè renovantur, eorumque constitutiones verbis etiam scurrilibus & contumeliosis convelluntur.

IV. (n) De gratiâ omnibus oblatâ dogma est Semi-pelagianorum. *Gratis à teli gratiâ oblatâ repetitur possibilitas præceptorum, quorum implendi potestas interiorem gratiam non oblatam, sed collatam, non otiosam, sed actuosam, non necessitantem necessitate coactionis; sed liberantem, & ad impletionem boni operis actu moventem, ac resistenti cupiditati prædominantem, verbo, victricem requirit. Ergo omnes illi, qui hic & nunc non habent gratiam liberantem, & cupiditati prædominantem sive victricem, & in actu 2. efficacem, non habent potestatem servandi præcepta, quæ sine gratia servari non possunt; adeoque præcepta sunt illis impossibilia, quidquid velint, aut conentur. Ergo omnes, qui labuntur, dicere possunt, præcepta fuisse sibi observatu impossibilia. Quæ ex sententia Jansenii de impossibilitate præceptorum deducuntur absurda, militant æquè contra doctrinam S. Pauli. (o)*

V. (p) Non potest damnari sententia Jansenii, qua statuit Christum pro nullius reprobis salute mortuum esse nisi damnatio feriat doctrinam sanctissimam de prædestinatione gratuitâ.

VI. (q) *Jansenismus tantum respicit quæ sunt officii sui, sed tantum contentus est Ecclesiâ, non vult impediri à suis muniis,*
ne

(l) In Epistola datâ 5. Julii 1687. (m) In Censura anni 1691. 26. Decemb. (n) Molinismus non Jansenismus gradu 1. (o) Lis de calumnia p. 28. (p) Ibid. p. 30. (q) Molinismus non Jansenismus gradu 6.

ne animæ detrimentum patiatur. Quid ni idem de sua Ecclesia dicat Calvinismus, &c.

VII. (r) *Molinismus implacabili odio fertur in Jansenium Episcopum; quia ejus errores, & praxes laxas detexit Jansenius. Criminatur istius Episcopi doctrinam ut nefandissimam hæresim, quæ scilicet juxta hunc Authorem indignior contumelia est, quàm quæ à Jansenistis jactatur adversus hodiernos Belgii Episcopos, & Vicarios Catholicos.*

Quid ergo tandem Jansenistis opus est, ut credant in famoso Jansenii volumine hæreses contineri? Si requirant autoritatem Concilii respondet S. Augustinus (s) *An verò congregatione Synodi opus erat ut aperta perniciēs damnaretur? quasi nulla hæresis aliquando nisi Synodi Congregatione damnata sit: cum potius rarissimæ inveniantur, propter quas damnandas necessitas talis extiterit.* Catholicis omnibus etiam Gallis sufficit constitutio Pontificia admissa ab Ecclesia, ut admissæ sunt constitutiones contra Jansenium. Frustra etiam Concilium quantumcumque œcumenicum celebretur ad Jansenistas convertendos cum declarent (t) *ne Ecclesiam quidem universam infallibilem esse in definiendo quisnam sit verus & naturalis sensus propositionis. Hæc enim cognitio pendet ex inquisitione humanâ, atque etiam ex intelligentiâ præceptorum Grammaticæ ac Theologiæ: & (u) quoniam Ecclesia constat ex hominibus qui falli possunt.* Nihil hac totâ ratiocinatione opportunius est ad hæresim quamlibet resuscitandam, atque aded ad omnem evertendam religionem.

(r) Ibid. gradu 7. (s) Lib. 4. contra duas Epistolas Pelag. cap. 12. (t) Liberius Hennebel recentissimè in manuscriptis Romæ. (u) Supplicatio altera p. 10.

CONFIRMATIO UTRIVSQUE TABULÆ.

Judicium non temerarium de Jansenismo, de modo eum propagandi, & de personis respectivæ.

JUDICIUM I. Urbani VIII. Pontificis (a) *compertum est multas ex propositionibus à Prædecessoribus nostris olim damnatis contineri & magno cum Catholicorum scandalo, & auctoritatis Apostolicæ Sedis contemptu contra præfatas damnationes & prohibitiones defendi, & quidem malo in scandalum totius Reipublicæ Christianæ, & fidei Catholicæ perniciem vertenti. Quàm hæc consona sunt titulo Tabulæ utriusque!*

R r 2

JUD.

(a) Bullâ IN EMINENTI 1641. pridie Nonas Martii.

JUD. II. Julii Cardinalis Mazarini, sex Archi-Episcoporum, & plus quam triginta Episcoporum Gallix: (b) quod palàm obtinere non poterat dissidiorum Author, nempe ut à debita Sedi Apostolicæ reverentia per apertum Constitutioni editæ contemptum recederetur, callidis molitionibus ad simplicium incautorum mentes subvertendas aggredi tentavit.

JUD. III. Eorundem (c) Clerici numero pauci contentiones recenter excitarunt. E veteri fidei deposito, cujus custodia Cathedrae Petri à Christo concredita est, partem adimere tentant.

JUD. IV. Eorundem (d) quinque propositiones decreto illo proscriptas damnare se quoque iidem Clerici Janseniani profitentur; sed alio planè sensu, quàm qui à Jansenio traditus, & explicatus est, ad quem propositiones illas nullatenus pertinere constantissimè asserunt. Hæc arte restaurandis Disputationibus iisdem sibi locum apertum relinquere parant, & redivivæ litis prolixam materiam.

JUD. V. Alex. VII. (e) Jansenii hæresim in Galliis præsertim serpentem ab Innocentio X. ferè oppressam ad instar colubri tortuosi, cujus caput attritum est in varios gyros; & cavillationum defluxus euntem singulari Constitutione extinguere conati fuimus, sed nondum plenè consequi potuimus, ut omnes errantes in viam salutis redirent.

JUD. VI. Archi-Episcoporum, Episcoporum, Abbatum, &c. circiter septuaginta (f) priorem curam de profligando Calvinismo, excepit alia illi germana ob erroris Societatem, de profligandâ Jansenianâ doctrinâ. Iisdem artibus grassantur novæ sectæ discipuli, quibus olim Pelagius, & Cælestius.

JUD. VII. Eorundem (g) obviam eundum est eorum CALIDITATIBUS quibus incautorum & simplicium animis ILLUDUNT, ac si Augustinum assererent ipsi, à cujus tamen sententia PERTINACITER discedunt.

JUD. VIII. Alexandri VII. Pontificis (h) qui propositiones quinque ab Innocentio X. damnatas non reperiri in libro Jansenii, sed fictæ, & pro arbitrio compositas esse, vel non in sensu ab eodem intento damnatas fuisse, asserere magno cum Christi Fidelium scandalo non reformidant, sunt FILII INIQUITATIS & (i) PUBLICÆ TRANQUILLITATIS PERTURBATORES. JUD.

(b) In Epistola Parisiis datâ ad Innocentium X. 1654. 28. Martii. (c) Ibid. (d) Ib. (e) Alexander VII. in Bulla REGIMINIS APOSTOLICI. (f) In Epistola data Parisiis ad Alexandrum VII. 1656. 2. Septemb. (g) Ibid. (h) In Constitutione AD SACRAM 1656. 17. Kal. Novemb. (i) Ibid.

JUD. IX. Eminentissimi Cardinalis de Aguirre (k) *Sine IN-
GENTI TEMERITATE, & SUPERBIA negari non potuit à tempore
ipso decreti Innocentii X. aut propositiones illas extare in Jansenio,
aut damnatas fuisse juxta sensum ab ipso intentum. Propterea
enim Alexander alterutrum in iis, aut utrumque effutientes non du-
bitat appellare FILIOS INIQUITATIS. Si autem ante Diploma Ale-
xandri extiterint digni eâ infamæ appellatione, quanto magis post illud?*

JUD. X. Alexandri VII. Pontificis (l) *Non minus TEMERA-
RIA quàm MENDACI narratione profertur, tempore Innocentii X.
non aliud actum fuisse quàm inquisitum, an propositiones illæ 5. de
gratia veræ, & Catholicæ, an potius falsæ & hæreticæ censende
forent, & quod eo tempore habita cognitio non fuerit quod è Jan-
senii libro extractæ essent, & in sensu ab eodem Jansenio intellecto
damnatæ, quod cum ADEO FALSUM PATENSQUE MENDACIUM
in re tali asserere minimè veriti sitis, UBIQUE MALORUM ZIZA-
NIORUM in agro Dominico SEMINATORES, ECCLESIAE CATHO-
LICÆ PERTURBATORES, & quod IN VOBIS EST AUTHORES
TURPISSIMI SCHISMATIS esse deprehendimini. PROTERVIA in
vobis dignoscitur, CAVILLATIONIBUS SUBDOLIS, ET CIRCVI-
TIBUS obviam eundi Ecclesiæ definitionibus.*

Si superiora judicia parvi pendent Jansenistæ, saltem recusare
non possunt illud Octavii de Bellegarde Archi-Episcopi Senonen-
sis, qui & Arnaldi librum de frequenti Communione approba-
verat, & Jansenistis usus fuerat satis familiariter. Morti proxi-
mus vocari ad se jubet D. Baronem de Renty non minùs pietatè
& cæteris virtutibus quàm sanguine illustrem, ut videre est in
ejus vitâ typis editâ. Testatur autem prædictus Baro hæc sibi
verba ab Archi-Episcopo instante morte dictata esse, deferenda
ad Nuntium Apostolicum.

JUD. XI. Octavii de Bellegarde Archi-Episcopi Senonensis:
*Inculcari debet Sanctissimo Domino ne quidquam agat quo videatur
approbare personas aut machinationes istorum Novatorum. Illos non
probo propter singularitatem affectatam, quam in iis semper anim-
adverti, uti & superbiam, præsumptionem spiritûs, contemptum
aliorum, & curam celandi suam mentem eos, quos non habent pla-
nè sibi devotos. Teneor credere totam hanc factionem esse suspectam
Ecclesiæ, quia vidi eam initium ducere ab illusione . . . quidam ex eo-
rum*

R r 3

rum

(k) In defensione Cathedralis S. Petri Disp. 20. sect. 2. (l) In Brevi ad Vicari-
Cardinalis de Rets Archi-Episcopi Parisiensis 1661. 1. Augusti.

rum Amicis mihi dixit, quod ubi approbati, & stabiliti fuerint, velint tollere Confessionem peccatorum venialium... Videri volunt magni defensores Hierarchiæ Ecclesiasticæ per Petrum Aurelium in sermonibus publicis, sed Hierarchiæ reverà maxime contrarii sunt: decipiunt vanâ specie ut postmodum disseminent quod modò occultant.

Quid si Pontifices, Cardinales, Episcopi illi vidissent hodiernos Jansenistarum libellos, an non eorum Authores gravius etiam perstrinxissent? quid censuissent de eo, qui Michaellem Molinos, filium perditionis ab Innocentio XI. declaratum, nihilominus pertinaciter defendit? (m)

(m) Eugenius de Gelder Vide in Gradu VIII. Pertinaciam XVIII.

RESPONSIO AD EA QUÆ OBJECTA SUNT PRIMÆ TABULÆ.

Resp. I. Ab adversariis hætenus non ostenditur, quod ullum Autorem citando perperam accusaverim. II. Falsum est quod ullum libellum adduxerim tamquam Jansenistarum, qui à me vel aliquo Anti-Jansenista sit compositus; unum Jansenistæ designent. III. Falsissimum est quod tres primas citationes Gradûs VI. excerpterim ex libello Anti-Janseniano *Historiæ Jansenii & Sancyrani*, sed ex fidelibus manuscriptis, quæ in meo & pluribus Archivis Parisiis, Lovanii, Antverpiæ, &c. extiterunt diu ante scriptionem istius historiæ, neque libellum illum vidit, neque videre potuit Jacobus de Monbron, quando manuscriptum idem citavit fidelissimè in sua Disquisitione Historico-Theologica. IV. Non scrutor intentiones Jansenistarum, nisi prout in scriptis & dictis eorum satis manifestè se produnt. Sic judicare de intentione me docuit Ecclesia locis allegatis in Confirmatione. V. Nusquam conclusiones ex verbis adversariorum deductas ipsis impono tanquam formales ipsorum assertiones. In eo autem quod ex allatis fideliter Jansenistarum sententiis absurdissima quædam spon te suâ fluere demonstrum, nihil infidelitatis est, nihil à receptissimo SS. Patrum & quorumcumque cum hæreticis decertantium usu alienum. VI. Ineptissimus defensionis modus est accusare paris criminis Molinistas; nam proprium crimen alieno non eluitur, ut habetur *lege 2. & notatis ibid. ff. de privatis delictis*. Si eadem, aut paria unquam crimina in Molinismo deregantur, hunc pariter detestabilem profitebor. Hæc pro veritate, & æquitate. Molina discipulus non sum; sed SS. Augustini & Thomæ, præcipuè autem JESU-CHRISTI.

MONITA SALUTARIA
B. V. MARIÆ
AD CULTORES SUOS
INDISCRETOS.

Leodii apud Nicol. de la Rache A. 1674.

§. I.

B. Virgo respuit impœnitentium cultum.

EGO MATER PULCHRÆ DILECTIONIS.

Eccl. 24.

1. **N**ON est pulchra aut speciosa laus in ore peccatoris: Ibid. 15.
Non est pulchra dilectio in corde subdito peccatis. v. 9.
Frustrâ me diligunt qui in peccatis perseverant: qui enim Sap. 1.
Deo non placent, nec mihi placent. v. 4.

Ego quos amatores volo, imitatores cupio.

Noli me putare *refugium peccatorum* impœnitentium. Si
me amas, fac quod maximè desidero; nimirum, diliges Deut. 6.
Dominum Deum tuum, ex toto corde tuo, & ex totâ ani- v. 5.
mâ tuâ, & ex totâ fortitudine tuâ.

2. Nolite credere omni Spiritui, sed probate Spiritus, si 1. Joan.
ex Deo sint. 4. v. 1.

Ne itaque facilè recipiatis omnes & quasvis historiunculas quæ de meis apparitionibus, aut revelationibus, aut beneficiis & privilegiis promiscuè circumferuntur.

Ne fitis ex numero illorum qui à veritate auditum aver- 2. Tim.
tunt, ad fabulas autem convertuntur. 4. v. 4.

Nemo igitur vestrum confidat me cultores meos ex inferno ad poenitentiam revocare, aut propter aridas aliquas devotiunculas in iudicio defendere.

Rr 4

§. II.

§. II.

*B. Virgo non patitur se amari nisi Deus ametur
super omnia.*

EGO MATER PULCHRÆ DILECTIONIS.

1. **N**ON est pulchra dilectio mei, absque charitate Dei, qui creavit me. Ne credas te propter aliquem cultum quem mihi exhibes, si charitatem non habeas, prædestinatum esse. *Sola dilectio discernit inter Filios Dei, & Filios Diaboli.* Qui prædestinantur ad hoc prædestinantur ut *conformes fiant imagini Filii Dei.* Qui autem *sunt Christi, carnem suam crucifixerunt cum vitiis & concupiscentiis.* Qui ergo carnem suam non crucifigunt, non ad *Christum*, ac per consequens nec ad me spectant; quamvis multis me prosequantur officiis.

2. Non est privilegium ullum peccatori impoenitenti concessum, ut æternum non patiatur incendium, quantumvis me colere præsumpserit: *nisi enim pœnitentiam habueritis, omnes similiter peribitis*, sive Cultores mei, sive non.

Non est enim auditum à sæculo, ut qui seriam pœnitentiam neglexerit, per me liberatus fuerit. Nec quidquam juvabunt eum formulæ & precatiunculæ, quas recitaverit, aut signa & instrumenta pietatis quæ gestaverit, nec Confraternitates aut Sodalitates quibus nomen dederit.

Cavete à laqueo diaboli, qui sub prætextu facilis & commodæ pietatis externæ, securitatem peccantibus suadet, ut differant pœnitentiam, & mortificationem carnis negligant; præsumentes de divinâ misericordia, & mea intercessione illis non defuturâ.

Procul à me sit, ut ego hos degeneres meos Cultores in iudicio defendam: accusabo ego eos potius ob injuriam mihi illatam, quod me jactent patronam injustæ & impiæ causæ suæ, & fautricem impœnitentiæ. Nec enim putandum est, quod ego compatiar, aut collachrimar illis qui

qui à Filio meo damnantur. Voluntas ipsius, voluntas mea est. Justam ipsius sententiam ego approbo, & cum *Proverb.* illo ridebo in interitu ipsorum, & subsannabo eos qui in-^{1. 26.} nixi fuerint baculo arundineo, putantes quod pietas externa sufficiat. Merito de illis dicit Iudex: *Me dereliquerunt fontem aquæ vivæ, & foderunt sibi cisternas dissipatas, quæ continere non valent aquas.* *Jerem. 2. v. 13.*

3. Dictum est vobis à Filio meo, *Non omnis qui dicit mibi, Domine, Domine, intrabit in regnum Cælorum; sed qui facit voluntatem Patris mei, qui in cælis est.* Numquid putatis quod amplius proderit ei, si dixerit mihi, *Domina, Domina?* absit ut ista credatis. Licet enim quis *1. Cor. 1. v. 13.* linguis hominum loquatur aut Angelorum, si charitatem non habuerit, factus est velut æs sonans, aut cymbalum tinniens. Proinde quamvis inter Angelos meas laudes decantares, *si charitatem non habueris, nihil es,* *Ibid. v. 2.*

§. III.

B. Virgo nihil sibi vult tribui nisi dependenter à Deo.

EGO MATER PULCHRÆ DILECTIONIS.

1. **N**ON est pulchra dilectio, vel laus quæ Deo non tribuit omnia.

Illi soli debetur omnis laus, honor, & gloria. Ego non *1. Tim. 1. v. 17.* quæro gloriam meam; sed gloriam ejus qui creavit, & redemit me. *Joan. 8. v. 50.*

Laus quæ mihi defertur, si non redundet primo & principaliter in Deum, qui dedit mihi omnia quæ habeo, non est laus mea, sed vituperium. *S. Augus. de vera Relig. c. 55.*

Laus quæ mihi defertur ut mihi, vana est: quæ vero mihi defertur ut Matri, & Ancillæ Domini, sancta est.

Ego enim ante pedes Agni mitto coronam meam, quamvis sit pretiosissima inter omnes alias, sciens quod à me nihil sum. Ego enim *Apoc. 4. v. 10.* *Conserva vestra sum.* *Ibid. 22. v. 9.*

Cum itaque me laudas, præcipue Deum mecum lauda,

Luce 1. & magnifica, quia respexit humilitatem ancillæ suæ; & fecit
48. & 49. est mihi magna qui potens est.

Si me invocas, ad hoc invoca, ut defectum & imbecillitatem tuam suppleam precibus meis ad Deum.

2. Noli cor tuum dividere ut me præter Deum, & non propter Deum ames.

Nolo ego quidquam Deo subtrahere, vel cum Deo dividere.

Deus infinitus est, & infinitè amandus; omnem tuum exostulans & absorbens amorem.

Noli me colere ac si non sufficeret tibi Deus. Absit à te ista cogitatio.

Si Deum habes, nullo alio indiges, & in Deo habes omnia.

Si me habere posses sine Deo, nihil tibi prodesset, & nihil haberes.

Noli dicere, quod, si me non haberes, desperares. Confide Christo qui neminem desperare sinir.

3. Nolite me colere ac si non daretur aditus ad Deum per Christum, sine me.

Tim. 2. Unus enim est Deus, unus & mediator Dei & hominum
v. 5. Christus Jesus.

1. Joan. Advocatum habetis apud Patrem, Jesum Christum qui
2. v. 1. interpellat pro vobis.

Rom. 8. Ipse est ostium, ipse est via, veritas & vita. Nemo ve-
n. 34. nit ad Patrem, nisi per ipsum.

Joan. 10. Ipsi data est omnis potestas in cælo & in terrâ, non mihi.

v. 7. & c. Non est in alio aliquo salus, nec enim aliud nomen est sub
14. v. 6. cælo datum hominibus, in quo oporteat vos salvos fieri,
Mat. 28. v. 18. quam nomen Jesu Christi filii mei.

Act. 4. v. Ipse est Alpha & Omega, principium & finis. Omnia &
12. in omnibus Christus.

Apoc. 1. v. 8. Noli me colere quasi Deam subalternam.

Col. 3. v. 11. 4. Qui me Mediatricem vel Advocatam dicunt, non eo sensu dicant, quo Filius meus propriè est Mediator & Advocatus.

Ille novi testamenti mediator est.

Heb. 9. v. 15. Ille propriis meritis Deum placavit, ille solus pacem fecit inter Deum & homines.

Col. 1. v. 20.

Ille

Ille *Torcular calcavit solus*, & de gentibus non erat quisquam cum eo. Isaia 63.
v. 3.

Nemo itaque mihi hæc tribuat. Ego enim non placui Altissimo, nisi in *Christo*, & per *Christum*, Salvatorem & Redemptorem meum.

Numquid ego crucifixus sum pro vobis, aut in nomine meo baptizati estis? 1. Cor. 1.
v. 13.

5. Si me amas & colis ut patronam tuam apud Deum, bene facis; multum enim valent preces meæ. Cavendum tamen ne per hyperbolem vel zelum immoderatum mihi quidquam tribuas, quod Deo soli debetur, vel *Christo*.

Deus enim *Zelotes* est, qui gloriam suam alteri non dat, nec dari sinat. Cave ne quidquam Deo detraxeris, ut me honores, sicut *Colliridiani*. Exod. 2.
v. 5.
Isai. 42.
v. 8.
S. Epiph.

Ne itaque dixeris, me esse *omnipotentem*, ne me vocaveris *Salvatricem*, aut *Corredemptricem*. Absit ut dicas Deum non potuisse aut posse excellentiorem me Creaturam facere. Potentia Dei non exhauritur.

Noli dicere quod à tribunali divino ad meum appellari possit: aut me cum Filio meo divisum habere imperium.

Recedant ab ore vestro omnes istiusmodi laudes, cum glossis quibus futiliter excusantur.

Nolo ego ista excessiva encomia, vel vanas adulationes.

Simplex sit mea laus & sobria, non ambigua, non excessiva, non hyperbolica.

Noli simplices & rudes in errorem ducere, aut devios ab Ecclesia scandalizare, & in errore confirmare; aut Ecclesiæ infamiam aspergere, ac si me coleret instar Dei. Nec te moveant hyperbolicae aut anomalæ phrasæ & locutiones quorundam sanctorum, quæ non sunt promiscuè usurpandæ, nec sine prudentia & circumspectione proferendæ, multo minus ampliandæ vel extendendæ.

6. Nolite me in parallelo ponere cum Deo, vel *Christo*.

Procul à vobis sint omnes comparationes finiti ad infinitum.

Ego sum *Stella matutina*, sed cum *Sole Justitiæ* nullatenus comparanda.

Ego *Templum Dei*, ego *Thronus*, ego *Domus*. Sed major

Matth. 23. v. 17. jor est templo, *qui habitat in eo*. Major est throno, qui
& seq. sedet super eum : Major est domo, *qui fabricavit il-*
Heb. 3. lam.

v. 3. Omnis Creatura, quantumcumque excellens, Deo comparata nihil est. Quid ergo comparas nihilum ad Majestatem infinitam.

7. Noli dicere quod *Christus* sit Judex severus, Ego verò Mater misericordiæ. Quod sibi reservavit *Justitiam*, mihi commiserit *Misericordiam*. Deus ens simplicissimum est, & indivisibile.

Ego non habeo misericordiam nisi ab illo, & juxtâ ejus beneplacitum.

8. Ille est fons omnis misericordiæ & gratiæ, qui non potest exhaustiri.

Lucæ 15. Ille recipit peccatores, & manducat cum illis.

v. 2. Ille venit quærere & salvum facere quod perierat.

Cap. 19. Ille tibi in hac vita non est Judex severus, non enim ve-
v. 10. nit ut judicet mundum, sed ut salvetur mundus per ip-
Joan. 3. sum.
v. 17.

Matth. 11. v. 28. Ille invitat omnes qui laborant & onerati sunt, ut illos reficiat.

Phil. 2. Ille frater tuus factus est. Ille cum esset in formâ Dei,
v. 7. exinaniuit semetipsum formam servi accipiens: nimirum è summo fastigio ad infimam crucis ignominiam se dimisit.

Joan. 12. v. 34. Exaltatus est à terrâ, ut omnia traheret ad se, nec esset qui præ verecundia se absconderet ab humilitate & benignitate ejus, aut accedere detrectaret.

Hebr. 4. v. 16. Accedite itaque cum fiducia ad thronum gratiæ, nec quidquam vos ab illo deterreat. Si trepidatis, ducam vos ad illum, & pro vobis orabo: sed nolo ut in me hæreatis.

9. Nolite me teneriùs aut sensibiliùs amare, quam Deum.

Nolite plus fiduciæ in me collocare, quam in Deo.

Nolite plus temporis aut precum mihi quam Deo impendere: absint ista à meis Cultoribus.

Deus sit vobis omnia in omnibus.

Quidquid amando vel orando potestis, præcipuè Deo impen-

impendite , ad quem amandum super omnia creati estis.

Ego non sum finis ; sed medium precum vestrarum , & amoris vestri ; cui medio non nimium est inhærendum , sed ad Deum properandum.

§. IV.

B. Virgo à se cultum latræ amovet ipsamque detestatur.

EGO MATER PULCHRÆ DILECTIONIS.

Pulchra dilectio filiorum est , non *mancipiorum*. Non ergo te dixeris meum *Mancipium*. Soli Conditori Deo , & Redemptori Christo homines mancipantur. An nescitis quia potestas dominica jus vitæ & necis habet in mancipia , omnem illis tollens libertatem & proprietatem ? Hoc soli Deo competit.

Pretio empti estis , Sanguinis Filii Dei , nolite fieri *servi hominum*. *Liberi estis* , quâ libertate Christus vos liberavit.

Si ergo reverâ non estis mea mancipia , quorsum servilibus titulis & signis hoc ostentatis ? In amibus & aulicis submillionibus mundus gaudet , non Ego.

Me & Sanctos oportet colere cultu *Dulæ* , sive *dilectionis & Societatis*. Solum Deum verò cultu *latræ* , quæ est quædam divinitati propriè debita servitus.

Attende ne *dulia* tua degeneret in adulterinam *Latræ* , & impingas in *Præceptum divinum*.

Dominum Deum tuum adorabis , & illi soli servies.

Math. 4.
v. 10.

§. V.

B. Virgo statuarum suarum ornamenta damnat, ubi pauperum cura, & Eucharistia cultus negligitur.

EGO MATER PULCHRÆ DILECTIONIS.

Pulchra dilectio, bene ordinata est.

Ne itaque putetis me rectè diligi, si statuarum pretiosis vestibus & monilibus fulgeant, *Christus* verò in pauperibus egeat, aut fame vel frigore pereat.

S. Crysol. *Pro eo enim quod Ecclesias non ornavit, nemo unquam*
hom. 1. *accusatus fuit: pro eo autem quod pauperum non sit miser-*
in Matth. *tus, gehennæ & ignis inextinguibilis minæ sunt intenta-*
tæ.

Bernard. *O vanitas vanitatum! Sed non vanior quam insa-*
Apol. ad *nior. Fulget Ecclesia in parietibus (& Imaginibus*
Guill. *meis) & eget in pauperibus. Suos lapides induit auro, &*
Abbat. *suos filios nudos deserit.*

Hæc dico, non quod vetare velim talium vasorum (& ornamentorum) oblationem; sed quia dignum putem ante

S. Chryf. *omnia benignitati & misericordiæ esse incumbendum.*
ubi supra

Quod si quid igitur in Ecclesiæ decorem, ubi necesse est, conferre velitis, laudo. Sed cupio ut prius curetis vestire *Christum* in pauperibus: deinde eundem decenter ornare satagite in tremendis Misteriis sacri *Corporis* ejus, quod in Ecclesia asservatur.

Illuc ante omnia venerationem, & oblationes vestras deferre.

Heb. 1. *Curam potius habere de Christo, qui est splendor Glo-*
Col. 1. *riæ, & viva Imago Dei invisibilis; quam de mortua ima-*
v. 15. *gine Creaturæ. An putatis mihi placere quod splendeant*
luminaribus Imagines meæ, dum juxta illas squalent recep-
tracula Corporis filii mei? Cavete etiam ne in istis orna-
mentis, & donariis vestris, magis inveniatur voluntas
11. 58. 3. *vestra, quam honor Dei, & amor mei.*

§. VI.

B. Virgo carpit eos qui imaginibus etiam quas Deus miraculis cohonestavit, & piis locis ad superstitionem abutuntur.

EGO MATER PULCHRÆ DILECTIONIS.

NON est pulchra dilectio Creaturæ irrationalis. Nolite sicut gentes ponere fiduciam in statuis vel imaginibus meis, quamvis miraculosæ sint; nulla enim illis inest virtus. Lapidēs, & ligna, imagines & signa sunt, *similes* Concil. Trident. sess 25. c. 2. Psalm. 113. v. 16. *fiant illis omnes qui confidunt in eis.* Nolite existimare me fuscā aut nigram; aut quidquam momenti in colore situm esse.

Ne arbitremini me aliam esse hic, aliam ibi; aliam in Monte Serrato, aliam in Monte Acuto: Eadem sum semper. Nolite contendere pro hac vel illa figurā, pro hoc vel illo loco. Solus Deus novit cur in uno loco signa plura fiant, quā in alio. Quæ verò fiunt, Deo potius tribuenda, quam mihi. Ille enim est *qui facit mirabilia magna solus.* Psalm. 125. v. 4.

Illi itaque gratia est habenda, *non enim qui plantat est aliquid, neque qui rigat, sed qui incrementum dat Deus.* 1. Cor. 3. v. 6.

Ille glorificandus est *qui talem potestatem dedit hominibus.* Matth. 9. v. 8.

§. VII.

B. Virgo prohibet se ad invidiam honorari.

EGO MATER PULCHRÆ DILECTIONIS.

NON est pulchra dilectio quæ est contentiosa. Nolite 2. Tim. 2. 14. *contendere verbis & invicem mordere circa meas doctes & prærogativas: ad nihil enim illud utile est, nisi ad subversionem audientium.* Gal. 5. 15. 2. Tim. 2. v. 14. Ut quid enim præsumitis decernere, quod Deus non revelavit, & Ecclesia non definivit.

Recte

1b. v. 15. *Recte tractate verbum veritatis, profana autem & vanilo-
quia devitate.*

1. Cor. 2. *Beatus ille qui cum Apostolo se nihil judicat scire, quam*
v. 2. *Jesum Christum & hunc crucifixum. Quique familiarem*
1. Tim. 1. *habuerit ejusdem formulam: Regi sæculorum immortalī,*
v. 17. *invisibili, soli Deo honor & Gloria. Amen.*

VOX CULTORIS MARIANI AD B. V.

SANCTA MARIA Mater Dei invoco te, & rogo, ut tuis precibus suppleas erga omnipotentem Deum, quidquid mea non potest imbecillitas, & ut à dilecto Filio tuo mihi gratiam impetres, ut Deum Patrem, fontem & datorem omnis boni, & JESUM CHRISTUM Filium ejus, Mediatorem nostrum cognoscam, amem, eique toto corde serviam. Hoc tuum unicum esse desiderium scio, quæ non quæris quidquam aliud, quam ut in omnibus glorificetur Deus per CHRISTUM Dominum nostrum. Amen.



J. CHRISTI MONITA
M A X I M E
S A L U T A R I A
D E
C U L T U

Dilectissimæ Matri M A R I Æ
debitè exhibendo.

*Qui dignè coluerit eam, justificabitur; qui au-
tem neglexerit eam, morietur in peccatis suis.*
S. Bonav. Psal. 116.

DUACI, Typis Mariæ Serrurier. A. 1674.

IN HIS MONITIS
REFERUNTUR

SACRA CONCILIA | REVELATIONES

Basilænsæ.
Nicenumi.

S. Birgittæ
S. Catharinæ Senensis.

S. S. PATRES ET ECCLESIAE DD.

Augustinus.	Gregorius Nicomediensis.
Anselmus.	Hippolitus.
Andreas Cretenfis.	Hugo de S. Victore.
Arnoldus Carnotensis.	Ioannes Damascenus.
Bernardus.	Ildefonsus.
Bonaventura.	Petrus Damianus.
Dionysius Carthus.	Richardus à S. Laurentio.
Ephrem.	Richardus à S. Victore.
Epiphanius.	Rupertus.
Germanus.	Sophronius.
Gregorius Magnus.	Thomas Aquinas.

CONDEMNANTUR HÆRETICI.

Brentius.	Lutherus.
Bullingerus.	Melanthon.
Calvinus.	Nicolaus Selnecerus.
Heerbrandus.	Aliique similes.

CHRISTUS.

Fili, Ecce Mater tua. Joan. 18.

1. **M**ater pulchræ dilectionis; Eccl. 24. accipe eam in tuam, quam tibi in cruce moriens donavi. Illam dilige, (a) in cuius manibus reposita est salus tua. Illam invoca, & (b) pervenies ad regnum meum. (c) Quibus enim auxiliata fuerit, erit refrigerium pacis, & à quibus averterit vultum suum, non erit eis spes ad salutem.

PECCATOR.

An ergo pulchra, aut speciosa laus in ore peccatoris? an pulchra dilectio in corde subdito peccatis?

CHRI-

(a) Bonav. in Cant. Domina audivi. (b) Idem Ps. 86. (c) Idem Ps. 91.

CHRISTUS.

Quin immò, ut *speciosa sit laus tua*, ut *pulchra dilectio*, accede ad *Matrem pulchræ dilectionis*, ô peccator: illam ora, quæ est (d) *singulare peccatorum refugium*, (e) *peccatorum refugium* atque *diversorium*, ipsaque (f) *civitas omnibus confugientibus ad illam*. Ad hanc advola, ut reperiās (g) *tux reconciliationis effcinam*.

Nec timeas, licet tibi videaris impœnitens: (h) *est enim spes desperantium*, (i) *in qua inveniunt*, non solum *captivus redemptionem*, *ezer curationem*, *tristis consolationem*, *justus gratiam*, sed & *peccator veniam*. Accurrens igitur cum fiducia, dic confidenter cum Plalte Regio: (k) *Sicut letantium omnium habitatio est in te*.

2. Et, si dubites, Fili, an *Spiritus hic ex Deo sit*, audi Dilectum meum Bernardum: (l) *sic est voluntas Dei, qui totum nos habere voluit per Mariam*. Audi Germanum: (m) *Nemo est, qui salvus fiat, ô sanctissima, nisi per te: nemo est, qui liberetur à malis, nisi per te*: Audi & quid olim revelaverim Filix meæ Birgittæ: (n) *Quòd nisi preces Matris meæ intervenirent, non esset spes misericordiæ*. Neque hoc mirèris: quoniam (o) *accedit ante aureum humanæ reconciliationis altare, non solum rogans, sed imperans; Domina, non ancilla*: Et quomodo potentix ejus obviare poterit potestas illa, quæ de ejus carne carnis suscepit originem? si igitur ego (p) *à Patre meo exauditus sum pro meâ reverentiâ*, ratione filiationis: an non & Maria exaudienda est pro sua reverentia, ratione maternitatis? his itaque crede, Fili, nec ideo eris ex numero illorum, qui à veritate auditum averrunt, ad fabulas autem convertuntur: sed potiùs eorum, qui (q) *viam veritatis elegerunt, & judicia mea non sunt obliti*.

(d) Carth. l. 2. de laud. V. art. 23. (e) Ephrem. ser. de laud. V. (f) Damasc. or. 2. de dormit. (g) Andreas Cret. or. 3. de dorm. (h) Ephrem supra. (i) Bern. serm. in fig. mag. (k) Pl. 86. (l) De aqueductu. (m) Hom. de nonâ. (n) Lib. 6. rev. cap. 26. (o) Damian. ser. 1. de Navv. V. (p) Hebr. 5. (q) Pl. 118.

CHRISTUS.

Fili , Ecce Mater tua.

3. **M**ater pulchræ dilectionis. (a) Illam honora , & invenies vitam , & salutem perpetuam. (b) Beati enim , qui devotè ei famulantur. Illam dilige , (c) quæ diligentes se deligit.

PECCATOR.

An pulchra dilectio Matris absque charitate Dei , qui creavit illam ?

CHRISTUS.

Sicut (d) una est Mariæ & Christi caro , ita unus Spiritus , una charitas : Si igitur per affectum accedis ad Matrem , per eundem accedis ad Filium : si glorificas Matrem , glorificas & Filium , quia (e) Filii gloria cum matre non tam communis est quàm eadem : cum (f) individua sit utriusque gloria , & commune commercium : (g) matrisque honor & gloria , laus & gratiarum actio redemptoris. Matrem itaque dilige , & diliges Filium : Matrem cole , & coles Filium : (h) nulli enim dubium , quin totum ad gloriam laudis Dei pertineat , quidquid dignè Genitrici suæ impensum fuerit , ac solemniter attributum.

PECCATOR.

4. At , quid juvabit me cultorem esse Matris , si poenitentiam prius non egero ? dixisti enim : *Nisi poenitentiam habueritis , omnes similiter peribitis.* An auditum à sæculo , ut qui seriam poenitentiam neglexerit , per Matrem tuam liberatus fuerit ? An quidquam juvare poterunt formulæ , & precatiunculæ , quas recitavero ; aut signa & instrumenta pietatis quæ gestavero ; aut Confraternitates Sodalitatesve , quibus nomen dederò ? Numquid ,

(a) Bonav. Ps. 48. (b) Idem Ps. 118. (c) Idiot. in prol. contempl. de B. V. M. (d) Arnold. Carnor. de laud. V. (e) Idem. (f) Idem. (g) Hildefont. l. de Virginit. S. M. c. 12. scr. 3. de ass. (h) Sophron. scr. de ass. B. M. apud Hieron. tc. 4. aliàs 9.

quid, si me prius ad te non convertero, exprobrabis mihi, quod olim per Prophetam: *Me dereliquerunt fontem aquæ vivæ, & foderunt sibi cisternas dissipatas, quæ continere non valent aquas?*

CHRISTUS.

Plurimum enimverò juvabit te esse cultorem Matris meæ: illa enim (b) gratiarum thesauraria (i) omnisque sanctitatis sanctissimus thesaurus, (k) ac laborantium propitiatorium, (l) non solum supplicantes exaudit: sed ut ex suâ clementiâ consuevit, etiâ supplicare volentium preces prævenit: ita ut (m) velocior sit nonnumquam salus memorato Nomine ejus, quàm invocato Nomine meo.

Si quæras; (n) quare propitior salus in recordatione ejus, quàm Filii sui sæpè percipitur: Respondebit tibi amantissimus noster Anselmus: illum audi: (o) Filius ejus Dominus est, & judex omnium, discernens merita singulorum. Dum igitur ipse à quovis suo nomine invocatus non statim exaudit, profectò id justè facit. Invocato autem nomine Matris, etsi merita invocantis non merentur ut exaudiatur; merita tamen Matris intercedunt ut exaudiatur.

Ad illam igitur festina, quæ (p) hanc in oculis meis gratiam invenit, ut animas à messoribus, hoc est, Doctoribus & Rectoribus tanquam incorrigibiles relictas, colligere ad misericordiam & veniam possit.

Festina, (q) Injice pedem tuum in compedes illius, & in torques illius collum tuum. Subjice humerum tuum, & porta illam, & ne acedieris vinculis ejus. Illius cultui te totum devove.

5. Nec te pudeat mancipium esse tantæ Matris, (r) cui Filius res omnes conditas in servitutem addixit. (s) Summus honor, summa gloria, & summa utilitas est servire Mariæ, & de ejus esse familiâ: etenim ei servire regnare est. . . . & ejus agi frenis summa libertas. . . . Gens & regnum quod non servierit illi, peribit, & gentes solitudine vastabuntur: solitudine inquam; quia destitutæ tantæ Matris auxilio, destituuntur auxilio Filii, & totius curiæ cælestis.

S s 3

Obse-

(b) Idit. supera. (i) Andr. Cret. supra. (k) Ephrem. sup. (l) Conc. basilæ in instit. festi. visitat. (m) Ansel. de exc. v. c. 6. (n) Idem. (o) Idem. (p) Bonav. in spec. c. 5. (q) Eccles. 6. (r) Damasc. or. 2. de ass. (s) Richard. à S. Laur. de laud. v. par. 1. rat. 16. & 19.

(t) *Obsecra* igitur *illam*, ut te in *servum* perpetuum suscipiat: (u) *servus* quippe *Mariæ* si ceciderit, non collidetur; quia *domina* misericorditer supponit manum suam. *Illam* (w) in *Dominam*, *Patronam*, & *Advocatam* elige, firmiterque statue, ac propone, te nunquam *illam* derelicturum, neque contra *illam* aliquid unquam dicturum aut facturum, neque permissurum, ut à tuis subditis aliquid contra *eius* honorem unquam agatur: hoc fac & vives. (x) *Ne* acedieris *vinculis* *ejus*, subjice *humerum* tuum, & porta *illam*: ne despectes servare *leges*, quas tibi præscribunt (y) *Sodalitia* in *eius* honorem piè admodum, utiliterque erecta, ac instituta, & à me per *Vicarios* meos approbata, tamquam securissima ad salutem media.

Si peccatorum funibus te circumplexum sentias, carnisque stimulis angaris; cinge lumbos tuos sacro *Francisci Cingulo*, piisque *eius* monitis & legibus obtempera, ac singularem erga Matrem meam affectum, devotionemque imitare.

Si mundi vanitatibus trahi te cernas; ad florigerum illum hortum maqui *Virginis* plantatum te confer, ibique multis repletum mysteriis collige *Rosarium*, cujus spiritualis suaveolentia non solum mihi *Matrique* gratissima est, sed & tibi contra mundi hujus foetores utilissima.

Si denique illum timeas, qui tamquam leo rugiens, circuit querens quem devoret, fuge cito ad montem, ibique scutum sume tuexpugnabile *SACRUM SCAPULARE*, quod à Patre concessum est *Matri* in signum salutis eorum, qui illud constanter, & ex pio, ac sincero in *Dei Matrem* affectu gestaverint. Hæc quippe, quæ (z) diligit diligentes se, immò sibi servientibus servit, sui amatores hoc insignitos caractere non potest non redamare, non potest redamando deferere, adeoque nec potest incessanter pro iis non orare, donec ea gratiæ subsidia ipsis obtinuerit, quibus vel per constantem mandatorum observationem, vel per sincerum

(t) Orat. Sod. B. M. V. (u) Idem ibid. (w) Idem ib. (x) Eccles. 6. (y) Confrat. S. Trin. inst. an. 1196. ab Innoc. III. aliisque 46. successor. approbata. Confrat. S. Franc. inst. an. 1587. a Xisto V. & Clem. VIII. aliisque successor. approb. Confrat. S. Rosarii inst. a S. Domin. a Pio V. aliisque successor. approb. Confrat. Zonæ S. Aug. an. 1430. ab Eugen. IV. aliisque successor. confirm. Confrat. S. Scapularis, inst. an. 1251. a S. Simone Stock, & ab Innoc. IV. aliisque 28. successor. & S. D. N. Clemente X. approb. Sodal. B. V. inst. ap. PP. Sec. Jesu an. 1584. a Gregor. XIII. aliisque successor. approb. Sodalit. SS. OO. Duaci Crecia in coll. Aquic. an. 1572. & a Clem. VIII. aliisque successor. approb. (z) Idem sup.

cerum ac perfectum de peccatis dolorem, æternam salutem consequantur : ideoque rectè dictum : (aa) *in quo quis moriens æternum non patietur incendium.*

CHRISTUS.

Fili , Ecce Mater tua.

6. **M**ater pulchræ dilectionis : (a) *Illam honora , & impetra-
bit tibi salutem & pacem.* Illam lauda , illam glorifica ,
(b) *in cujus manibus reposita est salus tua.*

PECCATOR.

Numquid tibi soli , O Christe , debetur omnis laus , honor & gloria ? numquid Mater tua conserva nostra est ? numquid ancilla tua ?

CHRISTUS.

Noli vocare conservam tuam , quæ cum adhuc in ejus laterem utero , Spiritus Sancti illuminante gratiâ à cognatâ suâ Elisabeth Mater Dei proclamata fuit. Neque ancillam tu dixeris , cujus (c) *humilitatem ita respexit Omnipotens , ut Dei Patris Verbum carne sua indutum utero gestaverit : dumque se ancillam confessa esset , mater facta fuerit sui plasmatoris , ideoque & (d) omnium Domina.*

Matrem itaque invoca , cui *magna fecit qui potens est : Matrem invoca , (e) in cujus manu salus tua : Matrem invoca , quæ post Filium Domina est universæ terræ.* Matrem invoca , cujus misericordia sæpe liberavit , quos justitia Filii damnare potuit. Matrem invoca , (f) *quæ omnibus misericordiæ sinum aperit , ut de plenitudine ejus accipiant universi.* Matrem , inquam , invoca , ut gratiam invenias apud Patrem & Filium. Nam (g) *sicut omnis ab eâ averfus , & despectus , necesse est , ut intercat : ita omnis ad eam conversus & respectus , impossibile est , ut pereat.*

S s 4

PEC-

(aa) B. V. M. Simoni Stock. (a) Bonav. Pf. 83. (b) Id. in cant. Domini a. diel. (c) Aug. sup. magnif. (d) Bern. sup. (e) Idiot. supra. (f) Bern. supr. (g) Ansel. in alloq. cœlest. n. 27 edit. Lugd. an. 1630. & ex eo Bonav. to. 6. l. 1. Pharetræ cap. 5.

PECCATOR.

7. Da veniam Christe : numquid mihi sufficit Deus ? an si Deum habeo, aliquo alio indigeo ? numquid in Deo habeo omnia ?

CHRISTUS.

Rectè ; unus tibi sufficit Deus : at Deum non invenies, nisi per Mariam, quæ est *Templum totius Trinitatis*. (h) Quod igitur Deo offerre vis, Mariæ manibus trade, si non vis sustinere repulsam, (i) ex quo enim dictum est ei, Dominus tecum, inseparabiliter perseveravit promissum & donum : (k) sicque illam Deus exaltavit, ut omnia secum possibilia ipsi esse donaverit, evaseritque illa (l) benedictionis fons, ac bonorum omnium scaturigo. Et quemadmodum (m) facultas illi deesse non potest, sic nec voluntas : ideoq; (n) peccatorem materno affectu amplectitur, fovet nec deserit, quousque horrendo iudici miserum reconciliet. (o) Inventâ igitur Mariâ invenitur omne bonum.

PECCATOR.

8. Numquid unus Mediator Dei & hominum ?

CHRISTUS.

Sed (p) opus est mediatore ad mediatorem, qui licet sit misericors; habet tamen judiciariam potestatem : nec alter vobis utilior quàm Maria. Sum quidem mediator & advocatus apud Patrem : sed (q) ipsa est advocata apud Filium, sicut Filius apud Patrem : imò apud Patrem & Filium procurat negotia & petitiones vestras. Sicut enim est omnium Regina, sic & omnium Patrona & Advocata, & cura illi est de omnibus ; (r) & tamquam mater misericordiæ, & efficaciter salutis tuæ negotia pertractat.

(s) Ad Patrem verebaris accedere ; solo auditu territus ad folia fugiebas ; Jesum tibi dedit mediatorem. Quid non apud talem Patrem

(h) Bern. ser. de nativ. V. (i) Arnold. de laudib. Mariæ. (k) Ansel. c. 12. de excel. V. (l) Damasc. or. 2. de ass. (m) Bern. ser. I de ass. (n) Idem ap. Bonav. in spec. c. 5. (o) Idiot. sup. (p) Bern. in sign. mag. (q) Idiot. sup. (r) Bern. ser. I. de ass. (s) Idem de aqua ductu.

trem talis Filius obtineat? exaudietur utique pro sua reverentia. Sed forsan in ipso Majestatem vereare divinam: quia licet factus sit homo, manserit tamen Deus. Advocatam habere vis & ad ipsum? ad Mariam recurre. exaudietur & ipsa pro sua reverentia: exaudiet utique Matrem Filius & exaudiet Filium Pater.

9. (t) *An criminum immanitate turbatus, conscientiae fœditate confusus, judicii horrore perterritus, barathro incipis absorberi tristitiæ, desperationis abyssu? Ad Mariam recurre: quæ est (u) Dei & hominum Mediatrix optima, ac totius terrarum orbis conciliatrix efficacissima: imò & * spes unica peccatorum, in qua tuorum est expectatio præmiurum.*

(w) *An intelligis te in hujus sæculi profluvio magis inter procellas & tempestates fluctuare, quàm per terram ambulare? ne avertas oculos à fulgore hujus Sideris, si non vis obrui procellis.*

(x) *An venti tentationum insurgunt? an scopulos tribulationum incurris? Respice stellam, voca Mariam.*

An times pericula? (y) In periculis, in angustiis, in rebus dubiis, Mariam cogita, Mariam invoca; (z) nam in omni periculo potes obtinere salutem ab eâ. Mille clypei (id est remedia contra pericula) pendent ex eâ.

An virtus ardua? (aa) In omni opere virtutis potes eam habere in adjutorium, & ideo dicit ipsa Eccles. 24. In me spes vitæ & virtutis. (bb) Spem itaque illius habens, servaberis; defensionem ejus possidens, non timebis: imò & persequeris inimicos tuos, & in fugam vertes, habens ut thoracem protectionem & auxilium ejus.

10. *Ego ostium, via, veritas & vita. Sed hæc est Mater, quæ (cc) Paradisi porta efficitur, scala cæli constituitur. Hæc est Mater, (dd) in qua est omnis gratia viæ & veritatis; omnis spes vitæ & virtutis. In Matre itaque reperies viam, per quam pervenias ad Patrem.*

Si mihi à Patre data est omnis potestas in cælo & in terra: hæc est Regina cælorum, hæc Domina Angelorum, quæ potest etiam dicere: post Filium (ee) data est mihi omnis potestas in cælo & in terra, quæ licet non sit absoluta & independens, ut mea; sed subordinata, ac dependens à Patre, cujus est Filia; à Filio cujus est Mater; à Spiritu S.

S s 5

cujus

(t) Idem hom. 2. sup. miss. (u) Ephrem. de laud. V. * Aug. ser. 2. de domin. annunc. (w) Bern. sup. (x) Idem (y) Idem. (z) S. Th. opusc. 8. (aa) Idem. (bb) Damasc. in annunc. degenit. (cc) Aug. ser. 2. de ass. (dd) Eccl. 24. (ee) Damian. ser. 44. qui est 1. in nat. B. V.

cujus est sponsa; à SS. Trinitate, *cujus est templum*: tanta tamen est, ut (ff) in petitione habeat vires insuperabiles, & robur inex-pugnabile, ne immensam ejus clementiam superet multitudo peccatorum: nihil ejus resistat potentiae: omnia ejus obediant imperio; omnia ejus potestati serviant. Adeo ut, (gg) Siingas B. Virginem aliquid postulare, totamque caelestem curiam illi resistere; potentior esset majorisque efficacia & valoris apud Deum Virginis, quam reliquorum omnium oratio. Neque id mirum videbitur consideranti, (hh) infinitum Dei servorum, ac Matris esse discrimen, justumque esse, ut (ii) quæ meruit pro liberandis proferre pretium, possit plus omnibus liberatis impendere suffragium.

Hæc itaque est Mater, ad quam omnes confugere debent; quippe (kk) quæ adjuvat tam bonos quam malos: bonos in gratia conservando, unde cavetur Maria Mater Gratiae: malos ad misericordiam reducendo, ideo dicitur Mater Misericordiae: adjuvat etiam in morte, ab insidiis diaboli protegendo; ideo dicitur, Tu nos ab hoste protege: adjuvat quoque post mortem animas suscipiendo; ideo dicitur. Et horâ mortis suscipe. Ne (ll) tamen aliquis eorum nimis insolens autumat, magis more indiscretè laudantium stadi, quàm rem sicut est considerari, eam jure materno cælo terraque cum filio suo præidentem considera. ideo iterum iterumque.

Fili, Ecce Mater tua.

II. **M**ater pulchræ dilectionis, timoris, agnitionis & sanctæ spei.

Si verearis peccator accedere ad Deum (a) qui ignis consumens est, ne (b) sicut fluit cera à facie ignis, sic pereas à facie Dei; (c) ad Mariam accedere ne trepides: nihil austerum in eâ, nihil terribile: tota suavis est, omnibus offerens lac & lanam. quæ ad eam pertinent, plena omnia pietatis & gratiæ: plena sunt mansuetudinis, & misericordiae.

12. Si me timeas, quia *Judex* sum, & non solùm *misericos*, sed & *justus Dominus*; accede ad *Matrem pulchræ dilectionis & timoris*: accede ad *Patronam*, quæ solùm novit misereri, ideoque innumeris velut alis misericordiae circumdata advolat ut opituletur.

Acce-

(ff) Gregor. Nicom. or. de oblat. Deip. (gg) Suar. to. 2. in 3. p. d. 25. S. 2. (hh) Damasc. or. 1. de dorm. (ii) Aug. ser. 2. de ass. B. V. (kk) Idiota sup. (ll) Ansel. de excel. V. c. 9. (a) Hebr. 12. (b) Pl. 67. (c) Bern. ser. in sign. mag.

Accede ad gloriosam illam genitricem, cui *a* (d) *bonitate meâ concessum est propter Incarnati Verbi reverentiam, ut quicumque etiam peccator ad eam cum devotâ Veneratione recurrit, nullo modo decipiatur à dæmone infernali: hæc enim est à me electa, parata & posita tamquam esca dulcissima ad capiendos homines, & præcipuè animas peccatorum.*

Accede confidenter: (e) *securum enim accessum jam habes ad Deum, ubi non solum mediatorem causæ tuæ Filium habes ante Patrem; sed & ante Filium Matrem. Christus Patri ostendit latus & vulnera, Maria Filio pectus & ubera: Ideoque nec potest ullo modo esse repulsa, ubi concurrunt & orant omni linguâ disertius hæc clementiæ monumenta, & charitatis insignia.*

13. Si adhuc hæsites; audi & quid ipsa Mater mea ex ore meo dixerit filix meæ Birgittæ: (f) *Ego sum Regina Cæli, Ego mater Misericordiæ . . . ego aditus peccatorum ad Deum . . . Nullus est adeo maledictus, qui quamdiu vivit, careat misericordiâ meâ . . . nullus est ita alienatus à Deo, nisi omnino fuerit maledictus (damnat) qui si me invocaverit, non revertatur ad Deum, & habeat misericordiam.*

Enim verò: Quid negabitur Matri, quæ (g) Mariæ Ægyptiacæ non solum templi Hierosolymitani ingressum, à quo ob scdissima libidinis flagitia divinitus arcebatur; sed & gratiam impetravit: quâ ad meliorem vitam conversa, omnibusque illustre poenitentix speculum relinquens, ad coelestem gloriam pervenit? (h) *Quid negabitur Matri, cui negatum non est, Theophilum de ipsis perditionis faucibus revocare? infelicem animulam, totum illud quod in illâ factum est, proprio charactere denegantem, de luto fæcis & miseriæ sublvare? Nil illi impossibile, cui possibile est desperatos in spem beatitudinis relevare.*

Accede ergo cum fiducia ad Matrem misericordiæ, ut securè pervenias ad thronum gratiæ & gloriæ.

14. Nec est quod timeas, ne plus fiduciæ in Matre, quàm in Filio colles: aut plus temporis aut precum Matri, quàm Deo impendas: (i) *Quidquid enim in laudibus Matris profertur, ad Filium pertinet. (k) Ut igitur sis devotus servus Filii, servitutem fide-*

(d) Revel. S. Cathar. Sen. apud Cor. à Lap. in Eccl. 24. (e) Arnold. Carnot. de laudib. S. M. (f) 1. 6. revel. c. 10. (g) In synodo Nicen. æt. 4. (h) Damian. ser. 1. de nat. B. V. (i) Bern. hom. 4. sup. mis. (k) Hildef. de virginib. B. M. c. 12.

fideliter appete Genitricis : sic nempe refertur ad Dominum , quod servit ancillæ : sic redundat ad Filium , quod impenditur Matri : sic alternat in nutritio , quod adhibetur in nutrice : sic transit honor in Regem , qui defertur in famulatum Reginae.

An nescis quid olim fecerit , suisque præceperit dilectissimus meus Matrisque Filius Dominicus ? numquid totus erat in salutatione Angelica ? illum imitare. Nec ideo desinam tibi esse *omnia in omnibus*. Sum *alpha & omega , principium & finis* : sed ad finem non pervenies sine medio. Medium inter te & me est Maria. Ut igitur me invenias , quære Mariam : ut Filium colas , ac diligas , (1) *totis præcordiorum affectibus , & votis omnibus Mariam hanc venerare* ; quia *sic est voluntas ejus , qui totum te habere voluit per Mariam* : adeo ut (m) *nihil à throno Dei divini muneris defluat , quod per Mariæ manus non pertransierit.*

Fili , Ecce Mater tua.

15. *M*ater pulchræ dilectionis , quæ non solum filiorum est , sed etiam eorum qui se ejus mancipia & servos esse pronunciant ; non instar mundi hujus aulicorum , sed Coelitum more , sanctorumque PP. (n) Augustini , Isidori , Athanassi , Epiphani , Chrysostomi , Damasceni , Bernardi , Anselmi , Hieronymi , Ruperti , Chrysologi , aliorumque , qui , licet dominium regnumque Mariæ sic facti fuerint , ut illud non aliquibus cancellis circumdandum putaverint , sed potius ad omnes usque creaturas etiam minimas extendendum senserint , non ideo desierunt esse liberi , quâ libertate illos liberavi , sed potius (o) *servire huic Reginae regnare , & ejus agi frenis , summam libertatem esse judicarunt.* Nec ideo inanes fuerunt & aulicæ eorum submissiones ; cum per illas gratiam Matris , & gloriam Filii promeriti sint.

Erras , erras fili , si quempiam etiam sanctissimum in parallelo ponas cum Matre , quæ (p) *uno excepto Deo rebus omnibus excelsior est , (q) cunctisque superior existit.*

An nescis , Mariam (r) *supergressam esse in naturâ , in gratiâ , in gloriâ universas Filias , id est , universas animas & universas intelligentias angelicas ?*

An

(1) Bern. de aquæ ductu in nar. V. (m) Richard. à S. Viç. ap. Colv. in Calend. (n) Apud Salazar. in prov. c. 8. 16. (o) Rich. à S. Laur. sup. (p) Andr. cret. or. 3. in dorm. S. M. (q) Epiph. in ser. de laud. V. (r) Bonav. in spec. l. 13.

An nescis (s) *Montem esse Mariam, quæ omnem electæ creaturæ altitudinem electionis suæ dignitate transcendit? An non mons sublimis Maria, quæ ut ad conceptionem æterni Verbi pertingeret, meritum verticem supra omnes angelorum choros usque ad solium deitatis evexit? An non altitudo Mariæ super omnes sanctos refulsit?*

(t) *Quid dicit pauper ingenio? cum de Matre quidquid dixeris minor laus est, quàm ipsius dignitas meretur. Si cælum eam vocet, altior est. Si Matrem gentium dicas, præcedit. Si formam Dei appelles, digna existit. Si dominam angelorum vocites, per omnia esse probatur.*

Quid? sit (u) Deus suâ potentiâ parando cuncta Pater est ac Dominus omnium; nonne Beata Dei genitrix suis meritis cuncta reparando, Mater est ac Domina rerum? Deus est Dominus omnium singula in suâ naturâ, propriâ jussione constituendo &c. Maria est Domina rerum omnium singula congenitæ dignitati per eam quam meruit gratiam restituendo.

An non (w) oportebat Dei Matrem ea quæ Filii erant possidere, atque ab omnibus rebus conditis, ut Dei Matrem & ancillam adorari?

Igitur, (y) *Sicut ex eâ natum Dei Filium Solem æternum adoras, ut Deum verum: sic & eam honora atque venerare, ut veri Deigenitricem. Et quamvis naturâ non eadem sit quod ille Sol: nihilominus tanta est, ut eam honoret ipse Sol honore, quo decet filios honorare parentes suos: qui enim dixit; honora patrem tuum & matrem, non dubium, quin & ipse honoret, & ab omnibus amicis suis suam velit honorari Matrem: ideo namque (z) omnem gratiam Matri & honorem impertit.*

Vis nosse, quantæ sit dignitatis maternitas Dei? Audi Doctorem Angelicum: (b) *Dicendum quodd B. Virgo ex hoc quodd est Mater Dei, habet quamdam dignitatem infinitam ex bono infinito, quod est Deus: & ex hac parte non potest aliquid fieri melius eâ: sicut non potest aliquid melius esse Deo. Audi & Doctorem Seraphicum? (a) Ipsa est (Deipara) quâ majorem Deus facere non posset: majorem mundum posset facere Deus: majorem Matrem quàm Matrem Dei non posset facere Deus.*

Ex

(s) Gregor. in 1. Reg. c. 1. (t) Aug. to. 10. ser. 35. de sanct. (u) Anselm. de excel. V. c. 11. (w) Damasc. Orat. 2. de ass. (x) Rupert. in cont. c. 5. l. 6. (y) Iliopol. orat. de sanctif. (z) 1. p. q. 25. a. 6. ad 4. (a) Lect. 10. in spec.

Ex his discite, Matrem meam, & Sanctos servos meos (b) (cùm infinitum inter illos sit discrimen) non æquali; sed hos dulciæ, illam (c) hyperdulciæ cultu colere, quæ longè eminentioris quam illa est ordinis, licet ad latrām non pertingat, nec perungere possit.

C H R I S T U S.

Fili, Ecce Mater tua.

16. *M*ater pulchræ dilectionis, (d) suavis & decora sicut Jerusalem, terribilis ut castrorum acies ordinata. (e) Suavis & decora... quod ex visitatione ejus discunt animæ plurimæ celestem ducere conversationem. Terribilis dæmonibus, hæreticis & impiis sicut castrorum acies ordinata, in qua summa est omnium concordia, ac proinde nullus in eâ per discordiam aditus datur hosti.

(f) Cessent igitur indocti, vesanique hæreticorum sermones, iniqua eorum labia obturentur, quibus (g) invocationem Mariæ idololatricam, & tetrum errorem esse clamant; catholicos falsò accusant (h) quòd honorem divinum in Mariam transferant, sicque (i) Deo eripiant quod suum est; immò & (k) ipsam Deum constituent, ac (l) invocent, quasi ego non essem propitiator, sed tantum horrendus iudex & ultor, (m) colentes pro creatore creaturam, meque relicto vero Mediatore, ad Matrem Virginem convertantur, ab hac postulant, quod petendum erat à Filio.

Cessent inquam indocti illi vesanique hæreticorum sermones: Si leant hypocritæ malis artibus & fraudibus omnia miscentes: iniqua obturentur labia indiscretorum zelatorum honoris mei & gloriæ, qui ut cultum Matris meæ penitus è mundo tollant, ejus splendorem, potentiam, dignitatem acclementiam obfuscare conantur, quasi hæc æterni Solis splendorem diminuire possent. Obturentur & iniqua labia eorum, qui sacrum Scapulare alis Icari, Chordam S. Francisci laqueo Judæ: immò & ipsam Matrem meam cuilibet vul-

(b) Damasc. or. 1. de dormit. (c) S. Th. 3. p. q. 25. a. 5. O. & TT. omnes. (d) Cant. 6. (e) Rupert. in cant. 6. (f) German. ser. de dorm. B. V. (g) Nicol. Selneccer. apud Canis. de V. M. l. 5. cap. 16. (h) Heerbrand. ap. Canis. ibid. (i) Calvin. in c. 2. Jo. ap. Can. l. 5. cap. 11. (k) Luther. ap. Canis. ibid. (l) Melancthon. ap. Canis. ibid. (m) Bullinger. & Brentius ap. Canis. 18. aliique.

vulgari foeminæ publicis in concionibus per summum contemptum assimulando, Imagines, Rosaria, Litanias aliasque precationum formulas, & externa in Deiparam pietatis officia, exitiosa aut inutilia esse affirmant.

Tu verò (n) *Audi Fili, & accipe consilium intellectus, & ne abjicias consilium meum*: (o) *Confortare in Domino, & in potentiâ virtutis ejus: indue te armaturam Dei, ut possis stare adversus insidias diaboli, & asseclarum ejus: sta in veritate & indue lorica[m] justitiæ: in omnibus sume scutum fidei, galeam salutis, & gladium spiritus, in quo possis omnia tela nequissimi ignea extinguere*, ac Deiparæ, Coelorum Reginæ gloriam, honoremque tueri. Sta firmiter in hac *castrorum acie ordinatâ*, ut (p) *bello petitus eam hostibus opponas, immissionemque per angelos malos evertas*.

Nulla inordinatio, nulla discordia reperitur inter veros Mariæ clientes, qui sub ejus vexillis in Sodalitiis, & Confraternitatibus militantes, promptè obediunt Euangelio: non contendunt verbis, nec invicem mordent circa dotes & prærogativas Matris meæ: multò minus præsumunt decernere quod Deus non revelavit, & Ecclesia non definivit. Tales quippe non reperiuntur in hac *acie benè ordinatâ*, (q) *non dissipatâ per invidiam, sed constipatâ per charitatem*: in quâ omnes sanctè statuêrunt Deo & Ecclesiæ in omnibus parere: adeo ut unusquisque quod mihi & Matri gratum est, exequi studeat. His cura est de tremendis Mysteriis, ut debito cultu adorentur: illis, de captivis ut redimantur: his, de pauperibus ne fame aut frigore pereant: illis, de rudioribus ac infirmis in fide, ut catechisentur: omnibus, ut *Regi sæculorum immortalì, invisibili, soli Deo sit honor & gloria* (divina & latræ) *in sæcula sæculorum*. Amen.

(n) Eccles. 65. (o) Ephes. 6. (p) German. supra. (q) Hugo à S. Vict. ex Miscellan. 2. l. 1.

CULTORIS MARIANI AD DEIPARAM

O R A T I O.

O MARIA Mater Dei, potentissima coeli terræque Regina: Ecce JESUS dilectissimus Filius tuus te mihi in Matrem dedit. Per admirabilem igitur amorem, quo illum dilexisti, te obtestor, suscipe me in filium. Miserere mei, O Mater Misericordiæ, & magnam miseriam indignissimi peccatoris sublevet magna, atque ingens miseratio piissimæ Matris. Largire O Mater Gratia, ut illis annumerer, quos tamquam filios amas, foves ac protegis. Accipe, quæso, animam tui amantem, & serva in te sperantem, O spes unica peccatorum, in qua nostrorum est expectatio præmiorum. Fac ut amore amoris ejus moriar, qui amore amoris mei dignatus est in ligno crucis mori: ut tandem te cum Patre, cujus es Filia; cum Filio, cujus es Mater; cum Sp. sancto, cujus es Sponsa; cum omnibus Sanctis, quorum es Regina, videre & gloriificare merear in perpetuum. Amen.



COLLOQUIUM CUM JANSENITIS,

Qui A. LIII. damnati & Româ Parisios redi-
turi, Tigurum transiverunt,

Habitu a Celeb. Viro, Domino

HENRICO HOTTINGERO.



IE 16. August. 1653. Venetiis ad nos
accessērunt 1. Natalis de Lalane, D.
Facult. Parisiensis, Abbas B. M. de
Valle Crescente. 2. Tussianus de Des
Mares, Presbyter Congregat. Orat.
3. Ludovicus de Sainct Amour, S.
Facult. Paris. Doctor ac Socius Sorbonicus. 4. Nico-
laus Menassier Facult. Paris. Doctor, & Socius Sor-
bonicus. 5. Nicolaus Angram, ejusdem Facultatis
Licentiatus, & Ecclesiæ Trecentis Canonici; Ro-
mam antehac delegati, ut nomine Episcoporum & to-
tius Galliæ causam agerent Jansenitarum.

Cùm salutâssem D. Ludovicum de Sainct Amour,
& gratam sibi compellationem meam fuisset testatus, cæ-
teris itineris Sociis adventum meum indicavit. Varia
cum iis contuli, quorum quædam exciderunt, cætera
ab aliis sunt notata. Quæ singuli suæ eruditionis hîc
reliquerint vestigia, paucis notabo.

Dom. de Lalanc , Abbas M. B. de Valle Crescente , domi meæ rogatus cum cæteris , quid animi esset ? Num Pontificis sententiâ stare vel cadere vellet ? Occasionem præbuit ventilandæ controversiæ de summo in Ecclesiâ Judice. Cùm enim D. Maresius Concilium superesse responderet ; Ego verò magnis illud ingratiis Papalistarum , qui Papam Conciliis multis præferant parasangis , fieri regererem , utrique hoc munus assignari posse voluit Abbas. Quòd si , inquit , oborto Schismate ipse se subjiciat Pontifex Concilio , standum ejusdem judicio : confirmatum enim à Concilio Papam ipsi dominari Concilio.

Dixi I. Hancce me utriusque summi Judicis , Concilii & Papæ , paritatem videre non posse. Neque enim duos in ordine dari supremos. II. Ita adversis pugnare frontibus ipsos Pontificios ; dum alii fidei examen ad solum rejiciant Papam ; alii ad Concilium ; alii ad Concilium cum Papa : atque , hoc sine dubio , varios in Pontificiæ fidei consecraneis scrupulos excitare. III. Ex multis constare documentis , Papas Concilii sententiæ aliquid detulisse , dum spe obsequium ejus & votorum certitudinem jam anticipârunt. Si secus res cecidit , ne casâ quidem nuce digna æstimâsse. Solitas has Romanæ Curiae esse artes. Hæc dum moventur , Scripta quæro historica ad Sæc. xv. quo fabula hæc in Concilio Pisano ad scandalum Christianismi impudenter fuit acta.

Interfatus D. Des Mares inquit , hanc antiquitus obtinuisse consuetudinem , ut nullis unquam habitis de fide Conciliis Provincialibus aut Nationalibus Papa Romanus contradixerit. Exemplis deinde egit , quibus , quantum colligere potui , aliud nihil voluit ,
quàm

quàm fidem in Gallia pro suo tentarent dogmate, eodem se posituros jure.

Objeci; cum non dubitet, quin pro Orthodoxia sint condemnati, qua fronte Pontificis in judicando tueretur ἀναμαρτήσιαν? Respondit Abbas, quem & cæteri pœnè uno sequebantur ore, esse errorem facti. Errorem facti? quærebam. Itane Pontifex summus & infallibilis Controversiarum Judex in re tam seria præcipitat. Egone homuncioni adeo temerario ἀνυπεύθυνον de fide mea judicium committam.

Atque hic (quod abundè probârunt gestibus) aqua iis hælit. D. Maresius dicebat subridens, Annosus est Pontifex noster, cui acta nostra percurrere non vacabat. Cur ergo Vos, dicebam, qui in hac palæstra ad stuporem estis versati, non audivit, aut sermonibus omnibus fidem non adhibuit? D. de S. Amore in diversorio mihi postea ingenuè fuit fassus; Papam hoc sibi in casu minimè satisfecisse. Cum urgerent subinde, esse errorem facti: juris errorem ex Canonum ignorantia committi.

Dixi hanc nimis esse latam elabendi viam. Indignum nomine Judicis videri, qui regulas sui juris ignoret. Auxit iuspicionem vel temerariæ præcipitantiæ, vel turpiter à Papa neglecti officii, aperta sive Maresii sive Abbatis confessio, Pontificem veritatem nec defendisse, nec rejecisse. Sed & hoc molestè ferebant, Pontificem ipsis eum affinxisse sensum, quem publicè suum esse negassent. Affirmasse eundem (ita referebat Abbas) sententiam suam cum modestia, cum vigore, cum prudentia & cum doctrina proposuisse, & tamen causâ cecidisse.

Postea D. Tussanum opportune compellandi occasio

data est in Bibliotheca Civica. Dixi, mirandum esse, Jesuitas doctrinam Augustini de gratia Dei ita impudenter allatrare, cum eo tempore nemo illam tractârit fœlicius. Observare me tum *demum de Patrum sententia judicandum esse, cum controversiam aliquam aggressi sint ex professo*. Hæc enim nisi probè teneatur regula, fore ut quilibet Hæreticus sibi indulgentes & assentientes fingat partes. Valde hæc & Maresio & cæteris placuit regula. Ingemuerunt interim, Jesuitas ita perfrixtæ frontis esse, ut in omnibus, in quibus adversarium habeant Augustinum, cæspitasse eum clament; velle omnino illos gratiam tantum esse pedissequam. Meum etiam exemplo Augustini confirmarunt monitum, qui scribat expressè, Pelagianis disputationibus se ad veritatis callem fuisse perductum; ante hunc fervorem multos locutos duriusculè; aliam nunc esse rationem, ubi veritas tot ventilata disquisitionibus tandem emerferit.

Hic verò Marcus, cum primis acris Jesuitarum adversarius, non semel dixit, totum eos turbare mundum; universam eosdem Ecclesiam pessundaturos; præferre semet mentis conceptas opiniones salutis Ecclesiæ. In Hospiniani Historia Jesuitica fervide legit vitam Ignatii Lojolæ. In diversorio eadem texta fuit tela. Querebatur Jesuitas omnia impune facere. Non ita pridem Aureliæ violentas sibi intulisse manus Jesuitam suspectis stipatum literis, in quem tamen nulla fuerit inquisitio habita, patrocinium deferente vel Cancellario, vel alio aliquo magno Galliæ Viro.

Qua etiam occasione Henrici, Professoris Casuum (cujus libri curâ D. de S. Amore editi in Bibliotheca nostra servantur) injecta fuit mentio. Narrabat Ab-

bas de Valle Crescente, habuisse Jesuitam discipulum, qui casus in 5. 6. 7. præceptis dictatos exceperit calamo. Portentosa autem hæc dogmata cum in alius incidissent manum, exhibita fuisse Rectori Academiæ, D. de Sainct Amour, qui per Notarium publicum certamen, & formalem processum institui iusserit. Non negasse discipulum (nescium tamen cui bono hæc suâ manu conscripta) ex ore Henrici fuisse excerpta. Reigitur perspectè exploratâ libros typis excusos, atque sic, quàm impia sit Societatis doctrina palàm fuisse factum. Neque dum tamen pro dignitate sceleris in reum animadversum. Palinodia & exilio Professoris crimen potuisse elui.

Subjecit his D. Maresius, publicis extare scriptis D. de Sully Henricum IV. cur Confessionibus audiendis Jesuitam adhiberet, rogatum respondisse: *Alium eligere non licuisset: vix enim tutò mihi per eorum insidias degere daretur.* Mirabantur cæteri omnes, hæc publicè haberi.

In cœna ipsa de tribus cum D. Maresio fuit nobis sermo 1. de Monachatu. Apponebatur præter cæteros missus Truta: rogatus num ad palatum fuerit? respondi, si quando ordinem sequi contigisset Monasticum, Carthusianorum sine dubio propter ἰχθυοφάρμακον mihi arrisurum. Atque hic, inferebat Maresius, omnium est innocentissimus. Fert tamen constantissima fama, dixi, eos sibi nocere, purgavit eos è vestigio tum Maresius, tum Abbas, à suspitione χειροπορίας. Quam haud obscurè innuebam.

Progressus hac occasione ad originem Monachatus, dixi, eam ex persecutionibus primis datam & natam: quod approbavit Maresius: mox ipse & alias hujus

instituti causas & propagationes enarravit. Commendavit Monachatum exemplo Basilii, Augustini, Monachorum & Conciliorum veterum. Ad quæ respondi, certum esse ex Hieronymo & aliis, vitam Monasticam sopitis & persecutionum flammis sua habuisse incrementa. Alios enim Cleri Romani invidia, alios vitæ humanæ tædium in inhospita adegit tesqua. Hos suo ingenio vixisse, nemini molestos, non paucis commodos. Jam verò per Regulas astringere velle ad ejusmodi solitariam vitam, strictioremque disciplinam inepti generis homines, id verò perinde absurdum videri, ac si quis pileum eundem omnibus accommodaret capitibus. II. Si vita Monastica intra limites, quibus Augustini & Basilii tempore fuit circumsepta, substitisset, fortè aliud fatum experta fuisset; Veterum enim Monachorum cœnobيا pietatis & eruditionis gymnasia extitisse, ex Historiis jubare clarius apparere. Quò verò tandem Monachorum licentia, *χρηματοφιλία* & luxuria eruperit, unico me vicini Monasterii Ongiæ divitis seu Majoris probaturum. Quò paulò plenius enarrato subjecit Maresius, certè Ecclesiam adeò corrumpi dolendum est. Cumque nostros Monasteriorum redditus usui pauperum impendi affirmassem: Rectè, inquit, facitis, & planè ad testatorum intentionem.

II. De Justificatione luculentam differendi ansam ex Monachorum meritis, & causa quam defendebant, de Gratia Dei, arripui. Tutissimum esse dixi, salutem nos nostram unicè ferre acceptam gratiæ Dei. Magnam utique ac proinde solam salutis anchoram æstinandam illam gratiam, quâ Deus, cùm non alia daretur ratio, suum ipsius donaret Filium, qui assumptâ carne

carne victima pro peccatis nostris esset. Mihi proinde placere illud Jesuitæ, qui in Arce Aschaffenburgensi Moguntini Archi-Episcopi Adamante sequentia vitro insculpsit verba: *Ego P. R. Ziglerus fateor me spem omnem ponere in solo merito Jesu Christi*; ad quæ verba Maresius, sublatis in Cælum oculis, quasi attonitus, & Ego spem meam nec in meritis B. Mariæ, nec Sanctorum, nec Monachorum, sed solius J. Christi colloco. Ita ergo, intuli, magnum fidei articulum habemus ἑξαιρώριον!

Quæ verò, quasi aliud acturus, quærit uterque, sententia tua de bonis operibus: illa, quæ fidem, gratiam Dei & illuminationem sequuntur, num & illa Apostolus in Ep. ad Rom. à merito excludit? Hic jam ab ovo accersere cœpi scopum Apostoli in tota Epistola præfixum. Hoc volui Eum agere, ut 1. tam Judæos, quàm Gentiles peccati & maledictionis æternæ convincat. 2. Rationem & modum justificationis ostendat. 3. Fundamentum & originem ejusdem pandat. 4. Effecta justificationis, seu opera justificatum consequentia exigat. Hac dixi Methodo Apostolum procedere, omnesque ad eò salutis rivulos ex uberrimo fonte gratiæ Dei derivari. Video ergo, inquit Maresius & Menassierus, meram inter nos esse λογομαχίαν & facilitè dissidium hoc componi posse. Hæc, repeti, sententia nostra est. Duo autem in vobis potissimum desideramus. 1. Quòd Justificationem cum Sanctificatione confundatis. 2. Quòd Justitiam Christi imputatam, quam in Monachorum meritis multi urgent, tollatis.

Exceptit Maresius: Justitiam imputatam Catholici multi admittunt. Scio, respondi, multos esse, quos

inter Colonienses in Antididagmate (quorum mentione ita affecti videbantur, ut gestibus præ se ferrent, quasi non modò scripta eorum legissent, sed & approbassent) qui Justitiam Christi imputativam non rejiciunt, attamen Bailius Jesuita, & cæteri hujus farinae Doctores sceptice & indigne eorum nomina traducunt. Pressi deinde paulò fortius, Papæ & Institutorum ejus impudentiam, qua articulum hunc de Justificatione Nundinis Indulgentiariis planè perverterint, accusarunt, addentes non modò pecunia, sed & pecoribus diplomata vendita fuisse atque Pontificem ære alieno vacillantem Indulgentias Majoribus nostris vendidisse, & ex pretio iisdem satisfacisse.

Hanc illi Simoniam detestati, usum revocandum existimârunt. Sum, ingerebat Maresius, bonus Catholicus, nec tamen aliter Indulgentias admittendas censeo, quàm Nicœna, Gangrensis & Tridentina Synodus præscripsit. Tollatur abusus, maneat usus. Fateor, regessi, in rebus necessariis hanc regulam valere: in adiaphoris verò, nedum planè impiis, non item. Nec enim rerum, verbo Dei è diametro oppositarum, ullus esse potest legitimus usus.

III. Tandem etiam Secessionem nostram ab Ecclesia Romana idem Maresius magno & excitato animo reprehendit, loco adducto ex Augustino, quo probare voluit, nec miracula fecisse, nec martyrium subiisse, nec quodcunque aliud bonum opus patrasse, extra Ecclesiam, quidquam juvare. Se enim omninò credere, nullum unquam tempus fuisse absque Ecclesia, absque docentibus & discipulis, baptizantibus & baptizatis. Vidi Oceanum nos ingressuros, in cujus portu nolui naufragium facere. Et cum anim-

ad-

adverterem, hanc pro dignitate quæstionem tractari non posse, illos etiam suo penso horarum Canoniarum aliquid reservasse, paucis, dixi, habere Ecclesiam suas Eclipses & in V. & in N. T. Queri Hieronymum totum ferè mundum factum Arrianum.

Ad quod ille ex Augustino, 1. Intelligendam Hieronymi querelam de Concilio Sardicensi seu Philippopolitano, ubi subito Episcopi inscii in Arrianorum pertracti fuerint retia. 2. Augustinum concedere, hæreses omnes latius serpere, quàm doctrinam orthodoxam: nullam tamen hæresin paria spatia cum Evangelio complere.

Respondi 1. malè Hieronymi querelam ad solam Episcoporum referri seu ἀβελείαν, seu Apostasiam. Nostris teri manibus res illorum temporum gestas, quæ clarè probant, Hunnos, Gothos, Vandalosque Italiam, Hispaniam, Africam, aliaque orbis loca Arianismo infecisse, variisque suppliciis impietatem illam sanxisse. 2. Forte Augustini tempore distinctionem illam locum habuisse. Ex quo verò Muhamedanismus orbem inundavit, certum esse, illum omnes pœne orbis angulos pervasisse. Id fateri Pontifices aliquor, Urbanum II. ex Concilio Claremontano & Pium II. in Mantuano. Atque sic Colloquii filum fuit abruptum. Hoc interim semper volvit ille saxum, Eandem plane nostram esse causam & rationem, quæ Donatistarum cum Augustino.

IV. D. Ludovicus de Amore S. jam ante mihi notus magna se insinuavit familiaritate. 1. Prolixus fuit in commendando D. Maresio, cui parem Gallia à longo tempore non habuerit: vix credi posse in unum aliquem tot Dei dona esse collata: vitam sibi suam

ex fama illius non semel fuisse exulceratam : Hominem aliquandiu non æstimasse dignum , quem audiret : tandem amicorum precibus expugnatum magna quadam festivitate concioni ejus interfuisse , unde didicerit , superare eum adhuc famam & æstimationem , etsi fragrantissimam. Nunquam , fateor , sic ille ad me , officium hominis Christiani Catholici perfecte novi , antequam hanc ejus audivissem concionem. Omnes Jansenitæ hunc magni faciunt. Audituri concionem Senatores , alique Viri magni longè antè per famulos suos occupant subsellia , ne ab aliis præripiantur : aded magno applausu concurritur. Ipse aliquando interfuturus concioni bene mane famulum meum misi , ut de comodo loco prospiceret. 2. Enarravit , quâ curâ & sollicitudine Abbas & Maresius negotium Romæ egissent , inspectante Papa , Cardinalibus & XIII. Theologis ; aded ut infensissimus illorum hostis D. Maresio Papæ cubiculum transituro , in aurem dixerit : Vos cor meum inflexistis. Cæteros omnes Cardinales etiam veniam prolixæ orationis rogatos , uno ore fassos , nunquam sibi moræ tædium obrepturum , tam doctis aures demulcentibus Viris. 3. Spem fecit actuum omnium edendorum. 4. Italiam , Romam præsertim , ignavos fovere ventres , non paucos tamen ibi esse , qui Jansenitarum patrocinium susciperent. 5. Jam Romæ rumorem percrescuisse , Jansenitas non habere ratam illam condemnationem : & cum Papa hoc nomine moneretur , respondisse : Mentem meam non mutabo.

V. Nicolaus Menassier magno in Linguas & Literas Orientales ferri videbatur studio. 1. Laudavit conatus D. Flavignii. 2. D. Simeonis de Muis , scripta

pta ejus Germanis probari, aliunde se habere dixit. 3. Miratus fuit Arabum Bibliothecas esse tam locupletes. 4. De Bibliis Tigurinis cum cæteris præclarè sensit. 5. Audivisse se quædam denuò Chrysostomi scripta reperta ad prælum parari. 6. Bibliothecarium Vaticanum fassum esse, se primum in Bibliotheca locum assignâsse Augustino, tum ob Authoris præstantiam, tum etiam in contemptum Jesuitarum: atque hominem nequam & Jesuitam eodem se habere loco. 7. Egressurus ex cubiculo post dissertationem de Pontificis Potestate & Gratia Dei, semel atque iterum ad me dixit: Utinam tam parata esset in cæteris Conciliationis spes atque in his articulis.

VI. Nicolaus Angram pauca addidit. Observavi tamen 1. quod Jesuitarum scripta cum reliquis non magni faceret. Cum Commentaria Cornelii à Lapide commendassẽ, non quidem ea extenuavit, sed ad Tirini mentionem illicò excepit, esse cum Epitomatotem Cornelii, & præter Horatium ac Ovidium nihil de suo addidisse: delectari Eos scriptis, quibus suam juventutem triverint. 2. Ostendi ipsi Libertatem Gallicam: quâ occasione monuit, Gallicanas Ecclesias necdum, quantum ad mores, Concilio Tridentino subscripsisse: sollicitatum Regem aliquando à Papa, ut cæterorum exemplo se subjiceret, respondisse Papæ suasu Consiliarii Regii, non se tergiversaturum, modò ipse præiret exemplo. 3. In pluralitatem beneficiorum est invectus: quæ etsi toties Synodi eam castigassent, tolli hætenus non potuerit. Hæc memoria repetenti Colloquium cum singulis habitum occurrerunt. Quæ ad totius causæ cognitionem faciunt, ex V. articulis illorum Romæ propositis colligi debent.

Ego


Ego hinc elicio I. Papam, parti utrique gratificaturum, pro more orbem Christianum luisse. Publicè damnavit Jansenitas: privatim Augustini doctrinam probavit. Hac calliditate Pontifex usus fuit in Controversiis inter Franciscanos & Dominicanos & ortis prope omnibus. Exempla dedimus in *Hist. Eccl. Sect.* xv.

II. Jansenitas mediam ex Augustino inter Reformatos & Molinistas quærere viam, quæ non datur.

III. Captiosè & calumniosè Reformatorum doctrinam ab iis proponi.

IV. Multum tamen eos lucis habere. 1. Quòd ab Augustino in hac controversia non recedant. 2. Et eundem, ut fatebantur coram Pontifice, vitâ suâ habeant chariorem. 3. De articulis fidei ab hac gratia Dei dependentibus suum in multis præbeant assensum. 4. Determinationem ultimi actus, & Gratiae Divinæ concursum ad omne opus bonum tam masculè urgeant. 5. Jesuitarum studia & mores planè improbent.

F I N I S.



IN-

INDEX

RERUM MEMORABILIMUM.

A.

- A**drianus VI. doctrinam de Gratia puram profitetur belgica fide. [160.](#) hinc veneno ab Italis sublatum. [161.](#)
- Africani Zozimo repugnant in confessione Cælestii acquiescenti. [467.](#)
- Alexander VII. turbari jubet Jansenii monumentum. [133.](#)
- Angliâ expulsi Jesuitæ, vel puniti, habiti conspirationis pulverariæ rei. [362.](#)
- Arausienensis Concilii canones, doctrinæ nostræ conformes. [426.](#)
- Arianismus & Pelagianismus, gemelli fratres. [402.](#)
- Aristotelica Philosophia postponitur Platonicæ. [54.](#) prohibita tempore Hasmonæorum. [400.](#)
- Arnaldus Jansenismi fautor. Liber ejus de frequenti communione. [430.](#) summa libri. [16.](#) dogmata, notata, exagitata ab adversariis. [494.](#)
- Arroyus (Bastianus) Doctor Paris. scribit pro justitia armorum regis Galliæ, cui opponit se Jansenius. [77.](#)
- Augustinum amat Jansenius. [27.](#) ejus doctrinæ de gratia incumbit. [16.](#) [44.](#) ejus tamen methodum non secutus. [149.](#) cujus opera omnia decies evoluit, libros de gratia & libero arbitrio tricies: hinc edito opere, cui titulus Augustinus a Lamæo, Caleno, Fromondo. [225.](#) clam editur opus, ratio tituli, summa, effecta, consequentia. [227.](#) &c.

B.

- Bajus (Michael) a Pio V. & Gregorio XIII. condemnatur. [45.](#) quisille, & qualis ejus fides. [278-289.](#) ejus censura. [289.](#) succumbit opera Jesuitarum. [292.](#) favet illi Jansenius. [295.](#)
- Bannez (Dominicanus) Professor Salmanticensis opponit se Jesuitis. [319.](#)
- Barberinus Cardinalis certior factus sub prælo sudantis Augustini, studet suppressere, sed irritò conatu. [228.](#)
- Baronius, ejus genius in doctrina morali ostenditur. [544.](#) queritur de Jesuitis. [315.](#)

I N D E X

- Bastida causam Jesuitarum agit in Congregationibus de Auxiliis.* 348.
Belgæ defenduntur contra Jansenium. 94. *ab iis defecit in studio libertatis.* 139. *doctrinam de gratia puram habuere depascente orbem Romanum Pelagianismo.* 159.
Bellarminus, ad eum provocat Jansenius in controversiis. 70. *Molina sententiam Pelagianam vocat.* 222. *ipse ad Pelagianos revera accedens.* 309.
Bellum Bohemo-Germanicam defenditur. 109.
Biblia vertunt Jansenitæ & Montibus edunt. 185.
Bonæ Cardinalis Ethica. 165.
Boni & mali originem invenire mysterium est sententiæ Augustini, crux vero Gentilium. 259.

C.

- Calenus (Henricus) Archipresbyter Bruxellensis, cum Fromondo editor operis Janseniani.* 57. 226.
Calvinus accusatur a Jansenio, quasi sustulisset arbitrii libertatem; quam falso, ostenditur. 270.
Carolus V. Imperator doctrinam Lutheri de gratia probat moribundus. 162.
Cartesianam Philosophiam amplectuntur Jansenitæ. 185. *hinc in Voetium odium.* 188. *idea istius Philosophicæ Theologiæ.* 192. & seq.
Cassiani themata, Patriarchæ Jesuitarum a Pontificiis dicti. 420.
Catechismus Gratiæ edunt Jansenitæ ut sensum sui Magistri explicent. 240. *dogmata in eo contenta.* ib.
Chinenses ut conversi a Jesuitis ad Christianismum. 535.
Christianissimi titulus, quo iure conveniat regibus Galliæ. 82.
Clemens VIII. Jesuitis parum amicus in congregat. de auxiliis. 32. 35. 321. *statuit edita bulla Jesuitas damnare, sed vivis eripitur.* 325.
Clemens X. abnuat primum probare libellum J. B. Bossueti. 299.
Condomensis Episcopus favere videtur thesibus M. Baii. 299. *ejus placita.* ibid. & 300.
Congregationes de auxiliis. 222. *illarum historia sub Clemente VIII. & Paulo V. accuratius pertextitur.* 316. *acta.* 326.
Conrius (Florentius) quis & qualis fautor Jansenii. 54.
Crommius (Adrianus) Collegii Jesuitici Lovaniensis præfectus inquit in opus Jansenii, sub prælo sudans. 227.

RERUM MEMORABILIMUM,

D.

Decreta contra Jesuitas Clementis VIII. non vulgantur. 325. *Paulus V. non audet ea promulgare.* 356. *exhibentur tamen.* 366. *Dominicani finguntur Reformatis favere, quia Gratiae defensores.* 263. *hinc sententiam emolliunt.* 264. *Jesuitas accusant Pelagianismi.* 306. *Clementem VIII. prudenter ad suas partes trahunt in congregatione de Auxiliis.* 321.

E.

Ephesinum Concilium Nestorii errores & Pelagii simul damnat. 416. *Episcopatu fungi Jesuitas prohibuit Ignatius Loyola.* 155. *Erasmus doctrinam Lutheri de gratia probat.* 162. *sibi ipsi mox contrarius.* 16. *Papa jubente Lutherum oppugnat.* 441. *Ethicae Jansenii specimen.* 164. *Ethica Cardinalis Bonae, & Gibieuf.* 166. *Jesuitarum Ethicam recte aversatur Jansenius.* 453. *summa Ethicae Jansenianae.* 461. *summa Jesuiticae Ethicae.* 500.

F.

Fausti Regiensis themata. 422. *Fromondus (Libertus) Socius operis Jansenio & ὁμό-ἡγοῦ, describitur.* 52. *gesta, scripta.* 53. *respondet Voetio.* 63. *odium ejus in Reformatos.* 180.

G.

Gallia expulsi Jesuitae; sed revocati. 357. 359. *de Galliae Regum unctione, tributa iis sanatione strumarum, titulo Christianissimi, lege Salica &c. ex Jansenii Marte Gallico.* 81. *Gandavensis Praesul Jansenii fautor.* 231. *Gibieufii Ethica.* 166. *Gottescalci historia.* 429. *oppugnatur a Johanne Erigena Scoto, nugatore.* 432. *Gratiae doctrinam recte excoluit Jansenius, illa erat veterum Belgarum.* 156. *Sancyrani de gratia dogmata.* 470. *Jesuitarum.* 380. *Pauli V.* 366. 367. *Jansenii.* 249. 251. *Augustini.* 253. *Gregorius XIII. Bajum condemnat confirmando bullam Pii V.* 289.

H.

Henricus IV. Galliarum Rex Jesuitas in regnum revocat. 40. 163. *hinc iis faventior Paulus V. non fert in illos decretoriam sententiam.* 357. *Hofmannus, Lexicographus, notatus.* 2.

I.

Jansenius, primus Gandavensium Episcopus Concordiae Evangelicae author, alius a Nostro. ejus vita & mors. 1. 2. *Jan-*

I N D E X

Jansenius (Cornelius) Patria ejus & parentes. 3. studia puerilia Trajecti. ib. Academica Lovanii: gradu Doctoratus in Philosophia ornatur. 6. Consilia init cum Sancyrano. 7. in Gallias proficiscitur. 8. redux Collegio Pulcheriæ præficitur. 12. renuit professionem Philosophicam. 16. odit Philosophiam Scholasticam: Doctor Theologiæ. 13. consulit cum Sancyrano de Ecclesia Rom. reformanda. 15. Professor Theologiæ. 17. ejus virtutes, amor veritatis & Augustini, odium Iesuitarum. 20-23. Legatus in Hispaniam mittitur. 25. suo Augustino. 22. annos impendit. 45. fautores ejus. 54. 55. lites cum Sylwæducentibus & Voetio, hinc natum Alexo-Pharmacum Iansenii. 60. Voetii Philonium Romanum correctum. 62. Iansenii spongiæ Voetius desperatam causam Papatus opponit, quam tacente Iansenio Fromondus ad Censuram vocavit, cui Schookius respondit. 63. methodus disputandi cum Reformatis. 65. disputat cum Theodoro Simonis. 68. suspicax Iansenii & sævum atroxque ingenium. 75. Martem Gallicum scribit. 76. operis idea exhibetur. 80. culpatur a Gallis, laudatur ab Hispanis. 88. Episcopatum Iprensensem meruit. 113. excipitur multis adulationibus, mox in calumniam versis. 117. 118. anagrammata. 119. acta ejus Episcopalia, structura Palatii, reformatio Diocæseos. 121. expolit Augustinum. 122. editionemque promovet. 123. summa proponitur V. articulis. 126. moritur absoluto vix opere. 129. Testamentum ejus. 130. Sepultura, Epitaphium. 131. jussu Alexandri VI. turbatur ὤδοντις Iansenii. 136. non attendit Iansenius ad Libertatem Batavum. 138. odit reformatos cane pejus & angue. 179. Scripta ejus, præsertim Augustinus vid. tit. Augustinus, Dogmata. 237. & seqq. errores. 384. refelluntur. 390.

Iansenitæ, eorum odia in Reformatos. 183. Cartesianæ Philosophiæ favent. 185. non consentiunt per omnia cum Reformatis. 391. accusantur a Iesuitis multarum hæresium. 557.

Iansonius (Iacobus) discipulus Baii, præceptor Iansenii. 42. studium ejus pro gratiæ Augustinianæ defensione. ib.

Idololatria Ecclesiæ Romanæ. 523. & seq.

Iesuitæ, odit eos Iansenius. 25. Clementis VIII. favorem captant. 36. Iansenium excipiunt, Episcopum Iprensensem, adulationibus, mox odiis. 118. astus Iesuitarum ubique conspicui toto volumine, triumphant admodum favore Pontificum. 291. recte accusantur

Pela-

RERUM MEMORABILIMUM.

Pelagianismi a Jansenio. 305. audaces satis in congregatione de auxiliis. 320. Papæ minantur. 340. Iesuiticum systema delineatur. 378-384. Ethica Iesuitarum a Iansenitis oppugnatur. 485. delineatur. 500. dogmata eorum de peccato & amore Dei. 507. de amore proximi. 512. impietas in propaganda fide. 516. Idololatria circa B. Virginem. 523.
 Innocentii X. breve ad compescendos motus in Belgio. præfat.
 Innocentii XII. decretum in Jansenistas. præf.
 Iprensus Episcopatus desertur Jansenio. 113. Epithalamium civitatis. 116. idem Belgice. 211. institutus ille ad jugum Belgis imponendum. 147.
 Iustificaciones gratiam Iansenius non satis excoluit. 169.

L.

Lemos (Thomas de) disputat pro Dominicanis contra Bastidam. 348.
 Lessius Bajum perstringit. 45. defenditur a Sixto V. 49. se tueri conatur auctoritatibus veterum.
 Libertas arbitrii non negatur a Reformatis. 269. male de eo statuit Pelagius. 407.
 Lipsius commendat Jesuitas. 4. etiam Vergèrio. 7. ejus judicium de Cicerone & Scholasticis. ib.
 Lovanienses censuram in Jesuitas promulgant. 47. iterato edunt. ib. post pauca repetunt. 51. summa censuræ, ibid. Sceptici nimis in negotio religionis, proni animum mutare, jubente Pontifice. 197.
 Lugdunensis Ecclesia Scoto repugnat. 436.
 Lupus Servatus opponit se Pelagianis. 430.
 Lutherus defenditur contra Iansenium. 275. Lutherani a principis deficiunt. 442.

M.

Maimburgii lepidus de Pontificibus jocus. 151.
 Manichæismi falso insimulantur Reformati. 269.
 Mariana socios Jesuitas Pelagianismi accusat in congregatione de auxiliis. 313.
 Mariæ Virginis idololatra Baronius. 19. omnes Jesuitæ. 523. ulterius ostenditur. 525.
 Martyrum Catalogo inseritur a Pontificiis Garnetus : conspirationis in Anglia pulverariæ reus. 362.
 Massilienses qui & quales. 416.

Mechliniensis Episcopus Iansenistis inimicus. præf.

Molina quietismus ortus ex Iansenismo. 167. damnatur Molina. 198. ejus propositiones in congregationibus de Auxiliis censura notantur.

Monachatus antiquis temporibus longe alius ab hodierno. 153. hunc impugnat recte Iansenius, sed periculose. 154.

Monita salutaria B. Virginis. 631.

Morerius, Lexicographus, notatus. 2.

O.

Oratorii Patres cum Iansenitis conspirant. 185.

P.

Paulus V. XIV. congregationes habet de litibus Iesuiticis. 32. ejus decreta non vulgantur. 34. imponit utrique parti silentium. ib. sub eo habitæ congregationes de Auxiliis. 340. Iesuitas in angustias redigit. 344. decretum scriptum non audet edere. 356. exhibetur. 366.

Peccatum originis, error circa id Iansenii. 387. dogmata Iansenii. 463.

Pelagianismus, de eo fuse. 395. vid. & tit. Iesuitæ.

Pennottus (Gabriel) auctor Libri, Propugnaculum humanæ Libertatis. 218.

Perronius (S. David) examinat acta concilii Tridentini, nequam. 39. ejus astutia & consilia pro Iesuitis. 358.

Philosophiam Platonice Aristotelicæ præfert Fromondus. 53. Iansenius abnuat professionem Philosophicam. 12. Iesuitas Papa prohibet docere Philosophiam. 24. obnituntur tamen Duaci, sed Alberto, Archiduce Austriæ, indignato & interdicante sedatiores. ib. Græca prohibita tempore Hasmonæorum 400. Cartesianæ Philosophicæ Theologiæ specimen. 192.

Pius V. condemnat Bajum. 288.

Pontifices quales judices in controversiis fidei. 38. 41. eorum infallibilitatem nequit tueri Iansenius. 69. a Maimburgio reprehenduntur, quod S. S. non concionentur ex ambone, ut prædecessores. 150. eorum autoritas a Sanctarello nimis effertur supra potestatem Regiam & Imperatoriam. 538.

Principum jura & axiomata quomodo limitent Iesuitæ. 537.

Prosper opponit se Pelagianis: ejus quædam notata. 425. & ex poematis. 444.

Prudensius, Episcopus Treassinus, opponit se Hincmaro. 434.

Refer.

RERUM MEMORABILIMUM.

Reformati defenduntur. 94. 140. a Iansenio oppugnantur ne vide-
retur ad eorum fidem accedere. 175. licet plurimum consentiat.
156. Reformationis necessitas. 218. Reformatis favere dicitur
Iansenius sed hanc inuri maculam sibi non tulit. 263. male ac-
cusantur a Iansenio quasi negarent arbitrii libertatem. 262. fa-
tentibus & nonnullis Iansenitis. 274.

Romanæ Ecclesiæ scepticismus omnia Pontificis arbitrio subjicientis.
596. antiqua fides & secessio. ib. idololatria in cultu B. Vir-
ginis. 523.

Rosæus (Petrus) sanctioris consilii præses creditur Iansenium juisse
in Marte Gallico. 56. 93.

S.

Sanctarellus Pontificis auctoritatem nimis evehit. 538. hinc a
Sorbona notatus. ib.

Sancyranus Abbas (I. Vergerius) ejus natales, studia, acta, consilia
cum Iansenio. 6. Iesuitis primum addictus. 7. Erhica ejus &
dogmata ex Iansenisticis principis deducta. 469. 483.

Scotus Erigena palam πηλαγιστής, hinc ab Ecclesia Lugdunensi
correptus. 437.

Semipelagianismus quis. 415.

Servita (Paulus) æquus Reformatorum æstimator. 183. nobis con-
sentit in doctrina gratuita prædestinationis. 281. 282.

Sixtus V. Lessium defendit. 56.

Sociniani Pelagiani sunt. 415.

Sorbona damnat Iesuitas Papæ adulatos. 37. & Sanctarellum.
538.

V.

Theodorus Simonis cum Iansenio agit de rebus fidei. 69.

Thomæ sententia de gratiæ efficacia ad examen revocatur, in
congregationibus de Auxiliis & probatur. 353.

Transsubstantiatio an conciliari possit cum ratione Cartesiana. 188.

Tridentini Concilii acta examinanda committit Papa I. D. Perro-
nio. 38. vulgatum V. approbant, fontium ignari. 152. erro-
res circa Liberum arbitrium. 219.

V.

Valentia (Gregorius de) Cardinalis Iesuita ægre fert Clementis
VIII. decretum. 35.

Veneti litibus ortis cum Pontifice Romanæ Iesuitas in exilium mit-
tunt. 361.

INDEX RERUM MEMORAB.

Vergerius. vide Sancyranus.

Voetius Iansenio se opponit, edito libro. 62. cui Spongiam r mittit Iansenius, Voetio plenissime Desperata causa Papatus eam refutante. 63. eum odio habent Iansenitæ. 189.

W.

Waldensium de gratia doctrina. 439.

Z.

Zuarefius author confessionis per Epistolas. 319. Iesuitarum principilus. 320. cautior cæteris Iesuitis. 308.

F I N I S.

E R R A T A.

Pag. 35. lin. 11. Iansenio lege Sancyrano. p. 58. l. 6. Germanam l. germanam. p. 96. l. 19. flectentis l. flectens. p. 114. l. 31. Zonnavarius l. Zannazarius. p. 123. l. 12. Caramnele l. Caramuele. p. 162. l. 22. quæ l. quem. p. 229. l. 13. augustino l. augustus. p. 227. l. 12. hære ci l. hæretici. p. 340. l. 22. aditu l. adito. p. 362. l. 12. atque & l. &. p. 364. l. 7. MDCXII. l. MDCXI. p. 376. l. 29. est, l. est, quod. p. 378. l. 2. Jesuitarum l. Jesuiticorum. p. 414. l. 20. separari l. superari. p. 473. l. 22. dele quidam.









